

M A R I A N A
D E R E B U S
H I S P A N I Æ.
T O M U S P R I M U S.

THE NEW YORK

LIBRARY

ASTOR LENOX TILDEN FOUNDATION

1215 FIFTH AVENUE



JOANNIS MARIANÆ ¹²

SOC. JESU

HISTORIÆ
DE REBUS

HISPANIÆ

LIBRI TRIGINTA.

ACCEDUNT

FR. JOSEPHI EMMANUELIS MINIANÆ

Valentini, Ord. Sanctiss. Trinit. Redemptionis Captivorum,

CONTINUATIONIS NOVÆ

LIBRI DECEM

CUM ICONIBUS REGUM.

TOMUS PRIMUS.




HAGÆ-COMITUM,

Apud. PETRUM DE HONDT.

MDCCXXXIII





A D
P H I L I P P U M . I I .
H I S P A N I Æ R E G E M
C A T H O L I C U M
A U C T O R I S P R Æ F A T I O .



*Q*UOD nostri homines expetebant , externi convivio efflagitabant , Philippe Rex Maxime , sub tuo felicissimo imperio præstitum est . Annales de rebus Hispaniæ Latina lingua confectos in publicum damus , exemplo nationum aliarum uno volumine comprehensos ; sic orbem terrarum unius tabula angustiis includimus aliquanto detrimento magnitudinis , nulla veritatis injuria ; sed in ea tamen brevitæ res maximè nobiles ,

AUCTORIS PRÆFATIO.

biles, bellaque sæpe pleniori narratione explicantur: non secus ac ex angustis ripis egressus amnis in patentes campos latè diffunditur restagnatque; multarum vigiliarum magnique laboris opus: utinam tam felix gratumque, quàm pium debitumque patriæ officium. Herculeæ planè audacia, quis neget? quis non videat? Sed scriptorum tamen in hoc genere penuria, argumenti nobilitas, otium, quod consecrata Italica Gallicaque peregrinatione nonnullum Toleri suppetebat, ad scribendum impulit; & erat spes sublata perficiendi, quæ de Theologia superioribus annis institueram, huic tempori quamvis, nostræque vitæ rationibus magis accommodata commentaria. Dicendi arte & elegantiæ potiores multi sunt: rerum nostrarum cognitione qui excellent, occurrant in Hispania passim; qui ad utriusque rei nonnullam facultatem, adjunxerit voluntatem studiumque ingentes labores tolerandi, quales historico subeundi sunt, nulla præmiorum spe, exiguis ip præsentis opibus, fortasse nullus existat. Nostræ ætatis Hispanis scriptoribus quibusdam certè, comparari non volumus, non optamus; adjutos ab iis esse his annalibus conficiendis, quasi parata materia, congestisque ruderibus structura faciliore, non negamus tamen: cum sit sordidi & humilis animi usuram accepti sanioris non solvere, unde census augeatur, nihil detrahatur certè de capite; & alioqui sumpsisse satendum est, ne silentio furripuisse videamur; fortasse etiam iis ducibus aliquando erratum est, non sine spe veniæ, cum alienis vestigiis insistamus. Veteres Hispaniæ historias evolvimus: excussimus veteres schedas monumenta antiquitatis, acceptas publicè ex vetustis templorum tabulariis, ab amicisque privatim præstanti humanitate eruditioneque viris. Quæ
prima

AUCTORIS PRÆFATIO.

prima lex est historiæ, veritatis in primis cura est habita: quæ lux maxima, temporibus designandis superstitiosè sæpe sudatum est. Arabum annos cum nostris annis exacta ratione comparavimus primi, atque exæquavimus: Locis, oppidis, fluxiis, montibus, vetera nomina reddidimus: neque reipublicæ casus, sed uti erat necesse, ecclesiæ etiam vicissitudines explicuimus; cum proveniunt singula, an vano conatu, nostrum dijudicare non est: ne lector quidem facile statuat; tempus aperiet iudex, testisque syncerus, obiretatione & invidia sublata. A primis temporibus ad avorum ætatem narratio progreditur, cum Maurorum imperium eversum est in Hispania; recentiora contrectare ausi non sumus, multorum offensione vitanda: præsertim levi gratia operæpretioque, cum multa in utraque lingua monumenta de rebus postea gestis extarent. Felicioribus ingeniis via patefacta est & campus, ubi eruditionem jactent, Hispaniæ res majori copia elegantiaque sermonis illustrent. Nobis cæpisse sit satis: aliosque provocasse fructus erit, multo maximus, siue ad scribendum demuo, siue ad castigandum nostra. Synceris tantum animis fiat, & siue contentionis studio, uti viros decet memores humanitatis. Nam in tanta rerum sylva nunquam offendere miraculi instar esset. Locorum propria ac familiarum considerabunt alii accuratius: si monuerint quod in rem sit, non sine gratia emendabitur; si quid temere præterivisse, aut non satis explicasse videbimur, docti facile & libenter sententiam commutabimus. Tenuitatem ingenii nostri, imbecillitatemque agnoscimus. Historiæ conscribendæ quanta sit difficultas, si initio esset ignoratum, usus docuit; infirmam valetudinem, quid attinet excusare, nisi ad confessionem culpæ ipso supra vires conatu susceptæ? Tuo

qui-

AUCTORIS PRÆFATIO.

quidem, Rex, augusto nomini hos labores consecramus, nulla neque spe, neque ambitione mala inducti; sed humanitas singularis invitavit: & rerum quæ in universa Hispania contigerunt explicatio, cui æquius adscriberetur, quam adjecta nuper Lusitania Regum Hispaniæ felicissimo, lateque fufum imperium ad utrunque cæli axem iisdem quibus Solis cursus regionibus terminanti? Quod ut proprium faustumque sit, atque novis incrementis majus, dies noctesque pro tua salute & incolumitate vota facimus.



JOAN.

JOANNIS MARIANÆ HISTORIÆ DE REBUS HISPANIÆ, LIBER PRIMUS.

C A P U T I.

De Tubale, & Hispania fertilitate.



UAPHETI filius Tubal, mortalium primus in Hispaniam venit, sic magnorum virorum consentiens opinio est, eam orbis terrarum partem aliis alio deductis coloniis, multis per late patentem provinciam oppidis constitutus imperio, iusto moderatoque tenuisse. Anno enim post diluvium terrarum generale iuxta anteriorem computandi rationem centesimo trigesimo primo in omnes provincias Adæ posterius dissipati sunt. Tentata Nembroto duce turris Babylonice ædificationis, spretique numinis ea scilicet merces fuit, sublato divinitus sermonis commercio cum inter se non intelligerent homines, necessario terrarum orbis trifariam divisus in trium filiorum Noe jurisdictionemque concessit. Semo Asia omnis ab Euphrate versus orientem Solem Syriacque data est. Chami posteritas Babylonem, Arabias, Ægyptum, totamque Africam obtinuit. Japheti familie Asiæ pars ad Septentriones obversa à Tauro & Amanio montibus, Europaque universa obvenit. Alii Japheti filii in alias regiones abierunt. Tubal autem quinta ejus proles ad Occasum ablegatus, Hispanorum gentem & regnum primis illis temporibus, rudique adhuc seculo, auspicio numine

Tom. I.

annuente atque auctore in æternum ea in orbis parte constituit. Unde excellentes bello paceque viri ab omni memoria prodierunt, bonorum omnium copia exstitit, ampla ad scribendum materia ob rerum amplitudinem & varietatem: scriptorum tamen inopia, qui res Hispaniæ per se præclaras, litteris ipsi illustrarent. Provocavit hæc ipsa penuria quosdam quidem, ut poetis fabulis quam incorrupta historiæ propiora memoriæ propagarent: nos autem ut hoc ingenio, & hac eruditionis tenuitate gravissimum scribendæ historiæ onus subiremus, magis vindicandæ ab injuria veritatis studio, quam laudis spe præmii: quod neque cupimus ab hominibus, neque reddi poterit laboribus par quocunque tandem successu. Ergo de regionis natura, situ, linguis, moribus quædam initio dicenda sunt. Hispania terrarum plagâ comparanda optimis, nulli cedit, neque salubritate cœli, neque frugum omne genus ubertate, neque metallorum gemmarumque copia, quibus tota ferme scatet. Non ut Africa violento Sole torretur, neque ut Gallia ventis, cœli rigore, humiditate terræ, ærisque fatigatur, sed media inter utranque, verni caloris temperie, & tempestivis sæpe imbribus geluque hyemis tempore fecundatur: adeo ut ex Hispania non indigenis tantum, verum externis etiam remotisque nationibus, ipsique Italiæ multarum rerum copia suppeditet. Omni enim

A

enim

enim materia affluit, cuicunque pretium aut vitæ necessitas fecit, aut humani ingenii vitium & ambitio conciliavit. Suaves imprimis arborum fructus sunt, vinearum vinique nobilitas præcipua: frumenti, mellis, oleique copia: pecoris, faccari, bombycis, lanarumque vis maxima: argenti & auri secturas habet: ferrariæ ubique occurrunt: sunt & speculares lapides, sunt & marmorum lapidinae, mira ludentis naturæ colorum varietate. Minii nulla regio feracior. Soli multiplex & varia natura: alibi multa arbor, alibi arboribus nudi montes agrique, rari sæpe fontes, pingue solum, cum vigesimo trigesimoque sæpe efficit, nonnunquam octogesium excedit, sed rara ea felicitas agrorum est. Quæ mitiora sunt frugibus frumentoque serviunt: cætera pabulo pecorum. Magnam Hispaniæ partem squalida siccitate loca, rupes horridæ & saxa tenent (nonnulla ea injuria est) qua certe parte ad Septentrionem vergitur: Australia benigniora sunt, eximique felicitate conspicua Maritimi piscatu abundant, cujus in Mediterraneis penuria est, propter maris longinquitatem, raris fluminibus, paucis stagnis: nihil tamen otiosum, nihil sterile: quacunquē parte frugum messis denegatur, sparti copia funditur ad

nauticos funes conficiendos, variosque vitæ usus. Equorum velocitas tanta est, ut ex ea re commento probabili vento gigni, apud externas nationes veteresque scriptores vulgatum sit. Plinii etiam testimonio in extrema historia naturali, quacunquē ambitur mari, omnium terrarum optima & uberrima Hispania est secundum Italiam: cui ipsi læta cœli facie, atque aëris nulla paludum gravi nebula insecti æquabili salubritate præstat: ac nisi per æstatem aliquando terræ ariditate, pluviarumque inopia laboraret, rebus omnibus ad victum cultumque vitæ necessariis, cæteras omnes provincias Europæ atque Africæ absque controversia vinceret. Hoc quidem tempore propter Indicum commercium, quo ad orientis occidentisque Solis oras, Hispanorum arma nostra & avorum ætate invicta virtute penetrarunt, copios omnibus, omneque genus mercibus beata facile regionum omnium obtinet principatum. Inde auri, argenti, gemmarumque vis immensa ac vix fidem factura, si ad numerum referatur, publice & privatim navigationibus anniversariis advectioni propitio cœlo, magno nostræ gentis splendore famaque, aliarum nationum haud levi proventu: ad quas ex nostris opibus fructus reddit multo maximus.

C A P U T I I

Hispaniæ situs & ambitus.

EXTREMA terrarum ad Solis occasum Hispania jacet, à Gallia Pyrenæis montibus, ab Africa angusto freto dirempta: corio bubulo similis figura (sic regionum descriptores aiunt) circumfuso undique mari: nisi quo latere Pyrenæos montes finem habet perpetuis jugis ab Oceano tendentes ad Mediterraneum mare, duobus promontoriis altero in Oceanum projecto, cui Olasoni nomen, altero in mare nostrum, cui olim à Veneris templo, nunc religione mutata à Cruce facta est appellatio. Ab hoc promontorio, ubi Gallia Narbonensis terminatur, ad extremas usque Gaditani freti fauces, Hispaniæ latus unum est quatuor præter Austrum Occasumque longissimo litorum tractu porrigitur ad Mediterraneum mare, leucas colligens

ducentas & septuaginta (continent autem leucæ singulæ millia passuum quatuor) si quidem extima legentes littora totum spatium metiamur: alioqui brevius aliquando iter est mari terraque, si à promontoriis, ubi se mare flexu locorum insinuat, introrsus extrorsusve recedatur. Ad hoc Hispaniæ latus Illiberis in ora antiquæ Galliæ sita est, vetustate & portus commoditate aliquanto, quam elegantia & civium frequentia hac tempestate nobilior. Post Veneris promontorium, quod Illiberi vicinum est, succedunt Lunarium, Ferraria sive Tenebrium promontoria, pari propemodum intervallo ab Iberi ostiis. Eo spacio Rubricati ostium est (quod hodie Lobregat dicitur) Barcino, Tarraco, Dertusa, atque Saguntum, fidei constantia suæque ruina nobilis,

bilis, Valentia, Sucronis (nimirum Xucar) ostium, Dianium. Sequitur promontorium Scombraria, propeque nova Carthago, & longiori intervallo, quod ab achatis hodie, quarum iis locis magna copia est, nomen habet promontorium: & à Græcis olim quoniam ii lapides ad conciliandam grætiā valere crediti sunt; Charidemum vocabatur. Succedit Almeria, quæ ex Abderæ ruinis crevisse creditur: alius Urcl est in Bastetanis: deinde Malaca: ac tandem ad freti angustias Heracles five Calpe, à Calpe monte, cui imposita est. Mox Tartessus, nostris Tariffa, unde totum fretum Tartessiacum dictum est: & fortassis utrumque nomen à Tharsis, hoc est, Carthagine vel Tuneto manavit, ob frequens quondam Pœnorum iis in locis commercium novis, ut fit, appellationibus factis. Herculeum fretum vocitatum est, quod Hercules suscepit expeditione in Hispaniam, Calpemque & Abylam montes utrinque freto impositos (Herculis columnæ eæ sunt) magnis in mare iactis molibus exaggerans eas maris angustias arctasse obturareque voluisse dicatur, quarum longitudo quindecim millia passuum efficit, latitudo, qua brevissimus trajectus est, vix septem. Idem Gaditanum fretum à Gadibus vocatum est; quæ insula fauces freti egressis ad dexteram in Oceano occurrit, à Pœnis deducta voce, quod ut Hispaniæ sepes (id enim Hebræis etiam Gheder est) objecta marinis fluctibus esset: olim septingentis passibus à continenti divulsâ, ambituque ducenta passuum millia numerans, nunc summa longitudine vix duodecim, ponteque cum continente commissa. Ab extremis freti faucibus usque ad promontorium Nerium in Calaciâ, quod hodie finis terræ dicitur, leucas ducentas viginti sex numerant præternavigantes. Nam Sancti Vincentii promontorium Sacrum è regione Pyrenæi mon-

tis positum, longissimumque ab illo Hispaniæ tractu distitum, excurrensque in Oceanum littorum anfractus efficit longiores aliquanto quam essent recta progredientibus. In his Oceani littoribus Hispani ad Bætīm est, atque qua parte se Tagus in mare exonerat, urbs Olisipo amplitudine, frequentia, commercioque cum primis Europæ comparandæ: propeque Artabrum promontorium: unde ad lavam Oceano Atlantico terminato, incipit ad dextram Oceanus Gallicus, quemadmodum in mari infero (sic arbitror) Iberici & Balearici appellationes Iberus amnis secrevit. Latus Hispaniæ tertium Septentriones inter & Caucum protensum leucas centum triginta quatuor parcat, haud quaquam directis exæquisque littoribus, ut Pomponius Mela existimavit, sed maris recessibus, littorumque inæqualitate non minus quam reliqua castigatum sinuosumque. Portus insignes maxime Brigantinus, Lauretanus, Sanctique Emeterii (hi hodie portus Corugna, Laredius, Santanderiusque sunt) & fortassis Hispaniæ littorum sicut reliquarum provinciarum vetus forma immutata est, alibi exesis vetustate, alibi nova materia exaggeratis congestisque montibus, ad veterum descriptionum terræ injuriam, neque minorem denuo scribentium difficultatem naturæ inconstantia comparatum. Pyrenæi montis (quod quartum Hispaniæ latus est) longitudo Hispaniam versus incurvata aliquantum est: atque præter Ortum Septentrionemque porrecta ab Oceano ad Mediterraneum mare octoginta leucas continet: Justino sexcenta millia passuum, numeris proculdubio injuria temporis vitatis, & ex altissimo Cantabriæ monte, cui à D. Adriano nomen, despectum in utrumque mare esse memorant, quibus ea parte iter est: nisi oculorum ludibria pro vera specie venditantur.

CAPUT III.

Præcipui Hispaniæ montes & flumina.

CANTABROS inter & Vascones ad Rociam vallem, Gallorum procerum nobilem clade, quo tempore Cæsolus Imperator cognomento Magnus ir-

rumpere in Hispaniam conatus est; montes ex Pyrenæi jugis præcisi rectaque in Occasum delati, Cantabris Asturibusque ad dexteram Septentrionem versus relatis,

tis, Calacofque medios secantes Nerium promontorium, quod longissime procurrit in mare, in extrema Hispania confluunt. Citramontanorumque appellationem ab Ultramontanis vulgò in Hispania fecerunt. Ex his montibus Idubeda mons, versus Austrum ad Iberi fontes in Pelendonibus derivatur: (solum Aucensem hodie vocant ab Auca urbe veteri, cuius ad Villamfrancam vigesimo supra Burgos milliari vestigia monstrantur) & per Virvestam Arevaceseque, ubi Orbionis cacumina surgunt, neque procul Cauno, qui hodie Monticajus est, Bilbilim, Darocamque prætervectus mare Mediterraneum attingit non procul Dertulâ urbe, unde extremitas ejus montis partes hodie etiam nomen habent. Iberum amnem contra quam reliqui insigniores Hispaniæ faciunt ad Occasum ire Idubeda mons prohibet, duobus ostiis sese confundentem mari Mediterraneo. Paulo infra Caunum ex Idubeda emissus Orospeda mollibus initio jugis vix assurgere videatur: sensim tamen sese effrensus ulteriusque progressus Molinâ primum montes erigit, Conchâ deinde: ubi Sucronem ad levam, ad dextram Tagum emitit. Inde Confaburonis seu Confuegrâ montibus constitutus & in campis Laminitanis Anâ fontes enixus, ad Alcarassum, Seguramque procedens in diversas partes mariaque diversâ Tagrem (hic hodie Segura fluvius est) Batimque in saltu Tigenfi non longe à Casoria oppido fundit, ab Anâ fontibus remotum amplius centum millibus passuum, unde in duo brachia scissus parte una è regione Murciæ factus ad Murgim, hoc est Muxacram mareque terminatur, reliquis ad occasum Bæticanis à Bæta urbe, quæ hodie Baza est, ad ortum vero Contestanis veteris Hispaniæ populis, parte altera versus Malacam porrectus, & Eliberritanis jugis sese annectens, ultra Calpem ultraque

Tartessum tanta procurrit aviditate, ut penetrato mari fretique angustis tantum non obturatis, Africæ complexum non semel appetere videatur. Ex Orospeda prope Alcarassum Mariani montes (noster Serramorena) surgunt, quorum radices perpetuo ferme usque ad Oceanum Bætis ad levam alluit, ab Illiturgi Baticam mediam secans Cordubam, Italicam, atque Hispalim præterlabens demum in Oceanum evolvitur ad oppidum, quod antiquis Lucifri templum erat, nunc nunc ostio, olim duobus, quando Nebrissa & Asta ab antiquis in Bætis æstuariis ponebantur, à quo modo ostionis passuum millibus remotæ sunt. Non procul ab origine Orospedæ propeque Caunum è media camporum vastitate atque planicie montes alii oriri quidem videntur, cæterum in Pyrenæi brachiis quibus universa inneditur Hispania numerandos esse nemini dubium est, tamen initio vix assurgere viderentur, nisi aquarum divortia facerent, Durique cursum in Pelendonibus exorti non obscure Meridiem usque ad Numantium appetentem, recta ad occasum avertent. Horum montium apud veteres scriptores neque nomen ac ne mentionem quidem invenio: nunc numerosis nominibus atque novis identidem & ferme à vicinis civitatibus insignes per Numantium, Segobiam, Abulamque Castellam (ut mox dicemus) latissimam inter Hispaniæ provincias in veterem novamque fecerunt, præterque Caurium & Placentiam Tagi ductum, quo ad levam alluuntur, sequentes, Portugaliæ in duas ferme aquas partes secant, ad oppidum Sintram demum Tagro monti viginti octo millibus passuum ad Septentrionem ab Olisipone urbe impositum, occidentum Oceanum attingunt, desinuntque promontorio in mari constituto, cui Artabro apud Solinum quidem certe nomen est.

C A P U T I V.

Hispania tum vetus tum recentior diviso.

VETUS Hispania in tres partes divisa est, Lusitaniam, Baticam, atque Tarraconensem. Lusitani extremam Hispaniam ad Oceanum occidentum obtine-

bant, Duno, ad Septentrionem, ad Austrum Ana fluminibus comprehensi: atque à Durii parte ea, quæ è regione Septimancium est, linea ducta ad Tagi pontem, cui

ab

ab Archiepiscopo appellatio est indita, usque ad Oretanos Anæque ripam ab Hispania Tarraconensi secreti sunt. Abulam, Caurium, Placentiæ agrum, Castra Julia, Salmanticam, aliasque Castellæ nostræ ætate contributas urbes & oppida suo ambitu continebant. Bæti sequebantur Ana flumine atque utroque maritribus ex laceribus cincti usque ad Murgim: quod oppidum prope Charidemum promontorium situm erat, & hoc tempore Muxacra esse creditur. Unde ad finem Castulonis supra Emeritam usque ad Oretanos, ubi Almagrum est lautum municipium, ducta linea extremus Bæticæ limes ad Solis ortum constituebatur. Quidquid vero terrarum in Hispania relictum est, à Tarracone Scipionum colonia nobilissima, ubi Imperii Romani sedes diu fuit, unde jura dari populis, belli pacisque consilia prodire moris erat, Tarraconensis Hispaniæ nomen tulit. Hanc Isidorus Hispaniæ partem Hadriani seu Constantini Magni apud Sex. Rufum divisionem secutus, in Tarraconensem, Carthaginensem, Calæciamque nulla finium certa designatione partitus est. Neque erat facultas, finibus sæpe harum provinciarum pro voluntate imperantium proque rerum eventu alternantibus. Tarraconensem alii Citerioris Hispaniæ nomine universam, quemadmodum Lusitaniam & Bæticam una Ulterioris Hispaniæ appellatione comprehendunt. Nam qui Ibero amne Citeriorem Hispaniam ab Ulteriore fecerunt, quod aliquando certe factum est, iis antiquior Plinius & majori viri eruditione resistunt. Utraque hodie Hispania in varia & numerosa nomina abiit: quæ quinque tamen regionum nominibus comprehendi omnia nihil verat, postquam gens Maurica Hispania pulsa est. Portugalie gentem, nomen, regnum, & linguam primi condiderunt Galli Henrico Lotaringo duce: cui Portus urbs ad Durii ostium, & vicina oppida ab Alfonso Castellæ Rege eo nomine Sexto, dotis nomine data sunt. unde à Portu & Gallia duplicata voce (quæ opinio magnos auctores habet) seu potius, quod majori viri eruditione sequuntur, de Cale oppidi, quod nunc Caia est portui imminens, nomine Portugalie appellatio facta est, veteri Lusitania aliquanto longioris: ultra Durium enim præcipua regionis nobilitate solique fertilitate ad Mi-

Tem. I.

nium usque fluvium extensâ centum decem & septem leucas ad Oceani littora efficit universâ, angustior regionibus, ac ferme locorum latitudine ad Solis ortum æquabili, paulo supra Brigantiam per Durium Tagumque ad Pacis Juliæ finem in Anæ ripa (quæ ad Austrum clauditur) pertinens. Portugalie ad Septentrionem & Ortum Legionis regnum adhæret (sic dictum ab ejus provinciæ urbe regia Legionis). Continet Calæcos omnes & Astures Ovetenses, à Mearo flumine & Ribadeo oppido ad Llanis portum secundum litus extensos: ac præterea à Castella veteri quidquid Pernia saltu, & (qui inde ortum habet) Carrione fluvio & Piforica, quousque cum Durio conjungitur, inclusum est. Durioque transmissa Heva & qui in Hevam influit, Regamon ejus provinciæ litem constituit, Salmanticam inter & Abulam usque ad montium culmina & Portugaliæ extensum. Accessit deinde, uno excepto Placentiæ agrotationeque sacra, totus ille tractus, cui Extremadura nomen fecit, quod post Hispaniæ vastitatem rebus Christianorum resurgentibus, bellique alternante fortuna, utriusque nationis longo tempore ea provinciæ pars, limes esset extremus, alii diversam vocis notationem afferunt, quam nec resellimus hoc loco, nec probamus. Prolati etiam aliquando ejus regni fines sunt usque ad Emeritam veteris Lusitanie & Pacem Augustam Bæticæ civitates, uti locis competentibus historia declarabit. Navarri in Vasconibus censebantur. Pyrenæis jugis à tergo parteque ejus montis, quem in Nerium promontorium excurrere demonstratum est: reliquis ex partibus Aragonæ flumine ad Austrum, ad occasum fluvio ignobili, qui infra Calagurrim influit in Durium, Durique parte cincti sunt. Ultra Iberum hæc: citra autem Tudela Navarrae aliæque vicina oppida iis Regibus postmodum dotis nomine accesserunt. Quam provinciam quamvis angustis regionibus circumscriptam, neque incolarum numero frequentissimam (nam hoc tempore quadraginta milia familiarum tota ditone numerantur) in præcipuis Hispaniæ partibus poni placuit: quod Vascones veteres ejus provinciæ cultores à reliquis provincialibus sejuncti loca, quæ à Mauris armis inter primos vindicantur, regio occupato nomine ad patrum

B

memo-

memoriam constanter retinuerunt: bellorum sæpe alternante fortuna ultra præscriptos fines imperium proferentes, nam in urbe Anagaro Regum Navarra sepulcra; aliisque vicinis locis, ejus gentis extant illustria ditionis majoris monumenta. Navarra quasi navaerria dicta est, ut quidam arbitrantur, ex Cantabrica & Hispanica linguis voce duplicata, conflato nomine, navas Hispaniæ vulgo planities, terram Cantabri vocant erriam, commentum haud infusum nos his commentariis, Vasconum voce eam Hispaniæ partem nominamus. Aragoniæ regnum in Catalunos, Valentinos, & qui peculiari nomine Aragonii dicuntur, tributum est. Mediterraneo mari, Pyrenæi saltus parte extrema, ubi Ceretani erant, Vasconumque finibus, tribus ex lateribus ad Austrum, Ortum, atque Septentrionem cinctum, ad Occasum Ibero definitur, qua parte Vasconum fines attingit: lineæque magno sæpe locorum flexu per Turislonem, Darocam, Harisum, Turulim, Setabinque & Horiuelam ad Staberii ostium Illicim inter & Carthaginis portum ad mare terminata. Legibus & institutis ab aliis, Aragonii, Hispaniæ populis discrepant plurimum, retinendæ libertatis adversus Regum potestatem studio acres & incitati: quam antiquis majorum sanctionibus, scitisque, ne sese nimia efferat, luxurietque in subditorum perniciem, degeneretque in tyrannidem, circumscriptam hæcenus tenuerunt, non ignari à parvis initiis jus sæpe minui libertatis, nomen vero vel à Tarracone, vel ut alii malunt, ab Aragone flumine, unde ejus regni fines initio extendi cœperunt, mutatum habent. In Castella, quam ab arcium frequentia dictam putant, unaque regionum amplitudine, cœli clementia, soli bonitate, ingeniorum præstantia, diviti cultu, ac quodam fertili & peculiari nitore reliquis Hispaniæ provincias facile superat, exterarum nulli concedit, Asturum partem comprehendimus, totamque Cantabriam olim angustam regionibus neque Pyrenæos montes attingentem, deinde latiore, indicio Cantabrigæ, quæ urbs præter Lugru-

nium & Vianam ad Iberi ripam sita fuisse creditur in edito colle, cui Cantabriæ hoc tempore nomen est: & D. Eulogio martyri fluvius est Cantaber, cui Arago amnis confunditur Ega aut Iberus scilicet, argumento majoris olim latitudinis Cantabriæ, quam quibus hodie finibus circumscribitur, in Viscajam, Guiposcoam Alavam, & montanos divisâ. Continet præterea Castellæ regnum è Castella veteri urbes non paucas: atque in his Burgos, Segobiam, Abulam, Soriam, Uxamam, agrum Toletanum (novam Castellam hodie vocant, antiquis Carpentani) quam Tagus amnis interfuit, ab arenis volentibus aurum, aquarum suavitate, agrorum per quos decurrit nitore proventuque unus maxime celebratus. Fluit versus Occasum aliquanto ad meridiem flexu riparum: quod cum Durio, Ana, Bætique commune habet. Is Toletum in Hispaniæ umbilico urbem amplam, totius Hispaniæ lucem, arcemque, natura loci muniam, incolarum tum forma tum ingenio, & Religionis cultu sapientiæque studiis excellentem, totam ferme circulo, vastis præruptisque montibus magno naturæ miraculo penetratis abit, angusto arduoque aditu ad Septentrionem relicto, caldi salubritate, & in sterili solo propter agrorum vicinorum bonitatem, rerum omnium ad vitæ cultum victumque copias beatam civitatem. Inde Liboram prætervehitur frequens municipium, agri amœnitate, bonitateque præcipua, quod hodie oppidum vocatur Talavera, atque per medium vicinamque Lusitaniam, multis auctus fluminibus in Oceanum effunditur. In eadem Hispaniæ parte provincia Carthaginensis est, ubi Carthago Spartaria, Murcia, Conchaque numerantur: & Celtiberia, cujus caput fuit Numantia: præterea Aragoniæ marca in contestanis, quam vulgo Manchiam dicimus: Bæticaque, quæ ferme Vandalosia est, ubi Hispalis & Corduba sunt, atque Granata olim Eliberis, certe prope illam sita, portæ urbis atque vicini montis, quæ Elviræ nomen retinent, indicio certissimo.

CAPUT V.

De Hispanorum Linguis.

HISPANIS omnibus hoc quidem tempore lingua ea communis est, quam vulgo homines Castellanam vocant; ex multarum linguarum colluvione, ac praefertim ex Latinae degenerantis corruptione conflata. Nominis argumento, nam Romana etiam vulgo appellatur, tantaeque cum Latina affinitas, ut quod ne Italorum quidem linguae conceditur, perpetua oratione tum soluta, tum adstricta numeris loqui liceat simul Latine & Hispanice. Extremis Ipsitanis peculiaris lingua est ex Gallico sermone & Hispanico temperata atque confusa, eoque elegans auditurque grata. Valentini & Catalauni, unde originem habuerunt, Narbonensi idiomati, affini lingua utuntur: & fere locorum vicinitate & commercio vocabula magna ex parte moreque mutantur. Soli Cantabri linguam hactenus retinuerunt rudem & barbaram, cultum abhorrentem, multumque à reliquis omnibus discrepantem, & totius olim Hispaniae communem (sic fertur) & antiquissimam, priusquam in eam provinciam Romano arma sermoque penetrassent. Gens enim agresti rudique ingenio, quae plantarum instar multata tamen, terrae boni-

tate mitigatur, & montanis inaccesibilibus, externi imperii jugum vel admitti penitus nunquam, vel excussit quam primum; atque cum antiqua libertate veterem gentis, atque communem provinciae sermonem conservatum fuisse, fide non caret. Alii contra differunt veterum auctorum testimonio, voces Cantabrigas oppidorum praeter ceteris Hispaniae duriores esse confirmantium, atque Latinae linguae cultum respuentes maxime: ac Strabo non unum genus litterarum, neque linguam unam Hispanis omnibus esse ait. Vocum Briga, Cetra, Falarica, Gurdus, Cusculia, Lancea, Buteus, Vepio, Necy pro Marte, multarumque id genus aliarum argumentum accedit: quas Hispanorum linguae fuisse proprias, magnorum auctorum testimonio confirmatur, & nonnullas inde in Latinam linguam mansisse minime dubitare licet: neque enim tamen hodie lingua Cantabriga usurpantur. Quam unam è multis tamen praecipuis Hispaniae linguis esse minime negant quorum opinionem pluribus nequa refellere operae pretium est, neque confirmare animus.

CAPUT VI.

Hispanorum Mores.

VETERES Hispani moribus fuere rudēs sane & sine more, feris propiora quam hominibus ingenia, secreti etiam inter tormenta tenaces, inquieto animo, corporum celeritate maxima; dediti religionibus, à sapientiae studiis abhorrentes: tamen ingenio maximo, quod translati in alias provincias declinarunt, neque mentis perspicuitate, neque memoriae laude, ac ne orationis quidem copia ab ulla gente superari. Armis aliquanto adversus hostes, quam consilio meliores fuerunt: cultu vitae agresti, victu copioso magis, quam exquisito, vino parcissimo, aquae saepe potu contenti vitam propagabant: adversus fontes severi, in advenas humani & hospitales. Hoc

tempore vitis & laudibus multum est additum: nam sapientiae studia, ut si qua alia in orbis parte, coluntur vigentque maxime: nullibique maiora virtuti certioraque praemia proposita sunt, cursumque ad laudem spertus magis, quam in ulla alia gente. Humaniorum litterarum cultus desideratur, sine injuria tamen ceterarum disciplinarum. Justitiae cultores maximi sunt, summos eum mediis, atque cum his infimos, aequabili jure devinctos tenent legibus armati, & auctoritate muniti magistratus. Quorum industria latrocinia sublata, à cadibus, ab injuria manus abstinent. Nulli enim impune est, quicumque vel sacrosanctas leges, vel quemvis de populo violare ausus fuerit.

Retinendæ veteris religionis constantia, quo tempore sacra omnia apud nationes alias rerum novarum cupiditate mutantur & convelluntur passim, clari atque præstantes. Domi consilium viget, foris arma pulsus intestinis hostibus, atque profligata Saracenorum impietate, magnam orbis terrarum partem invicta virtute pervagata sunt. Laborum atque inediæ, quibus virtutibus omnes difficultates mari terraque superarunt, patientissima natura corpora. Nostra tamen ætate affluentia copia voluptatum, illecebris omnis amœnitatis maritimæ terrestriq̃ue, atque commercio gentium exterarum ad copiarum

Hispaniæ famam accurrentium, easque importantium merces, quibus vigor animorum extinguitur, emolliuntur labefactanturque vires, enervati, & peregrinis moribus depravati, tum obsequio principum, & licentia lascivientis plebis corrupti, nec libidini, nec sumptibus, nec vestitum pretio modum faciunt. Unde quasi ex summo volvente se fortuna graves calamitates prudentibus videntur imminere: cum præsertim ab ingeniorum austeritate, morumque severitate atque arrogantia odium nationum omnium suscineant, gravissimum atque individuum magnorum imperiorum affectum.

C A P U T VII.

De fabulis Hispania Regibus.

ITAQUE venisse Tubalem in Hispaniam in confesso est. Quibus vero in locis insederit, quamque latissimæ provincie regionem primum colendam habitandamque suscepit, dicere non habemus, divinare non juvat. Tamen si Setubalis oppidi indicio quidam in Lusitania putant, alii in ea Vasconum parte malunt, cui Navarra nomen esse demonstratum est, ex Tafala atque Tudela, quas Tubalis colonias esse magis ob affinitatem vocum suspicantur, quam certo aliquo argumento confirmant, sumpta pronuntiandi occasione. Nam toti provincie de primi conditoris appellatione Setubaliæ nomen factum, quod nonnulli ne probabiliter quidem & ad scænz ostentationem apto mendacio affirmarunt, eruditæ aures averfantur. Quid enim nisi hoc desipere sit, tantam vetustatem ad linguæ Latinæ etymon velle præpostere revocare, & venerandam antiquitatis formam novis commentis scædare? quod ii faciunt, cum Setubaliam Tubalis cœtum significare persuadent. Tarraconem & Saguntum alii in Tubalis coloniis numerant, quod neque affirmare hoc loco, neque refellere in animo est. Nimirum quod ignotas remotasq̃ue à nostro commercio regiones describentibus sæpe accidit, ut inaccessos montes, paludes perpetuas, horrida gelu, aut ardoribus vasta loca esse dicant: varias piscium, ferarum, aviumque formas, prodigiosos hominum mores, insolentes vultus iis in regionibus ad intuen-

tium legentiumve voluptatem esse confingant, nullo qui redarguat absque existimationis periculo prorsus impune: idem plerisque tum nostris tum externis historicis video contigisse. Qui ubi lumen historiæ deficiebat, rerumque ignoratio antiquitatis velum oculis opponebat, ipsi illustrandi eam gentem studio cuius res gestas in historiam conferre erat propositum, & ad maiorem scriptionis gratiam, si nullis lacunis præcisâ & impedita, contra magnarum rerum luminibus illustris narratio esset, de suo multa commentum sunt. Sed antiquitati fas esse ais, consecrare gentis origines, initiaque multo quam sint, splendidiore facere miscendo falsâ veris. Sit sane; modo ne male affectæ urbium origines, inaudita Regum progenies, & nomina, & bella, sexcentaque alia id genus portenta ex ancillarum fabulis & populari rumore collecta posteritati prodantur: simplexque veritatis facies apertis mendaciis deformetur. Quod imitari profecto non debemus, quamvis cum spe veniæ aliena vestigia sectaremur. Ac multo minus Berofo adscripti, qui non ita pridem in lucem prodiiit, & cæteros in errorem misit, libri opiniones venditare, somniaque ex fabulis & mendacio compositi ejus, qui suas cogitationes alieno nomine, speciosoque titulo, quia diffidebat ingenio, more malorum mercatorum voluit illustrare, haud satis dissimulata fraude: neque enim coherentia loquitur, neque

neque alia ex aliis apta & colligata ita respondent secunda primis, posteriora mediis, ut non commenti velligia expressa ubique cernantur, extentque si praesertim veterum scriptorum, quae nobis relicta lux est, tenuis certe & maligna, sed lux tamen nonnulla propius admoveatur. Itaque quod ex novi Berosi officina prodit, Noemum in Hispaniam, ex longo nimirum errore, tandem appulsam; Noelam in Calacia, in Asturibus Noegam primum fundasse, specioso mendacio, quoniam de his oppidis Plinius, Strabo, Ptolemaeus meminerunt, repudiamus. Neque recipimus ab Ibero Tubal filio Ibero fluvio, toti deinde provinciae Iberiae nomina fuisse facta, cum sit potius verisimile, Iberos ad Pontum Euxinum intra Colchida & Armenias Caucasii montibus inclusos, inde in Hispaniam magno numero delatos, atque urbe Iberia supra Dertusam constituta, vicino fluvio primum, universae deinde provinciae, novas Iberi & Iberiae appellationes fecisse: quemadmodum Aragonis fluminis, ab alio ejusdem appellationis in Iberia, nomen quidam fluxisse putant. Nam Celtiberiae nomen ab Iberis & Celtis duplicata voce venit: qui & ipsi superatis Pyrenaei jugis, ex Gallia finitima in Hispaniam delati (& Celtas Aprianus in Citeriori Hispania collocat) mixto cum Iberis sanguine Celtiberiae appellationem effecerunt. Neque majorem meretur fidem, Idubedam Ibero patre defuncto Hispaniae Regem monti Idubedae, cujus montis initia, media, atque progressus demonstrata paulo superius sunt, suam appellationem communicasse. Adjiciunt hujus filium Brigum, cum aucta gente numero, opibus, auctoritate in varias orbis partes colonias dimisisset, Brigiam, quae postea sit Phrygia dicta, ubi Ilium erat, in Asia condidisse de suo nomine, in Alpium jugis Varobrigam e ducibus Brigi unum, alium in Gallia Latobrigam, quo sua nomina consecrarent, & a suo Rege gratiam inirent novis coloniis deductis. Mendacio probabili accommodata fides est: cum Plinius referat transisse ex Europa Brigas, a quibus appellantur Phryges, & plures in Hispania civitates Brigas nominari cernunt, ut Mirobrija, Segobrija, Flavioabrija: arbuti sunt Regem aliquem extitisse in Hispania.

Tom. I.

nia, Phrygiae gentis auctorem, conditorem Ilii, multarumque urbium eo nomine in Hispania constructorem. Cum Brigas ex Hispania profectos in Asiam credere, non esset necesse (Midamque Brigibus ad Brimium montem imperasse Conon ait, quibus in Asiam transvectis, Phrygibus nomen fuit) & in promptu esset existimare, vel praeclara Hispanorum lingua urbem, Brigam communi voce nuncupatam: aut quod verius esse puto, Germanorum nationem prole fecundissimam, aliquando se in Hispaniam primis illis temporibus infudisse, atque a Burgis, quae vox oppidum ipsorum lingua significat, obtinuisse uti urbes in Hispania facili litterarum permutatione dicerentur Brigae, aut si qua alia commodior sit ratio, quae ignoretur: tantum ne fabulis in historia sit locus. Tagum post Brigum regnasse, quod iidem affirmant, eo pertinet, ut nihil sit paulo majoris rei in Hispania, cui non continuo Rex cognominis assignatur: quo omnium rerum certa designari origo & appellationum singularum exacta reddi scilicet notatio videatur; quasi non liceat in rebus ipsis resistere, nefasque sit sacra Regum nomina ulterius perscrutando inquirendoque contrariare, ac non is fluvius in Carthaginensi provincia exortus, a Carthagine potius nomen traxisse videatur, auctor Isidorus. Ejusdem formae est, Batum Tagi successorem Baticae nomen dedisse, in Turdetanos, Turdulos, Bastulosque olim tributa, atque ab insigni rerum omnium copia poetarum ingenii concelebrata cum primis: adeo ut Elysios campos sedesque beatorum non alibi collocarent teste Strabone, qui legibus, ait, carmine modulatis uti suo tempore consuevisse, ut ipsimet jaebant, ante sex amplius annorum millia promulgatis, & fortassis annus eorum Romano multo brevior erat, & quatuor tantum mensibusolvebatur. Est autem vero propius quod numero & auctoritate potiores historici tradiderunt: Beticam provinciam a fluvio ipsam interfluente dictam, quem incolae Cirium, externi Batim vocarunt, fortassis Hebraica voce a crebris domibus, villis, oppidis, quibus dextra levaque ob agri subiecti bonitatem, cultum collucentemque videbant. Atque de commentitiis Hispaniae Regibus haecenus hoc loco, quomodo

C

rum

rum statuo audeoque affirmare, neque regnum, neque nomen in ea provincia, ac ne obscuram quidem mentionem usquam in probatis scriptoribus extare. Sed ut aniles fabulas colligere, & figments

oblectare lectores velle, procul gravitate suscepti operis esse arbitror: ita quæ magni auctores vulgarent tradideruntque, repudiare non aulim.

C A P U T V I I I.

De Geryonibus.

P R I M U M Geryonem Græcis & Latinis litteris celebratum licet, Regem Hispaniæ numerare. Is cum aliunde applicuisset in Hispaniam, quod Geryonis nomen Chaldaica lingua declarat peregrinum fuisse, optimæ provinciæ copiis oblectatus, auri cumulis congestis, cujus quia usus ignorabatur, glebæ passim neglectæ jacebant in agris, nullis fornacibus victæ sed ut natæ erant, unde apud Græcos Chrysei illi nomen factum est: pecorumque armentis propter lata pascua copiosus, in provinciales cæcæ rudes ingenio, & per agros ferarum ritu pagosque dissipatos, nulliusque unius, cujus imperium respicerent, cujus virtute allatam vini propulsarent, sub jure ditioneque devinctos tyrannidem occupasse primis & exercuisse putatur: arcemque operibus è regione Gadium munivisse Gerondam, cujus præsidio arripit semel imperium flaret: urbemque alteram (nisi ex nomine ducta conjectura fallit) eadem appellatione ad Pyrenæi radices atque in Ausetanis exædificasse oram maritimam complexus, unde rebus suis tranquillitatem pollicebatur. Osiris, quem Ægyptii etiam in suis Regibus primum ponunt Diodoro teste, quique alio nomine Bacchus & Dionysius vocitatus est, non ille Semele natus atque in urbe Myron educatus (unde fabulæ occasio, quia myron scemur significat) sed Ægyptius Geryonis rationes adventu inopinato turbavit; cum enim longissima peregrinatione suscepta atque obita orbem ferme terrarum universum, ab Æthiopia ad Indos, Asiam, & Europam victoris illustrasset, viæque & frumenti ferendi scientiam usumque ubique primus monstrasset, tandem in Hispaniam perlatus, quod in aliis orbis partibus nullo suo privato compendio ductus, sed odio tantum ardens improbitatis extirpandæ præstiterat, ut exactis tyrannis pristinam revocaret libertatem,

idem in Hispania faciendum sibi judicavit: quam in servitutem reductam, omnes indignitates contumeliæque perferre fuerat ante denunciatum, & quia voluntate tyrannum copiis opibusque prævalidum, facturum quicquam pro sano non sperabat, ad arma ventum est. Instructis utrinque copiis collatisque vexillis in Tartessiacis campis ad fretum Gaditanum dimicatum ferunt, magno quidem animorum ardore ancipitque Marte: cæterum victoriæ casis & fugatis Hispaniæ penes Ægyptios stetit. Geryon ipse in prælio cecidit, occisique corpus victoris jussu (sic ajunt) sepulturæ mandatum, in extremis freti faucibus ad locum, ubi nunc Barbæ oppidum situm tumulo composito. Divinitati consecratum, constitutum in ora Siciliæ ab Hercule templum, atque Geryonis oraculum Patavii famosissimum, quod à principibus etiam viris religionis ergo frequentabatur, fatis declarant. Pace igitur per hunc modum restituta Osiris beneficio, depulsiæ tyrannide, cum acerbum, remque non optimi exempli ad posteritatem victor judicaret, parentum peccata filiis puniendis emendare, graveque videretur tres Geryonis filios ætate pueros, forma præstanti, atque in spem paterni regni educatos in turbam conjicere, aut perpetuæ servituti exilioque mancipare: & sere magnis animis post victoriam adversus prostratos succedit humanitas: quorum mentes non magis paternis vitis & exemplis ad crudelitatem erudiri, quam funesto exitu castigari posse non desperabat, viris prudentiæ opinione excellenti, qui infirmam puerorum ætatem, regni que tantisper molem regerent, commendatos, optimisque præceptis institutos in paterno Hispaniæ regno collocavit. Ipse ut longinquæ expeditionis tantorumque laborum fructus aliquis per otium esset in patria in Ægyptum reversus est. Geryones

ryones fratres ætate confirmata opibus aucti, atque paterni Regni administratione suscepti, beneficii immemores, memores injuriæ paternas inimicitias persequi, eandem ulcisci, atque quod gratissimum venire solet, parentis occisi manibus hostili sanguine parentare decreverunt, quod cum præ se ferrent, alia ex arcana cura non minus sollicitabat tyrannidis exemplo patris in Hispaniam revocandæ: quod Osiri superflite impune fore non sperabant. Hæc cogitantibus, neque rationem tante rei conficiendæ sitis explicantibus, optimum visum est Typhonem Osiris fratrem ad eam rem sollicitare, quem fama serebat regnandi ambitione ultro corruptum esse: & aliqui dira dominandi cupiditas omnia naturæ jura subvertit. Missi legati muneribus haud difficulter se in Typhonis gratiam insinuant: sensimque opem omnem polliciti, data ultro citroque fide eosdem amicos inimicosque futuros persuadent, ut fratre germano sublato, armis ipse Ægypti regnum invaderet occuparetque. Quod cum occultissime factum esset, occisi quidem corpus diligenter conquisitum, Isis Regina in Abato tumulavit ejus paludis insula, quæ Memphi proxima est: quam idcirco Stygem, hoc est mœrorem, vulgo homines nominarunt. Tanta perfidia latere non poterat, neque occulti quicquam esse in intestina discordia. Orus qui eo tempore res gerebat in Scythia, celeriter in Ægyptum rediens, paternam eandem morte Typhonis ultus est, & cum cognovisset impie conspirationis conscios impulsoresque præcipuos, Geryones fratres extitisse, paternæ gloriæ æmulatione & vindictæ cupiditate inflammatus, suscepta non minori quam pater expeditione, varias toto orbe gentes in fide confirmavit, novæque ad amicitiam adjunxit: & quam à matre acceperat, medendi arte divinitatis honorem obtinuit, opinionem excitavit. Unde à quibusdam Apollo est dictus, ab aliis propter militarem scientiam, & pugnandi dexteritatem Martis nomen tulit: ab omnibus Hercules vocatus est, non ille Amphitronis filius, sed Libyus: quem monstra domuisse fama tenuit, clava & leonis exuviis armatum, armorum è calyce usu nondum per ea tempora ad humani generis exitium excogitato. Ergo numerofo conflato exercitu,

& collectis undique auxiliis, formidabilis in Hispaniam tandem contra Geryones penetravit, Gadeisque pervenit: quo se illi jam dudum receperant collatis in unum regni copiis, comparato in multos dies, si forte ducendum esset bellum, comæatu, finitimorumque auxiliis undique convocatis. Nam conscientia patris sceleris animos debilitabat, & scissis provincialium studiis pro ipsis & adversus ipsos, erectisque multorum animis ad spem recuperandæ libertatis, in ambiguo erat, suis an externis magis diffiderent. Desperata salus si Ægyptii vicissent, ad rabiem magis quam audaciam accendebat. Itaque locis munitis se tenere constituunt. Hercules contra instructis copiis progressus, in hostium conspectum pervenit, & quoniam neque bellum duci volebat, & tantos utrinque exercitus contemplatus, ad honestam ullam pacis conditionem venturos hostes non sperabat: neque si venirent nisi patre, Geryonum sanguine vindicato, satis foret è dignitate ab armis discedere: animo reputans tamen quanta utrinque hominum strages futura esset, si totis utrinque copiis esset dimicatum: Geryonibus missis Feciali jubet denunciari: ut si quidem corporis robore fiderent, quo erant firmissimo, vel æquitate causæ, qua niti videri volebant, prædicantes se ab Osiri fuisse injuria provocatos, violatosque priores: eam ultro se conditionem componendæ totius contentionis; proponere, quam ne desiderare quidem ipsis venisset in animum. Unde culpa orta esset, ibi periculum consisteret: parceretur innoxio sanguini, à civium & cognatorum laniena temperarent. Neque vereri se pro communi utriusque exercitus salute contra tres ipsos unus ex provocatione dimicare suoque periculo multorum redimere incolumitatem, singulari quidem certamine & adversus singulos separatim, numinis auxilio fretum, cujus arbitrio res humanæ universæ, sed & maxime bellorum eventus gubernantur. Eam conditionem Geryones libenti animo susceperunt, minime de victoria dubitantes. Die dicta ubi ad manus devenit, est contra accidit. Tres Geryones ab uno Hercule superati jugulatique. Tumulus in eadem insula eorum corporibus compositus, quo ex tempore nomen Erythræ inde tulisse putatur, non ipsa

sola, sed & vicina Gadibus insula, objectaque continentis Hispaniæ pars: quoniam gentes ex Erythræo mari Orum secutæ, ejus consensu pace facta loca ea domicilio delegerunt. Demum in freti Gaditani faucibus, magnis utrinque mobilibus jactis in mare, Calpe & Abula mon-

tibus constitutis (quæ Hercules columnæ dictæ sunt) rebusque cæteris in Hispania ordinatis, Hispalum è sociorum numero ad provinciæ gubernacula reliquit: cujus fidei, constantiæ, atque industria domi militiæque præclara monimenta extabant, ipse in Italiam navigavit.

C A P U T I X.

De Hispalo Rege & Herculis morte.

HISPALUM in Hispania post Geryones regnasse, constanti omnium fama & prædicatione traditum est. Justinus affirmat ab Hispalo dictam Hispaniam unius permutatione litteræ. Adjiciunt alii conditam hujus industria atque nomine Hispalim, urbem amplitudine, opibus, commercio propter Bætis subvectiones, inclytæ fertilitatis glebam, nulli in Hispania secundam: ab ea procedente tempore ad totam provinciam Hispaniæ appellationem derivatam. Isidorus ejus urbis conditionem Julio Cæsari adscribit, quo tempore res in Hispania gessit scilicet, Juliamque Romulam suo illam & Urbis Romæ junctis nominibus nuncupasse ait; dictam vero Hispalim, quod in palustri loco suffixi profunde palii fundamenta contineant, & fortassis tunc primum amplificata locis, ædificiis illustrata, & jure coloniz donata est: nam à Plinio Romulensis colonia vocatur; verum ut eo primum tempore fuerit ædificata, fide caret, idonea argumenta autoreſque deficiunt. Plutarchus scripsit, altero Dionysio, Semele nimirum nato, in Hispaniam appulso, totaque provincia victoribus armis parere imperio compulsa, è sociis unum ad res gerendas relictum Pana nomine effecisse, ut provincia primum Pania, deinde unius litteræ adjectione Spania diceretur. Verum de his liberum opinaturis judicium esto. Illud non recipimus: Hispalum reliquisse filium nomine Hispanum, qui patre defuncto regnaret. Tantum eundem hominem gemina voce significari à diversis scriptoribus credimus: cum Hispaniæ nomen utrique acceptum feratur: & qui alterum ponunt, nullam de altero mentionem faciant, uno excepto Beroso, cujus male confarcinatas fabulas paulo ante repudia-

vimus. Hujus Regis res gestæ cum ignorentur ob longinquitatem, nostri historici ut gracilem, tenuique rivo historiam corrivatis aliunde aquis amœnorem facerent & ne quis esset Regum, cui non continuo Hispaniensium rerum aliquod sive nomen, sive ædificium ad majorem celebritatem, quod male cohereret, assuerent: Hispalum scripserunt urbem Segobiam, aquæductumque in ea, mirabili tum forma tum altitudine excitasse, quod de aquæductu constat Trajani Imperatoris esse opus, certe per ea tempora factum. In portu vero Brigantino (Corugnia hodie vocatur) turrim speculo imposita, unde erat despectus in mare, navisque procul venientes speculari atque prospicere ex imagine objecta consueverant, atque eo præsidio vitare pericula, exadificasse Hispalum ut existimarent: ex Latinæ tum linguæ tum historiæ pudenda ignoratione factum est, speculæ voce, quæ eas turres significat, in speculi significatione usurpata, & constat turrim illam in honorem Augusti Cæsaris fuisse à Brigantinis civibus constitutam C. Sevio Lupo Lusitano architecto, cujus nomen hoc ipso tempore vicinis rupibus incisum legitur, nimirum in publico id opere facere lege vetitum erat: quæ lex inter Romanas in Pandectis extat, sicutque Phidiaz Athenis capitale, violata ea lege suam & Periclis imagines in scuto Palladis efformasse, quamvis in dissimulato habitu: in quo religio etiam læsa esse poterat judicari. Defuncto Hispalo, quo tempore auctores variant, sed defuncto tamen Hercule ex Italia, ubi eatenus moram traxerat, rerum novarum metu continuo Atlante, cujus magnitudinem animi perpectam habebat, rebus in Italia præfecto, accurrit in Hispaniam. Ubi publica recte

recte & sapienter administrata, novissime in ea urbibus constitutis, in quibus Julia Libyca & Urgelia in Pyrenæi montis complexu, Barcino & Turiaso in Citeriori Hispania à quibusdam commemorantur Herculis coloniz fuisse, in senili affectu ætate defunctus, propensa universæ provinciæ voluntate divinatus est consecratus. Divini honores decreti templo dicato. Quo loco corpus Herculis solennibus sacris, non tantum à provincialibus, sed etiam ab exteris nationibus religionis ergo eo confluentibus coli, coaptum magno sacrificulorum quæstu & loci nobilitate. Templum

illud Herculis sepulcro clarum quia in Hispaniæ parte extiterit, auctores in diversum trahunt: & in rebus tam antiquis divinare ex conjecturis facilius fuerit, quam certa ratione in alteram partem pronuntiare: aliis Barcinone dicentibus, ubi ad templum maximum vetustis operis reliquiæ & magnifici sepulcri vestigia extant: aliis in Gadibus: aliis, quorum auctoritas potior erat eruditio major, Tartessii existimantibus ad fretum Herculeum: quo loco constat, eam religionem diu fuisse conservatam Herculis magnifico templo excitato.

CAPUT X.

Hesperus & Atlas Hispaniæ Reges.

HISPALO & Hercule in Hispania sine ulla prole defunctis, Hesperus Atlantis frater, in Africa, ut perhibent, natus atque unus è sociis Herculis, quod is testamento sanxerat, Hispaniam regendam suscepit tanto gentis consensu, quanto haud quifquam alius. Rerum gestarum fama & virtutis exactæ opinio maxime ad populum commendabant: usque eo ut universam Hispaniam de Hesperii nomine Hesperiam cepisse dici, Græcis & Latinis auctoribus persuasum sit. Macrobius & Isidorus ab Hespero stella occidua malunt, quæ in Hispania occidit, & ad quam ferme respiciunt in eam regionem navigantes. Lata certe hujus regni initia brevi luxuriarunt vanaque evaserunt. Atlas Hesperii frater ex Italia, ubi relictus ab Hercule fuerat, Hispaniæ copiis & amplitudini inhians, injuriam sibi factam exposculabat fratre prelato. Nec mora: in Hispaniam delatus, incensus pro eo militum studiis, quem militari gloria florere considerabant, regnum cepit. Hesperus à suis desertus fuga in Italiam evadere coactus est. Hetrusci ejus hominis atque profugi calamitatem nulla ipsius culpa, fraterna tantum ex ambitione contractam miserati benigne primum hospitio acceperunt: deinde probitatis & modestiæ experimento, famaque rerum gestarum permoti Hesperum, qui Corythi Regis (hunc Janum etiam quidam & Jovem nominant) teneram ætatem praesidio indigentem

atque rectore, veris virtutibus informaret: regni que tantisper molem, dum ille adolefceret, humeris sustineret, omnibus suffragiis delegerunt communi provincialium lætitia. Spem de ejus probitate conceptam animis irritam non fuisse declarat Italiæ nomen, ab eo tempore Hesperici etiam appellatione mutatum Hispaniæ exemplo, atque Hesperii probitatis argumento efficaci. Qua re in Hispania nuntiata Atlas sibi metuens, ne prima negligendo serperet malum, resurgenteque à secundo hominum favore, fratris potentia, de Italiæ primum imperio cadere, deinde etiam de Hispaniæ possessione periclitari cogeretur: suorum concilium advocare, novos delectus habere, omnibusque posthabitis in Italiam festinare constituit. Sequebatur valida Hispanorum manus, in qua plerique Hispani procures in expeditionem deducti per speciem honoris, & ut se iis auxiliis confirmaret, re ut obsidum loco essent, ne se absente, externo repudiato novis imperiis studerent. Suscepta navigatio secunda non fuit, vi tempestatis in Siciliam abreptus, ejus insulæ copis oblectatus Hispanorum in ea partem non exiguum reliquisse memoratur, quorum virtute, insulæ occupatum imperium retineri posse sperabat. Cum reliquis copiis ex longo intervallo atque post longas moras in Italiam tandem delatus, Hespero interea rebus humanis exempto, Corythum Hetruscum Regem facile in potestatem redegit:

degit: rerumque in Italia nullo resistente arbitere, è duobus filiabus alteram Electram nomine Corytho uxorem dedit: unde Jafius & Dardanus nati sunt, de quibus mox sermo redibit. Altera cui nupsit incertum est, serunt tamen Romen vocatam, ditioneque tenuisse loca, per quæ Tiberis fluit, qui tunc fluvius Albulæ dicebatur. Addunt iis locis prius Hispanorum copias ab Atlante fuisse collocatas: præterea memorant Romen deinde in Palatino monte ejus urbis prima fundamenta posuisse, quæ à parvis initiis profecta orbis imperium longo intervallo nata est. An fabulæ hæc sunt Fabii quamvis Picloris auctoritate affirmatæ: nostrorum mulcendis auribus datum, ab Hispanis conditam urbem Romam? Nam aliis Romen ejus urbis conditricem Æneæ neptim faciunt, Ascanii filiam. Aliis post illi excidium cum Æneain Latium delata nobilissima captivam fuit, incensis navibus ad Tiberis ripam oppidi iis locis condendi auctor, quod ejus nomine Roma fit dicta. Omnino Urbem Romam ante Romulum conditam fuisse, magnorum virorum testimonia confirmant: neque obscurum est, nomen alterum fuisse Romæ, quod foras enunciarî carentoniarum arcana vetabant, ejus violati silentii reum Valerium Soranum capite pœnas dedisse. Caterum quale illud nomen fuerit clam est: neque satis fi-

xum à nostra gente eam urbem fundatam, quod nostri historici affirmarunt. Quid me scribere par sit, leges historiæ, quam quid nostrates laudaturi sint, considerabo: neque intempestivis commentorum floribus, quibus Hispaniæ rerum splendor non eget, simplicem veritatis faciem exornabo. Itaque Romam Hispanorum coloniam fuisse inter incertæ fidei res (ne quid gravius dicam) ablegamus. Quemadmodum Sicorum, Sicanum, Sicelem, Lusum, quos recentes historiæ in Hispaniæ Regibus ponunt, eorum veteres nihil meminerunt, penitus repudiamus. Ac ne illud quidem recipimus: Atlantis filium nomine Morgetem à patris obitu in Italia regnasse: unde Hispani Atlantem in Italiam secuti, Morgetes fuerint dicti: quod nihilo meliori fide stat: & credam potius eam gentem ab urbibus, in quibus habitabant, appellationem tulisse; cum duplex Murgis in Batica extiterit, altera, ad maris litus, quæ modo Muxacræ nomen habet: in interiori provincia altera, quæ hodie Murga nuncupatur: atque his locis finitima Murcia, quam Morgetum sedem quidam faciunt. Unde in Sicilia Murgantium urbs atque Murgentini populi fortassis hoc ipso tempore aut alio quovis manarunt, & est omnis conjectura fallax, quæ nominum tantum similitudine nixa est.

C A P U T X I.

De Siculo Hispania Rege.

ILLUD Philistii Syracusani auctoritate munitum pro vero recipiatur: Siculum Atlantis filium, post patris ex Hispania discessum, pro absente vicarium eam provinciam gubernasse, successisse defuncto. Regno is suscepto, rebusque in Hispania ordinatis, cupiditate incensus regni Italici hereditatem cernendi, cum lectissimis copiis eo profectus est. Paterni exercitus reliquis ab indigenarum injuria tuendæ erant: Jafii & Dardani controversiæ pacandæ post Cerythii patris obitum de Hetruriæ possessione certantium. Jafii, cujus melior erat causa, vires infirmiores, ut maturaret litteræ sollicitabant. Multum temporis in ea navigatione consumptum, ex itinere ultro, sive tempestatis vi in Siciliam appulsus ve-

terum sociorum vires confirmasse fertur, Cyclopibus & Lestrigonibus feris & immanibus gentibus bello illato. Parta victoria ei insulæ, quæ Trinacria erat, nova nomina facta (sic quidam suspicantur) Siciliæ à Rege Siculo, Sicanæ ab Hispanis, quos ad retinendum ejus insulæ imperium reliquit, ex ea Hispaniæ parte avectos, quam Sicoris amnis interfuit, nam iis in locis olim Sicanam gentem habitasse in confesso est. Sunt qui Sicoriæ etiam nomen ei insulæ adhæsisse tradunt à Sicoris gente Sicanis vicina, sive alio nomine eadem Siculum etiam secuta. Deinde Romen Atlantis filiam contra Aborigenes bello identidem lacescentes opportunis auxiliis à fratre Siculo firmatam addunt, nullo com-

commodiori argumento, quam quod Siculorum Sicanorumque in Latio etiam mentio facta ab idoneis scriptoribus repetiatur: quod quanti ponderis sit, alii iudicabunt. In Hetruria demum Dardanum validis Aboriginum copiis stipatum ferocientemque adversus fratrem, eo redegit, ut politis armis ex animo seu simulata fraude in avunculi se fore potestate promiserit, & sua innocentia confisum, & Siculi aequitate, non passurum eripi injuria, quod paterna ex hereditate debitum, armis etiam vindicaret. Fœdus inter fratres Siculi auctoritate factum, quam brevi Dardanus ludibrio habens, Jasium fratrem per fidem conventionis securum, nihilque minus cogitantem, ferro crudeliter peremit. Eam injuriam Siculus ad se pertinere ratus, parricidam insigni prælio victum expulit in Samothraciam: unde Helleponto is superato in Asia primus Ilium condidit. Jasii filio Corybanto pro patre regnum Iliæ de manu est traditum. Rebus ad hunc modum compositis repetita Hispania, quid Siculus egerit clam est: ac ne referre quidem proprium aliquid per hæc tempora memorabile, nisi inania quorundam somnia pro histo-

ria venditare placet, unde nova rursus Hispanorum Regum nomina post Siculum prodierunt. Testa urbis Teste, & Contestanæ gentis conditor, ex Africa ad Hispaniæ imperium translatus. Romulus Valentia fundator in Edetanis; cuius antiquum Romæ nomen in Valentiam fuerit transformatum retenta sententia, voce modo mutata, quemadmodum Romam, cum prius diceretur Valentia, ab Euandro vulgatum Romæ nomen accepisse Solinus est auctor. Palatuus, à quo Palatii populi, & magno terrarum intervallo Palentia. Cacus abactarum boum indicio Hérculis Thebani manibus peremptus in Aventino monte, ubi Roma est, ipseque morabatur ex Hispaniæ possessione pulsus. Erythrus è mari Rubro profectus, à quo Gadeis insula Erythraea dicta sit. Mellicola alio nomine Gargoris, de quo Justinus meminit. Quæ omnia neque tanquam foveam intacta præterire debuimus, cum in eam non vulgus modo, sed expoliti doctrina homines præcipitarint: neque verum ea probare, quæ ad anicularum fabulas ableganda potius esse, præjudicatum habebamus. Siculum sane à Justino arbitrator Sicorum nominari.

CAPUT XII.

Varie gentium migrationes in Hispaniam.

SUPERIORUM Regum tempora tum imperii tum ætatis certa ratione designare promptum non est: ac ne ab orbis quidem constitutione annos numerare facile: neque deesset studium, si qua se via conantibus panderet inquirenda veritate, nunc conjecturis standum. Quibus Geryones Hispaniæ Reges suspicabar quarta aut quinta post diluvium ætate vixisse. Siculum ducentis amplius annis ante bellum Trojanum. Hujus ætate aut non multo post, numerosa classis solvens ex Zacyntho (quæ insula Peloponneso ad Occasum in Ionio mari adjacet) in eam Hispaniæ partem perlata, ubi nunc Valentia cernitur, Zacynthum condidit (quod deinde nomen Sagunti appellatione mutavit) tribus à littore passuum milibus, se muniendi cura contra provincium vim, & ut esset quo fortunas aurum & argentum conferrent, scrutis vi-

lissimisque rebus mutatum, simplici homines ingenio sua bona & nativas opes ignorabant. Ejus arcis præsidio liberius in provinciam penetrare ausi sunt, atque vicina littora explorare: adeo ut sexaginta ad Occasum passuum millibus idoneo loco, templum Hispaniæ celeberrimum Dianæ exædificare aggressi sint (unde Dianium promontorium dictum) moreque è Græcia advecto simulacris exornare, multoque victimarum sanguine nobilitare. Cæremoniæ in insolentiam & totius structuræ majestatem admirati incolæ, quasi è cælo lapsos homines, majores conditione mortali heroes credere, & est innatus humano ingenio sensus & reverentia divinitatis; sic nulla re magis capitur quam religionis studio, vero aut simulato. Templi hujus contignationem ex junipero materia imprimis odorata, Plinius ad suam ætatem incorruptam man-

fisse est auctor. Secundum Zacynthos Dionysius alter centum quinquaginta circiter annis ante bellum Trojanum, in extremam Hispaniam penetrasse fertur: atque in Batis æstuariis inter duo ejus fluminis ostia, quibus tunc decurrebat in mare, Nebrissam ædificasse, à nebridibus, id est, cervinis pellibus, quibus Dionysius & socii in communi vita & cum sacris operabantur, uti soliti erant, Nebrissæ appellatione facta, cui deinde oppido Veneriæ cognomen accessit. Tres fuisse Dionysios seu Bacchos Diodorus scribit. Primum Deucalionis, ut ego interpretor, Noe filium, Osirim nempe Ægyptium, de quo superius est demonstratum. Alterum Proserpinæ seu Cereris filium, cujus ad simulacra cornua adhibere moris fuit, boves primum ad aratrum junxisse monumentum. Tertius Semele ex adulterio natus fuit, & in urbe Myro (quæ vox fœmur significat) educatus: unde materia fabulandi in patris Jovis fœmore crevisse. Hunc fecerunt primi Dionysii æmulatione, suscepta expeditione, multis obitis provinciis, defunctum victoriis Hispaniam maleficiis omnibus atque immanitate repurgasse eorum, qui in tenuiorum fortunas grassabantur. Quo tempore Milicus Myricæ filius, fortassis & ipse è Siculi posteritate, gratia, opibus, auctoritate plurimum poterat inter Hispanos. Milici nepotes non procul Batiæ Castulonem coniderunt in Batiæ agro, urbem quandam inter primas Hispaniæ nobilem. Dionysii duo socii ab eo reditum ad suos adornante in Hispania relicti cum potestate. Lusus à quo Lusitanorum nomen & gens, & Pan, quem delusi vana superstitione homines divinitati consecrarunt, & ab eo universa provincia Pania primum, deinde Spania dicta est, auctores Varro atque Plutarchus. Non longo annorum intervallo Jason Thessalus gloriæ cupiditate incensus, pyratice deditus (quod ingentes opes parabat, littoribus nondum munitis, hominibus per agros pastorum in morem in tuguriis habitantibus) Argi industria excellenti forma navim ædificandam curavit: multisque focis sibi adjunctis, Hercule Thebano, Orphæo, Lino, Castore & Polluce ex Thessalia solvens ad Sigeum Trojæ promontorium Hesionem Laomedontis filiam eripuit ab interitu: inde in Colchi-

dem perlatus, vellusque aureum furatus, hoc est, auri gazam, quod per rivos è monte Caucaſo dilapsum villosis pellicibus piscari quasi retibus soliti erant, cum iis copiis raptaque Medea in Mæotidem Cimmerio bosphoro superato penetravit. Tanaï mox adverso, quo fluvio ab Europa secernitur Asia, navim aliquanto spatio, qua pertractam remulco, qua solutam in partes humerisque deportatam in Sarmatico littore rursus compegisse fama est Germaniæ, Galliæ, atque Hispaniæ circumductis littoribus, tandem ad freti Gaditani fauces constituisse, in iis extremis, qua in Mediterraneum mare se pandunt, monti Calpi imposuisse arcem: quæ de Herculis nomine Heraclea dicta est. Prædæ cupiditate ex ea cum Hispanis varia fortuna pugnatum. Ingens præda fuit, qua in naves imposita, justoque præsidio in arce relicto, Saguntum abiit: ibi benigne accepti propter communem originem linguæque commercium, ad Baleares excensionem facta, Bocorice earum Regè in potestatem redacto, quia nullum iis in locis aurum inveniebatur, comparo comitatu, bobusque lectissimis, in naves impositis in Italiam transfirere. Quo loco in montis Aventini antro intersecto Hercules Caco, morem etiam sustulit Saturnum quotannis placandi homine de ponte Milvio jactato, quod crudele erat & inhumanum, ritu tamen permanente, ut effigies hominum scirpeæ verorum vicariæ mitterentur in aquas. Longissima navigatio fuit, miraculo comparanda, præsertim cum soluta rursus navi per Liguriam, qua parte brevissimus in Padum trajetus est, in Hadriam delati absoluta navigatione læti & incolumes, tantis rebus perfectis clarissimi in patriam pervenisse credantur. Verum externa mittamus, satis oneris sustinentes Hispanienſium rerum commemoratione. Auctorem habeo Hecataem, qui Herculem Amphitrionis, alio nomine Alcæum, venisse neget in Hispaniam. Diodori & aliorum omnium opinio resistit. Vestigia præterea in Hispania, Pyrenæis jugis, & Gallia Narbonensi hujus expeditionis multis seculis impressa, ipso in Italiæ aditu Alpes Lepontia & Euganeæ ab Herculis comitibus sic dictæ declarant, venisse quidem in Hispaniam Herculem, & copiarum quidem partem terra in Italiam per-

pervenisse, inde locis Græca nomina facta. Nam quod Geryonum cades eidem à Virgilio tribuitur, errare potuit ut humanus, ex nominum similitudine temporibus commutandis. Post Herculis expeditionem & Milci ætatem, Gargoris in Hispania regnavit, mellis colligendi inventa arte usque nobilis, unde Mellicolæ cognomen affingendi occasio. Hujus ætate bello Trojano confecto, atque utriusque exercitus reliquiis in varias orbis partes dispersis, non pauci neque contemnendi Græcorum Duces in Hispaniam navigarunt, & nostrorum scriptorum consentiens opinio confirmat, multas gentes eo antiquitus traductas propter locorum commoditatem in variis ejus provinciæ partibus consedisse. In quo numero Teucer amissio Ajace fratre, eoque à patre Telamone aditu patriæ prohibitus, in Cyprio Salaminiam urbem patriæ cognominem constituit. In Hispania deinde, quibus locis Carthago est, urbem alteram de suo nomine Teucriam posuisse memoratur, quod pro vero relinquerem, si Isidori testimonio, qui Teucrum quidem in Hispaniam venisse ait, confirmaretur: aut ejus urbis aliqua vestigia vel obscura possent demonstrari. Illud constanti auctorum fide traditur, Teucrum freti faucibus enavigatis, flexisque ad dextram proris, ac promontorio Sacro superato, in Calaciæ littore urbem Hellenem construxisse, quo nunc loco Pontavedra sita est, de focii nomine Amphilo-chiam, quam Romani Aquas calidas di-

xerunt, .Suevi (quo tempore iis locis imperium tenuere) Auriam. Diomedem rursus memorant Tydei filium Hispaniæ littoribus præternavigatis, repulsum undique provincialium virtute supra Lusitaniam Tudem sive Tydem urbem paterni nominis monumentum exædificasse, eo terrarum tractu, qui Minii & Limiæ ostiis ad mare est inclusus. Omnino Mnestheus Atheniensis auctore Strabone libro tertio, sua & ipse classe in Gadeis delatus, è regione ejus insulæ qua parte Belom, qui Guadales thes est, in mare influit, urbem sibi cognominem ab imo totam construxit portu munitam. Templum etiam in eodem littore inter duo Bætis brachia, cui olim templo Mnesthei oraculo nomen fuit: quod ad Græcam superstitionem inter Hispanos suscipiendam, magnum attulit momentum. Ulysses tandem venisse in Hispaniam, atque in Lusitaniam littore urbem Ulyssiponem condidisse Strabo Solinusque, ipsoque ex nomine ducta conjectura confirmant. Refellunt quidam tum nominis argumento, nam Olisipo ex antiquis monumentis, & lapidum inscriptionibus nominari scribique debet, & quoniam Ulyssis aræ supra mare Armericum in Belgis non uno loco extabant, nempe ex Græca vanitate, quem in Deorum numero habebant, ei templa atque oppida consecrabant, quod Hispanis contigisse etiam, non inepte prorsus arbitrantur.

CAPUT XIII.

Habidis res gesta, & generis Hispania siccitas.

INTEREA Gargoris Rex in Tartessiorum silva, ubi Titanas adversus Deos bella gessisse antiquitas finxit, Curetum regnum tenens autore Juliano, ceteras virtutes omnes, quæ magnæ in illo fuerunt, una crudelitate suggillabat. Habidem nepotem ex filia furto conceptum ad depellendam generis ignominiam, dolorem ex eo casu procurandum, feris laniandum in monte objici mandavit. Illæ naturæ conditione mutata eam infanti exhibuerunt humanitatem, quem efferatus avi animus denegarat, uberibus distentis

Tom. I.

lacte etiam in os instillato. Repertum incolumem, in angusto primum tramite pecoribus conculcandum, avi jussu projectum ad majora fata numinaque servavit. Multorum diuerum inedia macerate canes, quibus & sibus denuo fuerat obiectus, quodam misericordiæ sensu ultro lactarunt. In mare demum præcipitatum fluctus sustentarunt, cerva in littore diligenter aluit. Pro alimentis conditione animi mores corporaque mutantur. Eo lacte educatus, mirabile dictu est, quantam pedibus grandior celeritatem excitavit; ferarum cursum

E

adæ-

adequabat, undique prædas agebat impertinus & audax, neque refutari poterat, cum ad velocitatem vires & industriam adderet. Infidiis tamen exceptus, laqueoque implicitus ad avum perductus est. Ille ad juvenis conspectum sensu naturæ tacito, quo sæpe ignorantes tangimur, (& nescio quid ea fortuna majus micabat in facie) vultu nepotis, & notis quæ infantulo injustæ erant, attente consideratis, intellexit nepotem suum non absque Deorum consilio è tot periculis fuisse servatum. Odium humanitate mutatur. Habidem nominatum regio cultu, dum vixit, apud se habuit: moriens successorem regni, heredem fortunarum reliquit. Suscepto imperio ceteros ante se Reges industria & virtute superavit ingenio præstanti, corpore tantis laboribus durato: quæ res magnas difficultates non solum mitigare, sed exhaurire etiam consuevit. Feros homines per agros dissipatos in urbes & oppida coire persuasit, quantum præsidii esset in mutua societate, atque communis juris commercio demonstrans, ad vitæ cultioris commoda, disciplinæ studium adjectum, sic feri gentis mores humanitate mutati. Vini usum, agrique colendi rationem longo ex intervallo restituit: nam herbis antea, & sponte natis frugibus pomisque tolerabant vitam. Leges sanxit, fora constituit, judicia & magistratus ordinavit. Quo virtutum tenore incredibilem à suis gratiam, apud exterarum nationum nominis celebritatem consecutus, ætate omni ad ultimam senectutem peracta, vitam morte mutavit. Ejus postcri per multa secula regnum tenuisse traduntur, nulla neque nominum neque temporum designatione, nisi quod Habidis res gesta in Davidis Judaici Regis ætatem incidisse creduntur. Justinus videtur Geryonibus æqualem facere, & in diversa parte tenuisse imperium. Consequenti tempore nihil in Hispania accidit memorabile, quod quidem in litteras sit relatum, præter insignem & diuturnam, quæ non multo post consecuta est in Hispania, terræ aerisque viginti sex annorum siccitatem, ut nostrates historiæ affirmant, tantam ut fontibus fluviisque omnibus, præter Iberum & Bætum, præ ariditate consumptis, humoreque penitus exsiccat, quo partes terræ pulvisque coagmen-

tantur, agri in vastos hiatus abirent, facultate sublata alio commigrare cupientibus vitæ sustentandæ necessitate. Sic Hispania locis præsertim mediterraneis arborum & herbarum honore nudata (paucas quasdam arbores ad Bætis ripas conservatas ajunt) bestiiis & hominibus consumptis fame, in solitudinem redacta est miserabilem vastitatem. Regum nobiliumque progenies à stirpe defecit, tenuioribus, quibus res angusta domi erat neque in multos dies paratus commestus, in vicinas provincias locaque maritima tempestive dilapsis. Unde terræ tandem post vim ventorum maximam, qui subsequuti sunt, & arbores omnes radicitus convulserunt, copiosus pluvius depulsus malo, ad pristinas sedes aliis permixti gentibus reversi Hispanorum gentem & nomen ferme ad interitum perductum inflaurasse creduntur. Sic nostræ historiæ sentiunt. Alii præstanti homines ingenio eruditione magna, hujus narrationis fidem conantur elevare his fere argumentis. Quod nullus neque Latinorum neque Græcorum scriptorum, ac ne nostræ quidem omnes historiæ tantæ rei mentionem faciant, cum sæpe levia & minutissima quæque persequantur. Nulla neque professionis Hispanorum neque reditus vestigia extant, nulla monumenta, minori sæpe de causa excitari solita. Negant deinde tanta & tam diuturna siccitate, qualem fuisse perhibent, humoris partem aliquam in Bæti, Ibero aut omnino ulla in parte conservari potuisse, quantum humoris unius æstatis spatio ob pluviarum raritatem Solis æstu consumatur ad conjecturam de re tota revocantes, quo tempore sæpe copiosa flumina exsiccantur consumptis penitus aquis: præsertim si maligni sideris vis terris incubuerit, eoque majori aliqua ariditate laboratum fuerit. Adjiciunt tam longi temporis siccitate, non satiscere terram, sed in pulverem comminui necesse fuisse: cum humore concreverant corpora, solvantur ariditate: Africæ Libyæque exemplo, ubi præ Solis æstu terræ humore consumpto, pulveris fluctus montesque vi ventorum concitantur. Hæc illi. Nos ductam per manus famam, & historiæ nostrarum consentiens testimonium temere repudianda non putamus, & licet antiquita-

tem excusare, quæ summæ rerum nunciatur tantum, ordinem & vestigia confundit: aut quæ aliis contigerunt, in alios permutat, fama omnia in majus auget, uti in magnorum fluminum lapsu, non temporum intervallo modo, sed & locorum longinquitate non maxima sæpe memoria vitata. Quod in re præsentis evenisse arbitror ariditate ejus temporis, minus diuturna, certe minus gravi, pluvis malignis nonnullis tamen terram irrigatam subactamque, ne solveretur in pulverem:

neque fluviorum aquas omnium penitus defecisse, fructus modo arborum terræque fruges ad maturitatem perducere, hiatusque & voragines semel patefactos, coagmentari nimiam siccitatem vetasse. Et fortassis quod Phaetonis ætate in aliis provinciis accidit: terras exustas Solis ardoribus, aeris insolenti siccitate (fabulæ commento rem gestam antiquitas adumbravit) eandem calamitatem Hispania pertulit, huic aliqui malo inter primas obnoxia.

CAPUT XIV.

Celta, Rhodii, Assyrii in Hispaniam veniunt.

HISPANIÆ vastitatis fama finitimorum gentium animos misericordia complevit, rerum humanarum vices considerantium: deinde depulso malo magnam earum multitudinem in provinciam attraxit. Agros, cultum, & copias Hispanorum, aut suis ipsi oculis viderant rebus integris, aut ex aliorum prædicatione adamare cœperant. Cum uxoribus, liberis, atque impedimentis omnibus populariter commigrarunt: vastæque & latissimæ provinciæ eam pro se quisque partem domicilii delegit, quam rebus suis maxime idoneam fore judicabat: sive pecore dives esset, sive agrorum cultui commerciove deditus. Horum industria, multitudo, fecunditate haud longissimo tempore pristina elegantia, cultus, frequentia restituta locis est, novaque rebus facies reddita malorum colluvione sublata. Ex finitima Gallia Celta Pyrenæi jugis superata, Hispania tractum incolendum suscipere ad Iberi ripam protensum, Idubedæ monti ad Solis ortum adjacentem, lætissima cæli solique facie, ubi Turiaso, Nertobriga, & Arcobriga erant. Ab his & Iberis mixto inter se sanguine Celtiberiæ gentis appellatio conflata etiam est, initio angustioris: deinde sobole aucta fines gentis nomenque ad Austrum prolatum, argumento Segobrigam, Belisum, Valeriam, Urcesam, aliæque oppida locis remota ab idoneis scriptoribus in Celtiberis poni: quod plerisque gentibus accidit, ut procedente tempore earum gentium fines alternarent, nunc angusti nunc lati pro rerum eventu vario. His finitimi ad Septentrionem Arevaces,

ubi Uxama & Agreda sunt, Duraci, Pelendones, Neritæ, Præsumarci, Cileni Celtiberis contributi, illisque sanguine conjuncti, locis finitimi uno se tempore ex Gallia in Hispaniam invadisse creduntur, conjectura probabili, argumento evincente nullo. Illud majori fide nititur: Rhodios propter magnum in re nautica usum, maris imperium tenuisse annis viginti tribus, & quod in aliis provinciis præstitum erat, ut se muniendi causa, classesque continendi maris tempestatibus clauso mari, præterea unde commercii cum provincialibus facultas esset, arces multis locis construerent: idem sibi in extrema Hispaniæ ora faciendum judicasse, ad Pyrenæi montis radices Rhodope constituta ad idoneam maris stationem, quæ urbs à nostris Rosas vocatur, in eam amplitudinem quondam aucta, ut Gotthorum imperio Episcopi sede esset insignis: nunc ad casus redacta præter ruinas & antiquæ nobilitatis vestigia nihil retinet. Nauticos ex sparto funes plectere, atque ad varios vitæ usus storeas Rhodii primi docuerunt Hispanos, molas trusitiles versare manu molendo frumento, & ad facilitatem conficiendi panis: quod multo ante labore rudibus ingeniis & industria omnis ignaris constabat. Numos ex ære percussos primi mortalium in Hispaniam invexerunt, magno miraculo rûsque initio provincialium, cum parvo ære, unde nullus usus sperabatur, viderent cibos, tegumenta, variæque instrumenta mutari. Accessit religionis cura Dianæ templo Saguntinorum imitatione edificato: quod exquisitis cæremoniis hostiis-

hostiisque colebatur. Fortassis etiam (nam ritus non explicatur) more à Tauris translato, apud quos hospites Dianæ immolare usitatum erat. Herculi oraculum præterea constitutum sacraque: quæ non faustis acclamationibus, neque sacerdotum placida prece, sed maledictis & execratione peragebantur: nullaque re magis contaminari habebant persuasum, quam si inter solennes ritus vel imprudentium bonum verbum excidisset. Cujus rei hæc ratio reddebatur. Hercules Lyndum, quod est oppidum Rhodi, delatus forte, ab aratore bovem alterum pretio sibi vendi postulavit: & cum non impetraret, utrumque vi abstulit. Injuriam ille, quoniam nihil aliud supererat, maledictis ultus est, quæ Hercules tum quidem inter epulas cum risu & cachinnis audivit. Postmodum eo ad divinitatem consecrato Lyndi civibus placuit rei gestæ monumentum perpetuis sacris celebrare ara posita, quam Bouzygon, id est, bovis jugum dixerunt: atque eo ipso rustico sacerdote creato, binis mactatis bobus, convitia in Herculem certis temporibus instaurari sinxerunt. Is mos ritusque à posteris conservatus hoc tempore ex Græca vanitate, Rhodiorum commercio, cum multis venit in Hispaniam. Rhodope ex adversum Emporiarum sita est duodecim millium trajectu intervalloque inter utranque civitatem. Pyrenæi montes, quibus hæc urbes vicinæ sunt, per hoc

tempus omni ex parte conflagrasse memorantur, de calo tacti, an à pastoribus incendio per imprudentiam excitato, forte etiam de industria arboribus dumisque combustis campos pandere, idonea cultura & habitationi reddere rura positum erat. Ex ea re Pyrenæi vocari ii montes ceperunt à Græcis hominibus, quorum lingua, Pyr, ignem significat. Alii malunt ab igne caelesti eam appellationem conflata, quo sæpe tanguntur ob sublimitatem. Nam quod de Pyrene quidam fingunt ab Hercule adamata, atque iis in locis defuncta, aut à Pyrrho Rege quondam Hispano affirmant Pyrenæorum vocem fluxisse, à sanioribus tanquam fabuloso repudiatur. Omnino ejus incendii vi, auri & argenti venæ, quibus tum ii montes tum universa Hispania scatebat, eoque Plutonem in ejus terræ visceribus delitescere fingebatur, conflata ardore atque solute rivos liquati metalli in omnes partes emiserunt. Ii rivi sedato incendio concreti fulgore suo admirationem provincialibus commoverunt: contempti tamen ab ignorantibus quanti ea metalla essent. Alii tamen nationibus re vulgata in Hispaniam veniendi incredibilem animis cupiditatem immiserunt, minime dubitantibus, ab ignaris suorum bonorum Hispanis, facile aurum & argentum impetraturos se, aut vilissimis mercibus scrutisque commutatos.

C A P U T XV.

Phœnicum in Hispaniam adventus.

PHOENICES primi mortalium mare classibus tentasse feruntur: atque ad regendum navium cursum Elicem, Cynosuram, ipsumque imprimis cæli cardinem observasse. Ii maris imperio Rhodiis, Phrygiisque crepto, Tyroque nobilissimo Orientis emporio profecti ad Hispaniæ copias inter primos navigarunt. Hispaniæ partem quam primum tenuerint, auctores non consentiunt. Aristoteles Phœnices ait, ad Gaditanum fretum appulso tantam argenti vim à Tartessiacis oleo advectio mutasse, ut cum neque navibus ferri neque capi posset, omne instrumentum nauticum ipsaque anchoras ex argento conflarent.

Fortassis Pyrenæi incendium per alias etiam Hispaniæ partes montesque vagatum similes ubique copias produxit in lucem, aut quod vero est propius, argentum ipsi effoderant, cujus secturis Bætica abundabat imprimis. Alioqui Phœnices extimas Hispaniæ partes primum tentasse credibile est: atque argenti vim illam maximam ex Pyrenæi incendio sublata concedentibus provincialibus, mercium quas afferebant permutatione. Sichæum autem vel huic classi Ducem (quod nostri scriptores affirmant) vel non multo post repetitis subinde navigationibus venisse in Hispaniam, credi par est: atque ex eo commercio eas copias paraf-

parasse, quæ regis quidem sororis nuptias conciliarunt primum, exitio deinde fuerunt, Pygmalione viro auri Hispanici cupiditate corrupto: Didonem occiso marito iis copiis raptim in naves impositis ereptisque tyranno, fugam Tharhis, id est Tunetum, cum qua urbe Tyriis frequens erat commercium, adornasse: multis adiunctis sociis Sichæi misericordia, odio tyranni, viduam Didonem secutis. Iis ad sobolem propagandam in Cypro excensione facta virgines raptæ, abductæque Charchedonem: quod oppidum olim Charchedon Tyrius à Tuneto urbe duodecim passuum millibus condiderat. In eo agro à provincialibus auro redemptum terræ quantum bovino corio complecterentur: quo in tenuissimas partes dissecto iustæ arcis idoneum locum occuparunt, fraudem incolis dissimulantibus. Unde & arcis nomen Byrsæ factum est, id enim bovinum corium significat, ut Iustinus scribit libro octavo decimo. Alioqui vero propius est Byrsam Phœnicum lingua, quæ Hebraicæ affinis est, dictam quasi Bosra, quæ vox arcem munitionemque significat Hebræis. Eam arcem perpetuo muro cum Charchedone junctam, locitque amplificatam, atque novis exornatam ædificiis Carthaginem nominavit, conditam urbem annis duobus & septuaginta priusquam Romanæ Urbis fundamenta constarent. Verum externa mittamus, ne incerto exitu infinita seratur oratio nostra, in Hispaniam redeamus. Ad quam Sichæo sublato Pygmalion navigatione Hispanica, quæ aliquot annis intermissa fuerat, instaurata, venisse in Hispaniam fertur: atque ad Turdulorum litoris partem eam, ubi Almunecar oppidum cernitur, urbem Axim seu Exinnomine condidisse. Inde commercio cum provincialibus inito, atque Hispanicis copiis onusta classe reversum in patriam. Repetita iterum & tertio canavigatione Gadeis tenuisse nostri historici confirmant: quam insulam ab Ori sociis Erythræ nomen accepisse supra est demonstratum, Gadiam ab his Phœnicibus, quod ut Hispaniæ sepes marinis Oceani fluctibus obiecta esset. Quidam diversam causam ejus appellationis designant, nimirum oppidum quod primum in ea insula constituerunt Phœnices, sepe valloque mœnium

Tom. I.

vice munivisse. Herculi in eo oppido templum constructum ajunt, ex adversum continetis, qua parte extenuata in cuspide insula definebat in promontorium Herculeum ab eo templo dictum, sic perspicaci homines ingenio odorantur. Bini profecto in ea insula putei erant admirandæ naturæ, alendæ superstitioni idonei, alter aqua dulci, cum se æstus ex alto incitabat, quod bis accidit quotidie duodecim horarum spatio, incrementa similia & decrementsa fuscipiens, falsâ alter, easdem vicissitudines sed ex contrario ferens, imminuta aqua cum se æstus extulisset, aucta remittente æstu. Erat & Geryonis arbor, sic dicta, quod præcisâ aliquo ramo, humore quasi sanguine sudaret, eo rubicundiore, quo propius radices cædebatur, cortice pineo, ramis ad terram inflexis, foliis cubiti longitudine, latitudine digitorum quatuor, neque plures una & altera, quam prioris radices protulerunt. Ad Phœnices redeamus, qui aliis constitutis oppidis, in quo numero Malaca & Abdera sunt, & Baricæ parte sub jugum missa, ad universæ Hispaniæ imperium niti cœperunt non obscure, ejus provinciæ opibus & commercio formidabiles: Plato in Timeo est auctor, Atlantides (jacent Gadeis in Atlantico mari) ex Erythræa insula profectos, & in Achaiam delatos Athenas quidem initio expugnasse, deinde autem belli conversâ fortuna ad unum omnes periisse. Eam expeditionem de Phœnicibus quidam interpretantur, Orientis, Occidentisque imperiovalidis, Gadeis obtinentibus. Uno tempore Romanæ Urbis fundamenta ponebantur, & Judæorum rempublicam Ezechias Rex gubernabat Israëlitis regno, quod decem ejus gentis tribus complectebatur, sublato ductu Salmanasaris Assyrii Regis potentissimi. Hujus filius Senacheribus numerofo exercitu comparato, orbisque imperium animo complexus, Judæam provinciam igne, ferro, & direptionibus vastavit, Hierosolymam obsedit. Cursu tandem victoriarum, elatus, majoraque versans animo, quam quæ gerere videbatur, relicto cum copiarum parte Rabface subigenda Hierosolyma anno quarto decimo regni Ezechie, ipse cum robore exercitus Pelusium progressus, quæ Heliopolis fuit, ab ea obsidione cum ignominia

F

minia

minia est repulsus, Tarachone, qui ad Æthiopiæ regnum; Ægyptum armis adiecerat, obviam facto. Herodotus à quibus dixit omni bellico instrumento corrupto, vitiata memoria arbitror, quam Hierosolymæ accepit in ipso reditu cladem, centum octoginta quinque hominum millibus divinitus una nocte prostratis, ad Ægyptios transfuisse, nisi forte divina urgens ultio utroque loco susceptæ impietatis poenæ sumpsit. Tarachonem hunc scribunt Assyriorum tempesta-

te ab Ægypti finibus pulsa victricibus armis tum alias provincias lustrasse, subegisse gentes, tum in Hispaniam directo cursu (Strabo in Europam progressum ait) in ea ora cis Iberum in edito tumulo Taraconem urbem sibi cognominem condidisse, quam tamen Scipiones multo post tempore instaurantes primæ conditionis laudem tulerunt, Plinii etiam Solinique testimonio, neque apud vulgus tantum, sed etiam ab expolitis ingenio & doctrina hominibus attributam.

C A P U T X V I.

Cartaginenses Ebusum capiunt, Baleares tentant.

SECUNDUM hæc Cartaginenses cum validis instructi classibus terra marique essent potentissimi, & ad imperii amplificationem multum referre haberent persuasum, si vicinis Mediterranei maris insulis potirentur: unde ad Europæ imperium gradum facere cogitabant: primum Siciliam armis tentarunt, deinde Sardiniam atque Corsicam eventu vario, successu haud satis prospero, cum undique insularum virtute repellerentur. Optimum visum est minores primum insulas aggredi. Itaque Liguriæ & Galliæ ora relicta, atque ad Hispaniæ littus directo cursu Ebusum ceperunt insulam scopulis quidem circumcirca impeditam, adituque difficilem, nisi qua ad Austrum Idoneus portus se pandit: Dianio promontorio objectam disjunctamque à continenti centum non amplius millibus passuum: cæterum locis angustam ac vix ambitu colligentem viginti millia passuum, plurima ex parte sylvis oblitam, unde à Græcis Pityusæ à pinorum copia nomen tulit: salinis divitem, atque totius terræ nobilitate præcipua: quando venenata animantia ipsa non procreat, advecta perimit naturæ vi quadam admirabili: eo amplius cum non sine ludentis naturæ miraculo Ophiussæ prope sita esset, noxiis faciens atque vastata animantibus, ut præsci Cosmographi testati sunt. Quæ quo hoc tempore nomine vocetur, divinare facilius est, quam certa ratione designare: aliis Formenteram facientibus bis mille passibus remotam ab Ebuso: aliis Draceneram putantibus majori Baleari prope modum conjunctam. Doctioribus placet

montem Colubrarium continenti vicinum, atque Peninsulæ oppido objectum Ophiussam credere, in quem signa vetera consentiunt: serpentibus impediti atque vastari, unde Græci Ophiussam dixere, Latini Colubrariam. Neque moveat quod antiqui descriptors terræ Ophiussam Ebuso propinquam fecerunt, falli promptum fuit propter regionum longinquitatem. Ergo Cartaginenses in insula Ebuso urbe ejusdem nominis ædificata, duas alias ad Ortum insulas adiverunt, ab Hispaniæ littore sexaginta passuum millibus sejunctas, inter se triginta; has Græci quoniam à nudis hominibus incolebantur dixere gynæsiæ, à fundis quibus certissime collimabant, Baleares: & alioqui minorem Nuram, majorem Clumbam Florianus dictas ex Antonino ait. Harum insularum littora & aditus omnes Pœni quidem circumducta classe explorarunt, interiora penetrare ausi non sunt, incolarum feritate deterriti: quos qui lacerassent ardentiori spiritu juvenes, cæsi atque reiecti in naves reliquis documento fuerunt, feros montanosque homines temere irritandos non esse. Hispaniæ deinde littora tentata, si possent aut commercio provinciales aut armis subjugare, Hispanorumque copias Cartaginem avertere, eventu nullo duas ob causas Saguntini iis insulis vicini, ut erant à multo usu cauti magnoque ingenio, non ignari Pœnos libertati Hispanorum insidiari, à suis eos littoribus prohibuerunt, ingeniorum dexteritate provincialibus persuasis ab ejus gentis commercio abstinere: in specie amicitia latere insidias. Accidit com-

mode

mode ut res adversæ Carthagine elafes in patriam revocarent; quæ intestinis diffidiis fluctuabat, & Africæ horum armis impar erat; præterea fœviffimæ pestis lue per ignobilia capita vagata in urbe ad paucos erant redacti. His malis procurandis cruenta factorum religione & scelere pro remedio usi sunt. Ritu ex Syria translato, ubi Melchon, id est, Saturnus à Moabitibus & Phœnicibus humano sanguine placabatur, sancitum ex oraculorum responso, quotannis lætiffimos juvenes ejus Dei numine placando ut mactarent. Erat simulacrum ingens manibus cavis & complicatis, quibus impositi infantes, pueri, adolescentes in subjectam foveam igne ardentem arte quadam præcipitabat. Magnus circumstantium clamor erat, tympanorum & fistrorum crepitu partes omnes personabant, ne juvenum scilicet ejulatus auditi ad misericordiam revocarent animos. Ea se religione cum civitas implicasset, calamitatis sepe causæ depulsi sunt, divino numine abjectum veritatis lumen novo & majori errore

vindicante. Impius & crudelis ritus non magno intervallo in Siciliam primum ex Africa, deinde ad Hispanos manavit, tanta immanitate ut rebus in supremum & maximum periculum adductis, nisi Regis majori filio mactato non fatis propitiari numen, haberent persuasum. Quod Moabitarum Regem usurpasse, cum à Judæis obsidione premeretur, divine perhibent litteræ, & fortassis memoria retinebant, Abrahamum Judæicæ gentis auctorem à Deo jussum, filium unicum aræ impositum jugulare. Mala sepe exempla ex bonis initiis sunt nata. Philo sine in Phœnicum historia morem, inquit, supremis periculis fuisse, civitatis Principem, filium dilectissimum demonio uliori pretium liberationis offerre; quod Saturnum, quem Phœnices Israëllem vocant, secisse ait, filio ex Anobret Nympha unico, cum bello civitas premeretur, super aram regis ornamenti impofitis immolato. Corrupta memoria Israëllem posuit, quippe homo externus, pro Abrahamo.

CAPUT XVII.

Argantonii ætas.

IN hoc ipsum tempus, quantum in rebus tam antiquis conicere licet, annum sexcentissimum vigesimum ante Christi Dei ortum salutarem, cum se hominibus in carne monstravit: qui annus ab Urbe condita centesimus trigessimus secundus erat, Argantonii Tartessiorum Regis nobilissimi ætas incidit. Hunc Silius totos trecentos annos vixisse ait: Plinius ex Anacreontis sententia eam annorum illi summam dimidiatam dat. Erat illi magnus in re militari usus, & ex multarum rerum varietate prudentia singularis: usque eo ut rerum summam & imperium permitterent provinciales, ejus virtute atque industria vanos fore Phœnicum conatus sperantes, jam ex latebris atque insidiis erumpentium in apertam tyrannidem. Quam ut consisterent in continentem trajicere, rixas contentionesque ferere inter Hispanos, alias ex aliis discordiarum causas nectere, sensimque multa oppida suæ ipsorum ditioni subjugare. Cognito provinciales periculo condonatis mutuis injuriis patriæ

caritati, sub unius imperio devincti Phœnicum audaciam reprimunt, susceptam à majoribus libertatem timentur. Auctorem cursu victoriarum secundo Baticeæ oram maritimam universam, ipsasque adeo Gadeis sub imperium misisse, quod hæc difficillimum fuit plerisque Phœnicibus ex ea insula profectis Tyrum, auxilium adversus Nabuchodonosorem Babylonium: qui numerofo exercitu formidabilis in Judæam impetu facto, Hierosolytam urbem copiis, frequentia, ipsasque imprimis loci sanctitate inter Orientis civitates facile principem ceperat, Sedechia Rege capto, atque cum universa Judæorum multitudine in servitutem abacto. Tyrios deinde impugnandos sumpserat mari terræque nobilissimum Orientis emporium. Illi quanto in periculo res essent, Carthaginem in Africa, in Hispania Gæditanos extrusis legatis monuerunt. Ni mature opem communi patriæ tulissent, unde orti erant, & cujus industria atque commercio tantas divitias parassent, inflare

exitium. Debere eos sive communi naturæ sensu tam opulentæ paulo ante civitatis misericordia tangi: sive communis patriæ periculo moveri: sive etiam suorum commodorum respectu, quæ cadente Tyro evertentur. Celeritate opus esse propter locorum longinquitatem, rerum angustiam. Rei bene gerendæ occasionem, cum in celeri momento versetur, frustra amissam queri. Non debere eos sumptibus deterri, quos victoria parta facile compensare possit. Laborem, periculum, sanguinem, si opus esset, communi parenti, unde omnia accepissent, patriæque caritati denegare, nefas esse. Hac denunciatione quid Carthaginenses fecerint clam est: Gaditani certe ea permoti, defectu suorum habito & Hispanorum auxiliis advocatis, instructa numerosa classe, secundisque à puppi ventis, paucis diebus in Tyri conspectum delati, per mediam hostium classem ad obsessos penetrarunt. Eorum adventu civibus cum spe defensionis studium etiam propugnandi accessit, tantum ut integris ferme quatuor annis obsidionem tolerarent, enixe tum Tyriis tum Hispanis pro extrema spe dimicantibus: sic patientia atque virtute obsessorum fractis Babylonii animis ab obsidione discesserunt. Commodum etiam ex Africa nunciabatur, magnas in Ægypto copias adversus Nabuchodonosorem conscribi: quos is conatus priusquam mora convalescerent, reprimendos iudicabat. Pugnatum inter utrosque initio varia belli fortuna: Ægyptus tandem & Africa victori, armis domitæ cesserunt. Inde in Hispaniam transmisit, spe ditissimæ provinciæ occupandi: simul studio ardens vindicandi missa Tyrum auxilia. In extrema Hispania ad Pyrenæi radices exposito milite, reliquam Hispaniam Gadeis usque pervagatus victor est. (Iosephus in Antiquitatibus à Nabuchodonosore affirmat, hujus Nabuchodonosoris filio, Hispaniam subjugatam, Tyrum obsessam) Verum cum se provinciales ad resistendum compararent, neque Babylonius vellet superiores victorias adverso aliquo casu corrumpere: satis divitiarum congestum esse, satis ad nominis gloriam profecisse, orbis finibus imperio terminato consideranti optimum visum est nu-

merosa comparata classe solvere ex Hispania, uti fecit ab Urbe condita anno 171. Hujus adventu in Hispaniam nonnulli, cum multis Judeos in expeditionem traheret, arbitrati sunt, multa Hebraica nomina cum in Bætica tum in Carpetania locis adhæsisse, atque ex ea gente Toletum, Scalonam, Novem, Maquedam, Jepem, aliaque minora oppida fuisse constituta, ab Ascalone, Nobe, Mageddone, & Joppe Palestinae urbibus, appellationibus mutatis. Toleti vocem à Tholedoth derivatam, quod nomen Hebræis progenies familiasque significat, quæ magno numero ejus urbis fundamenta posuerint. Quam opinionem neque refellere operæ pretium est, neque probare animus, cum levi conjectura nixa sit, neque veterum scriptorum fide auctoritateque fulciatur. Sic compressa Phœnicum audacia & Babylonii ex Hispania reversis Phœcæenses Phœcæa Ioniæ civitate profecti, cum classe longarum navium, quarum primi Phœcæenses inventores extiterant, in Italiam, Galliam, atque Hispaniam navigarunt Harpali sævitiam veriti copiarum pro Cyro in Asia Ducis sic suspicari juvat. In extrema Lucania ex adversum Siciliæ Velia urbe constituta, celi ejus gravitatem & loci sterilitatem exosi, atque ab incolis male accepti, pars Corsica tentata, atque ad Galliæ littus provecti idoneum portum nacti, tumultu tribus ex partibus mari cincto, difficile è terra aditu propter loci naturam vallemque altissimam Massiliam urbem condiderunt. Pars in Hispaniam Tartessumque navigantes, Argantonio Rege in urbem admissi oppositas Tartesso insulas (nunc omnes præter unam Junoniam nomine perierunt) quæ Aphrodisiæ vocabantur, Græco instituto atque ædificiorum elegantia excoluisse memorantur: effecisseque industria, ut quæ paulo ante neglectæ jacebant, civibus in deliciis essent. Subsecutum Argantonii funus anno circiter ducentesimo decimo ab Urbe condita tot circum tumultum obeliscis lapideis constitutis scilicet, quot in bello hostes sua ipse manu peremerat; quem morem ritumque tumulandi mortuos Hispanis solennem atque usitatum fuisse, Aristoteles est auctor.

CAPUT XVIII.

Phœnices imperium meditantur Hispania.

ARGANTONII mortem magni motus sunt confecti Hispania non secus ac destituta gubernatore navis magnis tempestatibus jactata deinceps est: belli fortuna alternante atque ab Hispanis tandem averſa, quibus libertas erepta est Carthaginensibus in provinciam attractis. Phœnices per hæc tempora numero, viribus, & copiis aucti, atque jugo Hispanorum excusso, Gadeis insulam receperunt, fortunarum domicilium, commercii sedem, arcem imperii, unde in continentem transmittere cogitabant, si qua se occasio dedisset. Hæc cogitantibus, neque rationem tantæ rei perficiendæ satis explicantibus optimum visum est, religionis prætextu aggredi, quo nihil est in speciem fallacius. Quasi per quietem jussi essent Herculis sacra in Hispaniam transferre, templum Herculi in continenti ædificandi facultatem sibi, locumque esse provinciales postularunt: & cum datum esset, justæ arcis forma, addita munitione, magnis molibus ad culmen brevi perduxerunt. Multi loci religione, & insolenti ceremoniarum apparatu allecti locum illum domicilio delegerunt. Sic in urbis æmulam magnitudinem non magno intervallo excrevit, eo loco sita ut creditur, ubi nunc Medina Assidonia cernitur. Nam & Sidonis nomen consentit, & locus, cum sit objecta Gadibus, à maris littore, sedecim passuum millibus. Obtinebant præterea alias urbes minoraque oppida, vel ex ipsorum numero constitutas, vel per vim ablata finitimis. Unde ac ex templo præsertim prædas agere pecorum hominumque. Turdetum urbem, quæ olim posita fuit, præter Cæsarianum & Arcobrigam (hæc hodie Xerez & Arcos sunt) suæ ditionis fecerunt nullo meliori jure quam quod in vi & armis erat. A Turdeto sunt dicti Turdetani amplissima olim Bæticæ natio secundum Oceani littora Ana flumine terminati. Baſtuli & ipsi in Bæticæ parte à Tartesso Veram usque fusi ad Mediterranei maris oram erant. Turduli à Menesthai portu (is hodie portus à Sancta Maria nomen habet) præter Ortum &

Tom. I.

Septentrionem extensi paulo infra Cordubam Bati superato, & Marianos montes attingentes, usque ad extremum Bæticæ limitem mediterranea obtinebant. Turdulos & Turdetanos Livius, Polybiusque unam nationem faciunt; plerique eorum fines confundunt, quominus iis describendis, aliisque populorum nominibus eorum ambitu comprehensis, sigillatim recensendis laborandum puto, Massienis, Selbis, Curenſibus, Lignis, aliisque haud exiguo numero nominatis à veteribus regionum descriptioribus. Quod rei præsentis est tamen; tantis injuriis læsa provincialium patientia, & novæ urbis incrementa suspecta habentes finitimi, bello Gaditanos lacessere constituit concilio gentis ad diem certam indicto. In eo conventu Phœnicum injurias conquesti sunt. Ut semel Assidoniæ templum ædificare capissent, jugum provinciæ cervicibus impositum gravissimum. Homines esse avaritia insatiabili, crudelitate maxima, ex fraude & arrogantia compositos, in religionis simulatione inexpliabilis fraudes, immania scelera contegere. Non posse diutius eorum injurias sustineri nisi quid auxilii in mutuo gentis consensu sit, universis domo emigrandum, aliud domicilium, alias à Phœnicibus disjunctas sedes petendas. Quidvis perpeti fore sitius quam tantas & tam frequentes injurias contumeliasque tolerare. Hæc verba multorum excussere gemitus, expressere lacrymas. Sed silentio tamen facto, Baucius Capetus Turdetanorum Princeps. „ Mollis, „ inquit, & enervati animi est calamitatem „ deplorare, leve malorum in muliebri „ ejulatu solamen, turpe nullum rebus „ asperis opem afferre præter lacrymas. „ Quin viros nos esse potius recordamur, correptisque continuo armis illatas injurias vindicamus majori hostium molestia? Neque erit difficile paucos perduelliones de universæ provinciæ finibus exturbare: si qui numero, viribus, & caussa potiores sumus, animorum concordiam adjungamus, mutuis injuriis communi patriæ condonatis

G

„tis caritati: ne quod hæcenus evenit,
 „conceptæ animis simulates cursum ve-
 „ræ laudis impediunt. Violari numen
 „nostris injuriis vindicandis nemo sibi
 „persuadeat: nam favere sceleri non so-
 „let, & injuria potius oppressis opitula-
 „ri æquius est. Diurnam hostium se-
 „licitatem metuere non debetis: sed il-
 „lud potius cogitare consuevit Deos,
 „quorum scelera ulcisci volunt, iis in-
 „terdum res secundas & diurnam
 „impunitatem dare. Ituri in arma mo-
 „do majores vestros & posteros co-
 „gitate: ne oblii sanguinis vestri, ne-
 „potum contumelias & commoda ne-
 „glexisse videamini. Hac oratione cunc-
 „ti, qui aderant, animis inflammati uno
 „consensu bellum contra Phœnices de-
 „cernunt. Duces delecti, iisque imperatum
 „quam maximos delectus militum, &
 „quam occultissime habere: quo hostes
 „imparati facilius opprimerentur. Totius
 „belli summa Baucio demandatur: quem
 „exactæ prudentiæ opinio, virtus bel-
 „lica, multarum rerum usus ad popu-
 „lum commendabat. Collecto per eum
 „modum numero exercitu Phœnices in-
 „opimantes locis omnibus oppressi, divitiæ
 „multo congestæ tempore directæ, urbes
 „& oppida expugnata momento temporis,
 „tum ea quæ per vim occupata tenebant,
 „tum alia, quæ ex sua gente fundarant.
 „Asidoniam, quo se Phœnicum reliquiæ
 „quasi ex communi naufragio receperant
 „templi munitione confisæ, nihil impeden-
 „te loci sanctitate eodem animorum ardore
 „vi expugnatam solo æquant, civibus
 „adunum cæsis, tanta erat vindictæ cupi-
 „ditas: ne templo quidem ipsi parcitur.
 „Exasperati iusta iracundia animi neque
 „misericordiam recipiebant, neque reli-
 „gione movebantur. Multis annis magna-
 „que diligentia quæsitæ opes, fundatam
 „urbem & templum hostilis iracundiæ flam-
 „ma vastavit. Tanta ex eo Phœnicum con-
 „sternatione, ut paucis in continenti op-
 „pidis iisque ignobilibus retentis, magis
 „quia non impugnabantur, quam quod fa-
 „ctis animi ad resistendum esset, in insulam
 „Gadeis compacti de Hispania, ubi tanta
 „invidia flagrabant, deferenda, consilia in-
 „ter se communicarent. Omnino concor-
 „diæ spe omni sublata, externa auxilia ad-
 „vocare, iisque se adversus provincialium
 „vim munire consiliunt. E. Tyro expec-

tare longum erat in ea rerum angustia;
 unde minime debuerunt, Carthagine
 propter communem originem, regio-
 num haud magnum intervallum evo-
 cant. Dato senatu, legati Phœnicum
 supremum in periculum res Gadita-
 norum venisse, Patribus explicant, nisi
 in ipsorum præsidio, spem nullam esse
 reliquam. Non jam de opibus labo-
 rare, quibus puncto temporis inju-
 ria exuti essent: sed de libertate &
 salute periclitari. Venisse quam toties
 expetiissent, occasionem in Hispaniam
 transeundi, honestam juxta ac piam, pro
 necessariis & cognatis tuendis, pro Deo-
 rum immortalium religione vindicanda:
 quæ Herculis templo everso sanctitatis
 opinione celeberrimo, sacrisque conta-
 minatis violata erat. Se quidem libertate
 modo & antiquis finibus habituros satis:
 cætera victoriæ, præmia, quæ futura erant
 opinione ipsorum, suæ prædicatione
 majora libenter ipsis relicturos, impe-
 rium copiasque Hispaniæ. Carthagen-
 ses audita Gaditanorum legatione bono
 eos animo esse jubent, eorum salutem
 fore senatui populoque curæ pollicentur.
 Magnam se habere spem fore brevi,
 ut Hispani suis malis castigati brevi,
 injuriis finem faciant; tantisper mo-
 do sustentarent, dum classis valida re-
 bus omnibus instructa mitteretur in
 Hispaniam. Obtinebant ea tempesta-
 te Carthagenenses maris imperium nu-
 merosis classibus, sive commercio ser-
 vientes, quo nomine per hæc tempora,
 uti ex divinis libris intelligitur, na-
 ves Tharsis celebres erant, sive profe-
 rendi imperii cupiditate: nam oram Afri-
 cæ universam & inferi maris insulas non
 paucas sub ditionem miserant felici cona-
 tu. Hispaniæ aditu hæcenus fuerant pro-
 hibiti eas ob causas, quæ sunt superius
 indicate. Eo majori aviditate festina-
 tioneque instructa classis Duce Mahar-
 bale cum solvisset Carthagine, Balea-
 res & Ebusum prætervesta idoneis tem-
 pestatibus Gadeis tenuit anno ab Urbe
 condita, ducentesimo trigésimo sexto. 236
 Alii non multo ante primum bellum Pu-
 nicum putant; quocumque certe tempo-
 re, ad imperium Hispaniæ aditu patefacto
 continuo littora vicina explorare, Hispano-
 rum naves intercipere, atque ex ipso-
 rum agris quam maximas & quam latissi-
 me

me prædas agere, locis idoneis munitiones edificare, unde incurfiones in agros finitimos facerent. Quibus malis excitati Hispani Turdetum frequentes convenientes, Baucium denuo novi belli Ducem jubent. Is delectu fuorum habito, hostium munitionem, quæ ex multis Turdetorum proxima erat, intempeſta nocte expugnavit, præſidio caſo præter paucos ipſumque ducem Maharbalem, qui equo per averſam portam evadens fuga ſervatus eſt. Eodem victoriæ curſu majora hoſtibus damna intulit. His rebus geſtis Baucius gravem prædam militem latus in urbem reduxit. Carthaginienſes, Hiſpanos vi opprimi poſſe deſperantes ad Punicas artes converſi velle ſe paciſci ſimulant, non eo ſe veniſſe affirmantes, ut Hiſpanos bello fatigaret: ſed ut cognatorum injurias vindicarent, & à ſacroſancti templi violatoribus piacula exigerent. Turdetanos cives habere compertum, neque adverſos Deos quidquam impie, neque in Gaditanos crudeliter commiſiſſe. Gentis virtutem admiratos, amicitiam appetere potius, quæ utrique nationi non inutilis futura erat, ponerent arma, dexteras jungerent, atque in amore reſponderent, à quibus eſſent provocati. Et ut intelligerent, nihil ficto animo geri, cuncta ſe præſidia deducturos, atque omnem mi-

litarem injuriam ab eorum finibus prohibuituros. Ad hæc Turdetani, eam legationem gratum tum ſibi fore reſponderunt, ſi cum verbis conſentirent facta, bellum neque timere neque provocare: amicitiam Carthaginienſium neque magnopere deſiderare, neque repudiare oblatam. Eos eſſe Turdetanos, qui beneficiis maleſicia ulciſci, & officio cum offenſa certare conſueſſent, quæ geſiſſent non ſua voluntate ſed defendendi belli neceſſitate facta eſſe. Ad hunc modum quodam induciarum genere facta, ſe propius littora Pœni continuerunt: unde per oppida & arces diſpoſitis præſidiis finitimos carptim fatigabant. Quod ſi qua paulo validior manus Hiſpanorum, vindictæ ſtudio conuiſſet, militum licentiam excuſantes, atque nova ſcedis ſimulatione, ſimplices homines & tranquillitatis amantes illudebant: ſimilique fraude ad alios opprimendos convertebantur. Quæ res Gaditanis gratiſſima erat, Hiſpanis non videbatur intolerabilis, publica damna, ut ſit, contemnentibus ſingulis, cum à privatis rationibus ſunt ſe juncta. Sic Carthaginienſium vires augebantur noſtrorum ceſſatione, ipſorum artibus, quod facile fuit Baucio tanto Duce per idem tempus deſuncto die ſuo, nullo relictio ſucceſſore hæredeve, quod ſciatur.

CAPUT XIX.

Carthaginienſes in Gaditanos inſurgunt.

INSATIABILIS eſt humanus animus eo quod fortuna ſuppeditat ſeu vis altior, ſaxent prima, cum majora verſamus in animo: & quæ non minor eſt noſtræ felicitatis labes, confortis impatientiſſima eſt natura poteſtatis. Extincto Baucio Carthaginienſes de univerſæ Hiſpaniæ imperio cogitantes, à quibus evocati erant, propinquos & neceſſarios Gadium poſſeſſione Phœnices deturbare aggreſſi ſunt. Fœcunda gignendis inimicitiiſ ambitio. Arte quadam ſemina diſcordiæ ſerere, miſericordiæ ſimulatione erga veteres inſulanos. Superbe Phœnices imperare prædicantes, neque communicare honores aut magiſtratus cum veteribus incolis, publicas & privatas fortunas compilare, ad vitæ conditionem ſervituti proxi-

mam miſeros inſulanos perductos eſſe. Sic Phœnicibus accuſandis ſtudia ſibi multitudinis adjungere, malis artibus ambicioſi, ingenio pravo callidoque. Illi re cognita Pœnorum perfidiam accuſare, neque cognationis reſpectu, neque beneficiorum memoria à concepto ſcelere retardari corruptis ſemel animis prava cupiditate. Arma corripunt inter ſe. Primi Phœnices impetum in Pœnos faciunt, quem illi impetum non tulerunt, venturi ſecuri ſcilicet, neque digni formidantes. Non pauci in conſictu perierunt, contento alii curſu in arcem, quam ad ſimiles caſus in extrema inſula ex adverſum Cronii promontorii paratam munitamque habebant, ſe receperunt. In teſta & agros Pœnorum converſa rabies, ignes paſſim injecti, direptæ opes.

Conurbati Pœni improviso malo gaudebant tamen, ut in malis, tumultu Phœnices factio honestam sibi occasionem belli defendendi præbuisse, urbemque eorum occupandi, quod brevi factum est. Deducitis præsidio omni ex parte, & fœderatorum auxiliis advocatis, à quibus paulo ante cæsi fugatique erant, ultro provocare ausi sunt, successuque elati, quoniam hostis nullo loco pugnae copiam faciebat, ipsam urbem Gadeis expugnare aggrediuntur. Menses aliquot oblidio tenuit: ferroque tandem in urbem penetratum. In ea obsidione Pephasteni Tyrii industria literis quorundam celebratur, arietis machina inventa muris quatcendis: quam ex transversâ trabe suspensam, atque libratam majori motus facilitate, majorque impetu quater monstravit. Phœnicum calamitas magnam Carthaginensibus invidiam à finitimis conciliavit gentis perfidiam & inhumanitatem acculantibus: à quibus in partem imperii vocati essent, & quos paulo ante conservassent, eisdem libertatem & fortunas eripuisse: impios æque & ingratos nulla satis idonea causâ hospitii jura, consanguinitatis, amicitiae, humanitatis priores violasse. Menesthai portus cives, quibus magna ac diuturna cum Phœnicibus amicitia erat, imprimis dira omnia Pœnis imprecari, minitari vindictam, à jurgiis & convitiis ad bellum & arma ventum est. Valide ab utraque parte copie in aciem productæ: prius tamen quam ventum esset ad manus prudentioribus placuit concordiae viam aliquam tentare. Carthaginenses in unius pugnae eventu considerantes rerum suarum & imperii summam verti, priores de pace agi cœperunt. Datis consensu arbitris fœdus haud difficulter his conditionibus est factum. Commercia inflaurarentur. Neutri alteros portibus excluderent, aut mari libere vagari vetarent. Captivi redderentur ab utraque parte. Damna inter se compensarent, quantum delecti iudices pronunciasent. Quo major esset conventionis constantia, Atheniensium instituto oblivionem injuriarum fœnirc visum est. Unde fluvio ad Menesthai portum in mare influenti Lethis, id est, oblivionis Græca voce nomen factum ajunt. Plura transcribo quam credo: nam neque refellere promptum erat, quæ dicuntur

abalii, neque argumentis confirmare animus. Sed is tamen rebus (sic ajunt) ex Meherbalis literis cognitis Carthaginæ, immortales Diis gratiæ actæ: eoque major læticia fuit, quod difficultate rerum, suarum impediabantur classem expedire in Hispaniam auxilium suis, retinendo imperio Gaditano subsidium, Bello Siculo primum, deinde Sardico male multati: quæ Machæo copiarum Duce gesta erant. Excepit belli Africani novus metus: qui Carthaginensis senatus cogitationes avertit penitus ab Hispania. Sic Pœni qui Gadibus erant, spe auxilii sublatâ ad conciliandas Hispanorum voluntates animos retulerunt allimulatis ad tempus officiis. Phœnicum reliquæ, qui potissimum lasi erant, quoniam aliud nihil supererat, retenta maritimi commercii libertate, unde ingentes divitiæ parabantur, à cogitatione abstinerunt deinceps repetendi Gadeis. Quo tempore anno ab Urbe condita ducentesimo quinquagesimo secundo, Hispania terræ siccitate, pluviarum inopia, annonæ angustia, terræ motibus frequentibus afflicta est: terra desidente vasti hiatus existerent, magnæque auri & argenti vis ex antiquo Pyrenæi montis incendio cineribus terræque sepulta, per eum modum in lucem producta novas gentes attraxit in provinciam, quas enumerare non est necesse. Prorsus Carthaginæ classis in Hispaniam novo decreto senatus destinata missæque Afrubale & Amilcare Ducibus (Magonis ii filii erant viri Principis Carthaginæ) Sardiniam, cum devia non esset, primo tenuit. In ea insula Afrubral ab insulanis in pugna interfectus periit, cui filii fuerunt Annibal, Afrubral, & Sappho. Amilcarem à cogitatione Hispaniæ bellum Siculum revocavit. Cognito enim Afrubalis casu Siculi, atque Leonida Spartano cum classe delato in Siciliam, bellum contra Pœnos majori impetu instaurarunt. In eo bello Amikar occubuit, tribus filiis relictiis Himilcone Hannone & Gifgone. Præterea Darius Histaspis per idem tempus magnam Carthaginensibus sollicitudinem injectit, missis legatis, qui vivendi leges præscriberent, & auxilia in id bellum, quod contra Græciam parabat, miti postularent, quem in se irritare Carthaginenses nolebant asperiori aliquo responso, in eo discrimine rerum suarum: tamen

147

merſi auxilia mitti non placebat. Darii filius fuit Xerxes, is qui imperii fui anno tertio, qui annus ab Urbe condita ducentefimus feptuageſimus primus erat, cum patris amulatione bellum & ipſe atrox in Græciam pararet, Græcis illis ex Sicilia in patriam revocatis, qui Leonida Duce auxilium venerant contra Perſas, ſenatus Carthagenenſis quaſi ex diuturna jaſtatione reſpirans, rerum Hiſpanienſium cura, nongentos milites ex Siculis præſidiis deductos & quatuor navibus impoſitos ſupplementi loco in Hiſpaniam mitti decrevit, majoris auxilii ſpe facta. Baleares tentati ex itinere, montanos homines laceſſere malo fuit. Correptis illi fundis, quo tunc ſolo telo urebantur, hoſtes male acceptos, atque lapidum grandine continenter afflictoſ, ad mare redire, & avertere in altum naves compulerunt. Inde valida abreptæ ventorum vi, diverſa Ga-

deis tandem appulerunt. Earum adventu, & acceptæ in Sicilia cladis caſo Amilcare ſama imminuta eſt, & male ſentientibus ſe commovendi potestas ſublata. Quo tempore Tarteſſo ajunt coloniam milliam Duce Capione ad eam inſulam quam ambobus oſtius Bætis complectebatur. Omnino ubi Mnecſthæi oraculum erat, nova civitas à Tarteſſiacis fundata eſt Cartefiorum Ebor dicta diſtinctionis gratia, cum plures eo nomine civitates in Hiſpania fuiſſe conſtet. Et Tarteſſus Carteia etiam nuncupabatur. Præterea in oſtio fluminis altero turris eſt conſtituta Capionis Ducis nomine, quo tempore non conſtat. Sed ejus tamen oræ accolæ Cartefſii ſeu Tarteſſii dicti ſunt, unde conjectandi occaſio Tarteſſo in eam partem coloniam fuiſſe, amandatam ingeniis nimium perſpicacibus.

CAPUT XX.

Sappho venit in Hiſpaniam.

AFRICAM omnem contra Carthaginem conjurare per id tempus fama erat, copias conferre, quantum cuique civitati virium eſſet, obſides inter ſe dare. Nimia ejus urbis potentia cæteris ſuſpecta eſſe cœperat, & annum veſtigul denegarant, quod Didonis voluntate pactum pendere conſueverant. Præterea rei male geſtæ in Sardinia atque Sicilia fama ad audendum invitabat. Mauritanie gentes nulla quamvis injuria violatas ſeſe cum cæteris conjunxiſſe: tantumque omnium ſurorem eſſe, ut Hiſpanos anguſto freto diremptos, in belli ſocietatem trahere cogitarent, & à Carthagenenſium amicitia abducere. His rebus Carthagenenſis ſenatus permotus tum ſe ad reſiſtendum comparare, tum Sapphonem Afrubalis filium Præfectum in Hiſpaniam amandare: ut ſuorum vires atque animos præſentia & auctoritate confirmaret: & nutantes Hiſpanorum voluntates induſtria atque accommodatis officiis conciliaret. Quod ille in provinciam delatus diligenter effecit. Hiſpanorum enim proceribus advocatis, quid Africani molirentur expoſuit, quo eſſent animo Mauritanie populi, pro jure veteris amicitie poſtulans neu ſe, neu ſuorum quemquam in fraudem

impelli ſinerent, ſe potius, atque Carthagenenſem populum conſilio requejuvarent. Eorum voluntate tria Hiſpanorum millia conſcribere datum eſt: non ut bello laceſſeret Mauritanos amicos Hiſpanorum & neceſſarios, ſed ut rem Punicam ab injuria defenderet, ſicunde viſ pararetur. Copias ille omnes ad Gaditanum fretum continuit tum civium, tum ſociorum: ſi quo modo Mauritanos ſanare, & à cæteris Africanis belli timore poſſet abducere. Verum cum non ceſſarent, tranſmiſſo freto agros vaſtare, ædificia oppidaque incendere, in ſervitutem abducere, quicunque Marte arbitro veniſſent in poteſtatem. His malis permoti Mauritanii Tingim Tarteſſo objectam in Africæ littore conveniunt, in commune deliberaturi, quid ſacto opus eſſet. Legatos in Hiſpaniam mitti placuit, conqueſtum injurias eorum Hiſpanorum qui Sapphoni militabant in quibus præſidium eſſe debuit, inde perniciem exiſtere amicis & neceſſariis, unde diſcederent, & quibus ſe ad jungerent conſiderare jubent. Omnium gentium, ad quas Perſæ acceſſiſſent, inſidiari libertati. Communibus proinde armis vindicandos videri. Ne conſilium privatim ipſi captarent, cujus è veſtigio

eos pœnitere necesse esset, sive victis Carthaginensibus, totius Africæ odium incurere necesse foret; sive victoribus scribendi necessitate. Jam dudum Carthaginenses præ animorum fastu atque arrogantia orbis meditari imperium. Ad hæc Hispani, facti imprudentiam excusante, Sapphoni non ad inferendum bellum, sed ad defendendum, Hispanorum auxilia concessa, missuros se in Africam legatos, quibus auctoribus si pax facta non esset, suorum copias revocarent in Hispaniam; ita præstitum. Legatorum adventu ab armis discessum ea lege est, ut Dux Carthaginensis copias ex Mauritania deduceret, Mauritani suos ab oppugnatione Carthaginis, à qua nulla fuerant injuria violati, revocarent. Verum Sapphone in Hispaniam reverso cum Mauritanii ab Africanorum castris non recederent, repetito bello majores illatæ sunt Mauris clades, ægreque tandem Hispanis interpellantibus impetratum, ut novis Sappho Hispanorum auxiliis auctus, quæ ulro offerebantur, Mauritaniam relicta in Africam interiorē discederet versus Carthaginem. Sic hostium copias oppressæ sunt, à tergo & à fronte circumventæ iis copiis, quæ Carthagine & ex Hispaniâ missæ erant. Sarucus Barchinus, à Barce urbe ad ortum Carthaginis sita (tametsi Silius à Didonis socio Barce malit)

ob diligentem operam Carthaginensi reipublicæ in hoc bello navatam, in eam urbem translatus Barchinorum factionis princeps extitit. Finis bello impositus est anno ab Urbe condita ducentesimo octogesimo tertio. Sappho in Hispaniam reversus, rebus in provincia compositis, Carthaginem septimo post anno revocatus est; per speciem quidem reipublicæ in patria procurandæ, summo magistratu dato, cui Suffetes nomen erat auctore Festo, re quoniam molestum erat, distissima provinciæ copias amplius civem unum augeri quam libera civitas pati posset. Quo major esset honor Himilco, Hanno & Gisgo patruels successores dati sunt. Sapphoni in patriam reduci magni honores habiti, tantos spiritus ex eo sument: ut non tyrannidem invadere sed divinitatem meditaretur: plures enim aviculas vocales docuit proferre atque ingeminare, tria verba. Magnus deus Psaphon: quæ libere abire permisit, cum iis vocibus pronunciatis Psaphonis famam per agros dissipasset: facile à provincialibus, rei miraculo attonitis ante obitum divinitati consecratus est, nomenque templis datum; quod ante id tempus acciderat nemini. Plinius hoc factum ad Hannonem ablegat, Psaphonem fama tenuit; veteri proverbio consecrata muniaque.

C A P U T X X I.

Himilco & Hanno novas navigationes aperiunt.

HIMILCO & Hanno Hispaniæ provincia destinata, quæ prima dies cursum dedit, classis vela è portu egressi explicarunt. Tentati ex itinere Baleares munusculis arteque. Rudes homines & earum artium ignari munitioni ædificandæ locum concesserunt in majori Baleari, qui gradus erat ad opprimendam gentis libertatem. In minore Hanno Jamam condidisse fertur præter Septentriones & Occasum situm oppidum, Magonem ad Eurum. Sunt qui Lebonem tertium ejus insulæ oppidum numerent: & causam harum appellationum extitisse putent tres deinceps Carthagine missos ejus insulæ procuratores. Hannonem sitis constat Gadeis, appulsum gloriæ cupiditate incensum, & ut

res novas exploraret, Oceani littora usque ad promontorium Sacrum (D. Vi-centii hodie) classe legisse, visique senatui sigillatim per litteras explicasse. Magnam se habere spem, inacces-sa eam tenus Atlantici, Gallicique maris littora longissimo excurrentia locorum tractu, posse magno reipublicæ commo-do gloriæque aperiri. Binas classes ædificare daretur, rebusque omnibus instruere ad diuturnam navigationem tolerandam. Quod cupiebat consequenti anno senatus permisso est factum. Himilco Europæ littora mariæque, quam longissime posset, jussus est explorare: Hanno Africæ adeundæ curam sibi desumpsit: Gisgo ad rerum procuracionem in provincia consensu fratrum relictus est. Ergo sub-
tium

tiam ejus anni, qui ab Urbe condita trecentessimus septimus numerabatur, Hanno & Himilco relicta Hispania diversi classibus abiit. Himilco Heraclæa solvens Mæsiniosque & Selbisios (hi in Bastulis ad fretum erant) præterveſtus Hermam sive Junonis promontorium, quod in extremis freti faucibus est, flexis ad dexteram proris tranſmiſit, Cylbique ostium, fluvii Melariam (hodie Bejelium) atque Barbatem inter in mare mitentis, quemadmodum Beſilum tenui rivo proximum, Gadibus obiectum in idem evolvitur mare: Geryonis ſepulcro inter utrunque flumen comprehenſo, ubi lingua est procurrens in mare. Mox occurrunt Erythræa inſula, ſive ea Gadeis ſit, ſive ut alii diſputant, à Gadibus ſecreta, quinto olim à continenti ſtadio dirempta: nunc hauſta mari, ut ne veſtigium extet. Deinde ſylvis denſum impeditumque montem contemplati ſciſcitatione invenerunt Tarteſſium, ex illius oræ maritime communi nomine dici; porro ex eo monte derivari fluvium Lethim, de quo paulo ante eſt demonſtratum. Sequebantur Cibiceni Turdetanorum ſtatio ad propinquius Bætis oſtium ſecundum littora ſuſi, atque in medio intervallo Geronda turris, Geryonis opus. Supra hos Yleates, Cempſii, & Manii adverſo Bæti interiora terræ obtinebant. Eum fluvium Tarteſſium etiam vocari, atque è Ligofico fonte in paludis formam reſtagnante ad Argentarij montis latus, qui hodie mons Seguræ eſt, derivari cognoverunt, in quatuor brachia diductum. Mendacio videlicet accommodata fides eſt verifimili propter tria flumina alia, quæ inſuunt in Bætum: aut fortaffis per ea tempora irrigandis Bæticiæ campis in plures partes rivoſque diducebatur, quod vix in tam rudibus ingenijs credi poteſt. Rufus Feſtus qui has navigationes explicuit, quatuor oſtiis Bætum in mare mittere teſtatum reliquit: antiqui deſcriptores terræ duo tantum inveniebant, nos unum, rebus tempore mutatis alternante ſcilicet memoria. Inde progreſſi, Bætiſque oſtia præterveſti, Caſſii montis ſaſtigia viderunt venis ſtanni copioſi, uti nomen ipſum indicio eſt, utque eo ut ab eo monte id genus metalli Caſſiteron Græce dici quibuldam ſit perſuaſum. Monti ſubjectum planiciem Albiceni Tarteſſii ob-

nebant. Succedebat Iberus fluvius olim Tarteſſiorum limes extremus, nunc Paſlos inter & Huchmam in mare deſertur, tanta olim nobilitatis, ut ab eo quidam malint Iberiæ nomen, quam ab altero Citerioris Hiſpaniæ fluxiſſe. Hoc tempore Tinctus fluvius, ſive Atramenti vocatur, ab ejus terræ copia inſcindiſ ſatro colore lanis aptiſſimæ. Ad Occaſum ſecundum litus progreſſis Iberia urbs occurrat, alteri cognominis ad Iberi ripam olim ſita non procul Dertuſa, de qua Livius meminit. Prope maris æſtuvia ſuccedunt: qua parte promontorium excurrebant in mare ab impoſito templo Proſerpinae appellatione; quo circumducto Mariani montis extrema juga viſa ſunt in mare deſinentis; ſupraque Zephirijs mons culmine calum attingere, nubibus nebulæque contectus tranquillo quamvis mari, raris ea parte ventis. Littora excipiebant, lapidibus impedita, dumetis alpera uſque ad Saturni montem pertinentia. Mox Cenitæ interfluente Ana, duabus obiectis inſulis: quarum quæ major erat, Agonida nuncupabant. Inde promontorio Sancti Vincentii Sacro tranſmiſſo, magno littorum flexu aliquot conſectis millibus ad portum Cenim ventum eſt, non procul à Petanio inſula (nunc Perſeguero.) Quibus locis proximi erant Dragani Luſitanie populi, montium Sephis & Cempis latere ſinuque Septentrionali incluſi, ex adverſum Strimniæ inſulæ procul jacentis in mari. Dagraniſ vicina erat inſula altera Acale nomine, aquis præter morem caruleo colore, odore tetro (ſic ea tempeſtate res erant) nunc retracto mari omnia ſunt à veteri forma & obſervatione immutata. Supra Acalem Cephilianus mons in continenti aſſurgebat, & longo littorum tractu emenſo, præter ortum & Septentrionem Pelagiæ inſulam naſci viriditate præcipuam Sylviſque attingere auſi non ſunt, cum in Saturni præſidio eſſe, & eo appulſis mare turbari ex multorum prædicatione haberent perſuaſum, homines inani ſuperſtitioni ſervientes. Sequebantur ad continentis littora Sarj gens inhumana & inhospitalis: Promontoriumque quod iſis locis vulgo Spichelis dicitur, antiqui Barbarium ab ejus gentis ſeritate nominarunt. Duorum mox dierum navigatione ad Strimniæ inſulam eſt perventum,

habitoribus vacuum vastamque, obserpentes & noxia animalcula, incolis novas quarere sedes compulsis: unde à Græcis Ophiussæ nomen tulit. Occurrit deinde Tagi ostium, Sariæ gentis finis, Græca colonia imposita, quæ non incommode Olisipo fuisse creditur, urbs consequenti tempore in paucis nobilissima. Quo ex loco solventes, atque Albianum & Lanciam insulas (hæ hodie Bajonæ in Calæcis objectæ sunt) legentes ad Neriorum littora pervenerunt, usque ad Nerium promontorium pertinentium, quod nostris Finis terræ est. Ei promontorio plures insulæ adjacent Srenides quidem ex eo dictæ, quod Stremniæ insulæ incolæ Serpentum inde copia depulsi, eas insulas domicilio delegere: Cassiterides à

plumbi stannique proventu. Nerium promontorium prætervecti Himileo & socii, conversisque ad Ortum proris, quatuor jam decursis mensibus, ex quo navigare ceperant, ventis remittentibus, vadosisque littoribus & ulva plurimum impediti magnas difficultates obierunt: ut Ligorum, Asturum, Silorum, quæ deinceps nationes ea littora obtinebant, finis, portus, promontoria, urbesque explorarent. Quarum rerum, ac ne earum quidem, quas in Armonico & Bactico mari, Galliæ atque Germaniæ littoribus invenerunt, quidquam est in litteras relatum, posteritatisque proditum (quod sciat) ac ne iter quidem, quo in Hispaniam redierunt, toto biennio in ea navigatione transacto.

CAPUT XXII.

Hannonis Navigatio.

HANNONIS navigatio longior fuit, prisca temporibus omnium nobilissima, & hujus ætatis navigationibus comparanda: quibus ad orientis occidentisque Solis oras Hispanorum arma invicta virtute penetrarunt: præferenda etiam, cum magnetis illi & quadrantis usum ignorarent, neque se libero mari permitterent. Itaque comparata classe, in qua sexaginta quinqueremes erant, hominum utriusque sexus millia triginta, coloniis Libophœnicum per littora, ubi esset commodum, constituendis, Gadibus solvens atque Herculis columnis superatis, duorum deinde dierum navigatione in latam planiciem delatus urbem imposuit, quam Thymiatæon dixit (hodie Azamor quidam esse suspicantur.) Conversis mox ad Oecasum proris Ampelusium promontorium occurrit: quod nos quidem Despartel vulgo dicimus, Arriano autem Soloen esse puto, opacum arboribus, præcipua locorum amenitate. Sequebatur Zilia fluvius, Anatis Polybio (sic arbitror) qui fluvius hoc tempore Arzillam oppidum præterlabitur. Septingentis triginta quinque passuum millibus à Pelusio promontorio Lixii ad ripas fusi erant Lixii fluminis, quod ex Libya decurrit in Oceanum: ubi Antæi & Hereulis luctam fuisse, atque hortos Hesperidum dracone custode quondam fabulati sunt. Succedebant pa-

ribus intervallis centum millium spatio duo fluvii Subur, ubi Bonosa oppidum: & Sala conjuncto ejusdem nominis oppido, quod hoc tempore Salé esse credimus, situ commodo agri fertilitate atque amenitate præcipua: Africæ tamen desertis vicinum, eoque ferarum incurfibus obnoxium, quæ haud levis injuria est. Iis ex locis profecta classis ad montem Atlantem pervenit desinentem in promontorium in primis nobile, cui olim promontorio extremæ Chaunariæ nomen fuit: consequenti tempore à nautis vulgo rudi vocabulo & barbaro Caput Non vocari solitum erat, existimantibus si quis id promontorium superare conatu temerario ausus esset, cum ad suos nunquam amplius rediturum: nostra ætate Bojadoris promontorium est Palmam insulam recta ad Oecasum objectam habens, unam è Fortunatis à media cæli regione vigesimo octavo positam gradu. Eo promontorio superato litus vastum exceperit usque ad insulam parvam quinque stadiorum ambitu: quam tum quidem colonia relicta Cernem dixerunt, nostra ætate Arginam vocari puto ultra promontorium Album citra Equatorem vigesima prima orbis eælique parte. Totus sinus ab ea insula Argini nomen habet usque ad promontorium Viride extensus, & illi objectas decem insulas Hesperides: in quo numero, cui

cui à D. Jacobo nomen est, principatum obtinet. Hoc promontorium Arriano esse puto Cornu Hesperium: præterea fluvius, qui latissimo alveo multisque superbus aquis citra illud decurrit in mare, à Feslo Rufo Asiam vocari; nam & hujus temporis nomen Asanagæ consentit non multum ab antiquo discrepans. Crocodilos nutrit atque hyppopotamos Nyli modo. Similia incrementa & decrementa suscipit in æstate, unde & originem eandem habere creditur; à veteribus Nigir est dictus, duobusque oftiis mittit in mare, hoc de quo dictum est, & altero Viride promontorium circumvectis occurrente; cui à latitudine fluvio Magno vulgo nomen est. Sequebantur insulæ Gorgonides. Sic eas Hanno nominavit, à portentosis freminis, quas Gorgonas dixit antiquitas, quemadmodum Currum Deorum vocarunt montem continentis, iis insulis vicinum, quod ignibus micaret, tonitruisque perstreperet, nostris Serra Liona est octavo citra æquatoreum gradu. Ptolemæus quinto posuit, numeris ipsius errore, aut incuria librariorum corruptis. Eum montem constat, ob sublimitatem fulguribus identidem corruscare: æstus qui ingens iis locis est, vitandi necessitate incolæ dies in specubus subterraneis transigere, noctu ad opus annonæque procurandam egredi accensis faculis: quibus subiecti ei monti campi collucentes ardere omni ex parte cum videantur, Hannoni & sociis ea occasio exitiit sive serio existimandi sive fingendi de industria, ut libenter de longinquis regionibus majora vero prædicamus, ex iis locis fluvios igneos decurrere in mare: vicinasque late regiones flammis perpetuis incendio-

que vastari. Ultra eum montem insularum nati sunt à villosis hominibus habitata (sic illi crediderunt.) Rei insolentis quæ major fides esset, duabus feminis, quas ceperunt (nam virorum cursum adæquare non potuerunt) quia feritatem non deponebant, pelles detractæ atque tomento suffultæ Carthaginem missæ longo tempore, miraculo juxta & monumento fuere. Hæc insula non inepta ratione creditur passim à doctis ea fuisse, quam æquatori subiectam & Lupi Confalvi promontorio oppositam Lusitani sub imperium miserunt parentum ætate; D. Thomæ nomine, nobilem faccarum proventu, cæterum calis gravitate insanabilem nostræ certe gentis corporibus, cum sit Æthiopibus vicinis saluberrima. Pilosos homines, sumas majores fuisse putamus, quarum in Africa magna copia est absoluta hominum forma. Ex iis locis Hannonem in Hispaniam rediisse Arrianus confirmat, commeatus inopia longius progredi prohibitum. Plinius Hannonem ait, ad Arabicum sinum pervenisse, superato nimirum boharum spei promontorio, quod littoribus ab utraque parte, maris fluctibus castigatis, in pyramidis formam extenuata interior Africa facit: indeque Carthaginem affirmit legatos de rebus gestis pedestri itinere missos. Illud convenit quinto postquam solverat anno, qui annus ab Urbe condita erat trecentessimus duodecimus, in Hispaniam rediisse tandem. Socii navales suspensis audientis populi animis pro se quisque narrare miracula, vim tempestarum, inauditas volucrum, formas, marinarum belluarum prodigiosa corpora, hominum ferarumque ambiguas species, visâ, an ex metu credita, an studio conficta.

FINIS LIBRI PRIMI.



JOANNIS MARIANÆ HISTORIÆ DE REBUS HISPANIÆ. LIBER SECUNDUS.

C A P U T I.

Hannoniſ reditus in patriam.



ANNO & Himilco ex longo errore in Hispaniam reduces, continuo otii sumendi, patriamque invisiendi cupidi Carthaginem veniam impetrata profecti, inter suorum salutationes & totius populi plau-

ſus triumpho perſimili pompa in urbem inveſti ſunt, cunctis animorum vigorem, nobiles auſus, lætiſſimum laborum exitum cum voluptate prædicantibus, heroes immortalī laude dignos. Giſgoni fratri, qui fuerat in Hispaniæ procuratore relictiſ, ut magiſtratu abiret & in patriam rediret tanti gaudiū futurus particeps, facile eſt impetratum. Quod ad confirmandam potentiam auctoritatemque pertinebat, ſucceſſores deſignati miſſique in Hispaniam ſunt ex eorum voluntate, Annibal patruelis Saphoniſ ſcilicet frater, & Mago neceſſarius. Magonem ſerunt in Balearibus, cum aliquot annis hæſiſſet, in minori inſula urbem ſibi cognominem poſuiſſe. Quod quoniam veterum ſcriptorum fide caret, & ſola ex nomine conjectura nititur (quoniam Magonem urbem in ea inſula fuiſſe conſtat) non videtur pro certo ponendum, ne à Hannone quidem fuiſſe fundatam. In rebus tam obſcureis quid mirum ſi caligat narratio? Convenit Annibale Gadeis appulſo Giſgonem

iis copiis onuſta claſſe, quas ipſe & fratres tot annis, tanto labore, tantaque induſtris paraverant, Carthaginem proſectum curſum tenere non potuiſſe navibus ad unam mari hauſtis earum tempeſtatum vi, quæ per eos dies validæ frequentæque incubuerunt mari, anno nempe ab Urbe condita tercentefimo quintodecimo. Sic ſæpe ſpes concepta animis fallit in ipſiſ laborum meta everſa atque mutata in contrarium. Annibalem autem ad Oceani maris litus citra promontorium Sacrum idoneo portui urbem impoſuiſſe affirmant viri eruditionis opinione magna, dictam olim Annibaliſ portum, deinde Lacobrigam, nunc Lagos lingua vulgari. Tartefſi è contrario ad ulterius Baſis oſtium arcem ædificaverunt cum templo Veneri ſacro, quæ ſtella quoniam Luciferi nomen habet, Luciferi templum dictum, hodie corrupta voce Sancti Lucari nuncupatur, oppidum hac tempeſtate quidem propter Indici maris commercium cum primis Hispaniæ celebre. Sic gentis hiſtoria tradunt. Bellum etiam per idem tempus omnium opinione atrocioriſ exaſiſſe confirmant inter Hiſpanos, eos qui Anæ ripas utrinque obtinebant Baeticos & Luſitanos, à jurgiis paſtorum natum. Horum partes Carthaginenſes ſoviſſe, illis urbem in eo tractu primariam opulatos, quam nonnulli Iberiam fuiſſe arbitrantur, de qua paulo ante eſt demonſtratum: ac ne feminas quidem ab armis abſtinueſſe, tanta erat vincendi rabies.

Pug-

Pugnatum die integro neutro victoria inclinante, cessatum noctis superventu octoginta hominum millibus ferro trucidatis nihilominus, & Carthaginiensium Duce primario, quem ipsum Annibalem fuisse (si hæc vera sunt) non abs re licet existimare; conjecturis ducimur, cum rerum veritas latet. Addunt Magonem ad ejus prælii famam continuo è Balearibus excitum suorum res sustentasse in præcipiti constitutas: hostes non minori clade afflictos urbem incendere, & alias sedes querere, metu majoris mali compulso. Incidit ea clades in annum ab

341

Urbe condita trecentessimum vigesimum primum. Quo anno Carthagine magna rerum immutatio facta est, duobus Annibalis fratribus Aladrubale & Sapphone in urbe conjunctis ferme funeribus elatis. Hannonis gratia & auctoritas, quæ consensescere cœperat, novo ex Hispania incommodò renunciato, aperte præcipita-

vit, multorum, ut fit, erumpentibus odiis, unum ad nutum rempublicam gubernare, plusque privatim posse quam reliquos magistratus moleste ferentium. Ergo centum virorum magistratu creato, reversis à bello Ducibus ad rationem revocandis rerum gestarum, Hannonem causam dicere coegerunt: & damnatum judicio patriam exilio mutare, invidi æque & ingrati nulla justiore de causâ, quam quod ingenio & industria plus valeret, quam ut liberæ civitati tutum putarent, qui primus hominum leonem manu tractare, atque cicurare ausus esset: & male credi videretur libertas, ei qui ferarum immanitatem domuisset. Nimrium liberæ civitatis adversum clarissimum quemque civem opinionem habent, atque reipublicæ Principes invidia lacerare solent, quibus malo sæpe fuit, excellentibus virtute atque industria fuisse.

C A P U T I I.

Res ab Hispanis in Sicilia gesta.

ALIIQUOT deinceps anni exitere nulla re in Hispania memorabili: nisi quod anno ab Urbe condita trecentesimo vigesimo septimo, quo tempore bellum Peloponnesiacum Græcia in duas factiones scissa gerebatur, sæva pestis lues orbem ferme totum pervagata, ab Æthiopia corruptis ventorum flantibus profecta Hispaniam etiam vexavit, hominibus & pecoribus magno numero consumptis ea tabe. Hujus mali Thucydides, Livius, Dionysiusque in suis historiis meminerunt. Historiæ nostrates diræ contagionis causam ad insolentem aeris siccitatem referunt, pluviarum inopiam. Hippocrates qui tum vixit in Thessalia, incensis sylvis eam pestem averisse à finibus ait. Contra Syracusanos in Sicilia, nondum ea peste sedata gravissimum bellum exarsit: Leontinis finitimis & Caranensibus contra eos Atheniensium auxilia advocantibus Ducibus Nicias & Alcibiadem juvene missi sunt, cum classe centum triremium ad spem non dubiam ex contentione incolarum totius insulæ imperio subdendæ. Expectationi ne responderet eventus importuno discessu Alcibiadis factum est à populo postulati quasi

Cereris mysteria nulla re magis quam silentio solennia enunciaisset. Is enim ex conscientia digna metuens, an adversariorum potentia ut par esset, ad Lacedæmones abiit, judicii, ad quod vocabatur, metu. In ea urbe benigne acceptus propter indolem ingenii & rerum gestarum famam, ut Gilippum excellentem ea ætate Ducem, contra Atheniensium conatus auxilio Syracusanis mitterent, auctor extitit. Sic brevi belli Fortuna in Sicilia conversa est. Atheniensibus terra marique oppressis Nicias ipse cum multis aliis in hostium potestatem venit. Obtinebant ea tempestate aliquot in Sicilia oppida Carthaginienses ad promontorium Lilybaeum, quod Carthagine distat centum octoginta millibus passuum non amplius. Agrigentini finitimi moleste ferebant Pænorum potentiam invetescere in provincia: præterea privatæ injuriæ extabant. Ergo consilio inter se communicato, vindictæque studio, sacrificii causâ egressos in sylvam Pænos non procul Minoa urbe inermes imparatosque opprimunt, quos non montes, fuga, saltusque texerunt. Ea res Carthagine nunciata magnam populo & Patribus indignationem commovit.

vit. Duo millia Punici nominis, & par Hispanorum militum numerus ad reposcendam vindictam navibus in Siciliam vecti sunt, adjunctis quingentis Balearibus, novum atque insolens militiæ genus, præsertim cum nudis corporibus pugnam invaderent, hostibus contemptui fuit initio: deinde terrore, commisso prælio victoriam pepererunt, sinistro Agrigentinarum cornu perpetuo lapidum imbre penitus afflicto. Multi ex hostium numero ceciderunt in pugna fugaque, pars inter noctis tenebras in urbem evadentes biennii obsidione tolerata in hostium tandem potestatem venerunt, ab

346 Urbe condita anno trecentesimo quadragésimo sexto. Finem hujus belli alterius initium exceperit. Dionysius senior Syracusis occupata tyrannide pollens opibus famaque, ab Agrigentinis occulte per legatos & litteras sollicitatur, uti eos in fidem accipiat, Pœnorum imperio liberatos, quod gravissimum erat impositum. Pollicetur ille maturam opem, Carthagenensibus stantibus regnum, quod meditabatur, in ea insula statui posse diffusis; interim consilium dat, ut Agrigento cuncti quam oculatissime dilapsi Camarinam & Gelam finitima oppida improvise occupent, inde populationibus late, hostilem agrum infestum reddant, reliqua ipsius curæ permittant. Damnis ultro citroque per eum modum datis acceptisque disceptator Dionysius accessit; missis ad Pœnos legatis postulabat, ablata reponi, compensari damna, quod caput erat, Agrigentinis suam civitatem reddi, certe in parem juris libertatisque conditionem, atque ipsi erant, profugos & egenos admitti. Propinquos & necessarios juxta propemodum servitio premi, suas preces ludibrio haberi sese passurum non esse. Ad hæc Pœni. Jus esse belli, ut vicis victores pro voluntate imperarent, non se Agrigentinis sed eos sibi bellum intulisse priores, injuriamque secisse, & superum numen violasse. Neque recte neque pro bono facturum, si impios atque consecretos sublevaret. Quod diceret, se Agrigentinarum injurias non neglecturum, cum vellet congregaretur: intelleturum quid invictæ Carthagenis vires, duratufque in armis miles virtute posset. Ab hoc initio res ad bellum deducta est. Dio-

nysius insula copiis contractis Græcas civitates, ipsumque Darium Nothum Persiarum Regem contra Pœnos sollicitare. Illi contra quindecim millia Punici Africæ nominis & quinque equitum millia conscribere, adjunctis decem Hispanorum millibus: quorum animis promerendis Gadibus placuit pristinam reddere libertatem, jura legesque restituere, sublata tantum potestate longas naves ædificandi. Hercules modo templum & pauca in litore speculæ sub Punica retentæ potestate. Copiis omnibus Himilco Cipus (Justinii codices Amilco habent) præfectus, quo omnes copię conveniant, Carthagine solvit. Mollibus initio tempestatibus, deinde concitatis atque vehementibus ad varios Siciliae portus diversæ naves delatæ sunt. Classis Hispanica commodior ad tempestates maris perferendas, & rei nauticæ major erat peritia, in alto se tenuit: & remittente vento Camarinæ portum inveda quatruidi oppugnatione urbe capta incensæque oppidanos ad unum trucidarunt. Crudele exemplum: sed eo metu tamen Gelæ habitatores oppidum deseruere. Iis in locis, cum reliquæ naves confluxissent aliquot dierum mora exercitu recreato, contra Dionysium, qui numerosas copias mari terraque trahere nunciabatur, terrestri prælio decerni placuit, classibus magna ex parte Carthaginem Gadeisque reversis. Hæc Pœno cogitante Dionysius se in conspectum dat. Castris castra collata. Prior Dionysius copias omnes producit in aciem, paribusque intervallis diversæ civitatum auxilia constituit, equitatum, quem numerosum habebat ab utroque latere. Syracusanos novissimum agmen claudere jubet. Himilco contra triplici suorum instructa acie hosti procedit obviam. In medio agmine erant Hispani, utrunque cornu Pœni tenebant, adjunctique ab utraque parte septingenti funditores, ea equites latera muniabant, duo peditum millia ex omni copia lectissima in subsecidis collocata. Concurritur dato pugnæ signo ardore animorum maximo: diu prælium sit anceps neutro victoria inclinante, pugnatur una in omnibus partibus, consistit agmen, multi ab utraque parte cadunt. Dionysii tantum equitatus meliora ferre, Pœnosque equites premere coepit, debellatum-

que

que esset Pœnis cedentibus, ni Himilco cohortes subsidiarias contra equitatum promovisset, quarum ū impetum non tulerunt, cum uno tempore Siculi equites à fronte & à tergo premerentur, magna equorum strage edita in fugam compulsi omnes sunt. Funditores ab aperitis lateribus lapidum grandine hostes continenter vexare. Hostium equitibus fufis Himilco cum suo equitatu ad legiones reversus, ubi pugna integra erat, Siculorum agmina turbavit. Dionysius tamen non periti tantum Ducis sed strenui etiam militis officium impleverat, & fugato equitatu in pedes desiliens, arreptoque militari scuto rem inclinatum diu sustentat, omnibus partibus præsto, & quo loco suos gravius laborare videbat, eo signa inferri & aciem converti jubens: ad extremum re desperata suos in castra sensim reduxit, propter diei tempus retenta. Nocte concilio convocato consolatus hortatusque suos, ne se admodum animo demitterent, non virtute vicisse Pœnos, sed artificio quodam & astu: modo tantisper sustentarent, equitatum, qui esset integer, & magnas ex universâ gente copias auxilio venturas, militibus corpora curare jubet, faucibusque magna diligentia atque humanitate, ut res erant, recreatis, castra defendere parat. Inanis conatus fuit, proxima luce hostium concursu fossâ obductâ, vallo superato circum caros & impedimenta pugnatur. Re demum desperata amissis castris Dionysius non uno vulnere accepto fuga evasit. Magnus Siculorum numerus in eo prælio cecidit, neque Pœnis incruenta victoria fuit. Tria ex eorum numero genteque millia, duo Hispanorum millia perierunt. Secundum eam victoriam plurimæ Siciliæ urbes se victoribus adjunxerunt: cum tota ferme insula in potestatem redacta, ad inconstantiae rerum humanarum exemplum repente exorta gravissima pestis lues rem publicam penitus afflixit, Hispanorum Afrorumque copiis sæva contagione consumptis, tanto ex eo Carthaginis dolore, ut non secus ac si urbs ipsa capta esset, justitio indicto insolitus mœror mentes omnium occuparet. Dux Himilco cum paucis reversus sordida servilique tunica discinctus, inter populi prosequentis gemitus

domum ingressus, remotis omnibus ac ne filii quidem admittis mortem sibi conscivit. Secundum hæc Dionysium tentasse scriunt per legatos, Hispaniam à Carthaginensium amicitia abducere: Pœnos contra omnibus blandimentis provinciales in fide retinuisse. Illud constat Dionis Syracusani industria inter Siculos & Pœnos pacem triginta annorum factam nonagesimæ quintæ Olympiadis anno tertio, qui annus ab Urbe condita, fuit trecentessimus quinquagesimus sextus. Et auctorem habeo qui post Leutricam eadem Thebanorum Duce Epaminonda Laconibus à Dionysio missa auxilia scribat, in quibus Celta & Hispani numerantur. (nimirum ex Himilconis exercitus reliquiis, aut ab ipsa usque Hispania in Siciliam vecti) iis auxiliis confirmatum Archidamum Agesilai filium ad Mantineam urbem caelo Epaminonda Spartam exitio proximam à casu sustentasse. Quo tempore ex Carthaginensium numero quidam classē solventes ex Hispania, vi ventorum abrepti, an Hannonis amulatione præter Occasum & Austrum directis prorsus, multorum dierum navigatione Oceani fluctibus victis insulam conspicati sunt: in quam excelsione facta invenerunt, latam regionibus esse, lætissimis pascuis, densam arboribus, ex arduis montibus flumina navium capaci alveo derivari. Quibus bonis permoti & quoniam habitatoribus vasta erat, pars eam domicilio delegere: reliqui incolumi classem Carthaginem redeuntes senatui populoque visa atque explorata renunciarunt. Aristoteles re in senatu deliberata ait, decrevisse Patres occisis qui redierant, rei tantæ samam comprimere: Novarum rerum cupida plebs, & tot annorum militia fatigata, providebatur scilicet, ne vacua habitatoribus urbe relicta eo populariter commigraret: præstare iis copiis carere, quam tam longe propagato imperio vires debilitare. Hanc insulam quidam unam e Fortunatis fuisse crediderunt. Sed neque magnitudo consensit neque amœnitas. Itaque crudioribus magis probatur fuisse eam, cui hodie à D. Dominico nomen est: aut proximi continentis partem, quæ cum tota circulo lustrata non esset, insulam crediderunt.

CAPUT III.

Bellum Siculum instauratur.

ARDEBAT Carthago pertinaci cupiditate belli Siculi instaurandi, novi in Africa atque Hispania delectus habitii. Hispani fumere arma detrectabant, militiam adeo longinquam averfantes, male ominatam dicere, novas ex loco religiones fingere, geminam cladem ob oculos habentes nctas predicare Siculis inferre arma, unde nulla injuria extaret. Pœni ad hæc tantisper dissimulare, dum malorum memoria tempore consenesce-
ret, gentem in arma promptam brevi arrepturam atque, avide eam militiam, quam tantopere detrectaret. Commodo ipsorum accidit, Hispaniam aeris siccitate, fame, & quæ famem excipit, peste laborare: & ex Sicilia nunciabatur Dionysium ea insula magna ex parte subdita, arma transulisse in Italiam: captoque Rhegio in ipsis freti faucibus, Crotonem obsidere Græcam urbem & maritimam, plurimum accessurum opibus considerabat urbe valida mœnibus portuque, occupata in extrema Italiæ ora. Ea duæ res senatum Carthagine invitavit, ut bellum Siculum instaurarent: Hispanos ut militiam capefferent impulit rerum suarum difficultas vixinti millia peditum equites mille navibus impositi, & ex Balearibus, cum devii non essent, funditores trecenti Carthaginem avecti. Hanno ejus belli Dux adjunctis decem Afro-
rum millibus, qui in procinctu erant, celeriter in Siciliam navigavit. Ea cura Dionysium in Siciliam revocavit Italia relicta, ad quam subigendam Galli Senones provocabant Romana potentia odio. Classẽm ejus, qua Rhegio copiarum trajici curabat, Punica classis supe-

navit, multasque naves cepit. In quibus domestica tyranni suppellex erat & Suniati Carthaginensis litteræ, quibus Græce scriptis Dionysio totius belli rationem & apparatus significabat, invidia Ducis, sibi ad id bellum prælati, patriæ proditor. Quod re cognita illi capitale fuit: decretumque factum, ne quis postea Carthaginensium Græco sermoni & litteris studeret, loquendi cum hoste aut scribendi sine interprete sublata civibus facultate. Secundum victoriam navalem multa se oppida & urbes Siculæ Hannoni dederunt: & bellum alternante sæpe fortuna ducebatur. Anno demum ex quo id bellum ceptum erat sexto decimo, qui annus ab Urbe condita fuit trecentessimus octogessimus sextus juxta Eusebii computationem, alii Olympiadis nonagesimæ nonæ anno secundo, ajunt Dionysius suorum conjuratione perlit filio ejusdem nominis successore: cuius ut teneram ætatem omni disciplina liberali imbueret, & naturæ insita vitia institutione vinceret Dion Sororius, penes quem regni procuratio mansit, Platonem Athenis in Siciliam evocavit, cum Carthaginensibus fœdus constituit, secique inducias. Inter Dionysium ætatis accessu & Dionem subortæ suspiciones simulatæque rempublicam turbarent. Iis vigenibus Dion solum vertere coactus, rebus alternantibus Dionysium hostem regno patriæque deturbavit, compulsiue tandem egenum atque inopem sine lare familiari aliquandiu, vagari. Hæc in Sicilia sunt gesta, ad Hispaniam sese convertat oratio.

CAPUT IV.

Hannonis res gesta.

INITIO belli Siculi Gaditanis magna ex parte restitutum fuisse libertatem dictum est. Eo bello confecto duo missi gubernatores in Hispaniam, Bostar ut Balearibus præesset, & Saguntinos tentaret omnibus officiis conciliare: quæ il-

li suspecta habentes præ libertatis studio constanter repudiarent, neque sue urbis adeundi copiam fecerunt, aliis ex aliis causas excusantes. Hanno jura dicere Gaditanis jussus, cum in Bætica premeret provinciales, & in divitiarum publicas

blicas tum privatas avidissime involaret, quæ illi malo fuerunt, Hispanos compulit re communicata inter se, à Carthaginensium auctoritate rebellare, capta repente arma, cædes factæ hostium, bonaque eorum locis omnibus prædæ fuerunt. Hanno magna suarum divitiarum parte spoliatus, atque ab iis Hispanis desertus, qui ejus castra & auctoritatem sequebantur, Mauros ex Africa attraxit in Hispaniam. Ab iis Bæticæ agri omni sunt injuria vexati, prædæ direptionesque locis omnibus factæ, edita ubique barbaræ crudelitatis exempla. Quibus rebus Carthagine nunciatis, Hannoni successor est
 398 datus anno ab Urbe condita trecentesimo nonagesimo octavo. Successoris neque nomen proditur, neque res gestæ in Hispania. Fortassis assimilatis ad tempus officiis provincialium voluntates sanasse, & imperii invidiam levasse, satis habens à belli cogitatione abstinuit. Et in Sicilia Dione occiso, atque Dionysio Syracusæ restituto, pace turbata, cum Corinthus Syracusanis adversus tyrannum auxilia misisset Duce Timoleonte, Pœni de Sicilia solitici, eo conversis animis, Hispanorum res tranquillæ ut essent, fecerunt. Læticia ea sincera non fuit, præpluviarum copia inflati fluvii ripisque superfusi, magna agris, pecoribus, ædificiis intulerunt damna. Anno altero ingentes terræ motus, ac frequentes extiterunt. Multæ ad Mediterranei maris

oram urbes afflictæ: in quibus Saguntum majorem calamitatem pertulit: ex quanto alias Hispaniæ urbes amplitudine, frequentia, elegantia, atque majestate superabat. Anno tertio sævis procellis jactato mari, non uno loco naufragia sunt facta. Is annus ab Urbe condita fuit quadringentesimus quintus. Quo tempore
 405 Hanno tyrannidem in patria occupare aggressus est, fretus iis opibus, quas in Sicilia atque Hispania ingentes pararat, doloreque ex abrogato imperio irritatus. Id ut consequeretur, in filiarum nuptiis epulum generale plebi & proceribus parare constituit: atque in eo noxio veneno senatum perimere. Audax facinus atque immane. Indicio facto modo tantum conviviorum sumptibus adhibito periculum declinatum. Ille impunitate ferocior servitia armare, quorum erat magnus numerus, & cæsis proceribus rempublicam novo conatu opprimere tentat. Verum re denuo prodita concursu civium, in arce quo se receperat, captus effossis oculis, manibus pedibusque fractis, lacerato virgis corpore, cruci est affixus. Filii & cognati omnes etiam innoxii, supplicio traduntur: ne ad imitandum facinus, aut ad vindicandam mortem, quisquam ex ea familia evaderet. Crudele exemplum magnitudo concepti sceleris, & patriæ caritas videbantur excusare.

C A P U T V.

Ad Alexandrum Macedonem missa legatio.

UNO tempore Boödes Carthagine missus est in Hispaniam, eo præfecto Gadibus defuncto, quem in Hanonis locum fuisse subrogatum diximus: & ex Sicilia nunciabatur Dionysium suorum conjuratione & Timoleontis virtute compulsum patriam exilio mutare, & privato instrumento recepto Corinthum abiisse ubi humillima quæque tutilsima judicans fore, in popinis & lupanaribus ad extremum ludi magister factus, fordidam vitam ad exitum toleravit. Timoleon cum Dionysio pulso, magnos sibi in re militari spiritus fumeret, Carthaginenses tentavit ex Sicilia pellere, prælio ad Crinisiæ fluvium facto Pœni superati,

cæsi ad decem millia sunt, & præsidium castrorum captum, neque victoria Timoleonti incuruenta fuit: debilitatis viribus victor quamvis neque hostes ex insula pellere, neque aliquam illis urbem potuit post victoriam adimere. Interea Boöde sive defuncto sive Carthaginem revocato, Meherbal in Hispaniam venit, qui quid rerum in provincia gesserit non liquet, ac ne illud quidem proditum est, quibus deinceps præfectis ex ea gente Hispania sit gubernata. Illud pro constanti traditur, Massilienses aucto suorum numero & commercii extendendi gratia, anno ab U. C. 419. multis navibus coloniam misisse in Hispaniam, classis partem
 419

ad Pyrenæi radices confedisse, ubi Indigæ habitabant: urbisque, quæ ex adversum Rhodopes sita erat, & ex hoc tempore à multo commercio Emporiæ nuncupari cœpit; angustiorein quidem partem versus mare, perpetuo tamen muro à reliqua urbe secretam tenuisse; unde tota civitas & Palæopolis, id est, vetus urbs, & Dyopolis, id est, gemina civitas dicta sit, partem alteram ad Dianum promontorium, oppidum Dianæ templo conjunctum constituisse. Hujus classis adventu tria in Hispania cognita ferunt: magna Romanos potentia, eximiaeque fide susceptas amicitias colere. Syracusanos post receptam libertatem Timoleontisque obitum de pellendis tota insula Carthaginensibus cogitare. Tum Alexandrum Macedonem, cui Magni cōgnomen res gestæ pepererunt, initio regni cum nondum vigesimum ætatis annum impleset, Illyris, Triballis, Thracisque superatis, & liberis paulo ante Graciæ civitatibus oppressis, Asia deinde, Syria, totaque Ægypto domitis, Dario fugato cæoque, Persarum imperium occupasse, ad Indos tandem ferro penetranter inauditas gentes & regna citius domuisse, quam alius passibus peragrasset: quo nuncio permoti Hispani ea parte, quæ Mediterraneo alluitur mari legatione Babylonem usque missa, eum conciliare placuit, ut haberent quem Carthaginensibus opponerent, non obscure provinciæ libertati insidiantibus, ejus legationis princeps Maurinus (nisi Orosii lectio vitata est) adjunctis ex itinere Gallorum legatis Babylonem tandem pervenit, ubi Siciliæ, Sardinia, Italiæ, totius Africa civitatum, ipsiusque adeo Carthaginis legati victoris adventum jussi erant expectare. Ergo post reditum facta se adeundi potestate Hispanorum legati mandata exposuerunt, ejus virtutis famam toto orbe ad extremam terrarum Hispaniam vagantem, suam gentem permovisse ut missa legatione interpellandum judicarent, amicitiamque expeterent, non inutilem futuram post subactum ipsi Orientem, signa ad Occasum convertere, ut par erat, cogitanti, dissimilique provinciæ copiis usuro pro voluntate: sibi non minus domesticis dissidiis quam externis bellis laborantibus, & periculo proximis haud

minori præsidio opus esse, non commisit: viros sese ut fidelis animi officium atque industriam ullo tempore desideraret. Hispanorum moris esse, neque amicitias leviter suscipere, & cum suscepissent constanter colere. Grata imprimis hac legatorum oratio Alexandro extitit, atque ita ut tum demum rerum Dominus factus sibi videretur auctore Arriano, postquam ex ultima terrarum plagâ de controversiis suis ipsi arbitrium deserebat, multa de republicæ statu, provinciæ copiis, agrorum fertilitate, institutis atque moribus provincialium, commercioque gentium exterarum percontatus, atque quamprimum res Asiæ composita essent, quoniam de Africa atque Occidente cogitaret. Hispanorum res sibi curæ fore pollicitus, donatos in patriam remisit. Romanorum gloriæ emulatio Alexandrum incitabat, & Carthaginensibus erat iratus, quos satis constabat suarum rerum metu Tyro eversa atque Alexandria in ipso Africae aditu constituta, Amilicarem cognomento Rhodanum ad Alexandrum misisse, ut fugæ simulatione consilia ejus ad cives occulte perscriberet. Verum eos conatus mors inopina impedivit. Babylone quarto kal. Quintilis extinctus est, Olympiadis 114. anno primo, qui annus ab U. C. 430. erat. Quidam huic annorum numero biennium detrahunt, & in ratione horum temporum sæpe hallucinetur historia necesse est. Hanc Hispanorum legationem Carthaginensibus fuisse ingratam, contra quos potissimum erat comparata verisimile est, & constat eos à cogitatione repetendæ armis Hispaniæ revocatos motibus Siculis atque Agathoclis metu. Is patre figulo in Sicilia natus, & adolescentia turpissime exacta, quod esset manu promptus, bonus consilio, Syracusanorum Dux creatus, bello quod contra Æneoes gerebatur: eo bello profligato, cum in suspicionem venisset affectatæ tyrannidis, in exilium pulsus, & à Murgantiis odio Syracusanorum Prætor primum, deinde Dux constitutus, eorum ope Leontinis captis Syracusas otiam redegit in potestatem, urbem prodente Amilicæ Peno, quem illi contra Agathoclis potentiam auxilium advocarant. perfidiæ pœnas Amilicæ capite dedisset omnibus suffragiis in senatu

senatu damnatus, ni fati beneficio evasis-
set morte in Sicilia præventus, altero
Amilcare Gisgonis filio successore. Qui
firmis ex Hispania auxiliis, novisque
ex Africa copiis in Siciliam traduc-
tis, tyrannum into prælio victum in-
tra Syracusas obsedit, ex metu auda-
cia nata, suorum is animis confirmatis
ad obsidionem tolerandam, cum classe
in Africam trajecit: & qui uni bello
impar erat, consilio vires adjuvante,
duobus victor exiit, Hannone Pœno-
rum Duce in Africa acie superato, cæ-
soque, dein agro vastato villis castellisque
incensis, atque ingenti hominum & pec-
corum præda abacta, magna Carthaginis
trepidatione, in cuius oculis agri, villæ,
oppidaque fumabant, deliciæ civium co-
piæque & ex Sicilia afferebatur tyranni
fratrem Artandrum, qui erat in obsi-
dione relictus, eruptione ex urbe facta,
hostes securos Duce cæso superasse.
Quo nuncio lætus Agathocles continuo
Syracusas reversus, Pœnis locis omni-
bus superatis, cæsis rejectisque in Afri-
cam, totius insulæ imperium abstulit.
Tranquillitas diuturna rebus non fuit.
Pyrrhus Epirota à Tarentinis advocatus
venit in Italiam, & Romanorum poten-
tia duabus conjunctis ferme cladibus af-
476 flicta, anno ab U. C. 476. trajecit in Si-

ciliam. Agathocle enim Syracusas de-
functo, uxoreque & liberis ejus jussu cum
thesauris & privato instrumento in Æ-
gyptum dilapsis, Carthaginenses insulæ
occupandæ studio in Siciliam trajicientes
non paucas urbes occupant. Contra
horum potentiam Pyrrhus à Syracusanis
advocatus, Epiri se & Siciliæ Regem
dixit, hostesque terrestri prælio supera-
vit: tamen eos in ora Hispaniæ mariti-
ma delectu habito quinque Hispano-
rum pedum millia, centum quinquag-
inta equites, funditores septingentos,
præfidiariosque Hispaniæ milites, arci-
bus Hispanorum fidei custodiæque con-
credit, navibus in Siciliam avexisse
nostri scriptores ajunt: quorum virtute
addunt Pyrrho in Italiam redire maturan-
ti navaliprælio commisso, victoriam de
manibus extortam: victum constat: in
Italiamque, ac deinde in patriam rejec-
tum, Siciliæ imperio tam cito amisso quam
facile quæsierat; sic Justinus ait. Pyrrhi di-
cessu Syracusani Hieroni rempublicam
commendarunt, deinde Ducem contra
Pœnos, ac demum Regem jussērunt. Pa-
tre is Hieroclyto natus erat, genus ducenti
à Gelone antiquo Siciliæ tyranno, ma-
tre impari atque adeo ancilla. Carthaginen-
ses multas Siciliæ urbes sub imperio de-
nuo adjunctas validis præfidiis muniebant

CAPUT VI.

Primum bellum Punicum.

REBUS ad hunc modum stantibus,
novum repente bellum exarsit: quod
Carthaginis fortunas afflixit, penitusque
subvertit. Romanis qui hæcenus Italiæ
finibus imperium terminarant, in Sici-
liam admittis hac occasione. Mamertini
à Marte dicti, cum bellicam gloriam
sibi præ cæteris arrogarent, ex ea Ita-
liæ parte quam Campaniam dicimus,
Messanæ (quæ urbs freto Siculo imposita
& portu tutissimo nobilis est) Agathoclis
ætate à civibus auxilio advocati, oppres-
sa libertate & diuione armis propagata,
adeo opibus aucti sunt, ut Pyrrhum E-
pirotam bello lacerare auderent, & Sy-
racusanos injuriis provocare minime du-
bitarent. Verum Hierone Duce ad
Longanum fluvium prælio commisso,
cæsis atque fugatis plurimis, Mamertini
cæteri intra urbem compulsi, cum ægre

Tom. I.

L

pius

pius Claudius Consul cum cohortibus aliquot, Olympiadis. 129. anno primo, qui annus ab U. C. fuit. 490. Ea re Messanæ nunciata Carthaginensē præsidium urbe pulsū à civium parte est. Atroci injuria Pœni irritati fœdere cum Hierone factō Messanā terra marique obsident, tum urbis expugnandæ studio, tum ut Romanos freti transitu prohiberent. Verum ii noctis caligine tecti in urbem admissi freto transmissō, eruptioneque facta Hieronem prælio superant, & Pœnorum castra capiunt, Siculos qui cladi superfuerunt intra Syracusās compulso aliquandiu obsessos tenent, Carthaginensibus urbes & oppida non pauca adiungunt, & fortuna penitus adversa Hieron ab eorum amicitia divulsus Romanis se adiunxit. At illi nova comparata instructaque classē novisque delectibus in Hispania, Galliæ ora maritima, atque Liguria habitus, ut Polybius est auctor, bellum instaurant contra Romanos diuturnum atque difficile, cuius successus omnes à nobis ut referantur visum non est, satis oneris sustententibus Hispaniæ rerum commemoratione, bello intestino atque atroci hac ipsa tempestate vexatæ, cædibus, incendiis, rapinis vastatæ, uti nos trates historiæ docent, nulla neque locorum neque nominum designatione. Nam bellum inter Romanos & Carthaginensēs alternante sæpe fortuna gerebatur: & prælio navali quod commissum est anno U. C. 502. Romana respública afflicta est nonaginta, si Eusebio creditur, amissis navibus, Cæcilioque Metello Imperatore victo fugatoque. Balearēs verò à Carthaginensium magistratum auctoritate rebellarunt, caesisque Punicis præsidiis classē, quæ in portu erat, lapidum procella coegerunt è portu subductam stare in anchoris: & cum furor agrestium hominum non remitteret, in patriam migrare. Ad eam tempestatem sedandam virtute & auctoritate opus erat, Amilcar Barchinus exacta prudentia vir, atque militari laude clarus Dux à senatu eo missus, cum summæ diligentiae & auctoritatis summam morum facilitatem addidisset, & à vi abstinere, totam insulam ad pristinam tranquillitatem revocavit. Quo tempore in Tiquadra insula Balearibus proxima, Amilcar natus est Annibal, is qui magnitudine rerum ges-

tarum totum orbem terrarum sui nominis fama complevit. Plinius certe, nisi lectio sit vitata, Tiquadram Annibalis patriam esse ait. Scriptoris nostri matre Hispana natum addunt, atque Amilcarem belli contra Romanos Ducem creatum anno ab U. C. 507. duo Hispanorum millia, & funditores trecentos navibus abduxisse, Siciliae imperio, quod amissum erat recuperando. Ea copia Italiae litoribus tentatis, ad eam Siciliae partem appulerunt, ubi Panormum urbs sita est, navium statione non incommoda conjuncta, monteque in quem ascensus est difficilis omni ex parte, subjecta duodecim millium quoquo versis planities præcipua amenitate proveniunt panditur. Eum montem Amilcar munire atque in eo copias continere, ne universæ dimicationis aleam subire cum victore necesse foret, minutis tantum præliis fatigare, finitima oppida & urbes ad defectionem sollicitare, & maris imperium retinere constituit. Adversus eas molitiones C. Lutatius Consul Roma cum valida classē dimissus Lilybæum venit. A Carthaginensi senatu Amilcaris hortatu nova classis comparata, atque Hannone Duce, Romanorum classi obviam missa, cum ad manus ad Lilybæum ventum esset, victa à Romanis atque profligata est, sexaginta navibus captis, quinquaginta submersis. Casorum & captivorum numerus pro numero navium magnus, tanta ex eo Carthaginis trepidatione, ut continuo de pace agendum iudicarent. Paciscendi cura Amilcar demandata, non minori prudentia Duci ad fortunæ impetus sustinendos, quam ad gerendum bellum virtute diligentiaque. Ducum mutuo colloquio de conditionibus actum, de tandem pax facta est his legibus. Pœni copias omnes ex Sicilia vicinisque insulis deducunt. Hieroni aut Romanorum contæderatis negotium ne faciunt, neque molestiam exhibent. Duo millia & ducenta Euboica talenta aliquor pensionibus pendunt multa nomine, & ob eos sumptus quos tolerare necesse fuerat. Gratis captivos reddunt. Has conditiones populus Romanus non probavit, missi Decemviri cum auctoritate mille talenta addiderunt summæ pactæ, neque Sicilia solum, sed etiam aliis insulis quæ Siciliam inter & Italiam sunt, Pœnos abire

abire jussurunt. Inchoati belli anno 22.
 512 qui annus ab Urbe condita fuit quingen-
 resimus duodecimus, Hispani insuatus
 ob aeris siccitatem & terræ motus fre-
 quentes; quibus Gadium pars hiatu facti
 defecit mari hausta, ab armis discessum

est, pace facta; atque ita discessum ut
 majus quam quod gesserant agitare in
 animis bellum omnibus esset persuasum.
 Graves conditiones fœderis, eoque non
 amplius cogitanti, quam necesse foret,
 Pœnos toleraturos:

C A P U T V I I.

Amilcar denno venit in Hispaniam.

NOVÆ excepere calamitates: ut
 nunquam in uno gradu fortuna re-
 sistit, uno tempore in Africa atque Sar-
 dinia Punicæ copię tumultuatae sunt. In
 Africa quidem deducti ex Sicilia milites
 Coto, Afro & Sependio Italo Ducibus,
 cum exhausto superioris belli malis arario
 stipendia longæ atque insuata militiæ ne-
 garentur, ad sexaginta hominum millia
 oppidis incensis, atque vicinis urbi agris
 vastatis, Carthagenensium animis mag-
 nam solitudinem iniecerunt. Sardinie
 exercitus eadem de causa rebellans, id
 facinus novo scelere cumulavit. Hanno-
 nem ad eos motus sedandos missum, acer-
 be exercentem imperium conspiratione
 facta milites in crucem egerunt: &
 utrisque copiis conjunctis eam insulam
 communi nomine aliquandiu tenuerunt.
 Dein Sardorum armis pulsī, atque ad
 Romanos confugientes, ita in fidem
 recepti sunt, ut neque eas copias in
 Sardiniam remitterent, & comparata
 tamen classe Pœnos ab ejus insule
 possessione removerent. Gravis is do-
 lor genti fuit, tantum virium amissa
 nuper Sicilia & modo erepta Sardinia
 decessisse. Romani contra excusabant,
 in superiori fœdere cautum esse ut
 utraque insula Pœni abstinere. Ad-
 ditum blandimentum mitigando dolo-
 re ultro Carthaginem navibus missis
 strumento onustis ad famem levandam,
 quam neglectus agrorum cultus in tan-
 tis mōibus pepererat gravissimam. Ta-
 meti Amilcar Barchinus ei bello crea-
 tus Dux, tumultuantes in Africa mi-
 lites, primum triennii patientia fregit;
 deinde etiam prælio ingenti superavit.
 Hac victoria Pœnorum republica re-
 creata, atque ablata Sardinia dolore
 compresso, de Hispania cogitare coepe-
 runt, longissime à Romanorum ditione
 imperium proferri posse credentes, &

majoribus commodis reipublicæ vulne-
 ra sanari. Amilcar ei provincie cum
 summa potestate præfectus Carthagine
 solvit, votis prius nuncupatis, & sacrifi-
 cio peracto: ad quod Annibalem novem
 natum annos, atque in Hispaniam secu-
 turum, à patre Amilcare adhibitum me-
 morant talis aris cum per ætatem lice-
 ret, conceptis verbis jurasse, hostilem
 animum in Romanos. Erant præterea
 Amilcari filii tres Annibale minores; As-
 drubal, Mago, atque Hanno. Appulso
 Gadeis, Turdetani qui uno tenore mul-
 tis annis ex quo in amicitiam Carthagi-
 nensium venerant, fidem coluerant,
 missa legatione occurrerunt adventum
 gratulantes, copiasque si ex usu esset,
 offerentes. Eo præsidio Amilcar non
 modo veterem ditionem in continenti
 recepit, verumetiam universam Beti-
 cam, qua vi, qua voluntate sub impe-
 rium misit, anno ab Urbe condita quin-
 gentesimo decimo sexto. Gentem us-
 que adeo opulentam ea ætate, ut argen-
 teis præsepibus & dolis uterentur, auc-
 tore Strabone. Adjiciunt classe Medi-
 terranei maris littoribus tentatis, adver-
 so Ibero flumine coloniam instaurare re-
 liquisse, quam olim Carthaginem vete-
 rem dixerunt: hodie Cantavechia esse
 creditur, ignobile oppidum, & Rhodi-
 ensibus milibus contributum, à Der-
 tusa urbe præter Occasum & Septen-
 trionem quadraginta millibus passuum in
 Illecaonibus situm, ubi eam coloniam
 Ptolemæus certe collocavit: haud obscu-
 ro argumento falli eos, qui Carthagi-
 nem veterem aut Dertusam ipsam esse
 putarunt, aut duodecimo ab ea urbe la-
 pide ad orientem Solem Perellum pa-
 gum, ubi parietinæ extant veteris struc-
 turae clara vestigia. Sequenti anno ora
 maritima universa sub jugum missa est,
 ubi Bassitani atque Contestani secundum

maris littus extendebantur. Sagunto vicino ad Amilcarem missi legati, de victoria gratulantes, muneraque afferentes, serviendi conditionem quantumvis honestam detrectarunt. Iis benigne dimissis, nobilem urbem opprimendi studio ardens, jure ut videretur facere; idque facinus specie honestatis velaret, Turdetanos paulo post subornavit, ut in eorum agro atque ditione urbem ponerent, quam Turdetum olim nominatam fuisse constat. Turulim quidam octoginta passuum millibus remotam esse arbitrantur, sola ex nominis levi similitudine ducta conjectura. Ea ex re inter utranque gentem orta controversia, Amilcar considebat opprimendæ Saguntinorum libertatis non defuturam occasionem. Quam illi fraudem odorati, nihil se commovere, atque ab armis abstinere constituunt. Ad Iberi ostium rei bene gestæ lætitia celebrata est Amilcaris filia Himilces & Asdrubalis propinqui nuptiis, anno ab
 111 Urbe condita 521. Legati dimissi ad Gal-
 lorum Principum voluntates tentandas, quorum Amilcar amicitiam imprimis ulli fore confidebat, domita Hispania adversus Romanos signa convertere

cogitanti, plerique donis & auro, cujus est gens illa avidissima in partes attracti. Arma mox anno sequenti propius Pyrenæum promota, atque à Dertusa finibus ad Rubricati ostium littoribus subditis, Barcino urbs de Barchinæ gentis nomine paulo ultra id flumen constituta creditur, alii ad Herculem Libyrum, alii ad Barcionem Caria civitatem hujus urbis conditionem ablegant: auctores numero & antiquitate potiores redarguunt, Barcinonem in coloniis Punicis numerantes. His rebus intentum Amilcarem, Rhodopemque & Emporias finitimas urbes, quoniam ejus conatibus potissimum repugnabant, subjugare parantem, mors oppressit. Cum novi motus in Beticam revocassent, in Edetanis magna provincialium multitudine in armis obviam facta, in acie occubuit, nono circiter anno ex quo in Hispaniam venit, ex hominum millibus amplius quadraginta, quem numerum sub signis habuisset memorant, plus duobus tertiis casis, reliqui amisso duce fugæ & noctis beneficio in proximas civitates evaserunt. Ad Castrum Alhum pugnam fuisse Livius ait.

CAPUT VIII.

Asdrubalis res gesta.

POENORUM arma in Beticam conversâ sunt, Phocænsiumque iis locis coloniam, cujus nomen non proditur, quoniam eos motus prima concitaret captam solo æquarunt. Ita qui funesto bello occasionem præbuerunt, ii principes poenas persolvere. Carthagine Hamilcaris morte nunciata de successore subrogando deliberatione suscepta, magna contentio excitata, est, & Senatus sententiæ variabant. Tota enim civitate in Edos atque Barchinos scissa, quæ duæ factiones opibus, gratia, & auctoritate facile preces erant, Barchini Asdrubalem præferebant. His Edi non obscure invidentes ex sua gente novum in Hispaniam præfectum mitti omni ope contendebant, unde ingentes divitiæ parabantur. Dum altercationibus tempus extrahitur, missus opportune ex Hispania Annibal amicæ factionis animos confirmavit, adversariorum conatus fregit: at-

que gratia & auctoritate effecit, ut imperium Hispaniæ Asdrubali deferretur: cum in senatum ingressus longa atque accurata oratione explicuisset patris labores, res gloriose gestas, Hispaniam ejus virtute domitam, funestum exitum nulla ipsius culpa sed fortuna iniquitate contractum. Novas in Hispania conditas urbes, veteres magnis præsidii tenori. Magnam spem esse totius provinciæ potiundæ, si eodem consiliorum tenore pergerent rempublicam administrare. Errare si qui putent, seroces Hispanorum animos viribus superari posse. Asdrubalem ætate esse integræ, virtutis opinione maxima, non modo bellicis artibus, sed etiam eloquentia validum, tractandi Hispanorum animos artificem singularem. In unum maxime exercitus & sociorum studia conspirare. Fasciculum litterarum ostentabat, voluntatis indicem Hispanorum, Ducumque proficicenti datum.

tum ad senatum. Etiam atque etiam viderent ne morandis prefectis nobilissima provincia animos alienarent, in eo rerum momento, cuius opibus aucti nullam deinde potentiam ipsi fortidarent. Ea oratione, atque iis litteris victo senatu Hispaniæ imperium Asdrubali decretum est anno ab Urbe condita 524. Quo is circumactio, rebus in provincia compositis, multis Hispanorum proceribus stipatus Carthaginem navigavit, ubi omnia ad nutum gubernare sperabat: plussque unum auctoritatis & potentie habiturum quam reliqui magistratus. Verum cum nihil procederet eorum quæ cogitaret, populo atque Senatu ab Edorum factione concitato, quasi re cum Annibale communicata regnum meditaretur in libera civitate, in provinciam revertis per otium ea parte, qua Contestani ad mare fusi erant, urbem ædificavit, quam Carthaginem novam dixerunt (alterius comparatione ab Amilcare prope Iberum amnem constituta, uti ante dictum est) ab sparti copia, quam ea regio fundit maximam, Spartariam etiam Carthaginem: portu conjuncto ab omni ventorum procella tutissimo, propter editos colles, quibus quasi circino circumdatus angustum aditum habet insula objecta ad majorem securitatem: quam prisci Herculeam nuncuparunt. Latini à piscium genere iis in locis frequentissimo Scombrariam, olim murorum amplitudine, ædificiorum elegantia, civium cultu atque frequentia cum quavis magnarum urbium comparanda, nunc ad paucos incolas redacta, non obscura veteris amplitudinis vestigia retinet. Romani iis rebus cognitis, quæ in Hispania gerebantur, tamen cupido ardebant, eundem obviam Pœnorum conatibus, ignaviamque suam accusabant: ne initi tamen nuper fœderis sanctitatem primi violasse viderentur, & quoniam ex ulteriori Gallia rumores erant allati, eam gentem una cum citerioribus Gallis in Romani nominis perniciem conjurare: tantisper sustentare placuit, ac Massiliam tantum legationem mitti per speciem occurrenti Gallorum consilii, re ut eorum opera urbes in ora Hispaniæ Massiliensibus amicis in fœdus attraherent: quod Pœnorum odio facie perfectum est. Emporiæ pri-

Tom. I.

mum in Indigetibus, qui Laetaniis & Ceretanis contemini à Sameroça fluviio usque ad Pyrenæi extremas partes extensi debantur, cum Romanis fœdus fecerunt: & per eos Saguntum atque Dianium in partes attractæ: unde novi atque gravissimi belli inter Carthaginenses & Romanos non longo intervallo materis exitit. Tantæ machinationes Asdrubalem latere non poterant, neque quorsum Romanorum conatus & consilia spectarent: dissimulare tamen placuit donec omnia essent ad bellum comparata, sociis urbibus in fide confirmatis, & Annibale per litteras in Hispaniam revocato (nam eatenus Carthagine hæserat, retentus à patribus, quasi Asdrubalis fidei pignus) ægre ac multum Hannone Edorum factionis Principe repugnante, qui æquo cum cæteris jure vivere assuefaciendum disputabat, impetratum à Senatu est, ut remitteretur in Hispaniam. Eo delatum, incredibili exercitus atque sociorum læticia exceptum continuo Asdrubal suum legatum constituit, anno ab Urbe condita quingentesimo vigesimo octavo. Quo tempore Romani Senatus legati venerunt in Hispaniam, & facta Asdrubalem conveniendi potestate, data ipsis mandata explicarunt. Jam dudum Pœnos amicos atque confederatos esse cepisse Populi Romani. Nuper in Citeriori Hispania quibusdam civitatibus pacem datam. Ne fœdus cum alterutrum in initum alteri fraudi esset. Quod erat æquissimum, Pœni ut in Hispania Ibero flumine ditionem terminarent, postulare: neque Saguntinorum fines contingerent, quamvis ultra id flumen positos, neutri alterutrius populi socios injuria violarent; qui secus fecissent, ab iis fœderis leges motas fuisse visum iri. Ea legatio cum tantum sibi Romani sumerent, ut in aliena provincia victoribus præscriberent, magnum pro eo ac debuit dolorem inulsi Carthaginensium animis; tempore tamen cadere rati optimum, dum se penitus ad resistendum compararent; omnia legatis concesserunt, quæcunque senatus nomine postularant: & erat ex Italia nunciatum Gallos ultiores Cisalpinæ Galliæ copiis permixtos atque formidabiles à Romanis fuisse ingenti prælio superatos, caesis ex hostium copiis quadraginta millibus, at-

M

que

que ejus numeri quarta parte capta. Dimissis legatis Asdrubal totum triennium consumpsit iis rebus comparandis quæ ex usu belli, quod meditabatur, futura providebat animo. Verum conatus ejus mors inopinata interceptit, Olympiadis.

139. annotertio, qui annus ab Urbe condita fuit quingentesimus trigessimus secundus, trucidatus est à servo quodam

necem Domini ferro vindicante, quem Tagum nomine Asdrubal occiderat summo inter Hispanos loco natum, tanta in servo vindictæ voluptate, ut cum eum ad aras sacris operantem obtruncasset, continuo comprehensus inter exquisita tormenta, membris omnibus excarnificatus, gestientis habitu nullam paulo triftiorem vocem emisit.

C A P U T I X.

Saguntinum bellum.

MORTUO Asdrubale summa Hispanici imperii Annibali commissa est, viginti ætati juveni magnorumque spirituum, viginti sex annos circiter nato, prærogativam militarem, favor plebis & senatus approbatio confirmavit. Multæ inerant virtutes, neque minora in natura vitia, corpus duratum labore, ingens animus: gloriæ appetens, magis quam voluptatum: plurimum audaciæ, consilii plurimum. Has virtutes crudelitas, perfidia, religionis omnis contemptus fœdabat, multitudini juxta tamen erat ac Principibus carus. Inito magistratu, & sua sponte & Amilcaris casu castigatus, ne ejus conatus mors impediret, continuo de bello Romanis inferendo agitare animo cœpit, honesta causa quærenda erat, optima visa est sociorum injurias, quæ à Saguntinis illatæ esse ferebantur, armis vindicare. Id priusquam aperte moliretur, Himilcem sibi Carthaginæ nova junxit connubio nuptiisque celeberrimo apparatu factis, ex Milici Regis posteritate virginem, Castulone natam ad fines Bæticæ, non procul Biatia, ubi Cazlonæ villæ veteris amplitudinis obscura tantum vestigia conservant, præterea Cyrræus Phocæensis, unde etiam sanguinem derivabat, Castulonæ matris nomine eam urbem primus condidisse ferebatur. Dos ingens fuit, divitiæ pares nobilitati: unde Annibalis potentia multum in Hispania crevit, crevere provincialium studia, multis præterea locis auri atque argenti secturæ perscrutando effossæ eo res gerente: atque ex eo communi omnes voce Annibalis putei dicti sunt. Proventum unius putei, cui Bebelo nomen fuit, argumento licet conjicere liquati defecatique argenti

in dies singulos reddentis trecenta pondo, hoc est, quantum duo millia ducenti quadraginta aurei nummi nostrates valoris habent. Initio arma in Carpetanos versa, gentem ferocia & multitudine cæteros ejus provinciæ populos superantem. De causa non liquet. Primi Olcades, ubi nunc Ocania sita est (Stephanus Olcades ab Iberum ponit) & caput gentis Certeia oppressi, mox alii ad Tagum insigni prælio victi. Quo tempore Saguntinorum intestina dissidia vigeant grave malum; quo procurando eorum rogatu missi Roma legati utranque factionem hortando terrendoque, & de fontibus aliquot sumpto supplicio motus composuerunt, veriti si diutius aleretur controversia, ubi ventum esset ad arma, ne victa pars Annibali aditum in urbem patefaceret, universosque is suæ ditionis faceret. Qui ferox successu omnibus citra Iberum populis subjugatis ad bellum Saguntinum converso animo, Turdetanis persuadet, uti de finibus Saguntinos lacestant, non desore sperans ea controversia orta occasionem opportunam perficiendi, quod cupiebat: bellique cum Romanis id futurum initium, quo jam dudum totus ferebatur. Contra Saguntini, quod neque se armis pares fore, & amicitia populi Romani magis quam sua innocentia fidebant, Romam continuo extrudunt legatos. Ii dato senatu mandata Patribus explicarunt, hostilia moliri Annibalem, propediemque sociam fidemque civitatem obfessurum, nisi quid opis in ipsis sit, de sua suorumque salute actum. Se quidem extrema prius paratos esse, quam fidem fallerent: viderent ipsi, ne cunctando socios hosti prodidisse, & urbi amicæ cultam eximie fidem exi-

exitio fuisse videretur. Variis sententiis agitata in senatu res. Multis bellum continuo decernentibus, vicit sententia lenior, legatosque ad Annibalem mitti placuit, qui adulta jam æstate Carthaginem novam delati Annibali, senatus Romani verbis denunciant, ne Saguntinis focis atque confœderatis molestus esse pergat, neve Iberum, ut erat in superiori fœdere cautum, transcendat; si secus faxit, curæ senatui populoque Romano socios amicosque fore. Ad hæc Annibal neque recte, ait, neque pro bono facere Romanos nuper Sagunti de viris primariis sibique amicis supplicio sumpto, & nunc dissimulandis injuriis, quibus Turdetani à Saguntinis violati essent. Tum demum æquum fore Romanis socios tueri, si sibi pari conditione jureque potestas relicta esset, amicos ab injuria damnoque vindicandi. Hoc responso dimissis legatis continuo mense Septembri Annibal Romanorum conatus præoccupandi studio copias omnes ad centum quinquaginta hominum millia Saguntum deducit Olympiadis centesimæ quadragesimæ primæ anno primo, uti Polybius ait. Iis copiis vastato agro, & multis circum oppidis direptis, uno modo Dianio conservato propter loci sanctitatem homo minime religiosus urbem cœpit impugnare. Erat Saguntum in Edetanis, tribus à mari millibus passuum, agri fertili gleba, commercii maritimi terrestrique copiis beata, loci natura arteque munita. Positis castris, ædificisque operibus, ariete murus tentatur, qua parte in vallem definebat, minorique adeo firmatæ. Fefellit opinio, munitior locus erat quam putarant: civesque supremo conatu propugnabant. Annibali ipsi, cum avidius muro succederet, hasta fœmur trajectum, tanta suorum trepitatione, ut opera propemodum omnia & vineæ defererentur. Dum vulnus curatur dies aliquot ab oppugnatione cessatum. Novos interea Saguntini legatos Romam mittunt, obtestantur, ne urbem amicam in cruciatum hostibus dedant. Si paululum cunctati fuerint haud dubium interitum demonstrant. Ratione inita paucorum mensium frumentum esse: paulo etiam longius parcendo tolerare posse. Simul locis omnibus majori cura munitis se ad resistendum comparant. Annibal cum pri-

um ex vulnere convaleuit, tribus turribus arietum ictibus & quidquid inter eas muri erat ad terram prostratis, per lapidum stragem & rudera in urbem conatur evadere. Oppidani contra instructa pro ruinis acie, hostium primum impetum sustinent, deinde quoniam præter spem non vincebantur, loco movent ex urbeque rejiciunt, tandem in fugam vertunt: atque ita ut Saguntinorum impetum vix castrorum munitione sustinerent. Audacia exitialis fuit. Ferocior factus Annibal, certus nisi urbe capta non quiescere. Legati denuo Roma missi (nam omnia tentare visum est, prius quam veniretur ad arma) negata Annibalem conveniendi potestate, ut erant jussi, Carthaginem navigantes de injuriis in senatu conquesti sunt, dedi Annibalem certe ad supplicium postulantes, eam unam pacis conditionem esse. Hanno aqua Romanos petere disseruit. Annibalem si nullus posceret, in ultimas terras deportandum videri: ne quietum reipublicæ statum perturbaret. Restitit Barchina factio Annibalis litteris & studio præoccupata. Sic repudiato saniori consilio in hanc sententiam responsum datur. Nulla Annibalis culpa res in eum statum deductas esse, à Saguntinis ortam injuriam. Inique facere Romanos novis amicitiiis prælatis. Interea Annibal fesso militi pugnæ atque operibus paucorum dierum quietem dat. Ex Himilcæ per eodem dies natus Aspar patrem Annibalem & exercitum læticia cumulavit; pro ejus ortu ludi in castris magno apparatu celebrati, & spectacula varii generis commissa. Saguntini contra de salute solliciti omnia ad defensionem comparare. Vani ii conatus fuere, repetita oppugnatione, turrique lignea promota, telorum ex ea multitudine murum propugnatoribus nudatum, quingenti Afri vestibus diruunt nulla calce duratum sed luto, coque cedentem ictibus. Milites aditu patefacto, prædæque spe per præconem denunciata in urbem penetrant. Cedunt Saguntini viribus impares, penitentioremque urbis partem cum arce subitarii operis muro conjungunt. Res in extremum adductas una Romani auxilii spes sustentabat. Datum tantisper respirandi spatium Annibalis discessu in Carpetanos & Oretanos, delectus acerbitate ad arma consternatos. Relic-

lictus obsidione urgenda Maharbal Himilconis filius Saguntinorum eruptionibus comprellis, & nova urbis parte capta fecerat operæ pretium, cum Annibalis reditu postquam eos motus composuit, miseris spes omnis præcisâ est, arcis parte in potestatem redacta. Una obstinatio, quis in summo periculo consilium non recipit, vana sine viribus sustentabat animos. Saguntinus Halcon clam ex urbe evadens, suorum misericordia civium quæ de mentis potestate malorum pondere deductos considerabat, de pace privatim agere cœpit: & cum nihil aliud impetraret, quam ut cives cum vestibus tantum urbe relicta, ubi victor constituisset, in ea agri parte novum oppidum ædificarent, in castris hæsit, desperatione ea lege flexuros cives ad deditionem animos. Miseram conditionem! pars maxima morbi est medicinam respicere. Alorcius Hispanus, tamen Annibali militabat, Saguntinis quadam naturæ propensione & veteris hospitii memoria favens, in urbem per ruinas admissus, eas deditionis condiciones pro concione proceribus summo multitudine exposuit, iniquas quidem, & graves, sed fortunæ iniquitate necessarias. Debere eos non quid amitterent confide-

rare: sed quicquid relinqueretur id in lucro ponere; viam, libertatem, opes in victoris esse potestatem. Alorci oratio magna indignatione plebis & fremitu, quæ certatim confluxerat cognoscendi avida, audita est. Plerique aurum atque argentum vestemque in forum raptim congestam subito igne cremarunt: seque cum liberis & conjugibus in eundem rogam iniecerunt, mori obstinantes. Turris diu quassata eodem momento concidens, liberum militi aditum in urbem dedit, flagrantem incendio: quod excitarent sui restinguere hostes, pari utrumque infelicitate. Sic naturæ jura bellum in contrarium mutat. Sævum est in cives nullo neque ætatis neque sexus discrimine: plerique servitutis odio hostium ferro ultro objiciebant capita, aut testis admoto igne eodem peribant incendio. Pauci in potestatem venerunt; ea militum præda fuit. Præterea multa vestis Carthaginem missa, multa occupata à militibus, neque enim omnia corrupta erant à civibus. Octo menses obsidio tenuit, mense Majo capta urbs est atque excisa, anno ab Urbe condita quingentesimo trigesimo sexto, cui alii numerum, quidam biennium detrahunt, certe P. Cornelii & T. Sempronii consulu.

126

C A P U T X.

Initia secundi belli Punici.

SAGUNTI excise fama uno tempore Romæ audita est, & qui ad Annibalem fuerant legati, Carthagine redierunt, quanto Patrum & plebis dolore dicere non est necesse. Sera poenitentia suam ipsorum cunctationem accusabant, proditos desertosque socios. Inanis luctus erat, nobilissima urbe everfa, quod proximum erat, vindicare constituunt. Tamen iram adæquabat metus à prævidendo hoste multorum annorum militia duratas copias trahente. Jam superatis Alpibus bello petere Italiam Annibal, & pro moribus adesse, tantumque vim non admovere videbatur. Bellum tamen continuo in Carthaginenses decretum. Coss. Cornelius Hispaniam, Sempronius Africam cum Sicilia sortiti sunt. Romæ atque tota Italia delectus habiti. Juvenes ad signa vocati, inutilis bello tur-

ba, in quibus nihil præterea opis erat, in preces & supplicationes versi per omnia urbis templa votis & victimis fatigare Deos. His rebus comparatis, instructaque classe, quinque legatos præmitti Carthaginem placuit, rogatum publice an privata auctoritate Saguntum esset excisa. Legationis princeps Q. Fabius, dato Carthagine senatu, mandata sue urbis exposuit. Illi non de auctoritate querendum dicere, sed de belli conditione, jure an injuria illatum esset. In antiquo cum Luctatio fœdere nullam de Saguntinis esse mentionem. Ab Asdrubale conditiones datas non magis reliquos astringere, quam Luctatii fœdus Romanum servatum: cujus leges pro voluntate mutarat, pejoresque ea excusatione fecerant. Tempus altercationibus ducebatur, nullo competentis responso. Romanus veste in si-

num

num contracta pacem, inquit, & bellum portamus, utrum mavultis eligite. Respondentibus daret quod vellet, explicato sinu bellum dare dixit. Inde ut erant iussi Romani legati in Hispaniam navigantes Bargusios in extrema Hispania atque in Ceretanis facile contra Pœnos impulerunt. A Volcianis, vero, quos vicina loca tenuisse arbitror (alii in Celtiberis ponunt, quo loco Villadolce sita est, non procul ab ortu Guerbæ fluminis, oppidum veteribus monumentis Volcem dictum) repulsam tulerunt addita verborum contumelia, quasi proditis Saguntinis novos socios aucuparentur; nomen magis ad præsidium sociorum quam vires afferre soliti. Eo responso vulgato pari libertate ab omnibus civitatibus repulsi, in Galliam Narbonensem profecti in gentis concilio ne Annibali, quem arma expedire in Italiam constabat, per suos fines transitum darent, Romani fenatus verbis postularunt, magno Gallorum risu, stultum judicantium alieno commodo arbitrioque gravissimum bellum in suos fines attrahere. Pœnorum donis præoccupati erant: à Romanis neque acceperant quidquam, neque expectabant. Sic nullo operæ pretio facto per Massiliam Romam redierunt. Interea Annibal in novum bellum intentus, copiis in hyberna dimissis; factaque qui cuperent suos invadendi potestate, modo ad prima veris signa Carthagine nova præsto essent: ipse Gadeis, quasi in Herculis templo nuncupaturus vota procuraturus sacra, profectus est. Sacrificio peracto, atque uxore & filio abs se dimissis, aut in Africam, aut ut alii suspicantur, Castellonem, tredecim millia & octingentos cetratos ex Hispania pedites Carthaginem misit, Balceares octingentos, mille & quingentos equites, ut obsidum loco essent, & procul à patria majore virtute fideque operam reipublicæ navaturos confidebat. Eadem classe undecim Afro- rum millia in Hispaniam abducta, quo præsidio octingentis insuper additis Liguribus Asdrubalem fratrem iussit Hispaniam tueri. Addita classis idonea ad maris imperium retinendum. Obsides præterea quos

civitatibus imperavit juventutis principes, in Sagunni arce Bostari custodiendos reliquit. Ipse cum robore exercitus, in quo nonaginta peditum millia ex variis gentibus erant, duodecim millia equites. (Polybius multo minorem numerum ponit) iter ingressus, ubi ad Iberi ripam castra posuisset, noctu de belli eventu sollicitus, videre sibi visus est per quietem, juvenem augusta specie, qui se ab Diis ducem in Italiam missum diceret, sequeretur proinde, neque oculos retro referret, cum nihilominus conversâ facie serpentem vidisse obvia cuncta subvertentem, & nimbi procellam subsecutam. Roganti ecquid ea portenderent, desinere respondisse satorum arcana perscrutari, sequereturque qua viam pandebant numina. Ibero transmissis Annibal Andubale gratia, copiis & auctoritate iis in locis inter Hispanos Principe sibi conciliato, atque Hannone cum justo præsidio totiusque exercitus impedimentis, quo expeditius esset iter, in eo tractu relicto, in Pyrenæi saltus jugis tria Carpetanorum millia tam longinquæ militiæ prænitentia signa deferentes, ne iis cogens supplicio ceteri irritarentur, eos septemque alia Hispanorum millia, qui inviti sequi videbantur, sponte dimisit. Quo facto nominis auctoritatem sancivit, quasi dimissis sponte omnibus, & reliqui exercitus metus mitigatus, eo exemplo confidentium militiam, quam sponte suscepissent, cum vellent posituros. Mox transverso Pyrenæo, atque Gallis, qui arma corripuerant, soderere devinctis, opera Civismari & Mænicati, qui inter Gallos summum gratiæ & auctoritatis locum obtinebant, Rhodano trajecto, Volcisque victis, ejus fluminis ripas utrinque incolentibus, ad Alpium radices castra promovit. Fuit hic annus Hispaniæ ut frugum copia lætus, sic morbis & pestis contagione gravis, magni terræmotus extitere, mare identidem tempestatibus sævit, in cælo concurrentium acierum species visæ cum nubium fragore, ad indicium calamitatum, quibus hoc bellum orbem terrarum implicuit.

C A P U T X I.

Annibalis transitus in Italiam.

MULTA ex iis quæ sequuntur, externa sunt: sed nisi iis explicatis, quæ in Hispania contigerunt, cognosci vix possent. Dabit lector veniam accommodatam priorum vestigia observantibus, majori brevitati. Ergo P. Cornelius Consul, cui sorte obvenisse Hispaniam dictum est, mari profectus ad impediendum hostium iter, positus ad Rhodani hostium castris, ad rei bene gerendæ occasionem excubabat: cum trecenti equites Romani quingentos Numidas (nam erant ab utraque parte speculatum missi) forte obvios factos, tumultuaria in pugna vice-runt. Lætus Consul omine, quoniam prima bene successerant, ex iis coniectans de summa, cupidusque universo prælio decernendi, motis castris ad Rhodani & Araris confluentes, triduo postquam hostis inde discesserat, in vacua Pœnorum castra pervenit. Iter hostium consequi non sperabat: unde discesserat rediens Cn. Scipione fratre cum robore exercitus & longarum navium classe, ad tentandam Hispaniam, tuendosque in ea socios alegato, cum paucis ipse Genuam mari repetiit, novum in Italia exercitum haud defore ratus adversus Annibalem. Qui per Allobroges Taurinas Alpes ægre quamvis superavit quindecim dierum spatium: ac in Italiam copias in-

duxit viginti peditum millia, sex equitum, ut quidam ajunt. Alii centum millia pedites, equites viginti millia duxisse confirmant. Punicis certe copiis par Romanus non erat, tyrone plurimum milite, uti ex subitario delectu. Ita ad Ticinum amnem facta pugna Consul pro victo in castra compulsus proxima nocte fugæ per simili prosecutione Placentiam abiit, majori mœnium quam virium fiducia, in pugna graviter lauciatus. Collega Sempronius meliori partium fortuna in Sicilia res gerebat, una & altera Punicis classibus victis. Eo inde adversus Annibalem revocato ad Trebiam amnem major quidem clades illata Romanis est. Iis in locis Annibal hyeme transacta Sempronio Cos: ad comitia in Urbem profecto, vix dum aperiente sese vere anni ab Urbe condita quingentesimi trigesimali septimi, in Hetruria adieu coorta atque in Appennini transitu sæva procella, & frigorum inclementia multos suorum amisit. Ad Placentiam, cum re necessaria retro rediisset, Sempronioque in castra reverso crestit Coss. Cn. Servilio & C. Flaminio, denuo collata signa sunt. Acre & anceps prælium fuit, pugnantes nox diremit: exa-quataque clade Pænus in Lygures abiit, amissa magna exercitus parte.

337

C A P U T XII.

Gesta per idem tempus in Hispania.

INTEREA Gn. Scipio Emporias classem delatus, à Lacetanis exorsus omnem eam Hispaniæ oram à Veneris promontorio ad Iberi ostia secundum mare Romano nomini adjunxit, Pœnorum odio libenter foedus imperiumque mutantem. Classis Romana ad Tarraconem nempe in Salu portu (Solorium Rufus Festus vocat) quarto ab ea urbe ad Occasum lapide hyemavit, deinde cum Hannone ei oræ ab Annibale præfecto signa collata in Ilergetibus ad Cyssum: quod hodie quidam Sissum, alii Saidi ius in locis nota oppida esse suspicantur,

victoria penes Romanos stetit, sex Pœnorum millibus casis, duobus captis. Hanno ipse venit in potestatem, & Andubal Hispanus, quem rebus Carthaginensium favere dictum est, tot vulneribus debilitatus ut intra paucos dies expiraret. Asdrubal, qui auxilio fuerat Carthaginæ nova ab Hannone advocatus, cum trajecto Ibero adversi prælii nuntium accepisset, flexo ad mare itinere multos navales socios Romanorum, promiscuamque hominum turbam inopinato adventu oppressit, parique celeritate rursus Ibero transmissio Ducis Romani metu, qui ad ejus rei

rei

rei famam accurrere nunciabatur, incolumes copias octo millia pedites, equites mille, in tuta loca reduxit. Gneius continuo Emporiorum, quo fugato Asdrubale discessebat, in Illegetes redire compulsus est, quoniam ab ejus discessu ad Pœnos descivisse contempto Romano sœdere, imperioque, erat nuntiatum. Modica vindicta fuit. Athanagia urbe, quæ princeps rebellionem fecerat, deditiorem faciente pecunia multatos, & majori obfidum numero imperato, universos conservavit.¹⁰⁷ Inde in Accitanos promota castra; ii prope Iberum incolentes in Pœnorum fide manebant (alii Aufstani scribunt, qui ad Pyrenæi radices, ubi nunc Gerunda est, habitabant) sane Accete gentis ejus urbe primaria obfessa Lacetani auxilio supervenientes, nocturne in urbem irrumpere conantes, & cepti insidiis, ad duodecim millia trucidati sunt, cæteri fuga dilapsi. Obfessi omni auxiliorum spe deposita, atque urbis Principe Amulito ad Asdrubalem occulte profecto, trigesimo obfidionis die deditionem

necessario fecerunt, argenti talenta viginti multatæ nomine imperata victis, copias Tarraconem in hyberna reducatæ Hispanorum auxilia domos dimissas. Multa per eos dies in Hispania, Italia, atque Africa ostenta visâ, quibus procurandis majores hostiâ mactatæ à Carthaginensibus præferunt, seruntur: prorsus ut more à Phœnicia translatò, qui longo tempore fuerat intermissus, Principum filiis jugulatis Saturni numen placandum conferrent, in ejus belli eventu, fortunarum atque communis salutis discrimen verti considerantes, atque in cæteris Asparem Annibalis filium senatus judicio neci destinatum ajunt, quasi emeret inter alios, ea paternis meritis gratia habitâ. An hæ fabulæ potius sunt, ad lectorem oblectandum varietate, à nostris historicis confictæ? Addunt patre intercedente puerum evasisse, sui capitis periculo bellum administrare malle dictante, quam filii profundendo sanguine patriis religionibus obsecundare.

C A P U T XIII

Pugna ad Trasimenum.

Hymæ exacta, atque in Liguri-
bus exercitu recreato auctoque Apen-
nini juga Annibal superavit, meliori ali-
quanto quam antea conatu. In eo itinere
refragnantis Armi pulidibus transmi-
tendis alterum oculum amisit, deforma-
ta facie majori terrore futurus, multi ho-
mines, & jumenta, Elephantique serme
omnes perierunt. Ad Trafimenum per-
ventum, lacum in ea Hetruriz parte no-
bilem, ubi Cortona urbs sita est, non
procul urbe Perusia, unde lacui nomen
nostra ætate. Iis in locis læscenda C.
Flamini temeritate in exitium præcipi-
tantis agrum omnem Cortonam inter &
lacum vastat, atque in aperto castra po-
nit, retro vicinum montem Balceares &
levem armaturam in insidiis, ad angus-
tias equitatum, quas montes & lacus ef-
ficiunt. Ea arte à tergo atque à latere
circumventi Romani, qui Ducis furore
cæci in hostem ferebantur, quasi inda-
gine inclusi nulla difficultate victi sunt:
quindecim millia ex Romano exercitu
cecidere, pari captivorum numero: ce-

cedit & Consul ipse hastili trajectus. Cæsi mox in Umbria ab Annibale quatuor milia equites, qui vicissè Pœnos ignorantes, securique in castra Romana ibant, missi à Cn. Servilio collega auxilium. Sub hæc Spoletum Romanorum colonia tentata, cum expugnari non posset, signa in Picenos conversa, atque eorum agris omni injuria vexatis, Annibal per Marfos, Marrucinos, Pelignosque in Apuliam irrumpens circa Arpos & Luce-riam subsistit. Tantis acceptis Romæ exiguo tempore cladibus, majori metù urgente, ad illud extremum decurritur. Dictator creatur cum summa & maxima decernendi potestate extraordinaria, Q. Fabius Maximus, M. Ruso Minutio magistro equitum. Libri Sibyllini consul-ti, atque ex iis ver sacrum Romæ vo-tum. Propter ærarù inopiam ex singulis assibus, qui ante librales erant, sex facti valore retento, qui sextantarii sunt dicti. Naves missæ per idem tempus in Hispaniam ad Cneium commatu onus-tæ, ad Cossanum portum à classe Car-

thaginenſi interceptæ erant. Nova ergo claſſe ad tutandam Italiæ oram comparata, novique contra Annibalem copiis conſcriptis, Dictator in Apuliam profectus cunctando, neque totius dimicationis uſquam facta copia, hoſtis ferociam debilitare cœpit, & reipublicæ vulnera aliqua ex parte ſanare. Tameſi non illi magis contra hoſtem pugnandum erat, quam contra Minuti temeritatem, militum audaciam, nominique infamiam: quæ res forſiſſimos ſæpe viros in præceps egit, Dictatoris cunctationem cunctis accuſantibus ignaviæ aſſiſto nomine. In Hiſpania Aſdrubal Himilcone cum claſſe valida præmiſſo ad eam Hiſpaniæ oram tentandam, quæ in Romanorum fide erat, terra ipſe copias duxit viginti militum millia. Cneius terreſtribus copiis inferior retinendi maris imperii ſtudio cum friginta navium claſſe Tarracone profectus in oſtio Iberi claſſem Punicam naſtus militibus vacuum (ſecuri ii in terra erant) oppreſſit. Viginti quinque naves in ipſius oculis Ducis captæ; reliquæ qua ſubmerſæ, qua ad litus ejeſtæ, parique celeritate naves onerariæ quatuordecim interceptæ ſunt in mari: quæ remittente vento curſum aliarum adæquare non potuerant. Eodem victoriæ curſu Honofca urbs vi expugnata direptaque eſt. Carthaginis vicinus ager vaſtatus, & ſuburbana ædificia incendio deformata. Aſdrubal Gadeis uſque Romanæ claſſis veſtigia ſubſecutus incendiis Hiſpa-

niæ atque vaſtatis deſormis ubique teſtis viſcebatur nullo præſidio. Secundum eam victoriam Ebuſus inſula tentata à Romana claſſe: atque populi amplius centum viginti in fidem accepti: in his Celtiberi gens valida cum primis & lata, nam in horum finibus Segobriga, Bilbilis, & Medina Celina erant: ad hæc Urcſia, Concha, Opta, Agreda, Numantia; urbes & oppida regionibus uſque adeo diſjunſta, ipſique adco Caunimontis ſaſtigia. Harum Cneius gentium acceſſione formidabilis, terreſtribus copiis ad ſalutem uſque Caſtulonem armis penetravit, eundem nullo magno operæ pretio factò, citra Iberum ii motus revocarunt, quos Mandonio auctore, ſummo in Ilcgetibus loco, inter ſuos ante Principe, concitari nunciabatur: unde majori mole bellum coortum eſt, Aſdrubale à factioſis advocato. Tameſi miſſa Romanorum manu multi è ſeditioſorum numero ſublati erant: & Celtiberi Cnei litteris ſolicitati, cum facta ſuorum manu in Punica ditone tres urbes occupaveſſent, retro redire Aſdrubalem compulerunt, novi periculi propulſandi neceſſitate. Ventum utrinque ad manus, quindecim-millia è Punico exercitu à Celtiberis trucidata ſunt duobus præliis, autumno in hyemem præcipiti, quem præcipua fertilitas & bonorum omnium copia celebrem reddidit in Hiſpania.

C A P U T X I V.

P. Scipio venit in Hiſpaniam.

Hic ſtatus rerum erat cum Cn. Scipio datis ad ſenatum litteris, militem in ſupplementum & com meatum quantum maxime poſſent miti poſtulavit. Equa Patribus petere viſus eſt. Cornelius Scipio prorogato poſt conſulatum imperio ad fratrem deſtinatur initio ſequentis anni, qui fuit ab Urbe condita quingentefimus trigefimus octavus, cum triginta longis navibus, octo millibus militum, magnoque com meatu, Tarraconis portum tenuit, exæquato cum fratre imperio bellum adminiſtraturus. Ii conſilio inter ſe communicato, exulum Saguntinorum rogatu, cum in patriam

redire, & injurias vindicare cuperent, Saguntum copias promovent. In ea urbe Hiſpanorum obſides modico præſidio à Boſtare præſecto tenebantur. Ea res Hiſpanorum pleraſque civitates morabatur: ne defectionis ad Romanos culpam ſuorum capitibus luerent. Acedux nobili loco Sagunti natus, ad Romanos propenſus & inſigni aliquo officio ſatagens eorum promereri gratiam, præſecto cum convento perſuadet, uti obſides redderet Hiſpanis, nulla re magis quam fide hominum ſtudia excitari. Id cum Boſtari homini minimè malo eſſet perſuaſum, obſides reducendi cura deſumpta, Acedux moni-

monitis prius Romanis de media nocte profectus, in eorum induxit castra, sic per eos cognatis redditus, magnam Romanis ab iis populis benevolentiam adjunxere. Orta ex his rebus latitia ne Romanis sincera esset Cannensis cladis fama effecit: peracto enim Cn. Servilii consulatu, novi Coss. creati, L. Æmilius ex nobilitate, è plebe novo exemplo Terentius Varro, cujus importunitate tanta clades accepta est. Diviso inter collegas imperio, ita ut alternis diebus imperarent, Æmilio de tractante certamen, Varro quo die imperii summa penes ipsum erat, consilgere non dubitavit, collega proficiente, magis ne defuisse reipublicæ videretur, quam quod consilium probaret. Ad Cannas Apuliæ urbem ad oram Superi maris, ubi utraque castra erant, pugnatum: prælium atrox sævumque fuit, quadraginta duo millia peditum è Romano exercitu strata sunt, equites tria millia; cecidit & Consul Æmilius, repudiat qui ad fugam offerebatur equo; capta duodecim millia capitum. Annulorum modios tres cum dimidio Mago Annibalis frater Carthaginem legatus de victoria detulit, ostentavitque in senatu, ad indicium; quam multi ex nobilitate, quæ sola annulis aureis utebatur, in ea pugna peris-

sent. Post eam cladem tanta Romæ trepidatio fuit, ut juvenes primarii de Italia deferenda deliberarent. Ne Romanum imperium penitus concideret, modica temporis mora factum est. Omnia Italiæ urbes non paucæ ejus cladis fama ab amicitia populi Romani abductæ, multæ retentæ in Hispania ne fœdus cum Romanis maturarent, nam novi motus ne existerent Scipionum prudentia factum est. Quo tempore eorum diligentia atque auctoritate Tarraco quidem in Hispania ædificiis atque mœnibus amplificata, coloniæ Romanæ jure donata est. Carthagine autem quamvis Hannone multum repugnante atque in eorum momento novo fœdere vincientes Romanos in senatu disputante, placuit Annibalem atque Asdrubalem pecunia, classe, & supplemento, prout ipsi expetierant juvare; magnis delectibus Asrorum atque Numidarum millia quadraginta conscripta, atque ex eo numero continuo ad Asdrubalem, qua parte respublica magis laborabat, quatuor millia pedites missi, equites quingenti. Horum Duci Magoni cura data, novas & majores copias conscribendi in Hispania peditum, equitumque, ad retinendum extendendumque in ea provincia imperium.

C A P U T X V.

Asdrubal Italia aditu prohibetur.

539 MOVEBANTUR in extrema Hispania Tartessii, ferox hominum genus Duce Galbo Asenaque urbe capta, ubi Poenorum commeatu de frumentum erat. Iis Asdrubal motibus compressis, litteris Carthaginæ missis, continuo in Italiam maturare jussus est Annibali fratri supplementum allaturus. Grave id mandatum fuit, multorumque animos in Hispania ad Romanos avertit, sed re necessaria compulsus, accepto successore Bomilcaris filio Himilcone, eoque provinciam arcana edocto, & rationem belli in posterum administrandi, magnis denique delectibus tota provincia habitis, & pecunia maxima in stipendium imperata, ligna versùs Iberum movit, anno ab Urbe condita quingentesimo trigésimo nono. Scipiones de patriæ periculo solliciti.

Tom. I.

citi, si Asdrubal in Italiam pervenisset, ne à duobus exercitibus opprimeretur, ab Annibale toties victa, Punica ditionis oppidis impugnandis ab Italiæ cogitatione aut avertere penitus aut morari constituit. Urbem à propinquo fluvio Iberiam dictam tentare visum est. Asdrubal contra ea prius urbe munita, alteram urbem Romanis addictam iis in locis circumfedit. Accurrunt Romani Duces, Iberiæ obsidione soluta. Castra castris collata primum, deinde levibus utrinque præliis dimicatum, postremo totius dimicationis signo proposito totis viribus & copiis concursum est. Non de Hispaniæ modo possessione, sed de Italiæ orbisq; imperio certamen erat. Romani non sècus ac si pro mœnibus ipsiq; urbis Romæ portis acriter pugnantes vicere hostes.

tes. Fugæ initium ab iis Hispanis factum, qui intimis sensibus à Pœnis averſi, invidii eorum ſigna ſequébantur, longinquæ expeditionis odio, & ad Romanos propenſi. Pœni Africæ tanto præſidio nudati, caſi proſtratiſque ſunt, equitatum elephantosque fuga ſervavit. Ipſe Aſdrubal cum paucis Carthaginem novam evaſit. Ea res ex Scipionum litteris Romæ nunciata, non tam victoria læta fuit, quam Aſdrubalis in Italiam impedito tranſitu. Gravis is annus Hiſpaniæ exitit, tum annonæ difficultate, tum peſtis lue, quæ multos mortales extinxit, Himilcemque uxorem Annibalis & filium Caſtulonem, ſic affirmant. Ea cauſa Romani Patres ad Hiſpanienſem exercitum commeatum miſere, mutuo à mercatoribus pecunia ſumpta, propter inopiam ſtrarii, & qui adverſus Philippum Macedonem, qui iſto cum Annibale ſœdere, Italiam appetere nunciabatur, nova claſſis erat comparanda. Mago ea claſſe, quam in Italiam inſtructam habebat, Aſdrubalis periculo nunciato, juſſu ſenatus Carthaginæ ſolvens, atque in Hiſpaniam perlatuſ, ſexaginta longas naves & duodecim millia milites intulit in portum Carthaginis novæ, ubi Himilco naves eas etiam continebat, cum quibus paulo ante ipſe venerat in Hiſpaniam. Magonis adventu magna animorum commutatio facta eſt. Quibus victis, vix erat relictum ubi conſiſſerent in Hiſpania; ii de reparando bello cogitare cœperunt. Illiturgim eorum antea ditionis, & nunc civium defeſione alienatam ducunt, & trinis caſtris obſeſſam impugnant. Sexaginta hominum millia ſub ſignis erant. Eo Scipiones cum ſedecim millibus auxilio proſeſſi, carris atque jumentis frumento onuſtis in urbem inveſtis, Pœnos nequicquam prohibere conatos, ingenti prælio ſuperarunt: non Aſdrubalem modo, ſed Magonem, Himilconemque ex propriis caſtris ad certamen accurrentes. Cædes major quam pro victorum numero fuit, tria millia equitum capta, mille equi in caſtris reperti, Elephantum quinque trucidati. Incibilis oppidum viginti ſeptem paſſuum millibus à Deruſa ad Occaſum Pœni Duces reparatis viribus expugnare parabant. Eo loco novo prælio facto, tria millia è Punico exercitu caſa ſunt, pari captivorum nu-

mero: cecidit Himilco Dux præſtanti virtute, famaſque. Incibilis hoc tempore quidam eſſe arbitrantur Chelvam oppidum in Valentini regni agro. Illiturgim Andugarum in Batica, aut Lietor non procul Alcaſſo urbe. Sed regionum hiſtoriam conquirere non minus quam factorum difficile eſt, cæca uſque adeo Hiſpaniæ antiquitate. Hæc autumno contigerunt, quo ex Italia nuncius Romanorum lætitiæ vehementer auxit: Annibalem Capuæ delitiis per hyemem exercitu enervato, dum Nolam finitimam obſidione premit, acie à M. Marcello victum atque in Apuliam rejeſſum. Duo Hiſpanorum millia deſertis Punicis caſtris ad Romanos tranſiſſe, magnis pollicitationibus ſolicitatos. In Sardinia Aſdrubalem Calvum, qui cum valida claſſe ex Africa mittebatur in Italiam, & Arſicoræ viri inter infulanos principis promiſſis in ſpem venerat ejus infula occupandæ, à T. Manlio Torquato ad Calarim prælium victum captumque caſis multis tum Pœnis tum Sardiſ, qui Pœnis militabant. Simul ex Sicilia cognitum Hieroni Regi deſuncto Hieronymum ejus nepotem diverſiſſimis moribus, Syracuſis in regno ſucceſſiſſe. Scipiones bona ex iis rebus ſpe pleni, certique arma repetere cum primum per anni tempus licuiſſet, copiis in hyberna dimiſſis, ipſi Tarracone hyemare conſtituunt. Quo tempore ejus urbis murum fuiſſe perfectum in veteri lapide incide litteræ declarabant, qui lapis Alſonſi Regis Caſtellæ eo nomine Xl. ætate extabat, ut ejus hiſtoria teſtatur. Tarracone in planicie modica ſita eſt, quæ in mollis atque rotundi collis ſaltigio ſepandit, mari ſubjecto ad lapidis jactum, aſcenſu ad Ortum arduo, propter continentes rupes. Ad Occaſum planicies præcipua amenitate & proventu conſternitur quadraginta amplius millibus paſſuum, olea, vite, malis medicis conſtituta, pecore abundans & frumenti ferax, quantum civibus alendis ſit ſatis: modico interfluente flumine uno ab urbe miliarium (Francolinum vulgo vocant, veteres Thulcin). Ejus aquæ ad macerandum linum & canapim, quarum rerum magnus proventus eſt, magis quam ad potum aptæ ſunt; una enim aquæ dulcis penuria olim ea urbs cum laboraret, poſt Sci-

Scipiones, Romani opere Romano aquæductu magna altitudine exedificato, Guis fluminis partem decem & sex passuum millibus in urbem dirivarant. Eo porro bellorum injuria salutis anno ducentesimo sexagesimo sexto, corrupto,

puteus avorum memoria effossus altissime, aquæ dulcis copiam suppeditat, civibus, qui nostra ætate septingentas circiter familias efficiunt, murorum universo ambitu duarum millium non amplius capaci.

CAPUT XVI.

Pani passim in Hispania caduntur.

VIX hyeme circumacta anni ab Urbe condita quingentesimi quadragesimi, Mago & Asdrubal fratres magnum Hispanorum exercitum comparant, educuntque tempestive Carthaginæ, spe Ulterioris Hispaniæ, quæ magna ex parte Romanorum facta erat, armis recuperandæ. His conatibus P. Scipio obviam eundem judicans, Ibero transmissis in Vesciones penetrat: & ad Castrum Altrum nobile oppidum, Amilcaris cæde Pœnis infastum, castra ponit; unde amissis duobus Romanorum millibus, qui à circumfusus undique hostibus intercepti cruciatiq; erant, majoris cladis metu, copiis in pacata loca reductis, in Victoriæ monte (hic hodie Mocia esse creditur, ultra Iberum aliquot millibus passuum ad mare) castra posuit munivitque. Eo diversis itineribus atque animis tum Cneius auxilio cum omnibus copiis, tum Asdrubal Gisgonis filius ad impugnandum venerunt. Erat is paulo ante ex Africa missus cum quinque millibus militum supplementi causa, summo Carthaginæ loco natus, magnis opibus, Barchinos fratres cognatione attingens: eoque cum copiarum parte, tertius bellum administrare per vicina Ibero loca cœperat. Erant utraque castra ultra Iberum, modico intervallo distantia. P. Scipio specularum progressus circumfusa hostium multitudine periculo proximus fratris superventu servatur, haud ullo majore operæ pretio. Utroque Castulonis defectio in ulteriorem Hispaniam avertit. Ea urbs Carthaginis odio, gravique ejus gentis imperio fessa, pulso Carthaginensi præsidio rebellarat aperte plures voto. Pœni ne mora cresceret malum, Illiturgim obfident, Castulonensis defectionis auctorem præcipuam vindicatori supplicio. Cneius ad ferendam opem cum expedita legione profectus inter bina hostium cas-

tra magna cæde facta, in urbem penetrat; sequenti mox & tertia luce eruptione facta, duo hostium millia cædit, capta tria millia, cum militaribus signis tredecim. Majorem alii numerum ponunt, vitiat, ut creditur, numeris. Omnino Pœni obsidione soluta, rursus à Bigerra in Bastetanis, quam circumfidere parabant, hostium superventu repulsi, ad Aurigim (hæc hodie Giennium est, aut Ariona) totius dimicationis aleam subeuntes denuo victi sunt, cum quatuor horis certamen sustinuisent, cæsa quinque Pœnorum millia; capta tria: elephantum triginta consossi: relata signa militaria quinquaginta. Cneius suorum aliquanto numero amisso, & ipse formore hasta trajecto, lætica hostem persecutus, ad Mundam non alio quam antea eventum pugnavit, minor dimidio cædes fuit, hostem sylvæ montesque vicini texerunt. Livius pugnam ad Aurigim postremo loco ponit, & ad Mundam Cneio vulnus infictum ait. Nobis locorum situs & aliorum scriptorum auctoritas prior fuit. Tot incommodis re Punica afflicta in Hispania quidem, nihil ut esse in calamitate residui videretur, Mago in Galliam mittitur Mœnicato & Civisimaro, quos Regulos cum Annibale amicitiam junxisse supra monstratum est, ad jungendas vires, ferendamque opem sollicitandis. Parent illi: novem Gallorum millia navibus Carthaginem novam deduxere. In ea urbe Asdrubal bello reparando intentus erat. Cneius successu lætus, haud minori cura hyemem in Bætica consumpsit. Anni ejus initio, qui fuit ab U. C. 547 quingentesimus quadragesimus primus, productis utrinque copiis in Bætica pugnatum est, eisdem quibus ante animis, majori aliquanto cæde; octo millia è Punico exercitu occisa, ac ferme è Gallorum numero omnes. Duces etiam Mœ-

nicatus & Civismarus, cum ostentandæ virtutis cupidi avidissime, & ut est gentis ingenium, magna alacritate pugnant, fortiter occubuerunt. Secundum eam victoriam Saguntum vi expugnatum est à Romanis, sexto omnino anno ex quo in Pœnorum potestatem venerat. Exules Saguntini, qui cladi patriæ superfuierant, tandem restituti in avitos lares sunt. Turdetum excisa susceptæ calamitatis princeps causâ: eorum etiam agri Sagunto contributi: ut esset malorum aliqua compensatio. Ipsi Turdetani sub corona venditi doloris injuriæque vindic-

ta levamen. Quo tempore ex Italia nunciabatur, Arpis Apuliæ urbe, quæ post Cannensem cladem à Romanis defece rat, Q. Fabii virtute expugnata, Hispanos mille ejus urbis præfidiarios milites magnis promissis inviatos transiisse ad Romanos. Ex ea re Patres Romæ de summa belli sperantes hostes everti posse, Scipionibus per litteras mandant, uti proceres aliquot Hispanorum primo quoque tempore mittant in Italiam: per quos reliquos Hispanos ab Annibalis castris, hoc est, robur hostilis exercitus subducere cogitabant.

C A P U T X V I I

Novum bellum excitatur in Africa.

PER idem tempus in Africa bellum hac occasione exarsit. Asdrubal Gifgonis filius, viro maturam filiam Sophonisbam reliquerat Carthagine. Hujus quoniam eximie animi & corporis dotes erant, nuptias Syphax Numidarum Rex ambiens, cum Patres Asdrubalis parentis absentiam excussissent, quod res erat repulsam interpretatus bello injuriam persequi cogitabat. Sedes regni Siga fuit ex adversum Malacæ posita in ora Africæ, imperium Tingi atque Oceano ad Occasum, ad Ortum Carthagenensium ditione terminabat, Gales tantum regno interjecto cum quo sæpe de finibus belli fortuna alternante certabat. Gales Masinissa filius erat, præstanti indole juvenis, & ad res maximas obeundas corporis & animi virtute pari. In hunc Syphax primum arma vertere parabat, Pœnorum amicitia magis quam suis viribus propter ditionis angustias froctum, injuriæ opportunitum Pœnis gemino bello impeditis Italico atque Hispanico. Hæc cogitantem tres à Scipionibus legati ex Hispania amplius inflammaverunt, ostendentes rem eum in primis gratam facturum Romano senatui, si fœdere factio junctisque viribus novo Carthaginem bello in Africa implicaret, futuram imparem, copiis in plures partes distractis. Ejus beneficii memoriam perpetuam Patribus fore. Cum his Syphax legatis multis sermonibus consumptis ad Romanam amicitiam animum appulit: & cum didicisset, quam ipsi præ Romanis omnis disciplinæ mili-

taris essent ignari, petivit pro initæ amicitie jure ut duobus ipsorum cum responso, unde venerant, redeuntibus, tertius maneret in Africa, peditatu instituendo, qua parte militiæ disciplina per manus tradita Numidæ carebant. Datum expectanti Regi ut Q. Sertorium apud se ea lege retineret si factum Scipionibus ipsi probassent. Carthagenenses cognito Scipionum consilio, Gales Regis confœderati opera adversus Syphacis conatus uti decernunt. Belli Dux Masinissa creatus, tunc præstanti indole juvenis, deinde Romana amicitia clarior, contractis continuo suis & Carthagenensium copiis, hosti obviam procedens, primo prælio triginta hostium millia cecidit. Mox fuga ad Maurusius regni extremam urbem elapsus Syphacem, & viribus reparatis transitum in Hispaniam parantem, prælio altero victum fregit. Sunt qui Syphacem venisse, scribant, in Hispaniam, nimirum ut de ratione belli gerendi coram consilia cum Scipionibus communicaret, à Livio atque Plutarcho prætermissum, quod mirum non est. Hæ res in Hispania nunciata, dolorem Romanis ut par erat, lætitiâ Asdrubali pepererunt singularem: rem Romanam, quæ resurgere visa erat, denuo præcipitantem urgere majori studio visum est. Appetente jam hyeme, Celtiberi, quorum erat maxima opinio virtutis inter Hispanos, in sequentem annum magno stipendio à Pœnis invitantur. Cognito Scipiones periculo, majoribus

ribus præmiis gentem præiò ventalem in fide retinent. Additis horis. ne diffinèto in agmine & separata castrorum parte, ut ante consueverant, tenderent; sed sub iisdem signis atque Centurionibus confusi Romanis. Ex eo numero perspeciem honoris re ut obsidum loco essent, & à castris Annibalis reliquos Hispanos abducerent, trecenti Romam missi eo initio anni sequentis mari pervenerunt, qui annus ab U. C. fuit quingentesimus quadagesimus secundus. Quo tempore quatuor naves ex urbe cum commætu & pecunia missæ, copias præfenti inopia levarunt; & quod non minus jucundum accidit, Hannonem

nunciarunt. Carthagine missum, dum contractis Ligurum Gallorumque copiis contendit ad Annibalem, ut vires conferret, qui per eos dies Tarentum in deditionem acceperat, in Piceno agro cum copiis omnibus oppressum fuisse. In Sicilia autem Syracusas, quæ post Hieronis obitum eademque Hieronymi successoris in factiones scissæ, in Pænorum ditionem concesserunt, à M. Marcello triennii. obsidione fatiguas Merici Hispani, quingentorum militum præsidio urbem obtinentis tutacique diu, prodicione expugnatas tandem atque directas, imperii Romani jugum suscepisse.

C A P U T X V I I I.

Scipiones in Hispania occiduntur.

VICTI Syphacis præmium Sophonisba fuit æmulo atque rivali Masinissæ pacta conjux. Sic novo necessitudinis vinculo & ferendæ focero opis necessitate impulsus, cum septem Afrorum millibus & Numidis equitibus septingentis eadem æstate in Carthaginis portum sese Masinissa intulit Indibilis Mandonii frater in Sueffetanis quinque hominum millia in armis habebat, movere paratus cum primum admoneretur. Sueffetanos quidam in Vasconibus ponunt, ea parte ubi Sanguessa ad flumen Aragonem est, quam olim Sueffam fuisse dictam veterum Regum diplomata indicio sunt, & à suum bonitate nuncupatam quidam conjiciunt: quod in Lacetanis finitimis fuisse pernam à præcipua nobilitate, nostra etiam ætate celebrantur. Ergo tantis Pæni auxilii confirmati copias Carthagine priores educunt Bæticam versus, bipartito exercitu, parti Adrubal Barchinæ præerat, reliquis Mago Masinissæque cum focero. Scipiones novis ex Italia auxiliis aucti, & triginta Celtiberorum millibus confidentes, ex stativis & ipsi movent, certi cum hoste toties fracto manus conferere. Cneius cum Celtiberis & legionum Romanarum parte tertia Adrubalem sibi deposcit, castraque castris confert ad urbem Anatorgim, fluvio interfluente. Publius contra reliquos Pænorum Duces movet, ne Adrubale victo fuga ipsi in saltus evade-

Tom. I.

rent, sed quasi indagine cincti omnes una perirent. Tantum fiducia ingerit sæpe continuata felicitas. Quod contra prorsus accidit. Adrubalis arte, facili lingue commercio Celtiberi inducti Cneium deferere, convulsis repente signis redire in patriam; & erat nuntiatum, à parte Pænis favente armis correptis fortunas eorum diripi, qui in Romanis castris erant. Ea virium Cneius parte spoliatus, quia inferior hosti erat, cedere statuit. Quid enim temeritate in exitium certum rueret? Neque est minoris sæpe animi certamen vitare, quam accipere. Sapienter destinata, vis altior evexit. Publius Masinissæ equitatu pro castris adequitante fatigatus, verituteque si Indibilis accessisset, qui adventare nunciabatur, ut par tantis copiis esset, anceps consilium cepit. Indibili prodire obviam statuit, Dux aliqui cautus juxta ac fortis. Sed nimerum excæcantur animi cum instat exitum; uti tunc accidit. Relicti in castris modico præsidio de nocte contra Indibilem copias educit. Consilium hostes non latuit. Ventum jam erat in Sueffetanorum conspectum, & sub vespere pugnari coëptum. Romanum meliora ferentem Masinissa adventu suo turbavit primum, deinde vicit. Multis passim ab equitatu stratis, Publioque Imperatore confosso, reliqui vertuntur in fugam. Magna cædes fuit in pugna fugaque. Noctis beneficio pauci pars ad vicina Romanorum

P

manorum

manorum præsidia, urbemque Illiturgim, pars unde exierant in castra redierunt. Pœni successu læti magnis itineribus festinantes cum Asdrubalē Barchino copias jungunt. Horum adventu permotus Gneius suspicari cœpit Publium fratrem fuisse casum, neque eo superstitē & incolūni venturos in una castra Pœnos, sibi pro certo persuadens; & inerat animo insolita mœstitia, tacitum infelicitas, ut sit; eventus præsigium. Eo amplius in cœdendi consilio confirmatus, de nocte silentio castra movet. Lucente die Pœni Romanos profectos esse cognoscunt, præmissi Numidæ equites carpendo novissimos necessario morantur iter, dum Pœnorum duces cum robore exercitus superveniunt. Cneius ubi præoccupatis metu animis neque cohortationes, neque preces, neque auctoritatem valere cernit, proximū collem capere universos, atque eo signa inferre jubet, molli ascensu, nullaque materia erigendo vallo, ne fossam quidem ducere sinebat, soli natura in modum petra durati. Clitellæ & sarcinæ pro vallo objectæ, munimentum leve, aliquandiu hostes detinuit, virtutem atque industriam Romanorum rebus etiam

perditis admirantes. Verum à Ducibus castigati increpitique in castra ferro irrumpunt. Pauci à multis circumventi facile caduntur. Cneius ipse occumbit, summi Ducis & strenui militis functus officio: qui tot annis Hispaniæ Præfectus fuerat, primusque inter Romanos Hispanorum favorem, morum facilitate occuparat: pauci montibus sylvisque tecti quemque metus aut spes agebat ad P. Scipionis castra perfugerunt (incolūmem forte credebant) sed ea à T. Fonteio Legato modico tenebantur præsidio. Ad Staberum fluvium prope Illicim pugnatum est, quod hodie oppidum quibusdam Lorquinum esse creditur, non procul nova Carthagine, vulgo perfluasum turrim Tarraconi prope objectam Scipionum sepulcrum esse, omnino in ea duo signa è marmore male dolata atque informia visuntur, Scipionibus, sic prædicant, constituta, eo tantorum Ducum translatis cineribus: aut eximia provinciales voluntate militesque Scipionum memoriæ id cenotaphium instituendum ad urbem primariam, ubi sedes imperii erat, judicarunt.

C A P U T X I X.

L. Martii virtute Pœnorum audacia repressa.

SCIPIONUM casus magnam rerum & animorum commutationem attulit: concidissetque res Romana, ac penitus afflata fuisset, ni eam L. Martii primum audacia, deinde P. Cor. Scipionis virtus sustentassent in præcipiti constitutum, & novis jacturæ ærumnis. Desistunt studia hominum, quibus fortuna adversa est. Castulonenses primi, Romanis ad se confugientibus portas urbis clausurunt. Illiturgitani etiam in urbem admissos crudeliter peremerunt. Eorum urbium exemplo alia oppida desecisse dubium non est; tot una malis consternatos Romanos, qui cum T. Fonteio legato in præsidio castrorum reliqui erant, & qui se eodem ex fuga recipere potuerunt, magnisque itineribus trans Iberum festinabant L. Martius Septimii filius eques Romanus, magno animo juvenis, qui sub Gn. Scipione primipili Centurio, & Tribunus

fuerat recreavit, validam manum, partim ex præsidio, partim ex his quos à fuga retinuit, factam, ad reliquas copias adjungens. Incredibilis ejus adventu totius exercitus lætitia fuit: de Duce deligendo deliberatione suscepta, omnibus suffragiis prælatus Martius est, ipso T. Fonteio legato prætermisso, sive etiam concedente, ambitionem complimentibus rebus adversis. Verum ea militum alacritas brevi formidine mutata est. Asdrubalem Ibero transmissis ad delendum Romani exercitus reliquias festinare, jamque adesse nunciabatur: proxime Magonem subsequi. Fortunæ iniquitatem nondum Romano sanguine exartata; pars suos inter se commendare, testamentaque in procinctu nuncupare, si quibus ex eo discrimine evadere contigisset: pars vicem suam deplorare: Martii cohortationes non audire: attonitis similes hærare, fixis in terram oculis, aut abdi per

per tentoria. Cum ad vallum appropinquante hoste signa Punica visa sunt, tum ex metu audacia orta, accensis milites animis, ad periculum omni ex parte correptis armis concurrunt, è castrisque erumpunt hosti obviam. Poenorum securus incuriaque ex re, ut fit, prospere gesta Romanis saluti fuit. Inopinata hostium audacia metu percussi terga continuo verterunt, paucis in fuga casis Martius satis habens suorum animos confirmasse, an suspicatus infidias, signo receptui dato, milites reduxit in castra, multum quamvis indignantes, palamque edicentes, quoniam talis occasio ulciscendi hostis relinqueretur, sese etiam cum vellet Martius non esse pugnuros. Poeni contra Ducis consilium metum interpretati, nihilo majori cura munire castra. Ea res Martium provocavit, ut rursus fortunam tentare cuperet, noctu cogitans hostem securum opprimi posse: & necessitudo inerat, quæ ex ignavis sæpe facit audaces. Mago cum robore exercitus subsecutus, si se cum Asdrubale conjunxisset, spem salutis omnem sublatum iri providebat animo. Celeritate opus erat, militibus de ratione suscepti consilii pauca locutus, iussisque curare corpora, de quarta vigilia silentio copias eduxit, prodigio latus, quod ex Martii concionantis capite flamma eluxerat. Erant Magonis copiae sex tantum millibus passuum ab Asdrubalis castris interjecta nemorosa valle, in qua cohors Romana & equites aliquot ad omnes casus excubare iussi sunt; reliqui milites in Asdrubalis castra penetrant; nullæ enim vigiliæ erant, nulli pro portis milites excubabant. Hostium contemptus exitum attulit. In inermes somnoque sepultos magna cædes facta est: pauci fuga servati, multo plures cum in vicina castra effugere conarentur, in insidias præcipitarunt. Captis Asdrubalis castris, eodem animorum vigore ad Magonem opprimendum festinatum est, ignorum cladis acceptæ. Exorto jam Sole in ea castra impetus factus, & pari felicitate momento temporis capta sunt, priusquam se hostes ad resistendum com-

parassent. Intra munitiones pugnatum acriter, donec recentis cædis signa in Romanorum scutis & gladiis visa fregerunt animos. Salute desperata se in fugam concitant, cæsi in utraque pugna hostes ad triginta septem millia, capti ferme duo millia; præda ingens fuit. Poenorum Duces fuga evaserunt: id unum ad exæquandam superiorem cladem Martio desuisse visum est. Tantæ victoriæ nuntii Romam pervenerunt ejus anni initio, qui fuit ab Urbe condita quingentesimus quadragesimus tertius, cum Martii litteris: quibus quod injussu senatus se Proprietorem scripsisset, Patribus offensionem commovit. Respondum tamen est, quod de frumento & vestibus postulare senatus curæ fore, ascribi Proprietorem non placuit. Qua re, & Cl. Nerone post peractum bellum Capuanum destinato in Hispaniam cum supplemento peditum duodecim millium, equitum mille centumque militum Martique factum dissimulanter accusabant, naturæ vitio in timore benigni sumus, post victoriam ingrati. Omnino ea re motus Annibal, de rerum summa desperare coepit, cum tantum animorum habere Romanos cerneret, ut hoste pro portis excubante (nam venerat Tarento Annibal ad liberandam obsidione Capuam, & inde repulsus ad tertium ab Urbe lapidem castra posuerat) supplementum decernerent, mitterentque in Hispaniam. Itaque ex senatus decreto, Nero Puteolis Tarraconem classè delatus, Martii & Fonteii copiis adjunctis, continuo in Beticam movit, contra Asdrubalem, qui in Aufetanis Illiturgim inter & Mentisam (Montegium esse creditur, aut Casoria) stativa habebat, ad Lapides atros (saltus nomen id erat). Ejus loci faucibus à Nerone occupatis, Asdrubal soderis simulatione, sanciendo retrahendoque pacis condiciones, tantum temporis extraxit, dum noctu copiae per ardua montium evaderent: Romano Imperatore sero se Punicis artibus circumventum esse sentiente, pugnamque expetente, cujus discrimen Poeni cautiore omni cura devitabant.

CAPUT XX.

Cartago nova à P. Cor. Scipione expugnata.

INTEREA Romæ de augendo Hispaniensi exercitu, Imperatoreque deligendo deliberatione suscepta, populi comitiis habitis quoniam ancipites atque suspensi erant Patrum animi, cum nulli eum honorem ambirent ob magnitudinem periculi: P. Cor. Scipio L. Scipionis filius quatuor & viginti ferme natus annos prodiit candidatus, atque omnibus suffragiis Proconsul in Hispaniam missus est, nam Nero Propratoris officio vicarioungebatur atque extemporali. Inerat animi magnitudo supra atatem, eamque juvenibus de Italia deferenda deliberantibus post Cannensem cladem, gladio in conventu districto, intentataque morte, nisi desisterent penitusque mutarent, satis declaravit integritatis opinionem religionis sive studio sive simulatione, ex quo togam sumpsit, diligenter aluit, Jovis Capitolini templum frequentando, sacrisque procurandis, quoties aliquid sive publicæ rei sive privæ aggressurus esset. Decem millia peditum equites mille in supplementum dati, Syllanus Proprator in Neronis locum; legatos sibi ipse legit L. Scipionem fratrem & C. Lælium, eum cujus ex consiliis ea omnia prodixisse creditum est, quæcunque à Scipione per omnem atatem perfecta gloriose sunt; & vulgo jactabatur, Lælium comœdiam scribere, Scipionem agere. His præsidii atque his copiis ad ostia Tiberina classe instructa, in Hispaniam sub finem anni appulsus, milite omni verborum honore collaudato, Martium in præcipuo honore apud se habuit. Quo anno M. Marcellus Ovans ob Syraculas captas, in urbem ingressus est, Merico Hispano, qui urbem præsidiumque prodiderat, præeunte in corona aurea. Ejus militibus Murganti agri attributi merces operæ, olim Hispanorum coloniæ, ut nostri scriptores affirmant. Proximo anno, qui annus 544 ab U. C. erat quingentesimus quadragimus quartus, Scipio ad prima veris signa suis & sociorum copiis contractis, Iberum trajicere, atque Carthaginem novam impugnare decrevit; qua urbe

capta cogitabat, quoniam omnium munitissima erat, exadversum Africæ portui commodissimo imposita, in eamque Pœni Hispaniæ obsides, subsidia belli, & militum impedimenta contulerant, sperabatque Carthaginenses de totius Hispaniæ possessione depellere. Teme- rarius conatus non erat: nam modico præsidio tenebatur, & Pœnorum Duces procul habebant castra: Mago prope Gaditanos, Asdrubal Gisgonis ad Anæ osium, alter Asdrubal in Carpetanis curabat. Classis Romanæ Lælius cura suscepta, modicis itineribus subsequi jussus est. Scipio cum omni exercitu, in quo utriusque gentis viginti quinque millia peditum erant, equites duo millia & quingenti, pedestri itinere Carthaginem die septimo pervenit. Sequenti die uno tempore à mari & à terra urbem impugnare constituit. Mago contra præsidii præfectus armare cives, loca omnia militibus firmare, bellicas machinas expedit, nulla re prætermis- sa, quæ ab strenuo Duce posset desiderari. Erat ea urbs in clivo posita, portui imminens, insula ad portus fauces objecta (uti alio loco est dictum) quæ stationem tutissimam efficit, tribus ex partibus circumfuso mari, aditu à terra versus Septentrionem arduo, muroque ex ea parte altissimo. Romanos ea invadentes parte repellunt Hispani castris hostium oppositi, cedentibus facta eruptione instant accerrime primum: deinde subsidii è castris Romanorum submissis, terga vertunt ipsi, tanta civium trepidatione, verentium ne hostes permixti suis ingrederentur in urbem, ut mœnia defensoribus nudarentur. Rei bene gerendæ occasione animadversa milites icalis muro succedere tentant, mari terraque, sed cum male multarentur, telis & lapidibus è superiori loco coniectis, eoque majore vi ictu certiore, receptui signum est datum. Erat ad Occasum urbi conjunctum æstuarium, quod remittente maris æstu cognitum ex piscatoribus est, pervium pediti esse. Ea milites bifariam jussi murum invadunt, oppidanisque alteri agmini resist-

resistentibus, reliqui in muros scandunt. Aderat Dux Romanus testis spectatorque singulorum virtutis & ignavie, magnum in pugna incitamentum. Superato muro & proxima porta occupata intra diem unum urbs venit in potestatem: arcem etiam dedente Magone Prefecto. Præda ingens fuit, tormenta bellica multa, signa militaria septuaginta quatuor, naves onerariæ in portu sexaginta tres, comestatu & instrumento nautico onusta. Capti ad decem millia homines, ex his oppidani dimissi, suæque eis omnia concessa. Ea libertati gratia addita promerendis provincialium voluntatibus, quin obsides ipsi pars civitatum legatis concessi, pars honestissime habiti; in his filia Indibilis, & fratris Mandonii uxor, puellaque insigni forma, quam à militibus oblatam, ne videre quidem volebat, cum suæ ætati intelligeret, non aliunde majus esse periculum, quam ab inhonestis voluptatibus. Cui desponsa erat Celtiberorum Principi Luceio, Scipionis jussu conservata & restituta est, addito etiam auro ad dotem augendam, quod à puellæ parentibus fuerat oblatum, libertatis pretium. Qua ille benignitate victus, intra paucos dies cum mille & quadringentis equitibus veniens ad Scipionem, sortem & fidelem operam navavit Romanis. Præmia militibus ad veram meritorum rationem exæquata, & duobus de corona murali contententibus to-

tius exercitus studiis divisus in partes, utrumque eo honore dignum videri pronuntiavit, coronaque donavit. Lælio corona aurea & in sacrificium triginta boves dati: missusque continuo Romam cum quinquere mi, in qua Mago Prefectus & quindecim Pœnorum senatores vehebantur, nuncius de capta Carthagine. Urbis deinde aliquanto tempore muris resectis, quibus partibus labefacti erant, præsidium impositum. His ita gestis Scipio quidem ad generales sociorum conventus habendos Tarraconem rediit, sub ejusdem anni exitum: Lælius autem dato Romæ senatu, quantum virum capta Carthagine accessisset, longa oratione disseruit. Ex captivis quæstione habita, cognitum quod M. Valerius Messala ex Sicilia literis nunciatum erat, Masinissum quinque in Africa Numidarum millia sub signis habere, & Afrorum copias scribere, atque de repetenda Hispania cogitare. Asdrubalem Barchinum cum iis copiis & nova Hispanorum manu senatus jussu in Italiam destinatum, subsidium Annibali. Magnum ea res populo metum atque senatui universo curam ingessit: & per eos dies ad Herdoneam urbem in Samnitibus non exigua clades erat accepta Gn. Fulvio Prætorum cum duodecim Tribunis numerosoque exercitu cæso; quidam tredecim millia cecidisse affirmant, septem alii.

C A P U T X X I.

Asdrubal Barchinus à Scipione victus.

IN HISPANIA magna conversione rerum facta plerique ad Romanos inclinare cœperunt. Edeſcus summo loco inter Hispanos, uxore & liberis receptis, quoniam inter obsides erant, Romanorum partes secutus est. Mandonius & Indibilis Celtiberorum Principes, novæ prodictionis venia impetrata in gratiam recepti. Erant Asdrubalis Barchini castra ad Betulonem, quæ urbs in Bætica fuisse creditur, quibus nunc locis Ubeda & Biatia sunt. Eo Scipio cum primum per anni tempus licuit, ejus qui ab U. C. fuit quingentesimus quadragessimus quintus, adjuncto Lælio, qui Roma redierat, Tar-

racone movit. Asdrubal Scipionis adventu cognito, atque suorum viribus & Hispanorum voluntate diffusus, noctu in tumultum copias traducit: cujus radices fluvius (Bætis ut creditur) circulo magnæque ex parte sublebat. Fastigium distinguebat gemina planities; in inferiore subiectaque Numidæ, Afri, Baleares constituti; in superiore cum robore exercitus Dux ipse constitit. Scipionem neque loci iniquitas neque periculum deterruit, quin cum perterritis hoste; locoque magis quam viribus confidente, manus conferret. Subeundi difficultas magna fuit, nullo hostium frustra cadente

te telo. In planiciem magno nisu ubi ventum est, cominus pugna conferta continuo hostes conversi in superiorem tumuli partem sese receperunt. In eam divisas copias Scipio, quoniam difficiliore ascensu erat, flexo atque adeo molliori clivo, lava ipse, Lælius dextra evadentes, atque ab utroque ingruentes latere, hostes momento temporis fuderunt, neque pugnam in cornua vertere valentes, nec ad collocandos in fronte elephantos satis spatii nacti. Ad octo hostium milia ceciderunt, capti decem milia pedites, equites duo milia. In his Massiva puer Masinissa, qui nuper ex Africa venerat, nec prælio interfuit, ex sorore natus, vestibus equoque donatus ad avunculum dimissus prælio peracto est. Asdrubal pecunia elephantisque præmissis, cum copiarum parte non prius subsiit, quam ad Pyrenæum ventum esset: eodem Asdrubal Gisgonis & Mago cum venissent, communi consilio decretum: Asdrubalem quidem Gisgonis in Lusitaniam concedere, Masinissam cum tribus equitum millibus per Citeriorem Hispaniam vagari: pugnae utriusque necessitatem discrimenque omni ratione vitare. Mago ad colligenda funditorum auxilia in Baleares dimissus. Barchino autem Asdrubali videri necessario in Italiam commigrandum, ut senatui morem gereret, & Hispanos milites, qui ad Scipionem respiciebant, longinquitate sanaret. Atque hæc Pœni Scipio autem adulta ætate per Castulonensem saltum Tarraconem revertit, ubi in sequenti toto anno, qui fuit ab Urbe condita quingentesimus quadragesimus sextus, Pœnorum viribus fractis, atque republica moderanda occupatus substituisse videtur: neque quidquam accidit ad memoriam illustrius, quam quod est ab Italia allatum. Ad Tarentum in tumultuaria pugna Marcellum Consulem casum ab Anni-

bale, Collegam Crispinum fauciatum, atque ex vulnere obiisse. In locum Barchini Asdrubalis Hanno Carthagine missus in Hispaniam venit, anno ab Urbe condita quingentesimo quadragesimo septimo, Magone ex itinere adjuncto, qui eatenus in Balearibus hæserat. In Celtiberis delectus habentem Hannonem missus à Scipione Syllanus cepit vivum, Magonem etiam superavit acie, cum ex aliis castris socio auxilio supervenisset. Scipio ea victoria nunciata Asdrubalem Gisgonis prope Gadeis castra habentem, sibi impugnandum sumpsit. Ille tot claudibus castigatus, ante Scipionis adventum milites per vicinas urbes & præsidia distribuit, quoniam dextris virtuteque diffideret. Hujus consilii Scipio certior effectus, ipse quidem retro convertit iter: Lucius autem frater ad expugnandam Oringim urbem missus in Melessim sinibus (Plinius Oningim in Batia, quibus locis Giennium nunc est, collocat) brevi operæpretium fecit, capta atque direpta urbe. Pœni omnes & trecenti cives, qui portas venienti clausuram, in servitutem abducti, ceteris libertas sueque omnia restituta; & quia hyemis tempus appetebat, exercitu in hyberna dimisso, Lucius ipse Romam à fratre missus cum Hannone ceterisque nobilibus captivis Patribus gesta nunciavit. Quo tempore ex Italia nunciatum est Asdrubalem Barchinum, qui in Gallia Alpiumque transitu omnia faciliore opinione erat expertus, in Piceno à L. Claudio Nerone & M. Livio Salinatore Coss. in Metauri fluminis transitu ingenti prælio victum ac casum fuisse, exequata Cannensi clade, sive Ducis cæde, sive occisorum numero. Nam quinquaginta sex milia ceciderunt, magna populi Romani lætitia, in ejus pugnae eventuum bellique summam verti considerantium.

C A P U T XXII

Pœni ex Hispania pelluntur.

SEQUENTI anno ab Urbe condita quingentesimo quadragesimo octavo, Asdrubal alter, supremo adhibito conatu numerosum exercitum conflavit, novo provincialium delectu & veteribus

copiis in unum corpus collatis; castra in Batia ad Silpium urbem posuit, in quibus quinquaginta milia pedites, equites quatuor milia & quingenti erant, tantæ multitudini Scipionem haudquaquam parem

rem fore arbitratus. Ille re cognita à Colca Bætica Regulo, qui partibus studebat, peditum tria millia, equites quingentos accepit, plures ex Hispanis adjungere verebatur, patris & patrui exemplum pro documento habens, ita fidendum externis, ut propriis viribus amplius crederet. Cum his auxiliis & Romanis legionibus hosti obviam profectus est. Levia aliquot dies prælia fuere, deinde copiæ utrinque in aciem productæ, nullo operæpretio; cum neutri pugnam inciperent. Erat vallis inter duas acies haud magno & difficili ascensu, hanc utrique si alteri transire tentarent expectabant, quò æquiore loco pugnam committerent. Et cum neutri auderent, sub vesperam copiæ reducebantur in castra, Pœnorum prius, deinde Romanæ. Hoc consiliorum tenore dies aliquot extracti: donec Scipio suorum curatis corporibus summo mane in hostium castra impetum dat. Asdrubal re inopina commotus, equitatu præmissis adversus Scipionis equites, qui primi castra tentarant, copias in pugnam eduxit, diu ab equitibus ancipiti pugna dimicatum: Scipioque suos in mediam aciem cum recepisset, utroque cornu explicato atque promoti, quæ ex Romanis legionibus constabant, priusquam mediæ acies jungerentur, hostium cornua, in quibus Baleares tyronesque Hispani erant loco movit atque in fugam compulit. Nam virtute impares erant, &

jejuni ad pugnam processerant: cujus initium de industria ad multam diem fuerat à Romanis extractum. Castra in quæ prius servatis ordinibus, deinde etiam effusa fuga sese receperant, ne continuo caperentur, effusus repente imber effecit. Asdrubal sociorum inconstantiam veritus, ne quod nonnulli continuo fecerunt; cuncti ad Romanos transirent, sequenti nocte silentio motis castris, quantum extendere iter potuit, retro redire constituit. Scipio sequenti luce hostium fuga perspecta, equitatu præmissis, qui novissimum agmen carperet, distineretque legionum adventu hostem penitus conturbavit. Magna cædes fuit, vixque septem millia ex tantis copiis cum Duce in tumultum præruptum naturaque loci munitissimum evaserunt, ubi Asdrubale Gadeis elapso; Scipioneque cum copiarum parte Tarracoenem profecto, cum reliquis copiis à Syllano obsessi Pœni sunt. Erat inter Pœnos Masinissa relictus, qui Punicis rebus inclinatis penitus atque collapsis, ad fortunæ motum se movere constituens, clam de transitione ad Romanos, primum cum Syllano est collocutus. Hoc bellum veris initio gestum est: eoque confecto Hispania omnis Pœnis adempta in Romanorum jus ditionemque concessit, quartodecimo anno ex quo Annibal Saguntinos violarat, quinto vero ex quo Scipio Hispaniæ Proconsul erat factus.

CAPUT XXIII.

Alia Scipionis gesta in Hispania.

BELLO in Hispania magna ex parte profligato, Scipio de Africæ ipsiusque adeo Carthaginis expugnatione cogitans, Masinissa primum in amicitiam accepto, deinde in Africam missis ad sollicitandos populares deducendosque ab amicitia Carthaginis, Syphacem ipse Regem Romanæ reipublicæ conciliare parat. Missus in eam rem est C. Lælius in Africam. Barbarus facturum se fœdus negare nisi Duce Romano præsentem. Scipio profectus in Africam Sigam pervenit: hodie Aresgol esse putatur Malacæ objecta, uti Plinius ait. Eodem Asdrubal erat studio Regem occupandi appulsus: ma-

gna Barbari gloria, cum duæ potentissimæ gentes, duoque clarissimi Duces ejus amicitiam magno licerent. In eadem Romanus Pœnusque mensa cænarunt, quod mirare amplius, eodem in lecto cubuerunt. Regis id gratiæ voluntati que datum, ut de pace ageretur à Scipione impetratum non est, absque conscientia Romani senatus excusante, nihil statui posse. Ergo pro quo venerat, Rege in partes tracto, in Hispaniam rediit. Ejus reditu Illiturgis & Castulo, quæ urbes conscientia facinoris dudum in Romanos concepti, magis quam spe defensionis in fide Pœnorum perstabant,

stabant, brevi in Romanorum potestatem venerunt. Illiturgi excisa, Castulo est conservata, nam minor culpa erat, & voluntaria delictio victorum animos flexerat. Deinde Martio aliis urbibus subigendis occupato, Carthagine P. Cor. Scipio patri patruoque iusta funeris faciendâ curavit. Plinius Scipionum rogum Ilorci extitisse ait: quem Tader seu Batis, uti alia exemplaria habent, Tugiensi exortus fultu refugit, non procul Carthagine, (Lorquinum quidam putant, alii Lorcam.) In eo funere voluntariorum gladiatorum ludi editi. In quibus Corbis & Orfus patruces de Iba urbis principatu ex provocatione dimicarunt. Valerius Maximus fratres fuisse ait. Convenit Orfus ætate minoris perviciam morte multatam, minori miseratione quod viribus confusus adduci non potuit, ut verbis potius quam armis disceptaret. Multæ interea urbes sese debebant Martio; uni Astapæ incolæ venia desperata, quod incurfionibus sæpe Romanorum focios fatigarant, obstinatis animis obsidionem diu tolerarunt: demum reliquis in acie pugnaque trucidatis, qui in urbe remanserant, fœminis & pueris, ut convenerat, antea jugulatis, atque igne rebus in foro supposito, suis se gladiis peremerunt; haud minorem quam Saguntinorum sive oblationem sive inconstantiam loci ignobilitas obscuravit. Hujus urbis ruinæ ad Singilim fluvium extant, non procul Astigi atque Antequera: unde constitutum creditur, quod octo ab eo loco millibus hodie oppidum Estepæ nomen habet. His rebus peractis Lælius & Martius Gadeis dimissi ad spem ejus insulæ in fide Pœnorum perstantis, occupandæ quorundam perfugarum proditiōe: festellit eos spes, cum Magoni id periculum esset, indicatum, Scipionem importuni morbi vis occupasset. Cujus fama, ut fit, variis hominum sermonibus aucta, Mandonius & Indibilis aperte à Romanis defecerunt. Delusos se ea spe dolebant, qua pulsus Pœnis Hispaniæ regnum sibi pollicebantur, vicio mortalitatis facile sperantes quod cupiebant factum. Octo præterea Romanorum millia, qui ad Sucronem erant, postulatis importune stipendiis seditionem concitarunt: ma-

gna rerum erat turbatio; in spem Mago erectus rei Punicæ restituentæ in Hispania, datis ad senatum litteris valida auxilia mitti postulabat. Verum eæ molitiones inanes extiterunt. Scipione è morbo recreato, seditionis ardor brevi restinctus est: & magnorum motuum occasio sublata. Romani milites spe veniæ, & stipendii pollicitatione Carthaginem novam deducti, à Scipione castigati gravissima increpatione universi sunt: supplicium penes auctores seditionis stetit; mox in Ilorgetibus, unius & alterius diei pugna hoste superato exutoque castris; Mandonius & Indibilis Duces & auctores defectionis facta deditione ad victoris voluntatem recepti sunt, gratia delicti facta, pecunia tantum in stipendium multati. Venerat Gadeis Masinissa cum Numidarum auxiliis ex Africa, nondum deficiendi ad Romanos animo patefacto. Eo Scipio Martio cum copiarum parte præmissis proficisci parat. Cujus adventu cognito Masinissa, per speciem finitimos agros populandi in continentem transmittens, conveniendi occulte Scipionem nactus facultatem, eam amicitiam sancivit, quæ ad vitæ exitum stetit, & magno adjumento fuit Romanis ad evertendas opes Carthaginis, magnam ipsi gloriam præfque opes attulit. Mago senatus jussu rebus in Hispania desperatis, auro atque argento omni tum publico tum privato in naves imposito Carthaginem abiit, tentatis Balearibus, nam ad Romanos defecerant: atque ex minori quam sine difficultate occupavit, duobus funditorum millibus præmissis in Africam. In ea insula præcipiti jam autumno cum hyemasset, urbem sibi cognominem fundasse quidam suspicantur; antiquiorem disputant alii, uti superius est demonstratum. Liceat nonnunquam in rebus tam vetustis hallucinari. Scipio Gadibus in fidem receptis, atque Italica prope Hispalim Romanorum municipio fundato, trium Augustorum patria Trajani, Hadriani, Theodosii, nondum Hispania in provinciam redacta, quinto postquam venerat anno, decem navibus Romam delatus est, senatu idem in æde Bellonæ foris civitatem dato, quantæ res in Hispania gestæ essent, cum explicasset, magnam Patribus & universo populo laetitiam commovit, ex quanto periculo eva-

evalissent Hispania subdita, quantum esset profectum verissime reputantibus. Triumphus datus non est, quoniam ad

eam diem ex proconsulatu neminem triumphasse constabat.

CAPUT XXIV.

Carthago à Scipione victa.

PROXIMIS comitiis Coss. creati Cornelius ipse Scipio & P. Licinius Crassus Pont. Max. Sicilia Scipioni designata collega concedente; datum tamen expetenti à senatu, ut si è republica futurum iudicaret in Africam inde trajiceret, tamen si eam expeditionem Q. Fabius Maximus, longa oratione temerariam & plenam periculi fore disputarat. Fuit is annus ab U. C. quingentesimus quadragesimus nonus, quo anno Mago quidem è Balearibus solvens in Liguria Genuam evertit: à Lælio autem quem Scipio ex Sicilia pramissit in Africam, Pœnorum agri igne ferroque & abacta præda vastati, in Hispania Mandonius & Indibilis libertatis recuperandæ studio sive regnandi ambitione, rebellandi consilium ceperunt. Belli initium non in Ilergetibus modo, ubi ipsi principatu obtinebant, sed etiam in Aufetanis, ubi Vique urbs nunc sita est, & aliis finitimis locis factum, brevique in Sederanis ut Livius ait (Ceretanos malle qui post Ilergetes & Aufetanos ad Pyrenæi radices fusi sunt) triginta millia pedites, equites quatuor millia sub signis inventi sunt. L. Cor. Lentulus & L. Manlius Acidinus Proconsules, quibus Scipio provinciam tradiderat, obviam Hispanis profecti eos collatis signis superarunt. Cæsi sunt ad tredecim millia hostium, reliqua multitudo in proximas sylvas evasit. Indibilis in acie occubuit: Mandonius Romanis deditus est ab Hispanis, ejus morte rebellionis culpam expiare cupientibus; & Romani Proconsules denunciant pacis nullam conditionem fore, nisi auctoribus seditionis in eorum potestatem redactis. Proximus annus, qui fuit ab U. C. quingentesimus: quinquagesimus, Hispanis quidem quietus fuit tot annorum bellis exhaustis, Carthagini autem funestus, cum Scipio numerosa classe validoque exercitu trajecisset in Africam, Quæstore M. Catone qui Censorinus est dictus. Masinissa con-

tinuo cum Numidarum manu ad Romanorum castra desertis Pœnis palam venit. Nam Syphax Sophonisbæ amore corruptus, cujus nuptias tandiu affectarat, eas assecutus totus se ad Pœnos contulerat. Belli initio Hanno Amilcaris filius superatus acie cæsusque est. Asdrubal & Syphax, Uticæ obsidionem ut solveret, Scipionem compulerunt: nihil præterea magnæ rei in Africa gestum eò anno est. Principio anni sequentis, Gn. Servilio Capione & C. Servilio Gemino Coss. novis ex Italia Scipio auxiliis confirmatus in aciem contra Asdrubalem & Syphacem processit Pœnos aliquot præliis victos binis etiam castris exiit. In his præliis quadraginta hominum millia è Pœnorum exercitu cæsa sunt. In eo numero Celtiberi quatuor millia Syphacis stipendia facientes. Masinissæque provinciam, quæ à Syphace fuerat intercepta, Masinissæ restituta est. Syphax ipse cum in paterno avitoque regno bellum repararet, Lælii Masinissæque ductu acie victus & captus est. Regia Syphacis Cyrtha in potestatem redacta. Sophonisbam ibidem repertam Masinissæ continuo nuptiis in procinctu factis cum uxorem adoptasset, ut sunt in libidinem effusi Mauri, castigatus eam ob causam à Scipione verbis, eam veneno fustulit. Rebus desperatis Annibal decreto senatus in Africam revocatur. Mago qui cum classe veniebat, ex veteri vulnere, quod in Insulribus acceperat, & maris jactatione in Sardinia obiit. Annibalis adventu de pace agi cœptum. Res videlicet Pœnorum in præceps ibant. Ab utroque Duce coram de fœderis conditionibus disputatum quoniam non conveniebant ad arma denuo est ventum. Pœni supremo prælio superati. Annibal tota Africa cedere compulsus longinqua fuga se texit. Victis pax his tandem conditionibus data est. Ut Carthago suis legibus viveret. Ditionem iis, quibus ante bellum finibus terminaret. Perfugas, fugitivos, captivos

tivos redderent. Naves rostratas ne haberent præter triremes, neque domitos elephantos. Decem millia argenti talenta quinquaginta pensionibus repræsentarent. Hæc ut rata essent, quinquaginta Scipioni obsides ejus arbitratu delectos darent principes civitatis. Graves conditiones erant, sed necessariæ tantis uno tempore cladibus republica oppressa, & à Saguntinis capti Carthaginenses quidam Romam delati venerant, cum auro & argento, quod ad sollicitandum Hispaniæ quietem ex Africa attulerant. Laudata Saguntinorum in se-

172

natu constantia captivis retentis pecunia remissa est cultæ fidei pretium. Hæc an-

no ab U. C. quingentesimo quinquagesimo secundo, perfectæ sunt. Quò anno in proximum evoluto Cornelius Scipio omnium Imperatorum clarissimus Coss. Gn. Cornelio Lentulo, & P. Aelio Pato Romæ de victa Carthagine triumphavit. Decessit prope Romam Syphax: quæ una res ad triumphî splendorem augendum defuit, si tantus paulò ante Rex captivus in pompa duceretur. Ipsi Scipioni Africani cognomen est factum, meritis debita gratia. Sic secundum bellum Punicum finem habuit septimodecimo anno ex quo erat inchoatum, omnium gravissimum & maxime anceps, eoque lætissimo omnium exitu terminatum.

173

C A P U T X X V.

M. Portius Cato Consul venit in Hispaniam.

Duos in Scipionis locum in Hispaniam missos fuisse Proconsules monstratum est. Ex iis L. Cor. Lentulus ad spem triumphî, domitis Hispanis Romam rediit; sexto postquam venerat anno: Postmodum C. Cor. Cetegus venit in Hispaniam, L. Manlio Acidino collega, exæquatque potestate duorum, anno ab Urbe condita quingentesimo quinquagesimo quarto. Quo tempore Hispani suæ gentis conditionem miserati, seroque intelligentes bella; quæ gessissent Romani, non pro ipsorum libertate suscepta esse, sed studio imperii amplificandi: conjuratione inter se iniata rebellantes in Ceretanis, Cetegi celeritate eorum conatibus præoccupatis ad quindecim millia cæsi sunt in acie. Sequenti anno Cetego & Acidino imperio abrogato successores dati Cor. Lentulus, L. Stertinius; quo & tertio anno nihil accidit illustrius in Hispania, quam duas in ea ex una præfecturas factas jussu senatus: Ulterioris Lusitanie & Bæticæ finibus terminatæ, atque Citerioris, cuius ambitu reliqua Hispania continebatur; ii fines non semel commutati in utraque præfectura, cognoscenda antiquitate nonnullam parientem difficultatem. In Græcia bellum eadem tempestate cum Philippo Macedone gerebatur: & M. Portius Cato Sardiniam cum imperio gubernabat. Itaque anno ab Urbe condita quingentesimo quinquagesimo

174

septimo, Gn. Sempronio Tuditano Hispania Citerior sorte destinata, M. Helvio Ulterior. Contra hos, quia militi veterano missione concessa infirmiores & injuriæ opportuni fore visi sunt, Hispani variis in locis rebellant, Ducibus præcipuis Colca, atque Luscinone. Cum rebellium parte in Citeriori Hispania ausus Tuditanus dimicare insignem cladem accepit, exercitu cæso; atque ipse metusciato & paucis post diebus extincto, ex animi dolore vulneris acerbitate aucta. Ea res Romæ nunciata non majorem molestiam quam curam attulit, formidantibus bellum quod majori mole renascebatur in Hispania, non scillis studiis ut antea pro Romanis & adversus Romanos, neque ad pellendum finibus Poenum, sed pro veteri belli gloria, pro recuperanda libertate ab universâ gente susceptum. Missi in Hispaniam anno ab Urbe condita quingentesimo quinquagesimo octavo, in Ulteriorem quidem Q. Fab. Buteo, in Citeriorem autem Q. Minutius Thermus circumagente se anno ex provincia discesserunt haud magno operæpretio, nisi quod à Thermo scribunt duodecim Hispanorum millia ad Turbam urbem acie fuisse trucidata. Crescente itaque cura Patribus Coss. L. Valerius Flaccus & M. Portius Cato, Hispaniam Citeriorem fortiri jussi sunt anno ab Urbe condita quingentesimo quinquagesimo nono, quod ad eam diem non erat factum,

175

177

179

tum, ut Consul in Hispaniam iret, magnitudo periculi suavit. Sortitione facta, Cato missus est, cum duabus legionibus & viginti quinque longis navibus; & nihilominus P. Manlius Citeriorem Hispaniam ex prætura obtinere iussus est, Ulteriorem App. Cl. Nero. Hoc apparatu Cato velis è portu Lunæ explicatis emensus sinum Gallicum, oram Hispaniæ tenuit: & ad Rhodopem circumacta classe, ex ejus urbis arce pulso Hispanorum presidio, Emporias delatus, ab ejus civitatis parte benigne acceptus est, quam Græci è Phocæa profecti obtinebant, & Massiliensium exemplo in fide Romanorum persistabant. Erat enim ea urbs in duas partes divisa muro interjecto, mari vicinam angustiorcm spaciis, ac vix ambitu quadringentos colligentem passus Græcorum natio obtinebat è Phocæa profecta, uti et anteà demonstratum, latiore habitabant Hispani tria millia circum colligentem. Quæ parte muro ditempti inter se erant unica porta patebat ad alteros; custode per diem adhibito, noctu non minus, tertia Græcorum civium parte in muris excubabat: iisque tantum eo die ad maritima commercia prodire datum erat. Quæ disciplinæ diligentia in tanta paucitate libertatem ad Catonis adventum illibatam conservant. Hispani Romanum imperium respuebant, consiliis numero atque finitimis auxiliis. Cato positis ad eam urbem castris redemptores Romanos dimisit, naves Massiliam: illos quoniam maturæ segetes erant alendo ex præda milite, classem ut spes redditus adempta nisi parta victoria milites acueret. Eodem tempore Helvius ex Ulteriori Hispania venit in castra, Celtiberis magno numero, qui obviam prodierant, trucidatis ex itinere, atque Illiturgi, quoniam novo conatu defecerat, denuo expugnata iis copiis, quas presidii causa à successore acceperat. Venerunt præterea à Belistage Illegetum Régulo legati auxilia postulatum adversus injurias, quæ ab Hispanis rebellibus inferebantur; vastatis agris agere à mœnibus vim hostium arceri; fore nisi mature opem ipse tulisset pereundum omnibus, nulla graviore culpa quam fidei erga Romanos susceptæ cultæque constanter. Quinque militum millia depellen-

do periculo fore satis. Adhæc Cato cupere se quidem ait sociis opitulari, quæ ad amicitiam populi Romani attulissent; ea ab hoste eripi molestum esse; cæterum copiarum paucitate prohiberi ne continuo subsidio esset, ne distractis viribus, hostibus esset impar: qui ad obsidionem Emporitanorum solvendam magno numero festinare, jamque affore nunciabantur; fidei præmia debere eos eventu belli expectare; tantisper modo sustentarent hostiumque injurias aut arcerent, aut tolerarent, majoribus commodis sanaturi parta victoria. Legati eo responso accepto vehementius rem urgere, ad genua Consulis provolvi, infinis precibus postulare, ne in tanto discrimine rerum suarum à sociis deferantur. Tum Cato ancipiti cura distractus, cum intelligeret plerumque bellorum eventus magis opinione hominum niti quam vera virtute constare, ad artes conversus diè postero auxilia pollicetur legatis; tertia copiarum parte in naves continuo imposita auxilii mittendi simulatione, eos in patriam præcurrere jubet, & suorum animos auxiliorum spè confirmare. Copiæ tamen post legatorum professionem revocata; nam Hispanorum exercitus in conspectum venerat, & quam primum prælio decernere Consul habebat in animo. De tertia vigilia copiis omnibus è castris eductis, atque in alteram castrorum hostilium partem traductis, tres dubia luce cohortes, hostium vallo succedere jussæ. Barbari repentinâ re commoti, miratique primum à tergo apparare Romanos, qui pridie à fronte erant: deinde quoniam pro portis valloque ad pugnam hostis provocabat irritati, nullo ordine nec certo imperio portis omnibus erumpunt, cedentesque Romanos, nam ut ita facerent moniti erant, dispersati insequuntur. Eum impetum Romani certe equites non ferentes in fugam versi legiones etiam conturbantur primum, deinde acie restituta promotaque, hostium audacia compressa est, & æquo utrinque discrimine pugnatum aliquandiu. Erat legio in subsidio à Catone ad omnes casus parata; ex hac cohortes aliquot in pugnam recentes inductæ hostem in fronte atque in sinistro cornu laborantem loco pepulerunt; in fugam versum atque in castra compul-

sum castris exuerunt. In pugna fugaque supra quadraginta Hispanorum millia cecidisse scribunt. Sequenti nocte modica quiete sumpta milites ad vastandos Emporitanorum agros educti sunt; consernati eo incommodo cives extemplo defensione desperata portas Victori aperuerunt, parati imperata facere, rebusque omnibus iuvare; in fidem acceptis Cato omnem humanitatem exhibuit, praesidio militari impune dimisso, quod ex finitimis constabat. Secundum eam victoriam universa citra Iberum provincia pacata Tarraconem itum est. Bergistani Cos. profectionem ad occasionem tumultuandi vertentes pari celeritate ad officium retracti sunt. Venia tunc data denovo rebellantibus negata est, universi sub corona in servitutem venditi, crudele exemplum: sed ceteri eo supplicio castigati retenti a defectione sunt. Berga nunc oppidum est non procul Osca, quidam malunt Bergistanos tenuisse loca, ubi nunc Turulis seu Tiruela est. Turdetani in extrema Hispania & ipsi rebellantes a Manlio Citerioris Hispaniae Praetore suis & Neronis copiis superati erant; in hos quoniam advocatis Celtiberis bellum reparare dicebantur, priusquam Consul moveret, oppida omnia citra Iberum armis exuere constituit. Continenda in officio gente remedium universos conturbavit; quidam etiam manus sibi attulerunt, quibus arma vita potiora erant. Sic mutato decreto ad certam diem dimissis in omnes partes lega-

tis cunctae eo tractu urbes moenibus nudatae sunt. Consilio patrato, atque Turdetanorum motibus interea a Manlio compressis, pari celeritate Seguntiam contendit, ubi Celtiberorum impedimenta erant, ingens praeda. Verum ejus urbis capiendae spe, contra quam cogitabat, dejectus Numantiam abiit auctore Gellio. Cis Iberum demum Ceretanis, Aufetanis, & Suesetanis in fidem ex deditione acceptis, Lacetanos regionis longinquitate & locorum asperitate confisos armaque moventes domuit. Pacata per hunc modum Hispania universa, auctoque vestigali publico, ex argenti ferrique secturis, novis creatis millisque in eas provincias Praetoribus, Cos. Romanus revocatus, splendido triumpho in urbem invehctus est, in quo argenti insecti signatique centum quadraginta octo millia pondo, Oscensis auri, quingenta quadraginta illata. Militi septuagenti aeris in capita donati, equici triplicatum. Domitae Hispaniae Cato per totam vitam patrocinium suscepit: eamque ab injuria tutatus est. Et est magnis viris innatum, qualis Cato fuit, post contentionem in supplices & prostratos humanitatem suscipere, iram misericordia mutare. Ex voto ad Emporias nuncupato aediculum Romae post biennium extruxit, ut in Livii codicibus est, & Victor affirmat, de regionibus Urbis Romae, Victoriae Virgini; monetae expressa Catonis facie magno effossa numero, Victoriae victrici habent.

C A P U T X X V I

Varii Praetores veniunt in Hispaniam.

PLURES deinceps Praetores missi sunt in Hispaniam, quorum nomina adscribere visum est, temporibus neque accurate designatis, neque penitus praetermissis. Primi in hoc numero sunt Sex. Digitius murali corona clarus in expugnatione novae Carthaginis, P. Cornelius Scipio Nasica, Cn. Scipionis filius decreto senatus Romanorum sanctissimus. Post hos uno tempore utranque Hispaniam rexerunt. M. Fulvius Nobilior, cujus virtute Toletum in ditionem Romanorum venit & C. Flaminius. Huic prorogato imperio, Fulvio

successor est datus L. Aemilius Paulus, is cui ob devictum Regem Perseum, Macedonico cognomen postea fuit. Deinde L. Plautius Hypaeus in Citeriorem Hispaniam Praetor venit; in Ulteriorem L. Bebio Divite in Liguribus caeso, cui ea provincia designata fuerat, P. Junius Brutus. Horum decurso praetura tempore L. Manlius Acidinus Citeriorem Hispaniam, Ulteriorem C. Catinius toto biennio tenuerunt. Acidino atque Catino successores dati sunt C. Calpurnius Piso, & L. Quinctius Crispinus anno ab Urbe condita quingentesimo sexagesimo

mo octavo; quo anno Catinius nondum succellere in provinciam delato; in Lusitania occubuit prælio ad Astam facto. Piso & Calphurnius biennio provincia gesta, de victis Lusitanis Celtiberisque Romæ triumpharunt. Succellere dati A. Terentius Varro Citerioris, Ulterioris Sempronius Longus. Secundum hos P. Manlius Ulterioris Hispaniæ, qui Consul M. Catone eandem provinciam ex prætura gubernarat. Citerioris Q. Fulvius Flaccus. Ab hoc Celtiberi in Carpetanis insigni prælio victi sunt ad Eburam oppidum, quod Ptolemæo oppidum Libora est. Biennium hi Hispaniam rexerunt; quo tempore exacto, novi Prætores Roma missi, Ulterioris Hispaniæ L. Posthumius Albinus, Citerioris Ti. Sempronius Gracchus Gracchorum pater ex Cornelia filia Scipionis majoris, alteriusque Corneliæ matri cognominis: quæ nupsit Scipioni minori, cui etiam Africani nomen fuit. Sempronii Prætoris virtute multæ in Hispania victoriæ partæ, Numantiaque primum in Romanum fœdus venit. Præterea quibus nunc locis Agreda supra Sorian cernitur, Gracchurris, quæ antea Illurcis vocabatur, de Gracchi nomine sic dicta est; instauravit nimirum illam, aut ædificiis & regionum amplitudine illustravit. Monetæ Gracchurris percussio nomine in Hispania visuntur: Albini multo majori numero. Anno ab Urbe condita quingentesimo

577 septuagesimo septimo M. Titinius Curvus Citerioris Hispaniæ Prætor fuit, Ulterioris Q. Fonteius. Hi tribus annis res in provincia gesserunt: quarto qui Prætores venerint non satis constat: tamen si Ap. Claudium Cæthonem scribunt victis Celtiberis ovationem Romæ meruisse anno quingentesimo octogesimo; annum quidam ex hoc numero demunt. Omnino per idem tempus Hispaniæ Prætores fuerunt Ulterioris quidem Servilius Cæpio, Citerioris autem Furius Philo. Succellere M. Maecenus & Ga. Fabius Buteo. Verum Buteone in itinere ex iactatione maris Massiliæ defuncto, iussu senatus inter Prætores priores sortitione facta Furius in provincia permansit Cite-

Tom. I.

rioris Hispaniæ pro defuncto Buteone vicarius. Annus quingentesimus octogesimo secundus Prætores Hispaniæ dedit Citeriori M. Junium, Ulteriori Sp. Lucretium. Eo anno circumactio utriusque Hispaniæ præfectura in unum collata, atque L. Canuleio demandata est. Hoc priusquam in provinciam iret, iudice ab Hispanorum legatis quidam è prioribus Prætoribus repetundarum postulari, absoluti iudicio sunt more suscepto, ut in ceteros severi Romani Patres sibi mutuo parcerent, qua invidia passim flagrabant. Id modo leniendis provincialium animis datum, ne frumentum venderetur à magistratu Romano pretii æstimatione facta: neu vicissimam vectigalis genus redimere cogentur Hispani ex Prætoris voluntate. Additum ne publicani vectigalia licerent: redigendæ è vectigalibus pecuniæ oppidis cura potestasque esset. Nova legatione imperatum etiam est, ut ex militibus Romanis & matribus Hispanis stupro geniti, quos Hybridæ vulgus vocabat, & servorum conditione erant, agris donarentur. Si quos ex ea multitudine hominum amplius quatuor millium, Canuleius Prætor manumittendos iudicaret, eos Carteiam deduceret coloniæ jure & nomine addito. Sic ea civitas prima Romanorum colonia in Hispania fuit, Carteiaque ex eo Libertinorum colonia dicta est. Canuleio successor M. Marcellus anno ab Urbe condita quingentesimo octogesimo quinto Cordubam fundavit urbem in Bætica nobilem, magnorum ingeniorum matrem. Strabo à M. Marcello Cordubam fundatam ait; quod dictum de hoc tempore interpretari commodius arbitror, quam cum post aliquot annos Cos. Hispaniam repetiit. Silius Annibalis ætate Cordubæ mentionem facit; quod si verum est, ex eo M. Marcellus eam laudem tulit, quod eam urbem ædificiorum elegantia & maiestati exornatam municipii jure donavit; conjecturæ neque certæ neque prorsus inanes. Successit Fonteius Balbus. Et rursus Hispania in duas præturas tributa, Gn.


S

Ful-

Fulvius & C. Licinius Nerva. Quo tempore Judas Machabæus Judæorum Dux clarissimus in amicitiam venit populi Romani, armis in Asiam prolati ingenti gloria parta, sed & auctis immensum vefugalibus potentissimi fecturis in Hispania auri & argenti, ut fama ferebat, occupatis: Atque hoc loco Pratorum Hispaniæ enu-

meratio refistat, si ulterius procedatur molesta magis quam ex usu futura. Neque vero licet corruptis antiquis monumentis historiam continuare locis omnibus perpetuam: ne convenit quidem rerum Romanarum adipe amplius annales Hispaniæ inficere quasi per se graciles, rimas explere rudere.

FINIS LIBRI SECUNDI.



JOANNIS MARIANÆ HISTORIÆ DE REBUS HISPANIÆ. LIBER TERTIUS.

C A P U T I

Bellū Numantini initium.



BELLUM diuturnum atque atrox anno ab Urbe condita sexcentesimo primo in Hispania natum est, præliorum eventu varium, successū Hispanis tandem exitiale. Horum motuum principes auctores

Numantini extiterunt, imperii videlicet gravitate fessī & Romanorum injuriis exacerbati. Numantia formido ac terror populi Romani gloria decusque Hispaniæ in extremo Celtiberiæ ad Septentrionem angulo sita fuit, atque in Arevacis; quatuor amplius millibus supra Soriam ad Garai pontem, non procul ab ortu Durii fluminis ejus urbis vestigia monstrantur. Natura loci quam arte munitior fuit in clivo posita molli quidem ascensū, aditu tamen difficili, quod tribus ex partibus montibus ambiatur, uno tantum latere in planiciem desinente, proventu fertilem & secundum Teram amnem duodecim millia, quousque in Durium influit protensam. Lacedæmonum instituto nec mœnibus munita erat, nec turribus circumvallata, & ad gregum pascendorum commoditatem regionibus aliquanto latior, quam ut perpetuo muro includi posset; arce tantum munita erat, unde læssenti hosti repugnare soliti erant: in eamque fortunas omnes in belli discrimine conferre: civium numero modico, unde

quatuor pugnatorum millia prodibant in aciem (ali hunc numerum duplicatum ponunt) genere vitæ & omnium rerum patientia durati; multum audaciæ ad bella suscipienda inerat, multum prudentiæ bellis administrandis. Jungerat Sempronius Gracchus, quo tempore res gestæ in Citeriore Hispania, cum Numantinis fœdus, his legibus. Oppida & arces ne ædificantur, neu muniuntur absque conscientia Romani senatus. Vestigal pendior quibus oppidis & quantum esset imperatum. Castra Romana sequuntur, quoties essent ad signa vocati. Erat præterea in Arevacis (Appianus in extrema Celtiberia inter Belos collocat, fortassis quibus nunc locis Uxama sita est) Segeda urbs quadraginta stadiorum ambitu. Hac urbs atque ejus exemplo Tithii finitimi novorum motuum cupiditate cum finitimis populis fœdus inire, mœniaque; inflaurare, nihilque eorum prætermittere, quæ ad propulandum bellum fore ex usu judicarent. Vetitum à Romano senatu in opere progredi cum esset, & tributa ex fœdere imperata, jussūque Romana castra sequi, quorum ætas idonea erat ad induenda arma: alium ex alia neçentes moræ causam facere recusarunt. Hinc belli ejus prima occasio exitit, quo Numantia implicata est Segedæ vicina, & cum illa armis fœdereque contra Romanos sociata. Nam Romani ne prima negligendo malum serperet, continuo arma expedienda fore judicarunt. Erat co-

dem tempore in Lusitania natum Romanis bellum cum Cessaronē, qui restituendæ pristinae libertatis curam susceperat universæ provinciae voluntate, Africani cuiusdam vicarius atque successor: qui non ita pridem contra Romanos rebellarat, & in expugnatione cuiusdam urbis ietu lapidis fuerat occisus. Hi motus Romæ nuntiati magnam curam injecerunt Patribus, atque ita ut L. Mummius Ulterioris Hispaniæ Pretore destinato, in Citeriorem Hispaniam propter indomitos Celtiberorum animos, cum exercitu Consulari Consulem alterum amandandum judicarent: atque insolita festinatione Consules, qui sub finem Decembris creari, atque dimidiato Mario magistratum inire consueverant, novo exemplo iusserunt, quod in morem ab hoc initio deinceps abiit, ipsis Januarii Kalendis Consulatam auspicari. Itaque Q. Fulvius Nobilior Consul in Hispaniam destinatur adjuncto valido supplemento militari. Segedani contra minime ignari tantum belli apparatus ad eorum perniciem comparari, urbis munitioni, cum nondum perfecta esset, diffisi, filios & uxores apud Arevaces deposuerunt; ipsi se ad bellum compararunt Caro copiarum Duce creato, qui magnum in re militari usum habebat. Is operapretii faciendi & faciendæ auctoritatis à præclaro initio cupiditate ex Consulibus Copius, quæ triginta millium numerum efficiebant, insidius in transitu positus sex milia cecidit, ceteros in fugam compulsi; quos dum avidius insequitur à Romanorum equitatu, qui in postremo veniebat agmine, non minori suorum numero trucidato occisus est. Accidit hoc prælium tertio Kalendas Septembris, quo die Romani Vulcanalia celebrabant, tanta utriusque exercitus sive formidine, sive calamitate, ut utrique à pugna nisi necessario temperarent deinceps. Eadem Arevaces nocte Numantiæ, quo frequentes convenerunt, nam vicinis locis prælium erat commissum, in Carilocum Haracum & Leuconem substiterunt. Numantinis privatim Copius Lintheuo cum potestate præfectus. Consul castra tertio post conflictum die ad quartum ab urbe Numantia lapidem posita sunt; in his decem Elephantis erant & quingenti Numidæ equites à Masinissa recens ex

Africa auxilio missi. Ex Consulibus provocatione prælio commissio Celtiberi primum, cum in ipso ardore pugnae laxatis Romanorum ordinibus Elephantis essent inducti, nova re commotis atque perterritis, tum hominibus, tum equis, in fugam versi atque in urbem compulsi sunt. Romanos insequentibus atque Consulibus hortatu conantes in urbis munitionem evadere Elephantus perturbavit magno lapide comminuto capite, vique doloris, ut fit, in furorem actus. Nam tum ipse, tum reliqui ejus exemplo Elephantis in suos conversi, ut est anceps hoc genus animalium, ordines dissiparunt, obviosque prostraverunt. Ea res Numantinos provocavit, ut denuo eruptione facta urgerent Romanos, qui quatuor millibus suorum occisis in castra compulsi sunt; ex Celtiberis duo hominum milia in utroque conflictu ceciderunt. Ad Axeniam ejus tractus Emporium, quam urbem Consul secundum id prælium tentavit, non minore ignominia nec clade repulsus est; his rebus renunciatis atque perspectis Oculis urbs, in quam Romani, pecunia, impedimenta & bellica instrumenta contulerant, Celtiberis se adjunxit. Nam plerunque fides ex fortuna pendet, & blanda ac sæpe fallax libertatis spes multorum animos capit. Ea re Consul territus veritusque ut hoc exemplum ad alias urbes pertineret; munitis prope Numantiam castris copias in Hyberniam continuit. Annonæ angustia atque frigoris vi maxima, multos fames & calis inclementia consumpsit. Atque hæc in Citeriori Hispania; in Ulteriori vero à Mummius Prætor per idem tempus pugnatum vario eventu, exitu tandem optimo. Nam in prima pugna, cum Lusitanos victos & terga vertentes avidius trucidata ordine sequerentur Romani, Cessaron confirmatis suorum animis in hostes conversus victoriam extorsit è manibus. Decem Romanorum milia trucidata, castraque utraque expugnata, tum sua quibus exuti fuerant, tum hostium quos extrema pugna superarunt; capta spolia Romanorum virtutis ostendendæ causâ à Lusitanis per universam ferme Hispaniam circumlata. Hos Mummius aliquanto tempore suorum animis confirmatis, quos ad quinque milia locis munitis continu-

rat,

rat, pompam circumducentes de hoste superato, & futuri sicuri repente impetu facto cecidit; in ea pugna complura signa eorum quæ erant amissa recepta sunt. In Cessaronis locum (nam forte in eo conflictu perit) Canthenus successit, ad Cuneos qui siti erant in ea Bætica parte, ubi Niebla cernitur, cum Cunistorgim urbem, quæ in fide Romanorum erat suæ diuisionis fecisset, ad fretum Gaditanum progressus est; unde exercitus parte in Africam abeunte, cui præ animorum saltu Hispaniæ fines angusti erant, reliqui Lusitani à Mummio Prætorè, qui aucto suorum numero novem millia militum sub signa contraxerat, aliquot præliis fatigati cæsiq; ac tandem nova ejus gentis manu cæsa, ne uno quidem superflite, qui tristem nuncium princeps deferret in patriam, ad officium demum revocarunt animos. Pro his rebus Mummio sequenti anno qui annus ab Urbe condita fuit sexcentissimus secundus, Romæ triumphus decretus est. In Fulvii locum ejus calamitate nunciata M. Claudius Marcellus Consul missus est cum valido supplemento peditum octo millium, equitum quingentorum. Ulterior Hispania M. Atilio Prætori commendata. Marcellus cum omnibus copiis in Hispaniam appulsus primo quoque tempore Ocilim urbem impugnandam sibi sumpsit, ut cujus noxa præcipua extiterat, princeps pœnas daret; conservata tamen est deditione mature facta, tametsi admisisse videbatur, ut extrema inferrentur patereturque mala; obsides tantum imperati, & triginta talentorum auri multa indicta. Prope erat urbs Nertobriga, atque quantum ex Ptolemæi descriptionibus suspicari licet non procul Turiasone atque Bilbili. Inde legati ad Consulem de deditione missi sunt; centum tantum equites imperati primum: deinde quoniam ex ea urbe quidam postremum Romanorum agmen atque impedimenta latronum more invaserant, haudquaquam à Consule excusatione recepta quasi privata fecissent auctoritate, centum obsidi-

bus sub corona venditis, urbs ipsa obsidione cincta atque impugnata est. Missi denique de pace legati Lupi exuvias in hasta gentis instituto præferentes. Debere cum sine superior noxa communis fuisset sine privata, illato damno esse contentum. Satis jam pœnarum datum, agris vastatis, ædificiis incensis, civium suorum vendita libertate. Miserorum animos salutis desperatione, amplius irritandos non esse: quæ vires adversus victores sæpe suppeditare consuevit: neque minima animalcula perire inulta. Consul ullam Nertobrigis privatim pacis conditionem fore negat, nisi Arevacibus, Belis, Tithiis, unde initium extiterat rebellandi, eodem fœdere comprehensis. Non recusabant gentes illæ pacisci, modo Gracchi id contingeret fœdere revocato. Consulem ad ea, quæ petebantur propensum, socii atque confœderati dehortati sunt, iniquum fore prædicantes, qui toties desecissent, & magnas clades intulissent tum Romanis tum præcipue finitimis Hispanis, qui in populi Romani fide essent, cum iis antiquum fœdus instaurari. Consul animo cura in utranque partem suspensio atque distracto, quodam induciarum genere facto, utrique eo concedente legatos Romam miserunt, ut quasi in re præsentī Patres statuerent atque decernerent, utrum ex usu fore judicaret populi Romani. Pervenerat interea Fulvius Nobilior Romam: quo ejus gentis perfidiam atque injurias commemorante in senatu, re infecta legati jussi sunt, in Hispaniam redire, atque à Marcello Consule responsum expectare. Ea denunciatione facta, qua haud obscure belli denunciatio continebatur, de supplemento Hispaniensis exercitus actum totius Hispaniæ perdomandæ destinata voluntate. Ex omnibus ergo legionibus evocati quoniam respondere sponte recusabant eam militiam formidantes, novo exemplo fortibus deligi ex omni copia placuit, qui necessario irent in Hispaniam.

CAPUT II.

P. Cor. Scipio legatus venit in Hispaniam.

INTEREA M. Atilius in diversâ Hispaniæ parte Lusitanis male multatis in ditionem plerasque redegerat ex deditione civitates, anno sequenti appetente: quo Consul L. Licinius Lucullus Citeriorem Hispaniam sortito suscepit administrandam, Ulteriorem ex prætura Serg. Galba. P. Cor. Scipio Minor cui excisæ Carthaginis laus servabatur, legatus venit in Hispaniam viginti quatuor natus annos, cupidus navandi operum reipublicæ in eo bello, à quo ceteri milites abhorrebant maxime. Sunt qui scribant Lucullo in Hispaniam appulso Scipionem trajecisse in Africam, ab eo ad Masinissam missum, ut pro jure veteris amicitie Elephantos submitti impetraret. Nobis M. Ciceronis auctoritas potior sit, Manlio Consule id demum factum fuisse affirmantis. Gracchorum is sororem connubio junctam habuit, neptim Scipionis Africani ex Cornelia ejus filia, fueratque à Scipionis filio in filium adoptatus. Paulum Æmilium natura patrem habuit Scipionis Africani levirum nulla præterea cum Scipionum familia communione sanguinis. Æmilianum cognomen à patre tulit. Cæterum dum Luculli adventus expectatur, Marcellus confecti ejus belli laudem affectans copias ex Hybernis quam primum revocat. Nertobriga quinque Arevacum millibus intra urbem admissis Consul conatus occupat. Numantia arma corripit. In hanc urbem Marcellus, quoniam belli caput habebatur, arma expedienda primum fore arbitratus ad quintum lapidem castra ponit. Verum cum à Lintheuone agi de pace captum esset Numantinorum Duce, ea tandem lege à Marcello fœdus est factum si Numantini Belos, Tithios, & Arevaces desererent. Eo destitutos præsidio sperabat brevi in potestatem esse venturos. Inanem eam spem non fuisse rerum eventus probavit; continuo ii populi deditione facta, in fidem accepti sunt obsidibus datis, atque talentis sexcentis, ut Strabo auctor est.

Lucullus in provinciam appulsi Cæli-berorum bello pacato, nocendi cupidus certusque, in Carpetanos profectus, inde trajecto Tago in Vaccæis Cauciam urbem impugnare constituit, iis locis sitam ubi nunc Coca oppidum situm est, vindex ut videri voluit Carpetanorum quos à Caucienfibus violatos esse accusabat; fames auri agebat præcipitem tenui inter Romanos censu, dirum in Præfectis & Ducibus malum. In inito cum Consule certamine, cum in urbem repulsi essent, deditione facta in fidem accepti sunt; obsides imperati, atque equites auxiliares, præterea centum argenti talenta. Hujus fœderis simulatione expetente Consule præsidium Romanorum tenui urbem admissum; à quibus, ut convenerat, ad tubæ signum cives calamitosi nullo discrimine neque sexus neque ætatis oppressi incogitantes casique sunt, perfidia plusquam Punica, barbara inhumanitas. Finitimi populi hoc immanitatis exemplo cautiore, neque mœnibus confisi, neque Romanorum fidei credentes in sylvas rupibus horridas & inaccessos montes se, suos, suæque contulerunt, igne corruptis quæ comportari non poterant. Lucullus quem inopia avarum, avaritia crudelem efficiebat, ejus prædæ spæ depulsi, ad Intercatiam penetravit. Erat ea urbs medio circiter itinere sita quo Vallisoleto Asturiam itur. Positis juxta castris cives ad deditionem invitati, an ea fide responderunt recipere deditios & supplices vellet, qua Caucienfes paulo ante? Hoc responso Consul irritatus acie pro castris explicata obsessos ad pugnam invitabat, quam illi omni ratione devitare prejudicatum habebant mœnibus & munitione atque comœtu, quem in multos dies paraverant (tamen præter urbanam multitudinem ex vicinis locis in eam urbem confugerant pedites equitesque magno numero) certi libertatem tueri. Levia modo prælia fuere eventu haud memorabili. Illud est ad mem-

memoriam insigne: Hispanum quendam Regulum vasto corpore & viribus magnis singulari à Scipione certamine superatum fuisse: cum quo identidem pro castris ad pugnam provocante nullus Romanorum ausus fuerat manus conferere. Annonæ angustia maxime laborabatur in castris, famemque vulgo milites frumento hordeoque cocto, & nonnulla venatione tolerabant; silis inopia gravius premebantur. His rebus & ex aquarum subtilitate, ut in regione montana, plerosque milites disenteria coepert fatigare. Una expugnanda urbis spes animos sustentabat. Itaque comportata materia bellicæ machinæ perfectæ erant, quibus quassati muri parte magna prostrata, milites in urbem conantur evadere. Primus Scipio per stragem lapidum & rudera fastigium occupavit: eoque merito pro concione postea laudatus & murali corona donatus est; tametsi egregia oppidanorum virtute repulsi Romani atque urbis aditu prohibiti sunt, non paucis præ festinatione in vicina palude suffocatis. Muri pars collapsa sequenti nocte obsessorum diligentia instaurata est, coactisque esset Consul re infecta ab obsidione discedere, ni fames obsessorum animos ad deditionem impulisset. Actum ergo de fide interprete atque amittente Scipione, cui major quam Consuli fides est habita. Pacis condiciones moderate fuerunt. Decem millia fagorum, certus jumentorum numerus & obsides imperati, pecuniæ videlicet nec copia, nec cupiditate: cum Montani homines agrorum cultu & pascendo pecore vitam sustentarent. Motis ex ea urbe castris Palentiaque frustra tentata Consulem ad fretum usque Gaditanum pervenisse ex Plinii testimonio nonnulli suspicantur, portentosa magni-

tudinis Polypi caput oclorum Lucullo iis in locis fuisse affirmantis, inde in Lusitaniam populabundum irrupisse. Atque hæc Lucullus. Sergius vero Galba, cui ex prætura Ulteriorem Hispaniam obvenisse est demonstratum, in Bætica regerebat adversus Lusitanos, qui populi Romani socios direptionibus fatigabant. Iis cum militem longo itinere fatigatum obicere non dubitasset, magna clade accepta, & septem suorum millibus amis, fuga ipse cum reliquis copiis Carmonam evasit, ut Appianus est auctor, nos Carmonam esse arbitramur urbem ea ætate totius provinciæ longe firmissimam, quæ prope Cuneos sita erat; ubi Prætor reparatis collectisque undique viribus hyemasse continuo fertur, indeque ignominie delenda cupiditate in Lusitaniam irupisse, ejusque provinciæ agros atque oppida omni injuria vexasse. Ad quem cum Lusitanorum legati de pace venissent humanissimis verbis & oratione, cuius erat egregius artifex, & in præcipuis suæ ætatis oratoribus à Cicerone numeratur, gentis defectione excusata: fatalem necessitatem, regionis sterilitatem sæpe tumultuandi occasionem asserre: prout suis denunciarent, se in animo habere agros ad habitandum colendumque genti tribuere multo commodiores, unde vitum sine maleficio & finitimorum injuria perpetuo deinceps propagarent. Dies dicta, quo die tripartito ad eum venirent; illi haudquam in benevolentie simulatione fraude subesse rati homines minime mali, imperata cum fecissent, armis exuti atque ad unum cæsi sunt. Præda pars militi concessa, pars à Præatore retenta, unde Romanorum ditissimus evasisse creditur.

CAPUT III.

Viriatii bellum.

OMNINO hac Galbæ immanitate irritatis provincialium animis magis quam terribi Viriatii bellum natum est: ut sunt alia ex aliis mala nexa aptaque, & calamitatis finem alterius initium excipit illo plerunque gravius; sine Viriatii bellum totis quatuordecim annis vario eventu Romanorum potentiam fatigavit. Natione quidem Lu-

stanus fuit loco humili, nam pascendis initio gregibus operam dedit, militia bonus, cujus rudimenta posuerat publicis itineribus obsidendis cum peculiari latro-num manu. Unde cum multi ad eum confluerent, qua cum in ære alieno essent aut alioqui flagitiis infames: qua belli malis fatigati, more militum armavit, in signa turmasque distribuit; iusto propemodum

604

exercitu conftrato finitimos ac Romanorum præferim socios, qua parte Anas influit in mare, fatigare coeperat. Ilunc M. Vettilius, qui anno ab Urbe condita sexcentesimo quarto, Galbæ successore est datus, sibi exterminandum sumpsit. Viriatus contra pugnae discrimen vitare & ad fretum Gaditanum locis natura munitis se tenere, ubi cum obsessus à Prætoris famis malo cœpisset laborare, missis ad Vettilium legatis tentata concordia spes, si modo agri concederentur ad habitandum. Viriati militibus, pollicentibus in populi Romani futuros potestatem. Eam voluntatem, cum Prætor se æquum eorum postulatis præberet, Viriati oratione retractarunt disputantis quanto cum periculo credituri essent Romanis salutem libertatemque, in quibus hominum nihil esset præter speciem & humanæ linguæ sonum. Quod si nulla exempla extarent Galbæ immanitatem documento esse debere, ne blandis Prætoris Romani verbis inducerentur in fraudem; se potius Ducem sequerentur, suisque auspiciis bellum administrarent. Consilio cunctis probato atque Romanis pugnae simulatione deceptis, obiecto in prima acie equitatu primum in vicinas sylvas pedites evadere: deinde cuncti

Tribolam urbem pervenerunt, quo Viriatus bellum transferre cogitabat. Prope eam urbem Romani in insidiis præcipitantes ad quatuor milia cum Vettilio ipso cæsi sunt, reliqui cum ex fuga Tartessum tenuissent, & Celtiberorum auxiliis confirmati denuo certaminis aleam subsissent universi in pugna ceciderunt; in Vettili locum Plaucius Prætor in Hispaniam Uteriorem venit anno ab Urbe condita sexcentesimo quinto. Qui Viriati cum in conspectum venisset Turdetaniæ Carpetaniæque agros populantis, eo fugam simulante quatuor Romanorum milia insequendi studio longius provecta circumventa caesæque sunt. Prætor abolendæ magis infamiæ cupidine quam victoriæ spe hostis vestigia secutus ad Veneris montem, quo ille transmissio Tago se receperat, non minori accepta clade, nec minori suorum numero amisso in fugam præsidium ponere compulsus est; atque ita ut media æstate virtuti diffusus urbibus munitis non secus atque in Hibernis copias contineret, majore mœnium quam virtutis fiducia. Hæc pugna in Lusitania propeque Eboram commissa putatur, argumento sepulcri, quod in ea hodie urbe extat hæc inscriptio.

605

L. SILO. SABINVS. BELLO. CONTRA. VIRIATVM. IN. EBOR. PROV. LVSIT. AGRO. MVLTITVDINE. TELOR. CONFOSVS. AD. C. PLAVT. PRÆT. DELATVS. HVMERIS. MIL. IL. SEP. E. PEC. MEA. M. F. I. IN. QVO. NEMIN. VELIM. MECVM. NEC. SERV. NEC. LIB. INSEI. SI. SECVS. FIET. VELIM. OSSVA. QVORVMCVNQ. SEPVLCR. MEO. ERVI. SI. PATRIA. LIBERA. ERIT.

606

Hæc inscriptio omnium antiquissima est earum, quæ hoc tempore Romanorum in Hispania extant. Dum hæc in provincia geruntur, Galba Romæ reus postulatus violatæ Lusitanis fidei, unde in ea mala constabat fuisse præcipitatum, accusationem evasit, quamvis L. Scribonio Libone tribuno plebis & M. Catone urgentibus, pecuniæ præsidio tutus, quod sibi certissimum in Hispania praverat adversus eam tempestatem. Claudius Uni-

mo sexto, Prætor contra Viriatum missus in Hispaniam ab eo victus caesusque est, exercitu magna ex parte capto; suffices & magistratus insignia in Lusitanie montibus constituta trophæi instar, tanta deinceps Romanorum consternatione, Hispanorum audacia, ut trecenti Lusitani non dubitarent cum mille Romanis dimicare, & plures quam pro numero trucidarent. Accidit præterea ut à pedite uno plures Romani equites fugarentur attoniti & pavidī, quod ex ipsorum nume-

ro

ro unius equo trajecto ipſius equitis caput momento amputaſſet; ſequenti anno ab Urbe condita ſexcentefimo ſeptimo 607 C. Nigidius in demortui locum miſſus nihilo meliori eventu cum Viriato ad Viſeum urbem pugnavit, ubi ſepulcrum L. Æmilii in ea pugna occiſi ſcribunt extare. Fuit is annus non tam rebus Hiſpaniæ inſignis quam P. Cornelii Scipionis conſulatu, & Carthagine penitus exciſa, unde illi Africani nomen, quod ab avo poterat hereditarium habere. Per hæc tempora C. Laſium, eum qui Romæ ſapiens eſt cognominatus Ciceronis teſtimonio, veniſſe in Hiſpaniam conſtat, primumque Romanorum Viriati ferociam comprimere coepiſſe; nimirum bellicam virtutem ex multarum rerum uſu collecta prudentia ſublevando illuſtriorẽ effecit. Omnino ab Urbe condita anno ſexcentefimo nono Q. Fabius 609 Maximus Æmilianus Scipionis frater germanus adepto conſulatu miſſus eſt contra Viriatum. Ex ſenatusconſulto alterum Conſulem proficiſci in Hiſpaniam neceſſe erat, de ejus belli eventu ſuſpenſis Patrum populique animis. Et quoniam veterani militis copia non erat, tyronum atque ſociorum latini nominis deſectu habito, quindecim millia pedites, equites duo millia in provinciam veſti Orſonam, uti Appianus ait, pervenerunt, eam quæ in Bætica hodie Oſſuna vulgari lingua dicitur; ubi exercendo milite aliquantum temporis datum. Gadibus, quæ inſula non procul ea urbe jacet, Herculi à Conſule ſacrificia inſtaurata, vota que pro victoria nuncupata. Viriatus contra belli apparatu, quod in ejus perniciem medicabantur Romani, perſpecto, ne-

que eodem proficiſci dubitavit: & primo adventu Romani exercitus lignatores cæcidit, trucidari etiam militibus qui ad eorum præſidium una miſſi erant. Dein de Conſuli Gadibus reverſo in caſtra, tametſi Viriatus ad prælium provocabat laceſſebatque, tumultuario tantum certamine experiri placuit quantum virtutis in ſuis eſſet quantum in hoſte: univerſæ pugnæ neceſſitatem omni ratione vitare, dum mora ſuorum animos à terrore confirmaret, hoſtemque vinci poſſe monſtraret. Denum univerſæ pugnæ copia facta Viriatus ſuperatus acie atque in fugam compulſus eſt. Romanorum copię autumno jam in hyemem præcipitante Cordubam in hiberna deductæ. Viriatus autem locis natura munitis ſe tenere, & quoniam militum corpora dura habebat, omnem calis & aeris injuriam perſerre. Arevaces, Belos, & Tithios ad bellum ſolicitare pro communi ſalute, pro patriæ libertate, quæ pridem ſua virtute renaſcens, ni mature ipſi vires ſociarent, in periculum ruſus vocabatur. Ab hoc initio his populis ad rebellandum inductis, Numantinum bellum denuo exarſit, ut ſuo loco commemorabimus, Viriati rebus prius explicatis. Una cum Fabio Æmiliano, cujus auſpiciis hæc in Hiſpania geſta ſunt, L. Hoſtilius Mancinus tenuit conſulatum. Hunc Conſulem veniſſe etiam in Hiſpaniam atque Calæcos prælio ſuperſaſſe Anconitani inſcriptiones declarant; cui auctori quanta fides habenda ſit aliorum judicium eſto: à nonnullis ſane eruditis viris fabularum artiſex egregius, & inſignis mendaciorum confarcinator fuiſſe putatur.

C A P U T I V.

Q. Cæcili Metelli geſta in Hiſpania.

SEQUENTI anno, qui ab Urbe condita fuit ſexcentefimus decimus, duobus Conſulibus Ser. Sulpitio Galba, & L. Aurelio Cotta de Hiſpaniæ provincia, quam diviſis Patrum ſtudiis ſibi uterque depoſcebat contentendentibus: Scipio in ſenatu rogatus ſententiam, neutrum è republica videri reſpondit, alter inquiens nihil habet, alteri nihil eſt ſatis; æque malam in imperio judicabat ſcilicet ino-

piam atque avaritiam; illa injuriæ neceſſitatem propemodum affert: hæc certam nocendi voluntatem. Itaque Popilius Prætor miſſus eſt, cui Plinius ſcribit Viriatum (nempe prælio aliquo inſigni victum) urbes tradiſſe, quæ in ejus erant poteſtate. Poſt Popilium Q. Cæcilius Metellus, cui à devicta Macedonia Macedonici cognomen fuit, Conſul creatus anno ab Urbe condita ſexcentefimo unde-

decimo venit in Citeriorem Hispaniam ad comprimendos Celtiberorum motus, qui Viriati diligentia & hortatu coeperant excitari. Quintius quidam cum Viriato ipso bellum gessit: an à Consule Legatus, an Romæ Prætor destinatus incertum. Sane à Viriato, quem ad Veneris montem prope Eboram in Lusitania acie superarat, majore accepta clade, cum hostis vires reparasset repulsus est, atque autumnæ tempore quasi in hybernæ copias intra Cordubam continere coactus: his injuriæ opportunis tum sociis tum Romanis, qui in urbium vicinarum prædiis relictæ erant. Metellus vero Celtiberis ad officium pertractis, nam Arevaces vicisse Plinius est auctor, in sequentem annum, qui fuit ab U. C. sexcentisimus duodecimus, imperio prorogato in Citeriori Hispania res gessit. Q. Fabius Serrilianus Fabii Emilianæ ex adoptione frater, in Hispaniam ulteriorem Consul venit contra Viriatum valido supplemento adjuncto, in quo decem & octo millia pedites erant, equites mille quingenti: à Micipsa Masinissæ filio elephantum decem ex Africa auxilio missi, equites trecenti. Has copias Viriatus in Bætica ex sylvarum latebris inopinato progressus in castra compulsum, neque noctu neque per diem incursionibus fatigare atque lacessere destitit, donec Uticam perventum est Bæticiæ urbem. Eo loco annoque angustia compulsum suorum manum in Lusitaniam reduxit. Consul ea molestia liber, in Cuneis Curionem & Apuleium prædonum Duces devicit, & nonnullas iis in locis urbes, quæ Validis à Viriato prædiis tenebantur, vi cepit. Captivi quingenti interfecti, quorum erat noxa major: ceteri sub corona venditi, ad decem capitum millia. Dum ea æstate in Ulteriori Hispania hæc gesta sunt, haud leve decus Metellus quesivit Celtiberis domitis, captisque in eo tractu Contrebia, Verobriga, atque Centobriga urbibus; quo tempore ad Contrebiæ fallendi studio per diversa loca nullo ut videbatur ordine neque militari disciplina cum exercitum versaret, identidem mutatis castris, causam à Centurione rogatus vocem illam emisit, magno & prudenti Duce dignam: Tunicam, inquit, comburerem si meorum consilio-

rum esse consilium putarem. Hæc recte; illud perperam; ante Q. Pompeii adventum in provinciam, quem successorem datum nuntiaturum erat, militibus ante legitimum tempus vacatione concessa, publicis horreis neglectis, atque elephantis detracto pabulo, aut mortuis prorsus, aut præ macie inutilibus, vires Romanas debilitavit; tantum plerumque in magnis ingeniis obtrectatio valet; invidiaque. Sed harum rerum merito tamen, redeuntis triumphus Romæ denegatus est: alioqui debitus ob rerum gestarum amplitudinem. Ergo Q. Pompeius Cos. in Citeriorem Hispaniam venit, anno ab Urbe condita sexcentesimo tertio decimo; quo tempore Servilius in Ulteriori Hispania, nimirum imperio prorogato, Canobæ prædonum Ducem se dederunt in fidem accepit. Viriatum Baciæ urbis obsidionem solvere, & in fuga salutem ponere coegit. Hostis fuga, multa eo tractu oppida, abjecta defensionis spe, deditionem fecere. Summæ diligentie disciplinæ severitas adjuncta, omnibus Canobæ focis, & quingentis præterea captivis quoniam Romanorum castra fidemque deseruerant, amputata manus; magnitudine supplicii terrere alios sperabat. Sed ex ea re tamen provincialium animis magis irritatis, quam teritis, magna rerum commutatio facta est. Erat Ensisina urbs in fide Viriati; in eam à Romanis obsessum noctu is deceptis vigiliis sese intulit, & sequenti luce in hostes inopinantes impetu facto, casus in fugam compulit. Idem cum ex fuga locum non satis munitum tenuissent, essetque omnibus pereundum, venisse tempus ratus, honestis conditionibus pacificandi cunctos conservavit: ex quo Viriatus quidem amicus populi Romani vocatus est: ejus autem militibus & confederatis, quæ occupaverant obtinebantque, omnia concessa. Hoc foedere, quo Romani imperii majestas sugillata est, Q. Servilius Cæpio, qui Romam à fratre Serviliano nuntius missus erat, accusando identidem atque vituperando, in sequentem annum, qui fuit ab Urbe condita sexcentisimus quatuordecimus, adeptus consulatum in Ulteriorem Hispaniam venit, jussus à sensu foedus cum

Viriato

Viriato quamprimum violare abrumperique, quasi imperii maiestate indignum; neque publico consensu factum.

Quo minus arbitror Romæ fuisse probatum, quavis Appiano contra affirmante.

CAPUT V.

Viriatum occisus.

QUINTUS Pompeius iis incommodis impeditus, quæ à Metello iri-
vidiæ erant allata, neque præterito an-
no, neque præsens magna parte (nam
biennium Citeriorem Hispaniam tenuit)
aliquid memorabile gessit: & provincia
pacata bellorum erat materia sublata:
Servilius autem in Bætica ad Arsam ur-
bem Viriatum fugatum in Carpetaniam
usque secutus est: ubi is tanquam ad pu-
gnam explicata acie, atque equitatu in
primo agmine collocato, hoste distento
pugnæ expectatione in proximas sylvas
montesque pedintu dilapsus, eodem equi-
tatum qua consueverat celeritate subduc-
tum incolumen servavit. Cos. & dimi-
candi & consequendi hostem spe depul-
sus in Vestones & Calecos penetrare
constituit, ubi scelerum licentia erat, &
credibus atque atrociniis cuncta misce-
bantur. Ad eum Viriatus & belli diu-
turnitate fessus, & sociorum fidei diffusus
magis quam Romanorum metu, tres de
pace legatos misit. Hos Consul benigne
acceptos, & officiosis in præsens delin-
tos muneribus, atque magnis in poste-
rum promissis oneratos; hortatur suadet-
que uti Viriatum incautum opprimant:
seque militia tam exercita, patriam tot
malis eripiant. Illi ut sunt infidæ pravo-
rum hominum societates, facile inducunt
in animum sui Ducis capite incolumita-
tem redimere; sic datis palam à Consule

de pace mandatis discedunt, Viriatum-
que spe fœderis delusum, incautumque
noctu in strato dormientem opprimunt,
virum meliori fortuna dignum. Qui ex
obscuri tenuisque loco animi magnitudi-
ne tot annis Romanos bello fuisse, neque
adversis rebus fractus neque se-
cundis incautus; cum armis petitus varia
fortuna pugnasset, dolo suorum cecidit,
liberator propemodum Hispaniæ: & qui
non primordia populi Romani lacerasse-
rit, sicut alii Duces, sed florentissimi
imperii maiestatem. Futurus sequenti lu-
ce deprehensus facinore magis caritate
suorum quam apparatu celebre fuit, has-
tis concursus inter milites est, & multæ
pecudes mactatæ, parricidæ Romam elap-
si, cum à Patribus facinoris præmium
postulassent, responsum: nunquam sena-
tu Populoque Romano placuisse Ducem
à milibus trucidari. Sunt enim prodito-
res inveni, etiam iis quos anteponunt:
& poenos sepe dant, unde præmium spe-
rabant. Successit Viriato Tantalus, im-
par industria, virtute, auctoritateque;
brevis deditione facta cum suis omnibus
in Consulis fidem receptus est. His &
cæteris Lusitanis arma detracta, & agri
dati sunt, ut terræ cultu distenti, & rei
familiaris tenuitate oppressi, rebellandi
penitus abjicerent sive cogitationem sive
facultatem.

CAPUT VI.

Numantinum bellum renascitur.

614 ANNO eodem ab Urbe condita sex-
centesimo quatuordecimo, nimi-
rum Olympiadis centesima sexagesimæ
anno primo, grave malum Hispaniæ;
Numantiæ denovo arma mota bellumque
hac occasione maiore mole est renatum.
Erant Celtiberi sub Romanum jugum
missi Metelli virtute, soli Numantini &
Termestini (triginta sex passuum milli-

bus ab urbe Numantia ad Occasum siti
erant, quo nunc loco sacrarium Virginis
matris cernitur Tiernes nomine) supe-
rioris fœderis beneficio libertate incolu-
mi focii & amici populi Romani vocari
erant. Q. Pompeius ne otio penitus mar-
cescere nihilque agere videretur, harum
urbium libertatem opprimere cogitabat.
Honestæ causæ querenda erat, optima

vifi est Segedanus (hæ in Belis erant Numantinis finitimi, hodieque Seges oppidum est Soriam inter & Uxamam) ad Viriatum auxilium violasse; & cum sum munitioni diffiderent sive supplicii metu, sive aliqua alia de causa, à Numantinis manibus fuisse receptos; benignitas criminis data. Missi Numantia qui Pompeio factum excusarent, cum ignominia repulsi. Errore cognito, Segedanorum patrocinio & amicitia, ne Romanos offenderent renunciantes, cum novis Legatis Pompeium de fœdere instaurando, quod cum Graccho factum erat, appellasset, Numantinis cum Romanis ullam fœderis conditionem fore nisi positis armis, Pompeius negavit. Ergo bellum necessario susceptum est, ut armis tuerentur arma, quæ hostis per injuriam una cum libertate extorta de manibus cupiebat. Delectu habito, octo millia pedites, equites duo millia inventi, exiguus numerus, verum vivida virtus, hostiumque multitudinem non omnino impar. His copiis Megara magno usu Dux cum potestate præfectus. Pompeii castra brevi prope Numantiam posita, in quibus pedites triginta millia erant, equites duo millia. Hos Numantini è vicinis collibus identidem irruptionibus saugare. Dispalatos locis omnibus carpere, universæ pugnae discrimen vitare, cum signa Romanorum inferebantur locorum notitia periculum devitantes, totiusque certaminis aleam subire detrectantes. Pompeius irritus in Numantinos conatu Termentiam tentare constituit, unde non minore cum ignominia & majori aliquanto clade repulsus est. Intra diem unum triplici Termostinorum eruptione in præruptos montes copias subducere coactus, unde se præcipientes multi dederunt, ingenti formidine animis præoccupatis: atque ita ut noctem in armis excubarent. Die postero collaus signis dimicatum: neutro victoria inclinante pugnantes nox diremit. Pugnatum rursus fuisset, ni Pompeius sequenti nocte Manliam urbem petivisset; id signum percussus fuit, viresque & animos suorum mora interfecta reparare cupientis. Manlia Romanis dedita, quæ Numantino præsidio

tenebatur (hodie Mallen esse creditur) Termostini etiam repetita ejus urbis expugnatione ad ditionem accessere. Reliqui erant Numantini; in quos priusquam moveret, in Sedetanis, ubi nunc Cæsar-Augusta sita, est, Tanginum prædonum Ducem cum suorum manu oppressit. Inde copiam retractam Numantiam, & quoniam obsidio ducebatur, Durii cursum, quo commeatus in urbem vehebatur corrivare conati Romani, Numantinorum eruptione multati & ab opere desistere coacti sunt. His incommodis atque Tribuno militum cum suis omnibus trucidato, qui frumentatoribus præsidio veniebat, Pompeius tertius, iniquissimo anni tempore infuctum ei cælo militem in castris continuit. Sic magna exercitus parte aut ex morbo consumpta, aut Numantinorum irruptionibus cæsa, consilium mutare quidem coactus, adulta hyeme reliquas copias in vicinas sociorum civitates in hiberna deduxit; ad prima autem veris signa, anni ab U. C. sexcentesimo quindicesimo, dum M. ⁶¹⁵ Popilii Lenatis Consulis expectatur adventus, cui ea provincia erat designata, cum Numantinis pax facta Pompeio interpellante, iudicii metu ob res male gestas, an successoris obtrectatione, ne suo periculo alienæ gloriæ servisse videretur. Numantini belli diuturnitate fessi & ex agrorum intermissio cultu annonæ scævitia laborantes rem confectam cupiebant. De pacis conditionibus arcano agi placuit, quoniam ignominiose erant Romanis. Omnino ne iis subscriberet Pompeius morbum simulavit. In vulgus Numantinis multæ nomine triginta talenta imperata jactatum, ad tuendam Romanii imperii & nominis majestatem confectum prudentiores existimabant. Satis constat Popilii Cos. adventu de eo fœdere disceptatum fuisse. Pompeio negante ullam à se cum Numantinis pacem factam, illis testimonio primorum è Romano exercitu contra confirmantibus, utrique ad Romanum senatum à Cos. reiecti, libido amplius quam æquitas Romæ valuit; inter varias Patrum sententias illa obtinuit, quæ Numantinis denuo bellum denunciabat.

CAPUT VII.

Mancini fœdus cum Romanis.

INTEREA Popilius Cos. Lusitanibus, qui Numantinis erant finitimi, nullo operapretio tentatis, in alterum annum ab Urbe condita sexcentessimum sextumdecimum, imperio prorogato à Numantinis ipse quidem victus & fugatus est. Du autem Bruto, cui Consuli eodem anno Ulterior Hispania erat destinata, Viriati veterani milites concessa venia atque agris ad habitandum Valentiam condiderunt: Edetanorum Valentiam quidam putant; viris valentem atque armis: resistunt alii cum in Citeriori Hispania sita sit, & Valentiam Alcantaræ potius credunt propter locorum vicinitatem, aut quæ supra veterem Lusitaniam à Minio flumine nomen habet. Tude objecta: cui nos opinioni accedebamus. Proximo anno ab Urbe condita sexcentesimo septimodeci-

mo Bruto imperium prorogatum est. C. Hostilius Mancinus Consul in Citeriorem Hispaniam destinatus, castris ad Numantiam positus sæpe acie victus, atque animo fractus, tandem Vaccaeorum & Cantabrorum adventu nunciato, qui auxilio Numantinis veniebant, veritus ut par esset utrisque, hosti per occultam tellearum protectione denunciata in pacata discessit, utque in loca munita, qua parte non traditur, certe ubi Fulvius Nobilior ante aliquot annos stativa habuerat; in urbe non ante biduum hostium discessus cognitus est, cum festos dies cives agerent nulla armorum cura. Accidit ut unius virginis conjugium duo juvenes ambirent. Orta ex amoris contentione audacia venit, uti in hostium castra egressis, qui prior hostis occisi dextram retulisset, ei præmium optatæ nuptiæ essent. Nullo ii hoste invento, castra esse vacua renunciarunt, curriculo in urbem

regressi. Reliqui nuncio læti Romanos eidem vestigiis consecuti; priusquam munitio castrorum esset perfecta, commutata belli ratione à quibus obsessi fuerant eosdem obsidere coeperunt. Cos. salute desperata ad faciendum fœdus animum adjecit; quo ex fœdere quoniam Numantinis libertas manebat incolumis, sociique atque amici vocabantur, post tot injurias, Romani imperii gloria obscurari videbatur, cum unius urbis virtuti concederet imperium orbis terrarum. Fœdere necessario magis quam honesto faciundo Tiberii Gracchi gratia atque auctoritas ob memoriam videlicet Sempronii patris multum contulisse creditur, Romana castra secuti, flectentis ad misericordiam Numantinorum animis, periculo procurando. Verum Romæ iis rebus nunciatis, continuo Mancino in Urbem revocato, Æmilius Lepidus in collega locum substitutus est belli Dux, vindex injuriæ. Adversus eas molitiones missi etiam Numantia Legati cum fœderis tabulis, si minus sensui probassent, iussi exercitum postulare ut dederent, nimirum fœderis pacisque specie ab exilio conservatum. Re in sensu agitata, cum neque fœderis ignominiam pati vellent, & æqua Numantinos petere judicarent, Mancinum dedi mandarunt, violati fœderis religione satis se exolvere ejus calamitate existimantes. Tiberio Graccho venia data, fœderis auctori atque interpreti, quoniam alieno imperio noxaque peccasse judicabant; forori Scipionis id gratiæ & auctoritati datum vulgo interpretabantur proclivi ad credendum pejora persuasionem homines. Atque hæc Roma.

CAPUT VIII.

C. Mancinus Numantinis deditur.

IN Hispania autem M. Lepidus nondum perspecta sententia senatus Vaccæos, quasi superiore bello Numantinis opem tulissent, annonaque juvassent, bello

aggressus, atque eorum agris igne ferroque deformatis, Valentiam etiam obsidione tentavit; tamen Roma monitus erat, ne Hispanos bello licesceret, fero aggressique

tique ingenio homines, haud impune sæpe fuisse irritatos. Mancini ignominia Patribus curam incusserat, animos Hispanis fecerat, quo minus dubitarent bellum ultro illatum strenue defendere. Ergo civium virtute Romanæ copię multatæ, atque annonæ angustię in castris vigente noctu silentio profectioe denunciata, neque more militari clamatis vasis, reductæ eæ copię tanta trepidatione & Palentinorum audacia, qui postero die discessu hostium nunciato, vestigiis abeuntium tergisque instabant, ut non minus sex millibus Romani ceciderint, magna ex ea re Romani populi indignatione. Omnino Lepidus in Urbem revocatus, continuo privati habitu reus postulatus, & iudicum sententiis rei male gestæ damnatus est. Hac incommoda D. Bruti virtus per idem tempus in Ulteriori Hispania compensabat Calæcorum atque Lusitanorum motibus pacatis, atque Labricanis, qui in eo tractu sæpe rebel-
larant, ad deditionem compulsis, ea lege, ut perfugis redditis, armis ipsi positis cuncti ad eum ex urbe prodirent. Id cum esset factum, circumventos ab exercitu perfidia verbis modo castigata, ultimi supplicii metu perfusos conservavit; multæ tantum nomine pecunia imperata, armaque & belli subsidia, quibus ad perniciem abutebantur, sublata. D. Bruto ex his rebus Calaici nomen est factum. Atque hæc Mancini & Lepidi consulu-
613 tum. Nam sequenti anno, qui fuit ab Urbe condita sexcentessimus octavus decimus, Bruto imperium quidem prorogatum est: P. autem Furio Philoni Cos. dedendi Mancini Numantinis atque Citerioris Hispaniæ administrandæ cura demandata est. Eam Consulis expeditionem, unde non major gloria quam commodum speraba-

tur, Q. Metellum & Q. Pompeium opibus & auctoritate principes impedire conatos, Furius adacia confidentiæque memorabili Legatos declaratos, se in Hispaniam sequi iussit. Eo ubi ventum est, castris ad Numantiam positus Mancinum nudato corpore, revinctisque post tergum manibus, quod solenne erat Duce Romano hostibus dedendo, summo mane ad Numantiæ portas constituunt. Verum inter hostes & amicos destitutus diem totum, nocte iubentibus auspiciis in castra relatus est qua, in re tali caremonia consueverant. Numantini violatæ fidei religionem satis expiari negabant Ducis deditione, & exercitu servato, qui fœderis simulatione evaserat. Constat in ea re Romanos magis utilitatem secutos, quam honestatis & æquitatis leges. Quid præterea rerum in Hispania Furius gesserit clam est, nisi quod sequenti anno, ab Urbe condita sexcentesimo nonodecimo, 619 Bruto in tertium annum imperio prorogato, Q. Calpurnius Piso Consul, Hispaniæ Citerioris provincia designata, male cum Numantinis pugnavit, exercitus parte amissa, reliquis in magnas angustias reductis: cum Romani Hispanorum conspectum non ferrent, & vi quadam abdita continuo fugam præciperent, non secus ac visis canibus cervi. Plerique ex eo metu violatæ fidei religiones captabant. Re Hispani neque usu armorum eo tempore, neque virtute, neque audacia concedebant Romanis. Non enim, uti antea, rari dispersique vagis incurfibus pugnare, sed longæ militiæ usu edocti erant Romanorum instituto signa sequi, aciem subsidiis firmare, Ducum imperia audire: disciplina militari qua rudi uti consueverant, in artis perpetuæ præcepta conformata.

C A P U T I X.

Scipio Cos. creatus venit in Hispaniam.

RES adversæ ex Hispania nuntiata magnam pro eo, ac par erat, sollicitudinem injecere Romano senatui populoque. Ad extremum illud decurritur, P. Cornelius Scipio, cui ab excisa Carthagine Africani cognomen erat, legis venia concessa vetantis Consulatam ante

decennium repetere ex quo quis Consul fuisset, in Hispaniam Consul mittitur, anno ab Urbe condita sexcentesimo vigesimo. D. Bruto (sic credimus) in Ulteriorem Hispaniam rursus prorogatum imperium est. Scipionem ex nobilitate Romana, & iis qui à Regibus
missi

missi erant, quatuor millia juvenes sunt secuti, ac nisi senatusconsulto vetitum fuisset, idem reliqui Patrii fecissent, cunctis avidissime nomina dantibus, tanta erat cupiditas eo Duce arma suscipiendi. Ex his juvenibus cohortem Scipio instituit, quam Philonida dixit, mutua conjunctionis nomen validissimum rebus gerendis inter milites à mutua amicitia præsidium scilicet sanxit. Copiæ Hispanienses soluta disciplina militari, otio luxuque torpentes, atque temporum licentia enervatæ salutari severitate erant sanandæ. Ergo Scipio M. Butcone legato in Italia relicto supplementi vehendi causâ, ipse primo quoque tempore profectus in provinciam, brevi, calligato exercitu operæpretium fecit; duo millia scortorum abiere; calorum, fixarum, insitorum non minor numerus, neque minus in libidinem & turpitudinem corruptus. Sic turpi atque tetri odoris sentina exhausta, militum erecta atque recreata virtus, contempta ante, cepit esse formidabilis. Vegetandis corporibus additum, ut singuli milites triginta dierum frumentum, septenos vallos muniendis castris, suis ipsi humeris portarent. Ea severitate disciplinæ mutandisque sæpe castris vigor brevi rediit in corpora & animos; nulla re magis licentia coercita, quam Imperatoris exemplo. Parendi necessitatem omnes aversumur, facile exemplo jubetur. Itaque primus Scipio in opere versari, postremus abscedere. Multum contulit ad disciplinam instaurandam C. Marii diligentia ejus, qui postea ab his initiis in summum Ducem evasit. Inter hæc anni tempore in æstatem extracto, castra in Numantinos mota sunt, eorum agri longè lateque vastati. Militem ex superiorum rerum memoria nondum terrore discusso, universæ pugnæ obijci nollebat. Inde excursions in Vaccæa populabundus fecit, Palentinorum sinibus præsertim insensu propter acceptæ nuper cladis Lepido Cos. memoriam. Quo loco Rutili Ruffi temeritate præcipiti, in universæ pugnæ necessitatem ferme deductus est, longius studio provecti Palentinorum conatus comprimendi, qui locis om-

nibus se ostentantes molesti erant. His enim de industria cedentibus, in insidiis inducebatur: cum ex tumulo Scipio periculo animadverso, signa repente inferri jubet, equitatumque bipartito insidiarum latebris circumventis, atque levi cum hoste prælio commisso, socios periculo, in quod se induebant, eripere. Ea in expeditione Scipio eversæ Luculli perfidia Cauis spectaculo commotus, voce præconis denunciavit vectigalium immunitatem, si qui vellent urbem eam instaurare, in eaque fortunarum & vitæ domicilium constituere. Atque hæc per æstatem gesta sunt, qua præcipitante atque adeo in hyemem inclinata, copiæ incolumes Numantiam reducæ, positaque ad eam urbem castra, unde tota hyeme variæ manus prædæ causâ dimissæ vicinos agros depopulatæ sunt. In his manus una prædantium periculo proxima Scipionis diligentia evasit. Erat pagus magna ex parte palude circumfusus, qui pagus hodie Henar vicinæ paludis conjectura esse putatur; prope eum pagum loca prærupta erant, & insidiis tendendis apta; in his Numantini occultati Romanos milites vagos & prædæ majori ex parte intentos ferme oppresserant, ni Scipio (nam non procul erant castra) suorum periculo cognito, continuoque signo receptui dato, milites à præda ad signa revocasset, milleque equibus præmissis, ipse cum copiarum robore secutus esset. Numantini dum pari certamine res gesta est, magnum hostium numerum sustinere: verum legionum signis appropinquantibus terga dederunt, magno miraculo Romanorum, qui à multo tempore Numantinos aversos non viderant. Atque hæc Scipionis consilatu gesta sunt; quo tempore Jugurtha venit in castra Romanorum, Manissæ nepos ex filio Manstabale, missus à Micipsa patruo cum decem elephantis & valida equitum ac pedum manu, cupiente non modo Romanos auxiliis juvare, sed etiam Jugurthæ caput periculis objectare, unde filiis suis periculum imminere sagax & prudens considerabat; consilio eventus defuit.

C A P U T X.

Numantia excisa.

PUERTO Mutio Scævola & L. Calpurnio Pisone Coss. nimirum anno
 61 ab Urbe condita sexcentesimo vigesimo
 primo, Numantia funditus excisa est, Scipioni imperio prorogato. Is enim hyeme transacta atque levibus praeliis suorum animis à metu quem conceperant confirmatis, Numantie obsidionem premere confluens, ex unis bina castra fecit. Alteris Q. Fabius maximus ejus frater praefectus est, in alteris ipse curabat; tametsi alii quadripartitum castrorum numerum faciunt: ac ne de copiarum numero satis conveniunt, aliis sexaginta millia, aliis quadraginta affirmantibus. Numantini tot antea victoriis elati quamvis numero vincebantur (qui plurimos octo millia fuisse pugnatorum dicunt, qui paucissimos quatuor) suis in aciem productis, non dubitabant universi certaminis aleam subire; pereundi aut perendi proposito, ut obsidionis diurnae scilicet incommoda vitarent. Scipioni in consilio detestandi certaminis perstare animus erat, cum consideraret Ducis partes esse non magis audacia quam consilio, & arte, & patientia bellum profligare; neque committendum putabat, desperato hominum generi cives & milites obesse. Itaque urbem circumvallare constituit, ad coercendam obsessorum audaciam & impetum reprimendum: nova autem auxilia bellicae subsidia foederatis civitatibus imperare. Circumducta fossa novi generis agger erectus est decem pedes altitudinis, latitudinis quinque, ex trabibus terraque compactus, atque turribus ex intervallo perpetui muri similitudine. Durio tantum flumine in urbem patebat aditus: sed dispositae in utraque ripa cohortes intercludentes, commeandi facultate prohibebant. Quam diligentiam nonnunquam obsessi eludebant procul hostium conspectu subeuntes aquam, occultoque natatu in partem alteram evadentes urinandi peritia: alii naviculas vel remis incitantes, vel secunda à puppi ventis celeritate tela coniecta vitabant; atque per hunc modum nonnihil commeatu in urbem infe-

rebatur. Verum hoc quaecunque solamen nova diligentia impeditum est, binis utrinque castellis extructis, atque trabibus juncto flumine, unde clavi praelongi atque acuminati extabant. Nec Numantini desisteabant in vigilas excubiasque Romanorum impetum facere, unde aliorum superventu facile in urbem rejiciebantur. Nam à caede de industria temperabant, ut citius consumpto à multitudine comae ad annonae supremam difficultatem redigerentur, atque deditionis necessitatem. Unus Rhetogenes Caravinus ab animi virtute opem in his difficultatibus petendam iudicans, cum quatuor aliis noctu, qua parte Romanorum munitiones infirmiores erant, & minor custodia adhibebatur, scalis admotis, atque vigiliis occisis in Arevaces evasit; ubi concilio Principum gentisque convocato, pro veteri amicitia & propinquitatis jure obtestatus petit ne Numantiam, quae eatenus gentis commune propugnaculum fuerat, & iniquitate fortunae arteque obsidentium magis quam vera virtute proxima exitio erat, negligendo, hosti vindictae studio inflammato injuriarum memori diripiendam, evertendam, excindendam relinquerent. „Quin, inquit, dum vires integre sunt, & Romanus tot cladibus castigatus certamen horret, & ad artes conversus nobilissimam civitatem opprimere cogitat, junctis viribus jugum servitutis depellitis, & communem patriae pestem de finibus exturbatis? An expestatis dum contagionis vis vestram civitatem opprimat? Accensa flamma proxima quae vastante cunctis pereundum cogitate. An Romanorum ambitionem & rapacitatem ignoratis? quos nulla saepe de causa vidistis audistisque ex aliis proferendi imperii cupiditate totius Hispaniae fortunis libertatque insidiari. At foederis fiducia retinet; quod nisi multa exempla recenti memoria & ante oculos extarent Romanorum perfidia, avaritia, crudelitatis? Cauciae nuper exitium, & nunc Numantinorum cum Mancino foedus violatum, „satis

„ suis docere potuit, nihil ei genti sanc-
 „ tum esse prae libidine dominandi. Vi-
 „ dete ne privata tranquillitati commu-
 „ nem salutem posthabentes modo,
 „ quam Numantiae praesidio stare ne ipsi
 „ quidem ignoratis, utraque prodidisse
 „ aliquando, utinam venum vaticinium
 „ sit, frustra queramini. Agite dum
 „ opportunum est, dum res salva: ad
 „ patriae salutem procurandam animos &
 „ cogitationem referte; arma viresque
 „ sociate: hostemque securum, utrisque
 „ copiis à tergo & à fronte circumven-
 „ tum aut opprimit aut fugate; in nos-
 „ tro periculo universae gentis fortunas,
 „ libertatem, salutem verti putate. Huic
 „ orationi cum vim addidisset lacrymarum,
 „ & ad terram provolutus singulorum genua
 „ prensaret, multorum flexerat animos:
 „ Vicit tamen sententia non esse Romanos
 „ irritandos; additumque Numantinos
 „ quamprimum suis finibus pellendos vide-
 „ ri, ne fraudi esset aliquando in eorum
 „ conventu eam legationem auditam. Quid
 „ Rhetogenes deinceps fecerit clam est;
 „ constat tamen Luciae juventutem,
 „ quae ad quartum ab urbe Numantia lapi-
 „ dem sita erat, ad ferendam opem ex-
 „ citam, Scipionis diligentia compref-
 „ sam: & quadringentis juvenibus ejus
 „ iussu dexteras amputatas, ut ceteris do-
 „ cumento essent. Romanae severitatis.
 „ Numantini ergo auxiliis desperatis, &
 „ ex diuturna obsidione fame fracti, ne-
 „ cessario ad deditionis consilium flexe-
 „ runt animos. Missa ea de causa
 „ ad Scipionem legato. Ejus legationis
 „ princeps Alurus facta eum conveniendi
 „ potestate in hunc modum allocutus
 „ fertur. „ Qui sint Numantini cives,
 „ qua fide, qua constantia, explicare
 „ longa oratione non attinet. Nam
 „ & ipse longo usu expertus es, &
 „ miseros non decet suarum laudum
 „ commemoratio. Illud dicam, tibi glo-
 „ riosum fore Numantinorum animos
 „ fregisse: neque nobis ignominiosum
 „ prorsus, quando ita in satis erat; à tanto
 „ Imperatore superari. Quod praesentis
 „ fortunae est, & obsidionis mala cogunt,
 „ victos nos esse fateamur: modo poeniten-
 „ tiam quam exitium malis. Neque ve-
 „ niam petimus, tamen nullibi melius
 „ beneficium collocaris, sed supplicium

Tom. I.

„ moderatum. Quod si salutem negas,
 „ neque pugnae copiam facis: omnia
 „ prius experiri, ac occumbere; si res
 „ sciat, nostris potius quam alienis dex-
 „ tris, quod virorum fortium supremum
 „ officium est, certum habemus. Tu
 „ quid fama sit in praesens & ad posteros
 „ locutura etiam atque etiam considera.
 „ Ex hac oratione Scipio infractos gentis
 „ animos miratus, in tam afflictâ fortu-
 „ na ac penitus desperata dignitatis me-
 „ mores atque constantiae, Legatis ta-
 „ men nullam fore spem salutis, nullam
 „ pacis conditionem respondit, nisi in
 „ deditione ad victoris arbitrium. Eo
 „ responso Numantini acti in furorem
 „ Legatis violatis, in quibus quid cul-
 „ pae erat? sed furente multitudine,
 „ vera dixisse saepe exitum attulit, spe
 „ salutis & pugnae abjecta, quod reliquum
 „ erat, multa celia (potus genus erat ex
 „ frumento) hausta ebrii in Romanorum
 „ munitiones irruunt, & vallo superato ob-
 „ vios tandiu prosternunt, donec summis-
 „ sis undique Romanorum auxiliis in ur-
 „ bem rejecti sunt. Secundum hunc con-
 „ flictum, suorum qui ceciderunt corpori-
 „ bus famem dies aliquot tolerasse tradunt:
 „ deinde fugae spem tentatam haud meliori
 „ successu. Ad extremum rebus omnibus
 „ desperatis memorabili facinore se suosque
 „ omnes aut epoto veneno noxio, aut
 „ adacto in viscera ferro peremerunt. Fue-
 „ re qui ex provocatione certarent, nihilo
 „ meliori conditione victoris, quam victi
 „ pyra accensa, in quam qui cadebant con-
 „ tinuo iactabantur, sequebantur qui occi-
 „ derant; ad hunc modum anno & tribus
 „ mensibus exactis ex quo Scipio venit in
 „ Hispaniam, excisa Numantia est civibus
 „ ad unum nullo discrimine sexus vel aet-
 „ atis pertinaci obstinatione deletis. Ap-
 „ pianus urbe capta vivos aliquot in victo-
 „ ris potestatem venisse scribit: sed aliorum
 „ auctorum opinio resistit. Constat Nu-
 „ mantiam civium concordia stetisse, labe-
 „ factam discordia: & victam victoriae pal-
 „ mam victori eripuisse; aedificia, quae in-
 „ cendi à civibus injecti furorem evase-
 „ rant, Scipionis iussu everfa sunt. Nu-
 „ mantinorum agri finitimis populis distri-
 „ buti. His rebus perfectis Scipio, &
 „ Hispaniae pace fundata, Romam ad trium-
 „ phum rediit Numantini cognomento auc-
 „ tus;

Y

tus;

tus; cum D. Junius Brutus paulo ante de Calceis devictis ac demitis trium-

phum in urbem egisset, Calaici cognomine parto; uti paulo ante dictum est.

CAPUT XI.

Gesta in Hispania post bellum Numantinum.

EXCIPERE tempora bello vacua, præcipua tranquillitate insignia: mis-
sique duodecim legati varias Hispaniæ par-
tes pro attributa cuique portione guber-
narunt diu. Nam Baleares, qui piraticam
exercentes vicina maria & littora infesta-
bant, Q. Cæcili Metelli Consulius virtu-
te domiti, & ad tranquillitatem revocati
sunt anno ab Urbe condita sexcentesimo
trigesimo primo; unde ei Balaerici no-
men fuit. Quo tempore Marius,
cum Ulteriorem Hispaniam ex Prætu-
ra gubernaret, sublati latrocinii, quo-
rum licentia ex superiori temporum
perturbatione orta erat, itinera aper-
ruit, leges, judicia, atque pacem in
provinciam revocavit: & post duode-
cim annos rebus denuo in ea provincia
turbatis Calpurnius Piso primum, deinde
Sulpitius Galba ejus Galbæ filius, qui res
in Lusitania gesserat, provincialium mo-
tus pacarunt. Pisonis nomine multæ
monetæ & passim percussæ hoc tempore
reperiuntur in Hispania. Pace Pisonis
& Galbæ virtute revocata, rursus decem
Legatis provincia commendata est; quo
tempore Cimbrorum ex ora Septentrio-
nali sese in Romani imperii provincias ra-
pidi, torrentis instar numerosa multitu-
do effundens, & cursu victoriarum ma-
ximo, in Hispaniam delata: in Galliam
atque Italiam Romanorum & provincia-
lium virtute redire compulsæ est, anno
ab Urbe condita sexcentesimo quadrage-
simo quinto. Quo anno Q. Servilius
Cæpio Lusitanos, quo ex magistratu in-
certum, sed Lusitanos tamen prælio su-
peravit: & tribus post annis ejusdem
Cæpionis consulatu Lusitani majiori red-
dita quam acceperant clade Romanos ul-
ti sunt. Fuit is annus ab Urbe condita
sexcentesimus quadagesimus octavus;
Marci Tullii Ciceronis ortu, quam ulla
alia res gesta insignior. Arpini natus est,
matre Helvia, patre equestris ordinis,
& ex regio Volscorum sanguine; qui
rem Romanam non minus in toga quam

reliqui Principes reipublicæ, ferro illus-
trarunt. Post alterum biennium, anno
ab Urbe condita sexcentesimo quinquage-
simo, denuo Cimbræ Teutonibus confu-
si Celtiberorum virtute ex Hispania,
in quam provinciam irruerant, rursus in
Galliam rejeçti sunt: & Lusitanorum mo-
tus L. Cornelii Dolabellæ virtute & dili-
gentia compressi, cum eam provinciam
ex proconsulatu gubernaret, anno ab
Urbe condita sexcentesimo quinquagesi-
mo quinto, Lusitanorum motus Celti-
berorum bellum sequenti anno excepit;
cujus comprimendi studio quoniam ma-
jori mole coortum est, T. Didius Con-
sul venit in Hispaniam. Collata utrinque
castra, directæ acies & pari utrinque spe
pugnatum nec diverso successu, nam
exæquata utrinque clade pugnantes nox
diremit. Verum Consulis arte continuo
Romanorum, qui ceciderant, corpori-
bus tumulatis, postera luce Hispani per-
territi, quasi multo plures ex ipsorum nu-
mero essent trucidati quam ex Romanis,
victoria desperata deditionem fecerunt,
iis conditionibus, quas victores Romani
præscripsissent; ex Arevacis eo prælio &
totius belli progressu viginti milia ceci-
derunt. Termestini veteri urbe excisa,
cujus fiducia quoniam locorum natura
munitissima erat, sæpe rebellabant, in
planiciem translati per vicosque distracti
sunt, prohibui in urbis formam coales-
cere, oppida moenibus aut aliqua muni-
tione firmare. Prædonum manus latro-
cinii assueta per fidem fœderis ad Con-
sulem vocata cum filiis & uxoribus ad unum
trucidata: cum spes non esset ingenium
mutaturam gentem alienis laboribus rap-
toque vivere assuetam. Quod factum
ita senatui Romano non probavit, ut
triumphis nihilominus pro rebus gestis
concessus fuerit. In eo bello Q. Sertor-
ius Tribunus militum fuit, magnamque
laudem peperit servato ad Castulonem
Romano præsidio, quod Castulonenses
ad omnem recuperandæ libertatis occa-
sionem

tionem intenti communicato cum Gyrisenis (Giennensis fuisse quidam putant) consilio, noctu parabant trucidare, cum se Romani milites indulgentius pœculis invitassent hibernorum tempore, atque ex ea re opportuni injuriæ fore viderentur. Nam Sertorius Castulonensium tumultu excitatus forasque civitatem se propiciens, aucto suorum numero, quos fuga servarat, suorumque eisdem ultus, curriculo ad Gyrisenos advolans, vestium aspectu delusus, quasi nesciens cum Castulonensibus occidis marant, gratulanti prodeuntes magni numero cecidit: reliqui deditione facti sub corona venditi. Atque hæc tunc hoc anno, tum quatuor sequentibus in Hispania Citeriori gesta sunt: ex quanto tempore, Didius eam provinciam gubernavit. Nam in ulteriorem Hispaniam P. Licinius Crassus consulatum adeptus venit, ab Urbe condita ante
 617 no sexcentesimo quinquagesimo septimo: atque re in provincia bene gesta, sexto demum anno triumphavit: omnino ex Hispaniæ præfectura eas copias paravit, quæ M. Crassum filium inter Romanos maxime nobilitarunt, Romanorum aliquando ditissimum; & Antonius Nebrissensis affirmat viam totius Hispaniæ nobilissimam Salmantica Emeritam usque (vulgo Argentea via nuncupatur) à Crasso fuisse constritam, columnarum quas toto eo itinere, Crassi inciso nomine se vidisse testatur, indicio haud probabili, cum ea columnæ modo non inveniantur. Vidisse se fortasse putavit, quod nusquam erat, quod antiquariis sæpe accidit. Quo tempore Crassus in Hispania fuit novi Celtiberorum motus Fulvii Flacci opera ductuque compositi
 660 sunt, anno ab Urbe condita sexcentesimo sexagesimo; & Italia bellis civilibus coeperat astuare, C. Mario, atque Cinnæ republica occupata nobilitatem Romanam; quæ Syllæ partes sequebatur proscribentibus. In his M. Crassus patre & fratre cæsis in ultimam Hispaniam aufugit, ubi multe clientelæ erant, & magna provincialium studia tum paternis, tum suis meritis, qui patrem in His-

paniam fuerat secutus quæsitæ: conspectur tamen hominum vitato (nam fides plerumque ex fortuna pendet, & pleræque civitates Hispaniæ in Marii potestate erant) in specum se abdidit mari vicinum, in prædio viri principis, cui nomen erat Vibio Pacieco, arcissima benevolentia conjuncti. Missus servus unus è paucis, qui ejus fugam erant persecuti, Pacieco denunciavit quo loco res Crassi essent: atque pro jure amicitia, ejus nomine postulavit, ne herum in eo discrimine defereret. Id tempus venisse gaudens amicitia quicumque officio declaranda, quo res oculatior esset ipse Crassi congressu abstinens, quod tempori dandum erat, servo mandat quovis die in vicina spelunca rupe commanum deponere, quem ex urbe accepisset, vestito perferuari quorundam id fieret, magis denunciatione si mandata violaret, juste exequeretur promissa libertate. Ea diligentia atque cura Crassus servatus, Marii Cinnæque morte denunciata, ex latebris prodians facile multas in Hispania urbes, quæ propensæ in Syllam voluntate erant, in partes attraxit. Malaca etiam à milite direpta, Crasso invito, ut videri voluit & per totam vitam præ se tulit: an annuente, ut militum voluntates redimeret aliena calamitate, ex Hispania in Africam trajecit, ubi Syllæ partes præcipue vigeabant. Porro specus Crassi latebris illustis, prætor Heracleam & Arundam hodie monstratur, Ximene oppido vicinus, signis omnibus convenientibus, quæ ex Plutarcho lectione colliguntur, & Paciecorum familiam non minus nobilem quam amplam fuisse ea tempestate in Hispania veterum auctorum monimenta, satis declarant. Ad quam qui familiam nostra ætate opibus, gratia, & auctoritate in Carpetanis facile principem referunt, sola ex nomine ducta conjecturanitur, nec repudianda semper, nec satis constanti. Recentiora procerum genera in vetera ejusdem nominis infundere receptum: quæ magna est historiarum habes, veritatis injuria.

CAPUT XII.

Bellum Sertorii incubatur.

EX bellis civilibus novum in Hispania bellum natum est, quod à parvis initiis potentiam Romanam novem annis exercuit, varia sæpe fortuna, exitu tandem Romanis prospero. Q. Sertorius ejus belli incitator extitit, natione quidem Italus, obscuro loco Narfii oppido prope Romam natus; cæterum virtutis specimen in Hispania dederat, ut est superius demonstratum, & Marii deinde ac Cinnae partes secutus in Italia, alterum in eo bello oculum amisit; à Sylla tandem, cum rerum esset potius Cinna & Mario devictis, proscriptus cum multis aliis, mortis discrimine adactus, & quoniam in ea rerum perturbatione id habiturum judicabat, quod primus occupasset: ubi militum atque provinciarum studia erant, in Hispaniam venit. Julio Salinatori Pyrenæi angustius obsidendi cum legionis præsidio cura demandata, adversus Syllæ conatus. Ipse in interiori provincia magnos delectus habere, & subsidia undique comparare ad retinendam Hispaniæ possessionem. Verum Sertorii conatus G. Annii adventu & celeritati præoccupati sunt, Pyrenæi præsidio disjecto Salinatoris morte, quem à Gaio subornatus Calpurnius Lanarius perfidem amicitiae proditorie fustulit. Sertorius suorum numero & virtute diffusus, veritusque acie contra Gaii copias dimicare, Carthagine trajecit in Africam: ubi varia & adversa sæpe fortuna jactatus, Hispaniæ vicinam Ebusum cepit cum sua peculiari classe, & Pinatrum ex Asia lembis adjunxit; qui forte mari vagabantur. Inde depulsus, & de Fortunatis cogitans (sunt qui eo trajecisse scribant, declinanda videlicet hostilis sevitie necessitate) à Lusitanis advocatus est. Nam Romanorum imperio fessi erant, & recuperandæ libertatis cupiditate flagrabant. Oblatam Sertorius occasionem hostes de totius Hispaniæ possessione pellendi arbitratus, continuo in Lusitaniam venit, non magis disciplina militari instructus, quam pacis artibus; ingenii facilitate, comitate morum, atque vestigalibus moderandis provinciæ universæ studia exci-

tavit. Ad formam præterea Romanæ reipublicæ senatu lecto ex Hispaniæ proceribus, iisdem magistratuum nominibus quibus Roma utebatur, Romanæ majestatis imaginem quandam repræsentabat; his ad consilium adhibitis imperii summa penes Sertorium erat; militare præsidium exüslegit, qui Romani nominis essent, quorum voluntatibus magis fidebat, propter communem originem; & quia fallere non poterant difficili ad hostium gratiam aditu maxime fidos fore judicabat. Harum rerum fama non Ulterioris modo Hispaniæ imperium, sed etiam Citerioris voluntatem adjunxit; unum esse Sertorium cunctis judicantibus, per quem Hispanorum potentia Romanorum gloriam obscuraret, saltum tyrannidemque deprimeret; quæ ille studia ut diuturna essent, arte providebat, sapientiæ professoribus ex Italia advocatis, atque litterario gymnasio Oscæ constituto, ad quod filii procerum mitti curabat, cunctas nationes non magis armis quam sapientiæ studiis illustrari, dictitans, neque fas esse ea laude concedere Romanis, quos rebus cæteris exæquarent. Atque hæc palam jactabantur: ex arcano datæ fidei obfides comparabat nulla offensione provincialium. Ad hæc artes accedebat religionis simulatio, qua una re vulgi animi maxime capiuntur, cerva candida Dianæ dono, uti jactabat, ad aurem adhibita, unde assueta erat cibum capere, quoties aut litteræ essent allatæ, aut de rebus magnis in senatu consultabatur, quasi nutu numinis arcanos eventus & consilii summam insufluraret. Itaque Sertorii moneta reperiuntur in Hispania cerva expressa altera ex parte. Eboræ in Lusitania duo lapides indicio hodieque sunt, multum in ea urbe Sertorium fuisse, civesque Eboracenses præcipuis & frequentibus beneficiis ornasse. Geminam Oscam in Hispania fuisse, alteram in Ilgeretibus, in Bæticæ parte alteram, ex Plinio & Ptolemæo constat. In utra erudiendam juventutem Hispanicam Sertorius curaverit, dubitatur: multis tamen eam laudem ad Citeriorem Oscam ableganti-

gantibus, nobis locorum vicinitas persuadet in Bastetanis esse: ab utraque certe vetus appellatio conservatur levi mutatione facta. Duxerat ex Africa cum primum in Lusitaniam venit Romani nominis duo milia & sexcentos, atque huic numero septingentos Afros adjunxerat: in Hispania vero pedites quatuor milia, septingenti equites accessere; cum his copiis Cota primum navali prælio non procul Melaria, quæ ad freti fauces sita

est superato, deinde ad Batim Didio Prætoris profligato, atque duobus hostium milibus caesis ex ejus exercitu, imperii auctoritatem vehementer sinxit: hostibus timorem incussit reputantibus Hispaniæ potentiam ductoris consilio; quo eatenus caruisset, adjutam magnas allaturam difficultates Romano nomini; cladesque priusquam ad officium penitus revocari posset.

CAPUT XIII.

Metellus & Pompeius veniunt in Hispaniam.

⁶⁷⁴ EA Res Syllam movit ut anno ab Urbe condita sexcentesimo septuagesimo quarto, altero suo consulatu Q. Metellum collegam cognomento Pium ob patrem lacrymis ab exilio liberatum, mitteret contra Sertorium in Hispaniam. Huic adjunctus L. Domitius Prætor, quem Plutarchus Toranium vocat cognomento videlicet Domitii familiari, in ipso Provinciæ aditu ad Pyrenæi montis radices ab Hirtuleio Sertorii Duce victis suisque copiis caesus est. Quæ res Manilius Gallie Narbonensis Proconsulem in Hispaniam attraxit haud meliori quam Domitius eventu: nisi quod acie ab Hirtuleio superatus illius munitione, in quam se contulit, servatus est. Sane Metellus in Bætica, in quam cum exercitu penetrare ausus fuerat à Sertorio sæpe victus & virtute suorum diffidens, locis munitis se tenere coactus est, neque totius dimicationis copiam ferocienti hosti facere. Lacobrigam tantum, quæ urbs in extrema Lusitania ad promontorium Sacrum sita est, Sertorii copiis alio atque alio dilapsis, repentina obsidione opprimere cogitavit; irritus conatus fuit. Afri & Hispani proposito à Sertorio præmio deceptis Romanorum vigiliis, duo milia utres aquæ ad obsessos intulerunt, cujus inopia maxime laborabant: aquæductibus corruptis, atque uno tantum puteo maligne aquam suppeditante. Itaque Romani cum quinque dierum frumentum allatum esset, inopia commensus coacti sunt obsidionem solvere. Sertorio cum subitaria manu locis omnibus

fatigante. Nec impar Hispanus Romano militi erat, quem Sertorius ordines servare, atque imperia agnoscere, signaque sequi docuerat: solitum alioqui rarum dispersumque pugnare, magno primum impetu facto, si premeretur pedem referre assuetum. Multum in eam rem contulere, Romanorum arma mortuis detracta, quibus Hispani armati erant. Harum rerum fama, cum non modo tota Hispania vagata esset, sed etiam in Asiam pervenisset: Mithridates altero bello, quod gessit cum Romanis, Sertorium missis Legatis ad fœdus invitavit, classis & pecuniæ pollicitatione, ut vires populi Romani distraheret. Iis Legatis senatu dato, quo major esset auctoritas concessum postulanti- bus, ut M. Marius cum aliquanto comitatu secum deferrent, cujus operam suis rebus Rex potentissimus imprimis utilem fore judicabat, si suas copias per eum Romana disciplina militare docuisset. In eo Asiæ bello Aulus Marius Lacetanus Luculli signa secutus, egregiam operum Romanæ reipublicæ navavit, ut lapis indicat altero ab urbe Aufetana stadio in loco publico constitutus, ejus iussu cum redux esset in patriam. Verum ad Sertorium redeamus; qui hostibus L. Lollii res gerentis in Gallia adventu confirmatis, prælii discrimen, quod antea ultro appetebat, detrectare coepit, satis habens levibus præliis atque incursionibus tumultuariis hostem fatigare; quo belli & consiliorum tenore biennio extracto Gn. Pompeius exæquata cum Metello potestate atque ipso per lit-

teras expetente, nam aliter Pompeius venturum negarat, in Hispaniam missus est, Magi cognomento aut jam parto, aut ut alii scribunt ex Sertorio superato quæsit. Terullianus indicat, & Cæfiodorus ait, id cognomen conciliasse theatrum, quod & lapide Romæ primus Pompeius extruxit: nam antea scena ex materia facta, & subitariis gradibus utebantur. Quæstor adjunctus L. Cassius Longinus de quo sermo est rediturus. Magni ergo in Gallia difficultatibus superatis; cum Pompeius in Hispaniam penetrasset, ad Metellum se contulit, non prius cum hoste dimicare certus, quam vires essent collatas. Sertorius eodem tempore Lauronam obsidione premebat novis & ipse auctus copiis, quas Marcus Perpenna ex Sardinia deduxerat. Nam Æmilius Lepidus Consul, cum à senatus auctoritate defecisset, Italia pulsus atque Sardinia occupata, brevi ex morbo migravit è vita. Robur exercitus à M. Perpenna in Hispaniam deductum; Sertorio se adjunxit, sive ejus sponte sive defectione militum, nam utrumque ab auctoribus proditum, cum in diversa Hispaniæ parte bellum gerere atque imperium constituere in animo haberet. Ad Sertorium necessitate se contulit. Lauronem periti antiquitatis Lyriam esse arbitrantur ad Sucronem sitam in agro Valentino, sedecim ab ea urbe millibus passuum. Eo Metellus & Pompeius junctis viribus ac paribus auspiciis profecti obsidionis solvenda studio cum castra propeposuissent, nullum aliud operæpretium fecerunt, nisi quod in tumultuario certamine dum pabulatoribus opem ferunt, decem Romanorum millia Sertorii insidiis circumventa ceciderunt, atque in his Pompeii legatus D. Lælius. Obfessi defensione desperata ad ditionem compulsi cum

incolumi salute res etiam educere jussi essent, urbs incendio est absumpta in utriusque Ducis Romani oculis, ad ostentationem videlicet virtutis magis, quam seviendi voluntate. Orofius discessisse Pompeium ait priusquam Lauro in Sertorii potestatem venisset: & cives partim trucidatos, partim direpta urbe in servitutem abactos; addit præterea, in Romanorum castris triginta millia pedites, equites mille fuisse: in Sertorii pedites duplicato numero, equites octo millia. Proximo anno, qui fuit ab Urbe condita sexcentessimus septuagesimus septimus, veris principio bellum utrinque instauratum. Metellus ac Pompeius ex Citeriori Hispania atque Pyrenæis montibus, ad quæ loca in hiberna secesserant, Sertorius ex Lusitania digressi; à Pompeio Segeda expugnata est. Metellus prope Italiam signis cum Hiruleio collatis, viginti hostium millia cecidit: Dux ipse fuga servatus est, tanta ex ea victoria Metelli letitia, fastuque, ut picta veste in conviviiis uteretur: venientique passum in urbibus thure quasi Deo supplicaretur, populis in assentationem effusus; addebantur ludi, atque triumpho perfimilis pompa. Sunt qui hujus victoriae monumentum esse credant è duobus Guisfandi tauris lapideis, alterum hac inscriptione: Q. Cæcilio Metello Consuli II. victori; numero non ad consulatum sed ad victoriam duplicem relato. Pompeius Segeda capta, hostem ad Sucronem nactus, prælioque dimicare ausus, periculo proximus fuit; verum prælium inclinatam penitus Metelli adventu restitutum est, sine quo ne aliquid de victoria laude decederet, pugna fuerat inchoata; discessum dubia victoria parique utrinque jactura facta.

677

CAPUT XIV.

Sertorius victus & occisus.

SECUNDUM hoc prælium Sertorius in luctu esse, & publico abstinere, cervam qua plurimum utebatur ab hostibus interceptam cogitant, tristi videlicet omine rerum futurarum; & cum deinde repente apparuisset, letitia animi revoca-

ta, luctuque abjecto, bellum instauravit. Ad Turiam fluvium denuo dimicatum (decurrit per agrum Valentinum, & hodie Guadalaviar nuncupatur) totis utrinque viribus summa animorum contentione & corporum conatu; victoria cæ-

60

fo dissipatoque Sertorii exercitu penes Pompeium fletic. Hirtuleius cum fratre ejusdem nominis, & Herennius, qui Sertorii partes sequebantur trucidati sunt. In ipso ardore pugnae à Pompeiano milite frater obruncatus est, ut sunt ancipites & calamitosi etiam in ipsa victoria bellorum civilium casus. De tracta casside agnitum cum instructa pyra imposuisset, voce flebili precatus manes placatos parricidii veniam per errorem facti: quoniam mutare non licebat, eadem vindicare dextra certus, gladio quo fratrem occiderat in viscera adactò super defuncti corpus occubuit; re vulgata indignatio utriusque partis subsequuta est & savissimi belli execratio. Amisso Sertorius exercitu intra Calagurrim se continuit, dum novis delectibus vires colligeret. Intra eam urbem à Pompeio obsessus, cum eruptionem fecisset, tria suorum millia amisit; inde ad copias fuga elapsus est; quae suorum diligentia magno numero erant collectae: quarum virtute confusos Romanos aggredi atque dimicationis copiam facere ausus in hiberna copias deducere coegit. Metellus superatis Pyrenaei jugis ad ejus montis radices, Pompeius in Vaccæis hibernarunt. Erat Sertorio mitè ac tractabile ingenium nisi naturam suspicio corrumpere: qua stimulatus Romanorum animos penitus alienavit, Celibero rum praesidio usus: & ut timorem saevitia consequitur, nonnullis è suorum numero trucidatis. Ab eo gradu pueros Hispanorum, quos studii causa Oscani missos fuisse docuimus, partem occidit, partem in servitutem vendidit: atque ex ea re, quod unum praesidium reliquum erat, provinciae studium atque voluntates penitus conturbavit; excæcat nimirum animos fortuna sive Deus ubi vim suam exere vult. Omnino Sertorius, qui suorum benevolentia nitebatur, ab hoc initio in præceps ruere cœpit. Et Metellus multas urbes veris principio expugnavit. Pompeius à Palentia obsidione Sertorii adventu discedere compulsus est: deinde viribus reparatis Sertorioque in extremam Hispaniam cedere coacto, ad pro-

montorium Hemeroscopeum, quod prope Dianium promontorium jacet & hodie à S. Martino nomen habet, tumultuario certamine pugnatum est haud memorando in alterutram partem eventu, cum universi certaminis aleam imminutis utrinque copiis subire utraque pars detrectaret. Res Sertorii magis suorum odio quam Romanorum virtute inclinatas, ut nunquam calamitas in uno gradu resistit, ejus mors penitus conturbavit. Perperne conjuratione Antonique, qui proximus assidebat, pugione in convivio Oscan trucidatus est. Conjuratione paulo ante ex parte detecta, quidam exconjuratis supplicio affecti sunt, alios fuga servavit, alios sociorum silentium texit, qui ne proderentur facinus accelerarunt. Sic perit Sertorius, quem Hispani Romanum Annibalem vocare soliti erant; nullam prolem reliquit: tamen juvenis quidam deinde se Sertorii filium esse simulavit propter oris similitudinem facili ad fallendum fide; anno quantum conjectura conjicere licet ab Urbe condita sexcentesimo octogesimo primo, casus est magni Imperatoribus veris virtutibus, militari scientia, civili prout prudentia merito coequandus, si primis ultima contempsisset, nec egregiam indolem saevitia ignominia foedasset. Sertorii illa vox fuit: Malle se cervorum exercitum dicere leonem, quam leonem duce cervo; tum illa: Periculis obeundis periti, Ducis partes esse priusquam ingrederetur discrimen, considerare de exitu. Concordiae militaris symbolum equi caudam proposuisse fertur, crinibus singulis facile convulsis, omnibus invictis. Belli necessitatem salutis discrimen imposuit; tranquillitatis tamen cupidior fuit: cum Romae postremum locum occupare mallet; ut ipse præ se ferebat, quam in exilio principem. Corpus ejus Eboræ sepultum esse traditur lapidis indicio, quem eruendis templi D. Ludovici fundamentis inventum esse affirmat haud satis idoneo auctore. Sed confractum tamen lapidem, & in eo incisa subjecta verba ajunt.

SERTOR. LV SIT. DVX IN EXTREM.
ORB. PLAGA. D. IMMORT. VOVET.
ANIM. BVSTO. CORPVS. QVI TIBI.
SALO. TETHI. SERVATVS. QVO
LOCO. CIRCA. EBOR. RO. COS.
COP. Q. IPS. CÆCIDERAT. OLIM.
H. EREX. S. CIRCVMVENTAM
DOLÔ VMB. ELYSIVM. DIRIGE.
DIVA. D.

S. T. T. L.

AULICVS. P.

Quæ inscriptio cum paucis aliis sumpta est ex commentariis Ambrosii Moralis viri in historia nostræ gentis, sed eruenda Hispaniæ antiquitate im-

mis diligentis & accurati; ad auctorem gratia redeat fidesque: nobis his rebus amplius examinandis otium non erat.

C A P U T . X V .

Pompeius pacat Hispaniam.

SERTORII cæde vulgata magnus suorum gemitus consecutus est: magnaque invidia atque indignatio in Perpennam excitata; resignatis testamenti tabulis, quibus cum inter alios heredem scripserat, & privatim imperii successorem designabat, vehementius aucta est: cum amicitiam perfidia, beneficium maleficio compensasse cum dolore & gemitu reputarent. Quos ille multis in præsentis blandimentis & donis, maioribusque in posterum pollicitis mitigavit; timor præsertim Romanorum, qui concordie vinculum maximum est, compescuit animos: nam ad Pompeii impetus sustinendos, qui Metello Romam profecto factionis reliquias dissipare parabat, Duce aliquo opus habebant: neque melior Perpenna occurrebat Sertorii etiam iudicio atque suffragio. Itaque Perpenna belli administrandi cura suscepta Pompeioque continuo obviam facta, cum non minus suorum virtute quam fide diffideret, ipi consilio certaminis detrectandi initio perstitit: deinde in insidias hostium arte præcipitatus facile victus est: copisque partim caesis, partim dissipatis ex latebris ipse, cum se intra dumeta condidisset, extractus atque

ejus rogatu clementiæ Romanæ spem quamvis ad Pompeium deductus, ejus iussu continuo interfectus est; præcipiti ira an ne proditis defectionis conciliis majore fœvitia grassari necesse esset: nam eo consilio litteras Romanorum ad Sertorium, quibus in Italiam revocabatur, igne cremarat. Omnino Sertorio & Perpenna sublaris brevi universa Hispania ad officium revocata est. Oscanenses, Valentini & Termetini dedicationem secundum hanc victoriam fecerunt. Uxamam imperata facere recusantem Pompeius ipse expugnatam solo aquavit. Calagurtis ab Afranio post diuturnam obsidionem, qua cives consumpto comœatu filiorum & uxorum carnibus fumem tolerarunt, unde proverbio facta fames Calagurrutana, nobilitata est, cum venisset tandem in potestatem ipsa quidem everfa est; cives autem qui supererant ad unum trucidati. Iis exemplis reliquæ urbes & oppida castigata jugum imperii Romanorum brevi omnes accepere: multaque bello peracto trophæa à Pompeio in Pyrenæi montis jugis excitata, commemoratione urbium atque oppidorum, quæ ejus belli progressu in ditionem venerant amplius octingento-

rum

rum in sola Ulteriori Hispania, atque ea Gallie parte unde in Hispaniam transfugerat. Horum trophæorum vestigia circuli ferrei esse creduntur plumbo liquato affixi rupibus decem amplius pedum ambitu, in Andorre & Akavaca Pyrenæi montis vallibus ad hunc usque diem extantes; fornicum triumphalium conjectura huic opinioni favet: ubi ejus formæ circulos nonnunquam trophæis sustentandis erectos fuisse Emeritæ præsertim consideramus. In Vascōnibus condendæ urbis novæ & cognomento suo appellandæ gloriam aucupatus Pompelonem funda-

vit (ex eo quidam Pompeiopolim vocant, Strabo certe Pompelonem quasi Pompeiopolim dictam ait) Navarræ hodie metropolim. Romam tandem profectus una cum Metello de domita Hispania triumphavit, anno ab Urbe condita sexcentesimo octogesimo tertio, quo tempore nonnulli poetæ Cordubenses Romæ vixerunt crassum, ut Cicero scribit, sonantes non magis nationis culpa quam temporum vitio. Sane iis Metellus multum & familiariter utebatur, eosque fortassis ex Hispania decedens secum in urbem deduxerat.

CAPUT XVI.

C. Julius Cæsar venit in Hispaniam.

⁶³⁷ ANNUM circiter ab Urbe condita sexcentesimo octogesimo quinto, Julius Cæsar Quæstoris munere in Hispaniam venit Antistio Pratori socius. Plutarchus Tuberoni ait, vitiata, ut putamus lectione pro Turpione, Antistiorum videlicet cognomento usitato. Omnino populi Romani mandato conventus jure dicendo cum inviseret, ut quid de rerum statu videretur, senatui referret, Gadeis delatus propter ejus infusæ celebritatem; in Herculis templo ad visam Alexandri Macedonis statuam ingemuisse fertur: quod ea ætate, qua Alexander orbem terrarum armis subegisset, nullum rerum ab ipso gestarum monumentum extaret. Ea æmulatione incitatus & somnio in Urbe erectus, quo matri stuprum offerre sibi videbatur, (& vates orbis imperium atque Urbis ex eo denunciabant,) ad captandas novas spes missione ante tempus impetrata in Urbem fuit revocatus. Cæsare digresso atque ab ⁶³⁹ Urbe condita anno sexcentesimo octogesimo nono. Gn. Calphurnius Piso, qui cum extraordinaria potestate res gerebat in Hispania Citeriori, noctu à quibusdam equitibus Hispanis obruncatus est, scelus vindictæ, an in Pompeii gratiam: qui opprimendi Pisonis omnes artes quærebat, eoque auctore per speciem honoris erat in Hispaniam amandatus. Quadriennio exacto atque ab Urbe ⁶⁴³ condita anno sexcentesimo nonagesimo tertio, Consulibus M. Pupio Pisone, & M. Valerio Messala: qui annus ante Chris-

Tom. I.

ti Dei ortum salutarem octavus & sexagesimus præcisè fuit, Cæsar rursus in Hispaniam Prætor venit, atque initio Herminiorum montium accolæ Durio & Minio annibus circumfluos, quoniam ex iis locis variæ prædonum manus Lusitanæ & Baticæ oram latrociniis infestabant, locorum notitia & munitione confisæ, cum sponte detrectarent, malo compulsi in loca plana domicilia transferre. Præterea iis finitimi cum exemplo severitatis castigati Durio transmissio novas sedes populariter petere constituisent, à Cæsare occupata fuga, victi prælio atque domiti sunt. Multæ Lusitanorum urbes & oppida direpta, multæ ex deditione venerunt in potestatem. Herminii quoniam ab imperio rebellabant, denuo bello petiti, victique acie atque ex fuga in vicinam littoris insulam compulsi sunt: ex earum fortasse numero quæ Bæjonæ objectæ ab ea urbe vulgo nomen habent, antiquis Albanum & Lancia, communi nomine Cincie erant, quod hodie etiam nomen retinent. Ad eorum hominum stirpem delendam missus est à Cæsare Dux cum copiarum parte, cujus nomen non proditur, factum Dion tradit; in milites in terram expositos, ipso Duce maris æstu excensione prohibito, Herminii facto impetu facile universos trucidarunt; in eo discrimine P. Scevæ virtus enituit, qui amisso clypeo, multisque vulneribus debilitatus, natatu ad classem evasit. Cæsar ejus

Aa

ejus

ejus ignominia vindicanda studio majori classe comparata, cum ipsemet in insulam transfuisset, brevi hostes & minori virtute & comiteat inopia laborantes afflixit atque peremit. Inde in Calacie litore Brigantinus portus (Cortugnam hodie vocant) pari celeritate est occupatus deditione civium, navium magnitudinem, immensum inflata carbasa, malorumque proceritatem cum admiratione formidantium ab insolenti spectaculo: cum modicis ipsi lembis uti soliti essent carina ex levi materia compacta, reliquo corpore ex viminibus contexto corlisque stipato: ne videlicet aqua pervii essent. Cæsare Pratore provincia optimis insitutis temperata est, ac nomi-

natum Gaditanis ex leges datæ atque sanctæ quas ipsi petissent; denique modus versuris impositus, unde debitori tertia fructuum pars cederet, reliqua creditor perciperet, quæ usuris annumeratis de capite detraheret. His rebus perfectis Romam rediit ad comitia neque expectato successore, & triumphi honore, qui sponte à senatu deferbatur, repudiato, spe videlicet & studio consularis obtinendi. Equinum pullum ex provincia deduxit pedum unguitibus in plures diductis partes, unde aruspices orbis etiam imperium portendi pronuntiabant; vivo solus ipse ulus est cum nullum alium dorso admitteret: mortuo statua Romæ ad Veneris posita ejus jussu recepta vanitate.

C A P U T X V I I

Initium belli civilis in Hispania.

CUM Cæsar Gallia magna ex parte donita adversus Vocontios & Tharvates (hos conjectura est fuisse incolas urbis Turis in provincia Auscitana, Aquitania parte Hispaniæ Citeriori vicina) Crassum misisset: ab iis gentibus Hispani finitimi advocati magna multitudine Pyrenæi juga superarunt. Orofius quinqueaginta millia Cantabros affirmat ivisse in Galliam: & constat eorum potissimum virtute bellum fuisse gestum, Ducibus ex eo numero creatis, qui ex Sertorii disciplina Romanæ militiæ artes edocti magnum in re militari usum habebant, successus adversus fuit, ex Hispanorum numero triginta octo millia cecidisse feruntur. Strabo auctor est Crassum mari in Cassiterides insulas delatum Cronio promontorio objectas, insularum pacis artibus & tranquillitati deditis, nulla difficultate sub imperium misisse. Excepit anno ab Urbe condita sexcentesimo nonagesimo nono, proconsulatus Q. Cæcili, qui biennium Hispaniam gubernavit, & ad Cluniam ubi Romanorum conventus jure dicundo erat, & cujus urbis ruina hodie extant non procul Uxama propeque Corugnam, à Vaccæis insigni prælio superatus magnam inject folicitudinem senatui populoque Romano; prorsus ut Gn. Pompeio cui gra-

tia & auctoritas magna erat in provincia & multæ provincialium clientelæ superiori tempore adjunctæ, res Hispaniæ in quinquennium commendarent anno ab Urbe condita septingentesimo primo. Cæterum cum Julæ nuptiis, quæ Cæsaris filia erat, delinitus totusque uxoris factus in Hispaniam proficisci recusaret, tres Legatos provincie præfecit Petreium, Afranium, & M. Varonem. Afranius Citeriorem Hispaniam tribus legionibus obtinere jussus est. Varro eum Hispaniæ Ulterioris tractum qui Marianis montibus & Anasumine continetur. Petreio reliqua Bætica & Lusitania atque Vectones cum duabus legionibus commendata. Quibus prædiis quasi freno provincialium ferocia cohibita Hispaniæ quidem res, aut tranquille aut modice læcessite fuerunt. Ex Italia autem novi atque exitialis belli occasio nata: cujus flamma Hispanos etiam pervasit. Defuncta Julia, quo uno vinculo Cæsaris & Pompeii voluntates astricte fuerant, nova simulas exorta totum imperium Romanum divisit inter utrumque studii traxit in partes. Regnandi inexthausta aviditas, & incommunicabilis natura potestatis fatalis mali extitit causa; dum Cæsar neminem præferri patitur, Pompeius exæquari aliquem auctoritate detestat. Sane

Sane Cæsar Galliam domita; atque Britanniam terrarum ultimam semel & iterum tentata, æquum postulare videbatur ut legis venia concessa absenti daretur petere consilium. Id grave senatui Romano visum est arma tenentem, unde gradus fieret ad reipublice libertatem opprimendam, summum & maximum ambire magistratum; & erant plerique senatores infecti partibus & in Pompeii favorem inclinabant. Itaque ad illud extremum atque ultimum senatus consultum decursum est, quo nisi rebus desperatis discessum esse nunquam antea constabat. Darent operam Consules Prætores, Tribuni plebis, quique Consules essent ad urbem, ne quid respublica detrimenti caperet. Eo senatus consulto quoniam bellum continebatur, nisi Cæsar qui decennium Galliam tenuerat, ad certam diem copias dimisisset: is re cognita Rulicone fluvio ubi provincia terminabatur, cum exercitu traducto Romam festinare constituit. Pompeius hostis voluntate perspecta & Consules Claudius Marcellus, & Cornelius Lentulus nondum copiis ad resistendum comparatis ex urbe diffugiunt anno 705 ab Urbe condita septingentesimo quinto. Brundisium in extremo Italie angulo sitam elapsi, inde in Macedoniam transmittunt; ut quoniam de Italia & Occidente desperarent, Orientis viribus publicam libertatem tuerentur. Bibulum tamen Rufus à Pompeio, in Hispaniam legatus ejus verbis Afranio, Petreio, atque Varroni imperavit, ut

collatis in unum viribus supremoque conatu Cæsarem provincie delegata adiuta prohiberent. Itaque Varroni Ulterioris Hispanie cura commendata Afranius & Petreius additis ad præsidarias copias ex Celtiberia & cantabria octoginta Cetratorum cohortibus, Ilerdam belli sedem deligunt castris positus citra Sicoris ripam. Ilerda enim in colle arduo sita est, obiecto ad septentrionem tumulo unde tormentis petatur ad munitionis nonnullam injuriam. Orientale latus Sicori aluitur, qui fluvius paulo inferius Cingæ confusus non magno intervallo in Iberum evolvitur. Cæsar Pompeio ex Italia pulso atque rebus urbanis ex sententia compositis Hispanie petende studio, dum ad Massiliam, quæ portas clauderat, moram trahit, cum tribus legionibus Fabium præmittit in Hispaniam. Is Pompeianorum præsidium superato Pyrenæi angustias transgressus atque Ilerdam delatus in hostium conspectu castra posuit Sicori transmisso. Lucanus ex licentia poetica flumen inter utraque castra interjectum fuisse ait; subsecutæ sunt alia legiones & auxilia: sex millia pedites, equites tria millia & par numerus evocatorum ex Gallia nominatim. Nam fama prodierat Pompeium per Africam in Hispaniam festinare, venturumque primoquoque tempore, quod omnino facere debuit, sique rerum peritio suspicabatur, ut nobilissima provincia retenta reliquum bellum majori robore meliorique spe administraret.

CAPUT XVIII.

Pompeiani à Cæsare in Hispania vincti.

CÆSAR Massilia relicta, tandem in Hispaniam delatus, cum Ilerdam in castra pervenisset, bellum cum Pompeianis varia fortuna gestum est: levia sæpe prælia fuerunt meliora serenibus Cæsarianis; deinde pluviarum copia atque nive veris tempore in montibus liquata, Sicoris vehementer auctus duos pontes, quibus Cæsariani supra Ilerdam factis pæbolatum frumentatumque prodire consueverant, disjecit, Cingæ ex altera parte non minore aquarum molem trahente; sic locorum angustias cohibitis Cæsarianis, magna rerum commutatio facta

est, magnaue comeatus inopia in castris esse coepit. Quibus rebus Pompeianorum litteris, rumore, famaue, ut sit, magnificentiis Romam atque in alias provincias perlatis, quasi hoste profligato magnæ gratulationes factæ, multique dubie eatenus atque suspensæ ex fortuna fidei ad Pompeium tanquam re adjudicata profecti sunt: ne videlicet postremi ad ejus partes minori gratia accederent? Verum hæc omnis Pompeianorum læticia atque spes male fundata brevi luxuriavit vanaque evasit. Cæsaris diligentia viginti duobus supra Ilerdam millibus,

Sicori ponte-constrato commensus invec-
tus in castra assatum, & nova auxilia quae
ad Caesarem denuo veniebant ex Gallia
periculo liberata; multae praeterea Hispa-
niae Citerioris urbes Caesari sese adjunxo-
runt: Calagurris cognomento Nafica;
Osea, Tarraco, Ausetani, Lacetani,
Iurgavonenses. Quibus rebus & quo-
niam Sicori in plures rivos diduc-
to, ne tanto circuitu pontem pete-
re esset necesse, Pompeiani metu-
bant, ne à Caesari equitum, qua parte
copiarum ipsi inferiores erant, commen-
sus facultas intercluderetur, fugae consi-
lium captant. Urbano ponte Sicorim
transmittentes, aliquanto circuitu ad Oc-
togesam, quod hodie oppidum Mequi-
nensis esse creditur, viginti ab Ilerda mil-
libus Ibero superato in Interiora Celtibe-
riae penetrare certi, Caesaris celeritate at-
que diligentia praecupatis monium
angustius, qua omnino illis transeundum
erat, ad dedicationis necessitatem sine san-
guine deducti sunt. Caesar omni ratione
in detrectandae pugnae consilio perstitit,
ne quod futurum providebat tanto utrin-
que effuso Romanorum sanguine impe-
rii vires suasque ipsius debilitaret. De-
ditum militem sine multa conservavit,
ultra etiam missione tam exercitae & diu-
turnae militiae concessa (& eas legiones
cumstabat in pacata provincia contra ip-
sum comparatas) insuper si quid amilif-
sent rerum suarum, quod penes ipsius
milites esset, pretio de suo persoluto pris-
tinis dominis reddi mandavit. Sed ut est
prona hominum in deterius persuasio,
non desuere qui crederent proditam pec-
unia Hispaniam: prorsus ut Afranio qui
continuo ad Pompeium navigavit (nam
de Petreio nihil est proditum) ad Phar-
saliam Cato Faonius objiceret: eequid pu-
gnare recusaret contra mercatorem, qui

pretio ab ipsa provincia esset mercatus?
Varro quem in Ulteriori Hispania relic-
tum fuisse est demonstratum, initio ami-
cicia cum Caesare simulata medium se
gesserat: deinde Caesaris angustius ad Iler-
dam nunciatis persona detracta hostilia
palam moliri, bellum comparare, copias
conscribere, triremes Gadibus & Hispali
aedificare. Ad eas res perficiendas pecu-
nia gravissime imperata, ipsum etiam
Herculis Gaditanum templum, quod
sanctitatis opinione celeberrimum erat,
thesauris expilavit. Verum Petreio &
Afranio ad Ilerdam superatis, ipsaque
Caesaris celeritate praecupatus, mili-
tumque magna ex parte defectione ad
Hispalim desertus necessario deditionem
fecit: saluteque concessa naves, pecu-
niam, frumentum, in victoris tradidit
potestatem. Qui conventu prius om-
nium civitatum Cordubae habito & rei-
publicae statu fundato, cum spolia inde
mota thesaurique in Gaditanum templum
essent relata, Gaditanis omnibus proxi-
mia voluntate, qua impositum à Varro-
ne praesidium ultro depulerant, civitatem
dedit. Q. Cassium Longinum cum qua-
tuor legionibus in Hispania Ulteriore re-
liquit. Erat is eo anno Tribunus plebis.
& rerum Hispaniae magnum usum habebat
Gn. Pompeio Proconsule Quaestor
in ea provincia. Rebus sic ordinatis Ca-
sar mari quidem Tarraconem, terra au-
tem inde in Galliam profectus, Romam
cum pervenisset, Lepidum à quo Prato-
re Dictator erat dictus, in Citeriorem
Hispaniam cum potestate amandavit:
annoque sequenti qui fuit ab Urbe con-
dita septingentesimus sextus, Pompeium
prius praelio Pharsalico vicit, deinde in
Aegypto eo casu Regem Ptolemaeum
interfectorem illato bello superavit.

C A P U T XIX.

Longini res gesta in Hispania.

INTEREA novis bellis mota Ulterior
Hispania Longini avaricia atque im-
manitate: quam olim ob causam Pom-
peio res gerente provincialium conjura-
tione salutis periculum adierat vulnere in-
flicto; verum à Caesare iussus in Africam
trajicere adversus Jubam Regem, qui

Pompeii partes sequebatur, hujus ex-
peditionis praetextu tum imperandis tri-
butis, tum plerisque facultate manendi
in Hispania pretio vendita magnam
pecuniam complavit; sedum latroci-
nium peculatumque. Ea re multo-
rum animis exacerbatis in ejus salu-
tem

tem conjuratio facta, L. Recilio & An-
nio Scapula ejus conjurationis princi-
pibus. Minutius Silo specie libelli sup-
plices offerendi primus vulnus infixit,
ceteri ad terram dejectum novis vulneri-
bus deformarunt. Verum militari præ-
sidio accurrente Silo quidem captus est,
Longinus à Succolanubus in lectum de-
ductus, cum vulnera levia essent, mor-
tem evasit. De Silone questiones tor-
mentis habitæ multique conjurationis so-
cii ejus indicio perierunt: quosdam fuga
servavit, aut captos pecuniæ vis maxi-
ma supplicio eripuit. Avaritia in Longi-
ni animo ceteros affectus, tametsi de-
pravatissimi erant, superabat. Interim
à Cæsare allatis litteris victum esse Pom-
peium renunciatum: & nihilominus præ-
textu expeditionis Africanæ copiis ad
fretum Gaditanum missis, cum ipse con-
valuisset, classē invivenda Hispalim pro-
fectus audit, magnam terrestris exerci-
tus partem defecisse Thorio Italicensi
Duce creato. Is quoniam continuo Cor-
dubam petiturus credebatur, M. Mar-
cellus Quæstor ad continendas in officio
civium voluntates urbemque tuendam
premissus, brevi & ipse à Longini auc-
toritate deficiens cum universa civitate
Thorio se adjunxit: eoque concedente,
quoniam potiori auctoritate erat, belli
administrandi præcipuam curam suscepit.
Longinus cum omnia infesta videret, &
castris in conspectu hostium citra Batim
ad Cordubam positis suorum virtute &
voluntate diffideret, Uliam concessit op-
pidum loci natura munitum. Nam in
colle arduo positum est, & hodie Montis
majoris nomen habere putatur vigesimo
ab urbe Corduba lapide. Ad ejus collis

radices castris positus, hostium superven-
tu, cum certamen detrectaret, perpetuo
aggere & fossa circumvallatus est.
Advocavit Longinus Bogudem Regem
ex Mauritania, atque ex Cæteriori Hispa-
nia M. Lepidum, ut quem primum re-
bus inclinatis opem ferrent: si Cæsaris
auctoritatem in provincia salvam cupe-
rent. Bogud prior cum accurrisset, &
Hispanorum qui Longino favebant, de-
lectu auctus aliquoties cum Marcello pu-
gnasset, præliorum eventu vario, non
potuit obsidionem dissipare. Lepido ad-
venienti cuncta sine difficultate cesserunt,
Marcello controversiam arbitrium
ad eum deferente. Longino idem fac-
cere detrectanti, conscientia scelerum an
Lepidi gratiam præoccupatam à Marcello
arbitranti, discedendi quo vellet facul-
tas est data. Itaque Marcellus & Lepi-
dus Cordubam profecti sunt. Longinus
Trebonii successoris adventu renunciato
ad Malacam classe concessa adversis
tempestatibus non procul Iberi ostiis
cum universa pecunia, quam scelere &
rapina paravit, facto naufragio periit.
Consequenti anno qui fuit ab Urbe con-
dita septingentesimus octavus, Lepido
quidem triumphus concessus, Hispaniam
videlicet motibus inter Longinum &
Marcellum pacatis; Marcellus autem de-
fectionis culpam exilii poena luit, haud
diuturni venia à Cæsare facile impetrata,
diversusque ab eo M. Marcello pro quo
conservato Cæsari gratiæ à Cicerone
elegantius imprimis oratione sunt actæ.
Quemadmodum non idem Longinus
est, quem subiecta alteri è lapideis tauris
Guifandi inscriptio continet his verbis:
Longinus Prisco Cæsonio fieri curavit.

CAPUT XX.

Bellum adversus filios Pompeii inchoatum in Hispania.

ERAT Hispania divisa studiis inter
Cæsarem & Pompeium: & plera-
que urbes ad Scipionem in Africam, cu-
jus post interfectum Pompeium præcipua
inter Pompeianos auctoritas erat, missis
legatis postularunt se ut in fidem tutelam-
que reciperet. Missus ex Africa Gn.
Pompeius è filiis Pompeii natu major Ba-
learibus ex itinere occupatis atque Ebu-
so, in ea Insula affecta valetudine ali-

Tom. I.

quandiu moram traxit. Interea Annius
Scapula, nimirum is qui contra Longi-
num conspiravit & Q. Aponius Aulo
Trebonio Proconsule tota provincia pul-
so usque ad Pompeii adventum Pompeia-
nas partes sustentarunt; nec multo post
non modo Gn. Pompeius è morbo re-
creatus sed etiam bello Africano Cæsaris
virtute profligato Scipioneque & Caro-
ne voluntaria morte sublati Sex. Pom-
peius

Bb

peius Gneii frater, Aulus Varus, & Labienus cum exercitus & classis reliquis venerunt in Hispaniam. Gneius totæ provinciæ obitus multas urbes, quæ vil quæ voluntate sub ditionem misit atque in his Cordubam in potestatem rededit: ubi Sexto fratre relicto Uliam obedit Q. Pedio & Q. Fabio Maximo Cæsaris legatis certamen detrectantibus, sustentantibusque usque ad Cæsaris adventum. Nam is quatuor triumphos dum agit in urbem atque reipublicæ perturbata statum componit, venire distulit usque ad sequentis anni initium, qui fuit 799 Urbe condita septingentesimus novus: cum Roma profectus discessus morant celeritate compensare studens septimodecimo die Saguntum & post decem alios dies Obulcum pervenit (hoc hodie oppidum Porcuna vocatur propter Cordubam & Giennium situm). Interea ad fretum Gaditanum à Didio classi pro Cæsare prefecto & Varo Pompeianorum partium prælium navale commissum. Exæquato utrinque damno & pari periculo, Varus in Carteis portum se intulit portus faucibus obiecto ferrea cæne claustris; id signum perculsi fuit, & aliquanto maioris acceptæ cladis. Cordubenses veteti studio, & novo periculo provocati clam per legatos necessitatem excusantes, noctu urbem capi posse docere Pompeianorum vigiliis deceptis. Uliæ etiam missi legati obsidionis angustias & moræ periculum nisi succurreretur declarant. Cæsare anticipari cura distracto, Uliam quidem L. Junius Papius cum sex cohortibus missus turbide noctis beneficio & Pompeii mandatis simulandis per medios hostes in oppidum cum penetrasset, oppidanis cum spe defensionis animos etiam inflammavit. Hunc quidam suspicantur eum Iunium esse, cujus opera forti & fidei Cæsar in Gallia usus ad Ambiorigem legatum non semel de pace misit. Cæsar ergo iussis Pedio & Fabio Legatis ad certam diem sibi cum copiis præsto esse, ad Cordubam castra ponit, tanta ex ea re Sexti formidine, ut Gneium ab Uliæ obsidione, quæ ferme in potestatem venerat, per literas & nuncios revocaret. Verum Gneio, tamen prope castra locatus, in detrectandis certaminis consilio durante Cæsar morbo tentans atque gravatus,

Corduba noctu per occultam tellerem profectioe denunciata, Atteguam versus castra movet. Comitali morbo, cui fuit obnoxius, Cæsarem primum Cordubæ tentans Plautius auctor est: & in ea urbe constat platanum sevisse antiquorum litteris celebratam; utrunque fortassis cum superiori tempore res gereret in Hispania. Attegua sextodecimo ab urbe Corduba lapide sita erat, quoniam loco riuus tantum exiit. Tebæ veteris nomine. In id oppidum Pompeiani frumentum, pecuniam, & bellum instrumentum magna ex parte conulerant: quo Cæsar confidebat aut oppugnando defendendoque, Pompeianos ad pugnam elicere, aut capto multum virum & auctoritatis detrudere. Gneius iisdem rationibus Cæsaris itinere explorato & detrectanda tamen totius pugne certus ad Castra Posthumiana & Atubim (hæc hodie oppida Castrum fluminis, & Spegium sunt) copiis promotis se tenere locorum munitione confisus: deinde transflumen Salsum Atteguæ vicinum (hodie Guadatox vocatur) castra ponere. Sed cum levibus præliis fortuna tenata incommodum esset acceptum, desperata oppidi defensione, Cordubam quidem ipse repetit: ex oppido autem missi sunt ad Cæsarem de deditione facienda legati vano conatu, cum pacis leges afferrent quas à victoribus dici, accipi à victis æquius fore Cæsar prædicabat. Exacerbatis responso militibus in eos, qui ad Cæsaris fedus erant propensi sevitum est. In quo Numasii Flacci Praefecti factum prætereundum non est propter ejus nefariam ac singularem crudelitatem. Omnes ejus oppidi cives Cæsari studentes peremptos è muris præcipitavit, feminis etiam citatis nominibus virorum, qui in Cæsaris castris erant, præterea in ipsarum brachiis liberos trucidavit, infantes alios in oculis parentum humo regi, aut pilis excipere iussit, auditu intolerabilis quam fere truculentior rabies. Nihil ea sevitia profectum. Ad undecimum Kalen. Martii Attegua venit in potestatem ab oppidanis deditione facta ad Cæsaris voluntatem; oppidanos conservatos, atque Numasii immanitatem vindictam, etsi historice sileant verisimile est. Atubi deinde incensa, atque multis tractu oppidis aut vi aut voluntate

luntate subjugatis, Mundam Cæsaris castra promota. Erat ea urbs Pompeiana; partim in edito colle viginti millibus Malaca distans, modico præterfluentis amne, quem læta planities excipit: amenitate & ubertate præcipua, olim nobilibus civitas, nunc exiguum oppidum antiquo retento nomine. Ad eam urbem supremo utrinque consatu pugnatum est. Cæsar suorum numero & victorie potior erat, Gneius loci natura confusus atque loco superiori, in vicino colle castris collocatis. Explicatur utrinque acies: nec majori mole unquam occursum est nec magis ambiguo Marte; sinistra utrinque cornus superata in fugamque conversa; prælium varium, anceps, atrox fuit, multum effunditur sanguinis, sternitur cadaveribus campus. Adventu Cæsaris, cura se in pedes coniecisset & arripito militari clypeo, inter primos pugnaret multis à fuga suam manu retentis, prælium locis omnibus

restitutum & victoria parta est. Triginta millia pedites à Pompeianis ceciderunt, equites tria millia: in his Varus & Labienus; sedecim legionum aquila capta; à Cæsarianis mille milites, & in his promptissimus quisque desiderati sunt; quingenti vulnerati: victoria præcipua laus penes Bogudem Regem stetit, (nam is & Bochas Afri Reges Cæsaris partes adjuvabant): Pompeianorum castris, qua modico præsidio tenebantur, in ipso prælii ardore occupatis, quocum se Labienus raptim propinquisset, ceteri fugam interpretantes abjecta victoria spe hosti terga dederunt. Pugnatum est septimo decimo die Martii, quo die Romæ Bacchanalia celebrabant; & harum rerum cupiosi notabant, eodem ante annos quatuor die à Pompeio Italia deserta in Græciam fuisse trajectum. Cum Cæsar de hoc prælio loqueretur, sæpe se pro gloria: in die prævia pugnas se dicebat.

CAPUT XXI.

Cæsar Romam revertitur.

GNEIUS postquam ad Mundam male pugnatam erat, cum vulnere in humero accepto Cartæiam fugam evasisset, civium voluntate diffusus & cedendi in Citeriorem Hispaniam consiliis, ubi magne clientelæ erant & multorum propensæ voluntates, chassem conscendit, quam ad omnes casus paratum habebat: verum ex iactatione maris vulnere recrudescente quarto post die in litus descendens cum lætica gestibus latebras capta, fugientis vestigia insequentibus mari quidem Didio, terra autem Cæsonio Cæsaris iussu, intra specum ubi se considerat comprehensus obtruncatusque est. Florus pugnasle affirmat & prope Lauronam cecidisse, quod hodie oppidum Lyria sive Laurigi esse creditur. Ejus naves à Didio partim capte partim incense. Sextus frater ad nuncium adversi prælii, cum de Cordubæ defensione sine exercitu desperaret, & iis locis nihil tutum fore putaret, cunctis eo propensis humani ingenii vitio quo fortunam videbant inclinasse, procul in Citeriorem Hispaniam abiit. Scapula ex prælio Cordu-

bam rediens voluntarii mortem sibi conscivit servorum ferro post funereas epulas, cum se solito liberias inviasset. Cæsar Q. Fabio ad Mundæ obsidionem relicto cum parte exercitus, Cordubæ per vim expugnata in adversæ factionis cives grassatus viginti duo millia trucidavit. Mox ejus urbs statu composito præbe Idus Aprilis, cum Hispalem peteret, Gneii caput allatum est, tantis rebus admiranda celeritate intra breve tempus peractis atque confectis, & est bello civili factio magis quam consulto opus, nihilque festinatione salutaris. Pari felicitate Hispali venit in potestatem, & Pompeianis deinde tumultuantibus rursus ad officium revocata, ad quartum Idus Augusti ut in vetustis Calendariis Romanis annotatur. Hispali exemplo, tum alia eo tractu oppida deditionem fecerunt, tum Asta urbs: olim quidem octo millibus Cæsariano distita ad Lethim fluvium, nunc autem vastus locus antiquam tantum appellationem retinet. Q. Fabius Mundam aliquot mensium obsidione sessa atque expugnata Ursonem, hodie Ossonam,

nam, præterea redegit in potestatem, vi an voluntate incertum monumentis vetustatis vitatis. Omnino Cæsar Hispaniæ universæ motibus compressis & reipublicæ statu composito, cum tributis imperandis, atque multis publice & privatim indicendis, honoribusque & magistratibus venalibus ingentem pecuniam corrasisset, ac ne à templo quidem Herculis Gaditano, cui superiori tempore ppercerat, manus abstinuisset, dona auro & argento gravia abstulit minori cura religionis inter prospera; evoluta æstate atque præcipiti autumno ex Hispania discedens Romam Octobri mense pervenit; rebus gerendis in Hispania præfecit: in Ulteriore quidem Asinium Pollionem eum, cujus filii Saloniini ortum Virgilius Sibyllæ carmine celebravit: in Citeriori autem M. Lepidum, adjuncta præterea Narbonensi Gallia. Quo ex tempore quidam con-

jectura potius quam certa ratione suspicantur Cordubæ coloniam Patritiæ nomen & honorem accessisse. Constat tamen Augusti imperio, ut monetæ indicant, eam appellationem habuisse. Sane multis oppidis & urbibus, tota Hispania in victoris assentionem effusa, nomina facta Attubi claritatis Juliæ, Eboræ in Lusitania libertatis Juliæ. Calagurris cognomento Naffica Juliæ appellationem accepit. Sexi ex hoc tempore Firmium Julium nuncupatum Illiturgis forum Julium. Eniporitani demum veteri dissidio Græcorum & Hispanorum sublato in Romanos mores, linguam & jura concessere coloniam nomine & honore aucti. Extant hujus belli monumenta pluribus in Hispania locis & Elboræ in Carpetanis muri parte exadversum D. Petri hæc incisa sunt verba. Gn. Pompeio Magni Pom. F. nam cætera vetustate corrupta sunt.

C A P U T XXII.

Cæsare occiso novi motus in Hispania.

CÆSAR in senatu tribus & viginti vulneribus à conjuratis in ejus necem, Romæ confossus est Martii Idibus sequentis anni, qui fuit ab Urbe condita septingentesimus decimus; unde Octavianus Augusti successoris, imperii annos quidam numerant, plerique proximo anno faciunt cum decimo Kalen: Octobris in C. Vibii Pansæ locum auctore Dione Consul est subrogatus ætatis lege soluta. In Hispania Pollio, qui latrocinii sublati montium Marianorum, ubi præcipua licentia grassabantur, itinera aperuerat, studio nascentis in republica libertatis, in Cordubensi conventu professus se in senatus potestate futurum, aliquam fessis rebus lucem polliceri visus est; ni Sex. Pompeius temporum perturbatione ad occasionem factionis instaurandæ usus; se è latebris proripuisset, ubi se eatenus inter Lacetanos continuaverat. Itaque ejus gentis delectu habito, & novis indies auxiliis firmior, cum legione una Carthaginem delatus in eo tractu Vergim (hæc hodie Vera aut Vergia esse creditur) cum expugnasset, magna rerum & animorum commutatio facta est, Pompeianorum factione resurgente, & majores col-

ligente vires, quæ paulo ante extincta esse videbatur. Nam pari felicitate Bætica omnis accessit Pollione insigni prælio superato. Magno ad victoriam adjumento (ut parvi sæpe casus magnarum rerum momentum afferunt) Pollionis paludamentum fuit, forte in ipso conflictu cadens an projectum laetendi studio; eo enim à militibus perspecto, qui integri Pompeianorum impetum sustinebant, Ducem sublatum putantibus animi conciderunt. Eos motus & provinciæ ad Pompeium propensas voluntates Lepidi adventus compescuit sanavitque, Sexto persuaso uti pecunia, quam in Hispania pararat, comportata, ad paternam amplitudinem & hæreditatem libertatis beneficio concessam Hispania deserta in Urbem festinare. Et erant res non minus in Italia turbatæ, M. Antonio, qui anno superiori consulatum tenuerat, opprimente libertatem; cui Romanus senatus exitiali consilio Octavianum objecerat Julie nepotem, quæ Cæsaris soror erat. Is Pompeiorum bello posteriori avunculum in Hispaniam secutus prima militiæ rudimenta in ea provincia posuerat vix decem & octo natus annos; & bello profligato Athenas

Athenas concesserat excolendi ingenii litteris & humanitate cupidus. Unde Cæsaris morte nunciata in Urbem revocatus, multorum studiis ob Cæsaris memoriam adjutus M. Antonium, qui ad Mutinam D. Brutum Consulem designatum obsidione premebat collatis signis superavit: atque Galliam ex fuga petere compulit. Ibi M. Lepido conciliato & per eum Octaviano in fœdus attracto Trimviratus constitutus est imperii nempe provinciis trifariam divisus. Le-

pido Gallia Narbonensis & Hispania omnis concessa. Antonio reliqua Gallia Italiam, Africam, Siciliam atque Sardiniam Octavianus obtinuit; nam Orientis provincias Cassius & Brutus præcipui Cæsaris interfectores occupant; excepit carnificina plerisque civibus & Senatoribus Romanis proscriptis; in hoc numero Cicero sexaginta tres natus annos Popillii Tribuni militum ferro occubuit, quem ipse in iudicio defenderrat de parricidio postulatam.

CAPUT XXIII.

Eræ ratio.

OPPRESSA rursus ad hunc modum Romæ Urbis libertate, post confectum Octaviani diligentia bellum Perusinum, nova provinciarum inter Triumviros partitio facta est, anno ab Urbe condita septingentesimo quattodecimo: Hispaniaque omnis in Octaviani jus ditionemque concessit, Coss. G. N. Domitio Calvino & C. Asinio Pollione. Quo ex anno Hispani coeperunt annorum numerum & computationem inchoare, eam quam Eræ Domini, aut Eræ Cæsaris dicere consueverunt, tum in historia, actionum formulis, atque priscis conventuum ecclesiasticorum actis: tum privatim in sermone familiari. Adjunguntur nonnunquam anni à Christi ortu saluari, octo & triginta annorum à priori computandi ratione intervallo discrepantes paucioresque. Ita annus Christi primus Eræ Cæsaris nonus & trigessimus fuit. Nam quod Joannes Margaritus Gerundenfis Antistes sex & viginti annis tantum ante Christi ortum Eræ Cæsaris auspiciatur, in eo quid secutus fuerit facilius est conjicere, quam certa aliqua ratione pronunciare, cum aliorum omnium opinio resistat; & forte Ægyptiorum computationem, de qua mox sermo recurret, cum Hispanica confudit similitudine falsus, quoniam ea etiam gens ab Augusti imperio annos numerare coepit. Hujus supputationis & causam & nomen declarare promptum non est, in tanta sententiarum & judiciorum hac de re varietate. Auctores numero & auctoritate potiores, & doctrinæ opinione clari, atque in hoc numero Dion, hoc ipso anno affirmant post

bellum Perusinum L. Antonio devicto M. Antonii fratre, novam provinciarum partitionem inter Triumviros factam: & oppressa penitus atque convulsa Romanæ reipublicæ libertate, uti paulo ante dictum est, Hispaniæ imperium M. Lepido collega concedente, cui in priori partitione obvenerat, Octavio Cæsari cefsisse, Lepido Africam. Unde quod Antiochenos secutos fuisse memoriæ proditum est, idemque Ægyptios sublata post undecim annos Cleopatra usurpasse, ut ab Augusti imperio annorum numerum & rationem inchoarent: idem sibi faciendum esse judicavit Hispania, pro ingenio mortalium novi Principis obsequio delinita & in assentationem effusa. Hac de Hispanicæ computationis initio. De Eræ voce pauca. Eræ Lucillio & Ciceroni ea capita rationarii sunt, unde dati & accepti universa summa constatur; inde traducta vox est ad librorum capita, & legum numerum designandum; quod in Isidori libris & Gothicis legibus non uno loco facilitatum observamus. Ab hoc initio extensa amplius ejus vocis significatione, summam quanque rationem temporis, atque adeo promiscue tempus quodcumque numerumque Eræ nomine designare, atque intelligere coeperunt homines præsertim Hispani, tum Latino sermone, tum maxime lingua vulgari, quæ ex Romana proculdubio nominis argumento, atque ex vocatione asinitate certissima conjectura manavit. Hildericus etiam Gallus æqualis Isidoro, Eræ dierum dixit pro numeris dierum; & inter astrologos Eras nonnulli vocarunt tempora seu fundamenta illa & positionem

Cc

altro-

Tom. I.

astrorum (unde rationes temporum derivantur) ad quæ celestium corporum motus revocantur dirigunturque. Errant ergo quicunque ex Isidori testimonio atque auctoritate, qui cæteros in errorem induxit; Eram putarunt ab ære dictam: quod eo anno, unde tota hæc supputatio inchoatur, Cæsar Augustus primum tota Romana ditione tributum imperasset cunctis mortalibus relatis in ærarios; nam neque scribenda ejus vocis ratio cum ea notatione consentit, neque eo anno, unde Eram Cæsaris inchoamus, novum vectigal imperatum provinciis invenimus. Sane hæc supputandi ratio, anno silutis millesimo trecentesimo octogesimo tertio Segobiz, ubi conventus Principum habiti sunt Joanne ejus nomine primo Castellæ Rege, antiquata est, atque ad Christi ortum revocata; quod paulo ante fecerant Valentinus; Lusitani non multo post imitati sunt, exemplo aliarum provinciarum; uti Justiniani Imperatoris ætate Dionysius Abbas Romanus sublatis aliis supputandi rationibus excogitasse primus, atque invenisse in rempublicam Christianam memoratur. Prorsus Domitii Calvini & Asinii Pollionis Cons. Cornelius Balbus Gadicitanus Consul fuisse est; quod ante eam diem constabat nullo externo homini contigisse; ut Romæ consulatum obtineret. Erat Cornelius Balbus alterius Cornelii Balbi propinquus, quem Gn. Pompeius Sertorii bello peracto in Urbem secum ex Hispania deduxerat. Præterea Domitius Calvinus post quinquennium, annoque ante Christi ortum tertio & trigesimo, gesta Hispania ex proconsulatu de victis Ceretanis ad Pyrenæi montis radices, ubi nunc Cerdania sita est, Romæ

triumphavit, Rebus mox inter Triumphos turbatis, novis motibus Hispania est implicata. Etenim post Juli Cæsaris necem renascente Romanæ reipublicæ libertate Sex. Pompeius in patriam possimino redux Romanæ classis præfectus, de nio à Triumviris oppressa republica Siciliam occupavit; unde Octavii & Lepidi armis cum depulsus esset, ejus insule possessione atque adeo totius Africæ Lepido ad Messaniam à suis deserto atque in ordinem redacto Octavius auctus tot provinciis occupatis quasi victoriæ præmium Antonii collegæ, qui Orientis provincias obtinebat, animum exulceravit. Ab his initiis re ad bellum deducta, & Antonio ad Actium superato, Octavius solus rerum potitus est, anno ante Christum natum vigesimo octavo; & qui à patre Octavius, ab avunculo Cæsar dictus erat, à senatu Augustus est salutat, pace restituta, quasi de celo lapsus, & supra homines visus. Id nomen Sex. Pacuvius Tribunus plebis consecravit, hoc est, viventi divinos honores decrevit, more ex Hispania translato, ut Dion auctor est. Hujus belli civilis progressu Bogud Mauritaniz Rex ex Africa transfudit in Hispaniam, M. Antonii videlicet partes sectatus; unde non minori accepto quam illato detrimento repulsus est. Nec multo post, octavo nimirum Augusti consulatu, atque anno ante Christum natum vigesimo quinto, viam publicam Corduba Astigim ipsumque Oceani litus lapidibus constritam esse indicio est columna ex marmore subviridi, quæ hodie Cordubæ in cœnobio Franciscanorum visitur, Augusti nomine inciso, & milliarium centum viginti unius numero expresso, ex quanto spatio Corduba distat à mari, his verbis.

IMP. CÆSAR. DIVI.
F. AVGVSTVS. COS.
VIII. TRIB. POTEST.
XXI. PONT. MAX. A.
BAETE. ET. IANO.
AVGVSTO. AD.
OCEANVM.
CXXI.

CONSTANTIÆ
ÆTERNITATI.
QVE. AVGVST.

Hoc Jani templum, ubi nunc est Corduba, fuisse creditur, pacis fundatum æternum monumentum ab Augusto constitutum. Verum hæc conjectura sunt. Exceperunt Cantabrorum, Asturum, atque Vaccæorum motus Statilii Tauri diligentia & virtute compositi, fortassis cum legatus esset C. Norbani, quem de Hispania per hæc tempora triumphasse constat. Unde Cantabrigi belli initium sumunt, qui ex Orosii auctoritate toto quinquennio durasse ajunt. Omnino forma antiqua Hispaniæ gubernanda commutata per hæc tempora, in locum Prætorum & Proconsulum Legati consulares

missi sunt exemplo aliarum provinciarum; argumento sunt veteres lapides in quibus consularis vox expressa cernitur. Ad hæc divisus inter senatum & Augustum ejus voluntate imperii provinciis, Bætica tantum in Hispania senatui cedit: unde Ulterior Hispania deinceps duos magistratus habuit, in Bætica unum, alterum in Lusitania. Hispani pace imperio rediti, cum multæ Romanorum colonie tota Hispania constitutæ essent, in mores & linguam Romanam veteribus paulatim antiquatis abierunt, auctore Strabone.

CAPUT XXIV.

Bellum Cantabricum.

REATUS ad hunc modum stantibus, quiescebat Hispania bellis fessa, viris, opibus, & fama florens: cum novum bellum opinione majus, diuturnum, atque atrox, exortum est, initio à Cantabris factio, gente eatenus non plane à Romanis domita sub imperiumque missa propter animorum ferociam iis hominibus innatam præ cæteris Hispaniæ nationibus: & quoniam locis asperis, & inaccessis montibus habitant, laborum sunt patientissimi, procul à cultu atque humanitate reliquæ Hispaniæ. Cantabris Austrigones ad Ortum, ad Occasum Lungones finitimos Ptolemæus quidem facit: ad Septentriones Oceano Cantabrico; ad Meridiem Iberi fontibus terminat angustis finibus, neque Pyrenæi montis iuga attingentes; præcipue oppida Juliobriga, Vescicaque. Ab aliis appellatione; ut sit, inerrante extensioque Cantabriæ; vicinos populos ad fines Aquitanie Pyrenæo monte terminate, eo nomine comprehensos, haud levis argumentum sunt, uti alio loco est demonstratum; & bello Cantabrico locorum & oppidorum nomina, ad quæ id bellum gestum est, extra angustos illos fines fuisse Cantabros extensos satis declarant, uti locis competentibus est indicandum. Agrestes homines ingenio, moribus sine more, pecunie nullo usu; aurum atque argentum propitius an infensus Deus negaverit, dubitatur. Mulieribus juxta ac viris robur est corporis; caput integumentis

in varias species conformata: neque iis absumilia, quibus scæmina in Cantabria utuntur nostra ætate. Agros ipsa exercere: à partu viris ministrare consueverunt, earum vice decumbentibus: quem morem ad nostram ætatem in Brasilia retineri fama fert, & multorum testimonia confirmant. Choreas pedibus, & digitorum sonitu, crocalisque plaudere, virgines elocare dote ab sponso data, veneno parato vim allaram morte evadere, constanti homines ingenio, & adversus mala pervicaci; cujus rei magna documenta hujus belli tempore extiterunt. Ergo ii Asturibus & Calacis ad arma excitis, finitimos Vaccæorum agros, qui in Romani imperii fide erant, illato bello vastantes, magnam non tantum provincialibus formidinem incusserunt, sed & ipsi Augusto curam, ne ab iis initiis majori mole bellum existeret, quam ut facile restinguji posset. Omnino Illyrico & Pannonia, ubi motus erant, neglectis, veniendum sibi in Hispaniam judicavit: Jani templi valvis reclusis, quæ paulo ante fuerant obsecrate, tertio nimirum ex quo tempore Romana Urbis fundamenta jacta erant; semel enim Nummæ regno, iterum peracto primo bello Punico, id templum clausum fuerat: demum M. Antonio ad Actium superato navali prælio: nam toties Romanorum arma quieverant. Augusti adventu novis delectibus numerosus exercitus confectus est. Romanorum castra

ad Segisamam posita: quod hodie oppidum Beisama esse creditur in Guipuscoa, præter Azpeitiam & Tolosam. Copiis trifariam divisus uno tempore totus ille tractus militibus occupatus est, haud latissimus spatii. Cantabri diffusi viribus, adversus eam tempestatem locis præruptis se tenere: in quas fortunas, uxores & filios contulerant: inde eruptione pugnare: neque totius certaminis facere hosti potestatem; bellum ducebatur, & opinione diuturnius futurum erat. Augustus mora tædio, & ex locorum asperitate, aerisque intemperie, atræ bilis morbo tentatus, Tarraconem rediit, belli gerendi cura Legatis demandata. C. Antistius, & P. Firmius Calæcos impugnandos sibi sumpserunt: P. Carisius Astures, haud minori ferocia quam Cantabri, neque moribus multum discrepantibus. Imperii summa ad M. Agrippam redibat: præcipua tum apud Imperatorem gratia, & ejusdem postmodum generum, Julia uxore Augusti filia. Is rei frumentariæ inopiam, qua propter locorum sterilitatem anguste utebantur, navibus ex mari Britannico, & Armorico contractis, sublevandam curavit. Simul ea classe Cantabriam à mari obsedit: ne fugæ facultas miseris esset, comparandive aliunde comatus. His Cantabri circumventi malis, & suprema annonæ angustia laborantes, prælii fortunam tentare ausi ad Vellicam (quæ Victoria Vellica esse quibusdam creditur, sed regionum intervalla arguunt) primo impetu cæsi, disjectique Romanorum virtute sunt; ut quibus temere collectis, non castra; non Ducem agnoscentibus, neque in victoria decus esset, neque in fuga flagitium: sibi quisque Dux adhortatorque erat, & magis desperatione animum, quam vincendi spe percellabantur. Ab Oceani litore Hirminus mons (Latini Vinnium dicunt) in sublime erigitur arduo ascensu, Segisamam proximus, tantæque altitudine, ut è fastigio in Cantabriæ, atque Galliæ littora despectus sit. Ejus montis vicinitas & asperitas multis eo confugientibus saluti fuit. Sed Romani tamen descendere non sperantes, veritque cum locorum iniquitate, & desperato hominum genere una pugnare, præfidiis atque operibus

circumvallarunt: eoquæ calamitosam gentem redegerunt, ut cum illi omnem serviendi conditionem recusarent malis ferociore facti, & hi turpe ducerent ab inermi hominum genere ludibrio haberi populi Romani maiestatem, plerisque fames consumpserit: quidam etiam sibi ipsis attulerint manus, turpi vita mortem potiore existimantes: Aracillum (quod oppidum infra Beisamam est, & Arrexil hodie vocatur) post longam obsidionem Romanis expugnatum, excisumque est. Dum hæc in Cantabria geruntur, Antistius & Firmius Calæcos bello vexabant, & Medulæ montis fastigio obfesso, ubi se magno numero hostis tenebat, circumducta fossa quindecim millium spatii, victoriæ salutisque spe omni sublata, non minori quam Cantabri oblatione, alii ferro, alii ex tiliâ potionem temperata (quæ arbor venenata est) sibi mortem conscivere. Meduliam montem, non nemo Menduriam nostræ ætate esse ait, in Cantabria nobilem præruptumque: si credi par est, Calæcos propriis finibus relictis, in alienis cum Romanis consensuisse manus. Orosius certe Meduliam montem, ad quem Calæci confugerunt, Minio flumini imminere ait. Astures haud meliori fortuna bellum administrabant, quod Carisii ductu gerebatur: castris enim ii positis ad Asturam amnem, unde regioni nomen, cum divis trifariam copiis Romanos securos opprimere cogitarent, à Tregecinis sociis ac confederatis prodito consilio, inopnantes ipsi oppressi à Carisio sunt. Fuga qui potuerunt evadere, Lanciam iis locis sitam urbem, ubi nunc Ovetum cernitur, se receperunt: quoniam armis non successerat, moenium munitione bellum defendere cogitantes; diu obsidio tenuit: nostros desperatio agebat præcipientes, acre in periculo telum. Romanis genere profligato cessare. Victa tamen diuturnis malis gentis constantia, urbe dedita, leges & magistratus accepere, exemplo Cantabrorum, atque Calæcorum in formam provinciæ ea regione redacta. Et Augustus bello confecto in Cantabriam rediens, multitudinem conservatam, ne locorum asperitate consili imperata deinceps facere recusarent,

farent, ex præruptis locis deductam, in planicie domicilia collocare mandavit. Obsidum certus numerus imperatus, multique sub corona venditi, quorum major noxa erat, animus præfractions. His rebus Romæ renunciatis, supplicationes habitæ ad omnia pulvinaria, triumphusque Augustus decretus est, ob domitam penitus Hispaniam, multo quam antea clariori, anno centesimo nonagesimo octavo, ex quo primum Gn. Cæpione Calvo consule Romanorum arma in Hispaniam sunt illata: quantum tempus nulla subigenda Romani imperii provincia consumptum fuisse constabat. Triumphi quidem quamvis ultro delatum honorem Augustus repudiavit, ludi tamen in castris commissi M. Marcelli, & Tiberii Neronis, qui bello Cantabrico Tribunus militum fuerat, ductu. Romæ Jani templum quarto clausum est, quasi pacata penitus Hispania, diuturnam imperio tranquillitatem, rebus suis securitatem Augusto Imperatore pollicito. Emeritæ militiæ milites in Væstionibus extremaque Lusitania collocati, colonia constituta Augustæ Emeritæ nomine, præterfluente Ana flumine in paucis nobilissimo. Quæ civitas præcis temporibus frequentia, amplitudine, copiis, auctoritate, tum civili, tum sacra cum præcipuis Hispaniæ urbibus de principatu certabat, Lusitanie caput: unde & Magnæ Emeritæ nomen tulit. Rasis Arabs effusus ingenii copiis, multa ac pene incredibilia de ejus urbis magnificentia, elegantiaque prædicat, à Mauris everfam affirmans, quo tempore imperio subdiderunt Hispaniam. Ejus colonizæ deducendæ constituendæque curam Carisio demandatam, indicio est moneta, altera ex parte Augusti, altera Carisii atque Emeritæ nominibus expressis. Et passim reperiuntur moneta P. Carisii nomine in Hispania. Dion perpetuo T. Carisium vocat, fortassis librarium incuria, voce depravata. Ea Augustii adventus, ac confecti belli monumenta fuerunt. Accessere alia; ad Iberi ripam, quo loco Salduba oppidum olim situm erat, colonia Cæsaraugusta fundata est. Præterea Pax Augusta in extrema Lusitania, quam hodie urbem corrupta voce Badajoz vulgus nuncupat, ad fines Portugaliz Episcopi sede & sua

Tom. I.

vetustate nobilem. Bracaræ ex hoc tempore Augustæ nomen est additum; Augustobriga in Celtiberis condita, ubi nunc pagus est Murus nomine, Agredæ proximus ad quartum lapidem; tum altera eodem nomine, non procul templo Guadalupeo: quibus in locis Pedrosus pagus cernitur, antiquitatis vestigia non obscura retinens. Aræ demum Sextianæ, Melæ, Plinii & Ptolemæi litteris celebratæ, atque in honorem Augusti in Asturibus constitutæ in peninsula pyramidum forma, cochlea ab imo ad summum pertinente quibusdam creditæ sunt, hujus belli monumenta fuisse (vestigia earum, ad oppidum Gegionem ab Ovetto viginti millibus passuum extare affirmant) conjectura neque contemnenda prorsus, neque prorsus constanti, cum alii Aras Sextianas à Sexto Apuleio excitas malint: eo quem ante paucos annos de Hispania triumphasse paulo superius dictum est. Augusto Tarracone moram trahente, tum octavus & novus consulatus est datus, tum legati Indorum, atque Scytharum venerunt, de pace interpellatum, quem de fama notum revereri, atque armare cœperant, quæ maxima gloria fuit. Ex ea urbe Romam profectus quinto anno ex quo id bellum cœptum erat, præsidii causâ ex cohorte Calagurritana milites Hispanos, quos fidelissimos erat expertus, secum deduxit. Ejus discessu Cantabri & Astures inquietum hominum genus, nondumque superioribus malis fracti, denuo rebellandi consilio inter se communicato, bellum instaurarunt, non minori quam antea conatu. Vana est sine viribus audacia. L. Emilii, & P. Carisii virtute primum, deinde C. Furnii dexteritate, magna eorum parte consumpta, ceteri domiti sunt. Servitutis odio, & Romanorum crudelitatem plerique veriti, sibi mortem consciverunt, tanta animorum rabie, ut matres ne in hostium potestatem capti venirent, filios premerint: puer quidam patris jussu, eum, matremque, ac fratres captivos vinculisque adstrictos, serro necaverit. Latini alii cum in manus hostium venissent, cantantesque crucem subirent, gloriosum existimantes pro libertate vitam finire; pars etiam victorum jussu in servitu-

DD

virtu-

vitutem abstracti, ex composito heris occisis, montiumque jugis occupatis, latronum in morem finitimos populos ad belli societatem excitare non desistebant. Ad hos motus M. Agrippa Augusti gener, è Gallia, ubi res gerebat, in Hispaniam necessario evocatus, non semel cum obstinato hominum genere adversù praelii fortuna conflixit. Legionem penes quam accepti detrimenti major culpa erat, integram ignominia notavit Augustæ nomine, quo vocabatur, detracto. Eo supplicio cæteris cautiorebus, victor tandem eos motus penitus pacavit. Cæsi omnes qui arma gestare poterant, reliquæ multitudini in planiciem domicilia transferre iussit, arma etiam detracta sunt. Sic rebellandi denuo sublata facultate, ægre, sed quievit tandem. Pro his rebus oblatum à senatu triumphi honorem, Augusti foci exemplo repudiavit: & Romam reversus in campi Martii porticu Hispaniæ regiones describendas curavit, Bæticæ mensuris haud satis ad veritatem directis; auctor est Plinius. Hæc in Hispania. Romæ Cornelius Balbus Gaditanus is quem Consulem fuisse diximus, de Garamantibus triumphavit; primus externi sanguinis cum honorem adeptus, privatorum postremus; nam republica ad unius potestatem revocata, Imperatores tantum, aut Imperatorum

propinqui, Romæ consequenti tempore de victis gentibus triumpharunt; & triumphorum apparatus ab sano initio in insaniam vix magnis imperiis tolerabilem venerat. Cæteris ejus honoris vicaria triumphalia ornamenta concessa: trabea, laurea, sella curulis, eburneus baculus. Sunt qui post hoc tempus novos Cantabrorum motus extitisse confirmant, legatosque venia impetranda, factoque excusando Romam missos per Italiæ urbes dissipatos reditus in patriam spe sublata, sibi ad unum attulisse manus. In tam rudibus ingeniis, tantaque ferocia, nonnulli Hispani extiterunt, humanitatis studiis clari, atque præstantes. C. Julius Higinus Augusti libertus, & Porcius Latro magnam laudem ex artis oratoriæ professione consecutus, Senecæ familiaris, ejus qui philosophus dictus est, patri, Romæ clari habitus sunt: patriumque Hispaniæ solum eruditionis nomine illustrarunt. Volumina quæ Higinus nomine circumferuntur, plerique ad Higinum alterum natione Alexandrinum ablegant: resistit Suetonius, eundem hominem à quibusdam Alexandrinum ab aliis Hispanum credi confirmans, quos ipse sequitur, & Augusti bibliothecæ curam habuisse demandatam ait, liberto Julio Modesto in studiis, atque doctrina vestigia patroni secuto, Ovidio poeta imprimis familiari.



JOANNIS MARIANÆ HISTORIÆ DE REBUS HISPANIÆ. LIBER QUARTUS.

C A P U T I.

Christi Dei ortus.



D felicissima tempora
ventum est: quibus
Dei filius, ut erat
necesse juxta vaticinia
Prophetarum, se
hominibus in carne
monstravit homo
factus; & nova luce
invecta vagos atque
errantes in viam sa-

latus induxit, sublatam justitiam restituit,
mortisque sua delictis humani generis
procuratis, Deo patri æternum sanctum-
que templum fundavit celestis exem-
plum: quod appellatur Ecclesia. Hujus
templi cultores & partes pii sunt, qui-
cunque toto orbe suscepta Christiana
sacra sincera fide atque constanti conser-
vant. Eo cultu suscipiendo quoniam inter
primas gentes Hispania numeratur;
quid egerit perpelliæque sit primis Eccle-
siæ temporibus, commemorare suscepti
officii ratio postulat. Novamque nobili-
ssimæ provincie formam designare ver-
bis informareque: atque ad Romanorum
Imperatorum res gestas, quoniam
pene illos nostrarum rerum potestas erat,
piorum hominum conatus atque certamina
idoneis locis adjungere conabimur,
triumpfos laureasque martyrum, qui pro
religione sanguinem vitamque profuderunt
felices & generose animæ; majori
tamen brevitate, ne ultra justii volumini
modum crescat opus, attingere potius
quam explicare est animus. Adfecto de calo
alma lux, nostris conatibus

sive: linguæ infantiam divina sapientia
meliori stylo mutato; tuorum laudibus
ut par oratio contingat, benignus facito
tuo numise, & parentis castissimæ atque
integerrimæ Virginis precibus flexus.
Natus est Christus Dei filius ad octavam
kal. Januarii, anno ab Urbe condita septingentesimo quinquagesimo secundo, 753
Augusti imperii anno quadragesimo secundo, Coll. Octavio Augusto XIII.
& M. Plautio Silvano. Ex hoc annorum
numero quidam annum detrahunt, biennium alii; ac ne Coll. nominibus designandis
auctores omnes consentiant; ne Augustini quidem ætate. Nos aliorum
sententiis consideratis, quod majori fide & auctoritate niti videbatur, id sumus
secuti: lector ex suo judicio, & ex aliorum libris quid probaturus sit, majori
diligentia statuet. Ergo hæc trissa facimus. In Hispania quid deinde rerum
gestum sit ignoratur; nisi quod præcipuum est, cunctis provinciis sub unius
imperium revocatis, opima pace quievissent Hispanos bellis fessos: quæ
nexa ex aliis alia aptaque tandiu viguerant; & pacis auctor æternæ;
ut pacem aut inveniret aut faceret, æquum erat. Pauca quidem
Augusto & Tiberio Imperatoribus in Hispania contigerunt: nonnulla
tamen continuanda magis narratione idonea, quam ad memoriam præcipua.
Unus Dion absque ulla temporum designatione Corocotam ait prædonem
Ducem in Hispania (nam ex priori bellorum licentia multis latrociniiis
infecta erat, & varia la-

tronum manus tota provincia vagabantur) cum vestigiis omnibus ad necem quaereretur, ultro ad Imperatorem venisse: eaque ex re non veniam modo impetrasse, sed & auri pondus cuicumque ipsum peremisset præmium propositum. Obiit Augustus Nolæ, anno Christi quinquedecimo, quatuordecimo kal. Septembris, septuaginta sex annos natus, diebus quinque & triginta minus, omnium Imperatorum Romanorum primus: & si spectentur humana, felicissimus; vindicatis enim adoptivi patris interfectoribus, Sex. que Pompeio in Sicilia victo, ac M. Lepido collega in ordinem redacto, M. Antonium non multo post ad Actium superavit. Solus quatuor & quadraginta annos imperium tenuit; ob egregia bello paceque opera pater patriæ salutatus est. Urbem quam latebritiam accepisset, marmoream se effecisse dicebat. Successorem reliquit Germanico Cæsare & Germanici filiis prætermisiss, qui meliori jure nitebantur, uxoris Livie victus blanditiis Tiberium Neronem privignum suum. Hic rem Romanam viginti duobus annis, mensibus sex, & diebus aliquot inter bonum & malum alternante ingenio gessit: initio quidem compressa indole: promiscua vero deinde libidini, immensi crudelitatis & avaritiæ sordibus gloriam superiorem fœdavit. Vulgo Callipides dictus est; (quod animal cursitare quidem, neque ultra cubiti mensuram procedere fama est) cum quotannis perfectionem pararet, & urbe non excedere, haberet præjudicatum. Hoc Imperatore ex Hispania ad Germanicum, qui in extrema Gallia res gerebat, & rerum necessariarum difficultate laborabat, arma, equique missi cum pecunia, quam ille repudiavit, cæteris rebus contentus, gratias provincialibus agens pro tam propensa in rempublicam voluntate. Accidit hoc altero imperii Tiberii anno, quo ex Citeriori Hispania legatis venia petentibus data est, templi in memoriam Augusti Tarracone ædificandi; quo exemplo Ulterior Hispania aucta assentione, quod Asianis concessum erat, Tiberii & Livie matris nominibus, atque ad eam diem factum non esse constabat, ut vivētibz templum poneretur, per legatos postula-

runt. Verum Imperatore Asiæ concessam facultatem pertaso excusanteque, quod petebant denegarum. Modestius quaesita laus est. Cantabriz novis motibus per idem tempus estuanti, & finitimos direptionibus, & atrociniis fatiganti, Romani præsidis tota provincia dispositis, frænos injecerunt. Præterea militum Romanorum, qui in his præsidis erant usu pristina feritate posita gens ad humanitatem revocata ea est. Gn. Piso Hispaniæ paulo ante non magis gubernator, quam expilator, Germanico Antiochiæ ad Orontem veneno, ut crederem est, sublato, judicii metu Romæ sibi manus attulit: ex conscientia digna metuens an furentis populi invidiam semper ad credendum deteriora proclivis non ferens. Vibius Sereus Ulteriore Hispania ex proconsulatu gubernata à suo met filio, quod gravissimum videbatur, lege repetundarum accusatus, atque convictus, Morgam relegatus est, Ægai maris insulam unam ex Cycladibus. L. Piso Citerioris Hispaniæ Prætor, cum novis atque gravissimis tributis imperandis provincialium odia commovisset, Termestino in agro ferro confossus est; tanti facinoris patrator Termestinus agricola equi indicio, quem defatigatum reliquerat, investigatus & comprehensus, nullis tormentis adigi potuit, ut socios proderet, cum se conjurationis socios habuisse, non negaret; omnino ne doloris impotentia constantiam mentis egregiæ mutaret, die postero tormentis instauratis, inter carnificum manus elapsus, capite ad rupem illiso expiravit; tantum in agresti pectore potuit secreti amicitiaque fides; anno Christi vigesimo sexto id accidit in Hispania. Romæ sexto post anno Junius Gallio Sencæ frater, ejus qui philosophus est dictus, Tiberii jussu in exilium missus est, non alia graviore de causa, quam quod eo inconsulto retulisset ad Senatum prætorianos emeritos videri colonestandos sublimiori loco in teatro ludis spectandis. Sext. Marius & ipse natione Hispanus, homo copiosus adeo ut vicinas aedes domino apud se retento intra biduum diruerit, atque succedente facti poenitentia instauravit; stupri Romæ, quasi filix quam habebat eximia oris venustate vitium attulisset, reus postulatus, atque judi-

judicio convictus, è rupe Tarpeia præceps datus est, filia etiam perempta; fama tenuit divitias illi exitio fuisse, ex multorum exemplo fide probabili: & quoniam in eas continuo Imperator involavit, cum atatis inclinatione præceps in avaritiam pejorque. Cæde Christi à Judaïs Tiberio Imperatore iniquissime patrata, religio infixæ animis neque vindicata opportune agebat scilicet præcipientem. Vita is sanctissime peracta, atque ut Deum decuit, ad octavum kal. Aprilis ætatis anno trigésimo quarto in cruce actus est. Eum innocentie, doctrinæ, & beneficiorum ab hominibus

fructum tulit. Sceleris immanitatem saxe tacto doloris sensu in partes distracta; concussa terra, Sol ipse collectis contractisque radiis testata sunt. Nec mora uti ipse prædixerat, & uti necesse erat, die tertia patefacto sepulcro, in quod fuerat illatus, perterritusque terræ motu custodibus, integer ac vivus egressus est. Miraculum omnibus sæculis inauditum, numinis argumentum præclarum. Christi reditum ad vitam, ante postremum imperii Tiberii annum Phoenix visæ, uti Dion & Plinius testantur, orbi significasse à quibusdam certe credita est.

C A P U T I I.

Cajus & Claudius Imperatores.

TIBERIUS defunctus est septimodécimo kal. Aprilis, ætatis anno septuagésimo octavo, qui annus ab ortu Christi trigésimus octavus fuit, Gn. Acerronio Proculo, C. Porcio Nigro Consulibus. Cajus Germanici filius à calceis militariibus cognomento Caligula infans tantum per totam vitam & fœdo vitæ exitu nobilis per exquisita scelera nefariasque libidines, annos tres, menses decem, dies octo, imperium tenuit, à Chærea cohortis prætoris Tribuno ferro peremptus est. Æmilius Regulus Cordubensis pari animo fortuna non eadem, tantum facinus aggressus conjuratione detecta perierat. Caligula imperio Agrippa (Herodes à Luca in Actis Apostolorum vocatur) è vinculis educatus, in qua fuerat Tiberii jussu conjectus, cum inter pocula visus esset Caligula imperium optare, ad regnum Ituræ evectus est, Philippi patris recens defuncti Tetrarchia regio nomine mutata. Alter patruus Herodes Galilææ Tetrarcha, qui Joannem interfecit, & Hierosolymæ assit, quo tempore Christus in cruce est actus, dum Agrippæ novum honorem invidet, Romamque ea de causa contendit: de prodicione per literas ab æmulo accusatus, Lugdunum in Galliam relegatus est, ut plerique arbitrantur Josephi testimonio nixi in Antiquitatum libris, cum alio loco Imperatoris acerbiter a fugisse confirmet, atque in Hispania exili comite Hero-

Tem. I.

diade vitam turpissimam pari exitu terminasse. Omnino Cajo sublato Claudius ejus patruus è latebris, in quas se metu mortis condiderat, ad imperium extractus est, ejus sæculi anno quadragésimo secundo, senatu nequicquam ad spem recuperandæ libertatis erecto. Agrippa-Rex, qui Romam venerat, multum contulisse fertur novo imperio confirmando; unde majori ditione auctus est. Novi Imperatoris tanta socordia fuit cum vitiis aliis conjuncta, ut Messalina uxor in ejus ferme oculis Silio cuidam homini principi publice nupsit. Ea vix tandem sublata, Agrippinam patris Germanici & Agrippinæ filiam Augusti proneptim, uxorem duxit, lege lata ut id cunctis liceret: contra quam veteri jure Romano cautum erat, ne fratrum filia auberent patruis. Senecam prius in Corsicam relegavit, deinde Romam ultro advocavit, ut Domitii privigni tum undecim annos nati pueritiam literis & honestate formaret: quem Britannico filio ad imperii successionem præferre habebat præjudicatum pessimo consilio uxoris factus; annis ferme quatuordecim imperium tenuit; quo tempore in Hispania nati, Pomponius Mela, patria Melaria, & Turanius Gracula, eruditionis nomine Romæ floruerunt; atque horum æqualis L. Moderatus Columella Gaditanus patria: ejus de re rustica commentaria extant. Cornelius præterea & Clodius Turrinus oratores, de quibus Seneca

E c

memi-

meminit in Declamationibus; tum Porcius Latro, de quo paulo ante mentio facta est, in hoc genere admirandus: quem orationis initio vehementius conturbari solitum esse, quam aut ætas, aut usus postlaret, Quintilianus est auctor. Eusebius ex febri quartana obuisse ait. Extat ejus in L. Catilinam declamatio. Sextilius Hena Cordubensis his omnibus paulo senior Romæ vixit, inæqualitate orationis crassum aliquid sonantis nobilior, quam condendis versibus clarus. Drusillus Rotundus Claudii imperatoris libertus per hæc tempora Citeriorem Hispaniam gubernavit, dispensatoris nomine, Baticam Umbonius Silio. Simul Christianæ religionis fundamenta ponebantur. Jacobus Zebedæi filius cognomento Major, Judæa atque Samaria obitis in Hispaniam venit, auctore Isidoro; novaque in ea provincia Evangelii luce propagata. Cæsaraugusta Virginis Matris nomine ejus monitu templum constructum est, ut persuasio hominum ab antiquo per manus ducta confirmat: nobis receptas opiniones movere non erat animus, sed ex Hispania tamen Hierosolymam cum revertisset, quam ob causam incertum, in ea urbe ab Herode Agrippa regnum Judæorum recens à Claudio acceptum grato initio cupiens auspicari, interfectus est, anno salutis quadragesimo secundo, octavo kalendas Aprilis, quando per eos dies Judæi Azyrna celebrarunt, tempus à Luca Jacobi cædi designatum. Corpus à discipulis sublatum, navique impositum, ad Innam Flavianam in extrema Calæcia (ei oppido hodie Padrono nomen est) constitit, ad octavum kal. Augusti. Unde quo anno incertum, sed trigésimo tamen Decembris die Compollællam migravit; secundi & tertii diei memoria anniversaria celebritate tota præsertim Hispania colitur; nam mense Martio, quo tempore occisus est, jejunii Christiani squalore situque occupatis omnibus, luctum lætitia

mutare non est Patribus visum. Annum circiter octingentesimum, Rege Alfonso, qui dictus est Castus, sacrum corpus diu oblivione obrutum, caelesti indicio est inventum, cultumque templo dicato, uti eo loco explicatur. Aucta religio est, cum paulo post Ramiro Regi ad Clavigium de innumera barbarorum multitudine victoriam concessit, & Christianos gravissimo tributo liberavit, ex quo centum lætissimas virgines quotannis Mauris tradere soliti erant. Unde ceptum est sub conflictum in bellis nomen ejus, patrociniumque implorare: & voti rea Hispania facta est ex singulis jugeris pendendi modium frumenti quotannis D. Jacobi templo Compollællano. Morem hunc sæpe alternantem Romani Pontifices, sæpe etiam restituerunt datis diplomatistis. Paucos se discipulos D. Jacobo adjunxisse, quo tempore fuit in Hispania, fama est, qui plurimos novem numerant, Petrum Eboræ in Lusitania Episcopum, pro quo nonnulli Theophontem substituant Præfulem Bergitanum, quæ urbs non procul Almeria sita erat: Cæcilium Eliberritanum: Eufrasium Illiturgitanum: Secundum Abulensem: Indaletium Urcitanum, Verga oppidum esse creditur in Vascorum confinibus: Torquatium Accitanum, id est, Guidixensem: Hefichium Carthesianum non procul Asturica: Athanasium demum, & Theodorum, sacri sepulcri (sic fama fert) custodes; quorum ibi sepulcra dextra, levaque monstrantur. Sunt qui hos omnes Roma à Petro & Paulo Apostolis amandatos in Hispaniam putant, gratia Evangelii promulgandi. Prorsus, qui historiam ante quingentos ferme annos scripsit Pelagius Ovetensis Episcopus, Jacobi discipulos facit Calocerum, Basilium, Pium, Grifogonum, Theodorum, Athanasium, & Maximum. Nos, quoniam rerum antiquitas certamcriptioni derogat fidem, liberum lectori judicium de tota hac re relinquamus.

CAPUT III.

Domitius Nero.

CLAUDIUS Imperator veneno sublatuſ est, salutis anno quinquagesimo quinto. Cædis minister Halotus spado ex-

plorare Principis epulas gustu solitus, aut Agrippina uxor malis artibus ambitiosa imperium Domitio Neroni filio suo parans, ipsi

ipsi imprimis exitiale. Tendit Imperium quatuordecim annis; quinquennio sub initia Princeps optimus iudicio etiam Trajani Imperatoris habitus est, in omnia deinde vitorum genera velut fera è caeca emissâ major factus degeneravit. Crudelitati cetera vitia concedebant: proflus ut matrem, cui stuprum prius attulerat, amitam, uxores duas, & Senecam magistrum occiderit: tum Lucanum poetam ex Mela Senecæ fratre natum. Eodem carnificinam; exquisitam turpitudinem audi. Flammeo nuptiali sumpto, juveni publice nupsit; spudonem ipse duxit, quem in sceminam arte exsecandum curarat. Histrionem saepe egit in theatro. Urbem Romam per ludum incendit: ejus invidiæ declinandæ cupiditate primus Romanorum Imperatorum; undecimo imperii anno Christianos, quasi Urbem ipsi incendissent, modis omnibus vexavit. Imperii divitiis profunderè solius, quem unum pecuniæ fructum esse dicebat, in alienas fortunas avidissime involabat, diversissimis vitiis, ac contrariis prodigus de publico, privatim avarus. Neronis imperio tum Apollonius Tyaneus magicis artibus clarus, cum omnes provincias lustraret, in Hispaniam venit: tum Paulus Apostolus Romæ è vinculis liberatus, ut ipse se in votis habere ad Romanos scripsit, & magnorum virorum auctoritate confirmatur, Rufum Cyrenæi Simonis filium Alexandri fratrem, Dertusanis Episcopum reliquisse fertur; Sergium autem Paulum, eum quem in Cypro insula Christo pepererat, ecclesiæ Narbonensi præfuisse Beda, Uffardusque testantur. Sunt qui Hierotheum cognomento Divinum Dionysii Areopagitæ magistrum scribant, ex Hispania ubi ortus erat, & ubi rempublicam modcrabatur, rebus gerendis præfectus idoneusque, à Paulo Apostolo deductum peregrinationis comitem; quam opinionem refellunt alii, Athenis natum confirmantes magnorum virorum auctoritate. Nam Petrum ipsum in Hispaniam venisse, ut Metaphrastes est auctor, à sanioribus repudatur. Misit tamen Saturninum in Galliam primum Tolosanum Episcopum; à Saturnini successore Honorato natione Cantabro Firminus patre Firmo natus, Evangelii causâ in interiorem Galliam amandatus An-

degavis primum, deinde Bellovacî, ac demum Ambianis Evangelium annuntiavit; ubi quoniam primus Episcopus ejus urbis habitus est, & pro pietate sanguinem profudit, ejus memoria colitur templo dicato. Firmini pueritiam Honestus Saturnini presbyter ejus jussu, cum in Hispaniam penetrasset, & Pompeione, ubi Firminus est ortus, veram pietatem docuisset, litteris & honestate informavit, verum hæc aliquanto post. Citeriorem Hispaniam Ser. Sulpitius Galba octo annos gubernarat, cum in affecta atque præcipiti senectute, nam septuagesimum annum ætatis superabat, imperium contra Domitium Neronem hac occasione occupavit. Julius Vindex Galliæ Narbonensis moderator Neronis immanitatem pertasus, litteris saepe Galbam, in quo auctoritas inerat, provocavit ad capeffendum imperium. Quod cum ille facere recusaret, ipse palam à Domitii auctoritate defecit. Ejus defectione Galba provocatus Carthagine nova in conventu procerum, quos ex tota Hispania convocandos curarat, causis exposuit, ob quas sibi licere, ac vero necessarium fore judicaret, contra Neronem rebellare, immane orbis atque imperii prodigium, qua meliori hostia quam suomet sanguine procuratum iri? Afflicta atque jacenti communi parenti ferrent opem prorsquam omnes provinciæ communi incendio flagrarent. Nobilitatem Romanam propemodum extinctam unius hominis (si hominem dicere fas est, & non belluam potius immanem) severitia & crudelitate multis familiis absumptis. Earum exemplum in singulorum capita recidere posse. Innocentiam & morum probitatem nulli præsidio esse; non ratione agi sed vim, & libidinem dominari. Si proprio periculo non moverentur, saltem respicerent filios, pro quorum salute saepe vel ipsæ belluæ quodam naturæ sensu in gladios flammæque incurrerent. Et aderam ad augendum dolorem infans, quem nullo ætatis respectu Domitius in Baleares relegarat. Hanc orationem omnium qui aderam clamor excepit, Galbam Augustum salutantium. Ille ab innata modestia imperio recusato, Ducem se populi Romani senatusque Legatum contra Neronem fore professus est. Mut-

tum contulit ad ejus conatus confirmandos Otho Sylvius Lusitanie moderator. Conjunctionis is viribus, atque ejus consilio probato argentum, aurumque privatum in stipendium militi libenter conflavit: dignus immortalis laude si odio tyrannidis id studium suscepisset, & non potius private vindictæ cupiditate inductus. Incitabat ignominie dolor cum uxore Poppæa Sabina Domitii amoribus occupata, quam interfecta etiam Octavia Claudii filia duxit, per speciem honoris esset in Lusitaniam extremam amandatus. Pro his rebus, & quoniam

ingenii dexteritate valebat apud novum Imperatorem proximum gratie locum secundum Junium Galbæ Legatum obtinuit, majori populi favore, cum ultro inopes sublevaret, Junius favores Principis vendere solius provincialium voluntates magna ex parte alienasset. Julius quidem Vindex in Gallia, ubi prior rebellarat, acie victus sibi manus attulit. Virginus Rufus victor memorabili modestia non sibi imperium sed patriæ asservit. Quod exprimi olim moriens inapudavit, hoc disticho in sepulcrum incisio.

*Hic situs est Rufus, pulso qui Vindice quondam
Imperium offeruit non sibi sed patriæ.*

Galba Vindici exemplo casuque tantum non desperatis rebus Cluniam se recepit (urbis hujus nomen in Plutarcho & Suetonio vitianum esse antiquæ monete indicio sunt, quæ passim occurrunt in Hispania). Verum Neronis eadē nuntiata recreatus est; erectus enim senatus ad meliorem spem Juli Vindici in Gallia primum, deinde Galbæ in Hispania defectionis fama, Neronem hostem judicavit; sic à suis desertus, in Phaontis liberti suburbano, quo latendi spe se contulerat, salute desperata sceleratas manus sibi attulit, secundo & trigesimo ætatis anno. Fama tenuit inter Christianos præsertim, ex vulnere convalescere, Antichristumque olim futurum. In ipso fine Cæsaris progenies à Stirpe defecit tot annis in imperio continuata. Occisus est Consule Silio Italico, salutis anno sexagesimo nono. Silium plerique Hispanum faciunt. Crinitus Romæ natus ait, ex Hispania oriundum; à Giraldo utrumque repudiatur: & in Pelignis patria Italica (unde errori occasio) natus arbitratur. Secundum bellum Punicum Heroico carmine scripsit senex, in Campaniæ secessu reipublicæ cura abdicata. Huic æqualis Seneca Tragicus quoto gradu Senecam Philosophum cognatione atigerit, clam est; fuisse propinquum ducta ex nomine conjectura plerisque persuasit. Unius tragediæ Quintilianus meminit Senecæ Philosophi nomine vulgata. Ad Galbæ redeamus, Qui nuncio de Neronis casu continuo Romam abiit, legione ex Hispanorum delectu conflata: atque præsidio munitus, quod ex evo-

catorum cohorte constabat. Deduxit præterea ex Hispania Fabium Quintilianum patria Calagurritanum, artis oratoriæ professione, clarissimum. Ejus oratorias institutiones ante sexcentos annos amissas Poggius Florentinus Concilii Constantiensis tempore in quodam ejus urbis monasterio inventas, luci publicoque restituit. Adjunctas operi declarationes Quintiliani nomine, stylus ipse alterius esse manifeste arguit. Ergo Galba Romæ septimo imperii mense Prætorianorum armis occubuit; alienatæ militum voluntates erant donativi ingentis, ut animis conceperant, frustrata spe. Severi mores malo fuerunt, quibus impar ea ætas erat, cum diceret se militem legere, non emere. Militari invidiæ atque alienationi faces subdidit Otho Sylvius Pisonis invidia, quem à sene Principe successorem designatum dolebat, quasi præmia sibi debita alter occupasset. Itaque lætica in castra vectus continuo Imperator salutatur. Potestas scelere quaesita stabilis non fuit; occisus Galba, Pisonem, atque T. Junio; reipublicam occupavit tenuique dies tantum quinque & nonaginta. Legiones Germanicæ Hispanienfis exercitus emulatione incitavit; licereque sibi judicantes reipublicæ Imperatorem dare, A. Vitellium Augustum consulunt. Gallia in partes accessit locis vicina; Hispaniam nutantem Otho ut in officio retineret, Bætica præfecturæ primus Romanorum Imperatorum Mauritiam Tingitanam contribuit; sic factum ut à conventu Gaditano deinceps jura peteret, & in

Got.

Gothorum disione ea Africæ pars esset, quo tempore Hispaniam tenuerunt. L. Albinus Mauritanie Præfectus Othonis partibus avens, cum freto transmissio de Hispania cogitaret, unde venerat repulsus est, Cluvii Rufi virtute à Galba relictus cum potestate in Hispania, & ad Vitellium jam mutatione temporum respicientis. Otho tot malis una circumventus, & ad Bebricam Veronam inter & Cremonam situm vicum victis suis Brixelli oppido, ubi subsisterat, sibi manus attulit, averfus à consiliis belli atro-

cis & lugubris victis juxta ac victoribus, annos natus triginta octo. Vitellius suorum victoria cognita, ex Gallia, ubi se tenuerat, in Italiam maturavit. Urbemque paludatus ingressus, circumfusus militum legionibus, quasi de victa patria triumphum ageret, multorum invidiam commovit. His initiis progressus responderunt, ætatem actam turpissime pergebat majoribus probis fodare. Quæ res Orientis legionibus novum Imperatorem creandi occasionem suppeditavit, consilio eventuale felicius.

C A P U T I V.

Flavii Vespasiani, & filiorum imperium.

FLAUVIÆ gentis auctor Fla. Vespasianus Claudio Imperatore Britannica expeditione defunctus, Vesta etiam insula, quæ Galliam inter & Britanniam jacet, cursu victoriarum maximo subjugata, & nuper ex secessu, in quem se considerat temporum tædio, evocatus missusque in Syriam, penultimo Neronis anno adversus Judæos magna obstinatione tumultuantes, tota ferme provincia subjugata Imperator est ab exercitu salutus; multum contulit Mutianus Syriæ Præfectus auctor impulsorque imperii capeffendi, eoque persuaso legionibus in ejus verba sacramento adactis. Secundum Mutianum Tiberius Alexander Ægyptum, cui præerat, traduxit in partes. Antonius Primus ardentior omnibus in Italiam ductis copiis Vespasiani imperium confirmavit, insigni de hostibus victoria parta. Ergo Vitellianis ad Veronam prælio victis, ipsosque Vitellio Romæ interfecto nono imperii mense ætatis anno septimo & quinquagesimo, Vespasianus Tito filio in Judæa relicto ut belli reliquias conficeret, ipse in Ægyptum profectus, atque Alexandria solvens, anno 72 septuagesimo secundo, secundis tempestatibus in Italiam venit: summaque senatus & populi voluntate reipublicæ cura suscepta, res communes inclinatæ atque præcipites à casu sustinuit: totoque decennio tanta virtute & prudentia imperium rexit, ut in eo præter religionem nihil ferme desiderari possit. Avariciam, quæ ad virtutum injuriam accessisse videbatur, ararii calamitas ex su-

teriorum temporum perturbatione excusat, magnæque ædificia constructa, & in his Romæ templum Pacis, atque amphitheatrum. Præmia eruditioni primus Romanorum Imperatorum proposuit, Latinis Græcisque Rhetoribus annua mercede ad scholas invitatis. Domita Judæa, atque urbe Hierosolyma expugnata everfæque, cum filio Tito triumphum egit: candelabro, arcaque aurea, & reliquo sacrorum instrumento pompæ apparatus exornantibus. Captivorum Judæorum partem in Hispaniam ablegatam, Emeritæ sedes ad habitandum accepisse Hebræorum libri testantur: vero an mendacio non disputamus. Vetitum certe ne Judæi amplius Hierosolyma habitarent. Sub initia imperii reipublicæ procellis jactatus, atque studio pacandi Hispaniam, quæ Vitellii factionem mordicus sectabatur, universam Latii jure donavit. In eam per hæc tempora Plinius Questor venit. Ejus historiam, & libros reliquos Licinius Lartius, & ipse Hispaniæ Citerioris Prætor, tanti fecisse fertur, ut magno paucos ejus libellos cuperet comparare. Segobiz aqueductus structura mirabili, usque eo ut vulgo jactatum sit dæmonis opera fuisse excitatum, Licinii opus esse creditur. Alii Trajani malunt: neutrum satis idoneis argumentis nixum videtur. Flaviobriga in Cantabria, quæ vel Bertheus est, vel non procul sita Bilbaus, Flavium Brigantium in Calæcia (hodie Betanzos) atque Iria Flavia: præterea in Bætica Municipium Flavium Axatitanum, hodie

Lora: aliaque oppida extant in Hispania; sive à Flavia gente fundata, seu in Principis gratiam veteribus appellationibus per hæc tempora permutatis. Non ita pridem in Cantabrie montibus repertus est lapis hac inscriptione. HIC JACET CORPVS BILELÆ SERVÆ JESV CHRISTI. Eura quoniam adjecta est Era centesima quinta, quidam ad hæc tempora referunt, inanique prorsus conjectura Bilelam in caelestium numero haberi volunt; cum ad religionem tuendam magni referat non levi argumen-

to nova sanctorum nomina cudantur, inceptis operare falsos quam grave malum? Et verisimile est suppressio millenario numero reliquos annos vulgi consuetudine designari; neque Vespasiani tempore mos erat injectus ut per Eras tempora computarent, neque inscriptionis verba crassum quiddam sonantia, tantum præ se ferunt antiquitatem. Indicio est Vespasiani epistola nostra ætate reperta in ærea lamina Cagnei prope Malacam, quod oppidum Sabora dicebatur.

IMP. CAE. VESPASIANVS. AVG. PONTI-
FEX. MAXVMVS. TRIBVNICIAE. POTES-
TATIS. VIII. IMP. XIIX. CONSVL. VIII. PP.
SALVTEM. DICIT. III. VIRIS. ET. DE-
CVRIONIBVS. SABORENSIVM.

CVM. MVLTIS. DIFFICVLTATIBVS. INFIRMITA-
TEM. VESTRAM. PREMI. INDICETIS. PERMIT-
TO. VOBIS. OPIDVM. SVB. NOMINE. MEO. VT.
VOLTIS. IN. PLANVM. EXTRVERE. VECTIGA-
LIA. QVAE. AB. DIVO. AVG. ACCEPISSE. DICITIS.
CVSTODIO. SI. QVA. NOVA. ADICERE. VOLTIS.
DE. HIS. PROCONSVLEM. ADIRE. DEBEBITIS.
EGO. ENIM. NVLLO. RESPONDENTE. CONSTITV-
TVERE. NIL. POSSVM. DECRETVM. VESTRVM.
ACCEPI. VIII. KA. AVGVST. LEGATOS.
DIMISI. IIII. KA. EASDEM. VALETE.

II. VIRI. C. CORNELIVS. SEVERVS. ET.
M. SEPTIMIVS. SEVERVS. PVBLICA. FC-
CVNIA. IN. AERE. INCIDERVNT.

- Obiit Vespasianus salutis anno octogesimo secundo, ætatis septuagesimo, octavo kal. Julii, Tito filio successore felix; nam paternas virtutes ingenii facilitate & liberalitate cumulavit: usque eo ut nefas esse diceret à conspectu Principis quenkum tristem abscedere. Aliquando fertur dixisse: Amici diem perdidimus, cum ea die reputaret nulli beneficium collatum. Pro quibus rebus Dedicæ humani generis vulgo est nuncupatus. Eximios ejus conatus mors præcidit Idibus Septembris, ætatis anno altero & quadragesimo: biennium, menses duos, dies viginti imperavit. Quid rerum gestum in Hispania sit non constat. Domina quiescebat, & superioris ætatis incommoda ex bellis nata pace compensabat: in tres provincias per hæc tempora divisæ atque tributa, ut est superius

observatum, Beticam, Lusitaniam, & Tarraconensem. In Bætica octo erant colonie Romanae, municipia totidem, conventus juridicundo quatuor, Gaditanus, Hispalensis, Astigitanus, Cordubensis Lusitania colonias quinque habuit, Municipium unum Olisiponem, quæ & Felicitas Julia dicta est; conventus tres, Emeritensem, Pacensem, & Scalabitanum. In Citeriori Hispania colonie fuerant quatuordecim, alii huic numero plures addunt, municipia tredecim; conventus septem, Carthagenensis, Tarraconensis, Caesaragustanus, Cluniensis, Asturicensis, Lucensis, & Bracarensis: Eratque usu receptum ut Prætores (id magistratus nomen restitutum erat) cum magistratu abibant, dum successorem expectabant non amplius Proprætores vocarentur sed Legati. Hac de Titi imperio:

perio: quod ut amplius homines prædicarent Domitiani fratris mores effecerunt. Tito is suffectus à majorum indole degeneravit. Neronibus propior quam Flaviis, vitorum omnium turpitudine deformis. Incredibili vanitate novo exemplo primus uxorem Augustam se domini & Deum salutari voluit. Philosophos omnes Urbe atque Italia prohibuit auctore Suetonio. Philosophos ego Christianæ philosophiæ sectatores arbitror dici ob spectatam morum in omni vita modestiam & probitatem; & Domitianum constat Christianorum nationem modis omnibus vexasse: Joannem Apostolum in insulam Pathmum relegavit. Flavium Clementem paulo ante gesto consulatu, eo nomine occidit patrualem suum, nullo propinquitatis respectu. Flaviam Domitillam Clementis uxorem, & ipsam sanguine junctam in Pontiam insulam relegavit: unde Tarracinam redacta, Trajani jussu intra cubiculum exulsa est, unaqueque inter famulæ. M. Acilius Glabrio ante quatuor annos gesto consulatu eadem tempestate perit. Ex ea carnificina maturasse sibi necem Domitianus creditus est. Magna vis fulminum octo continuis mensibus lapsa, Principis capiti minitari visa. Accessit nova invidia causæque Domicillæ procurator Stephanus cum interceptarum heræ pecuniarum reus ageretur, inita conjuratione eum ferro peremit in Palatio, salutis anno sexto & nonagesimo. Imperavit annis quindecim, mensibus quinque. Cædes ejus molesta fuit militibus, quibus omnia indulgebat: grata populo universo, cujus inter convicia corpus occisi populari sandapila asportatum à vespillonibus fuit: grata Patribus, atque ita ut coacto continuo senatu certatim nomen ejus maledictis lacerarent, memoriam extinctam cuperent, Domitiani insignibus tota Urbe deterfis. Romanorum factum alias provincias esse imitatas indicio est: ad Aquas Flavas in Calæcia (id hodie Chiaves oppidum esse creditur) ejus pontis inscriptio, quo Tamaga fluvius jungitur, Vespasiani & Titi nominibus integris, Domitiani sublatis: nam trium Imperatorum opus esse creditur. Edicto venit novas in

Hispania vineas; neglectis præ eo studio segetibus, ne frumenti penuria laboraret providebatur. Ommino per hæc tempora Eugenius primus Toletanus Præsul occisus est: missus fuerat in Hispaniam à Dionysio Arco pagita (sic pro constanti traditur) ex Gallia, ubi Evangelium propagabat, & Christi religio, ne in ea provincia, ac Toleti præsertim fundata, studio Dionysium inviscendi in interiorem Galliam penetravit, cum à Sisinii Præfetti satellitibus comprehensus in vestigio est occisus. Corpus in Marcasium lacum conjectum, Gallia demum Christi sacris populariter imbuta, Heroldus vir primarius divino monitu in Diolum pagum lacui vicinum delatum, templo ejus nomine dicato coluit, unde in templum Dionysiacum migravit, & Rege, Castellæ Alfonso, qui Imperator est nuncupatus, ejus brachium primum Toletum, relatum est, Ludovico septimo Galliarum Rege concedente in foci Regis gratiam, & Raymundi Toletani Præfultis; nam quo is tempore Eugenio III. Romano Pontifice ad Remensem Episcopum conventum festinabat ex itinere rem omnem de Hispanorum memoria oblitteratam præsens exploraverat. Reliquum deinde corpus nostra ætate à Carolo IX. Rege Galliarum, Philippo II. Hispaniarum Regi datum atque in urbem Toletum, investum principali ac vere incredibili apparatu ante viginti annos, majori religione colitur. Sunt qui putent, Philippum quendam à Clemente in Hispaniam Episcopum amandatum, aut certe Marcellum quem Philippo socium Dionysius adjunxit ex Gallia (ut Michael Syncellus est auctor) Eugenium ipsum fuisse: atque hoc quidem nomen ab ingenta nobilitate manasse, alterum autem à parentibus accepisse. Quod cum affirmant nulla meliori conjectura nituntur, quam quod Eugenii nulla mentio extet in antiquorum scriptis: Philippus & Marcellus quid rerum in Hispania gesserint, penitus lateat. Domitiani sane imperio M. Valerius Martialis patria Bilbili, vixit Romæ, atque Martialis æquales C. Canius Gaditanus & Decianus Emeritenfis, omnes condendis carminibus clari.

CAPUT V.

Nerva, Trajanus, atque Hadrianus Imper.

DOMITIANO, sublato C. Nerva senatus suffragio ad imperium evectus, M. Ulpium Trajanum belli & pacis artibus clarum patria Italica in Bætica, successorem adoptavit: cum imbecillæ ac precipiti ætati præsidium quaereret, ne despectui esset male cogitantibus. Hujus imperio Joannes Apostolus ab exilio quo in Pathmum insulam fuerat relegatus, ecclesiæ suæ redditus esse actis Domitiani à Nerva rescissis. Imperavit mensibus sedecim. Eo defuncto die suo M. Ulpius Trajanus reipublicæ curam suscepit Februario mense ejus anni, qui ab ortu Christi 99 fuit. nonus & nonagesimus. Conceptam animis hominum spem veris virtutibus exæquavit. Plutarcho præceptore usus est, cujus extat ad eum epistola sub initia principatus missa, non minus elegans quam gravis, admonentis quo modo principalem vitam deberet gubernare. Fore si ad virtutis regulam actiones dirigere, atque animum in imperio tenere didicisset, ut non male subditos regeret. Principes non suo tantum, sed etiam præceptorum periculo peccare: quibus malo sæpe fuit alumnos ab eorum disciplina degenerasse. In utranque partem sibi ea monitione cavere, si pareret votum adeptor: sin minus orbi testatus non suo illum consilio, & præceptis peccare. Duos admirandi operis pontes extruxit, alterum in Germania, quo Danubium jungebatur: in Hispania alterum, cui Alcantaræ hodie nomen est, ea Lusitanie parte quam Extremaduram dicimus, Tago impositum, multorum populorum stupe collata. Multum apud Trajanum gratia & auctoritate valuit Cælius Tatianus fisci procurator, Hadriani pædagogus; Italica natus. Azaguar (oppidum est in Bætica D. Jacobi militibus contributum) in arce bini visuntur lapides, quibus Matidia & Martia, sororum Trajani statuæ sustinebantur, ut eorum inscriptiones declarant. In Asturibus septimæ legionis milites, quæ & Gemina dicta est, Sublancia deleta quoniam in

colle sita erat, octo sub ea passuum millibus urbem posuerunt, Legionem à conditoribus dictam, exiguo numero civium hac tempestate antiquitate & Regum sede nobilem, quo certe tempore post Maurorum vastationes res Hispaniæ resurgere cæperunt. Imperavit annos decem & novem, menses, sex. Tertio imperii anno bellum in Christianam religionem concitatum eo gravius, quo à sanctiore & prudentiori Principe omnium opinione inferebatur, octavo demum anno mitigatum est, Plinii præsertim Junioris litteris & hortatu tum Bithyniæ Proconsulis, Imperatori renunciantis: Christianam superstitionem, quæ non civitates modo sed vicos etiam & agros pervagata esset, cum flagitio omni careret, arte potius quam vi comprimendam videri; cui Trajanus Christianos inquirendos non esse rescripsit, oblatos tamen supplicio subjiciendos. Ea clade innumeri Christi cultores periere; in his Mantius Eboræ in Lusitania primus Episcopus, in Æmilia quidem natus ut nonnulli perhibent, atque unus ex septuaginta Christi discipulis. Corpus ejus ex vario errore in Astures, quo tempore Mauri occuparunt Hispaniam, tandem ad Villam novam sancti Mantii constitit celebri monasterio dicato à Medina, quæ à Rivo sicco nomen habet, quatuor passuum millibus. In Selinunte Ciliciæ urbe obiit Trajanus Imperator (unde deinceps Trajanopolis dicta est) cum profligato bello Parthico, atque compositis in Oriente rebus in Urbem maturaret. Defuncti cineribus triumphus decretus est Romæ, quod uni Imperatorum Romanorum contigisse satis constat, ut de hostibus mortuus triumpharet. Ælium Hadrianum sanguine propinquum atque Italica natum (Spartianus Romæ matre patre cognominæ, matre Gaditana, cui Domitiæ Paulinæ nomen fuit) ante designatum, imperii successorem habuit. Plotinæ Augustæ gratia, Cæli Tatiani diligentia atque Sabinæ uxoris respectus Trajani ex sorore natæ, multum contulisse videbantur ad conciliandam gratiam, præ-

præterea ingenita virtus & multarum artium cognitio. Suscepta reipublicæ cura, invadendi imperii provincias studio per Germaniam & Britanniam in Hispaniam progressus est; deinde Africam & Orientem nudo semper capite, pedibus plerunque adiit. In eo itinere Tarracone vitæ periculum adiisse memoratur. Servus quidam gladio districto pene oppresserat incogitantem; cujus amentia explorata nullo supplicio medicis curandum tradidit. Hispaniam in sex provincias tribuit, Beticam, Lusitaniam, Carthaginensem, Tarracensem, Calæciam, atque Mauritaniam Tingitanam; ut Sex. Rufus consularis testatur. Beticæ & Lusitanie Legati consulares præficebantur, uti lapidum inscriptiones, & Codicis Justiniani leges argumento sunt; quatuor aliæ provincie Præsidibus contraditæ sunt. Cæjonium Commodum Verum, ejus Veri patrem, qui cum M. Anto. Philosopho imperavit, cum prole careret filium adoptavit Cæsaris nomine, Augusti penes se appellatione retenta; unde more deinceps confirmatum est, ut Imperatorum filii successoresque Cæsares vocarentur. Judæis Hierosolymæ readificandæ, Vespasiani lege abrogata, fecit potestatem, non eodem proflus loco, atque Eliæ nomine, veteri appellatione mutata. Denno rebellantibus quod circumfusione prohiberentur Jovis templo prope novam urbem exadificato; supremam sub vitæ finem cladem attulit ad Betharam seu Bethoron, quo innumera gentis multitudo se contulerat loci munitione confisa Duce Barcosbano, quem se pro Messia vendidisse Hebræorum libri testantur. Religionem certe Christianam undecimo imperii anno si alio flagitio vacaret, fraudi esse vetuit. Arifidis & Quadrati apologie pro Christianis

Imperatori Athenis oblata & Sereni Granii Asiæ Proconsulis litteræ usque adeo conciliarant, ut de Christo in Deorum numerum transferendo cogitasse, templaque per civitates sine simulacris (nempe quæ inter Ethnicos in usu erant) ædificari mandasse seratur. Romanum imperium quoniam sua mole laborabat, ad Septentriones Danubii ponte diruto, & ad Orientem Euphrate terminavit. Quibus rebus ingenti gloria parva, molesta valetudine fatigatus, ad Baias ut medicorum manus evaderet, obstinata inedia vitam finivit; unum & viginti annos imperavit. Cælium Tatianum, cujus opera imperium erat adeptus, detractis honoribus in ordinem redegit; ac demum occidendum curavit, ad exemplum inconstantiæ rerum humanarum, ac præsertim Principum gratiæ levi momento in varias partes agitari solite, & maxima officia maleficio compensare. Antinuum è cubiculi sordibus sœdæque libidine in Deorum numerum transtulit, templo dicato atque urbe ejus nomine in Ægypto constituta. Quibus rebus, & quoniam aliquot exabant ejus crudelitatis exempla, superiorem gloriam suggillasse visus est. Hadriani imperio Basilides Gnosticorum sectam in Ægyptum innoxit, Saturninus in Syriam, Trinitatis hypostasies confundentem, actionesque humanas & voluntatem astris fatique subdentem, & Christianam justiciam affirmantem ex sola fide pendere. Ex Basilidis schola Marcus in Hispaniam profectus erroris semina jecit Agape nobili formina & Helpidio Rhetore in partes traductis; unde aliquanto ex intervallo Priscillianus ex consopiti ignis scintillis magnum incendium excitavit, sibi conciliavit exitum, uti competenti loco declarabitur.

CAPUT VI.

Tres Antonini Imperatores.

COMMODUS Vero defuncto paulo post quam ab Hadriano fuerat adoptatus: nam erat valetudinarius; nihilque ad memoriam gesserat insigne, in ejus locum T. Ælius Antoninus susceptus Hadriano mortuo successit, factus anno centesimo trigésimo nono.

Tom. I.

totoque duos & viginti annos, mensis septem toto Romano imperio pacem conservavit. Nummæ similissimus; unde & propter clementiam singularem Pii cognomen invenit; & pater patriæ salutus est. In Christianam religionem nihil movit; mercedes annuas detraxit

Gg

iis,

iis, unde nullus fructus expectabatur; quoniam otiosi percipiebant reipublicæ onera gravia, nullo usu. Ejus illa vox fuit, quæ fuerat ante Scipionis, Malle se civem unum servare, quam mille hostes perimere. Quid rerum gesserit in Hispania clam est, tamen ejus mortis aliquæ inscriptiones exiunt; quas hoc loco subijcere non arbitror necessarium. Antonino Pio M. Aurelius Antoninus, cognomento Philosophus ejus gener successit, salutis anno centesimo sexagesimo secundo, imperii consorte Antonino Vero, ejus Veri filio, quem ab Hadriano fuisse adoptatum monstratum est, quod ad eam diem nunquam contigisse satis constat, ut ex æquata duorum Imperatorum potestate reipublica gubernaretur. Is postquam carnificiam in religionem Christianam instauravit, & Persarum motus in Oriente composuit, eo bello petacto primus Praefectus provin-

ciarum Comites nominasse fertur. Extinctus ex morbo est abito imperii anno. Deinde solus Aurelius Antoninus reipublicam gessit, ea probitate, iis virtutibus, ut exemplum desit; nam eruditionem Philosophi cognomen satis declaravit. Bello Marcomannorum (hi hodie Moravi sunt) in summa aquæ penuria Christianorum precibus, eorum qui in legione duodecima militabant, pluviam impetravit, & victoriam procella & subminibus in adversos hostes delatis. Julius Capitolinus Imperatoris precibus numina placata & pluviam impetratam ait; scriptoribus nostris Dionis testimonium favet, & ipse Imperatoris literæ, quantum Græcè tum latine extant; præterea legioni ipsi nomen Fulminatricis additum: Cujus nominis vestigium Tarracone in Citeriori Hispania conservatur in hortis Joannis Melgosa, his verbis concepto epitaphio.

D. M.

IVLIO SECUNDO, QVI VIXIT ANN.
XXXVIII. M. II: D. X. C. IVLIVS
IOSCHVS LEG. XII. FVLMINATRI-
CIS LIBERTO BENEMERENTI FE-
CIT.

Extat præterea Barcinone in Requiescentium ædibus pro ædæ Divorum Iulii & Pæstoris testamentum Aurelii imperio conditum, atque in lapides incisum: ex quo intelligitur usuram centesimam esse cum summæ octavæ pars annuatim pendebatur, hoc est, centum mensibus summæ duplicata; unde centesimæ nomen;

sunt quoniam singulis kalendis quo tempore versuram numerari moris erat, centesima summæ pars funeratori pendebatur. Testamenti verba hæc sunt, quibusdam insolentibus notis in affines, ut erat conditum: atque ut est visum, in literas explicatis.

* Centesimæ
vixit
Tribu-
nus.

L. CAECILIVS. L. F. PAP. OPTATVS. * 7.
LEG. VII. G. FEL. ET. 7. LEG. XV.
APOLLIN. MISSVS HONESTA MISSIO-
NE AB IMP. M. AVR. ANTONINO ET AVR.
VERO AVG. ATLECTVS AB AVG. IN-
TER IMMUNES CONSEQUVT. IN HONORES.
AEDILITIOS II VIR. III FLAM. ROMAE
DIVORVM ET AVGVSTORVM.
QVI R. P. BARC. TA. C. DO LEGO, DARI-
QVE VOLO. * X. VII. D. EX QVORVM VSVRIS
SEMISSIVS EDI VOLO QVODANNIS SPE-
CTAC. PVGILVM DIE III. ID IVNII VSQVE
AD. X. CCL. ET EADEM DIE EX. X. CC. O-
LEVVM IN HIERITECTA PRAESTARI EA CON-
DITIONE VOLO, VT LIBERTI MEI, ITEM LI-
BERTORVM MEORVM, LIBERTARVMQVE

* Denarius
fuit
moneta
in qua
græci
& Themas
public. po-
pulo præ-
beri solita.

LIBER-

LIBERTI QUOS HONOR SEVIRATVS CON-
TIGIT AB OMNIBVS MVNERIBVS SEVI-
RATVS EXCVSATI SINT
QVOD SI QVIS EORVM
AD MVNERA VOCITVS FVERIT TVM EA
X. VII. D. AD BEMP. TARRAC. TRANSFERRI
IVBEO SVB EADEM FORMA SPECTACV-
LORVM QVOD SS. EST EDENDORVM
TARRACONE. L. D. D. D.

181 Obiit M. Aurelius Antoninus salus an-
ni centesimo octogesimo primo, sexto
decimo kal. Aprilis, cum annos decem
& novem imperasset, & mensem unum,
non magis suis virtutibus, quam domes-
tica calamitate nobilis, ob Faustine uxo-
ris impudicitiam: quam cura neque sa-
nare posset, neque repudiare induceret
in animum, tanci probri dissimulatione
& patientia imperii maiestatem sedasse
visus est. Alioqui utriusque Antonini
memoriam Romæ gratam fuisse Septimi
Severi lex lata indicio est: Antonini apel-
lationem non secus atque Augusti per-
petuam Imperatoribus fore deinceps fan-
cientis. Tamest Ælius Aur. Commodus
Ant. quem pater imperii confortem
declaravit, & moriens successorem reli-
quit, majorum memoriam vitæ licentia
& perpetuus morum turpitudine sedit.
Vixit, Augustus nomine, animo sedit
victorum omnium principum. Mar-
tini concubina iniecisse carminibus fu-
rorem credita est; exitu certe caus-
sa, cum ex Commodi sedula inter alios
se ad necem etiam peti cognovisset,
cum Narcisso eunucho consilio
communicato peremit annos natum
triginta duos, veneno prius præbito,
deinde quia lenta mors erat, gula fracta.
Imperavit annos duodecim, menses
octo, dies quindecim; trecentas concu-

binas, & pari numero exoletos habuisse
traditur, eorum quos forma conciliasset
delectu habito; primisque Romanorum
Imperatorum vendidit, pretio magistra-
tus: quod malum quantas reipublice af-
fert calamitates, quam gravia incommoda?
Anniurum Verum Commodi atavum
Julius Capitolinus facit Hispanum, ex
Batiæ municipio Succubitanum. Sunt
qui per hæc tempora arbitrantur à Fa-
cundo & Primitivo, sustentatos pro
religione cruciatos fuisse, Attico Cala-
cia pro Romanis Præfide ad Cæse flumi-
nis ripam, quod ex montibus Asturum
in interiorem Hispaniam delabatur, so-
lenni sacrificio repudiato, ad quod totius
provincia milites erant invitati. Pro qua
re militiæ honore detracto, tormentis
omnibus excarnificati, ac securi demum
perculsi sunt. Corpora, quibus in locis
cæsi erant, à Christianis coli cœperunt,
templo dicato. Postmodum cum in As-
tutes semel, & iterum migrassent, quo
tempore armata Maurorum impietas per
Hispaniam volitabat: Alfonso prius Re-
ge, cui Magni cognomen fuit, deinde
Ferdinandi primi ætate reducta sunt, lo-
co unde erant amota templo instaurato,
adjunctoque cenobio Benedictino, cui à
sancto Facundo nomen est, inter præ-
cipua dierum domicilia in Hispania ce-
lebrari.

C A P U T VII

Severi & Caracallæ imperip.

192 OCCISUS est Commodus anno sa-
lutis centesimo nonagesimo tertio.
Succellit Helvius Pertinax parte liberti-
no, ætate septuagenarius, Imperium
tenuit menses duos, dies octo, & vigin-
ti. Commodi interfectores ejus probi-
tate perfecta, ultro detulerant princi-
patum. Prætoriani impetu facto in pal-

tiam viæ spoliaverunt. Discipline severi-
tatem revocari moleste serebant, prio-
ris temporis licentia corrupti. Utrius-
que lingue facultate, & juris scientia in-
structus fuit ex disciplina Sulpicii Apolli-
naris, quo præceptore in tenera ætate
adus erat, cujus peritochæ in Terentii
fabulis extant. Pertinacæ interfecto Sul-
pitia-

pitianus & Didius Julianus palam de imperio in prætorianorum castris licitati. Julianus vicit, quinque & viginti festeria in milites singulos auctionatus. Tante summa cum solvendæ non esset, pollicitis quam fide ditior, inter militum odia, & populi invidiani destitutus, sexto imperii mense interfectus est. Septimius Severus, quo agente Julianus periit, ab Illyrici legionibus fuerat Imperator renunciatus, Africana Lepi (hæc Tripolis est trans Syrtim minorem) natus. Innatam animo favitiam bellica fortitudine compenlevit. Jactatum vulgo est, aut nunquam nasci debuisse; aut nunquam mori. Prætorianos caesi Pertinacis religio sedatos Roma ad centesimum lapidem relegavit, armis vestibusque detractis. Pescenium Nigrum imperii amulum in Oriente domuit; quo in itinere Byzantium portas claudentem evertit. Albinum in Gallia superavit, cum qui Milesias fabulas Aristidis exemplo scripsisse traditur, omni impuritate sedas. Parthi bis domiti. Rebus urbanis pristinus splendor restitutus est. Britannii pacati, atque ad arcendas Scotorum incursiones à mari ad mare, qua parte castigatis littoribus ejus insule latera maxime coarctantur, perpetuum vallum duci curavit. In ea expeditione defunctus est Eboraci, cum decem & septem annos imperasset, menses octo, dies tres. Ejus illa extrema vox fuit: Se imperium, quod turbatum acceperisset, pacatum filiis relinquere: firmum si bonis, si malis haud diuturnum; tum illa: Omnia fui, & nihil expedit. In Christianos nono imperii anno cum seviræ cœpisset, Felix presbyter, Fortunatus, & Archilocus Diaconi Valentia occubuerunt in Hispania. Tametsi nonnulli Archilcum legi pro Archiloco malunt, in alteraque Valentia peremptos fuisse, quæ in Gallia Lugdunensi sita est, ab Irenæo Lugdunensi Episcopo

Euangelii promulgandi gratia proculdubio amandatus; locorum vicinitas opinionioni suffragatur; Hispania longinqua. Prorsus Severo defuncto, Aurelius Antoninus Bassianus ejus filius, cui vestis Gallica populo donata Caracallæ nomen fecit, imperium tenuit annis sex, mensibus duobus, diebus quinque. Getam fratrem imperii consortem à patre testamento designatum sustulit. Publica ex eo novi principatus invidia novo facinore auda. Juliam novercam Getæ matrem connubio sibi junxit. Occisi fratris partibus studentes sublatis, Sammonicus Serenus Medicus, cujus multa scripta ferebantur eruditione præcipua, Jureconsultus Papinianus: nulla hic justiori de causa, quam quod jure fratrem casum ad senatum defendere recusasset, scilicet esse dicens parricidium facere, quam excusare. Nova fraude, simulatione conjugii cum Artapani Parthorum Regis filia incautos hostes ad Carras oppressit. Læticia diuturna non fuit. Martialis ferro dum ventrem levat confossus est, annos natus tres & quadraginta; supra corpus exanime Julia noverca conjuxque cum Antiochiam esset, ubi illa morabatur, delatum, ferro in viscera adactò occubuit. Tragedias referre videor; sed in reliqua amentia Alexandrum Magnum, quem imitatione exprimere studebat, detorto etiam in lavam capite representasse fertur. Successit Opelius Macrinus prætorii Præfectus; quo auctore cædes facta erat, Audentio concedente, cui à milite imperium deferebatur, uno Augusti nomine, nulla præterea re nobilis, neque in vita privata neque in principali. Breve imperium fuit. Mese arte (hæc Julæ soror erat) subornatis legionibus. Chalcedone perit ipse & filius Diadumenus, ejus sæculi anno ducentesimo nonodecimo, septimo Idus Junii, cum imperasset mensibus tredecim, diebus octo & viginti.

C A P U T V I I I .

Helioabali & Alexandri imperia.

AURELIUS Antoninus Varius Solis in Phœnicia Sacerdos, unde illi cognomen Helioabali, Caracallæ filius fuit ex Soemi genitus Mese filia. Ut

Augustus salutaretur, formæ dignitas juvit imperio digna, fallax sæpe iudicium compositi animi, Caracallæ patris memoria militibus grata, quibus omnia largie-

giebatur, & Mefle avie arres exercitu in
partes tracto. Imperavit annos tres &
menfes novem, dies quatuor. Vicitur
pituidine & freddo vite exitu infamis; libi
ditus promifcui avidus patientique: pro-
fus ut in muliebrem femum fe exiecar
tentarit. Romani imperii probum & lu-
mari generis portentum, Praetoriani mi-
lites ipfiusmet fanguine procurant; de-
cem & octo annos natum ferro pere-
merunt, fexto Idus Martii, anno du-
centefimo vigefimo tertio. In holofe-
rica primus Romanorum Imperatorum
vifus eft, cuius antea fubferica in ufu
effet. Bombycina tela ea attate exa-
quato auri pondere conftabant. Ab
Heliogabali inflitutum traditur in vin-
demia à fervis heros jocularibus & dicte-
riis lacerari. Heliogabali vitia fuccelfor
& confobrini Severus Alexander ve-
ris virtutibus exaquavit, magnus futu-
rus Imperator fi vita longior contigiffet.
More à Chriftianis mutuato neminem
muneribus publicis præfciebat nifi pro-
clamatum. Honores & magiftratus ven-
didit nunquam: cum diceret, qui emit,
vendat idem neceffe eft. Noftis æquum
fe præbuit: Chrifti imagine in præcipuo
larario atque inter Deorum figna collo-

cata. Neminem ad familiaritatem ac ne ad salutationem quidem admittere solitus erat; nisi integra probitas forma; arari adopiā ex cupulis super vacanteque artibus vestigali excogitatio sublevata. Cum Parthicā expeditionem contra Artaxerxen Persarum regnum longo ex intervallo revocantem feliciter obisset, belli impetu in Germaniam converso, Maximini prodigine & insidiis occubuit, ætatis anno nono & vigesimo, cum annos tredecim, dies novem, imperium magna aequitate gubernasset. In reliqua clementia illud paulo acerbius videatur, quod Turinum Vetricium fumos, id est, ficta laqueatoris responsa vendere solum, fumo necavit. Ulpiano Tyrio Jureconsulto multum & familiariter usus est, sacri scrinii Magistro: ejusque preceptis, vitam & mores conformavit. Eundem in militari furore purpura texit. Horum Imperatorum etate, quid in Hispania fit gestum, latet. Extat tamen Acciane basis statuae Mammæ Alexandri Imperatoris matri posita; quæ quoniam Christianis sacris umbrita fuisse creditur, & Origene familiariter usā est, inscriptionis verba subijciuntur.

IVLIAE MAMMEAE AVG. MATRI
IMP. CAESARIS MARCI AVRELII
SEVERI ALEXANDRI PIL. F. AVG.
M. CASTRORVM COL. IVL. GEM.
ACCITANA DEVOT. NVMINI
M. O. EIVS.

Fuit Mamea ex Juliae Augustae Mefae sorore nata, Soemis soror germana; ex Soemi & Caracala furto conceptus est Heliogabalus; ex Mameae & Marcelli iustis nuptiis Severus Alexander. Quo tempore Anterus Pontifex Ro-

manam ecclesiam rexit, & ad Episcopos Baticæ & Toletanæ Provinciæ literas dedic; fas esse negans Episcopos privati cominodi causâ ab una in aliam ecclesiam migrare.

C A P U T IX.

Maximinus, Gordianus, Philippus, Imperatores.

JULIUS Maximinus Thrax, ex obscuro genere natus, parentibus Meca Gottho, & Ababa natione Alana, ut Symmachus ait, nulla re alia fuit nobilis nisi vasti corporis viribus, & celeritate tanta, ut equi cursum

adaquaret: unde ad omnes militiae honores gradu facto, Alexandro Severo occiso humanae salutis anno ducesimo trigesimo sexto, rempublicam occupavit biennium, & menses aliquot. Imperii initio Germanorum motibus com-

Tom. I.

Ih

positis,

positis, Gordianum Africæ Præsidem ab exercitu Imperatorem salutatum, subsecutam approbationem senatus, cum Sirmium esset allatum ubi bellum in Sarmatis parabat, Romam converſo itinere, vindictæ studio ardens, dum in Aquileiæ obſidione moram trahit, novo nuncio allatum est: Gordiano & filio cognomine in Africa ſublatis, Albinum, & Pupienum, ſenatus ſuffragio novos Imperatores fuiſſe factos, magis deſperata venia, quam quod ſatis eſſet, animi ad Maximinum vindicandum. Eo nuncio milites excitæ, facto in prætorium impetu, Maximinum trucidarunt: reſpublica & Chriſtianorum natio magno periculo metuque liberatæ. Bellum enim in Chriſti ſectatores concitatur, ac præſertim eccleſiarum Præſides præcipuo odio ſuſceperat exagitandos. Maximus & focii hoc tempore pro religione ſanguinem profuſiſſe memorantur, ad Buſfragani montis ſpecum, à Tarracone viginti quatuor millibus paſſuum. Unde iſtæ necem extractus eſt, eo loco templo dicato colitur; & fortaiſſis Maximus hic eſt, quem cives Tarraconenſes vulgo Sanctum Magi nuncupare ſoliti ſunt; Balbino & Pupieno intra primum imperii annum prætorianorum furore ſublatis, Gordianus primi Gordiani nepos, ac vix quindecim annos natus, cum antea Cæſar eſſet & imperii ſucceſſor designatus, rempublicam cepit adminiſtrare. Miſithei ſoceri auſpiciis Perſico bello conſecto, quo tempore ſumma pollicebatur: Julii Philippi prætorii Præfecti fraude perit, ſexto imperii anno. Extant Gordiani ad focerum litteræ, quibus principalem vitam, domeſticorum præſertim, fraudibus obnoxiam eſſe conqueritur auribus Principis multis inſidiantibus, ipſo ſuis oculis res ſingulas conſiderare non valente. Sane nullius rei gravior apud Principes penuria eſt, quam veritatis: cui quis locus ſit inter continuos aſſentationis plauſus omnes aulæ partes perſonantis? Ea ſublata Principes cæcis ignorationis tenebris oppreſſos offendere paſſim quis miretur? aut quis non doleat, ſine luce eſſe, quos Deus in ſaſtigio collocavit: ut vitæ humanæ duces eſſent, & humanis erroribus ſuccurrerent opera, conſilio, auctoritate? Una medicinæ faciendæ via eſt, à magnis hominibus monſtrata à paucis

arcepta: ſi ad alios miniſtros aulæ procuratorem, amanueſes, aſſectas, vir aliquis ſpectata prudentia & probitate accerſatur ſi opus ſit magno: cui ſacultas ſit renunciandi Principi non vera modo, ſed quæcunque de ipſo fama loquatur, inanes etiam vulgi rumores & vanos. Dolorem ſæpe neceſſe eſt faciat, ſed ſerendus eſt tamen, ut maxime importunus interpellator accedat, utilitatis, ſanitatique ſpe eam moleſtiam compenſante. Et ſunt veritates radices amaræ, fructus ſuauiſſimus. Verum nunquam impetrabimus: Principum deliciæ quantæ ſunt non ignoramus, vitæ licentiam præcipuum imperii fructum arbitrantium; voces ad gratiam loquentium ſuauiſſimæ ſunt: veritatis ſpecies horrida, ingrata oculis atque auribus; non eſt tamen deſperandum fortaiſſe non canimus ſurdus. Erunt quibus veritas placeat, & monſtratum ſalutis iter publicæ privætque, videant, & ſequantur: atque intelligant, non eos qui carpunt mores vitamque reſtorum perniciem aſſerre, ſed eos qui auribus loquuntur grata, quorum eſt infinitus numerus in aulis Principum major, certa peſtis quia blanda. Ad Imperatorum numerum, revocanda oratio eſt. Sublati innocentis juvenis merces imperium fuit. M. Julius Philippus natione Arabs, obſcuro genere, militari laude clarus rempublicam occupavit anno Chriſti ducentefimo quadageſimo quinto: tenuitque ultra quinquennium. Iſto iſtæ ſub initia cum Perſis ſœdere, ex quo Meſopotamiam hoſti conceſſit, Romani imperii majeſtatem obſcuſaſſe viſus eſt. Romam reverſus annum ſeculare clauſit, majori quam unquam lætitiæ ſignificatione & ludorum apparatu, nimirum ab Urbe condita miſſimum. Contra Gothos Thraciam vaſtantes Marino Duci miſſo, ab exercitu imperium eſt deſatum, cæteraque Auguſtiſt deſerri ſolita, à Decio in Meſſia collatis ſignis ablatum cum vita. Ipſe oppreſſi tyranni præmium ab exercitu compulſus imperium datum conſtanter tutatus eſt, Philippo, qui obvium armatus progrediebatur Veronæ in militari ſeditione trucidato. Cognominis patri filius, quem ſeptennem imperii confortem ſecerat, eo ingenio ut nunquam riſiſſe ſerant, Romæ ad nuncium de

patris nece est occisus. Origenis ad Philippum litteræ Hieronymi ætate extabant. Christianis nimirum sacris initium, ac non nisi sceleris suscepti prius poena exoluta à Fabiano Pontifice ad mysteria admissum, qui affirmant auctores habeo antiquos & graves; resistunt alii hanc laudem Constantino Magno tribuentes, ut primus Romanorum Imperatorum Christi Dei agnoverit maiestatem. Philippi thesauris ecclesiam fuisse locupletatam nonnulli suspicantur, mores depravati simulasse potius quam impleisse Christiani hominis officium declarant. Gn. Messias Decius, cum saluti anno ducentesimo quinquagesimo imperium occupasset, religionem Christianam savissime exagitare cepit Philippi odio, ut creditum est: disciplinam ecclesiasticam multis modis collapsam externo bello astringere, atque revocare divinum numen parabat.

C A P U T X.

Valerianus, Gallienus, Claudius, Aurelianus, Imperatores.

LICINIUS Valerianus ætate septuagenarius erat cum in Gallia contra Æmilianum legionum conspiratione factus est Imperator, anno ducentesimo quinquagesimo quarto, non alia de causa in fustigio rerum positus, nisi ut graviori casu præcipitaret. Longæva sepe vita calamitibus est obnoxia, vertentique fortunæ tribuit quos secundis rebus honestarat. Septimo imperii anno in Persarum bello victus, & captus calamitosam servitutem amplius annum toleravit, Gallieno filio, quem imperii consortem fecerat, nihil minus quam de liberando patre, aut imperii maiestate cogitante: Persarum, Gotthorum, & Germanorum bello non magis quassati, quam intestina triginta tyrannorum ambitione. Jamdudum respublica mole sua cœperat laborare. In his Posthumus Gallia occupata Francos auxiliares primus advocavit, gentem entenus ignotam in historia Romana. Lollianus Gallieni jussu Posthumo superato casoque, se pro illo vicarium substituit cum filio ejusdem nominis, cujus esse putantur declamationes Quintiliani nomen præferentes. Tetricus Hispaniam tenuit, in quam Ger-

In eo Christophorum martyrem occubuisse Nicephorus auctor est. A Gettis seu Gothis (iidem enim fuisse putantur) Moesiam Thraciamque vastantibus, primo prælio victor, in secundo conflictu occisus est, ipse & filius cognominis, cum biennium rempublicam gubernasset. Trebonianus Gallus, cujus perfidia circumventus fuerat, imperium deferente exercitu tenuit annum semestremque, facto cum Gothis victoribus fœdere, ex quo tributum annuum illis pendere est pactus. Ea ex re cum despectui esse cœpisset, & Gothos rursus tumultuantes, Æmilianus natione Afer, atque, in Mauritania Tingitana natus, ingenti prælio superasset, imperium arripuit, Galloque in acie casu, nam obviam prodierat, quatuor tantum menses tenuit, nulla præterea re gesta ad memoriam insigni, prorsus ut in nullo Augustorum numero sit:

manica natio per Galliam infusa totis duodecim annis urbes & agros igne ferroque vastavit. Orientis provincias Odenatus Palmerinus, eoque defuncto Zenobia uxor ad Aurelianium usque Imperatorem, majori quam pro sexu animo autata est. Gallieni uxor fuit Cornelia Salonina, Decii Herennia Sallustia, ut lapides in Hispania non uno loco reperti declarant. Per hæc tempora Lucius Pontifex Romanam ecclesiam gubernabat, cujus extant litteræ ad Episcopos Hispaniæ & Galliæ. In his Episcoporum concilia sepe haberi hortatur. Metropolitanis quid juris sit in finitimis ecclesiis declarat; hæreticorum usu interdicit: facite animos ad perferendas eorum temporum graves & diuturnas calamitates. Lucio successit Stephanus, quo Pontifice Hispaniæ Præsules in conventu communicato consilio duos Episcopos Martialem Emeritensem & Basilidem Asturicensensem loco moverunt, lege de libellaticis postulatos atque convictos. Libellatici erant, qui syngrapha religionem deserebant: qui impio se cultu contaminabant, il Sacrificati vocabantur, uti Cypriani epistola declarat.

Hh 2

Basi

Basilides Romam delatus Stephani Pontificis auctoritate absolutus est; nimirum ad ecclesiam caput confugit, unde jura sacra prodire moris erat; mutari aliorum decreta perperam facta. Hispani tamen sacerdotes ea re offensi Cyprianum Carthaginensem Felice & Sabino Episcopis ad eum legatis de tota re admonent. Negat is cum aliis Episcopis consilio communicato homines desertæ fidei reos debere ad pristinos honores redire; imposita pro modo culpa poena recipi sua quidem esse, sed sacerdotali tamen honore atque functione detractis. Id Cornelii Pontificis decreto sancitum. Stephanum in tanta longinquitate videri in fraudem inductum. Itaque Sixtus II. Stephani successor, litteris fortassis hac ipsa de causâ innotuit Episcopos Hispaniæ Patrum decreta convellenda non esse, neque ante legitimam cognitionem Episcopos loco movendos videri, neque absque conscientia Romani Pontificis; jussu ab eo reponi, quæ per injustitiam essent ablata. Atque hi sane tres Romani Pontifices ejus belli procella consumpti sunt, quam Valerianus Imperator cum initio visus esset in religionem Christianam bene animatus, concitavit. Perit etiam Romæ Laurentius Diaconus, Officiarius in Hispania natus, Orentio & Patientia parentibus, quos Offenses in ecclesiis numero habent. Sixtus II. priusquam esset Pontifex, Evangelii evangelandi causâ delatus in Hispaniam, Laurentium Vincentiumque comites secum detulerat Romam rediens. Inerat in Laurentio indoles animique constantia, quam perferendis gravissimis cruciatibus ne datam Christo fidem proderet, sitis declaravit; salvis anno ducentesimo quinquagesimo nono, tum ipse, tum Sixtus sunt cruciati. Errant qui Decium imperio accidisse ajunt. Errant qui Decium Cæsarem Valeriani nepotem ex auctoritate Trebellii Pollionis arguto commentio assingunt, magis quam ex fide Laurentium peremisse, minuti scriptores securitate maxima. Sed eodem profusus anno, Fusco & Basso Coss. Fructuosus primus Tarraconensis Præsul, Augurius & Eulogius Diaconi in ea urbe non minori constantia illatam pro vera pietate mortem tolerarunt. Emilia-

ni Præfides miles, ac filia ætate parvula à milite ad considerandum excitata, sanctorum animas continuo sublimes in æra ferri viderunt, ut Prudentius est auctor. Horum exuvia, qua ciussa & tempore incertum, sed in Ligures tamen migrarunt, servanturque non procul Genus urbe in Benedictinorum cænobio. Consequenti anno Dionysius in Sixti locum Romanus Pontifex factus est. Aureolum, qui in Illyrico rebellarat & Mediolanum in potestatem redegerat, Gallienus intra eam urbem obsidebat, cum suorum conjuratione perit, salvis anno ducentesimo sexagesimo nono, ex quo primum imperare coepit, anno quindecimo. Perit etiam minor frater Valerianus, quem consortem imperii dixerat. Vacuam rectore rempublicam Flavius Claudius occupavit. Anno proximo idem cum Paterno Consul fuit. Quibus Coss., Dionysius Pontifex ad Severum Cordubensem Episcopum litteras dedit, uti Romana ecclesiæ exemplo populorum in paræcias tribuat mandans. Verum Claudius novus Imperator cæso Aureolo, cum Gothos deinde & Germanos armis domuisset, Tetricum qui Hispaniam & Galliam obtinebat, an Zenobiam bello peteret incertus Sirmii morbo oppressus est, magno reipublicæ incommodo, neque minori luctu. Annum, menses decem, dies quiddecim imperavit. Constantii Cæsaris magnus avunculus fuit, nam ex fratris Crispi filia & Eutropio gentis Dardana, Constantius est natus Magni Constantini pater. Claudii morte renunciata Quintilius alter Claudii frater, cui à senatu erat imperium delatum, rerum mole oppressus sibi mortem conscivit, septimodecimo die ex quo Augustus erat filitatus; magnum imperii ludibrium. Erat allatum militari suffragatione. L. Domitium Aurelium Imperatorem esse renunciatum, viribus & auctoritate potior. Qui inter optimos Principes locum habere potuit, ni bellicam gloriam ingenii sævitia fœdasset, atque Christianæ nationis odio gravissimo. Dacis enim domitis, quibus due Moesia ad habitandum data sunt, tyrannis toto imperio, qua vi, qua voluntate ad officium redactis, Zenobiam ad Palmiram urbem captam, cum fugeret ad Persas

came-

camelis quos dromadas vocant, Romam in triumphi pompa egit civium oculis, gratissimum simul & miserabile spectaculum exhibens, mirantium in fœmineo pectore virile robur atque animum malis invictum. Eum triumphum ex veteri more Romanorum Imperatorum postremus instaurasse Aurelianus memoratur. Deinde Oriente repetito, in Persas dum bellum parat, Heracleam inter & Byzantium Mnesithei familiaris fraude perit. Annos quatuor, menses undecim, dies septem rempublicam gubernavit. Aureliam ad Ligerim & Genavam ad lacum Lemanium in Gallia condidisse, qui affirmant auctores habeo. Narcissus Gerundæ in Hispaniæ Gallie-

que confinibus, postquam Alpinis gentibus Euangelium annunciarat, occisus pro religione est, tum ipse, tum Felix Diaconus; alterum eodem nomine ea urbs præcipua religione celebrare consuevit (ne nomen similitudo fallat) alio tempore neci datum. Extant Eutychiani Pontificis Romani superiori anno in Felicis occisi locum cooptati litteræ ad Joannem atque alios Bactricæ Episcopos, Aureliano & Marcellino Coss. hoc est, salutis anno ducentesimo septuagesimo sexto. In iis propriè de Dei filio homine factio disseritur adversus Hæreticos in Hispania novis opinionibus religionis synceritatem commaculantes.

C A P U T X I.

Quidam alii Imperatores.

AMORTE Aureliani sex mensium interregnum tenuit, novo ad eam diem certamine inter exercitum & senatum, utrique ad alteros novi Imperatoris creandi potestatem arbitriumque ablegabant; victi tandem Patres modestia militari Clau. Tacitum Augustum creant. Præcipiti ætate annos natus octo & septuaginta, non diu rebus præfuit; cum rempublicam tenuisset menses sex, dies viginti, Tharsi defunctus est. Florianus frater successor tertio deinde mense discessit ultro venis sibi mortem conscivit; conscientia imbecillitatis incitavit, metusque M. Aurelio Probo à legionibus in Oriente Imperatore salutato, natione quidem Dalmata, obscuritatem tamen generis belli & pacis artibus præclare compensante, usque adeo ut Probi nomen nisi à patribus accepisset, veris virtutibus parare potuisset. Germanos Galliam, Sarmatas Illyricum vastantes domuit. Narseo Persarum Regi leges dedit. Vandalis & Gothis in imperii provincias magno numero dilapsis agri in Thracia dati. E duobus imperii æmulis Saturninum in Ægypto Probi metu angratia ipsiusmet milites peremerunt, Bonosum ad Rhenum acie victum ad laqueum adegit. Galliæ & Hispaniæ vietas ferendi facultas plena concessa, Domitiani Imperatoris interdicto abrogato. Perit in Illyrico in seditione militari,

Tom. I.

cum Persas denuo tumultuantes bello repetere maturaret; postquam annis quinque & mensibus quatuor imperarat. Severior disciplina militum odium conciliarat, & quoniam sublatas hostibus aliquando negavit exercitu amplius opus fore. Successit exercitus suffragio M. Aurelius Carus, salutis anno ducentesimo octogesimo secundo; nonnulli Dalmatam, alii Gallum faciunt, ipsius litteræ Romanum. E duobus filiis quos continuo imperii consortes renunciavit, Carinum quidem in Gallia atque Hispania rempublicam curare mandavit. Numerianum autem secum contra Persas duxit. Eo in itinere Babylas Antiochenus Episcopus lege perduellionis postulatus capite poenas dedit. Numerianum sive cupiditate cognoscendi nostra, erat enim omni liberali disciplina excultus, sive ut religioni convivium faceret, Christianis sacris interesse volentem templi aditu prohibuisse crimen erat; facinus aliqui dignum immortalis laude. Omnino bello Persico proligato Carus quidem ad Tygridis ripam fulmine tactus est altero imperii anno ineunte. Numerianum autem paulo post in lescica qua gestabatur, cum ex oculis laboraret, focer Arrius Aper interficiendum curavit; imperandi ambitione affinitatis jure violato. Hunc Diocletianus ab exercitu Imperator salutatus, gladio transverberavit, illud sub

Ii

ictum

ictum ipsius effatus: Gaude Aperi magni
Æneæ dextera cadis. Carinum bellum
comparantem totius imperii obtinendi
studio & spe, prælio superatum cecidit.
Quo tempore in Citeriori Hispania M.
Aurelius res gerebat pro Romanis. ut
nonnullæ lapidum inscriptiones declarant:
unde illud etiam perspicitur Imperatores

(quod antea etiam fastidium inscriptio
Romæ in fronte Pantheonis indicio est)
per hæc tempora non Consulis modo no-
men, sed & Proconsulis usurpare con-
suevisse. Ejus rei argumento unam è
multis inscriptionem adscribi visum est,
Sagunti conservatam in foro rerum venis-
simum his verbis.

IMP. M. AVR. CARINO.
NOBILISSIMO. CAES. PIO.
FELICI. INVICTO. AVG.
PONT. MAXIMO. TRIB.
POT. P. P. COS.
PROCOS.

Præterea quod in reliquis provinciis ab
Antonini Philosophi imperio usitatum
erat, ut Romani gubernatores Comites
vocarentur, idem deinceps in vestum
observatumque in Hispania. Tametsi

exacto magistratus tempore dum suc-
cessorum adventus expectabatur Lega-
ti Cæsare, utroque tempore Præsides
ut dicebantur in more positum obser-
vamus.

C A P U T X I I

Diocletianus & Maximianus Imperatores.

DIOCLETIANUM ex libertino
sanguine natum Dalmatia dedit Im-
peratorem, salutis anno ducesimo
octogesimo quarto: cum optimis com-
parandum, ni tam multo Christiano-
rum sanguine manus sedasset. Imperii
anno altero, Maximianum Herculeum
principatus consortem dicit, paulo post
Galerium Maximinum & Constantium
Chlorum Cæsares creavit. Galerius Va-
leria Diocletiani filia uxor data, Constans
Theodora Maximiani privigna, He-
lenam Britannii Regis filiam, unde Con-
stantinus, cui res gestæ & religionis
amor Magni cognomen pepererunt, na-
tus erat, repudiare coactus. Ergo Dio-
cletianus Ægypti, Maximianus Africae,
Constantius Britannia motus pacarunt,
eventu vario, successu demum omnes
prospero. Galerium apud Persas re ma-
le gesta Diocletianus in Mesopotamia,
quo, domita Ægypto processerat, igno-
minia causa pedibus ante Carpentum
currere mille passus coegit, victorem
paulo post triumphi persimili pompa ob-
vius accepit; præmio & pœna continen-
tur res humana: hæc ignaviam arceat,
spe præmii industria alitur. Romanam pa-

catis imperii provinciis cum rediisset,
octavodecimo imperii anno bellum quod
in Christianam religionem ante octo
annos concitaret severissimum crudeliori-
bus edictis exacerbavit anno Christi
tercentesimo tertio, nimirum Coll.
Diocletiano VIII. & Maximiano VII.
ut Augustinus est auctor; templa Chri-
stianorum everti, libros sacros exuri,
Christianos homines infames haberi, &
publicis honoribus arceri imperatum;
additum deinde ut ecclesiarum præfecti
interficerentur. Hoc bello Romæ Cæsar
Pontifex & Gabinus frater, atque hujus
filia Susanna trucidati. Iusta & Rufi-
na Hispali lege violata religionis postu-
late, quod Salambrona, hoc est, Ve-
neris statuam ad terram afflixissent. Mar-
cellus Centurio patria Legionensis, Tin-
gi in Mauritania iussu Agricolæ Prætorii
Præfecti, cujus in Codicibus Theodosii
& Justiniani mentio extat; abjecti cingu-
li, quod militis erat insigne, studio re-
ligionis, crimen objiciebatur. Hujus
Centurionis duodecim filii memorantur
pro vera religione graves cruciatus mor-
temque; tolerasse: tametsi non eodem
omnes tempore, neque loco uno. Clau-
dium.

dium, Lupercium, Victorianum, E-meterium & Celedonium, Servandum & Germanum, Acisclum & Victoriam in hoc numero qui reponant auctores habeo. Faustum, Januarium, & Martialem adjiciunt alii. Marinam præterea, cujus extat templum ab Aquis Sextiis octo millibus passuum, eo loci atque per hæc tempora occubuisse nonnulli suspicantur. Atque hæc priusquam Datanus à Dioletiano missus veniret in Hispaniam, at-

que impie immanitatis vestigia tota provincia impressa reliquisset. Cum furor impius ab extrema Hispania exorsus, quæ Pyrenæi jugis determinatur à Gallia, brevi intervallo ad Austrum Occursumque universam provinciam pervasit. Finium meta Pacem Juliam inter & Eboram ad pagum Oreolam Datanum totius Hispaniæ Præsidem fuisse declarat in hæc verba.

D D. N. N.
AETERN. IMPP.
C. AVR. VALER-
IO. IOVIO DIO-
CLETIANO. ET
M. AVR. VALERI-
O. ERCVLEO

PIIS. FEL. SEMPER AVGG.
TERMINVS. INTER
PACENS. ET. EBORENS.
CVRANTE. P. DATIANO.
V. P. PRAESIDE. H. H.
N. M. Q. E. ORVM
DEVOTISSIMO.

HEINC. PACENSES.

Prorsus Datiani seviria Felix & Cucufatus in Africa quidem nati, cæterum in Hispaniam appulsi studio Christiani nominis amplificandi, Felix Gerundæ, Cucufatus Barcinone occisi sunt; ubi etiam Eubalia interfecta est ab Emeritenſi diversa. Cæsaraugustam appulsus Engratiam (Prudentius Engratium vocat) cum Rustinonem ad sponſum properaret ab extrema usque Lusitania trucidavit; & cum ea decem & octo comites itineris. Ad hæc innumera civium multitudo neci data. Corpora exusta una cum sceleratorum hominum corporibus, ne videlicet à Christianis colerentur, ut erat in more positum. Cineres in massas conglobati discretique ab aliis, massa candida dicti sunt. Quod in Africa trecentis aliis martyribus in calcem ardentem jactatis, quo die casus est Cyprianus, contigisse Prudentius est auctor, ut eorum cineres dicerentur massa candida. Valerius ejus urbis Episcopus, & Vincentius Diaconus Valentiam ad

dicendam causam missi, si quo modo itineris longinqui labore & spatio temporis mentem mutarent. Valerius exilio multatus tantum ad montes, qui Cinga flumine alluuntur, vitæ reliquum exegit. Datanus fortassis præcipiti ejus ætati dandum judicavit, ne majores subire cruciatus cogeretur. Vincentium autem cum neque de sententia decederet, neque libros sacros proderet, quod qui fecissent ab eo crimine traditores per ea tempora cæperunt vocari: consumptis omnibus cruciatibus ferri ignisque peremit. Corpus ejus ex promontorio Sacro, quo fuerat delatum metu Maurorum Hispaniam universam vastantium (unde illi promontorio D. Vincentii nomen) Alfonso primo Rege Lusitaniæ Olisiponem migravit, ejus provinciæ urbem primariam, uti alio loco est explicandum. Compluti Justus & Pastor vix dum infantie annos egressi occubuerunt in campo Laudabili, ubi progressu temporis augustum templum eorum nominibus excitatum

tum est, inclytum ministrorum numero eruditioneque; corpora ex vario errore ob Maurorum infestationem, anno tandem humanæ salutis millesimo quingentesimo sexagesimo octavo, Philippo II. Hispaniæ Rege agente, Osca Complutum relata atque in eodem locubi sanguinem profuderant collocata. Emerita Eulalia quatuordecim annos nata, & Julia socia trucidata. Toleti Leocadia virgo cruciatum metu & pedore carceris exanimata perit. In Gothicis precibus inter confessores, in Romanis inter marty-

responitur, haud magno quidem discrimine. Leocadiæ corpus in Hannoniæ montibus Benedictini socii in S. Gislei monstrabant, Hispanæ an alterius incertum: Hispanæ, ut credamus inclinatus. Iniqui iudices cur simus in nostra causa? Nam quo hæc tempore commentabamur, Philippus II. Hispaniæ Rex postliminio patriæ reddidit, incredibili hominum concursu plausuque ad sextum kal. Maii, anno millesimo quingentesimo octogesimo septimo, insita pietatis monumentum præclarum omnibus seculis.

C A P U T XIII.

Quo loco sita sit Elbora.

TOLETO relicta Datianus Elboram abiit. In eo oppido Vincentius alter comprehensus, verbisque Præsidis castigatus, cum de constantia animi nihil mutaret, dato evadendi spatio Abulæ profugus pro religione occubuit, ipse sororesque ejus Sabina & Christeta, fugæ auctores & comites. Hæc in confesso sunt: illud dubium, qua in Hispaniæ regione Elbora sita sit; quo nunc nomine excisa an superstes, vicina Toletum, an disita procul: inter viros præcipue eruditionis opinione, magnis animis, parique contentione disceptata quaestio. Lusitani fere gentilem suum Vincentium fuisse contendunt, Eboræ natum, urbe in ea gente nobili antiquaque; resistunt alii, atque Elboram in Carpetanis sitam fuisse confirmant: nostraque ætate Talaveram vulgo dici persuadent. Illis major nominum similitudo favet antiqui recentisque, ducta per manus opinio, vetustatis monumenta: lapis quem vestigio consistens Vincentius certe instar emoluisse fertur: ædes paternæ ad hunc diem iisdem vestigiis conservata, cultaque; quæ si levia putantur, negemus omnia, comburamus annales, susceptas à populis Divorum religiones evertamus, quidvis potius quam à suscepta semel sententia nos dimoveri patiamur. Hæc sunt in hanc partem argumenta valida atque præclara: quis neget? quis non videat? In alteram partem plura. Urbium Toleti, unde Datianus discessit, & Abulæ ubi fugientes Martyres infectus neci dedit, vicinitas, Eboræ longin-

qua: unde reversum Præsidem, quis credat, uno juvene mactando? aut qui contendens Emeritam Eboram deviam, atque supra centum millia ulterius positam prius adiit? Verum de tota itineris ratione præstabit ex libris ecclesiasticis eximia vetustatis D. Leocadiæ vitam mortemque adscribere: Braulio Cesaraugustanus Episcopus auctor; sic multorum opinio est. „ In temporibus, inquit, „ illis, dum post corporeum Salvatoris „ adventum & pro redemptione nostra „ sanguinis ejus effusionem, ab inferis „ descensionem, à mortuis resurrectionem, in cælum ascensionem, Evangelica eruditio sensum atque gradatim „ Apostolorum doctrina in omnem terram refulsisset: sero tandem Hispaniæ sinibus innotuit: eratque rara fides, „ & ideo magna quia rara. Delubra vero gentilium in omni loco sacrilega effusione sanguinum taurorum hircorumque fumabant: & quia nonnullæ civitates, oppida, vici, castella, sine Faunorum monstrorumque imaginibus ex auro argentove & omni metallo non erant, colebantur propterea in effigie demones, & fides „ in Christo pullulans inter tantas rabies paganorum palpitabat. Conventicula vero nominis Christi secretissimis & abditissimis locis à paucis & perfectis ingrediebantur peragenda; & quantum crescebat Christiani nominis dignitas, tantum deficiebat execranda calamitas. Ita fiebat, „ ut in nonnullas urbes perfecta fidei „ sta-

„ flagrant incendia, ut non jam per
 „ lucbras occulendo, sed publice eccle-
 „ siæ Sacerdotibus, & omni præpolle-
 „ rent clero. Quæ fama non solum to-
 „ tam Italiam sed & Byzantium peragra-
 „ vit: quæ causâ fecit ut impiissimum
 „ Datanum Præsidem impiissimi Dio-
 „ cletianus & Maximianus Imperatores
 „ ad evertendam magis quam ad guber-
 „ nandam destinarent Hispaniam. Pri-
 „ mum namque Gallium ut lupus cruen-
 „ tus intravit, ibique exsternatus sanguine
 „ Martyrum, cadavera crapulatus ruc-
 „ tans, Hispaniam aggressus est: Feli-
 „ cem, Cucufatem, Eulalam, & alios
 „ quorum nomina longum est scribere,
 „ gravissimis tormentis afficiens, Deo
 „ animas consecravat innocuas; ac post
 „ inde Cæsaraugustam, quasi leo fren-
 „ dens arripuit. Quanta ibi ludibria?
 „ quantaque verbera? quot cruce?
 „ quot effusiones sanguinum operatus
 „ fuit? Si humana lingua taceat, ipsa
 „ quæ polluta est Christianorum sangui-
 „ nibus terra loqueretur, & quod nul-
 „ lus exceptus sit, qui bustali situ non
 „ teneat redivivos ac florentissimos ci-
 „ neres Martyrum locus. Inde alacri
 „ profectu Complutensem ingreditur ci-
 „ vitatem; protinus pro cruore lac trun-
 „ catis corporibus fundens, geminas
 „ margaritas in diademate nostri Regis
 „ affigendas, & innocentie dignitate
 „ velut auro conspicuas, Justum & Pas-
 „ torem à terra cælo per feram impieta-
 „ tem pius Dominus suscepit. Deinde
 „ veniens Toletanum urbem ingressus,
 „ cepit sagaci indagatione perquirere
 „ sanctorum membra, ibique reperit
 „ Deo dicatam sanctam Leocadium, ge-
 „ nere nobilissimam, nobiliori tamen
 „ proposito mentis ornatam, quæ non
 „ diebus non noctibus pervigili cu-
 „ ra ab oratione cessabat. Qui cum
 „ eam presentari suis conspectibus præ-
 „ cepisset, ita affatus est: Cur te levis &
 „ vana deludit circumventio, ut de tam
 „ præclaro genere nata, derelinquens
 „ caeremonias Deorum nostrorum, nes-
 „ cio cui Christo te præferas servitutum?
 „ Cui beata Leocadia cum grandi suda-
 „ cia ita ad hæc respondit: Non me
 „ tua suasio à proposito Christi, cui
 „ me integram vovi revocat, non illu-
 „ sio verborum tuorum, nec blandi-
 „ Tom. I.

„ menta natalium, quibus me suades,
 „ retrahet à servitute, vel à promissio-
 „ ne Domini mei Jesu Christi, qui nos
 „ pretioso suo sanguine redimens, ma-
 „ gnâ induit libertatem. Fremens ita-
 „ que Datanus præcepit miliibus arctif-
 „ simis vinculis beatam Leocadium col-
 „ ligatam in carcerem trudi, cogitans
 „ quolibus tormentis vel pœnis eam
 „ posset affligere. Itaque Elboram in-
 „ gressus, officium omne præmonet,
 „ ut indagatione percurrentes, Christia-
 „ nos quoscunque invenissent, ejus tri-
 „ bunalibus præsentarent: statimque re-
 „ pertum adolescentem quandam nomi-
 „ ne Vincentium, cujus meritum no-
 „ mini committebatur suo, compre-
 „ hensum ejus conspectibus sistunt.
 „ Quem cum Sabina & Christeta ejus
 „ sororibus in Abulensem civitatem per-
 „ sequens, digna Christo munera conse-
 „ cravit. Profectusque ab Abula.
 „ Emeritensem ingressus civitatem,
 „ illico tribunal sibi præparari præ-
 „ cepit, multoque Sanctorum crude-
 „ liter sanguine fuso transmisit ad
 „ Deum: inter quos sanctam Eula-
 „ liam multis cruciatibus, multique ver-
 „ beribus afflictam igne applicato Do-
 „ mino consecravit. Cumque in Toleta-
 „ nam urbem ad beatam Leocadium
 „ percurrisset fama, genibus in oratio-
 „ ne positus in eodem loco, quo re-
 „ trusus tenebatur, confessionis oratio-
 „ ne completa, suum Domino com-
 „ mendavit spiritum: qui Martyres &
 „ Confessores suos coronavit, in pace,
 „ cui est honor & gloria, virtus & po-
 „ testas in secula seculorum amen. Ita-
 „ que Braulio, seu quivis alius, rem ut
 „ gesta est litteris commendavit, Dau-
 „ nique iter complexus est: Abulam El-
 „ boram fugisse Martyres secutum Præsi-
 „ dem iidem vestigiis affirmat, nimirum
 „ Talavera profectos, uti locorum vicini-
 „ tates fidem facit; quod municipium
 „ Elboram dictum Lucas Tudensis ait,
 „ nulla diligentia, nulloque judicio di-
 „ ces; esto, tamen non infulso neque
 „ inerudito ingenio fuisse, editi ab eo
 „ libri arguunt. Certe Ptolemæus Li-
 „ boram vocat proxima Ilurbida, si-
 „ ta quondam ubi nunc ager est no-
 „ mine Loruiga (sic putamus) qua-
 „ tuor distitus passuum millibus trans Te-
 „ gum:

gum: atque exadversum loci ubi Alverchius confunditur Tago, ex Abulensibus montibus manans. Livius Eburam urbem in Carpetanis ponit, nobilemque in paucis pugnam ad eam commissam Romanos inter & Celiberos ait, Q. Fulvio Flacco Citeriorem Hispaniam ex prætura obtinente, iis notis designato loco, quas in suburbanum ejus oppidi agrum convenire omnes, quibus hæc considerare studium fuit, persuasum habent. Sed ipsa elegantis historici verba, ex libro quadragesimo subjicimus: „Magnum, inquit, bellum ea ætate coortum in Hispania Citeriore. Ad quinque & triginta millia, hominum, quantum nunquam ferme antea Celtiberi comparaverant. Q. Fulvius Flaccus eam obtinebat provinciam: is quia armare juventutem Celtiberos audierat, & ipse quanta poterat à sociis auxilia contraxerat: sed nequaquam numero militum hostem æquabat. Principio veris exercitum in Carpetaniam duxit, & castra locavit ad oppidum Eburam, modico præsidio in urbe posito. Paucis post diebus, Celtiberi millia duo ferme inde sub colle posuerunt castra: quos ubi adesse Prætor Romanus sensit, M. Fulvium fratrem cum duabus turmis sociorum equitum ad castra hostium speculatum misit, quam proxime succedere ad vallum iussit, ut videret quanta essent, pugna abstineret, reciperetque sese si hostium equitatum exeuntem vidisset. Ita ut præceptum erat fecit; per dies aliquot nihil ultra motum, quam ut hæc duæ turmae ostenderentur, dein subducerentur, ubi equitatus hostium castris procurrisset. Postremo & Celtiberi omnibus simul peditum equitumque copiis castris egressi, acie directa medio ferme spatio inter bina castra constitierunt. Campus erat planus omnis, & aptus pugnae: ibi steteret Hispani hostem expectantes. Romanus intra vallum suos continuit per quadratum continuum, & illi eodem loco aciem instructam tenuerunt: ab Romanis nihil motum. Inde quiescere in castris Celtiberi, quia pugnae copia non fiebat. Equites tantum in stationem egrediebantur, ut parati essent si quid ab hoste moveretur.

„Pone castra utrique pabulatum & lignatum ibant, neutri alteros impediendes. Prætor Romanus ubi satis tot dierum quiete credidit spem factam hosti, nihil se priorem moturum, L. Acilius cum ala sinistra, & sex millibus provincialium auxiliorum circumire montem jubet, qui ab tergo hostibus erat; inde ubi clamorem audisset, decurrere ad castra eorum. Nocte profecti sunt, ne possent conspici. Flaccus luce prima C. Scribonium Præfectum socium ad vallum hostium cum equitibus extraordinariis sinistrae alae mittit: quos ubi & propius accedere, & plures quam soliti erant Celtiberi conspexerunt, omnis equitatus effunditur castris simul, & peditibus signum ad exeundum datur. Scribonius, uti præceptum erat, ubi primum fremitum equestrium audivit, avertit equos, & castra repetit, eo effusius sequi hostes; primo equites mox & peditum acies aderat, haud dubia spe castra eo die se oppugnaturus; quingentos passus non amplius à vallo aberant. Itaque ubi Flaccus satis abstractos eos à præsidio castrorum suorum ratus est, intra vallum exercitu instructo, tribus partibus simul erumpit, clamore non tantum ad ardorem pugnae excitandum sublato, sed etiam ut qui in montibus erant exaudirent. Nec morati sunt quin decurrerent, sicut imperatum erat ad castra, ubi quingentorum armatorum non amplius relictum erat præsidium. Quos cum & paucitas sua & multitudo hostium, & improvisa res terruisset, prope sine certamine capiuntur castra; castris, quæ pars maxime à pugnantibus conspici poterat, iniecit Acilius ignem; postremi Celtiberorum qui in acie erant, primi flammam conspexere; deinde per totam aciem vulgatum est castra amissa esse, & tum cum maxime arderent, unde illis terror, inde Romanis animus crevit. Jam clamor suorum vincientium accidebat, jam ardentia hostium castra apparebant. Celtiberi parumper incertis animis fluctuati sunt. Caterum posteaquam receptus pulsus nullus erat, nec usquam nisi in certamine spes, pertinacius de integra capebant pugnam. Acie media

„ur-

„urgebantur acriter à quinta legione.
 „Adversus lævum cornu, in quo fui
 „generis provincialia auxilia instruxisse
 „Romanos cernebant, cum majori fi-
 „ducia intulerunt signa. Jam pro-
 „pe erat ut sinistrum cornu pelleretur
 „Romanis, ni septima legio successisset,
 „simul ab oppido Ebury, qui in præsi-
 „dio relictæ erant, in medio ardore pu-
 „gnæ advenerunt: & Acilius ab tergo
 „erat. Diu in medio castris Celuberi,
 „qui supererant in omnes passim partes
 „capebant fugam. Hactenus Livius. Er-
 „go manifestum efficitur, oppidum de
 „quo instituta disputatio est, Ptolemæo
 „Liboram esse ex regionum intervallis,
 „mensuraque: Eburam Romanis, certe
 „fuisse in Carpetanis constat. Ex iis vo-
 „cibus Elboram factam quis miretur? quis
 „dubitet? nisi qui nominibus commutan-
 „dis vim antiquitatis ignorat. Monimen-
 „ta vetustatis nihil moror: quanta in his
 „rebus vanitas sit, quanta commenta vul-
 „gi, multis exemplis docere promptum
 „erat. Sed & iis propria monumenta El-
 „bora Carpetanorum opponit: Vincentii
 „aedes, ubi nunc D. Joannis & Lucie no-
 „minibus xenodochium est; forum quod
 „à vicino templo sancti Stephani vocabatur,
 „ubi incolæ persuadent Vincentium
 „ad tribunal Præsidis saxo vestigium im-
 „pressisse; in vicinis montibus, qua Abu-

lam itur, antrum in rupibus specie hor-
 rida trium fratrum latebra omnibus cir-
 cum populis nobile: in montis cacumi-
 ne fugæ monumentum arx, & templum
 Vincentii nomine inclutum olim non
 religionis modo opinione, sed & am-
 plis possessionibus locus edicus, &
 proceris arboribus amoenus augebat ma-
 jestatem; fama est olim Templariis mi-
 litibus attributum fuisse, nunc Abbatia
 magis quam re alia insignis est, quæ in
 Toletani templi sacerdotis numeratur:
 tamen is locus Abulenſis Episcopi di-
 tione comprehenditur. Hæc sunt partis
 adversæ præsidia; quæ verbosior fuit, an
 verior, sincero animo lector dijudicet:
 si quid nostrum testimonium juvat, sic
 nos certe putabamus. De Elboræ Episcopi
 in Toletanis Patrum conciliis fre-
 quens mentio extat, & monetæ Got-
 thorum imperio Elboræ nomine percussæ
 videntur ex auro non probo: uti Got-
 thorum omnes. Hæc ad utram urbem re-
 ferenda sunt, non laboramus; sine cer-
 tis argumentis in alteram partem pronun-
 ciare non constituimus; libenterque Episcopi
 sedem Lusitanis relinquimus Emeritæ
 contributam, uti Constantini Magni
 & Wambæ Regis divisionis Episcopatu-
 um argumento sunt. Neque negamus
 Eboram urbem ea Gothorum ætate El-
 boram etiam fuisse pari licentia vocatam

CAPUT XIV.

Descriptio Elboræ.

ID autem municipium, quo nullum
 pro incolarum numero Hispania lau-
 tius præstantiusque habet, & Ptolemæo
 Libora, Ebury Livio vocatur, Gottho-
 rum ætate Elbora, nonnullis etiam Ta-
 labrica est, sed hos vocum Talavæ &
 Talabricæ similitudo cum multis in er-
 rorem misit. Nos his commentariis, ut
 erit commodum, eo oppido designan-
 do promiscue his vocibus utemur, ne
 nominum multitudo fallat. Ad confi-
 nes Carpetanorum Vætonum & veteris
 Lusitania situm est, loco plano, in vale
 quatuor ea parte passuum millibus la-
 ta, superius latiori, quam plures amnes
 interfecant: inter alios princeps Tagus
 ab arenis volventibus aurum celeberrimus
 fama, latissimo alveo multique re-
 ceptis aquis amplissimus, ejus oppidi

moenia ad Austrum alluit, quæ sunt ope-
 re firmissimo, angusto ambitu omnino
 septendecim turribus horrida, quæ Ex-
 trarias vocant quod æquis intervallis sin-
 gulis iusti instar propugnaculi exterius
 protendantur. Minorum turrium major
 est numerus, sub quibus humilior mu-
 rus altiore ferme ex omnibus partibus
 ambit. Hæc moenia, quibus nulla ex anti-
 quis in Hispania comparari possunt alti-
 tudine, latitudine, & totius operis fir-
 mitate, quo sint tempore constructa
 in ambiguo est; Romanorum imperio
 vulgus persusum habet, structuræ lau-
 dibus antiquitatem adjicientes. Resol-
 hunt alii ex forma operis cæmentitiis ex
 rictibus fere compacti: & lapides cum
 lictis Romanis nullo ordine, sed ut ca-
 sus dabat in eo muro videntur. Ergo
 Kk 2 ruidiori

rudiori seculo Gotthis aut Mauris rerum
 potentibus, ea maxima fuisse constructa-
 futamur necesse est. Gotthorum atque
 nonnulli affirmant, nobis recentior struc-
 tura videbatur esse. Videbitur fortasse
 etiam aliis, si cum parte Toletani muri
 ab Wamba Rege constructi, ea maxima
 conferantur, eam speciem multis parti-
 bus præsentia, ut recentiori memoria ex-
 tructa fuisse appareat. Quod Rasis Arabs
 confirmat, à Mauris opus perfectum, nos-
 trorum incurfionibus arcendis, Arabum
 anno tercentesimo vigesimo quinto, ni-
 mirum salutis anno nongentesimo tri-
 gesimo septimo. Ipsa Mauri scriptoris
 verba Latine facta subjicimus. „ In To-
 „ leti, inquit, agro quo nullus est la-
 „ tior, multa oppida & arces sunt, at-
 „ que in earum arcium numero Talave-
 „ ra à Græcis condita supra Tagum:
 „ deinde propugnaculum uti imperium
 „ alternabat Mauros inter & Christia-
 „ nos. Murus est magna altitudine &
 „ firmitate, excelsæ turre. Mauro-
 „ rum anno tercentesimo vigesimo
 „ quinto. Miramamolinus Mahomadis
 „ filius divortio in municipio facto, ar-
 „ cem ædificari mandavit, ubi Præfetti
 „ essent. Hanc ego arcem, totum eum
 „ murorum ambitum interpretabar, qui
 „ latiores in Italia Gallique viderim:
 „ nam minorem arcem, quæ intra hunc
 „ ambitum ad fluvium est rudiori opere,
 „ & majori ex parte labefacta, satis con-
 „ stat ab Alfonso Imperatore fuisse pos-
 „ teriori tempore constitutam eversis priva-
 „ tis ædibus, de qua re Tolcti in Clemen-
 „ tino virginum collegio tabulæ monst-
 „ rantur factæ ipsis compensationis pro ædibus
 „ quæ ea parte sunt ablata. Sed ab ea ar-
 „ ce tamen murus alter deducitur minori
 „ firmitate, nempe plurimum ex formaceis
 „ parietibus, magnoque flexu priorem mu-
 „ rum complectens circulo ferme totum,
 „ nisi qua parte flumen alluit. Huic ter-
 „ tius commissus est murus, suburbium
 „ amplum cingens ad Solis occasum tor-
 „ rente interfluente à reliquo oppido di-
 „ remptum, cui Portinæ nomen est, aquis
 „ hyemalibus sæpe exundanti, magna vici-
 „ narum ædium strage aliquando. Hunc
 „ murum ingruente bello factum puto
 „ opere subitario: nam cum recentissimus
 „ sit, multis partibus est eversus, rara ut
 „ vestigia extant. Intra hunc murum

agricolæ continentur. Intra alterum opi-
 fices, mercatores, & major civium pars
 est, forumque rerum venalium, anno-
 næ copia & lautitias cum quolibet Hispa-
 niæ certans. Minori ambitu firmiorique
 structura murus nobilium domicilia ha-
 bet, quorum pro oppidi modo nullibi aut
 major numerus est aut amplior census.
 Ceteris tenuis ferme fortuna otio deditis
 à commercio abhorrentibus, patrique
 soli bona & nativas opes ignorantibus.
 Ea parte collegium Canonicorum est,
 conjunctumque Hieronymianum monas-
 terium à Tenorio Toletano Pontifice
 Canonicis constructum domicilium: quod
 cum illi recusarent communi mensa vive-
 re, ne temere susceptus labor esset, ii
 monachi asciti sunt, amplissimis prædiis
 attributis, quæ Joannæ matris, cujus se-
 pulcrum in æde maxima monstratur,
 quæ Calderonis fisco additis ob casum
 magistratum, aut ex ejus testamento;
 unde ii monachi, se & inopes magno
 numero alunt, certum in annonæ diffi-
 cultate periculum. Univerfum oppi-
 dum in octo tribus divisum est, paroc-
 cias nos vocamus. Præterea decem
 cœnobias, virorum septem, tria virgi-
 num sacrarum numerantur. In quibus
 opibus quidem Hieronymianum princi-
 pem locum occupat: structura autem elo-
 gantia Dominicanum: quod Garfias
 Loaysa ex Dominicano monacho Cardi-
 nalis Hispanensisque Præsul constituit
 monimentum præclarum, municeps noster
 claris majoribus egregius ipse primus fa-
 miliæ opum conditor. Franciscanum
 Ferdinandus Talavera in eo oppido etiam
 natus, primus Granatæ Pontifex ex-
 truxit, re & nomine vir sanctus, ob-
 scuro quamvis genere novus homo. Ex-
 tra oppidum ipsa militari via, quæ Tole-
 tum itur, templum satis amplum est Vir-
 ginis Matris nomine, sanctum omnibus
 circa populis: præpe compascuus ager
 lata pascua habens, frequensque locus
 proceris populis, ultimique confectus. Mi-
 racula non pauca tribuuntur Virginis per-
 vetusto signo, unde loci religio pro-
 pagata est. Contributus oppido ager
 universus, latissimus in paucis, præter-
 tim ultra fluvium supra centum millia
 passuum protenditur Latrocinii ea par-
 te prohibendis, civium societas ante
 annos trecentos constituta est, quam ve-
 terem

terem societatem vocant, templo intra mœnia dicato: quod illi cum duabus urbibus Toletō & Civitate Regia commune insigneque est, præ cæteris Hispaniæ civitatibus, optimiſque reditibus attributis, unde publici sumptus tolerantur. Quadraginta circiter oppida, & pagi in eo agro sita à senatu urbano jura petunt. Frumenti, vini, olei, mellis, lactis, pecoris copia est. Sylvæ feras alunt venationi idoneæ: piscium affatim Tagus præbet, horti fontibus haustrisque irrigui præcipua nobilitate. Vicinus urbi ager humoris satis & pinguedinis habet: quocunque loco moveris humum intra mœnia, atque extra obviu ac paratus humor, atque aqua jugis statim occurrit potui plurimum apta, unde amœnitas locis omnibus eximia, proventus magnus; summa, quidquid aliis civitatibus per partes tributum est, id omne in unum locum larga manu quasi secum ipsa certans natura congestit. Omnium voluptatum copia, juvenes forma præstanti, ingenio maximo, in tenerâ ætate enervantur, corrumpunturque, ea una injuria est; meliora in posterum speramus, collegio Societatis Jesu nuper instituto, quod litteris informanda juventute, castigandis moribus, in nobilissima ejus oppidi regione surgit, impenſa Quirogæ Cardinalis Toletani, ejus amplitudini non impar futurum, sic auguramur speramusque. Favere votis quid obstat? Copiis cives alii, eruditionis laude, præclaris editis bello paceque facinoribus ornabunt, uti sæpe faciunt, patriam: à nobis quod nostræ opis fuit, hoc amoris pignus habeat. Neque enim fas fuit, à qua omnia accepimus, & unde primum spiritum vitæ hausimus, silentio dissimu-

lare ejus laudes. Lector, ut speramus pio studio veniam dabit, si tantisper institutæ narrationis brevitatique cursum inhibuimus, festinatione nova compensaturi tarditatem. Ad hæc tempora & calamitatem Verissimus Maximus, & Julia fratres referuntur Olsipone perempti, Bracaræ Victor, Cordubæ Zoilus & decem & novem alii, Centolla & Helena prope Burgos, Seguntia Liberata & Quiteria. Alique quos si cursillatim recensere velimus, neque modum dicendi, neque finem reperiet oratio. Horum omnium martyrum corpora, quibus in locis hoc tempore sint, de quibusdam affirmare promptum est, de plerisque non item, aliis alibi prædicantibus: fortassis in plures partes sacris exuviis distractis variæ opinionis natæ, penes quos pars tantum esset totum habere putantibus. Omnino Eusebius confirmat bestias se vidisse per hæc tempora fævissimas neque fame neque ferro adversus martyres irritari, tantæque procellæ præbuisse ansam disciplinæ ecclesiasticæ labem; neque dubium est ex his rerum fluctibus in Africa Donati sectam excitatam. Cæcilianum Carthaginensem Episcopum de gradu dejectum Donatus Numida Lucilla scemina Hispanæ opibus sublevatus quasi libros sacros hostibus tradidisset violatæ religionis postulabat. Eiusdem criminis in Hispania Osius Cordubensis Episcopus accusabatur, de quo iterum sermo recurret; in Cæciliani sane locum Majorinus prior, deinde Donatus successus est patria Carthaginensis, alterque ab eo, qui primus ejus sectæ auctor extitit. Verum hæc aliquanto post.

C A P U T X V.

Constantii & Galerii imperia.

DIOCLETIANUS republica viginti annis gesta, rerum mole fessus, atque ex desperatione Christiani nominis opprimendi, novo exemplo imperii insignia cum Mediolani posuisset, idemque ejus hortatu Maximianus socius effecisset Nicomediæ, Constantius Chlorus imperium suscepit, salutis anno trecensimo quarto, tenuitque in Gallia,

Tom. I.

Britannia, atque Hispania annum, menses decem, dies octo, longiori vita dignissimus, cum ob alias virtutes, tantamque frugalitatem ut scilicet uteretur, tum ob propensam in Christianorum gentem voluntatem. Obiit Eboraci in Britannia Constantino filio successore felix, quem ex Helena suscepit; nam Theodora Maximiani privi-

Ll


gna

græ Annibalianum peperit Dalmatî patrem & Constantinum alterum, unde Gallus & Julianus nati sunt, consequenti tempore Cæsares; præterea filiam unam nomine Constantiam. Vixit hac ætate in Hispania Prudentius Turiasonensis Episcopus, natus Armentie in Cantabria, episcopali sede olim claræ, nunc redactæ ad casus postquam collegium Canonicorum Alexandri VI. Romani Pontificis voluntate Victoriam urbem migravit. Vixit etiam Rufus Festus Avienus, auctore Crinito, in historia Romana nobilis auctor. Suscepit Constantinus à morte patris imperium, anno 306 Christi trecentesimo sexto; quo anno Galerius Maximinus, qui reliquas imperii provincias Constantio concedente, antiorum Imperatorum voluntate, jam cæperat gubernare, imperii consors Severum & Maximinum ex sorore natos, Cæsares dixit. Maximinus Cæsar Orientis Præfectus, Italia & Africa Severo demandatæ. Ipse sibi Dalmatiam Græciamque retinuit. Anno proximo cum Maxentius Maximiani Herculei filius Romæ imperium occupasset, Severus in prælio occubuit. Maxentii pater Maximianus an studio juvandi filium, an intempestiva

ambitione imperii quod abdicarat recuperandi, Romam accurrens, indeque à filio rejectus in Galliam, Constantini generi iussu Massilia interfecit: cum hospitii jura & communis mensa sacra, maleficio atque insidiis compensare pararet. Galerius Licinio in Severi locum substituto, Maxentiique opprimendi studio inflammatus, cum in Italiam penetrasset, indeque veritus defectionem exercitus Dalmatiam repetisset, & religionem Christianam exagitare cœpisset, ex ulcere in inguine nato defunctus est, quinto anno evoluto. ex quo cum Constantini patre coeperat imperare, Melchiade Romano Pontifice; cujus extat epistola ad Marinum, Leontium, Benedictum, cæterosque Hispaniæ Episcopos, morum exemplo, quæ facillima docendi via est atque imperandi, adhortantis subditos regere, atque inter beatos Apostolos affirmantis in pari electione discretionem fuisse potestatis; datumque Petro ut cæteris emineret. De Confirmationis sacramento nonnihil disputatum. Rubrio & Volusiano Coss. nimirum saluti anno trecentesimo quartodecimo hæc literæ datæ sunt.

CAPUT XVI

Constantini Magni imperium.

ROMANI, Maxentii tyrannide & improbitate fessi Constantinum ex Gallia advocandum curarunt; is Mediolani traducto in partes Licinio Constantia sorore in conjugium data, cum adversus tyrannum iter intenderet Romam appropinquanti, & de belli eventu sollicito, die serena Crucis sacræ signum in cælo hac inscriptione monstratum est: IN HOC SIGNO VINCES. Itaque vexillum Regum (Labarum vocare, & quoque milites illud adorare soliti erant) in Crucis figuram conformari mandavit, hac forma:  unde Christi nominis litterarum compendium quo Hispani vulgo utuntur fluxisse suspicantur quidam, lapidis indicio ad Oretum in Hispania Valentiniiani II. imperio excitati extrantique, ubi ea nota Christi nomen manifeste significatur. Crucis virtute Maxentio ad pontem Milvium

victo, flumineque hausto, Roma gravissima tyrannide erepta est, religioque Christiana, in quam Maxentio sevientem multi Christiani perierunt. Dorothea & Sophronia ne stupro, de quo à tyranno appellabantur, pudicium foderent, illa occisa est; hæc sibi ultro mortem intulit: exemplo videlicet Antiochenæ scæminæ sub Diocletiano, quæ eadem de causâ parique constantia se & duas filias in subiectum flumen de ponte dedit præcipitem. Per idem tempus Maximinus in Oriente Christianum nomen vastabat multorum sanguine fuso: Catherina virgine Alexandrina, Porphyrio Magistro equitum, Petro Alexandrino Episcopo trucidatis; tanta Christianæ religionis opprimende rabie, ut Pilati & Christi acta omnibus ignominie caulis fœda toto imperio ludimagistros juberet pueris tradere memoriter educe-

da recitandaque. Obiit abrogatis sub vitæ finem iis edictis; quæ in Christianos erant promulgata sævissime, non tam pietatis studio, quam Constantini, cuius potentiam indies augeri considerabat, atque Licinii metu, à quo paulo ante in acie fuerat superatus. Hoc sublato neque minori sævitia, neque exitu lætiori Licinius religionem exagitavit. Verum in Pannonia semel, deinde in Bithynia prælio victus ad privatam vitam compulsus primum est; id Constantiæ uxoris precibus datum; deinde occisus, cum res novas moliri cogitaret; dignus ea calamitate, quod litteras viri publicum appellaret, tam expertus earum ut ne nomen quidem suum scribere didicisset: & quoniam impia carnificina inter alios, Sebastia quadraginta martyres sustulit, & sua virtute & Basilii oratione nobiles. Per hunc modum respublica à domesticis externisque armis libera, atque ad unius imperium arbitriumque revocata, religio Christiana in dies singulos illustrabatur. Constantinus Imperator Romæ postquam à lepræ contagione fuerat liberatus Christiani lavacri virtute (nam Romæ fuisse baptizatum cum Crispo filio, magni auctores affirmant, & indicio est baptisterium eximium ad D. Joannis Laterani Constantini opus) nostram religionem ex eo tempore cepit vehementius illustrare. Hanc lucem modico intervallo Arius Alexandrinus presbyter conturbavit, Dei filium Deo patri æqualem esse negans. Luciani quidem martyris auditor fuit, sed ambitione corruptus in eam ingressus est causam. Alexandrum præfulem Alexandrinum factum, ipsius nullam rationem habitam dolebat scilicet, ab hoc initio scissæ in duas partes Christianorum natio, proxima interitui videbatur esse; multis eruditionis opinione claris, tum Episcopis tum privatis nova opinio placere, neque præoccupatis ea persuasione animis saniorum cohortationes admittebantur ad aures. Osius Cordubensis Alexandriam ab Imperatore missus vocum Ousias & Hypothæos discrimen excogitasse primum fertur pace concilianda (extat Constantini lex in Theodosii Codice ea causa missa ad Osium). Arius concordia desperata Alexandria pulsus brevi de-

cessit, Ariò altero impietatis herede. Hunc Imperator & sectatores Niceam Bithyniæ advocavit, quo salutis anno trecentesimo vigesimo sexto ex toto orbe Episcopos trecentos decem & octo (in numero Patrum discrepant alii) convocandos curavit. In eo conventu Arian placita improbata. Meletius Episcopus de gradu dejectus, quod Petri Alexandrini Episcopi recipiendis lapsis facilitatem accusanda Ægypti ecclesiæ turbasset. Pascha sanctum quo die toto orbe celebrarent. Paphnutii consilio permissum viris sacratis uxores retinere, laxata videlicet in Oriente disciplina ecclesiastica. Præterea Arian libros igni tradere capite sanctum. Et auctorem habeo, qui rationem computandi per indicationes ait in Nicæano conventu esse excogitam ab anno salutis trecentesimo tercio-decimo, sumpto numerandi principio: quo anno Constantino constabat Crucis signam in celo fuisse indicatam. Affuit in hoc conventu Osius (sunt qui præfuisse putent) Silvestri Romani Pontificis vicarius, cum presbyteris Vito & Vincentio Roma legatis. Atque hæc in Oriente. In Hispania autem concilium Eliberrinum est habitum. Erat Eliberris in ea Bætica parte sita, ubi nunc Granata; argumento est Granatensis porta, vicinusque ei urbi mons, quibus vulgo Elviræ nomen faciunt; nam qui hoc concilium Illiberi affirmant esse habitum ad Pyrenæi montis radices, quam vulgus hodie Colibrem vocat, nominum argumento refelluntur: & quoniam ex veterum codicum fide deprehenditur nullos ex vicina Gallia atque ea Hispaniæ parte conventui interfuisse: sed ex iis urbibus tantum quæ ei Bæticæ parti propinquæ erant. Tamen Valerius Cæsari-augustinus sexto loco numeratur, septimo Melanthius Toletanus. In hujus concilii canonibus virginum Deo sacratarum mentio facta est; menses Julius & Augustus jejunii lege solvuntur. Uxoribus interdicitur litteras dare, aut accipere insciis maritis. Imagines in templo-rum parietibus depingi vetitum, ne videlicet testorio decrullato fœdari contingeret. Extat præterea Metropolitano-rum mentio, cum hætenus primæ sedis Episcopi vocarentur. Toletum, Tar-raco, Bracara, Emerita, Hispalis, eo

honore decorata sunt, descriptis cuiusque finibus, ut quidam arbitrantur per hæc tempora atque in ipso Eliberritano conventu, Constantini iussu: quod quoniam certa fide caret in medio relinquimus. Eam tamen divisionem Rasis Arabis verbis adjecturi commodiori loco sumus, vetusti auctoris neque contemnenda auctoritate. Et constat Wambæ Regis ætate atque industria eam distributionem primarum sedium majori diligentia factam contributis, ac designatis iis Episcopis, qui ab unaquaque majora jura peterent. Sane exemplo reliquarum imperii provinciarum Hispanica gubernatio multum ab antiquo immutata est. Byzantio enim in Thracia instaurato (nam à Severo dirutum erat) Constantinus Romani imperii majestatem in eam urbem Roma transfudit, in quo gravissime peccatum est, ut rerum eventus declaravit: Imperatorum corporibus atque animis effœminandis terræ natura & cæli sub quo alebantur conditione, deliciarum copia Martium Romanorum indolem debilitavit. Quindecim legiones quæ Rheni Danubique ripas præsidio obtinere solitæ erant, unde majus periculum imminerebat propter indomitos & barbaros earum gentium animos sublata; in quo quid secutus fuerit Constantinus clam est, & fortassis gravissimo stipendio imperii vestigia voluit liberare; pro uno quatuor Præfecti prætorii denuo instituti, penes quos bello paceque summa esset auctoritas; duo in Oriente res gerebant: totidem in Occidente. Horum alter Italiæ præesse cepit, Galliæ alter contri-

buta Hispania, quam per Vicarium gubernaret. Ad hos liberum erat, qui vellet à provinciarum Præsidibus provocare. Erant Comites, quibus in milites jus & potestas tribuebatur: erat Magister scholæ, cui res frumentaria cure erat, aliaque præterea Magistratum nomina, quæ ut sigillatim referantur non arbitror fore necessarium. His rebus peractis obiit Constantinus Magnus anno Christi trecentesimo trigesimo septimo, cum 337 rempublicam gubernasset annos triginta, menses novem, dies septem & viginti; neque in tanto virtutum splendore reprehensione caruit, tum ob Crispum filium occisum. Fausta noverca (nam ex Minervina priori Constantini conjugē genitus erat) intentati stupri accusat falso: quod cum esset exploratum, ipsa etiam capite pœnas dedit; tum ob suspicionem violatæ religionis, cum sub vitæ finem in Arium propensior Athanasium Alexandrinum Episcopum infectatus fuerit. Sunt qui putent Nicomediam ab Eusebio Nicomedienſi Ariano homine fuisse baptizatum extrema ætate, cum Christi exemplo in Jordane cuperet; nimirum nominum similitudine decepti ad patrem transfulerunt, quæ Constantio filio tribui æquis est: ejus præferrim auctoritate permoti, qui studio Arianæ sectæ illustrandi ceteros in errorem misit. Prorsus hæc ob causas ecclesia Latina Constantini nomen, quod alioqui tantæ virtutes mereri videbantur, consecrare noluit, quamvis Græcæ ecclesiæ exemplo provocante Aprilis die vigesimo Constantini nomine diem festum celebrantis.

C A P U T X V I I

Constantini Magni filii.

TRES Constantini Magni filii Constantinus, Constantius, Constans Cæsares à patre non uno tempore dicti, mortuo succedere. Constantinus ætate maximus Occidentis provincias trans Alpes accepit, Orientis ætate proximus Constantius, Constans ætate minimus Italiæ, Africæ, atque Illyrico est præfectus; sic pater testamento sinxerat; ex quo Dalmatius etiam Imperatorum patrueles in Oriente Cæsares constituti. Hunc Constantius in militari tumultu in-

tra primum annum occidendum curavit, majores quam pro conditione scilicet spiritus gerentem. Constantinus tertio imperii anno hostium insidiis circumventus periit ad Aquileiam, quo processerat adversus Constantem, injuriam vindicaturus ferro sibi factam iniqua imperii partitione. Sunt qui Constantinum Arianorum opinionibus corruptum esse confirmant. Athanasii restitutio reclamationis ejus potissimum hortatu à Constantio fratre facta, cum à patre sub vitæ exitum relegatus

gatus esset in Galliam. Denuo exulantem Constantii Augusti metu, synodi Sardicenis, Julii Romani Pontificis, Constantis Imperatoris auctoritate, atque hortatu ecclesia Alexandrina recepit. Constantinopolitana Paulum eadem de causa relegatum. Synodus Sardicenis Osius Cordubensis totius controversiæ præcipuus disceptator, Annianus Castulonensis, Costius Cæsariugustanus, Dominianus Pacensis, Florentinus Emeritenus, Prætextatus Barcinonensis, ex Hispania interfuerunt, longinqua professione suscepta studio revocandæ pacis. Eam provinciam cum Constantis appeteret Helena occisus est (hodie Helna dicitur in Ruscinonensi tractu) terdecimo imperii anno. Cædis auctorem Magnentium Galliam Hispaniamque occupantem Constantius, Gallo patriæ Cæsare prius in Oriente designato, collatis in Illyrico ad Murium signis devicit. In eo prælio hostes viginti quatuor millia ceciderunt, ex Constantii copiis millia ferme triginta. Ea strage imperii vires penitus sunt debilitate; tyrannus Lugduni, quo se ex fuga contulerat, rebus desperatis mortem sibi conficit: ejusque exemplo Decentius frater, quem Cæsarem renunciarat. Itaque cunctis provinciis denuo sub unius imperium revocatis Sirmii in Illyrico Episcoporum conventus habitus est adversus Photinum ejus urbis Episcopum, Christum Deum esse negantem. In eo conventu binæ fidei formulæ de scripto conceptæ sunt, vocis Homousii usurpatione pacis studio vetantes; tertiam, quæ vulgo circumfertur, Marcus Arethusa Præsul Aru opinionibus imbutus evulgavit. Iis fidei formulis suscipiendis Osius Cordubensis venerandam caniciem sigillasse fertur, valde care æstimans pauculos vitæ annos quot illa ætas recipiebat. Synodus Mediolanensis Constantii opera, cum Romam proficisci pararet, habita: opera Paulini Treverensis Dionysii Mediolanensis, Eusebii Vercellensis, Luciferi Calaritani re infecta dissipata est. Athanasium à morte Constantis rursus exulantem damnari non ferebant. Iis ergo in exilium actis, Romæ à Constantio Liberius etiam Pontifex relegatus est, Felice substituto. Arimini numerosus Episco-

Tom. I.

porum conventus (nam supra quadringentis confluerant) instauratus. In eo Arianorum fraude, ac præsertim Valentis & Ursacii, quorum præcipua erant apud Imperatorem auctoritas, Episcopis circumventis vox Homousii antiquata est, Synodi Sirmiensis exemplo, quasi voce tantum sublata sententiis conspirantibus. Verum cum Arianæ sectatores eam sectam anathematis ignominia notari non ferrent, fraude detecta ingemit orbis se repente Arianum factum, liceat Hieronymi verbis uti. Itaque Seleuciæ Episcopi numero centum sexaginta sex, Homousii voce expuncta reliqua Concilii Nicæni decreta retinenda censuerunt. Verum hæc aliquanto post; ad Osiu redeamus, quem affirmant Potamio Olisiponensi Episcopo infestando, quasi Arianus esset ab Imperatore ex Hispania, quo se contulerat omni causa in Italiam ad dicendam causam revocatum, an suppliciorum metu, an non satis sui compotem Ariminensis Synodi fraudibus consensisse: reducem in Hispaniam à Gregorio Eliberrino Episcopo execratione devinctum, dirisque devotum, Cordubæ quo à Clementino Vicario Gregorius Osius postulante fuerat vocatus; ore fœdato atque distorto repente ad ipsa tribunalia, ubi præfens uterque disceptabat, corruisse in terram & succolantibus fumulis domum relatum brevi animam exhalasse, haudquam mente ad sanitatem revocata, ad inconstantiam rerum humanarum exemplum & ludibrium singulare. Gallum Cæsarem Imperator pridem in Oriente interficiendum curarat, homo natura suspicax, & qui multorum criminationibus faciles præberet aures. Galli fratrem Julianum ex monasterio detractum paulo post Cæsarem dixit, Helena sorore connubio juncta. Alemanorum motibus Galliam vastantium compescendis, quod facere ejus ductu cogitabat, opus erat auctoritate. Ipse bellum Persicum animo agitabat. Eo tempore rursus Athanasius Principis furem veteri, rursus latebras captare coactus, usque ad obitum Constantii. Re enim male gesta in bello Persico, Julianoque Lutetia Imperatori salutato dum obviam progreditur, Antiochiæ Baptistimo (nam tandiu distulerat, aut forte

M m

ab

ab Arianis ut in more erat rebaptizatus est) Arianorum ritu procuratus obiit anno hujus seculi trecentesimo sexagesimo primo, ad tertium Nonas Novembris. Imperium tenuit annis quinque & viginti, mensibus quinque, diebus quinque. Quo tempore in Hispania contigit, ut pueris lumen sub noctem inferentibus, atque pro more (unde manavit ut illatis luminibus inter se saluent in Hispania) dicentibus, Vincamus, Vincamus, Romanus quidam verba puero-
rum crudeliter interpretatus, districto gladio hospitem cum omni familia jugularit: Ammianus Marcellinus auctor,

nulla loci aut personarum designatione. Florebat in ea provincia eruditionis laude Clemens Prudentius Calaguritanus patria, à militia & foro cum ætate ad pangenda sacra carmina traductus, atque multorum martyrum laudes celebrandas, qui cum Christo regnant in cælo: tum Pacianus Barcinonensis Episcopus Novatianus scriptis exagitat. Paciani filius Dexter fuit Hieronymi familiaritate nobilis, cui librum de Scriptoribus Ecclesiasticis dicavit. Præterea Juvenus Presbyter his senior Christi actiones luculento carmine celebrabat.

CAPUT XVIII.

Julianus & Jovianus.

JULIANUM, quem Constantius infestabatur vivens, moriens successorem testamento reliquit, summo virum ingenio, atque præcipua eruditione: meritoque magnis Imperatoribus æquandum si veram pietatem, qua à teneris annis imbutus erat, ad extremum spiritum retinisset: neque se ætate confirmata Libanio præceptori corrupendum tradidisset, religione deserta, unde Apostata cognomen invenit. Augustus factus studio cunctorum animos demerendi, catholicos quidem ab exilio revocavit, uno dempto Athanasio, quem quod à Constantii morte suam ecclesiam repetisset, latebras denuo metu mortis capere compulit. Templi Hierosolymitani instaurandi copia Judæi facta, erumpente ex ipsis fundamentis igne cesserunt. Græcæ superstitionis cultoribus datum Deorum templa, quæ erant à Constantino Magno clausa frequentare. In Christianos ex insidiis potius quam aperto Marte grassatum, intercluso ad publicos honores aditu, sapientiæ atque eloquentiæ addiscendæ sublata facultate, in Græcorum scholis. Ea ex re Christianorum ingenia excitata: ac præsertim Apollinari duo soluta astrictaque numeris oratione, non paucos libros evulgarunt. His initiis exitus consentaneus fuit. Persico bello suscepto cum initio

prosperè successisset, interfectus est. Cædis auctor ignoratur; quidam sagitta dixerunt in incertum emissa, vel à suis vel ab adversariis. Alii à Mercurio Martyre, hællæ indicio in ejus sepulcro repertæ perfusæ sanguine; ex divina plane voluntate magnoque reipublicæ Christianæ commodo & gaudio, ætatis anno altero & trigésimo. Imperavit anno, mensibus septem, diebus septem & viginti. Post mortem Juliani Fl. Jovianus oblatum ultro ab exercitu imperium, initio quidem recusavit, professus se religione prohiberi Christianum hominem non Christianis imperare: deinde universis Christianos se esse clamantibus, eorum votis acquievit. Imperio suscepto, exercitum Juliani temeritate in supremum discrimen adductum, sedere cum Persis facto, necessario magis, quam honesto, liberavit. Honores Christianis redditi, ecclesiis vestigalia: exules atque in his Athanasius revocati. Quibus initiis nova lux piorum nationi affulsisse videbatur, procella sedata, cum in Galatiæ Bithyniæque confinibus carbonum novique cubiculi vapore interclusa anima, defunctus est ætatis anno quadragesimo. Menses septem, dies duos & viginti rempublicam tenuit, & pœna capitis sanxit sacratæ Virginis pudicitiam etiam conjugii prætextu attentare.

CAPUT XIX.

Valentiniani & Valentis imperia.

FLAVIUS Valentinianus patria Pannonius, Gratiano patre, Joviano successit: militari suffragio factus Imperator, à frænaria quidem arte, ob prævalidi corporis vires, atque exactam prudentiam per omnes militiæ gradus, prætorii præfecturam consecutus. Cæterum religionis Christianæ cultor eximius, qui Juliano Imperatore, militiæ cingulum abdicarat, religionis studio, & ad idolorum templum ædituo ob asperam fortet fortuna aquam lustralem in ejusdem oculis alapam infregerat. Simili studio factus Imperator Romanos cives in partes scissos atque de Pontificis electione tumultuantes compefcuit, Ursicino ad Episcopatum Neapolitanum ablegato, qui seditionis exitit causâ; nam Liberio Romano Episcopo defuncto, pars festinatis comitis Ursicinum in defuncti locum subrogarat, pars potior & sanior Damasum. Hic natione Hispanus fuit, an Egita urbe in Lusitanie parte ea natus, quæ Durio & Minio comprehenditur, & hodie Guimaranes vocatur: an Tarracone, an Madriti in Carpetania auctores in diversum trahunt. Ergo cum se uterque legibus creatum diceret æmulum vito, tanta contentione seditio exarsit, ut in basilica Sicinini uno die centum triginta septem homines fuerint occisi, auctore Marcellino ejus ætatis historico. Quo loco Pontifices Romanos vehiculis procedere criminatur, & convivia eorum regales mensas superare. Hac tempestate sedata, adversa Damaso factio non quievit; proflus adulteriū lege postulatus in Episcoporum conventu innocentiam tueri compulsus est. Ariminensem synodum adulterinam pronunciavit: nimirum absque conscientia & consensu Romani Pontificis habitam. Auxentius Mediolanensis Episcopus gradu dejectus, quod Arianismum festaretur. Psalmos alternis in templis decantari adjecto in fine versu Gloria Patri: atque sacrorum initio peccatorum confessionem præmitti sanxit. Duobus templis exædificatis Romæ religionem auxit, altero D. Laurentii nomine, altero A-

postolorum ad Catacumbas via Ardeatina: ubi ipsiusmet matris, atque sororis corpora tumulari curavit, atque perfecit. Hieronymo arcta familiaritate conjunctus fuit ob similitudinem studiorum: nam & Romanorum Pontificum vitas ad suam ætatem eleganti copiosoque volumine complexus est, unde eæ Pontificum vitæ sunt confarcinatæ, quæ Damasi nomine circumsferuntur, aliqui indignæ tanta eruditione viro. Obiit cum Christiana sacra annos octodecim, menses duos, dies undecim gubernasset. Verum hæc aliquanto post: ad res imperii revocetur oratio. In Oriente Procopio Duce, qui Juliani propinquus erat, & in Imperatoris nomen invaserat, magni motus excitati Valentis diligentia, qui à fratre Valentiniano sub initia, imperii fuerat socius declaratus, brevi compositi sunt æmulo in Phrygia victo, atque suorum proditione in potestatem redacto. Eodem tempore Valentinianus Germanos domarat, & Saxones (hujus gentis hoc loco primum mentio reperitur in historia Romana) Gothos ex Thracia, Parthos ex Syria depulit: Scotos in Britannia, Sarmatarum arma in Pannonia compefcuit. Qua ipse, qua ipsi Duces tanta bella profligarunt. Obiit Bregetonie in Germania Quadorum bello occupatus quindodecimo kalend. Decembris, anno trecentesimo septuagesimo quinto. Imperium tenuit annos undecim, menses octo, dies duos & viginti. Duos filios reliquit Gratianum ex priori conjuge nomine Severa, atque hac supersitit ex Justina Valentinianum. Qua re præsertim cum lege lata duarum uxorum fecisset potestatem, superiore gloriam fœdavit magna ex parte: & quoniam religionis professionem liberam esse voluit ut Marcellinus est auctor. Interea in Oriente Valens catholicorum ecclesias vexabat. Dominica uxoris blanditiæ atque Eudoxi Constantinopol. Episcopi fraudes, à quo Arianorum ritu se baptizari permiserat, à mente deduxerant; usque eo, dum Edessa Ca-

tholicorum conventum immisso in templum milite dissipari curaret; ne faceret Modestus ejus urbis Prasæfetus deterruit, major hominum frequentia concurrerat quidvis pati parata, facinoræque præ studio festinandi ne occasione deesset, necdum satis honeste induta filium infantulum ad non dubiam mortem raptabat. Multi Sacerdotes in quos præcipue iratus erat exilio multati; in his Eusebius in Cappadocia Cæsariensis Episcopus vir tam bene meritis de religione, quam alter Eusebius Cæsariensis Cæsareæ in Palestina Episcopus historia ecclesiastica scriptor eruditione nobilis fuit. Eusebius Cappadociæ successor Basilius minis, & sollicitationibus sollicitatus est, ut à catholica fide deficeret, quas ille constanter repulit, & sua virtute & multorum exemplo incitatus, pro unica divinorum dogmatum syllaba mortem oppetere, si res ferrent, paratum se esse palam prædicans. Atque hæc Valentiniano superstitæ; nam post illius obitum eo amenitiæ prolapsus est Valens, ut magicis incantationibus deditus Jamblichæ adjutore (hic Procli magister fuit) nomen successoris investigandum curaret. Alphabeti litteræ in terra describebantur, tot frumenti granis per litteras distributis; vate nescio quid obmurmurante, ex quibus litteris Gallus prima grana caperet, ex nomen quod quærebatur designare credebantur: unde divinatio per gallum dicebatur; aliis litteras stylo contectare placebat. Prodierunt sane litteræ Theod. unde Valenti occasio nata in Theodatos, Theodoros; Theodulos seviendi; quasi possit humano consilio divinum labefactari. In

ea carnificina Honorius Theodosius Italici in Hispania natus atque ex Trajani posteritate occisus est, sub vitæ finem lavacro Christiano procuratus, Britannia, atque Africae motibus compositis clarus: unde Magistri equitum honorem consecutus erat. Reliquit is ex Thermantia uxore filios duos Theodosium & Honorium. Infuderat se per idem tempus in imperii provincias Gothorum numerosâ multitudo Frigiderno & Athanarico Ducibus; nato inter eos dissidio, ut in pari potestate fieri amat, partem Valens prælio facto cecidit. Aliis Athanaricum secutis in sœdus acceptis Mœsiam etiam ad habitandum dedit, sed Arianam sectam professis; quo tempore Ulfilas ejus gentis Episcopus Gothicos characteres excogitasse fertur à Latinis discrepantes, & in Gothicam linguam utrumque testamentum transfudisse, Arianæ certe sectæ suscipiendæ genti auctor. Omnino Gothi denuo tumultuantes, ut erat gens quietis impatiens, in Thraciam invecti ad Hadrianopolim collatis signis Valentem obvium prælio superatum peremerunt. Mortis genus morte ipsa gravius fuit. Intra casam rusticam, quo se receperat, injecto igne cremarunt, nulla relicta prole, quarto anno post Valentiniani obitum: violatæ religionis condignum supplicium, atque quod præcipiti temeritate Gratianum fratris filium ad auxilium festinantem noluit expectare spe serox humanæ imbecillitatis immemor. Frigidernus reparatis viribus confisus, Romanorum injuriis consternatus ad arma genti se Ducem præbuerat.

C A P U T X X.

Gratianus, Valentinianus, & Theodosius Imperatores.

FLAVIUM Gratianum pater ante aliquot annos Cæsarem dixerat; is mortuo, continuo successit salutis anno trecentesimo septuagesimo quinto: exercitus suffragatione Fl. Valentinianus frater ætate puer adjunctus est exæquata imperii potestate. Mortuo Valente cum Gothorum arma in Oriente volitarent, is comprimendis magno viro & Duce

opus erat. Theodosius Italica patria, ab extrema Hispania, quo post cadem patris se receperat, advocatus vir domi militiaeque clarus & ex multarum rerum tractatione prudentia singulari, Gothorum audaciam, quæ eo usque processerat ut Constantinopolim ipsam obsidione tentarint, armis virtuteque repressit; pax petentibus data, atque sedes ad habitan-

bitandum; isti fœderis obfès, Athanaricus Frigiderni fuccellor in Theodofii venit potestatem; cui rerum gestarum merces Orientis, quod pacaverat, imperium fuit, Gratiano concedente ut Theodofius tertius Auguftus accederet, vir ad alias virtutes religionis ftudio inflammatus; nam Gratiano V. & Theodofio Confulibus lege fœxit Damafus Romani Pontificis & Petri Alexandrini Epifcopi de religione, quæ fœctarum opinionibus diftrahebatur, placita rata haberi. Amphiloehius Iconii in Lycaonia Epifcopus, ejus legis fuafor extitit hac arte. Imperatore falutato, Arcadium patri affidentem imperii nondum confortem infultatum cum contempniffè vifus effèt, contemptus cauffam rogatus, tuo ipfius, inquit, exemplo ita feci, filium Dei ab Arianis contemni æquo ferentis animo. Triennio poft Mero- baude iterum & Saturnino Confulibus nimirum falutis anno trecentefimo octogefimo tertio: tum Arcadius imperii confors à patre Theodofio factus effè feptimodecimo kalend. Februarii: tum Synodus Epifcoporum Conftantinopoli habita, inter generales fecunda. In eo conventu Meletius Antiochenus Epifcopus per quietem Theodofio oftentus ipfi imponere diadema, ab eodem nullo indicante cognitus effè, vultu confiderato quem videre fibi vifus fuerat. Neftarius Senator necdum fœcro lavacro procuratus ad Epifcopatum Conftantinopoli; agente Imperatore evectus effè, Gregorio Nazianzeno in patriam concedente quem magna civium pars prelatum cupiebat, ejus diligentia hærefi repudiata ad fanitatem perducta. Præterea qua cauffa is conventus potiffimum effè habitus, hærefes omnes reprobatae ac præferentem Macedonii Conftantinopol. Epifcopi perperam de Spiritu fœccto, quem in rerum aliarum ordinem redigebat, fœctientis. Acta atque decreta omnia Damafus Romano Pontifice probata: novumque fidei fymbolum; in quo de Spiritu fœccto ex patre filioque procedere affirmatum effè, fic Synodus Forojulienfis ait ante otingentos annos habita. Id fymbolum Nicæno ut fubftitueretur fœctis celebrandis auctor extitit Damafus, qui confequenti anno defunctus effè. Interrea. Maximus

Tom. I.

& ipfe natione Hifpanus Britannia, ubi primum rebellavit, Gallia atque Hifpania imperio occupatis Gratianum ad Lutetiam obvium factum vicit in pugna, prope Lugdunum etiam Andragatius dolo interfecit: cum imperaffèt feptem annos, menses novem, dies novem nulla ex fè prole, eam meritis certe laudem, quod primus Imperatorum pontificiam ftolam pontificatus infigne ex veteri Romanorum ritu & fuperftitione, conftanter repudiavit. Gratiani uxor Læta & Socrus Piffamena Romæ ad ejus urbis vaffationem vixerunt cultu regio. Theodofius publica vectigalia designarent, unde vitam & folitudinem fufcitant. In Hifpania diffidia de religione vigeabant. Prifcillianus Gnoflicorum fœctam excitabat: cujus fœctæ Hadriani imperio docuimus fœmina à Marco quodam Aegypcio Bafilidis difcipulo pridem fparfa. Fuit Prifcillianus homo copiofus & generis nobilitate clarus, in ea Hifpaniæ parte natus, cui Calæcia nomen effè. Inerant præterea multa animi, & corporis bona: vigilare multum, famem fitimque tolcere, has virtutes non minora vitia fœctabant: inquires animus & turbulentus, atque ex profana fcientia mentis elatio. Ingenii dexteritate & accommodatis ad tempus officiis Infantium, & Salvianum Epifcopos fœctæ conciliavit. Hos Idacius Emeritæ civitatis Præful Hieronymi laude nobilis Agridini Cordubenfis Epifcopi monitu exagitandos cum fufcepiffèt, vulnus recruduit: latiusque fcripfit malum, quod contrectatum cautius fortaffis curationem recepiffèt. Ad illud extremum & ultimum deventum, ut in conventu Epifcoporum Cafarauguffæ habito ea de cauffa, utrique in re præfenti difceptarent. Secuturii die dicta cura venire recuffaffèt, anathemati fubjefti: Instantius & Salvianus Præfules, è populo Elpidius & Prifcillianus & cum his Agridinus Cordubenfis Epifcopus mutata voluntate ex inimico repente hæreticorum focius factus. Ithacio Soffubenfi (fic Severus Sulpicius ait) Epifcopo fœctentiae promulganda: cura demandata, ardenti homini, atque procaci: qui jejunii aut lectioni fœctæ deditos quali Prifcilliani fœctatores palam accufaret. Hujus atque Idacii diligentia à Gratiano Imperatore

Nn

tore

tore tum supervisse impetratum ut hæreticos templis; urbibus, totaque provincia expelli mandaret. Instantius & Sulvianus atque cum his Priscillianus interim Abulensis Præfult sectatorum ope creatus, Romam præfidi causâ contententes in Aquitania resistentes, non paucos eo tractu sectæ conciliarunt. Romam appulsis Damasi conveniendi potestas non est facta: ac ne Ambrosius quidem Mediolani eorum vocibus aures præbuit ad novi dogmatis insolentiam cunctis exhortentibus. Non remittunt tamen: corrupto officiorum Magistro Macedonio à Gratiano impetratum, ut priori edicto inducitur ablata ecclesiæ Priscilliano atque Instantio redderentur: nam Salvianus Romæ diem obierat; ab eo successu Gnosticorum audacia confirmata, Ithacius seditionis lege postulatus atque à Volventio Vicario ad necem quaesitus, ad Gregorium Præfectum Prætorii in Galliam confugit. Eo parum opis ferente Clementem Maximum adiit, ab eoque Treveri impetratum cognitionem Burdigalæ in Episcoporum conventu instaurari, eo venire compulsi sunt Priscillianus atque Instantius; à Priscilliano, cum socius gradu dejectus esset, ad Maximum provocatum: factumque Episcoporum inconstantia ut ad Imperatorem devolveretur causa, novo ad eam diem exemplo iudicem prophanum de hæreticis judicare: cæterum causa Treveri agitata atque urgente Ithacio capitale supplicium Priscillianus subiit, malefici convictus, atque nocturnos conventus cum sceminis religionis specie agitasse. Interfecti præterea Felicissimus, & Armenius, tum Latronianus seu Matronianus fædo exitu nobilior quam pandendis carminibus, quamvis in aliquo Poetarum numero ea ætate. Instantius ultra Britanniam in insulam deportari iussus est, Martino Turonensi nequicquam reclamante, atque hæreticos Episcoporum præsertim accusatione necari fas esse negante. Eam benignitatem fortassis temporis accommodatum nimiam ex parte extitisse, atque si in mores nostros induceretur fore exitialem, dies & usus & major rerum cognitio declaravit. Prorsus Priscilliano occiso secta non modo non est repressa, sed latius etiam propagata. Cætorum corpora in Hispaniam delata, à

sectatoribus Martyrum instar honorata sunt. Jurare per Priscillianum summa religio putabatur. Ithacius & Idacius anathematis ignominia notati, & solum exilio vertere compulsi sunt: quod iis agentibus hæretici essent cruciati. Tamen quo non supplicio digni erant, qui præter vitæ turpitudinem sacræ Triadis personas confundere, conjugia solvere, carnium esum detestari ausi sunt: affirmareque animos ex divina essentia defluxos ad certamen per septem caelos & genios quosdam gradatim descendentes in nequam Principem incurere mundi opificem; homines fatalibus stellis subdi: corporis membra duodecim signiferi partibus. Arietem capiti dominari, cervici Taurum, pectori Geminos, reliquis membris alia. Quo tempore Hispania hac agitatione aestuabat, Siricius Romanæ ecclesiæ gubernabat Damaso substitutus, Prosper Ursinum vocat; & fortassis qui ante contra Damasum pontificatum invaserat, defuncto credidit successisse. Extant Siricii litteræ ad Himerium Tarraconensem Episcopum, Arcadio & Bautone Consulibus, nimirum salutis anno trecentesimo octogesimo quinto. De baptismo, nuptiis, Deo sacris viris & virginibus, ordinibus sacris multa, ut erat rogatus respondet, cum Episcopis eas provincias Carthaginensis Baticæ, Lusitanie atque Calæciæ mandans communicare. Extat harum litterarum mentio in Concilio Toletano primo, suppresso auctoris nomine sententia recitata: atque in libro Isidori de viris illustribus Hispaniæ Siricii & Himerii nominibus designatis. Omnino ex quo Siricius Pontifex creatus est anno quinto Maximus ad Aquileiam acie victus est, & suis prodentibus captus pœnas capite dedit, Theodosique virtute Valentinianus junior in Occidentis imperium restitutus, unde aufugerat metu tyranni. A præclaro initio expeditio ea suscepta est, cum Stobis in Macedonia Theodosio II. & Cynegio Consulibus octavo decimo kalend. Julii, hæretici lege lata conventus habere aut mysteria extra ecclesiam peragere vetiti essent. Victoria de tyranno ad sextum kalend. Septembris parta est eodem prorsus anno trecentesimo octogesimo octavo. Atque hætenus religiose. Il-

lud crudeliter, quod Thesaloniam urbem casis sex hominum millibus deformavit ira præcipiti ætus. Butericum copiarum Ducem, aliosque Principis asselas in populari seditione interemisisse crimen erat tam multo innoxio sanguine luendum scilicet. Ambrosius Mediolanensis Episcopus Imperatorem (nam tunc temporis Mediolani morabatur) venientem templi aditu prohibuit, dirisque devotum more & ritu Christiano poenam subire hortatus est tanto facinori debitam. Repulsæ dolorem non minori animo tulit Theodosius quam Ambrosius inusit. Aucta animi constantia post menses aliquot, ipso natalis Christi die Rufini intumidi hortatu templum repetentem quasi Præfulis iracundia sedata, non prius admisit quam verbis gravissimis coram castigatum, atque legis promulgandæ conditione, necis sententiam ante trigessimum diem executioni mandari vetantis; ut si quid præcipiti in vindictam libidine decerni contingeret, temporis spatium iracundia remittente mutaret; additumque, ne verbum prius efferret commoto animo, quam alphabeti Græci litteras ex ordine recitasset. Ea res Antiochenis saluti fuit. Ob extraordinaria tributa tumultuantes, Placillæ uxoris Theodosii jam defunctæ statum eversum, per urbem raptarunt. Fœminæ lætissimæ in Nosocomiis solitæ agroxis cibos suis manibus ministrare, viramque pristinæ fortunæ commemoratione ad modestiam identidem clementiamque revocare, illatam contumeliam ne multorum cæde Imperator vindicaret, Ambrosii prudentia effecit, atque missi Antiochia ea de re legati ad Imperatorem placandum. His agentibus lugubre carmen à pueris flebilibus modis decantatum præsenti Imperatori excussit lacrymas, flexitque ad misericordiam iratum animum. Atque hæc in Italia. In Gallia autem Theodosio in Orientem reverso Valentinianus Arbogastis Comitibus dolo Viennæ suffocatus est. Eugenius necis conscius atque præcipuus fassor ex Grammatico literatore Imperator est factus salutis anno trecentesimo nonagesimo secundo.

392

Imperii probrum ludibriumque Theodosio magnam curam iniecit; usque eo ut de belli eventu sollicitus, priorum hominum qui in eremo vitam agebant,

precibus salutem commendaret. Horum ac Joannis in primis victoriam pollicentis responso lætus, quo mortis denunciatio continebatur tamen priusquam rediret ex Italia, Constantinopoli profectus ad Alpium radices hostem magno atque accipiti prælio vicit. Ventorum procella in adversos hostes delata multum contulisse visæ est, ut Claudianus scripsit insignis poeta ea ætate atque cum antiquioribus comparandus: Christianus religione, an prophana superstitione implicitus incertum. Multum ad victoriam Gothi contulere supra viginti millia Romana signa secuti post Athanaricum Constantinopoli defunctum nullo ex sua gente Principe Theodosii stipendia facientes. Post pugnam Eugenius à suis interfectus est, Arbogastes sibi manus attulit; commissum est prælium quintodecimo kalend. Octobris anno trecentesimo nonagesimo quarto, Quo anno Honorius Theodosii filius natus minor imperii consors à patre renunciatus est. Proximo anno Theodosius ipse in vivis esse desuit ad sextumdecimum kalend. Februarii Mediolani intercutis morbo ætatis anno quinquagesimo; imperavit annis sedecim, duobus amplius diebus; ex Placilla uxore Arcadium & Honorium reliquit; ex Galla Valentiniani senioris & Justinæ filia, quam secundis nuptiis sibi copularat, Gallam Placidiam. Defuncti laudes Ambrosius prior, deinde August. dicans orationibus celebrarunt. Theodosii, idest à Deo dati, nomen, nisi à parentibus accepisset divino monitu (ut Aurelius victor est auctor) vitæ probitas, religionis studium, domi militæque res præclare gestæ, atque respublica à præcipiti casu sustentata conciliare potuerunt. Religionis amplificandæ studium satis declaravit, veteris superstitionis templis everfis, quæ Constantinus Magnus claudi curarat; unde innumera fraudes in lucem prodierunt, cavæ retro statuas reddendis oraculis; miraculo fuit Alexandriæ in Serapidis templo immortalitatis significatione crucis figura multis expressa locis. Habuit hæc ætas viros insignes litteris atque probitate præclaros: atque in hoc numero, quod quidem Hispaniam attingit, Pontius Paulinus Burdigalensis patria in Hispania Citeriori moram traxit ipse &

394

Nn 2

uxor

uxor Tharasia. Barcinone presbyter factus est nullius ecclesie ministerio addictus novo exemplo ac propemodum singulari. Inde gradus factus ad Nolanum Episcopatum, cum ex Hispania in Italiam migrasset. Abundius Avitus presbyter Tarracone natus, Luciani librum de sancti Stephani corporis inventione latinitate donabat. Lacinus Baticus Hieronymi amicitia atque in Hierosolymitanos pau-

peres præcipua liberalitate ad memoriam insignis. Desiderius & Riparius Hispani presbyteri Vigilantium Barcinonensem presbyterum Pompelone naturæ sanctorum qui cum Christo regnant in cælo honorem cultumque vellicantem de scripto impugnabant: ut Hieronymus est auctor nobilis hujus ætatis scriptor, atque præcipua tum eruditionis, tum sanctitatis opinione clarus.

C A P U T XXI

Arcadii & Honorii imperium.

THEODOSIO defuncto ejus filii Arcadius in Oriente; in Occidente Honorius Remp. gubernare cœperunt
 397 salutis anno trecentesimo nonagesimo quinto, majori aliquanto religionis studio, morumque probitate quam animorum vigore. His enim rectoribus Romani imperii majestas, quæ à tenui initio profecta sua magnitudine & mole pridem laborare cœperat, in præceps toto impetu abiit, ad exemplum imbecillitatis rerum humanarum; & constat nil esse opera & viribus humanis paratum, quod edax vetustas non consumat, summisque negatum stare diu, nimioque graves sub pondere lapsus, ut nobilis poeta ait: nullaque imperia quantumvis magna diu stare; si foris hostem non habent domi nascitur, ut abdomine impedita corpora quamvis ab externis causis tuta, suis ipsa viribus onerantur, & proprio premuntur pondere. Romanam ecclesiam per hæc tempora Siricius gubernabat, ut dictum jam est;
 398 quo defuncto salutis anno trecentesimo nonagesimo octavo, cum tredecim amplius annos Pontifex fuisset, Anastasius successor tribus annis eandem ecclesiam tenuit. Hoc Pontifice in Hispania Synodus Toletana habita est kal. Septembris ipso anno seculari. Episcopi decem & novem actis interfuerunt ex variis Hispaniæ urbibus convocati; in his primum locum Patronus occupavit Toletanus Episcopus ut quidam affirmant ex catalogo vetusto, ejus ecclesie Præfulum ab hoc tempore numerum inchoante: ut aliis visum est Bracarenfis, quod in actis Synodi Paterni Bracarenfis memoria extet; neutri argu-

mento satis efficaci. Priscilliani placita novis decretis exagitare atque convelle-re placuit. Episcopi Simphosius & Didiminus atque Comasius presbyter ejurata secta ecclesie conciliati. Didiminus Asturica, cujus urbis Præful fuit, in cælitum numero habet colitque, nimirum erroris suspitione vel imposita, vel salutaris poenitentiae dolore per totam vitam expiata. Extant ad Patres in eo conventu Innocentii Romani Pontificis litteræ cum anno consequenti Anastasio successisset. Africam per hæc tempora Gildo cum potestate gubernabat, Rufinus Orientis provincias, Occidentis Stilico majori auctoritate quam alii Serena conjuge ex Theodosio fratre nata potens, præterea Honorii socer. Hos Theodosius exitiâli, si spectetur eventus consilio, reipublicæ moderatores constituerat, ut filiorum ætatem virtute juverent, & imperii molem suis ipsi humeris regerent. Verum cum suo potius quam alieno nomine dominari cuperent, & præ ambitione imperandi datæ fidei religio tanti non esset, imperii majestatem penitus labefactarunt. Primus Gildo in Africa rebellavit, eoque & Mafesecele fratre, cum deinceps imperium invasis-sent sublati: Ruffinus neque horum perfidia, neque exitu castigatus Gotthos ad arma excitavit, aliasque nationes barbaras. Ea via erat ad imperium occupandum inventa, non aspera modo sex sal-lax; natione Britannus seu Francus Rufinus fuit, magni usus Dux fide non eadem. Ejus fraude detecta cum de medio esset sublati, quasi fatali perfidia per omnes provincias ad imperii exitum vagata, Stilico iidem vestigiis insistens, uti

uti proximo libro repetendum est, atque paulo copiosius explicandum, varias gentes sollicitavit ad sumendum arma. Vandalos gentiles suos & Alanos in imperii provincias attraxit clam cum illis communicato consilio. Rebus in supremum discrimen adductis sollicitatio Eucherio imperium parabat, Theodosii Magni sobole sublata, versutus juxta & ingratus. Gothi imprimis ob negata rursus stipendia Thracia & vicinis provinciis vastatis in Italiam bipartito irruerunt. Radagaisus Gothiorum Dux alter ex antiquis gentis ejus sedibus cum numerosa multitudine Italia Fefulus usque in Hetruria penetrata Stiliconis virtute cum copiis omnibus oppressus est. Alaricum Ducem alterum ad Ravennam cum delere potuisset, acie superare satis habuit. Fraus detecta auctori exitialis reipublice funesta fuit. Stilico Honorii jussu peremptus anno salutis quadringentesimo octavo, decimo kal. Septembris; post eum Serena uxor Eucheriusque filius. Gotthis ex sedere in Galliae finibus sedes erant datae. Iis irritandis Stilico Saulum Judaeum ad Alpium radices tendentes jussit.

rat impetu repente facto mulitare; quam serox gens injuriam non ferens converso itinere vastata Italia ipsum orbis caput Romam post diuturnam obsidionem in potestatem redegit, ferro flammaque deformatam, tanta immanitate, ut totius orbis injurias ulcisci velle viderentur. Capta est Roma salutis anno quadringentesimo decimo, uti praecipua eruditione viri numerant. Paulus Orosius, nisi numeri sunt vitii, anno ab Urbe condita millesimo centesimo sexagesimo quarto irrupisse Alaricum ait Romamque expugnasse, hoc est, anno Christi quadringentesimo duodecimo: quod ejus aequalis Prosper Aquitanicus est certe secutus. In ea urbe Placidia Honorii soror capta Athaulfo nupsit, Alarici sorori sui ad Consentiam paulo post in Lucanis extincti successori. Is regno gentis suscepto ex sedere cum Honorio facto ad Pyrenaei radices ex utraque parte, nimirum in Gallia atque Hispania sedes accepit: ubi fortunarum & vitae, gens bello affueta domicilia collocaret. Ab hoc principio Gotthis ad universam Hispaniam imperium aditus est patefactus; uti proximus liber explicabit.

FINIS LIBRI QUARTI



JOANNIS MARIANÆ HISTORIÆ DE REBUS HISPANIÆ. LIBER QUINTUS.

C A P U T I.

Varias gentes in Hispaniam venisse.



MULTAS gentes feras & indomitas in Hispaniam per hæc tempora venisse, sequens narratio declarabit, Vandalos, Suevos, Alanos, atque Silingos. Gotthi in primis ex antiquis sedibus dilapsi, cum orientis occidentisque solis oras sui nominis terrore fama que complessent, atque victricibus armis Italiam universam lustrassent, ad extremum in Hispania confluxerunt: in eaque imperii sedem ceteris nationibus qua pulsas, qua domitis collocarunt ac tenuerunt annis amplius trecentis. Ex Septentrione omnes has gentes profectas sese in Romani imperii provincias infudisse quæstionis non est; ab insito corporibus ardore, quem regionis frigus accendit, cibi & potus indulgentia, ad procreandam sobolem fecunditas major existit; unde aucta sæpe multitudo, quo tempore præsertim nondum Christi religione suscepta defultoriæ veneri licentia ad unas nuptias constricta erat: soli sterilitas nivibus & pruina plurimum rigentis vitæ sustentandæ necessitate cogebat innumera hominum examina in mitiores fertilioresque agros commigrare: Romanos rerum dominos de finibus lacescere: imperii provinciis ni mature obfisteretur cladem exitumque comparare. Quibus ex regionibus sin-

gula hæ nationes in Hispaniam commigrarint, quibus moribus, & ingenio essent (nam lingua institutis legibusque discrepasse constat) explicare oratione, atque ita explicare ut inter tot opinionum tenebras verum invenisse videamur, ardua res est, neque diligentia deesset si via se ostenderet laboranti: nunc conjecturis standum, quando rerum vetustas, & eorum temporum incuria certam scriptioni fidem derogat. Vandalos Plinius in Germania collocat, quibus ferme locis nunc Melburgenfes sunt, & Pomerani: tamen si Dion fontes, unde Albis fluvius derivatur irrigatque Germaniam, in Vandalicis montibus ponit. Vandalis Burgundiones annumerari debent eorum pars, à Burgis, hoc est, pagis in quos dissipati erant appellatione indita: & cum in Heduis confederassent, ei Gallia provinciae Burgundia nomen fecerunt. Alanos Dacis & Getis finitimos facit Dionysius is, qui luculento carmine orbis terrarum situm Græco sermone descripsit: Marcellinus in Scythia, beatosque ait haberi consuevisse, qui cecidissent, in prælio: senio contabescerent aut fortuita morte consumptos, consumptis convitiisque lacerare, truci homines ingenio & ad immanitatem proclivi: propterea quod à cultu atque humanitate aliarum provinciarum gens Scythica longissime abest, nihilque importatur ferme eorum, quæ animorum ferociam emollire solent. Silingos

lingos venisse in Hispaniam constar, & cum Vandalis confusos in Batia confedisse nullo suæ gentis Rege peculiari; qua tamen ex Septentrionis regione venerint, incertum est. Salingos Boiorum gentem quidam faciunt, unde Salingostadium olim in ripa Danubii tertio ab Heligostadio lapide; neque dubium est Francos, qui per hæc tempora Galliam occuparunt, Salios à Sala flumine nuncupatos ut Marcellinus est auctor; ab iis legem Salicam dictam hereditates Francorum in fœminas transferri verentem. Suevos quondam ad Albim sedes habuisse constans antiquorum opinio est; cæterum Strabo Suevos ad Danubii etiam ortum ponit, quibus ferme locis nunc Augusta Vindelicorum sita est. Reliqui sunt Gothi, quorum origo quoniam diutius in Hispania regnarunt, & majori fama celebrantur, paulo altius eruenda est. Gothos olim non pauci Getas esse existimant, quos Plinius & Herodotus non procul ab Istri ripis ostiisque collocarunt: atque Gog & Magog nominibus in divinis libris Getas, & Massagetas significari ajunt; quorum opiniones, neque probare operæpretium est, neque refellere arduum: cum Plinius in Cœlesyriæ urbibus numeret Magog, quam alio nomine Bambycem vocari ait; & plerique quorum sententia potior est & studium eruenda antiquitatis majus, eam gentem ex Scandia (Basiliam antiqui seu Baltiam nominabant) prodixisse affirmant terrarum tractu latissimo supra Germaniam supraque Sarmatiam, ei provincie ad orientem Solem conjuncta, cui Fimmarchiæ nomen est, circumfusus aliis ex partibus mari Baltico atque Glaciali peninsulæ forma multo longiore spatii, quam lata in Gothiam, Sueciam divisæ & Nortvegiæ cui Lapia conjuncta est. Ad Occasum enim ubi sinus Codanus panditur (incolæ Sconicum vocant) atque ad eam Scandiæ partem, qua brevissimus in Cimbricam Cherfonesum Daniamque tractus est, minor peninsula majoris pars efficitur, cui Gothiæ nomen est, duobus potissimum nominibus olim divisæ in Ostrogothos ipsorum lingua, nostra Orientales, & Visigothos, idest Occidentales. Inter Visigothos Balhi à ma-

ioribus vocitati (ita enim dicuntur apud eos audaces) inter Ostrogothos Amali ab Amalo summo & Duce & Rege nuncupati, illusterrimæ Regiæque familiæ erant. Reliquam Scandiam perpetui montes fecant, Suecia ad austrum relicta mitiori cælo: ad Septentriones Nortvegia majori frigoris sævitia vastatur: usque eo ut importatum vinum vi frigoris continuo acescere feratur; quæ res magnam aliquando Pontificibus Romanis ingessit curam, ut divinæ hostiæ pars utraque retineretur, perficereturque oppidatim. Sunt Gothi fere cæsariæ barbaque rutila, colore candidi, uti plerique omnes Germaniæ populi cum quibus affinem sermonem habent, neque multum discrepantem à cæteris gentibus, quas in Hispaniam per hæc tempora ferro penetrasse dictum est, præter Alanos, quos Scythico sermone usos esse magis ex conjectura probabili, quam certo argumento licet affirmare. Omnino in vulgarem linguam, qua hoc tempore utitur Hispania ex multarum linguarum colluvione conflata, multæ voces ex Gothorum sermone derivarunt, quo in numero hæc sunt. Tripas, Caza, Robar, Yelmo, Moza, Vandera, Harpa, Juglar, Alvergar, Escanciar, Elgremidor, Cangilon, Camisa, Savana. Quemadmodum Vandalis aliæ voces acceptæ feruntur Camara, Gozque, Azafran. Christi facta ab his omnibus nationibus, aut nunc aut paulo post hæc tempora suscepta sunt populariter; olim superstitioni multiplici servire solitæ erant: ac Gothi in primis haudquaquam bella auspicio suscipi arbitrabantur nisi humano sanguine exercitu procurato, captis in bello mactatis Marti (cui imprimis ad dicti prædæ primitias offerre, exuviasque truncis suspendere soliti erant) neque geri nisi equos prius solenni ritu mactassent, eorumque capita rictu diducto in contis essent prælata. Illud recte: quod humanos animos perpetuos fore ducta ex antiquo per manus opinione habebant persuasum, præmiæque & supplicia à rogo superesse existimabant. Cælo tonante sagittis in sublime ejaculatis numini opitulari, cui vim afferri ac regno deturbari suspica-

bantur. Majorum sacra ad lyram cantu tuodisque concelebrabant, Gothorum insignia leonem erecto inversoque capite undanti clypeo impositum fuisse, caruleo dimidiata ex parte quidam affirmant; alii tres leones ingredientium habitu supra se invicem Regum Dacia: similitudine. In quo fundandum non est, cum sit præcipue nostrarum partium occasionem paulo superius indicatam copiosius explicare, quæ tam multis nationibus & tam barbaris aditum patefecit in Hispaniam. In ea rerum colluvione atque imperii Romani ruina Marcus quidam in Britannia: legionibus Imperator est salutat, neque minori levitate paulo post de medio sublatus, Gratianusque substitutus: & hoc intra quartum mensem occiso pari levitate Constantinus in ejus locum subrogatur, nullis rebus gestis insignis sed memoria nominis bene apud eas gentes ominati commendatus, anno quantum ex Paulo Orosio conjici licet quadringentesimo undecimo, Theodosio juniori Cos. IV. cum is Arcadio patre ante triennium defuncto Orientis imperium gubernaret. Constantini partes magna Galliarum pars atque Hispaniarum secuta est Romani imperii diuturnitate atque gravissimis vestigialibus, quæ indies majora imperabantur, cunctorum animis exacerbatis. Didymus & Verinianus Honorii propinqui in Hispania in fide perstantes tumultuario collecto exercitu & majori quam pro viribus animo Pyrenæi aditu Constantinum, qui ex Gallia in Hispaniam festinare punciabatur, prohibere conati, à Constante tyranni filio, quem pater ex monasterio detractum & Cæsarem dictum præmiserat in Hispaniam, victi acie atque trucidati sunt, tum ipsi, tum uxores. Theodosius & Lagodius occisorum fratres fugæ beneficio servati ad Imperatores abierunt Honorium Theodosiumque Arcadii filium diffusi viribus. Constantis exercitus plurimum ex iis gentibus erat constatus, quæ cum ex Germania irrupissent in Galliam ob sedes cum Honorio factum Honoriaci nuncupabantur. Hi Constantis permisso Hispaniam Palentiam usque depopulati sunt; nimirum barbari exer-

citus voluntates aliena calamitate redimiebantur; deinde cum reditum ad patrem pararet, Pyrenæi angustii præfecti sunt: moleste ferentibus Hispanis mercenarium militem dubiaque adeo fide ipsorum constantiam prælatum, quibus ducta ex antiquo consuetudine is honor deberi videbatur. Detractum ut provincia aditus ipsi munirent, querebantur scilicet, foreque minitabantur, ut brevi novi motus existerent, rursusque ad alios dominos Hispania respuiceret, contumeliæ dolore faciente animos. Eorum sermones vanos non fuisse, eventus brevi declaravit. Honoriaci enim quibus natura favere coegbat Vandalos, Alanos, Suevos, & Silingos, quos paulo ante Stilico in Galliam immiserat, ut esset paulo ante demonstratum, clam inito sedere patefactoque aditu, quo eatenus erant prohibiti, attraxerunt in Hispaniam. Deferendi Galliam Gothorum metus causa fuisse putatur, quibus facta cum Honorio pace ut pares esse possent verebantur. Constantini etiam potentia sollicitabat maximam Galliarum partem imperio obtinentis, & ad reliquam aspirantis. Erat Suevorum Rex Hermeneticus, Alanorum Atace, Vandalorum & Silingorum Gundericus. Horum irruptionem gravissimæ calamitates consecutæ sunt: cum barbara immanitate in Hispanorum atque Romanorum fortunas sine discrimine involarent; agris & oppidis afferrent vastitatem; unde sæviente mox fame humanis carnibus passim vitam tolerare non homines modo cogebantur, sed & bestię ea laniena efferatæ passim in homines irruerant. Famem ut sit pestis lues excepit gravissima; innumeri tota provincia consumpti superstitum invidia, cum quavis morte graviora mala tolerarent. Ergo provincia magna ex parte habitatoribus vastata barbari in variis ejus regionibus sedes collocarunt. Suevis & Vandalorum parti Calæcia data est latioribus quam nostra ætate finibus; nam totam Castellam veterent ambitu comprehendebat. Lusitania & Carthaginensis provincia Alanis obvennerunt, demptis Carpetanis & Celtiberis in fide Romanorum perstantibus.

Ba-

Barica Vandalis & Silingis attributa. Ea partitione facta focus initum cum Romanis: cultusque pristinus & frequentia in provincie urbes magna ex parte revocata est. Hispani novam servituti conditionem Romanorum imperio atque acerbitati preferrebant; tametsi nonnulli veterem libertatem mordicus retinentes barbaricum jugum subire detrectabant, præsertim in Calacie tractu, ubi Suevorum imperium erat. Interea Honorius ex Italia Constantium cum valido exercitu in Galliam immiserat contra tyrannum. In Hispania novi motus exortu. Maximo in Citeriori Hispania Imperatore salutato Gerontius Comes tyranni prioris odio, cujus partes sequebatur, ut alieno nomine regnaret ejus defectionis auctor extitit. Itaque Maximo Tarracone relicto cum copiis ipse in Galliam penetravit: Viennæque ea urbe capta Constantem Cæsarem natus de medio sustulit; ne ulterius procederet Constantii adventus summa deterruit. Reducem in Hispaniam an hominis fortuna despècta, an Honorii demerendi studio, Hispani noctu in ædes impetu facto quamvis egregie pro extrema spe dimicantem injecto igne peremerunt. Maximus Gerontii opibus cujus auctoritate stabat, destitutus cum fuga saluti consulisset inglorius ad Orosii ætatem vitam calamitosam propagavit. Dum hæc in Hispania geruntur, Constantii virtute Constantinus tyrannus Arelati & Julianus ejus filius sublatus; neque multo post Jovius & Sebastianus deinceps imperio rebellantes. Galliaque universa ad Honorii ditionem revocata salutis anno quadringentesimo tertio decimo. Gothi tanquam ad utriusque provincie præsidium Honorii permissu Pyrenæi radices utrinque post biennium occuparunt. Ii ex antiquis sedibus ante hæc tempora sæpe dilapsi atque in Romani imperii provincias impetu facto, virtutis opinionem maximam excitant: usque eo dum Alexander Macedo gentis indomite congressum declinasse, Pyrrhus Epirota exhoruisse, Julius Cæsar detrectasse crediti sint; auctor Orosius. Hujus gentis irruptiones omnes & bella commemorare nostri institui non est.

-Tom. I.

res gestas narratione explicare sigillatim majus opus quam pro suscepta narrationis modo. Valente Imperatore, ut est superius demonstratum, Visigothos ex antiquis sedibus deductos in Mœsie sinibus sedes accepisse ea lege constat, ut Romani imperii stipendia facerent, Christi Dei sacra fusciperent; unde ex aliquanto intervallo Arian secta, cui Valens addictus erat, magnarum calamitatum & motuum in Hispania extitit causa. Datas sedes ad Arcadii & Honorii imperium tutati in Pannoniam usque propagarunt, paulo ante quam irrupissent in Italiam Thracia vastata; nimirum Stilico Honorii socer, ut Eucherio filio imperium pararet gentem suo pte ingenio inquietam ad arma excitavit; duxerat Stilico Serenam Honorii fratris Theodosii filiam: ex qua Eucherius, Maria, & Thermantia nati. Eucherio Galla Placidia Imperatorum soror connubio juncta. Honorius Mariam & Thermantiam deinceps duxit. Mariæ sepulcrum Romæ non ita pridem repertum Paulo III. Pontif. Max. in D. Petri Vaticani gemmæque in eo magni pretii, auri & argenti pondus non exiguum Honorii & Mariæ nominibus in bulla expressis: uti ex Topographia urbis Romæ à Mariano edita cognoscere accuratius licet. Sublata igitur utraque Honorii uxore (quidam Thermantiam ait ab Honorio repudiatam cognita Stiliconis fraude) Stilico quasi fidei vinculis sublatis fucinus, quod diu animo coxerat perficere cum maturaret, Vandalos, unde ipsi origo, & Alanos magnis invitatis præmiis immisit in Galliam. Gothi eadem arte stipendiis negatis arma corripuerunt. Alarico Rege salutato in defuncti Athanarici locum, Thraciæque & Italia vastatis ipsum orbis caput Romam diuturna obsidione fatigatam in potestatem redegerunt Fl. Vararo & Tertullo Coss. IIII. Nonas Augusti, Honorii socordia tanta, cujus partes erant summæ rerum opitulari, ut renunciantem urbis Romæ calamitatem de Gallo putaret loqui, quem Romam vocare erat solitus & pugnantis paulo ante spectaculo se, ut in more habebat, oblectarat.

Pp

Got-



Gotthorum Duce Alarico in extrema Italia defuncto, Athaulfus successor Gallæ Placidie uxor, quæ Romæ capta fuerat, blanditiis delinitus & ad pacem proclivis cum Honorio fœdus pepigit; ex quo Gotthorum copiæ ex Italia deductæ in Galliæ Hispaniæque confinibus confederunt; regni sedes Narbone collocata

salutis anno quadringentesimo quintodecimo: unde Galliæ Gothicæ nomen factum finibus sæpe alternantibus pro vario bellorum successu cum Francis finitimis & Romanis. Atque hac occasione tum aliæ gentes tum Gotthi in Hispaniam venerunt.

C A P U T I I.

A Gotthis aliæ nationes barbara in Hispania superantur.

ERAT Hispania in multa regna distracta legibus, institutis atque religione discrepantia. Romani & Hispani Catholicæ religioni addicti erant. Gotthi Arianorum peste contaminati; reliquæ nationes barbaræ nondum Christi sacris imbutæ gentili superstitioni serviebant. Univerſa ut occupatam ditionem in eorum collatione retinere liceret, pro se quæque pacem cum Romanis firmare cupiebant. Godigifco (Gundericum quidam vocant Gifericum Jornandes, id certe falsò) Vandalorum Regi in hæc leges data est. Ut sine veterum incolarum maleficio viverent in Hispania, neque triginta annorum præscriptionis lege

ullo tempore tuerentur adversus Romanos, quæ per vim nefasque usurpassent. Quibus verbis indicabatur eam pacem non tam voluntate concessam, quam expressam necessitate: magisque facultatem docesse quam bellandi cupiditatem. Omnino ex eo fœdere inter barbaros novis suspitionibus natis bellum continuo exarsit. Alani ferociores Vandalos atque Silingos Bætica relicta coegerunt in Caleciam ad Suevos confugere; ut junctis cum illis viribus Alanorum audacia repressâ sedes suas, unde erant pulsî recuperarent. Alaaorum impetu in Celtiberiam & Carpetaniam converso multæ urbes & oppida detractæ Romanis: Gotthi

thi consequenti anno ex quo in Galliam venerant, in Hispaniam penetrarunt; ubi eorum ope Attalus imperii honorem inane nomen exitialeque primum usurpavit: mox consilii inops & viribus destitutus cum mari evadere tentasset ex fuga retractus à Constantio, qui ea littora validis classibus obtinebat, ad Honorium missus pollice & indice præcisus in Liparam exilii gratia deportatus est. Athaulfus Gothorum Rex sive suoapte ingenio, sive ex nova affinitate ad pacem quam ad bellum propensior, cum Barcinone constitisset, suorum conjuratione perijt anno salutis 416 quadringentesimo sextodecimo, cum annos amplius quinque regnasset. Vennulus pusilla statura homuncio, cæterum vivo ingenio & in omnia jura familiaria assuetus, nactus opportunitatem facinoris, Regis latus dillicto ense

transverberavit. Dobbium Olympiodorus vocat & Athaulfi cade vindicasse heri eadem ab eo ante occisi. Sex Athaulfi filios una cum patre periisse sepulcri inscriptio carmine concepta declarat, cujus hodie sepulcri pars Barcinone extat. Ei inscriptioni quanta fides sit arroganda, aliorum esto judicium: nobis recentior visa est, quam pro horum temporum antiquitate. Natum certe ex Athaulfo & Placidia atque in prima ætate defunctum infantem Theodosium, in oratorio pro Barcinone urbe atque in theca argentea sepultum: alios ex priori conjugio Athaulfi filios de sinu Sigerici Episcopi abstractos neci datos à Sigerico successore: præterea ante ejus equum Placidiam cum aliis captivis longo spatio currere compulsam fuisse (sic sunt rerum vices) Olympiodorus ait.



Ergo in Athaulfi locum Sigericus gentis suffragio subrogatus (nam indoles inerat belloque & pace spectata virtus, ad hæc in procero corpore oris dignitas, quamvis crure altero ex equi casu debilitato) cum Athaulfi vestigiis insisteret

ententus, ut ad pacis consilia proclivis videretur, suorum conjuratione ferro occubuit intra primum regni annum; Walia substituto inquieto homine atque bellaci.



Hunc scribunt sub initia regni instructa classe in Africam transmittere voluisse: si-
 verum suarum desperatione, cum utrin-
 que hostes terrorem incuterent hinc Con-
 stantius, inde nationes barbaræ, sive alia
 quavis de causâ ac præsertim Mauri-
 taniæ occupandæ studio Hispaniæ con-
 tributæ. Disiecta fane vi tempestatis
 classe ad freti Gaditani fauces, cum in
 Oceanum egredi pararet, necessitate in
 Hispaniam revocatus cum Constantio
 socius pepigit ea lege: Ut Placidia At-
 thaulsi uxor, quæ Constantio erat à
 fratre Imperatore pacta redderetur. Na-
 tiones barbaras quæ obtinebant Hispa-
 niam Gothi bello fatigarent. Ejus belli
 progressu quidquid terrarum quæsitum
 esset ereptumque hostibus, cederet im-
 perio Romano. Ipsi quibus finibus an-
 tea, in Gallia atque Hispania ditionem
 terminarent. Hac pax facta est, ejus
 418 seculi anno octavodecimo, auctore Pau-
 lo Orosio Presbytero Tarracensi, Au-
 gustini atque Hieronymi familiaritate
 claro; qui rerum Romanarum historiam
 perduxit in proximum annum Flavii-
 que adeo Monaxii & Flavii Plinthæ consu-
 tum. Constantio cum Placiæ nuptiis
 imperii majestas accessit Honorio conce-
 dente. Walia ob domitas, ut erat in
 fœdere, gentes barbaras Aquitanie pos-

sessione auctus est, nobilissimo Gal-
 lia tractu Garumna flumine & Pyre-
 næis montibus comprehenso, ubi To-
 losæ & ad Oceanum Burdigala sitæ
 sunt. Ex Celtiberia enim, quo Con-
 stantius penetrarat rerum Hispanien-
 sium cura, Gothi novi belli cura sus-
 cepta, in Alanos rerum successu fero-
 cientes, neque iis finibus contentos
 quos primo adventu occuparant, atque
 ad totius Hispaniæ imperium aspirantes
 impetu facto, Rege eorum Atace in
 prælio cum multis suorum trucidato,
 qui cladi superfuerunt deserta Lusitania
 in Calæciam aufugere compulerunt,
 ubi Suevis confusi gentis & regni no-
 men penitus amiserunt. Alanquer op-
 pidum in Olisiponensi agro, & Ala-
 nim in montibus Hispanensibus quidam
 suspicantur ab Alanis ea nomina acce-
 pisse (nam Alanquer olim Jerabrica fuit)
 nulla meliori conjectura, quam appel-
 lationum similitudine. Eodem belli
 impetu Silingi vexati, domitique (cum
 in Tartessiacis campis pugnatum esset)
 constitutis qui genti jura darent ex Go-
 thorum numero. Horum exemplo Van-
 dali, atque Suevi castigati retenta di-
 tione, in jus concesserunt Romano-
 rum, quorum auspiciis bellum admi-
 nistrabatur, Gothorum periculo, &
 armis

armis. Negatum tamen vestigalibus, Romani imperii stipendia facere, ne retentis armis rebellandi facultas esset. Valia gravissimo bello brevi confecto, cum in Galliam concessisset quasi Hispania penitus domita atque pacata,

Tolosæ ex morbo defunctus est ejus seculi anno nonocedecimo, cum tribus annis jura Gotthis dixisset, suumque gentis nomen tantis rebus gestis magnopere illustrasset.



CAPUT III.

Theodoredi Regnum.

POST Valiæ profectionem in Galliam duæ res incommodæ consecutæ sunt. Constantii Imperatoris mors, cum Hispania Galliaque pacatis in Italiam se contulisset Rhavennæ defunctus est salutis anno quadringentesimo vigesimo primo, Valentiniano infante ex Placidia relicto: quem avunculus Imperator in imperii spem educandum curavit; nationes barbaræ in Hispania refurgere cœperunt atque ditionem & auctoritatem pristinam recuperare. Vandali in primis, quorum erat inter gentes ceteras opinio virtutis singularis, Rege Gunderico Hispaniæ totius imperio spe devorato, Suevos (caussæ in incerto fuere) sed Suevos tamen Ervasis montibus se tenere coegerunt, magis locorum munitione fidentes, quam vera virtute. Hos montes Legionem inter & Ovetum Ar-

Tom. I.

vas hoc tempore vocari pervetusto monasterio nobiles quidam arbitrantur, & Ptolemæo Narbasos esse. Montium horum quicumque fuerint præsidio Suevi cum nusquam totius dimicationis copiam facerent, Vandali victoriæ spe depulsi instructa classe in Baleares profecti ferro igneque eas insulas deformarunt; inde in continentem versi Carthaginem Spartariam, quæ paulo ante Alanis erepta in ditione Romanorum erat, solo æquarunt, non totis sexcentis annis decursis ex quo à Pœnis fuerat fundata, imperii Punici arx atque præsidium in Hispania. Secundum hanc cladem ad casus redacta, propter portus nobilitatem consequenti tempore habitari cœpit; nostra ætate vix in ea sexcentæ familiæ numerantur. Omnino ex eo tempore urbis Carthaginis jura Toletum migrarunt; quod ab

Qq

anti-

antiquo scriptore rerum Hispaniæ affirmatum, nonnulli de Metropolitani dignitate interpretantur: alii de conventu iudicando Carthaginensis provinciæ populis Toletum jura petere coactis, quæ stante Carthagine ab ea urbe petebantur; argumenta quoniam in neutram partem assensum exprimunt: de tota re liberum lectori iudicium ex aliorum lectione relinquatur. Gundericus Vandalorum Rex excisa Carthagine in Silingos impetu facto, quoniam Romanorum auctoritatem sequebantur, eorum agris vastatis atque Hispali eorundem diuionis vi expugnata atque direpta, cum ad extremum sancti Vincentii in ea urbe templum opibus & religione nobile simili audacia diripere, atque spoliare pararet, in ipso templi limine extinctus est, violatam religionem divino numine ipsiusmet Regis morte procurante. Successit Gensericus defuncti ex impari matre frater, alii Guntharim scribunt. Hæc omnia intra eundem annum gesta sunt quo Constantius Imperator obiit; quo tempore Jovino & Maximo imperii nomen occupantibus in Hispania, novi motus excitati Honorium Imperatorem compulerunt novis delectibus habuis, Castinum rebus gestis ea ætate nobilem contra tyrannos & Vandalos ablegare. Ejus virtute Jovinus & Maximus, quoniam exiguo præsidio nitebantur, & magis rerum perturbatione quam sua virtute fidebant, brevi in potestatem redacti atque perempti sunt; major rerum moles à Vandalis opponebatur. Itaque Castinus viribus diffusis Bonifacium quidem Comitem belli & pacis artibus æque atque Augustini familiaritate nobilem ex Africa, ubi res gerebat, accivit in Hispaniam; cæterum discordia ut fit inter pari potestate Duces exorta, cum summo periculo tum Hispaniæ tum rerum Romanarum Bonifacius in Africam rediit. Castinus eo præsidio destitutus contra Vandalos nulla re gesta memorabili in Italiam redire compellus est ipso anno hujus seculi vigesimo tertio: quo Honorius Imperator rebus humanis exemptus est octavodecimo kalend. Septembris, cum imperasset annos octo & viginti, menses undecim, dies decem, non magis constantia religionis quam imperii casu atque infelici-

tate nobilis. Corpus in D. Petri Vaticani tumulatum. Valentinianus eo nomine III. in defuncti locum est subrogatus ætate puer, atque tantis rebus sustinendis impar. Eam imbecillitatem Flavius Joannes ad imperii occupandi occasionem vertit. Joanne post biennium oppresso Bonifacius Ætii ætulatione, quem apud Placidiam gratia & auctoritate plurimum posse dolebat, vindictæ studio & rebus suis cavens Vandalorum Regem Gensericum accivit in Africam; barbarorum armis Africæ imperium retinere cogitabat, Vandalis parte data, uti erat in fœdere designatum. Usque adeo ambitionis labe excæcantur humani animi, ut neque reipublicæ amor, neque fides, neque religionis studium quo erat singulari, hominem aliqui prohibitæ opinionæ excellentem à concepto facinore retardarit. Itaque Gensericus Africæ imperio occupandæ occasionem non esse præmittendam judicans, deserta Bætica, atque spe repudiata totius Hispaniæ, cujus imperium meditari cœperat, armis subjugandæ, cum octoginta Vandalorum millibus mare transmisit, hujus seculi anno septimo & vigesimo, Hierii & Ardaburii Cons. Silingi remanserunt in Hispania, eaque potissimum Bæticæ parte, ubi Hispali sita est; unde quoniam Vandalis contributi erant, illi que confusi consequenti tempore Bæticæ nomen Vandalosie appellatione non iisdem prorsus finibus mutatum est. Vandalis in Africa initio quidem junctis cum Bonifacio viribus magnam ejus provinciæ partem sub imperium miserunt: deinde tamen orto dissidio, ut est incommunicabilis natura potestatis, Vandalis concessa in fœdere Africæ parte haudquaquam contenti: & solent homines ad majora tendere fortentibus primis cum meliora expectantur, Bonifacium viribus inferiorem intra Hipponem obsessum (qua in obsidione Augustinus ejus urbis Episcopus obiit, vir immortalis laude gloriaque dignissimus) expugnata arbe peremerunt, universamque propemodum Africam redegerunt in potestatem. Ariti opinionibus depravati venerant (ex Gothorum fortassis commercio). Ex eo magnis calamitatibus atque diuturnis Africæ ecclesiæ implicatæ sunt; innumeri mortales perempti

ob veræ religionis atque Catholicæ constantiam. In his Arcadius, Probus, Paschasius, Eutychius cæsi sunt, regis Genserici aulæ affectæ: tum Paulillus puer Paschasii & Eutychii frater germanus in servitutem contrahitus eo consilio, ut sordidi ministerii cui ad dicebatur tedium de mentis constantia deduceret. Fueri hi Martyres natione Hispani: atque quantum ex Prospero conjici licet anno quadringentesimo trigesimo septimo mortem tolerarunt. Vandalorum discessu Suevorum potentia universæ Hispaniæ cœpit esse formidabilis Hermenerico gentis Rege; eoque ex diuturno morbo sublato, salutis anno quadringentesimo quadagesimo, regni anno trigesimo secundo, Rechila filius ardentis ingenio juvenis vestigiis patris insistentis, atque in spem erectus imperii obtinendi Hispaniam universam, ad Singilim fluvium congressum Andebotum ab Imperatore missum in Hispaniam, in prælio victum cecidit. Ex præda auri & argenti copia ad bellicos sumptus tolerandos; secundum eam victoriam Bætica imperio subacta, Silingis domitis atque Hispani in potestatem redacta haudquaquam pristinam amplitudinem gloriamque retinuit, cum bellorum injuriis esset deformata. Mox in Lusitaniam belli impetu converso Emerita expugnata Alanorum reliquiæ penitus oppressæ, deletæque sunt. Sebastiani strenui Ducis pro Romanis discessus in Africam, ubi à Vandalis occisus est auctore Paulo Diacono, multum contulit ad Suevorum audaciam confirmandam. Carpetania & Carthaginensis provincia victicibus armis sub imperium missæ, brevi ex fœdere pacis studio factæ ad jus ditionemque Romanorum redierunt. Obiit Rechila salutis anno quadringentesimo quadagesimo octavo, Reccario filio successore, qui primus Suevorum Regum Christiana sacra suscepit Suevicæ religionis conditor in Hispania; atque hæc Suevi. Gotthi vero Theodredo Rege Walliæ propinquo atque successore ditionem in Hispania angustis finibus terminabant exiguo tractu provinciæ, ubi nunc Catalauni sunt, subdito: opibus tamen atque militari gloria in Gallia florentes, Romanis cum quibus rup-

to superiori fœdere ex bellis bella ferre soliti erant, terrori esse cœperant. Numerosa Theodredo foboles potentiam augebat. Sex enim filios genuerat, Turismundum, Theodoricum, Fridericum, Euricum, Riccinerum, Himericum: filias duas, alteram Genserici filio Hunnerico connubio junctam impio homini & immani, qui Catholicos in Africa indignis modis vexabat, uxorem præcis nariibus nulla magna de causa, suspitione tantum inductus veneni sibi parati levi scilicet & inani, remisit ad patrem. Altera Reccario nupsit Suevorum Regi in Hispania. Irruperant ea tempestate in Galliam Hunni Duce Attila, qui Dei flagellum vulgo vocitatus est, sive ultro imperii proferendi cupiditate, sive Romanorum arte inducti ad Gothorum potentiam audaciamque frandam: sive quod vero proprius est, Genserici Vandali hortatu Gothorum arma vindictæque patrui sceleris formidantis. Hunnorum gentem quidam intra Rhipæos montes collocant, Marcellinus ad Oceanum supra Mæotidem, genus hominum figura truci, victu aspero, neque igne neque conditis cibis uti solitos, sed radicibus & carnibus inter femora tepescæntis: nonnunquam equorum sanguine, qui incisus venis manabat, vitam tolerare. Valentis imperio Gothos antiquis sedibus expulisse primum proditum est, deinde Armenia aliisque Orientis provinciis vastatis utranque Pannoniam sub Honorio Gothis eripuisse. In Gallia vicinisque locis cum irruptiones fecissent, innatæ siviæ vestigia fixere. Hoc demum tempore Galliam universam imperio subicere parantes, Rhemos nobilissimam urbem directam incensamque vastarunt, ubi Nicasius civitatis Pontifex securi percussus ab ea gente est, sacros hymnos extremis intermorientibusque vocibus personans. Deinde Aureliano obsessi Gothos, Francos, atque Romanos impulerunt ut fœdere inter se facto conjunctis viribus communem hostem opprimendum curarent. Theodoredus Gothorum Rex ad incendium, quod ut Aquitaniam involveret verebatur, primus accurrens Aureliani, obsidione soluta compulsi barbarum in Catalaunos campos (hi Marochii sive Mauricii etiam

„(si fuit Tolose vicini) migrare. Af-
 „fuit Aetius à Valentinianno milite Magis-
 „ter creatus, atque Franci Merovei Re-
 „gis ductu, imperioque. His locis co-
 „piae ad pugnam explicantur. Theo-
 „doreus Rex in dextro latere curare
 „iussus, Aetius in sinistro Francis ad-
 „iunctis. Sangibanus Alanorum Rex eo-
 „rum qui in parte Galliae confederant,
 „ubi Aurelianum est, in medium agmen
 „recipitur dubia fide: eoque ne se pos-
 „set commovere providebatur. Contra
 „ab Attila, Reges, nationesque aliae in
 „cornua distributae; immensa belli lues la-
 „te patentibus campis diffusa. Ostrogot-
 „hi in eo numero eminebant, praecipua
 „virtutis opinione, in sinistro latere Vi-
 „sigothis obiecti. Attila ipse Hunnique
 „in medio agmine subsisterunt, truci as-
 „pectu ceteris adulescentes. Locus decli-
 „vis erat; assurgens collis fastigium qui
 „prioribus occupasset, magnum operae
 „pretium facturi videbantur. Utrique
 „pari consilio, eo contendunt. Occupa-
 „vere Romani. Eo incommodo tur-
 „batum militem & de praelii summa
 „metuentem, Attila hac sententia al-
 „locutus fertur: „ Victores orbis ter-
 „rarum, domitores gentium verbis
 „accendere opus non est; ne igna-
 „vis quidem virtutem oratio addat;
 „fortibus quales vos estis pugnare lu-
 „dus est, ulcisci hostes voluptas, vin-
 „cendi consuetudo in morem transit.
 „An victas Pannonias, Moesias, Ger-
 „maniam, Galliam, Maotidis recessus
 „penetratos obliti estis? Assumite, qui
 „decer victores animum. Licuit otio-
 „sis victoriarum fructum percipere:
 „quia otium ferre non potuistis
 „primi intulistis bellum; audaciae ma-
 „ioris argumentum, sit incitamen-
 „tum facite. His dies orbis terra-
 „rum imperium vestra virtute confir-
 „mabit. Eae copiae ex colluvione
 „multarum gentium supremo conatu
 „constat, an vestrum conspectum
 „ferent milites, oculos, manus? Vir-
 „tuti diffidunt, eo sublimiorem locum
 „avidissime occupant. At Visigo-
 „thos auxiliares habent; verum quan-
 „tulum id praesidii rebus erit? Si in
 „eos irrumpit uno impetu Romani de-
 „licati emollitque voluptatibus quasi
 „concisis nervis, nullo impellente

„cadent. Excitate ergo virtutem:
 „solitos assumite animos: vestram ope-
 „ram si minus victoria, certe quod
 „Dii avertant, nobis morte probate.
 „Magnanimis vel in morte victoria est,
 „vel in victoria salus, praemiaque; à no-
 „bis non imperium modo sed exem-
 „plum expectate. Vos nisi vincitis
 „milites, quis alius Imperator, quae
 „castra, quae provincia accipiet, om-
 „nibus nationibus irritatis, inviden-
 „tibusque vestrae felicitati? His dic-
 „tis pugnae signum datur. Hunni præ-
 „cipitant impetum: excipiunt adver-
 „sarii nihilo minori virtute, suorum &
 „ipsi Ducum cohortationibus inflamma-
 „ti; miscentur agmina: praelium atrox
 „fit, his atque illis rursus exitiabile, su-
 „premo conatu, ut par erat, de imperio
 „orbis terrarum certantibus: castrorum tam
 „multo sanguine, ut rivus vicinus ex-
 „cessisse ripas memoretur, mendacio
 „probabili, quoniam ad centum octogin-
 „ta virorum millia ceciderunt. Perit
 „etiam sub initium pugnae Theodore-
 „us Rex gravi aetate, suorum pedibus
 „conculcatus, dum avidius pugnans in
 „confertos hostes rapitur. Sunt qui
 „ab Andage Ostrogottho occisum ma-
 „lunt. Quod debilitare potuisset, ani-
 „mos auxit Turismundus & Theodo-
 „ricus occisi filii densò suorum agmine
 „obturbant hostes, feroces atque præci-
 „pites: abrumpunt ordines atque disi-
 „ciunt. Attilam quamvis in illa trepidatione
 „nullo constantis Ducis, aut fortis-
 „simi militis officio prætermisso in fu-
 „gam vertunt. Ipsi longius studio pro-
 „vecti prospectu tenebris adempto, in
 „reditu hostium castris temere ap-
 „propinquantes supremum periculum
 „aderunt. Turismundus ex equo præ-
 „cipitatus vulnere in capite accepto suo-
 „rum virtute evasit. Hostis spe orbem
 „terrarum complexus, quia non vicisset,
 „pro victo se in castra recepit, si quid
 „gravius accideret, sibi mortem conscif-
 „cere certus accensò rogo. Carri qui-
 „bus munita erant castra saluti fuerunt, &
 „noctis tenebrae qua spe pugnam post me-
 „ridiem inchoant. Aetius haud minori
 „metu vallo ex equorum cadaveribus cly-
 „peisque facto, noctem totam in armis
 „sustentavit; hostem sequenti luce certa-
 „men repetere detrectantem obsedit pri-
 „mum

num intra castra: deinde cum deleri facile potuisset, haud egre passus est è Gallia in Pannonias redire. Multum de tantæ victoriæ voluptate & gratulatione tum barbari fuga diminutum est, tum Theodoredi casu: tamen Romanis æque ac Francis gratum accidisse videbatur Regem præpotentem de medio fuisse sublatum. Consul ab Attila vates Duce hostium casu victorem fore denunciabat, mentitus in altero, alterius partis vana interpretatione Aetii capiti id minari existimabant, ut est genus hominum fallax vanumque: Triduo armorum fragorem iisdem vestigiis auditum, pugnantium clamorem umbris pertinaci contentione post mortem in pugna perstantibus in Græca Isidori philosophi vita traditur. Occasionem fabulæ videlicet prælii nobilitas præbuit. Pugnatum est,

uti Cassiodorus ait, Martiano Augusto & Clodio Adelphio Coss. ejus seculi anno altero & quinquagesimo, Theodoredi regni anno trigésimo secundo. Huic prælio Suevorum Regem Recciarium interfuisse nonnulli suspicantur, ob affinitatem cum Gottho Rege junctam: certe Vasconibus qui in Romanorum fide ea Hispaniæ parte perstabant, ubi Navarra sita est, bello tentatis in Galliam transcendit foceri invivendi studio: & Gothorum auxilii auctus in Tarraconensi provincia Cæsaraugustam eripuit Romanis: Carthaginensem provinciam & Carpetanos longe lateque depopulatus fodere cum Romanis isto in dittonem patriamque reverit: Baticam, Lusitaniam, arque Calæciam imperio complexus, & ad reliquæ Hispaniæ dominationem aspirans.



CAPUT IV.

Turismundus & Theodoricus.

THEODOREDI funere in Gothorum castris procurato, Turismundus in patris locum cooptatus, ne patris ulciscendi studio fugientis Attilæ vestigiis insisteret; Aetii consilium & auctoritas fecit, novi regni statum disputantis stabilendum videri: ne fratribus, si forte male cogitarent, rerum novandarum daretur spatium; cum ex arcano pro-

Tom. I.

videret ne Gotthorum potentia nimium aucta rebus Romanis exitium compararet. Aetii consilio ita Turismundus acquiescendum judicavit, ut brevi regni opibus firmatis Attilam insecutus prælio superasse constet ad Ligerim fluvium, Alanorum partem iis locis confidentem subjicere imperio parantem. Nobilissima victoria fuit, qua compulsi Hunni Gal-

R.

lie

liæ finibus abcessit. Sed Attilæ dimissi consilium Actio exitiæ fuit; cum enim suppleto exercitu arma in Dalmatiam, Illyricum, atque Italiam partem vertisse esset nunciatum, qui opprimi in Catalaunis campis potuisset, Actium Valentinianus occidendum curavit perduellionis lege postulatam, salutis anno quadringentesimo quinquagesimo quarto. Quo tempore post Celestinum & Sixtum eo nomine III. Leo Romanam ecclesiam gubernabat, verè Magnus sapientiæ atque eloquentiæ laude; ad animi dotes eximias, tractandi Principes dexteritatem singularem adjunxit. Attilæ Hunno cum Romanis cervicibus immineret, retro iter convertere obviam factus ad Mincii vada; neque multo post Genferico Vandalo ne urbem Romanam quam ceperat incendio vastaret persuasit; celestis virtute cessit barbarus. Verum ecclesia militatur. Cum Turibio Asturicensi Episcopo in Italia olim usum habuerat Leo, cum eam provinciam aliasque non paucas sive sapientiæ sive religionis studio Turibius peragraret; ex hujus litteris Pontifex factus Priscilliani sectam cognovit toties jugulatam denuo renasci, in Calæcia præsertim ubi contagionis malum incubuerat maxime. Malo procurando conventum Episcoporum Tarraconensem, Carthaginensem, Lusitanorum, atque Calagurum convocandi curam Turibio ipsi per litteras mandat. Convenere Episcopi ut erat imperatum, Celenis Calæciæ municipio; ubi Priscilliani placita cunctorum suffragio jugulata: rectæque fidei formula de scripto concepta, Balconio Bracarensi Præsuli destinata est Metropolitani jure an etiam Primatis cunctis eo tractu ecclesiis imperantis. Hujus formulæ mentio facta est concilio primo Bracarensi: subjiciturque primi concilii Toletani decretis, quasi ejus pars, maleque assutus cento errore ejus qui conciliorum volumina primus compilavit. Extat præterea Turibii epistolæ fragmentum adversus Priscilliani sectam ad duos Episcopos Hispaniæ, ubi secundum salutem: Dolere se ait religionis concordiam, quam reliquæ ecclesiæ tenebant, in patria labefactari, Episcoporum culpa malum toties compressum denuo renasci non satis considerantiam. Susceptæ viæ rationes atque

demandati muneris partes sibi rebus omnibus inferiori loquendi necessitatem imponere. Libros apocryphos, quos hæretici pro divinis vendebant, rejiciendos videri. Thomæ Apostoli acta non aqua sed oleo affirmantia solum Thomam baptizare, quod ex ejus libri auctoritate Manichæi recipiebant sacramentum, rejiciebat Priscillianus. Andræ acta à Manichæis vel conficta vel depravata. Joannis gesta à Luceio composita homine nefario. Apostolorum memoriam, quo libro lex vetus penitus convellebatur, indeque Manichæos & Priscillianistas hausso constabat; ejus libri deliria affirmat de scripto à se impugnata esse sigillatim; disputationem temporis diuturnitas abstulit. Turibii corpus ad D. Martini de Liciuena in Asturibus tumulatum est; à quibusdam etiam Hispaniæ populis ad sextumdecimum kal. Maii festo dicato ejus memoria celebratur. Ad Turismundum referatur oratio, quem superbius atque crudelius imperantem, quam ut libero homines ingenio atque feroci pati possent, Theodoricus & Fridericus fratres perimendum curarunt. Afcælenus in omnia Regis familiaria jura assuetus ex morbo decumbentem ferro oppressit, toto anno circumactio ex quo Gotthis jura dabat. Consequenti mox anno, qui annus à Christi ortu fuit quadringentesimus quinquagesimus quintus, ad quintum decimum kal. Aprilis. Valentinianus Imperator Romæ interemptus est à Thrāsila Aetii milite; species erat ulciscendi Ducis injuria subliti, re Maximo subornante tantum facinus suscepit, cum is tyrannidem affectaret, atque ut fecit Eudoxiam Valentiniani uxorem sibi toro jungere pararet, ejus majestate occiduum imperium occupare satagens, plane ex hoc tempore collapsam penitus atque convulsam. Novem enim deinceps tyranni maleque ominati Imperatores haudquaquam imperii nomine digni sunt habiti. Cum per idem tempus Orientis provincias Theodosio juniori defuncto Martianus imperio teneret, synodus Episcoporum Chalcedone habita Patrum Concilii Nicæni numero duplicato, Dioscori & Eutychetis vāsanas de Christo opinioniones jugulavit.

Got-



Gothorum gentem Theodoricus prudentia ac moderatione singulari coeperat gubernare, Princeps optimus, ni religionem Arian placitis, vitæ probitatem fratris germani cæde fœdasset. Sidonius Apollinaris Comitis honore à Theodorico decoratus, deinde in Gallia factus Antistes, litteris ad Agricola[m] datis Theodorici virtutes sigillatim commemorat; venusti oris dignitatem: corpus eximia firmitate compactum, neque munditiis cultum, sed virile prorsus, ac militare: jaculandi peritiam: in cibo & potu sobrietatem: solum à prandio animi curis regni gravem atque distentum, honestis ludis laxare: & quod Regum proprium est, supplicibus audiendis: patientiam adhibere singularem: joci scurrarum inter cenandum citra cujusquam morsum sese oblectare. Avito apud se legato à Maximo Augusto, cognita ejus cæde persuasit, ut Occidentis imperium invaderet, opibusque & auctoritate juvit: eoque concedente impetravit ut Gothico imperio cederet quicquid in Hispania Suevis ereptum esset, Romanorum ditionem Carpentibus identidem atque universis Hispaniæ imperium spei complexis. Inferendi belli honesta causa querenda erat, affinitatisque jura violandi. Optimum visum est missa legatione Recciarium modestiæ admonere, ne ultro finitimos,

tunde nulla injuria extaret, læcessendo publicum aliarum gentium odium atque invidiam concitaret. Regna æquitate constitui, ambitione atque immanitate labefactari. Se nisi desineret imperio Romano, cui fidem astrinxerat, & à quo multis beneficiis esset provocatus, deesse officio non posse. Ad hæc Recciarium ut erat elato animo, quem secundi bellorum successus inflaverant spe vana, brevi se Tolosæ affore respondet: ut quantum in utraque gente virtutis esset periculum faceret, Marteque arbitro de tota controversia disceptaret. Eo responso Theodoricus accepto, suorum delectu habito; adjunctisque Burgundionum & Francorum auxiliis Pyrenæos montes transcendit, atque ad Urbicum flumen Iberiam præterfluens atque Asturicam in Calæcia finibus congressum hostem fundit, fugatque. Ingens in eo prælio Suevorum cædes facta. Reccarius ipse accepto vulnere cum nihil tutum in Hispania fore crederet, navi in Africam transmittere parans, vi tempestatum repulsus ad portum Cale, qua parte Durius in Oceanum evolvitur, victoris jussu interfectus est, ejus sæculi Anno quinquagesimo sexto, ut Ado Vienne[n]sis est auctor: Bracara directa absque ullo civium sanguine: & fortassis in ea urbe Suevorum regia fuit. Calæcia

lacie secundum id prælium domitæ à Theodorico, Aclulphus ex Warnorum gente longe à Gothici sanguinis nobilitate præfectus, fide inconstanti. Arma in Lusitaniam versa. Eulæiæ monitu ab Emeritæ direptione temperatum: cum in ejus Divæ tutelares ejus urbis essent. In Beticam cum copiarum parte Ceurila missus: Nepotianus & Nericus in Calæciam adversus Aclulphum, qui fidei oblitus in ea provincia tyrannidem invaserat. Theodoricum in Galliam, sive otii cupiditas, sive motus alii vocabant, Romanis enim & Majoriano, qui Avito successit, iratus, qua causâ incertum, sed insensu tamen, agris oppidisque vastatis, armatus Rhodanum usque penetravit, ac Lugdunum in potestatem redactam incendio & direptionibus deformavit. Ceurila in Beticam cum de improvviso celeriusque omnium opinione ventum esset, incolæ legatis missis nuntiaverunt, se suæque omnia fidei atque potestati Gothorum permittere; neque cum reliquis Suevis consensisse; neque contra Romanos conspirasse; paratos esse obsides dare, imperata facere, oppidis recipere, frumento aliisque rebus omnibus juvare. Itaque sine sanguine Beticæ Gothorum ditionis facta est; in Calæcia majori contentione bellum gerebatur, ac tandem ad Lucum commissa pugna Aclulphus, qui Regis nomen occupaverat, certe à Gothorum imperio defecerat; cum in potestate venisset capite molitatus esset. Viris sanctis annis quibus, quod Suevi ad Theodoricum miserunt legatos cum infulis & velamentis supplices, venia provincie est impetrata; neque venia tantum delictorum, quam postulabant; sed & ab incredibili animi magnitudine datum collectis naufragis reliquis Regem è suo numero genteq. creare. Ventum in comitiâ, & cum voluntatibus discrepant, pars Frantam Regem jussit, pars Madsram; intra biennium Madsra suorum ferro occubuit; Remismundas filius successit, anno salutis 460 quadringentesimo sexagesimo, juxta Isidori computationem; numeris ad veram rationem castigatis, fœdere cum Frantâ iunctusque cum eo viribus, Lusitaniam ad Romanorum ditionem; quo casu incertum, sed revocatam tamen, igne ferroque depopulatus; sub

jugum imperii mittere prorsus non valuit. Romæ, atque in Italia Ricimer ex Walliæ Gothi Regis filia & Suevo patre natus; militis Magister (summæ id potestatis secundum Imperatores nomen) instituendis destituendisq. in ea temporum sæce Imperatoribus rem Romanam summum deorsum versabat. Nam Macilio Avito, qui post Maximum imperium tenuerat abdicante, Julius Valerius Majorianus successor in Hispaniam delatus, ejus provincie motibus pacatis, in portu Carthaginis classem ædificandam instruendamq. curaverat, Vandalos in Africa opprimendi studio. Tantus apparatus Romana classe qua incensa ab hostibus, cum Imperatoris conatus præoccupassent, qua capta evanuit. Majorianus ipse rei male gestæ ignominia deformis, cum in Gallia tamen, Gothi quæcunque occupaverant, imperio restituisset, ejus provincie statu composito in Italiam reversus Ricimeris fraude Dertohnæ captus, salutis anno quadringentesimo sexagesimo primo, ad Hiram Flavium, septimo Idus Augusti perit. Valerius Severus conjurationis participes in ejus locum subrogatus est Ricimeris ope sublevatus. In ea rerum perturbatione Theodoricus Narbonem pristina ditioni adjecit tradente urbem Ravennio, quem ipse magnis pollicitis ad defectionem à Severo Augusto sollicitarat. Extat hujus temporis inscriptio Nebrissæ in ipsa templi fronte supra januam his verbis: ALEXANDRIA CLARISSIMA FOEMINA VIXIT ANNOS PLVS MINVS. XXV. RECESSIT IN PACE. X. CAL. IANVA. ERA. D. III. PROBVS FILIVS VIXIT ANNOS. II. MEN. VNVM. Unde intelligitur Latine lingue elegantiam multum ab antiquo degenerasse. Alpha & Omega cum signo Crucis ea forma, ad quam Constantinum Magnum Labarum conformasse superius est demonstratum, inscriptioni subiecta more ejus temporis Christianorum sepulchra distinguunt ab aliis. Romanam ecclesiam per idem tempus Hilarius patria Calaritanus regebat, Leonis Magni successor. Extant Ascæni Tarracoenensis Præsulis ad Hilarium litteræ; ex quibus in conventu Episcoporum, nam forte convenerant ad ejus diem natalem celebrandum, Ro-

mae relatum est: Nundinarium quidem Barcinonensem Episcopum heredem scripsisse fortunarum atque successorem designasse Irenaeum adiutorem suum; ejus voluntatem atque judicium principum & populi suffragiis comprobatum; idem Silvanum Calagurritanum Episcopum effecisse, successore designato, verum absque populi voluntate & Metropolitani consensu. Proinde petere ut Hilarii auctoritate priori electione comprobata, posterior irrita esset. Responsum ab Hilario quoniam nullo modo posset causa Barcinonen. à Calagurritano distingui, ne hereditarium videretur quod Christi benignitate confertur, & vitae merita conciliant: utranque electionem irritam esse, atque more & legibus instaurari debere; litteræ tertio kal. Januarii datæ Basilio & Hermenerico Coll. nimi-

rum salutis anno quadringentesimo sexagesimo quinto. In his litteris Akanius Tarraco; provinciae Metropolitanus dicitur Turisio, Calagurris, Legio, Barcino, Civitates (Mirobriga veteribus fuit) locorum quamvis spaciis multum sejuncta, ejus cura continebantur; ad indicium omnibus eum ecclesiis praefuisse in Hispania quaecunque Romano imperio parebant, & à Romana ecclesia tanquam religionis parente sacra petere solita erant, Primatus nomine nondum fortassis in Hispaniam investo; sed unde jura petebantur, & ubi sedes imperii erat, ei urbi auctoritatem in alias ecclesias datam, quam late fines imperii patebant, multis conjecturis habemus comprobatum; ad Calaciam revocetur oratio.



C A P U T V.

Theoderici Mors & Eurici regnum.

SUEVI novis bellorum motibus agitati sunt, in Frante defuncti locum factionis suffragiis substituto Frumario. Æmulus Remismundus priusquam vires coalescerent, universam ditionem gentemque Suevorum armis invasit, obtinuitque Frumario sortefortuna per idem

Tom. I.

tempus ex morbo defuncto; tamen Iria Flavia, quæ urbs in Remismundi fide erat, ab adversa factione, belli deinde injuria vastata est, Frumarii morte non satis studiis pacatis. Suevorum gente sub unius imperium revocata, magni delectus tota provincia habitii sunt.

Sf

Iis

his delectibus numeroſo exercitu conſta-
to Remiſmundus Luſitaniam invadit;
capta per fraudem Conimbrica, Oliſipo
urbem dedente Luſidio cive ejus atque
Præfecto venit in poteſtatem. Romano-
rum potentia contempui erat: Gottho-
rum arma timebantur. Legatione miſſa
Theodoricum conciliare viſum eſt, fidei
conſtantiam polliceri, ſequæ imperata fa-
cere eſſe paratos profiteri. Novum vin-
culum acceſſit; affinitate inter Reges
contracta, Theodorici filia Remiſmun-
do juncta conjugio Annuente poſtularis
Theodorico, nova nupta in Hiſpaniam
miſſa eſt, Salano viro principe deducen-
te, comite Ajace homine quidem Gal-
lo, cæterum in Regis gratiam pridem ad
Arii ſectam ducto; & illud agebatur
ut religionis diſſidio hujus opera ſublato,
ſœdus initum diutius ſtare, Suevorum
gente ad Arii ſectam ducta. Quod
homo callidus diligenter præſtiit, in Re-
miſmundi gratiam à Regina inſinuatus,
& per eum gente lethali veneno univer-
ſa contaminata. Salanus cum nuptiis
celebratis in Galliam rediret, Theodo-
ricum invenit Eurici fraude periſſe ſalu-
tis anno quadringenteſimo ſexageſimo
ſeptimo; ex quo pari ipſe perfidia Thu-
riſmundum fratrem obruncandum cura-
rat, anno tertiodecimo. Gotthorum
regnum Eurico abſque controverſa ceſ-
ſit. Parricidii merces regnum fuit. Sue-
vorum potentia ſolicitabat: ne Remiſ-
mundus ſoceri Regis eadem armis vin-
dicaret; ſimul Luſitanie Suevis eripien-
dæ atque adeo Romanis pulſis univerſa
Hiſpaniæ imperio occupandæ cura erat;
quæ triſariam ea ætate diviſa erat. Ca-
læcia cum Luſitanis parte Suevis pare-
bat. Bætica & Catalauni Gotthis. Ro-
manorum imperio Carthaginenſis trac-
tus, Carpetani ac ſerme reliquæ Hiſpaniæ
provinciæ tenebantur. Euricus ergo
Fl. Leone, qui Orientis provinciis im-
perio obtinebat, per legatos concilia-
to, cum validis Gotthorum copiis in
extremam Hiſpaniam penetravit; atque
Luſitanie provinciæ nullo prohibente
longe latèque vaſtata; copiarum par-
te præmiſſa ut Pompelonem & Cæſar-
aiguſtum, quæ in fide Romanorum
erant, expugnaret: ipſe etiam cum ro-
bore exercitus in Hiſpaniam Citerio-
rem rediens, Tarracœnem (quæ civitas

in Hiſpania maximam habebat auctorita-
tem) poſt diuturnam obſidionem in po-
teſtatem redactam ſolo æquavit; mora
tædium dolorque ad vindictam incitabat.
Sic Romanis Hiſpania, univerſa ditione
imperioque ſpoliatis, quod ſerme ſeptin-
gentis annis ſteterat, præter Calæciam,
quæ Suevis parebat, reliqua Hiſpania
Gotthorum armis ſubjugata eſt; atque
hæc in Hiſpania. In Gallia ditionis Go-
thicæ fines ampliſſimi hac occaſione ſunt.
reſtinis armis ſuprema ac pudenda im-
perii imbecillitate res Italiam laborabant:
vix ut aut ſuis viribus aut externis au-
xiliiſ conſiſterent. Et enim Vibio Se-
vero Imperatore deſuncto Flavius An-
themius imperium Occidentis aliquan-
diu tenuit Ricimeris Patricii opibus
ſultus, cui præmium operæ fuit novi
Auguſti filia in matrimonium collocata.
Gratia diuturna non fuit, neque tanta pri-
vati hominis potentia fida eſſe poterat.
Aut pereat aut perdat necesse eſt qui
Principi metum facit, uti tunc accidit.
Enata inter ſocerum & generum ſimul-
tate ad arma ventum, urbeque à Ricci-
mere capta atque direpta Anthemius
ipſe ſerpo periit. Res in Olybrium Se-
natorem tranſiit. Ricimerem paucis
poſt diebus mors oppreſſit, ſæviſſimis
corporis doloribus excruciatum. Cæ-
leſtem vindictam vulgus interpretabatur
ob contempta affinitatis ſacra, urbem-
que deformatam. Olybrium paulo poſt
deſunctum Glycerius eſt ſubſecutus, ni-
hilo meliori ſucceſſu. Julius enim Ne-
pos, quem Leo Orientis Auguſtus Im-
peratorem renunciarat, eum abdicare
coactum Salonam in Dalmatia amanda-
vit Episcopum factum: ne ludibrio pri-
vatus eſſet, erepti imperii ſolamen, ejec-
to ſibi paulo poſt perſugium futurum.
Oreſtis filius Nepote pulſo Momyllus
Auguſtus imperium à patre traditum ac-
cepit pridie kalendas Novembris, anno
quadringenteſimo ſeptuageſimo quinto.
Auguſtulum vulgus dixit, inſuſtum ve-
teribus nomen atque irridiculum, nobi-
le tamen extincto Occidentis imperio,
quod eodem nomine Octavius Auguſtus
æternum fundiſſe videbatur. Sic vices
fortuna mutat, cadunt urbes, imperia-
que, provinciæ in ſolitudines vaſtantur,
ceruſſimum in ſingularum caſibus leva-
men. Nobiliſſimæ urbes & regna qua-
ſi

si projecta cadavera jacent; nos quibus vita exiguis spatiis constricta est, si quis nostrum penit indignabimur? Nimirum homines nos esse natos meminisse fas est, neque superis suam invidere immortalitatem. Imperavit Augustulus menses novem, dies viginti quatuor. Odoacer Herulorum Rex barbarus eo amoto Italiam Urbemque praeda habuit, tenuitque imperio amplius sedecim annis. Euricus Rex Visigothorum, domita Hispania in Galliam irruerat; ad cetera mala quibus provinciae premebantur, hoc quoque novum accessit. Fatali perfidia ac ejus ætatis præcipua Aruandus prior, deinde Seronatus, qui res in Gallia pro Romanis gerebant, sollicitarunt ut imperii provincias occuparet, in ea temporum labe facili conatu. Accessit Genfericus Vandalus, navali prælio à Basilisco Leonis imperio ad Siciliam male mulctatus atque in Africam reiectus, majoris mali metu utranque Gothorum gentem contra Romanos incitavit magna præmiorum spe. Aruandus quidem & Seronatus prodicione detecta capite poenas dederunt judicio convicti. Genferici conatus felicius fuit. Theodemirus Ostrogothorum in Pannonia Rex recepto nuper Theodorico filio, qui diu obses Constantinopoli fuerat, cuique Italiae imperium fata destinabat, Vindemiro fratri negotium dat ut Italiae inferat arma per se labanti pronæque in exitum. Verum is donis à Glycerio Augusto expugnatus relicta Italia in Galliam abiit, atque cum Eurico agros jam, villas, oppida igne ferroque vastante magno provinciae terrore damnoque vires junxit, magnum rebus momentum. Epiphanius Ticinensis Episcopus à Nepote Augusto de pace legatus, vir ea ætate auctoritate præcipuus, nihil profecit tamen. Eo digresso Ruteni, Cadurci, Lemovices, Gabalitani Gothorum armis expugnati. Arvernum Aquitanie primæ urbs (hodie Claramontem vocant), non procul eo colle ubi Gergovia fuit) diuturna obsidione victis civibus ad deditionem compulsi. Propugnabant Sidonius, ejus urbis, Episcopus castissimis precibus, clarus eruditione, moribus sanctus: Leticus Comes armis Aviti quondam Augusti filius. Verum caelestium auribus sur-

dis, urbisque manibus magna ex parte prostratis, Leticus certe fugæ consilium cepit. Nepos Augustus ad se vocatum Patritium creavit, virtuti debitum præmium, quamvis infelici. Orestem in Galliam Magistrum militum misit, gente Gotthum: unde illi ad evadendum Nepotem versis in eum viribus, filiumque rebus præficiendi opportunitas nata. Sic Euricus nullo impediens imperii fines proferebat in Gallia. Massilia, aliisque urbibus, & omni usque ad Rhodanum provincia occupata regni sedem Arelati collocavit. Tantis victoriis insolentior, cum hostes deessent, arma in religionem vertit Arianæ sectæ, cui erat addictus, amplificandæ studio incensus. Catholici ecclesiarum Episcopi loco movebantur nullis aliis substitutis. Minores sacerdotes sublati rectoribus dissipabantur. Tempa redigebantur ad vastitatem, pars situ deformis, pars enatis herbis horrida, quas pecora & jumenta nihil prohibente locorum sanctitate depascebantur, convulsis valvis atque aditu omnibus promiscue patefacto hominibus atque animantibus, nisi quæ sorte sepsissent arbuscula dumetaque sponte nata. Sidonius Apollinaris non unis litteris horum temporum calamitatem & malorum sylvam deploravit: unde hæc petenda sunt ab annalium auctoribus prætermissa. Euricus cum Gotthorum regnum tenuisset annis septendecim, Arelati ex morbo obiit salutis anno quadringentesimo octogesimo tertio. Quo anno Hilari successor Simplicius Romanus Pontifex defunctus est. Extrat Simplicii ad Zenonem Hispalensem Episcopum epistola his verbis sententiaque. „Plurimorum reatu comperimus dilectionem tuam fervore Spiritus sancti ita ecclesiam gubernatorem existere, ut naufragii detrimenta Deo auctore non sentiat; talibus idcirco gloriantes indicis congruum duximus vicaria sedis nostræ te auctoritate fulciri, cujus vigore munitus Apostolicæ institutionis decreta vel sanctorum terminos Patrum nullo modo transcendendi permittas; quoniam digna honoris remuneratione cumulandus est, per quem in his regionibus divinus crescere innovit cultus. Ex his initiis, cum Hispalensi Antistiti Romani deinceps Pontifices

ifices vicariam concedere potestatem confueissent, illa auctoritas nata est, quam in reliquis Hispaniæ ecclesiis nunquam obtinuit, Primatis jure atque auctoritate nondum per hæc tempora ad

Toletanam ecclesiam deuoluta. Simplicio Felix successit; cujus extant litteræ ad eundem Zenonem nulla præterea re ad memoriam insignes.



C A P U T V I.

Alarici regnum.

EURICI funere procurato Alaricus filius procerum suffragiis, quibus pater optimis præceptis sub vitæ exitum coram castigatum magnopere commendarat, successor est renunciatus. Alarico Visigothorum Rege res Hispaniæ quietæ erant. Gallia in multa imperia Gotthorum, Francorum, & Burgundionum diuisa diu quiescere non poterat. Theodoricus in Italia Zenonis Imperatoris (is Leoni successerat) permisso Ostrogothorum regnum Odoacre victo casoque fundavit salutis anno quadringentesimo nonagesimo tertio. Ostrogothorum origo à Radagaisi tempore explicanda; eo enim ad Fesulas profligato Honorii imperio Stiliconis virtute, oppressi exercitus reliquie, qui ex Ostrogothis constabat variis factatæ casibus cum Hunnis vires sociarunt, Attilæque in prælio Catalaunico militarunt, uti antea dictum est. Verum

cum Romani imperiî stipendia facere, quam barbaris servire mallerent, à Martino Imperatore in Pannoniæ finibus sedes ad habitandum datæ. Gentis regno paulo post ad Theodemirum deuoluto Theodoricus filius ex impari matre nomine Erelieva septennis ut obsequio loco esset ad Leonem Imperatorem missus, morum comitate & dexteritate ingenii Imperatoris gratiam promeritus, ætate major venia impetrata ad patrem remissus est: Rex demum à patris morte renunciatus cum ad Zenonem Imperatorem rediisset; quo tempore Odoacer Herulus Italiæ imperium inuaserat, facile in Italiam transmittendi inuersus eum facultate concessa; factaque potestate, victis profligatisque hostibus, se Italiæ Regem dixit, Roma etiam subdita, ut Calliodori litteræ manifeste declarant, Theodorici nomine scriptæ, cui à secretis erat. No-

vi regni vires undecunque quesitis prædiis confirmandæ erant; optimum visum est, Francos, Burgundiones, & Visigothos validas ea ætate gentes, novis affinitatibus conciliare. Itaque Clodovei Franci sacris jam Christianis initiis Aude sedam forenti ipse duxit, filias duas ex concubina susceptas, Ostrogotham Alarico Visigotho connubio junxit, Theudicodam Burgundioni Gundibaldo. Unde totius Occidentis moderator. & arbiter exortam inter Visigothos & Francos controversiam, missis ad utroque literis, quibus minæ admiscebantur, componere conatus est. Franci religionis susceptæ studio Visigothos Arianæ vesania pollutos oderant, molestæque ferebant ad Alarici regnum tanquam ad receptaculum perfugere quicumque exules hostesque Francorum essent: & cum de colloquio actum esset insidias vitæ suæ Clodoveus ab Alarico paratas comperisset se conquererebatur. Finitima regna diu pacata esse non poterant; res ad arma spectabat, bellumque inter duas ferocillimas gentes ingenti mole coarctari videbatur. Id ex fama prius, deinde frequenter nunciis cum Ostrogotho esset exploratum: missa ad utrumque legatione, datisque literis, constans est ad concordiam dissidentes animos revocare. Dolo se, quam maximum animo capere poterat, confici inquitens cum duo sibi carissima capita in certum exitum armari, nunciatum esset, magna atque incredibili hostium utriusque voluptate, mutuis digladiari odiis letantium. Utrumque dum alteri molitur exitium, in salutis periculum ruere, tum suæ tum subditorum, quorum sæpe periculo maloque Reges peccant. Modestia atque prudentia imperia constitui, effræni temeritate labefactari. Bella quæ facile inchoantur luctuoso sæpe exitu terminari. Æquum videri priusquam ad arma veniatur omnem ineundæ concordie viam rationemque tentare. Animos non magnis de causis eatenus irritatos conciliari facile: facto acerbiori si concordia esset violata de pace desperandum priusquam

Tom. I.

alterutrum regni, quo utrique florantissimo utebantur, opes everso essent, vires conciderent. Sibi pro mutua cognationis jure dedecus utrinque atque infamiam conciliari. Quod si neque patrem Alaricus respiceret, neque Clodoveus fratris amore moveretur: se ut patrem minari, & ut fratrem monere, cum hostis loco futurum esse, quicumque se à pacis studio alienum præberet: neque præceptis consilioque hominis amicissimi atque necessarij obtemperaret. Alaricus his monitis æquiores aures præbebat, Clodovei animus ferocior, quamvis pacis conditionem respuens superbum responsum dedit. Non alio erga Alaricum esse animo, quam par esset & ipse vellet. Priorem facta injuria hostibusque receptis bellum in dixisse. Indictum defendere naturæ jura decusque regium monere. Cum ipse ad pacem, hostis vocaret ad bellum: cupere manum unam Alarico opponere, alteram inertem Theodorico ipsi præbere, si binas dextras natura dedisset. Hoc responso Ostrogothus in Alaricum propensior ad totius orbis Reges literas dedit, quarum exemplum erat. Franci superbiam accusans, in viribus eum atque immanitate fidere, juri atque aequitati aures obturatas habere. Unius periculo, quod ad reliquos recidere posset, cunctos moveri par esse. Missis oratoribus Clodoveum ab incepto terrerent. Singulorum salutem communi omnium providentia conjunctioneque contineri. Nihil neque Theodorici diligentia neque auctoritas profuit quominus ad arma veniretur. In Pictavi agro, decimo ab ea urbe lapide in campis Vogladensibus Francorum Gotthorumque copie convenerunt. Non animis, non armis, non arte belli, non vigore aut viribus corporis pars altera hosti cedebat. Simul atque in conspectum ventum est, acies utrinque ad pugnam instructæ. Pugnatum acriter exequuto periculo, pari spe. Nihil Alaricus omisit, eorum quæ ab strenuo Duce expectari poterant. Francorum impetu & impressione acerrima cum sui omni parte cæde ingenti sternerentur,

Tt

loco-

locoque moti terga verterent, occurrere paventibus, retinere cadentes: ubi plurimus labor, unde aliqua spes, consilio, manu, voce juvare equo & fulgentibus armis conspicuus; non in pedum celeritate præsidium, sed in dextris virtuteque ponendum dicitans; ea tutissima consilia quæ plus haberent periculi; tot gentium victores ab una gente superari ignominiosum ducerent. Verum cum vincente pudorem metu, Alarici cohortationes ad aures non admitterentur: tunc ipse postremus in effusa suorum fuga fortunæ iniquitati cedens Clodovei impetu in primo agmine pugnantis ex equo dejectus, cum se attollere conaretur, à Franco pedite confossus est. Duo Visigothorum equites Regis sui casu incitati in utrumque Regis Franci latus infestis hastis diverſi concurrunt; lorice beneficio & Clodovici juvenis fortissimi ope periculum declinatum. Alarico casu Gothi fuga per proximas civitates dissipantur, nulla manu numero, aut viribus insigni. Engolisma, quæ Gothorum præsidio tenebatur, secundum prælium in Francorum potestatem venit, murorum parte repente cadente ob vetustatem. In Burdigalæ finibus Gothi qui prælio abfuerant, ausi certaminis aleam denuo subire tanta strage strati sunt, ut ab ea clade Arianus campus vulgo nomen habeat, nempe à Gothorum religione appellatione facta. Burdigala, Vefates, Cadurci, Rutheni ad extremum Arver-

ni (nam casu in acie Apollinare Duce Sidonii Arvernorum Episcopi propinquo irritati erant) deditionem fecerunt. Ipsi Tolosates, ubi Gothorum regia erat, expugnati; vix quidquam in Gallia relictum Gothiis, quod in Francorum non venerit potestatem. In Gotthorum Regum thesauris, templi Hierosolymitani vasa & instrumenta sacrorum in Romæ urbis expugnatione olim capta ab Alarico primogenitis Rege, & per manus ad successores transmissa, aut in castris Vogladensibus aut Tolose (nam auctores variant) in Clodovei potestatem redacta sunt; quidam ea vasa Carcasione fuisse ait, easque re obsessam à Francis, & Ostrogothorum adventu liberatam. Occisus est Alaricus salutis anno quingentesimo sexto, eo minori commiseratione, quod imperium à parricidio auspicatum, fraudibus & savitia continuatum meminerant annos tres & viginti, quibus genti imperavit. Hunc primum inter Reges Gothos leges de scripto sanxisse promulgasseque constat, Codice Theodosiano in compendium relato editoque, tertio Nonas Feb. anno ipso quo casus est. Antea institutis more majorum firmatis vitam bello paceque gubernare soliti erant; ad Alarice leges cum consequentes Reges pleræque alias adjecissent; illud volumen conflatum est, quod Forum judicum vulgo ab Hispaniis nuncupatur, de quo iterum sermo redibit.

175



CAPUT VII.

Gefaleicus, Theodoricus, Amalaricus.

SUSCEPERAT Alaricus ex uxore quidem Theudicoda, que paulo ante decesserat, Amalaricum ex concubina autem Gefaleicum. Gotthorum proceres Amalarici tum quinquennis ætate contempta, Gefaleicum collatis suffragiis rebus præfecerunt, non obscuro Ostrogothi dolore ob prætermisum nepotem. Itaque cum Italiam, Siciliam, vicinas Italiæ insulas, Illyricum & Dalmatiam ditione complexus, copias aleret in armis exercitatissimas, octoginta millia militum Duce Ilba Gepidarum Comite in Galliam immisit: tum ut Francorum animos victoria insolentes compeſceret, & Visigothicam regiam prope everſam fulciret: tum ut occupatum injuria ejus gentis regnum nepoti suo restitueret. Tanti apparatus metu Gefaleicus, & quoniam crepta nuper Narbone à Gundebaldo Burgundionum Rege ad prædā, ut fit, accurrente nihil in Gallia tutum superesse putabat, Barcinonem se recepit homo ignavus, atque in crudelitatem propensus, qui suis manibus Gothicum intra regiam ea in urbe obtinca-

rat; & necesse est socordes & ignavos in potentium virorum cæde spem salutis ponere flagitioque. Ilba in Galliam delatus, & Visigothorum reliquiis adjutus, victoriam de hoste reportavit. Francorum viginti millia in acie ceciderunt. Provincia Phocæensis ad Ostrogothos ut navatæ operæ merces esset, Aquitania ad Visigothos revocata. Gefaleicus cum Ostrogothi Narbone præterea recepta Pyrenæos montes transcendere pararent, suarum rerum desperatione, & militum voluntatibus diffusus, neque ignorans multorum in se odia excitata ob ignaviam & crudelitatem, in Africam navigavit. Thrasimundus Vandalorum Rex tamen Theodori^{ci} sororem in conjugio habebat, & osugi hominis fortunam miseratus, an ægre ferens novi regni accessione Theodori^{ci}, qui jam dudum esse cœperat formidabilis, potentiam augeri: benigne acceptum, atque cunctia adjutum ut Theodori^{ci} litteræ declarant eam injuriam cum Vandalo expostulantis, in Galliam remisit; ubi transacto in latebris anno, cum exer-

citum pecunia Africana comparasset, ad duodecimum ab urbe Barcinonensi lapidem totius certaminis aleam tentare ausus, ab Ilba praelio superatus Gallia ex fuga repetita, brevi in ea ex morbo defunctus est, quem concepta animo agritudo ex re male gesta conciliarat, quarto anno ex quo Rex erat renunciatus, salutis humane quingentesimo decimo. Gesaleici morte magnorum motuum materia amputata in Gothicum regnum an-

tiquus splendor coepit revocari. Extat Elboræ patrum ætate repertum sepulcrum ex candido marmore hac inscriptione. LITORIVS FAMVLVS DEI VIXIT ANNOS PLVS MINVS LXXV. REQVIEVIT IN PACE. IX. CALEN. IVL. ERA. D. XLVIII. Inscriptioni Crucis figura Alpha & Omega subiecta sunt, ad indicium cultæ religionis Christianæ.



Gesaleico defuncto, quis in ejus locum suffectus sit, auctores in diversum trahunt; plerique Theodoricum ipsum Ostrogothum Visigothorum Regem fuisse deinceps affirmant. Episcoporum concilia per hæc tempora in Hispania hæc Theodoricum nomen præferunt, regni etiam anno designato. Alii malunt Gesaleico Amalaricum successorem datum: regni procuratorem tantum penes Theodoricum avum fuisse, unde quoniam ad nutum rempublicæ gubernabat, & ad cum opes Hispaniæ & vestigia regia conferebantur Visigothorum & Ostrogothorum alendis exercitiis præsidium: opinio nata, quæ Theodoricum Regem facit. Nos de tota contraversia judicium in medio relinquimus lecti in utranvis partem opinaturo argumentis utrinque consideratis. Illud non placet, quod ab Hispanis scriptoribus affir-

matur mollius externi hominis testimonio, verisus Theodoricum in Hispaniam; qui enim tam nobilem professionem fuissent Cassiodorus aliique singularum Theodoricæ actionum nobiles scriptores. Omnino ad aniles fabulas ablegandum, quamvis à Luca Tudenfi affirmatum, Toleti uxorem duxisse ex antiquo Hispanorum sanguine; ejus precibus victum veteribus Hispanis reddidisse libertatem; natum ex his nuptiis Severianum Leandri & Isidori patrem; quod neque veritati consentaneum est, neque cum ratione temporum convenit. Theudis prorsus seu Theudis antea Theodoricæ armiger, & nunc ejusdem beneficio Visigothici regni procurator, pueri teneram ætatem regni molem regendam suscepit, unde illi ad regnum gradus, quod deinceps obtinuit. Eutharicus regia Ama-

Amalorum familia ortus in spem hereditatis regniq; Italici à Theodorico ex Hispania accersitus, filiam ejus Amalasuntam uxorem duxit. Erat is Ostrogothus genere, prælioque Catalaunico interfuit. Veremundus Turismundi filius ex Amalorum gente ex Scythia ad Theodoricum Walliæ successorem contendit: hujus filius Witericus, Euthericus nepos fuit. Hunc cum in Italiam Theodoricus evocasset, juvenis indole cap-
 tus, generum sibi ascivit. Nuptiæ regio splendore apparatusque celebratæ,
 anno quingentesimo quintodecimo. Quo
 anno in sequentem evoluto Theodorico & Petro Coss. concilium Tarracon. in Hispania, octavo Idus Novemb. habitum est. In eo primum mentio monachorum extat inter Hispania monumenta. Diei dominici cultum more ex Hebræis translato, à sabbatho inchoari sancitum; unde in morem Hispanorum ea observatio manavit, ut sabbathi noctem feriatis habeant. Hæc Carthagenen. Metropolitanus post Joannem Tarracoen. & Paulum Emporitæ; actis Concilii subscribit. Consequenti mox anno,
 nimirum à Christi ortu quingentesimo septimodecimo, Gerunden. synodus habita est. In ea synodo, more ex Gallia advecto, ubi Mamercus Viennensis Episcopus in luporum rabie civitate expianda Litanias commentus est, quotannis in Hispania instaurari sancitum post Pentecostes festum diem, mensæque Novembri. Romanæ ecclesiæ Hormisdæ Pontifex per hæc tempora gubernator, litteras dedit tum ad Joannem Episcopum privatim nimirum Tarracon. duobus his synodis Præsidentem, tum ad omnes Hispaniæ Episcopos, singulis saltem annis Episcoporum conventus in Metropoli haberi mandans: quibus salutem ecclesiæ contineri veteres habebant persuasum, ad astringendam disciplinæ severitatem vitio hominum laxari identidem solite. Extant præterea Hormisdæ litteræ ad Salustium Hispan. Episcopum, ad componendas Præsulum controversias in Ulteriori Hispania, Metropolitanorum privilegiis jureque conservato, vicaria ei potestate facta. Unde & quoniam Amalaricus Visigothorum regiam Hispani plurimum collo-

Tonn. I.

cavit & fixit. Hispanenses Episcopi auctoritate aucti sunt Primatus æmula. Hormisdæ defuncto Joanneque ejus nominis primo in Hormisdæ locum pridie Idus Augusti, anni quingentesimi vigesimi tertii, subrogato, conventus Episcoporum bini habiti sunt; Ilerdæ nimirum & Valentia. In Ilerdensi Abbatis & Archidiaconi mentio facta: nihil præterea ad memoriam insigne. Synodum Cæsaraugustanam, quæ vulgo extat in conciliorum libris, ad hoc tempus quidam referunt, neque argumento certo, neque conjectura satis idonea, cum temporis atque Coss. designatione careat; verum tamen in Doctoris nomen invadere, nisi jure & ordine, Sacras virgines velari ante annum ætatis quadragesimum, Leonis Magni, aliorum Pontificum & conciliorum decretis in eo instauratis. Obiit Joannes Pontifex sexto kal. Junii, salutis anno quingentesimo vigesimo sexto Ravennæ enim tot domitis gentibus insolentior factus, bellum minasque in religionem vertit numenque. Justinus Augustus Anastasii successor catholicæ religionis studio, quominus flagrabat, Arianos toto Oriente exules esse sanxerat. Id Justinianus edictum Theodoricum, cum utraque Gothorum gens sectæ Arianae addicta esset, tam indigne tulit, ut Joannem Pontificem Roman. Episcopum Ravennatem, & aliquot senatus Principes ad Imperatorem legari, minas denunciare nisi abrogaretur: se templa Christiana eversum in Italia: urbem Romam, nomen Catholicum deleturum. Joannes expositis mandatis, cum supremis honoribus, pro eo ac par erat, cohonestatus Augustum coronasset, tametsi edictum abrogari Imperatori persuasit, obitu legatione rediens, Theodoricus jussu in custodiam conjectus est, ob habitos honores suspicanti prodendæ Græciæ Italiæ consilia communicasse, & Augustorum nomini ecclesiæ ipso obitu die anniversariis sacris festoque dicato in calitum numero colit. In eadem causâ Symmachus & Boetius viri principes fuisse, easdemque ob suspensiones, cum ante legatos Constantinopolim hac-

Vv

tenus

tenus in custodia detinuerat, necari iussit. Divini numinis brevi insecta vindicta est. Proximi Septembris initio Theodoricus ipse defunctus est, Athalarico nepote ex filia Amalasvinta successore in Italia. Imbecillam pueri Regis ætatem molemque rerum, patre pueri jam defuncto, mater virili animo formidanda regendam suscepit. Visigothorum regnum Amalaricus libere cepit gubernare. Quo ex tempore nonnulli regni ejus annos numerant, haud magno in alterutram partem discrimine: cum constet Theodoricum aut suo aut alieno certe nomine ad mortem in Hispania regnasse. Hoc sane rerum potente, primum omnium pax cum Francis Regibus firmata, eorum sorore Clodovei jam defuncti filia Crotildi ab Amalarico in conjugium accepta. Dotis nomine Tolosatum præfectura ad ditionem Gothorum revocata; pacem pulcherrime constitutam Amalarici furor violavit. Erat Crotildis probitatis opinione clarissima, veræque pietatis cultu à matre cognomine imbuta. Ea res viri animum, cum secta Arianus esset, vehementer abalienavit; Catholicorum templa petentem vulgus Rege connivente contumeliis & sordibus injectis sœdabat: redeuntem truci Rex vultu excipiebat; convitio & linguæ petulantiz plagæ & verbera accedebant, sanguine sæpe excusso. Eam vitæ acerbitate cum constanti animo diu tolerasset, sperans crudelem viri animum patientiæ & pietatis studio posse aliquando ad sanitatem redire: tandem re desperata, fractoque malis animo, litteras ad Childebertum fratrem dedit cum linteo suomet sanguine delibuto, arumnas quibus dies noctesque premebatur renuncians. Debere eum sorori carissimæ optulari, priusquam luctu & lacrymis, quas vitæ acerbitas exprimeret, consumpta esset. Sæpe quidem diuturno eatenus silentio injurias dissimulasse, tantis laboribus exitum aut morte ipsâ (quod utinam accidisset, priusquam fratres germanos cum viro committere necesse foret) sperans, aut viri sanitate; nunc alias ex aliis injuriis nesci, & indes acerbiorum tristioreque vitæ conditionem evadere. Obsequia crudelitatis compensari, maleficiis beneficia, quibus ferarum

sæpe immunitas cicuratur, nulla alia de causâ, quam ob religionis à majoribus matrequè carissima tradita constantiam. Grave tyrannidis jugum, quod prætextu nuptiarum imposuissent, detraherat; divinum numen respicerent, quod tam bonæ causâ non defuturum sperabat. Amalaricum non hominem esse, sed in hominis figura belluam immanem, ex sævitiâ & immanitate compositum. Dictis nî fides esset, sanguinis aspectu moverentur, quo tauri & leones irritari consueverunt. Si propinquitatem contemnerent, humanitatis respectus excitaret; nulla re magis divinum numen Reges assimulare, quam injuria oppressis sublevandis; ac foemini præsertim regio ex sanguine prognatis, & in melioris fortunæ spem à prima ætate educatis. Inter Clodovei filios Francorum regnum sic erat divisum: Childeberto Parisii, Clotario Sueffiones, Clodomiro Aurelianum, Theodorico Mediomatrices prebebant, Reges omnes vocabantur. Ii Crotildis fororis calamitatem miserati, & furore in Visigothum succensi, & est ea gens in iram effusa memor dignitatis, conjunctis viribus in Amalaricum ducunt. A rebus omnibus imparatum, & ipso genere causâ inferiorem: ex scelerum præterea conscientia religione obstrictum in fuga salutem ponere compulerunt. Poterat evadere, nî potius flagitiorum agentibus gemmarum memor, quas in thesauris reliquerat, pedem in urbem (Barcino fuisse creditur) curriculum retulisset; nempe ad alimentum adigit divina ultio, quos evertere constituit. Interea enim urbe in Francorum potestatem redacta Amalaricus consilii inops ad Catholicæ religionis templum, quam tot injuriis violarat, quasi ad asylum confugiens, in ipso itinere militis hasta trajectus periiit. Isidorus Narbone occisum Amalaricum scribit, & prælio dimicatum; nobis Gregorii Turonensis aliquanto verisioris auctoritas potior fuit. Ado Viennen. Francos ait Hispaniam ferme universam victoriis peragrassæ, Toletum in Hispaniæ umbilico loci naturæ firmissimam civitatem post diuturnam obsidionem solo æquasse: multa alia oppida & urbes eodem victoriæ cursu expugnata. Galliam

Goth-

Gotthicam universam Gotthis creptam Procopius est auctor; quod ne pro certo ponatur aliorum scriptorum silentium facit: & quoniam consequentes Visigothorum Reges satis constat in Gallia ditionem & imperium Rhodano terminasse; nimirum Amalasunta post Theodorici patris mortem provinciam Theodoberto Theodorici Mediomatricum Regis jam defuncti filio attribuit, ne quid in Gallia Ostrogothos Franci possidere moleste ferrent: reliqua Visigothis reliquit, Italiae imperio contenta. Childebertum constat Amalarici thesauris positum, in quibus sacrorum instrumentum erat ex auro, tum sorore recepta in patriam rediisse. Obiit Amalaricus ⁷¹ salutis anno quingentesimo trigesimo primo, cum quinquennio jura genti dixisset. Quod si à Gesaleici morte regnum inchoare placet, viginti annis regnum tenuisse constabit. Crotildis ejus uxor in ipso itinere defuncta est. Auctor quidam antiquam Abderam affirmat ab Amalarico inlauratam Almeriæ appellatione regii nominis & antiqui affinitate assimilata. Omnino Amalarici regni anno quinto, concilium Toletanum secundum habitum ab Episcopis septem. In iis Nebridius Bigerrensis & Justus Urgelitanus. In eo conventu sancitum puerorum parentum voluntate & voto in sacrorum virorum collegis allectos atque in clericorum morem detonsos, cum ad octavumdecimum ætatis annum venissent coram rogandos, vellent ne castimonie cultores esse. Si assentirent, ne fas esse amplius professione relicta connubii vinculis implicari: dissidentibus liberum uxores ducere. Si si provecta ætate uxorum consensu à mutuis amplexibus abstinere vellent, sacris ordinibus initiarentur. Hallucinantur quicumque ex hoc decreto sumpta occasione errandi, Hispanos sacerdotes arbitrantur conjugio fuisse per hæc tempora implicatos. Montanus Toleta. Præsul & primæ sedis Carthaginensis provincie Metropolitanus conveniri præfuit. Extant Montani binæ litteræ: ad cives Palentinos alteræ, alteræ ad Turibium monachum; in iis

pro jure Metropolitanæ sibi curam impostam ait Palentinæ civitatis; jussis de causis ejus urbis Episcopo Segobiam, Caucam, atque Britalium attribuere. Illesonfus eo libro, quem de claris viris Hispaniæ edidit, harum Montani litterarum mentionem facit: & constanti summa prædicari ait, Montanum prostratæ turpiter pudicitie lege postulatam, innocentia indicio prunas sinu continuisse dum sacris more Christiano operam daret, neque vellem læsam, neque ignem extinctum. Ex hoc principio mos ille in Hispania mansisse videtur Gotthorum legibus non uno loco receptus à divinis abhorrens, furta, adulteria, aliaque crimina purgandi candentis ferri actu aut serventis aquæ haustu; reus peccatorum confessione conscientiam prius expiabat; ferrum aquæ sacerdotis cum sacris operatus esset prece lustrabatur; eorum tandem actu potioneve, qui periculum evasisent, criminis objecti suspicionem infamiamque procurabant; neque Gotthorum tantum mos fuit, sed ab aliis Hispaniæ Regibus auctoritatem habuit, cæterisque gentibus quæcunque Christiano nomine censebantur. Honorius III. Romanus Pontifex ante trecentos quinquaginta annos, lege lata antiquavit id genus compurgationis vulgaris. Floruerunt per hæc tempora in Hispania fratres germani quatuor sapientiæ opinione & Episcopatus honore nobiles. Justus Urgelitanus, cujus extat in Cantica explanatio: Justinianus Valentinus, hic librum edidit in quo quinque quæstiones explicantur à Rustico quodam propositæ: de Spiritu sancto; de Bonofiacis, qui alio nomine Photiniani erant, de Trinitate, baptismum Christianum non esse iterandum, differreque à Joannis baptismi: Nebridius Agathensis Præsul in Gallia Gotthica vixit: Elpidius cui ecclesiam præfuerit, clam est. Præterea hac ætate Aprigius Pacis Juliæ Episcopus in Lusitania commentariis in Apocalypsim editis, quæ & nos vidimus Isidori etiam testimonio clarus.



C A P U T V I I I.

Theudis & Theudiselas.

A MALARICI morte, cum prole careret, Visigothorum Regum progenies à stirpe defecit. Rerum summa ad Theudim Ostrogothum genere devoluta est. Belli & pacis artibus clarum & ex multarum rerum usu collecta prudentia excellentem Visigothorum proceres genti Regem præficiendum curarunt. Ex superiori regni procuracione, cum Amalaricus ætate minor esset, & Remp. Theudis pro arbitratu gubernaret, multas clientelas pararat. Uxor sœmina præpotens, ex præcipua Hispaniæ nobilitate ditione auxerat: unde bina militum millia armari poterant; inde ad regnum hoc tempore gradus. Conatus erat Theodoricus Ostrogothus nepotis rebus proficiens, Theudim in Italiam atrahere per speciem honoris; quæ ille consilia intelligens omni arte eludenda curarat. Theudio Rege reipublicæ moderandæ ratio Romæ immutata est. Coss. nomine & potestata sublata, hujus seculi anno quadagesimo primo, quo anno Basilius Junior sine collega postremus omnium gessit consulatum. Consequenti anno Childebertus Francorum Rex & Clotarius frater superiori clade nondum

exaturata vindictæ cupiditate armis repeterunt Hispaniam. Tarraconensi provincia longe lateque vastata urbs Cæsaraugusta gravi obsidione fatigata, ad Vincentii martyris, in cujus patrocinio erat, opem confugit; viri lugubri veste, sœmina passis crinibus fœdata cinere, circum muros civitatis publica supplicatione diebus singulis instaurata, tunicamque D. Vincentii circumferentes divinum numen cum lacrymis implorabant. Childebertus muliebrem ejulatium prius devotiones & maleficia interpretatus, re deinde ex captivo cognita atque religione obstricto animo ab omni injuria temperavit. Vincentii orarium, quod à civibus impetravit, velut ingentes hostium exuvie Lutetiam asportatum; eique Divo ædes suburbana exstructa, quæ nunc Germani est arcis instar, fossa & mœnibus ab aliis ædificiis secreta. Neque religione jucundior præda fuit quam injuriarum ultio & victoriæ monumento: tamen ut Isidorus est auctor, in reditu Franci supremum periculum adierunt, locorum angustias atque Pyrenæi montis fauces Theudiselo cum Gotthorum parte obsidente, cum

Theu-

Theudis Rex viribus inferior, & rebus omnibus imparatus æquo certamine congrui formidaret. Itaque Franci indagane cincti magna accepta clade, auroque redemptis induciis, vix tandem connivente Theudifelo in juga montium & potentes campos evalece. Bellum pestis lues excepit, innumerique mortales morbi contagione toto biennio, ex quanto tempore malum grassatum est, in Hispania sublati. Theudis, sive acceptæ ignominia procuranda studio, sive insigni aliqua expeditione nominis famam extendere parans, seu quod vero propius arbitror, ut Vandalos juvaret de imperio. Africa jam dudum periclitantes, superato freto Septam urbem Hispaniæ objectam ad freti angustias diuturna obsidione premens, cum diei dominica religione obstrictus cessaret, obfessorum eruptione repente facta insignis clades accepta; deleti ad unum quicunque in castris erant. Rex cum exercitus parte classis beneficio servatus rejectusque est in Hispaniam. Quo tempore Belisarii ductu, auspiciis Justiniani Imperatoris, qui Orientis provincias obtinebat, Africa Vandalis erepta est, ubi imperium ad centum annos tenuerant; ejus belli progressu Fulcia & Gothius à Gilmere Vandalorum Rege, qui in Romanorum venit potestatem, ad Theudim legati auxilia postulatum. Lenta navigatio fuit; eorum adventum fama præcurrit, & navis ex Africa nautæ vectoresque visæ nunciarunt, ingentem luctum, Carthaginem captam, Vandalorum regnum eversum. Legati harum rerum ignari roganti Theudi ecqui Gilmers res essent, ac perbelle affirmantibus ejus res atque fortunas stare: redirent continuo in Africam mandatum, ibique conveniens postulatis responsum expectare jussim. Regem illi incaluisse mero suspicari, nam splendidis epulis invitati erant, & magnis poculis erat certatum, consequenti luce legatione repetita, cum idem responsum tulissent, tum vero mali aliquid subesse rati, quod res erat Vandalorum regnum eversum, Africam ad Romani imperii jus ditionemque revocatam fuisse: recedentes in Africam & non procul Carthagine à Romanis militibus capti, Belisario omnia ut ac-

Tom. I.

ta erant renunciarunt. Secundum hæc ex Italia nunciatum Belisarii primum virtute, deinde Narsetis Ostrogothorum regnum sublatum. Theodatum, Viugim, Ildebaldum, Ardaricum, Totilam, atque Tejam, post Theodoricum deinceps Reges Italiæ superatos acie atque deletos. Remp. Romanam quasi membris, quæ dissipata erant, in unum corpus collatis atque compactis ex longo intervallo pristinam dignitatem atque splendorem revocare cœpisse Justiniano Imperatore. Quo rempub. gubernante, non magis foris arma quam consilium domi viguerunt; duobus sepe librorum millibus ad pauca volumina competenti ordine ac Treboniani potissimum opera redigendis, vasta legum multitudo castigata. Codex Theodosii exemplo, primum confectus, deinde Institutiones Digestaque promulgata; quare ad gloriam nihil esse magnificentius potuit. Eodem tempore Laureus Massiliæ ab Arianis est occisus, gente Pannonius Mediolani presbyter factus, cum Arianam sectam magna dicendi libertate insciscaretur Totilæ jussu paratam necem fuga evasit. Hispalis id virtutum specimen dedit, quod ejus urbis Episcopatum defuncto Maximo attulit; verum Totilæ diligentia vestigiis omnibus inquisitis, & ad necem rursus postulatus, Dei monitu per quietem navi Romam petiit; eo in itinere cæci oculis lumen insinuatum traditur. Roma magnis à Pontifice summo honoribus cohonestatus cum Massiliam rediisset, quæ ad Romanorum potestatem redierat, Arianorum insidiis periit. Arelatensis Episcopus defuncti corpus Betterri in Gallia tumultandum curavit; caput Hispalim relatum urbem fame pesteque prout ipse proficiscens erat vaticinatus, continuo liberavit. Theudis mors brevi consecuta est salutis anno quingentesimo quadragesimo octavo; annis septemdecim, mensibus quinque regnavit. Homo quidam, qua causâ incertum, sed perire tamen certus aut perdere, amentia simulatione ad Regem admittis ensc transverberavit, extremo spiritu atque intermorientibus vocibus Dei vindictam agnoscentem ob Ducem cui olim nomen dederat, & sacramentum junior dixerat,

Xx

dixerat, sua manu obtruncatum. Itaque parricidam ab iis qui aderant violari vult; id benignitatis exemplum ut in malis in Theudii vita laudatur: & quoniam Episcopos Catholicos quamvis religionis placitis dissentientes Toleti conventus

agitare dedit: de fide & religione, quæ viderentur libere constituere. Romanam ecclesiam post Joannem II. Agapitum & Silverium Vigilium regendam suscepit.



Quo tempore Theudio sublato Theudiselus ob spectatam bello Francorum virtutem & generis nobilitatem, nam Totila Ostrogothi Regis ex sorore natus erat, procerum suffragiis Visigothorum regnum accepit. Læta regni principia atque virtus militaris effusa libidine brevi obscurata; multi ex suorum numero per insidias aux judicio assimulatis criminibus sublato eo agente, ut eorum conjugibus abuteretur ad libidinem exaturandam. Ea ex re populi & procerum invidia excitata est: usque eo ut conjuratione inita peremerint. Theudiseli atate vulgatum Ofseti Hispalensis agri oppido, Plinius Ofset vocat, in templo Catholicorum, qui vulgo etiam ab Arianis distinctionis gratia Romani vocabantur, ejus hebdomadis, quæ quia Christi cruciatus in memoriam revocat, Magna vocatur, feria quinta cum baptismi fontes, ab Episcopo populo inspectante clausi essent & diligenter obsignati proximo sabbatho aquis annis singulis redundare consuevisse, unde derivarentur atque ma-

narent cunctis ignorantibus. Theudisela ejus rei miraculo commotus, & fraudem subesse ratus nimirum secta Arianus, semel & iterum custodia adhibita cum nihilominus fontes complerentur, circum templum ne per oculos meatus aque forte dirivarentur fossam quinque & viginti pedes altitudine duci imperavit directis lateribus ut solum tantum pateret. quantum summa labra distabant. Ei operi intentus suorum conjuratione ferroque occubuit. Paschasius Episcopus litteris ad Leonem Magnum, ut Isidorus est auctor, simile prodigium in Sicilia contigisse testatus est; & fortassis errante fama, quod in una provincia contigit, alii tribuebatur. Isidorum miramur rei in Hispania tam illustri, cum ferme in suam ætatem inciderit, & de Sicilia rettulerit nullam mentionem fecisse. Hispali impetu in regiam facto inter prandendum Theudisela à suis obtruncatus perit; regnum tenuit annuo semestrique spatio & diebus tredecim. Francorum regnum; Clotario ad quem impe-

imperii Francici summa redierat defuncto, in Tetrarchias abiit Chereberto Patriſi, Sigiberto Mediomatrics, Chilpe-

rico Sueſſiones, Guntrano Aureſianum regiz urbes obvenere quatuor Clotarii filius.



CAPUT IX.

Agila & Athanagildus.

IN Theudiseli locum Agila procerum electione Rex factus Gothorum genti jura dixit annos quinque, menses tres, adversa fortuna usque ad vite exitum jactatus. Sub initia enim Cordubam obtemperare recusantem gravi & diuturna obsidione cum fatigaret, civium repentina eruptione superatus est; filius caesus in acie; impedimenta capta; ipse ex fuga Emeritam petiit. Agila infortunio Afciseli martyris numen apparuit, templi suburbani, quod ad Cordubam ejus nomine erat, immisſis regis jumentis violati, gravia exigentis piacola. Sic animis infixæ religio vulgo suavit, & Isidorus scribit ex accepta ignominia eum despectui esse coepisset, & plerumque quo fortuna eo favor hominum inclinavit: Athanagildus ab ejus imperio rebellavit. Is ut factionis vires firmaret, missa legatione ab Imperatore Justiniano auxilia mitti postulavit, operæ mercedem Hispaniæ partem non exiguam pactus sub Romani imperii ditionem hoste proſliga-

to redituram. Missus ex Gallia est Liberius Patritius: quod nomen nobilitatis antea, hac ætate dignitatis erat à Constantino Magno excogitata supra Præfectos prætorii sedendi facultate concessa. Liberum adventum ad Hispaniam justo præſtor dimicatum est; in ea urbe rebellionis initia extitisse credimus. Victus in eo prælio fugatusque Agila procerum, qui ejus partes sequebantur, ferro Emeritæ periit hujus seculi anno quarto & 174 quinquagesimo. Inſeſſinis gentis dissidiis dolebant scilicet Gothorum vires infringi tot per annos stabilitas. Romanis Italiz atque Africæ exemplo, ne ea via esset ad Hispaniam recuperandam verebantur. Eodem anno Constantinopoli diligentia Justiniani Imperatoris generales Episcoporum conventus habitii sunt, centum sexaginta quinque contra plerosque, qui Origenis placita à vera pietate aliena sectabantur. In ea Synodo quæ inter generales quinta est, mortuos anathematis ignominia notari posse

posse sanctum; atque contra quam Origenes docuerat, neque Solem, neque stellas, neque aquas quam super cælos sunt, animatas quasdam & rationales virtutes esse definitum. Theodori Mopsuesteni dicta, Theodoriti rescripta, atque Ibae Edesseni Episcopi epistola reprobatæ. Mena Constantinopo. Episcopus, ipsoque defuncto Eutychius successor conventui præfuerunt; nam

Vigilius Rom. Pontif. qui Romæ Imperatoris iussu captus eo tempore Constantinopoli erat, interesse quidem actis concilii noluit, & decreta tamen Patrum scriptis literis rata habuit: ac nominatim Origenem feruit damnasse. Jornandes Gothorum Episcopus historiam de gente sua ad hæc tempora perduxit.



Cum Athanagildus æmulo sublato, Gothorum absque controversia Rex pellendis continuo Romanis, qui partim isti nuper foederis beneficio, partim virtute & armis non exiguam Hispaniæ partem occupant & ad utriusque maris littora ditionem terminabant, magnum negotium suscipere necesse habuit: & gravissimo per totam vitam bello implicatus est, flantem & reslantem fortunam moderari assuetus. Genuit ex uxore Gosuinda filias duas Galsuindam Chilperici Sueffionum Regis uxorem, & Brunchildim natu minorem, quæ Sigiberto Chilperici fratri Mediomatricum Regi connubio juncta est. Ex Episcoporum Galliæ diligentis atque præceptis informatæ Ariana secta posita, cui à teneris addictæ erant, Catholica religione imbutæ sunt: & auctorem habeo, qui Athanagildum affirmat ex arcano Catholicam religionem tenuisse, tamen temporis ser-

viens Ariana sectam palam profiteretur, metu videlicet gentis animos alienandi. Cum regnum certe tenuisset annis quindecim, mensibus sex, Toleti ex morbo obiit salvis anno quingentesimo sexagesimo septimo. In Portugalia sextodecimo ab urbe Guimarane (antiquis Idania fuit) lapide ad fluvium Vizelam pagus extat Athanagildi nomine, fortassis ab hoc tempore conditus: in eo parietinæ cernuntur & ædificiorum fundamenta, Gothicæ fabricæ multum ab elegantia Romanæ degenerantis speciem representantia. Athanagildi obitum quinque mensium interregnum excepit, Tudensis septem annorum, & quinque mensium ait. Partium nimirum studiis Gothorum procures dissipati, neque in unum aliquem suffragiis conspirantes, qui virtute & ingenio Remp. inclinatum à casu sustentaret, magno impetu in præceps ruere non considerabant Romanam eccle-

ecclesiam post Vigilium atque Pelagium Joannes eo nomine. III. gubernandam susceperat. Quo tempore Suevi hæcenus Calaciæ imperantes, ab Ariana secta, cui impense faverant, & Catholicos modis omnibus vexarant centum ferme annorum spatio, ex quanto tempore à vera religione deficientes pravæ opinioniones susceperant, ad sanitatem revocati sunt. Martini Dumienfis diligentia multum contulit; erat natione Pannonius, & longinquis peregrinationibus Orientis provincias lustrarat; in studio divinarum scripturarum magnos progressus habuit. In Hispaniam delatus in Calaciæ magnum probitatis & sapientiæ specimen dedit eruditionis argumento editi ab eo libri sunt multis elegantiae luminibus, & præcæ sapientiæ copiis exornati. Extat disputatio de ira, de humilitate Christiana, de moribus, & de differentia quatuor virtutum Cardinalium. In his quoniam crebris sententiis & styli acumine ad Senecæ similitudinem proxime accedit, duo postremi libri, ejus philosophi nomine inter reliqua ejus opera circumferuntur. Extruxit ab imo Dumienfem monasterium; quo in Episcopatum postmodum transformato ex Abbate Dumienfis Episcopus factus est, deinde Bracarenfis Dumienfi ecclesiæ cum Bracarenfi copulata, eique contributa. Defunctum ob eximiam sanctitatis opinionem Calaciæ, & Lusitaniae pars in divorum numero habent ad tertiumdecimum kal. Aprilis festo dicato. Suevi ad Catholicam religionem traducti sunt Theodomiro Rege. Post Remismundum de quo superius est dictum, ante hanc ætatem qui Suevorum Reges fuerint clam est, antiquis historiarum monumentis temporum injuria sublati; sed commodum tamen accidit Theodomiri filium juvenutis Principem & in spem paterni regni educatum ex morbo decumbere. Suevorum legati ad Martini Turonenfis sepulcrum, cujus virtutum fama toto orbe celebris erat, à Rege mittuntur. Auri & argenti pondere quantum adolescentis corpus appenderet, cum nihil esset impetratum, intellexit pater quod res erat, indignum esse qui placitis à religione Catholica dissideret, eum Martini precibus quidquam à divino numine obtinere. Itaque missi denuo legati cum

Tom. I.

pallii, quo Martinus superstes utebatur, partem retulissent, & filius interea sanitati redditus esset, voti reus quo se pater si utrunque impetrasset oblitinerat, D. Martini nomine templum exædificandum certe curavit ad Aquas calidas hodie Orensem, ut quidam arbitrantur nullo firmiori argumento, quam ejus urbis templi maximi, quod à D. Martino nomen habet. A Suevis populariter eodem agente Christi sacra Catholicorum ritu moreque suscepta; religionis ejus confirmandæ causâ Martini Dumienfis hortatu Episcoporum Calaciæ conventus Bracaræ habitus est anno tertio regni Theodomiri. In Concilii actis quod inter Bracarenfes primum est, Ariamiri Regis nomen legitur lectione nimirum vitiata. Fuit is annus à Christi ortu quingentesimus sexagesimus tertius. ⁵⁶³ Lucretius Bracarenfis Episcopus Profuturi successor inter octo Præsules primum locum occupavit; post hunc Andreas Iriæ Flaviæ Præsul, Martinus Dumienfis, Lucæntius Conimbricensis. Cottus, Hildericus, Timotheus, & Maliosus ex eodem numero, quibus ecclesiis præfuerint clam est. Religionis Catholicæ placita in eo conventu confirmata. Priscillianiani secta reprobata. Corpora defunctorum prisco more revocato vetitum intra templa tumulari. Calaciæ diocesum fines descripti, propriisque singulæ regionibus terminatæ, ut Ithacius est auctor in Suevorum, Vandalarum, & Gotthorum chronico alterius Ithacii cognominis; qui de rebus Hispaniæ ante centum annos historiam conscripsit. (Multos Ithacios sive Idacios in Hispania extitisse dubium non est). Alii finium descriptionem in Lucensi Synodo consequenti mox anno habita factam malunt, veteris schedæ indicio, quæ in Lucensi ecclesiæ tabulariis extat; quidam non inepte sexennium inter utranque Synodum intercessisse putant; res incertas neque confirmare argumentis, neque refellere in animo est: ex ingenio suo quisque adjungat fidem vel detrahat; ipse eorum opinionibus accedo, qui Bracarenfis Synodi decretum suspicantur in Lucensi concilio fuisse confirmatum. Martinus sane jam Bracarenfis Præsul capita quadam ex Græcis Synodis compilata Lucensi concilii pa-

Yy

tribus

tribus misit cognoscenda. Ecclesia Lucensis Regis permissu jure Metropolitana aucta Bracarenfis ecclesiæ prærogativa conservata, atque Primatus auctoritatem ex ea re consecutæ: tametsi à nominis usurpatione abstineret. Erat hac tempestate celebris eximie sanctitatis opinione Æmilianus cognomento Cucullatus, juvenis à pastoritia arte ad sanctioris vitæ studium traductus. Felice monacho præceptore usus est, deinde à frequentia hominum remotus cum quadraginta vitæ annos in Desertii montis secessu transegiſſet, Didymus Turiatensis Præful celebri fama permotus in

publicum extractum presbyterumque consecratum Birgegienti ecclesiæ præfecit; ibi collegarum calumniis & criminibus appetitus disciplinæ severitatem non ferentium, prope id oppidum sacello ædificato cum sacerdotium abdicasset, in rerum divinarum contemplatione defixus, ad centesimum ætatis annum vitam propagavit; quo loco corpus ejus tumulatum est, & post quingentos amplius annos ejus nomine monasterium extructum copiis, auctoritate, totius ædificii amplitudine cum primis Hispaniæ comparandum.

C A P U T X.

Galsuinda & Brunechildis sorores.

DUAS Athanagildi Regis filias Galsuindam Brunechildimque in Gallia Francorum Regiis elocatas fuisse paulo superius dictum est, infaustis nuptiis neque auspicato, uti rerum eventus declaravit. Alterius brève gaudium fuit; vix primo conjugii fructu delibato perii; alterius vita in multos annos producta, multique calamitatibus obnoxia; vulgus ad eas ærumnas nominis infamiam adjunxit, qua nobilissimam fœminam liberare melioribus argumentis testimoniisque constituimus. Fuere Clotario ejus nominis primo Francorum Regi quatuor filii partito paterno imperio Reges: Parisiorum Cherebertus, Sueſſionum Chilpericus paternis thesauris potitus potentior aliis, Guntrannus Aurelianensium, Sigibertus Mediomatricum. Huic Brunechildis prior nupsit, minor ætate fratrum minimo, „ puella elegans „ opere, venusta aspectu, honesta moribus, atque decora, prudens consilio & blanda colloquio; liceat Gregorii Turonensis æqualis verbis uti. Multum dices, commutandis moribus tempus valet, Principum amplius; esto, sed audi alia. Chilpericus ex Audovera priori conjuge Merovei & Sigiberti pater Galsuindam Brunechildis majorem sororem duxit; novæ nuptæ Fredegundis pex Regis potens jurgis incessere ausa, exitium attulit; in geniali toro mortua inventa est, nulla prole relicta. Æmulæ locum Fredegundis occupavit,

Reginaque dicta est, inter multa scelera flagitiaque diu incolumis, petulantia, libidine, luxuria, sævitiaque nobilis ea ætate. Sigibertum enim defuncto fratre Chereberto Parisiorum regno auctum duobus immisſis ſicariis Lutetiæ incautum peremit. Percuſſa viri casu Brunechildis, ac de filio Childeberto sollicita, eum in Mediomatrices mittit, ubi provinciæ studia erant & propensæ gentis voluntates; ipsa in Chilperici potestatem redacta Rhotomagum in custodiam mittitur. Florenti viduæ Principis forma captus Meroveus major Chilperici filius eam sibi toro jungit; vitiosum conjugium fuit vetantibus legibus patrui viduam ducere. Juvenili errori paratam veniam Fredegundis noverca disculſit; in monachi habitum detonsus primus, deinde etiam peremptus fuit; idem exitus Clodoveo minori fratri fuit. Prætextatus Rhotomagensis Episcopus in exilium pellitur Merovei & Brunechildis conjugium eo Antiflite junctum, crimen erat. Hæc crudeliter impieque: illud petulanter; spreto regio toro, impudicos oculos in Landricum Magistrum equitum impudica conjecit; scelus majori scelere cumulatur; male tectas libidines amoreſque vœſanos virum ulciſci cogitantem occupant: atque è venatione redeuntem ad Calam oppidum perimendum curant. Succellit conatus, solutiorque deinde vita fuit. Pro filio tamen Clotario cum Childeberto infan-

tis

tis patrueli, qui testamento Guntranni patri Burgundos imperio adjecerat, bellum gessit, Ductore copiarum ipso Landrico in pugna victrix. Excepit interius Childeberti uxorisque; veneni id suspicionem confirmavit, cujus insidiis non proditur. Sed premiti tamen duo filii Theodobertus major Mediomatricum, Theodoricus Burgundionum imperium suscepit; ambo dicti Reges, in Brunechildis avie tutela; ū confirmata aetate cum Clotario bellum gerunt; belli causae in finitimis imperiis deesse non possunt. Brunechildis hortatu dicunt Gallicae historiae, quo Protadium genere Italum amasium suum novis honoribus augeret, vero an ex odio Hispaniae foeminae nondum desinio; addunt certe eo studio progressam, ut Theodoricum armavit in Theodobertum fratrem, quasi olitore genitum, & paternos thesauros occupantem; neque commota prius odia consulerunt, quam Theodoberto proditorie caeso Colonia: quem vita donatum tamen Cavillonum in custodiam dimissum docent alii. Repudiata victor antea Hermemberga Witterici filia, uti alio loco monstrandum est, occisi filiam & fratre duos cepit; pueros Brunechildis peremit, sic memorant, puellam praestanti forma cum sibi jungere patruus pararet, obiecta aviam religione auctoritate vetantem facinus districto gladio ne perimeret, aulicorum concursu factum ajunt; illam vindicasse dolorem eum, lethali poculo perempto Theodorico nepote suo, cum è balneo egrederetur. Idonei auctores dissenteria obiisse tradunt. Sic rerum summa atque imperii ad Clotarium translata est, Fredegundis jam morbo extinctae filium, Brunechildi nova injuria infensum, quod Theodorici filio Sigiberto quamvis notho regnum paternum asserere meditaretur; ventum ad arma, Sigibertoque à suis deserto atque fugato duos ejus fratres Corbo & Meroveus atque Brunechildis ipsa in Clotarii potestatem venerunt. Proximi seculi anno sextodecimo haec gesta memorant. Corbo continuo interfectus. Meroveum victor servari voluit, cum ejus ex baptismo pater esset, in Brunechildim majori severitate saevitum affirmant; quater fustibus lacerato tergo ad ferocis

equi caudam capillo deligata concitato equo dilacerata est, exacta mulier aetate: eo minori populi misericordia, quod decem Reges numerosamque vulgi multitudinem ejus artibus periisse jactant. Desiderium Viennensium Pontificem & Columbanum virum sanctum, hunc exilio, illum exitio multatum; adeo ad portenta prodenda scriptores Gallici, ad accipienda vulgus proclives fuerunt, pendenda securitate, si mendacium deprehensum iri non putarunt, si fecus impudentia mirabili. Meram tragodium idonei auctores confirmant nullo judicio ex populi rumoribus confictam; quae scelera à Fredegunde sunt facta, quod supplicium tulisset victoribus Austrasianis, ea mentiente fama atque nomina commutante afficta Brunechildi arbitror, foeminae religiose probaque, uti indicio sunt geminae à Gregorio Pontifice Maximo ad eam litterae plena verissimis laudibus; multa magnifica templa ejus sumptibus in Gallia conflata exornataque; magnus captivorum numerus pecuniâ redemptus. An haec facta negabis? sed certa monumenta monstrabimus; an quisquam haec ab impia & crudeli foemina facta inducat in animum? majus argumentum accedit, Gregorii Turonensis aequalis de his flagitiis silentium; an id gratiae datum putabis à Gallico scriptore, magnaeque auctoritatis viro? an qui Fredegundis scelera omnia & dolos exposuit, externa foeminae pepercisset? non arbitror. At Sisebutum, ais, in vita Desiderii Viennensis Episcopi Brunechildis scelera multa, casumque ab ea martyrem accusasse, ab equisque raptam periisse tandem ultore numine. Recte, si auctorem ejus vitae Regem fuisse confirmares, & non potius eo nomine alius, eos vulgi rumores collegisse se affirmaret; minori quam pro modo Regis auctoritate diligentiaque, aetate posterior. Sit ergo constitutum Brunechildim innocentem fuisse, & perditissimis tamen temporibus aliena invidia flagrasse; uti primus Boccacius consideravit poetici quidem ingenii scriptor, sed antiquitatis cognoscendae studio incitatus praestansque. Nos orationem in Hispaniam referamus.



C A P U T X I.

Liuva & Leuvigildus.

ATHANAGILDO Visigothorum Rege Toleti defuncto, uti paulo ante dictum est, Liuva (sic antiquæ monetæ hujus Regis nomen scribunt) homo præpotens & magnarum rerum usu & cognitione instructus, Rex est renunciatus Narbone, ubi eatenus res gesserat Galliæ Gothicæ Præfectus. Justinii Junioris, qui imperium Romanum obtinebat, primusque Exarchi nomine Longinum in Narsetis locum misit in Italiam, anno secundo, Christi quingentesimo sexagesimo septimo, Liuva regnare cepit, nulla re gesta memorabilis, nisi quod anno regni secundo Leuvigildum fratrem regni consortem dixit exæquata prorsus potestate, ipse Galliæ Gothicæ ditone contentus, quibus in locis multum assueverat; nam & Tuden-
 167 sis scribit septem annis Galliæ imperium tenuisse priusquam Hispaniæ Rex esset. reliquis provincias Gothico nomini subiectas fratri demandavit, per quem spes erat Rempub. multis collapsam partibus pristinum splendorem revocaturam: ta-

met si tantum belli in manibus erat adversus Romanos magnam latissimæ provinciæ partem occupantes, tuentesque non suis armis modo sed & Gotthorum virtute, partium studio ad eos tanquam ad commune receptaculum deficientium. Erat Leuvigildus gemina prole auctus ex Theodosia uxore. Severiani Carthaginensis provinciæ Ducis ac Præfecti ea filia fuit, Leandri, Fulgentii, Isidori, Florentinæque soror. Leuvigildi filii Ermenegildus & Reccaredus. Theodosia defuncta Leuvigildus Gofuindam Athanagildi viduam duxerat, quo tempore à fratre ad regni consortium vocatus est. Suscepto regno cum vivida virtute, & belli pacisque artibus clarus esset, continuo in Romanos duxit; in Bastetanis prælio dimicatum est; victi Romani, totaque ea regione depulsi. Malacæ ager igne ferroque vastatus. Assidonia ad fretum nostru capta, urbem prodente Framidanco. Corduba, quæ ex quo Agilam vicerat, imperii jugum ferre detrectarat, ad officium revoca-

cata,

cata, multaque circum oppida & urbes magna rusticorum strage. Sabaria tractus, quæ quo loco esset clam est, ferendis

agendisque prædis deformatus imperioque subactus.



572 His rebus Leuvigildo occupato Liuva frater in Gallia defunctus est salutis anno quingentesimo septuagesimo secundo, cum quinque annos regnasset (quidam huic numero biennium detrahunt) Leuvigildus Bæticæ rebus compositis, totaque provincia pulsis Romanis belli impetu in Cantabriam verso Amaiam (alii Aregiam dicunt, Væregiam alii) sed Burgos inter & Legionem sitam civitatem expugnavit; reliqua Cantabria, cujus fines ad Amaiam extendebantur, vastata; multi seditiosi casti; in his Sacrificulus cui Æmilianus Cucullatus necem ante denunciarat, quod in conventu procerum Cantabriæ ejus vaticinio fidem abrogavit, quo ejus provinciæ excidium haudquaquam inanis vates denunciabat. Ex Cantabria arma in Aquitaniam versa. Aspidius ad Agerensem urbem (Aagen hodie est) imperium detestans malo coactus est ad officium redire: cum everfis fortune ipse, uxor & filii in Regis venissent potestatem. Aspidium Biclarensis ea regione Seniorem fuisse ait, ea voce in domini ac principatus significatione usurpata; & nimirum seniores imperare æquum est; unde consequenti tempore tum in monumentis Hispaniæ,

Tom. I.

tum in conciliorum actis, præsertim quæ Caroli Magni ætate in Gallia habita sunt, domini ac Principes seniores nuncupari cœperunt. Eum morem ad vulgares linguas Hispaniæ, Italiæ atque Galliæ permanasse satis constat. Eo propterea anno quo Liuva defunctus est Myro seu Ariamyrus (sic enim quidam scribunt) Theodomyro patre ante biennium defuncto Suevorum gentem gubernabat; cum conventus alter Bracaræ habitus est à Calæciæ Præsulibus duodecim. Martinus Bracarensis Metropolitani primas inter Patres partes locumque occupavit. Ejus conventus decretis recentem Suevorum religionem mirifice confirmatam novum miraculum auxit. Templum Martini Turonensis nomine à patre ut diximus ædificatum egrediente Rege, scurræ generose vitis contra Regis præceptum pro soribus templi è pergula pendentes uvas attedare aggressi, repente manus exaruit. Ab irato Rege vix populi precibus ne manus amputaretur impetratum, Martini tamen virtute; cujus religionem violavit, cum numen ejus populus imploraret, sanitati reddita est. Proximo anno, ut Sigibertus est auctor, Hispani paschatis festum ad duodeci-

Zz

decimum Kal. Aprilis celebrarunt; Galli quartodecimo Kalend. Maii: quo die Olseti oppidi fontes quotannis sponte aquis compleri soliti scaturisse de more feruntur. Eo miraculo saepe per hæc tempora cum opinionibus de die paschatis utraque natio discreparet, constanti atque perpetua computi ratione nondum excogitata veritatem indicatam & cognitam Gregorius Turonensis hujus ætatis scriptor testatur. Gregorio æqualis Donatus monachus adjunctis septuaginta fociis ex Africa venit in Hispaniam: & opibus Minicæ præpotentis formine & copiose Servitano monasterio extructo Se-tabi, ut plerisque placet, monasticam vivendi rationem, certis nimirum legibus institutisque temperatam, inexit primus in Hispaniam, ut Illelsonsus scribit. Monachi enim, quorum in actis conciliorum Hispaniæ ante hæc tempora mentio extat, aut nulla votorum religione constricti erant, aut dissipati per sylvas vitam exigebant solitaneam. Ad Leuvigildum sese referat oratio. Qui Aquitanie motibus compositis in Hispaniam rediit, Suevorum imperii, quod tandiu tenuerat, delendi certus. Myro Rex Gothorum potentiam veritus Calæciæ jam fines vastantium, missa ultro legatione cum pacem peteret, inducias tantum ad certum tempus impetravit. Expetendæ à Suevis pœnæ, nisi religionis mutata causa nulla erat: & ardebat Leuvigildus cupiditate bello laceffendi, profligandique Romanorum copias, quibus à Justino Imperatore Hispaniensis limitis custodia credita erat. Orospeðæ montes, qui ad Cauni montis radices assurgunt, per Molinamque Concham, Seguram Granate fines attingentes ad Gaditanum fretum desinunt, ubi montani homines locorum asperitate confusi imperium detestabant, illato primum bello domuit.

lis locis superatis Gôthorum potentia magnopere aucta est, imminuta Romanorum: cum exiguum Hispaniæ tractum ad mare, ut arbitror, Mediterraneum exigua spe defensionis retinerent. In eos priusquam Leuvigildus verteret arma, ad reip. statum converso animo atque studio jus suffragii antiquandi, quo Gothorum proceres eatenus Reges creare soliti erant, & ad stabiliendam in familia regni successionem magnopere referre cogitabat. Ermenigildum & Reccaredum filios regni consortes declaravit, ditione tripartita. Ermenigildus Hispali (Turonensis Emeritæ ait) res curare jussus. Reccaredi nomine ad Taggi & Guadielæ confluentes, prope Paternianam, hoc est, Pastranam, ut Rasis Arabs testatur, urbs Reccopolis fundata anno quingentesimo septuagesimo septimo; & plerique suscipantur in Celtiberis fuisse, quo loco Almonacillum oppidum loci natura firmissimum situm est vulgo à Zurita nomen habens. Leuvigildus ipse regni sedem Toleti fixit: unde ea civitas, urbs Regia nuncupari cæpta est, atque Gotthici regni deinceps sedes facta: cum hæcenus Hispali fuisset. Ab his initiis ei urbi ad Primatus dignitatem aditus est patescens in cæteris Hispaniæ ecclesiis, quod locis competentibus est à nobis copiosius explicandum. Romanam ecclesiam post Joannem III. Benedictus Pontifex gubernabat. Romanum imperium Iustini Junioris successor Tiberius eo nomine II. Quo tempore Myro Suevorum Rex Ruccones bello vexavit; causæ in incerto fuere: sed bello tamen victos & fortunis spoliatos imperio subjugasse constat. Is tractus Rivogia hoc tempore nuncupatur præcipua fertilitate nobilis, frumenti ferax: ita ut cum vigesimo frequenter efficitur.

C A P U T XII.

Ermenigildi bellum.

INGUNDIS Sigiberti Mediomatricum Regis, atque Brunehildis filia, Ermenigildo connubio juncta est salutis anno quingentesimo septuagesimo nono. Eo conjugio quoniam Gosiunda & A-

thanagildi neptis erat, utriusque regniæ familie sanguis copulabatur: quod ad stabilendum regnum nonnihil referre Leuvigildus Rex habebat persuasum, si Francorum regiam nova sibi affinitate jungeret.

ret. Missam ex Gallia regio procerum comitatu supante avia Gofuinda, præcipua laticæ significatione aliquandi apud se habuit, nihil præmittens eorum, quæ ad benevolentiam conciliandam pertinere visi sunt. Nimirum sagax foemina his blandimentis adolescentulæ animum expugnare parabat, ut Catholica religione deserta, ad Arii vâsaniam traderetur, baptismatis lavacro, ut moris erat inter Arianos, instaurato; quod cum illa se facturam negaret, semel ritu Christiano excusans, sancti lavacri virtute expiatam sub Trihitaris sanctæ invocatione, quam ad extremum spiritum inviolatam conservare certum erat, impotens foemina; atque iracunda; neque magis corpore deformis (erat enim altero lumine captâ) quam animo effrata, repulsa dolore non ferens, ad convitia & contumelias semel in puellæ capillos involasse fertur: atque per solum tractam excusso sanguine fœdasse: iterum in piscinam subjectam dedisse præcipientem, magno vitæ discrimine. His Ingundis injuriis non modo nihil de animi constantia mutavit, verum ejus potissimum diligentia Ermenigildus vir creditur ad Catholicam religionem revocatus. Leandri Hispalensis Episcopi regii juvenis animum ad veritatem proclivem præcepta ad omnem veræ pietatis partem informarunt; doctrinæ opportunitatem Leuvigildi patris, in Citeriorem Hispaniam, atque adeo Carpetanos discessus præbuit. Quo tempore Ringundis Chilperici Regis & Fredegundis filia Reccaredo pacta, cum ad sponsum Tolosam usque processit, eade patris renunciata, quem à Landrico Magistro equitum occidum diximus, repente in patriam rediit; sic ejus conjugii spe intercepta Bada Reccaredo juncta est, quo ex genere incertum: sed his tamen rebus occupato patre, Ermenigildus plane noster est factus. Ex hac religionis mutatione, bellum grave & diuturnum natum est; & ægroto Leuvigildi animo, filii consilio cognito Gofuinda novercali odio faces subdebat; omnis tamen prius tentare placuit, quam ad arma ventum esset. Itaque legatione missa, pater hoc exemplo litteras ad filium dedit. „ Coram maluissem, „ si per te licitum esset, quam per lit- „ teras de re tota disputare; quid enim

„ à te præsens non impetrassem, sive
„ regia auctoritate præciperem, sive
„ paterno jure castigare? beneficia
„ certe in memoriam revocarem, quæ
„ tu in ludibrium vertere maluisti. A
„ teneris (nimia fortassis indulgentia)
„ in spem Gothorum regni diligenter
„ alui: confirmata ætate, antequam pos-
„ tularas, majora quam sperares delata
„ sunt. Dedi sceptrum ut cum aucto-
„ ritate adiutorem haberem: non ut te
„ externasque gentes cum quibus fœdus
„ inire paras, imperio me adversum ar-
„ marem. Novo exemplo appellavi
„ Regem, ut consortio potestatis con-
„ tentus, primas patri partes dares;
„ atque in hoc ætatis flexu, esses
„ seni præsidio æque atque solatio. Si
„ quid est, quod amplius cupias, patri
„ explica; sin autem supra ætatem, supra
„ consuetudinem, supra merita tibi sunt
„ omnia tributa: cur aut ingratus impie,
„ aut impius sceleratusque crudeliter cir-
„ cumscribis patrem? an senis mortem
„ expectare grave fuit? tantique fue-
„ runt pauci anni, quothac ætas recipit?
„ an cum fratre communicatam potesta-
„ tem invidebas? de quo me arbitro dis-
„ ceptare æquum fuit. Sed nimirum re-
„ gnandi ambitio omnes naturæ leges
„ violat: resolvitque ea quæ perpetua
„ necessitudine constricta sunt. At re-
„ ligionem caussaris: in quo te video
„ non humana jura tantum; sed divi-
„ na etiam evertere; & in caput tuum
„ Dei vindictam provocare. Itane ab
„ ex religione tuo arbitratu discedas,
„ cujus cultu propagando nomen Got-
„ thicum auctum opibus, atque poten-
„ tia amplificatum est? an majorum,
„ quæ sacrosancta esse debuit, auctori-
„ tatem contemnas? Novæ religionis
„ vanitatem, vel eo potissimum con-
„ siderare potuisti quod-filium à patre
„ sejungat: & summæ caritatis nomina
„ odio plusquam paterno, atque invidia
„ labefactet. Ego Ermenigilde pro pa-
„ tris jure impero; & pro ætate, qua
„ major sum tibi consulo, revoca ad so-
„ brietatem animum: positaque noxia-
„ rum rerum cupiditate quiesce: sic enim
„ facile eorum quæ commissa sunt hæ-
„ tenus venia dabitur; si recusas, co-
„ gisque arma capere, nã tu frustra pa-
„ ternam misericordiam re desperata im-
„ Zz 2 „ plora-

plorabis. Molestæ hæc litteræ Ermenigildo suere, pro eo, ac par erat: nihil tamen de priori sententia mutare certus, in hanc sententiam. rescripsit.

Minas & contumelias tuarum litterarum æquo animo tulimus: tametsi nulla nostra læssit inuria, linguæ libertatem cohibere potuisti. Beneficiis tuis, quæ & ipse meritis majora esse sentio, parem aliquando gratiam rependere cupio: observantiæ tenorem tibi debite, mihi propriæ ad extremum vitæ spiritum præstare. Saniori religione quam ipse invidia causâ novam dicis, amplectenda orbis iudicium sequebamur, multis præterea nixi præsidis: de veritate non disputo: cuique de ea re liberum arbitrium fucimus: tantundem modo nobis datur. Gothicæ gentis felicitatem Ariannæ superstitioni acceptam fers, scilicet ignarus consuevisse Deum, quo gravius ex commutatione rerum doleant, quos pro scelere ulcisci parat, his secundo interdu res & impunitatem concedere: haud sane constantem atque perpetuam, quod Vandalorum, atque Ostrogothorum in simili causâ exitus declarat. Quod si indignaris te inconsulto ausum me religionem mutare: concede mihi, ut doleam, ne hoc quidem abs te tribui, ut salutem meam rebus cæteris potiorē habeam: pro qua, si res serent, parat sum sanguinem vitamque profunderē: neque patrem fas est plus divinis legibus, ac conscientia posse. Deum quæso consilia tua reipublicæ sint salutaria, nobis filiis tuis haud exitia. Tu cave ne sinistris criminationibus aures accommodando committas, unde luctum tibi in omnem vitam parias, nomini ac generi nostro ad posteritatem infamiam vidis, ac victoribus parem. Erant regni studia divisa inter patrem & filium; Catholici quorum erat magnus numerus causâ meliores, viribus impares Ermenigildum palam, aut voto sequebantur; majori potentia Ariani Leuvigildi partes. Ermenigildum Turonensis ait, sacro crimine delibuta fronte (is ritus erat recipiendis in ecclesiam Arianis) veterem appellationem Joannis nomine mutasse: aureæ monetæ resistent, in ipso, ut vi-

detur belli ardore, ut essent videlicet pro tessera militari, præcipuæ puritatis percussa, Ermenigildi nomen & faciem exprimentes altera ex parte, in altera victoriæ signum; his adjunctis verbis: HOMO Regem devota. Nimirum ad Pauli sententiam allusit: Hæreticum hominem præcipientis post unam & alteram monitionem esse devitandum. Longinqua auxilia à Catholicis conquesta. Leander Constantinopolim ad Tiberium Augustum navigavit: ex monacho Benedictino Hispanensis Episcopus singulari eruditione, morum probitate eximia, neque minori orationis suavitate & elegantia, res eo tempore comparanda miraculo. Pro qua re iverat, parum profecisse arbitror: synodo tamen Episcoporum interfuit, & cum Gregorio, cui postmodum Magni cognomen accessit, & Legati partes pro Pelagio secundo implebat, usum habuit. Ex vitæ & studiorum similitudine voluntates conciliatas indicio sunt libri Moralium à Gregorio Leandri hortatu, ejusque nomine in publicum dati. Hujus belli initia inciderunt in salutis annum quingentesimum octogesimum, Mahometis in Arabia ortu famosum insausumque nomini Christiano, magis quam nobilem. Hispanis & Corduba munitæ instructæque comætu: sive ducendum esset bellum, sive obsidionis mala essent toleranda. Romani Duces sedere conciliati; uxor Ermenigildi, & filius recens natus in eorum reliqui potestate, ut fidei datæ obsides essent: & si quid gravius accidisset à belli discrimine longissime abesse volebat. Contra Leuvigildus cum invictum filii animum, neque metu frangi, neque promissis flecti consideraret, ut monenti patri aures accommodaret, ad arma vimque vertit animum. Romani primum qui leviter fundata fide cum filio sentiebant, magno auti pondere Leuvigildo conciliati. Mercenarii homines ingenio, & quibus fides ex fortuna pendebat, unde melior spes affulsit in eam partem nullo honesti, inhonestique discrimine inclinabant. Deinde inter Catholicos & Arianos, quorum de religione dissidio bellum excitatum esse constabat, species quedam concordia exco-

tus Leuvigildi jussu Toleti habitus. In eo conventu rebaptizandi mos sublatus Arianis familiaris: cum ad eorum sectam Catholici transfugissent. Patri Filium aequalem esse, de quo tandiu disceptabatur, verbo tenus sancitum: cum pravæ opinionis virus conceptum retinerent animis; verborum simulatione multorum animi circumventi, quasi dissidii causa sublata, aut ab Ermenigildo distracti palam, aut frigidius, quam fecerant, optimam causam tuebantur. Plebique anticipi periculo dubii, atque ad tempus fortunam in consilio habere soliti, spectatores belli esse mallebant, quam cum fortunarum alienarum eventu miscere discrimen rerum suarum. His rebus perficiendis tres anni consumpti: quo spatio Tiberio Imperatore defuncto, Maurinus ejus successor rem Romanam ceperat administrare. Leuvigildus tota ditione magnis delectibus habitis contra filium movens, in extremam Bæticam ferro penetravit. Hispalis circumfessa; parum spei erat obseſſos voluntate quicquam facturos ab Ermenigildo, atque Leandro Præsule præoccupatis animis: vim adhiberi, ac metum placuit. Alluitur ea urbs Bæti flumine magnarum navium capaci; ad subvectiones prohibendas commeatu intercipiendò; ejus fluminis cursum corrivari, aliisque averti placuit. Ea molitio magni laboris erat, atque multorum dierum opus. Itaque quarto supra Hispalim lapide Italica veteris mœnia instaurata, uti veteris magnificentia ruinæ documento sunt; & nimirum belli, quod diuturnum fore persuasum habebant, opportuna sedes querebatur. Divi Isidori nomine monasterium iis in locis extat nostra ætate. Myro Suevus, tamenſi placitis de religione discrepabat, cum suorum manu Leuvigildo junctus, tantum nefas morte luiſſe creditus est, ipſo obſidionis tempore defunctus, Eborico filio ſucceſſore. Turonenſis Myronem Ermenigildi partes ſecutum ait: & proſtigato demum bello cum ſœdus feciſſet cum Leuvigildo in patria paulo poſt defunctum locis natura gravibus, ubi bello intentus hæſerat & aquarum inſalubritate valetudine proſtrata. Hispalim redeamus: ubi Bæti corrivato magna atque ſuprema annonæ diſſi-

Tom. I.

cultate laborabatur. Ermenigildus poſt annuam obſidionem deſperata deſenſione, clam ad Romanos elabitur: ignornbat nimirum paterno auro corruptus; civium deditione Hispalis continuo in Leuvigildi poteſtatem venit, ſilutis anno quingentefimo octogefimo ſexto. Æque paucis poſt diebus Rex juvenis à patre captus: an Cordubenſium prodicione, defectionis infamiam noxamque innocentis, cum ſe eo retuliſſet venalem Romanorum fidem metuens, calamitate procurare parantium, an ut Turonenſis eſt auctor, ad Oſſetum oppidum, ubi baptiſmi fontes quotannis impleri ſponte conſueviſſe eſt demonſtratum. Locumunitione & ſancititate conſiſus, eo ſe Ermenigildus contulerat cum trecentis delectis militibus: & patrem ſperabat ſi vim adhibere pararet à tergo atque à fronte circumventum, nam prope reliquæ copiæ tendebant, opprimi poſſe. Quod contra accidit; filii conſilio explorato, ut nihil occulti eſſe poteſt in inteſtina diſcordia, ſolers pater ejus natus eluſit. Magna celeritate oppidum captum, incendioque deformatum. Ermenigildus ipſe ſpe omni deſtitutus in templum auſugit, ſi forte reſidente patris ira moræ ſpatio veniam impetraret. Sequebatur Leuvigildi caſtra Reccaredus minor ætate filius, indole animi atque prudentia fratri æqualis. Is patris permiſſu, ſactaque à fratre ipſum conveniendi poteſtate in templum admiſſus aliquandiu vi lacrymarum vocem intercludente, tacitus ſubſtitit; deinde; „ Mollis, ait, eſt animi ſuorum „ caſum dolere, nullumque in dolore „ præter lacrymas remedium adhibere; „ tuam calamitatem noſtram judico: „ quid enim inter fratres & patrem poteſt eſſe ſejunctionum? Neque tuos conatus vituperò religionis ſulceptæ ſtudio: „ tamenſi quæ juſta cauſa eſſe poterat in „ patrem arma movendi? ac ne illorum „ quidem conſilia accuſabo, quibus es in „ fraudem inductus, præterita lamentari, „ quam corrigere facilius eſt. Fuit „ hæc fuit horum temporum calamitas, „ & ſciſſis provincialium animis fatale „ diſſidium. Dum utraq; pars in noſtra familia querit præſidium, utrique „ plane corruimus. Reliquum eſt ad

Aaa

„ con-

„ concordiam animos revocare: provi-
 „ dere certe ac præstare, ne inimici in
 „ nostræ domus ruinis amplius exul-
 „ tent; quod utinam rebus integris li-
 „ buisset: sed præstat ad paternam mise-
 „ ricordiam recurrere, & factorum veni-
 „ nam cupidissime petere: quam per-
 „ tinacia atque arrogantia perire. Mo-
 „ neat utriusque fortunæ conditio, ne
 „ contumaciam cum pernicie, quam
 „ obsequium cum securitate malis. Il-
 „ lud memento, rebus profligatis con-
 „ silio opus esse: animi impetum fore
 „ tum vanum, tum exitialem. Ego
 „ tibi si quod necesse est, sponte fa-
 „ cis, tibi patrem recipio placatum, re-
 „ tento certe regio honore, modico
 „ supplicio noxam expiabis. Ad ea ver-
 „ ba juramenti religio addita; vocato pa-
 „ tre, mæstus juvenis ad genua provolu-
 „ tus ab eo veniæ simulatione oculo ex-
 „ ceptus est, atque blandis sermonibus
 „ delinito animo, in castra deductus,
 „ mox regis insignibus detractis Hispalim
 „ in custodiam missus est (Biclaensis,
 „ Valentiam relegatum, Tarracone occi-
 „ sum ait). Monstratur Hispali ad eam
 „ portam, cui à Corduba nomen est,
 „ turris Ermenigildi custodia nobilis, lo-
 „ ci altitudine, angustia, atque tene-
 „ bris horrida. In ea manibus ad collum
 „ revinctis asservatus traditur, ad carce-
 „ ris squalorem victus ipse & cultus aspe-
 „ ritatem addebatur: cilicii vestem, qua in
 „ lecto etiam pro stragula veste ute-
 „ batur, animo in rerum divinarum con-
 „ temptione defixus, cælumque suspi-
 „ rans, quo se quamprimum iturum
 „ sperabat. Advenerat Paschatis festum
 „ Christi Dei ad vitam reducis memoria
 „ lætum, & eo anno incidit in quartum
 „ 156 decimum Aprilis diem, ab ortu Chris-
 „ ti anno quingentesimo octogesimo
 „ sexto, quod certa ratione intelligitur;
 „ tamen quidam ex hoc annorum nu-
 „ mero biennium detrahunt: Biclaensis
 „ tertio Mauricii Imp. anno. Ermenigil-
 „ dum occisum certe ait. Leuvigildus
 „ de filio sollicitus mittit quendam Epif-
 „ copum Arianum de media nocte, qui
 „ epulum Christianum vincto de more

traderet. Ille verborum contumelia cas-
 „ tigatum, cum à se repulisset; patris ani-
 „ mum, ad se eam injuriam pertinere in-
 „ terpretantis, usque eo exacerbavit, ut
 „ Sisberto carnifice evelligio missis securi
 „ percutiendum mandaret. Horret ani-
 „ mus atque hæret tantæ crudelitatis ima-
 „ gine. Inerant Ermenigildo simplicitas
 „ & libertas: quæ nisi modus adsit, in
 „ exitum vertuntur. Martyris memoria
 „ colitur in Hispania passim ad octavum-
 „ decimum Kal. Maii, (nonnullæ ecclesiæ
 „ priori die faciunt). Carceris locus con-
 „ sequenti tempore in sacellum Ermenig-
 „ildi nomine transformatus est; multique
 „ deinceps mortales viri & feminae, Er-
 „menigildi, Ermesindæ sive Ermene-
 „sindæ nuncupati. Armengol & Ermen-
 „gaudus gentilia Hispanorum nomina
 „ eodem pertinere putantur; tum Erme-
 „gildez & Ermildez barbarum magis so-
 „ nantia. Hæc indicia sunt cultus mar-
 „tyris in Hispania suscepti olim atque
 „ propagati. Corpus ubi sit nostra ætate
 „ clam est: ac ne satis quidem constat
 „ quo tunc loco fuerit tumulatum, nisi
 „ quod os ejus argenteæ statui inclusum,
 „ atque revinctum Cæsaraugustæ in templi
 „ maximi proprio sacrario servatur. Ro-
 „manam ecclesiam per hæc tempora Pela-
 „gius II. obtinebat. Pelagii successor
 „ Gregorius cognomento Magnus Erme-
 „nigildi mortem, & mortis causam me-
 „moriam recenti descripsit; auditumque ad
 „martyris corpus testatur caelestem con-
 „centum funus videlicet peragendum
 „ exequisque celebrantium, quoniam eo
 „ honore carebat: fama quoque vulgatum
 „ eodem loco per noctem lumina lampadum
 „ ardentium similitudine visa. Iis rebus &
 „ quoniam Sisbertus carnifex brevi turpis-
 „simo mortis genere consumptus est,
 „ religio martyris majorem in modum in
 „ animis hominum confirmata, auctaque
 „ est; nunc amplius cum Sixtus V. Pont.
 „ Max. Ermenigildi nomen in Romanos
 „ fastos adscripsit, faustumque & in pri-
 „mis celebre octavodecimo Kal. Maii uni-
 „versæ Hispaniæ fore sanxit lege in omne
 „ tempus lata.

CAPUT XIII.

Leuvigildi mors.

INGUNDIS viri casu perspecto, op-
pleta mœrore & lacrymis in Afri-
cam transmisit. Romani Duces, quorum
fidei credita erat, ad Mauricium Impera-
torem ducendam cum filio curabant, qua-
si belli prædam. Franci Reges Childe-
bertus Ingundis frater germanus & Gun-
trandus patruus ejus injuriam, Ermenig-
ildi necem armis vindicare parabant fe-
roces & rapidi. Reccaredus novi belli cu-
ra in Gallia eorum conatus antevertit, in
hostium fines invehit; atque Ugerno arce
munitissima in Arelatenſi agro armis ex-
pugnata, finitimi agri omni injuria de-
formati. Tentata subinde concordia spe,
missisque à Leuvigildo de pace legatis,
nihil impetratum tamen, ad priores no-
va injuria hostibus exacerbatis. Fran-
corum naves ad Calaciæ littora (comer-
cii videlicet causâ cum Suevis ineundi)
in ea loca delatæ, à Gothica classe in-
terceptæ sunt, cum hominibus prædaque
omni; sic repetita, quamvis legatione
Franci Reges ac Princeps Guntrandus
furdas aures Gotthorum postulatis præ-
buerunt; & auctorem habeo, qui Recc-
caredum Narbone profectum rursus in
Francorum fines irrupisse ait, latissimis-
que Galliæ agris rursus attulisse vastita-
tem. Childebertus dolori propior vin-
dictæ avidior, Mauricium Imperatorem,
cujus amicitiam paulo ante contempse-
rat, ultro sollicitavit ad vires armaque
focienda adversus Longobardos & Go-
thos rerum dominos in Italia atque
Hispania. Valida Francorum copiæ ex
novo fodere missæ in Italiam, cum
hostis initio metu simulando, neque
universæ dimicationis copiam faciendo
innatam Francorum genti confidentiam
auxisset, pugna repente atque impro-
viso facta victæ profligataque sunt; cæ-
sorum numerus non proditur: cladem
tamen eo seculo majorem Francis conti-
gisse nullam constat. Gotthis ex eo ca-
su Childebertum æquorem redditum mi-
nime dubium est, præsertim cum Impe-
rator aliis rebus intentus nomen magis

ad sociorum præsidium, quam vires as-
ferre videretur. In ipso belli apparatu
Ingundim Childeberti sororem, pro qua
bellum suscipiebatur, nunciatum erat
diem obiisse, sive in Africa, sive in Si-
cilia, nam auctores in diversum trahunt,
filio parvulo ad Imperatorem deducto:
qui quem exitum habuerit clam est &
fortassis paulo post matrem & ipse decef-
sit, obitu quam vita felicior futurus. In-
terea in Hispania Leuvigildus opprimen-
dæ Catholicæ religionis studio, unde tan-
tum calamitatis domesticæ exitisse inter-
pretabatur, viros sanctos, quorum præ-
sidio veræ pietatis cultus nitebatur, toto
regno exiliis multabat: Leandrum His-
palensem Præfulem, Fulgentium Astigi-
tanum, quibus in prius iratus erat, Er-
menigildi causâ, cui favisse minime du-
bitabat. Mausonam Emeritæ Metropo-
litanum ea ætate cum summis viris com-
parandum, cum Toleti, quo deducen-
dum curarat, omnibus contumeliis vio-
lasset ob religionis constantiam, & quon-
iam Eulaliæ vestem Arianorum metu
Regi prodere recusabat, feroci equo im-
positum atque Sunna Ariano in ejus lo-
cum subrogato, in exilium expulit. Mi-
raculo viri innocentia est indicata: equus
ille posita continuo feritate sanctum vi-
rum dorso admisit. Plures alii Episcopi
relegati, alique in eorum locum substi-
tuti: unde tranquillitate reddita ecclesiæ
factum creditur, ut contra quam eccle-
siasticis legibus cautum erat, duo essent
aliquando ejusdem urbis Episcopi, uti
publica ejus ætatis acta testantur; pacis
studio novum exemplum inductum. Ec-
clesiarum redditus ab avaro Rege nemine
resistente occupati; sacratorum virorum
privilegia antiquata; multi proceres oc-
cisi veris causis, aut assimulatis; ex eo-
rum bonis regium patrimonium locuple-
tatum; ac præsertim tanta carnificina
providebatur, ne quisquam externi san-
guinis ad regnum aspirare posset. His
malis plerique fracti, non ex plebe mo-
do, sed & viri principes copiis & nobili-
tate,

tate, manus dederunt, atque ad Ariano-
rum sectam traducti sunt. In his Vincen-
tius Cæsaraugustanus Episcopus, cum
Arianus esset factus, inconstantia exem-
plo multos alios in præcipitum traxit.
Severus Malacitanus & Licinianus Car-
thaginensis Præsules Vincentii æqua-
les, ejus perfidiam de scripto jugula-
runt. Extat nostra ætate Liciniani li-
ber, quem plures præterea epistolas
ad Eutropium Episcopum Valentinum
scripsisse Isidoro testatur, Constan-
tinopolique diem obiisse: nimirum cum
Regis furorem fuga declinasset. In ea
urbe Joannes Biclarenis Abbas Scala-
bi in Lusitania natus, decem & sep-
tem ætatis annos studiorum gratia ju-
nior consumperat, inde utriusque lin-
guæ aliarumque artium cognitione in-
structus in patriam ex longinqua pere-
grinatione redux, communi ecclesiæ
tempestate jactatus Barcinonem exilii
causâ missus, ad Pyrenæi montis radi-
ces, ubi hodieque eodem nomine visi-
tur, Biclarense monasterium constituit
optimis legibus atque institutis ad D. Be-
nedicti regulam conformatum; unde
Reccaredo quidem Rege, ad Gerun-
densis ecclesiæ procuracionem: Suinthila
autem ætate ad cælum morte migra-
vit, meritis debitum præmium Nonito
successore. Joannes presbyter Emeri-
tensis, atque Novellus Complutensis
Episcopus Asturii ex magno intervallo
successor, & ipsi doctrinæ atque religio-
nis laude clari, quibus rerum fluctibus
agitati fuerint clam est. Isidoro minor
ætas præsidio fuit, eaque indoles & in-
genii lumen, quod brevi universam ec-
clesiam illustravit: generis nobilitas, to-
tius oris dignitas, atque suavissimi mo-
res; tamen Ariarum in se invidiam
irritare non desistebat, & sua sponte &
Leandri fratris literis ad oppetendam
pro vera pietate mortem si opus esset,
animatus. Hisce rebus Gotthici regni
potentia vehementer confirmari videba-
tur: præsertim cum per idem tempus
Suevorum ditio sit auctum, ejus gen-
tis Regibus penitus à stirpe sublatis hac
occasione. Myronis filius Eboricus ab
Andeca viro præpotenti, tum suis co-
piis, tum Sisegundæ nuptiis (erat ea E-
borici noverca) regno spoliatus, atque

in sacerdotis morem detonsus, compul-
sus est vitam principalem cum privata,
regia insignia cum veste monastica com-
mutare. Leuvigildus ut amici atque
fœderati Regis injurias ulcisceretur, vic-
tum armis Andecam, atque thesauris re-
gis spoliatum, detonsa coma (majorum
instituto atque more, nobilitas promissa
cæsarie continebatur) atque eo facto re-
gni spe penitus intercisa, Pacem Juliam
relegavit. Malarici motibus tandem
compressis, qui favore gentis regum
nomen occuparat, universa Calæcia in
provinciam redacta, leges & magistratus
accepit. Sic Suevorum regnum,
quod aliquando florentissimum fuerat,
& centum septuaginta quatuor annis His-
paniæ partem tenuerat, extinctum peni-
tus est, atque sublatum ipso salutis anno
quingentesimo octogesimo sexto. Quo ⁵⁶⁶
anno Leuvigildus ipse Toleti decessit,
ex quo cum fratre regnare cepit anno
octavodecimo. Fama est, & multi auc-
tores testantur, sub vitæ finem cum salu-
te corporis desperata ex morbo decum-
beret, Ariana impietate repudiata, ani-
mum ad sanitatem quidem revocasse, at-
que privatim cum Reccaredo filio pro
Catholicæ religionis veritate disputasse:
regnum quod multarum urbium accessio-
ne amplificatum relinquebat, futurum
multo illustrius veteri religione quasi
postliminio in Hispaniam universamque
adeo Gotthicam ditionem revocata.
Leandrum & Fulgentium, quos ab
exilio postremis testamenti tabulis revo-
cari mandabat Patrum loco habere, eo-
rum auspiciis & monitis privatam vi-
tam, communefque adeo res gubernare;
& Gregorius magnus affirmat Leand-
ro coram priusquam ex morbo obiisset,
Reccaredum filium enixe commenda-
sse, ejus præceptis sperare sese, ac
vero vehementer optare Ermenigildo
fratri, quem magna animi temeritate in-
nocentem occiderat, ut perfimilis mor-
ibus, humanitate atque totius vitæ con-
ditione evaderet. Nimirum sancti Mar-
tyris manes mortui, quam vivi feliciores
patre tandem ad sanitatem revo-
cato conquieverunt. Tamen nostri
historici Leuvigildum temporibus ser-
vientem, atque factionis metu animum
debilitante negant palam cum, ut erat
opus,

opus, Ariam sectam abdicasse, privatim agnovisse veritatem non negant, antea multis prodigiis admonitum, quæ religionem Catholicam illustrabant. In iis hæc numerantur: quo tempore filium innocentem armis persequetur, in ora Carthaginis monasterium D. Martipi nomine sacrum monachis in vicinam insulam fuga dilapsis, à regis militibus testis direptum; in Abbatem, qui solus remanserat, districto gladio eorum quidam facto impetu, sacrilegii poenis agentibus in terram decedit exanimis. In quo Rex prudentior cognito casu prædam omnem reddi monasterio mandavit. Annuum in ignem projectum cum de religione esset disputatio, Catholicæ ardente manu incolumi contractavit, Catholicæ veritatis argumentum præclarum: hæreticus haudquaquam est ausus simili periculo sectæ patrocinari. His atque aliis id genus miraculis, Regem ajunt animo commotum atque vacillantem ex Episcopo quodam sectæ Ariæ addito diligenter quævisse, eccur Christianis tot tantaque miracula patrantibus, Ariani suam sectam nullis virtutibus illustrarent? Cui Episcopus: Multis (inquit) ô Rex si vera fateri convenit, atque adversariorum in morem postea iactare fas est, surdis auditum insinuavi, cæcorum oculos ad videndi usum aperui: verum quæ hæctenus vitandæ ostentationis causa sine arbitris gesta sunt, ea consilium est palam facere, confirmareque tibi, quæ à me dicta sunt haudquaquam inania esse. Itaque Rege per plateam paulo post transeunte, Ariani quidam auctore impulsoreque Episcopo, magna clamoribus oculos in pristinum restitui aspectum fraude postulabat: notam Episcopo subulam apud ipsum auctorem argumenti peragens, supinasque tendens manus Antistitis precibus & sanctitate sanitatem supplex sperare simulabat, calli-

dum commentum; turpissimum mendacium. Verum contra res accidit. Impostor ille atque nefarius simulatque Episcopus ejus oculis manibus contractavit, penitus excæcatus est. Fraude detecta (dolor pudorem superabat): Ariana secta, ut par erat, vehementer inclinare cepit: & Regis animus sensim abalienari: præsertim cum toto quadriennio Hispaniæ agros, ac Carpetaniam in primis in quam ob aeris temperiem maximam vis mali incubare maxime consuevit locustarum agmina penitus vastarent; quod populares ut solent in religionem vertebant, quasi divino numine Ermenigildi cædem, atque veram pietatem iis malis vindicantem. Eam laudem Leuvigildus Isidori etiam testimonio habeat certe præcipuam, quod post Euricum Regem Gothorum leges temporum injuria depravatas, nonnullis additis, aliis detractis castigavit; & Paulus Diaconus Emeritensis, qui visa retulit, affirmat Nunquam Abbatem præcipua sanctitatis opinione virum, cum ex Africa Emeritam trajecisset Eulalie sepulcrum inviscendi studio, & ex ea urbe foeminarum aspectum declinans in eremum aliquanto post secessisset, regis vestigialibus sustentatum, tamen religione erat Catholicus tandem, donec à vicinis rusticis facta conspiratione occisus est. Cause fuisse in incerto; & fortassis libertas sancti viri increpationes ferre non poterant agresti homines petoatque, rudi ingenio: sacrilegii, certe poenas Rege vindictam negligente damonum incursum in furpem ædi dederunt. Illud varie in Leuvigildi actionibus accipi potest, quod primus Gothorum Regum velle à populo discreta usus est, priusque regis insignia atque instrumentum principis, trabeam, sceptrum, diadema gestavit.



CAPUT XIV.

Reccaredi regni initia.

FL. Reccaredus patris funere procurato, domesticisque rebus compositis, animo ad reipub. statum & religionis Catholicæ instaurationem conversus, primum omnium cum Francis Regibus fœdus instaurare cupiebat: & quo pax diuturnior sanctiorque esset. Bada priori uxore defuncta Clodosindam alteram Childeberti Austrasiani Regis sororem sibi jungere: cum consiliorum patris in Ermengildum favientis participem non fuisse excusaret, fratrisque calamitatem se ex animo soluisse. Verum tantæ rei perficiendæ nondum maturitas erat, & appropinquabat tamen. Illud majus: Leandri & Fulgentii præceptis conformatus, de revocanda in Hispaniam Catholica religione serio cogitabat, ipse jam animo & sententia Catholicus: tamen si tantisper tempori cedendum arbitrabatur, dum popularium mentes facilius flecti quam frangi solita, præsertim commutanda ea religione, quam à primisanis acceperè, arte sanarentur. Patientia & verborum comitate plebei & principes facile Regis voluntati morem gef-

serunt. Gotthique universi, atque ex Suevorum gente ii qui veteris erroris reliquias fovebant, populariter in ecclesiæ Catholicæ castra commigrarunt. Regis diligentia, gratia, atque auctoritate res tanta perfecta est: cui ad alliciendas versandasque subditorum voluntates multum contulit oris dignitas, moresque suavissimi, quibus gratissimus genti est habitus: dum vixit, post obitum gratum posteris, faustumque nomen in paucis. Contigit enim Reccaredo, quod haud scio an Regum ulli, ut religione permutandâ, quod propemodum necesse erat, motus existerent, neque diuturni admodum; neque graves: & severitas animadversionis non modo non invidiosa esset, quia necessario suscipiebatur, sed etiam popularis, & cum bonis omnibus, tum infimo cuique gratissima. Primus in Gallia Narbonensi Athalocus Episcopus Regis conatibus sese opposuit, erat enim secta Ariani, usque eo ut vulgo homines Arium nominarent. Granista & Bildigernus Comites, sive Athaloci consilio & hortatu, sive sua sponte factionis tuendæ studio

his in locis corripere contra Regem arma, plebemque ad defectionem sollicitare minime dubitavit. Verum is nimbus, qui gravissimam procellam minabatur, brevem & facilem exitum habuit. Athalo ubi rem inclinam videret, & popularium voluntates ad religionem Catholicam propensas retineri à transiitione non posse præ animi aegritudine desuncto; Comites à Reccaredi exercitu acie superari: eorumque supplicio Catholicorum injuriæ vindicatas sunt, quos illi qua odio religionis, qua desperatione rerum suarum si victi essent, tormentis omnibus cruciaverant; ac ferre nullæ acerbiores similitudines atque odia quam quæ religionis specie comparantur. Ipso regni initio, hi Galliarum Narbonensis motus extiterunt. Quo tempore omnino ex quo temp. capellierat mense decimo, Rex novus palam Ariana perfidia abdicata, veterem religionem atque Catholicam amplexus continuo ecclesiis suis jura restituit, bonaque à patre per injuriam ablata nova templa & monachorum collegia sua expensis fundabat regia magnificentia; plerisque populares in eum locum restituit unde à patre erant deturbati; cujus acerbiteriam videbatur benignitate superare velle, maleficia beneficiis compensare. His rebus occupatum cum, divinum numen tuebatur. Desiderius enim à Guntrando Rege cum validis copiis missus ut Gothos de finibus lacerans superiores injurias armis vindicaret, à Reccaredi copiis in Gallia Narbonensi superatus, interfestusque est. Ad Carcalonem acie pugnatum; victi primum Gothi, atque intra urbem compulsi Francos victores & neglecta militari disciplina avidius insequentibus, irruptione ex urbe facta, signaque quasi tunc primum pugna committeretur de integro canentes, velut numine rem Gothicam respiciente, mutata prælii fortuna, qui terga dederant, obliis vulnere laboris, praelium majori impetu restituit ordinibus repararunt. Attoniti hostes Gothorum audacia, brevi loco moti atque in fugam conversi sunt. Duce cadente, plerique trucidati; paucos fuga servavit. Atque hæc omnia intra primum annum regni Reccaredi gesta sunt. Consequenti autem detecta in Regis caput conjuratio; & propemodum necesse est reip.

statu commutando, cujus præcipua pars religione continetur, fluctuare animos; motus existere varios & graves. Mausona temporis beneficio in Emeritensem ecclesiam restitutus est. Sunna Arianus, qui exulis locum concedente Leuvigildo occuparat, ægre tulit æmuli reditu se de amplissimo dignitatis gradu esse deturbatum. Itaque ejus interficiendi consilia cum factiolis hominibus clam communica- vit: audax facinus, atque exitu anceps; præsertim Claudium Duce superstite; cuius fidei universa Lusitania concredita erat, atque urbem Emeritam præsidio militari obtinebat, Catholicæ religionis constantia clarus, ut Gregorij Magni & Isidori litteræ ad eum datæ declarant. Utrumque ergo obruncari placuit; rei perficiendæ cura Witterico demandata, magnorum spirituum juveni, & in omnia familiaria jura Claudii assueto: quippe qui in ejus domo educabatur: unde consequenti tempore ad Gothorum regnum pervenit. His moribus crescebat, Hispaniæ Princeps futurus. Occasio tanto facinori opportuna querenda erat. Sunna officii causâ Episcopi conveniendi facultatem petit. Ille quod res erat suspicatus in benevolentia simulatione sua saluti insidias comparari Claudium ad se advocat, ut mutui colloqui arbitri esset: & si qui sorte mali cogitarent, auctoritate compimeret. Conjurati tempus venisse: rati utriusque cædis perpetuandæ, cum saluationis officio functi essent, Witterico signum dant. Is enim retro Claudium de more stabat; miraculo habitum est, cum gladium nulla ratione stringere posset, si ve divino numine innocentem causam respiciente, si ve juvenili animo metu periculi perturbato; conjurati haudquam fracti animis in publica supplicatione, qua ad Eulaliæ templum suburbanum ibatur, promiscua cades in Episcopum & populum universum fœvere constituunt: gladii quo res esset occultior frumenti specie carris impositi. Conceptum paratumque facinus Wittericus indicio facto disturbavit, ex superiori miraculo poenitentia concepta, aut factionis crudelitatem exhorrescens. Claudius re perspecta Sunnam & proceres qui cum eo magno numero sentiebant, facto in eos impetu, cæsisque quicunque ar-

mis resistere ausi sunt, reliquos: redegit in potestatem. Procerum bona jussu Regis, cum quo rem tantam communicari placuit, in fiscum redacta. ipsi honoribus spoliati in varias partes exilii causa abierunt conceptæ fraudis testes deformes. Summe conjurationis principi, & architecto cum severitate mitigata, aut Hispaniæ deferenda, aut superstitionis abdicandæ obcio data esset, in Africam navigavit. Witterico indicii facti præmium fuit concepti sceleris venia. Vacillæ è conjuratorum numero ad Eulaliæ templum tanquam ad asylum fuga elapso perpetuæ servitutis conditio imposita, ejusque templi obsequiis perpetuo est mancipatus. Paulus Segga Comes conjurationis princeps, manibus præcis in Calaciam exulare coactus est, ut Biclarensis ait; His supplicii procella dissipata, unde magna clades ecclesiæ Catholicæ imminere videbatur: reliquis documentum datum haudquaquam impune procedere impios atque nefarios conatus. Major nihilominus rerum moles continuo exorta est. Gosuinda Regina sub initia in privigni gratiam Catholicæ religionis cultum simularat, & quod horrescit animus commemorare, in Catholicorum conventu solita erat divinum epulum de sacerdotis manu sumptum occulte spueri, ne si in stomachum trajiceret, violatæ videlicet religionis res esset. Idem Uldida Episcopus, cujus illa consiliis multum utebatur, fastidiebat. Diu regi simulatio non poterat; cum eo Regis obtruncandi cujus periculo salus publica vertebatur, consilia communicavit; verum divino numine Catholicæ religionis statum nondum suis firmatum protegente, conjuratione detecta Uldida exilio est multatus: Gosuinda fato concessit: conceptamque animo impietatem morte luit, inquieto animo femina, & Catholicæ religioni semper infesta. In Gallia per idem tempus, nimirum salutis anno quingentesimo octogesimo octavo Francorum armis bellum reparabatur. Guntrandus Rex me-

mor injuriarum, quas pridem acceperat: atque ignominia defendendæ cupiditate, quæ Desiderio Duce accepta erat, magnis delectibus tota ditione habitis, numerorum exercitum constar; ad sexaginta hominum millia, pedites equitesque numerabantur. Cum his copiis Boso Dux sui Regis jussu in Gallia Gothicæ fines populabundus irruit. Claudius Lusitanus Dux ex antiquo Romanorum sanguine prognatus, nunciato Francorum apparatu missus in Galliam, atque Gallici limitis custodia concedita, ad Carcasonem locorum omine lætus ob recentem superioris victoriæ memoriam, hostem nactus, collatis signis superavit; multi in pugna, non pauci in fuga ceciderunt; castra expugnata; impeditis omnibus victor potius est; clara victoriæ, & qua illustrior nulla existerat in Hispania, auctore Isidoro, Gothorum paucitate admirabilior est habita: scribunt enim Claudium confidentia mirabili cum trecentorum militum cohorte, quam ex lectissimis constaret, cum prævalido hoste tantisque copiis stipato ausum totius pugna, fortium tentare. Extitit paulo post nimirum vertente anno nova in Regem conjuratio, ex qua non minori ope numinis mirabiliter evasit. Argimundus regio cubiculo præfectus, Rege occiso regnum invadere parabat; res tanta cum sine sociis perfici non posset, cum pluribus communicata celeri non potuit. De sociis ergo questione habita continuo supplicium est sumptum; conjurationis dux, quo majori ludibrio esset poena diuturnior & gravior, decalvatus (quod erat amissæ nobilitatis insigne: nobiles enim à plebe casarie promissa distinguebantur, extantque Francorum leges de jure casarie) ad hæc præcisæ manu, asino impositus per Toleti plateas ductus, gratum piis spectaculum, totius populi convitiis, contumeliisque laceratus, capite tandem plexus est. Verum hæc aliquanto post, ad intermissa revocatur oratio.

C A P U T X V.

Concilium Toletanum tertium.

TOLETANAM ecclesiam per hæc tempora post Montanum, Julia-

num, Baccandam, ac Petrum ex ordine ejus ecclesiæ Præsides, Petri successor Euphi-

Euphymius tenebat, excellenti probitate vir, & eruditionis laude non vulgari. Rex bellorum motibus pacatis & domesticis insidiis toties superatis, divini beneficii memor, susceptæ religionis statum cupiebat, publico totius gentis consensu, atque totius ecclesiæ iudicio ratum fixumque esse; disciplinam ecclesiasticam, quod erat necesse, vitio temporum labefactam astringi atque revocari satagebat. Hoc animi consilio cum Leandro Hispalensi, cujus auspiciis, ut par erat, res privatas & publicas gubernabat, communicato, optimum visum est: ex tota quam late patebat ditone Gothica Episcopos Toletum urbem Regiam (sic deinceps vocari consuevit, & Gothos Reges in ea imperii sedem collocasse est demonstratum) ad generales conventus totius provinciæ celebrandos convocare. Ad diem certam septuaginta circiter Episcopi convenerunt: in his Metropolitani quinque: atque sub initium mensis Maii, salutis anno quingentesimo octogesimo nono, primus conventus est habitus. In eo conventu Rex ad Patres qui aderant, hoc exemplo, atque his verbis brevem orationem habuit: „ Non incognitum reor „ esse vobis, reverendissimi sacerdotes, „ quod propter instaurandam disciplinæ „ ecclesiasticæ formam ad nostræ vos „ serenitatis præsentiam evocaverim: & „ quia decursis retro temporibus hæresis „ imminens in tota ecclesia catholica „ agere synodica negotia denegabat, „ Deus cui placuit per nos ejusdem hæresis „ obicem depellere, admonuit instituta de more ecclesiastico reparare. Ergo „ sit vobis jocunditas, sit gaudium, quod „ mos canonicus prospectu Dei per nostram gloriam ad paternos reducit terminos. Prius tamen admoneo pariter & exhortor jejuniis vos, vigiliis, & orationibus operam dare: ut ordo canonicus, quem à sacerdotibus sensibus detraxerat longa ac diuturna oblivio, quem ætas nostra se nescire fatetur, divino dono nobis rursus pateat, fiat. Patres hac Regis oratione vehementer commoti pro se quisque, ut in quoque erat auctoritatis plurimum, divinam benignitatem concelebrarunt. Regi ipsi gratiæ actæ pro tam propensa in religionem catholicam voluntate. Ita

Tom. I.

que trium dierum indicto jejunio, animis procuratis, alter conventus est habitus. In eo Rex fidei catholicæ professionem, Arianae perfidiæ abdicationem de scripto conceptam, suo & Badæ Regiæ nomine Patribus obtulit: quam quoniam in ea sincere religionis formula comprehensa erat, ac nominatim in Symbolo Constantinopolitano expressum, Spiritum sanctum a Patre Filioque procedere, Patres faustis acclamationibus prosecuti. Ex reliquis tum Episcopis tum proceribus, qui Ariana secta repudiata Regis exemplum secuti erant, quaesitum, num aliquid in regia professione reprobarent? responsum datum: sincire se & amplecti quæcunque religio catholica profitebatur. Octo Episcopi, erant, proceres quinque, pravis antea opinionibus imbuti: qui priori similem fidei professionem post Regem & Reginam suæ manus subscriptione confirmarunt. Secundum hæc, tres & viginti canones promulgati, disciplinæ ecclesiasticæ instauranda causa. In his sigillatim expressum ne populus prius divini epuli particeps fieret, quam publice fidei susceptæ symbolum inter offerendum sacrificium more Christiano iuxta formatum in concilio Constantinopolitano perscriptam, cuncti qui aderant pronunciant; unde arbitror eum morem in Hispaniam derivatum, qui ad nostram ætatem retentus est, ne ad sacræ mensæ epulum quisquam admittatur priusquam Christiani symboli partes omnes præunte sacerdote pronunciant. Concilii acta Regis edicto confirmata. Postremo Leander ad Patres & populum concionans in modum hac sententia orationem habuit: „ Præsentis, inquit, „ diei tantum esse celebritatem tantamque lætitiæ, quanta nullius diei festi „ toto anno recurrit, nullus vestrum, ut „ arbitror, Patres mecum affirmare recusabit. Aliis enim toto anno celebritatibus gaudii veteris memoriam „ revocare consuevimus: novæ hodie „ atque majoris lætitiæ materia supeditatur: cum gratia liberatori humani generis Christo, nobilissima Gothorum gens hætenus sine ullo laboris effectû vagata per tenebras inextricabiles, cælesti illustrata lumine, viam „ consequendæ immortalitatis invenit, „ Ccc „ ad

„ ad divinum æternumque templum
 „ admissa, quod appellatur ecclesia.
 „ Quod si res fragiles & terrenæ, &
 „ quæ ad solius corporis pertinent cul-
 „ tum, ubi prospere fluunt, usque
 „ adeo animos efficiunt, ut sæpe non
 „ parum de statu mentis immutent:
 „ quantum gaudere debemus ad regi-
 „ ni cælestis vocati, admissique hæredi-
 „ tatem? Sane quo diutius fratrum nos-
 „ trorum cæcitatem calamitatemque luxi-
 „ mus in exigua sanitatis spe, eo synce-
 „ rioris voluptatis offertur occasio. Mi-
 „ hi profecto Sol ipse illustriori luce quam
 „ solet, hodierna die micare videtur:
 „ terræ facies multo quam antea lætior
 „ esse. Gaudet enim cælum in beatas illas
 „ sedes tot gentibus adiut patefacto, tot
 „ hominibus ea civitate donatis, quæ in-
 „ signitæ nomine Christiano in mortis
 „ laqueos incurrerant. Gaudet terra
 „ hæctenus spinis obsita, nunc distine-
 „ ta varietate floribus: unde fertum
 „ Patres, qui hæctenus graves molestias
 „ pertulistis mirabiliter contextum
 „ vestris capitibus imponatis. Sevistis
 „ cum lacrymis, læti nunc decerpite
 „ flores, metite maturas fruges, spi-
 „ earum manipulos in horrea ecclesiæ
 „ comportate. Vestri gaudii magnitudo
 „ haudquaquam Hispaniæ regionibus
 „ terminatur: ad universam ecclesiam
 „ permanet necesse est, quæ suo com-
 „ plexu totum orbem terrarum compre-
 „ hendit, & nobilissimæ provinciæ ac-
 „ cessione aucta modis dictante Spiritu
 „ sancto pro tanto beneficio divinam
 „ benignitatem concelebrat. Quæ enim
 „ hæctenus ob sterilitatem contemptui
 „ fuerat Hispania, nunc cælesti dono
 „ perfusa multiplicem prolem unico par-
 „ tu enixa est. Reliquæ gentes, si quæ
 „ nondum cælesti lumine sunt illustratæ,
 „ nostræ nationis exemplo salutem
 „ sperent: easque sub uno pastore Chris-
 „ to in ecclesiæ ovile brevi convocandas
 „ is dubitet, qui divinarum pollicita-
 „ tionum fidem satis perspectam non ha-
 „ bet; & nimirum æquum est, ut qui

„ unius Dei imperio regimur, & ab uno
 „ parente originem trahimus linguarum
 „ diversitate sublata, unde tetra erro-
 „ rum facies in terras incubuit, idem de
 „ divinis rebus sentiamus: mutua inter
 „ nos caritate constricti sumus: qua quid
 „ est in rebus humanis aut fructu sua-
 „ vius, aut utilitate salutaris, aut honestius
 „ ad dignitatem? Rumpatur licet in-
 „ vidia atque dolore nostræ salutis adver-
 „ sarius, cui ludus esse solebat, & una
 „ materia gaudii nostra calamitas; tot il-
 „ lustres animas ex mortis laqueis erep-
 „ tas delect scilicet. Nos Angelorum
 „ exemplo provocati, Gloria in excelsis
 „ Deo & in terra pax, concinamus; ter-
 „ ræ cælum conciliarum considerantes,
 „ non regni tantum cælestis spem præ-
 „ feramus: sed etiam pro terreno regno
 „ Regis nostri incolumitate, cuius ope-
 „ ra in hanc felicitatem evasimus dies
 „ noctesque divinam benignitatem im-
 „ plorare non desistamus. Biclarensis
 „ qui sui temporis Cironicon perduxit ad
 „ hunc annum, in eoque fecit scribendi fi-
 „ nem, scribit Leandri Hispanensis & Eu-
 „ tropii Servitani Abbatis consilio & aucto-
 „ ritate concilii actiones gubernatas. Tu-
 „ densis addit Leandrum Hispaniæ Prima-
 „ tem fuisse, & in conventu Patrum Pon-
 „ tificii Legati partes implese. Concilii
 „ acta huic opinioni reclamant, ubi Leander
 „ ex subscriptionibus tertio loco conse-
 „ disse declaratur, Euphimium Toletanum
 „ secundo, primo Mausonam Emeriten-
 „ sem, nimirum ordinationis prerogativa
 „ & antiquitate cæteris prælatus. Illud in
 „ hujus concilii actis miramur, Regem
 „ novo & insolenti exemplo his verbis &
 „ subscriptione conventus acta confirmasse.
 „ FL. RECCAREDVS Rex hanc
 „ deliberationem, quam cum sancta desi-
 „ nimus synodo confirmans subscripsi. Et
 „ constat in conciliis generalibus Roma-
 „ nos Imperatores Patrum decretis con-
 „ sensisse, confirmasse aut definiisse nun-
 „ quam, intelligentes nimirum, quibus
 „ finibus suam potestatem deberent ter-
 „ minare.

FINIS LIBRI QUINTI

JOANNIS MARIANÆ HISTORIÆ DE REBUS HISPANIÆ.

LIBER SEXTUS.

C A P U T I.

Reccardi Regis obitus.



BONIS omnibus cum-
ulabatur Hispania
priori tempestate se-
data, nova luce per-
fusa. Membra tetro
religionis dissidio,
regnum multitudi-
ne, nulla inter se
compagne præter lin-
guæ commercium,

disiecta palpitare magis quam vivere an-
tea solita, in unum quasi corpus revocata
latabatur scilicet: festos agitabat dies.
Externi Principes Regi, pro divino mu-
nere gratulari, vires opesque certatim
offerre piis conatibus coëptique juvan-
dis: ac nominatim à Gregorio Magno
Romano Pontifice, qui Pelagio. II. de-
functo substitutus, ad tertium Nonas Sep-
tembris, salutis anno quingentesimo no-
nagesimo primo, (errant qui priorem an-
num ponunt) nostra sacra cœpit guberna-
re, ipso Pontificatus initio litteræ mis-
sæ sunt ad Leandrum, quibus Recca-
redum letatur ad veram religionem tra-
ductum: tum demum beatum judican-
dum si primis ultima connectat: neque
cacodemonis astu in fraudem se im-
pelli sinat. Ad eum Pontificem factum
de more salutandum obsequiumque de-
serendum illi debinam, sibi necessarium
à Reccardo Rege missi cum litteris ho-
nellissimi Legati sunt, Probinus presby-

ter, & Probino adjuncti aliquot Abba-
tes. Addita ex auro munera; præterea
trecentæ vestes in usus pauperum eccle-
siæ S. Petri (ea ætate collegia paupe-
rum ecclesiæ redditibus sustentabantur).
Leandri consilio & hortatu præstitum of-
ficium, (sic putamus) cui cum Grego-
rio Magno à superioribus annis familiari-
tas erat, & conjunctio animorum præci-
pua. Studiorum similitudo, & vitæ in
utroque sanctitas par, amicitia devinxer-
at. Præterea peculiaris causâ suberat,
tametsi id non prodiret, ut conventus
Toletani nuper habiti, actiones & de-
creta Romanæ ecclesiæ probarent: unde
sacra petenda sunt, & eorum quæ in con-
ciliis statuta sunt sanctitas. Legatos lon-
ga ac difficile navigatione jactatos rejec-
tosque vi tempestatis in Hispaniam plures
annos in itinere atque Romæ consump-
sisse, trinæ Gregorii litteræ indicio sunt,
non ante nonum Pontificatus annum datæ,
hoc est, Indictione secunda. Primis
litteris Claudio Emeritensi Duci, cu-
jus proxima secundum Regem aucto-
ritas erat, Cyriacum Abbatem in
Hispaniam proficiscentem commendat.
Ateris Leandrum nervorum dolori-
bus obnoxium dolet. Postremæ ad
Regem sunt, quem in suscepta re-
ligione confirmat, laudatque susceptæ
pietati pares fructus existere: grandi
pecunia à Judæis tentatum, ut legem

Ccc 2

quam in eam nationem promulgatam abrogaret, adduci non potuisset. Iis literis adjuncta dona sunt; crux inclusa ligni veræ crucis parte, atque capillis Joannis Baptistæ: geminæ claves, altera contactu corporis Divi Petri sacra erat, pellendis morbis virtute salutari: in altera ramenta continebantur ex ejusdem Apostoli catenis religionis ergo detracta: Leandro Pontifici pallium meritis debitum præmium. Extant aliæ Gregorii Pontificis ad Leandrum litteræ, quibus Probinum presbyterum ait, librorum quos Gregorius ediderat partem ipsius permissu abstulisse in Hispaniam Leandri precibus præstitum. Fama sine ullo certo auctore vulgo jactatur inter Hispanos, Regis Legatos Virginis Matris sculptilem ex ligno imaginem ad Leandrum attulisse ejusdem Gregorii domum: esseque illam quæ longo post tempore in specu quodam reperta una cum Fulgentii Astigitani corpore, præcipua totius Hispaniæ religione colitur ad Guadalupeum oppidum templo dicato. Fulgentii & Florentinæ sororis corpora ad Barzocanum pagum, non procul Guadalupeo oppido, ubi simul reperta sunt, conservantur. Astigi Florentinam vitam exegisse tradunt, quadraginta virginum collegiis præfectam: ubi & domus in qua vixit monstratur: & præcipui virginum collegii vestigia ad Singilis, hoc est, Xenilis fluminis ripam; quo loco D. Hieronymi nomine monasterium extat. Scripsit Fulgentius librum de Fide Incarnationis, aliisque nonnullis quæstionibus, qui ad nostrum tempus conservatur. Romæ regii Legati moram trahebant, & conventus Episcoporum in Hispania frequentes habebantur, ex decreto videlicet atque auctoritate concilii Toletani: ubi concilia provincialia, quibus ecclesiæ salus continetur, quotannis haberi sancitum erat. Itaque Hispali primum cum Leandro septem vicinarum ecclesiarum Episcopi concilium celebrarunt. In eo de servis ecclesiæ disceptatum, quos à Gaudenzio Astigitano Episcopo legibus repugnantibus manumissos fuisse Pegasius successor disputabat. Totidem Episcopi Narbone conventum agitarunt per hæc tempora, communique sententia quindecim canones promulgarunt, studio videlicet ec-

clesiasticæ disciplinæ in mores revocandæ. Tarraconensis Metropolitanus tametsi concilio Toletano non interfuit, Cæsaraugustæ cum Præsulibus suæ ecclesiæ contributis, tribus capitibus explicuit, quo pacto ad ecclesiam catholicam recipiendi essent, qui sectam Arianam vellent abdicare. Toleti præterea, Oscæ, atque Barcinone conventus peculiaries habiti sunt, quorum acta ex sancti Æmiliani Cucullati pervetusto codice peti possunt: ut hic sigillatim referantur operæpretium non est. Ad Regis actiones redeamus; qui Bada Regina defuncta, pacis studio conciliandæ cum Francis Regibus, immemor injuriarum, Clodovindam alteram Childeberti Austrasiani Regis forem, matrimonio sibi jungi ultro postulavit, obtinuitque tandem; consiliorum patris in Ermenigildum sævientis, qua de causa Francorum animi erant exulcerati, participem non fuisse docuit, fratrisque casum se ex animo doluisse monstravit. Itaque regia puella Anthari. Longobardo, cui pacta erat, prætermisso, in Reccaredi regiam torumque migravit; & cogitatio Francos subiit diversæ religionis conjugia, neque esse legitima, neque cohærere feliciter: Longobardum adhuc vana decorum superstitione teneri, Reccaredum Christum servatorem, quod Christianorum commune est omnium, tota vita professum. Leandri præterea & Fulgentii opera, & ipsum catholicum factum, & in universam ditionem veram religionem atque veterem revocasse. De harum nuptiarum tempore auctores variant: & illud constat sub extremam Reccaredi ætatem cum Francis fœdus factum: Romanorum reliquias, qui Hispaniæ partem aliquam retinebant, Gotthorum armis exagitatas, aliquotque præliis victas: Vascones imperio rebellantes, studio rerum novarum, eodem victoriarum cursu domitos. Regem immortalis gloria parta ob res bello paceque præclare gestas, magnitudinem tum animi, tum etiam ingenii atque consilii singularem, veræ pietatis cultum, cum regnum tenuisset annos quindecim, mensem unum, dies decem, vitam cum morte commutasse, salutis anno sexcentesimo primo. Toleti sub ipsam mortem pecca-

peccata pœnitentia publica, ex Christianorum veteri ritu procurasse Isidorus est auctor; & Gregorius scribit, Ermenigildi meritis factum ut Hispania seclatam Arianam abdicaret, veritatem amplecteretur. Tres Reccaredo filii erant, Liuvam maximus, Suinthila & Geila. Liuvam quidem ex priori uxore natum, regno ætas apta declarat. Suinthila & Geila utram habuerint matrem ignoratur. Ad hos & Reccaredum patrem, quoniam Hispani Reges nunquam interitæ majorum serie genus revocant, ut multorum opinio habet, & monumenta antiquitatis declarant, veteresque historici, Alfonsus Rex cognomento Magnus, & Isidorus Pacensis cognomento Junior affirmant: ut omnia ad intelligendum plana sint, hujus familiæ stemma lectoris oculis subjiciendum existimavi. Athanagildi uxor Gotsuinda, Galsuindam peperit & Brunechildim. Clodovei Regis Franci ex Clotario filio nepotes fuerunt Guntrandus, Chilpericus, & Sigibertus. Chilperico Galsuinda nupsit, quæ Fredegundis insidiis circumventa perit, uti antea dictum est. Sigibertus ex Brunechildi Childebertum, Ingundim, & Clodovindam genuit. Athanagildi successor Leuvigildus, ex priori uxore Theodofia Ermenigildi & Reccaredi pater, Gotsuindam Rex factus duxit. Ermenigildo Ingundis uxor data: Reccaredo Clodovinda. Est autem ad observationem insigne in Reccaredi rebus gestis, & deinceps in Gotthica historia Comitum & Ducum frequentem mentionem extare in civilis magistratus significatione. Comi-

tes dicebantur, qui provinciam aliquam cum imperio gubernabant. Duces qui urbem aut regionem aliquam præsidio militari obtinebant ad hos quoniam summa rerum respiciebat, & cudendæ in stipendium scilicet monetæ facultatem habebant, factum ut aureus nummus vulgo vocetur ducatus. Neque ii modo, quibus reipublicæ moderatio erat demandata, Comites dicebantur: sed etiam quibus in bello alicujus functionis cura imposita erat, quinque in Gothorum regia honorem aliquem gerebant, eodem nomine censébantur. Unde Comites Cataphractarii, Cibarii, Sagittarii, Tiuphadi in re militari castrisque. Domi Comes stabuli, qui vulgo est Conestable, cubiculi, patrimonii, notariorum Comites, omnia fortassis ex Romani imperii æmulatione: Gothorum Regibus, ut Romanæ potentie hac ætate non multum concedebant, ita honorum nomina ex Romano more libenter usurpantibus. Eadem imitatione, uti quidam non inepte suspicantur, Flavii prænomen, quo primus Reccaredus usus est, ad Gothorum Reges transit frequens consequentibus annis. Tolero Regis urbis appellatio accessit, quoniam eo nomine Græci sedem imperii urbem Constantinopolim cohonestabant. Illud constat Comites Ducesque hac ætate temporarii magistratus nomina fuisse: deinde Regum beneficio imminuta pterunque potestate & minutis oppidis definita, facta hereditaria.



C A P U T I I.

Liua, Wittericus, Gundemarus Reges.

LIUA Reccarredi filius vix annos viginti natus, ad Gothorum regnum post patris mortem funusque accessit. Aetas injuriæ opportuna erat: & dissidia superiora nondum satis pacata male cogitantibus occasionem præbebant; cum magni, pii, justique Regis specimen dedisset, videbaturque paternis vestigiis insistens, ad immortalem gloriam sibi aditum patefacere, Witterici proditione his artibus affucti periiit. Regnum biennium tenuit: nulla re præterea gesta ad memoriam insigni, nisi quod formæ

totius dignitate, atque in ætatis flore sublatu, incredibile in animis subditorum sui desiderium reliquit. Reperiuntur in Hispania ejus nomine percussæ monetæ aureæ, additis verbis argumento insignis pietatis **HISPALI PIVS**. nam ne prioris Liuvæ, qui hujus magnus patruus fuit, esse credatur, facit diadema affictum capiti insigne, ante Leuvigildi tempora Gothorum Regibus inusitatumque, ut superius est indicatum.



Patricida, merces proditiōis regnum fuit: quod factionis opibus armisque sublevatus occupavit, tenuitque annis sex, mensibus decem. Bello bonus est habitus, & Romani exercitus reliquias pellendi tota ditione; cupiditate cum aliquoties adversa praelii fortuna pugnatum esset, Witterici Duces ad Segontiam in Celtiberis, quæ pars est Tarraconensis Hispaniæ, hostem collatis signis superarunt. Interea Childoberto Austrasiano Rege defuncto, duo ejus filii successerunt bipartito regno. Theodobertus Austrasie, Theodoricus Burgundiæ Reges facti. Theodorico Witterici filia Hermemberga pacta in Galliamque principali apparatu missa, brevi ad patrem integra rediit; causæ in incerto fuerunt; fama tenuit, Theodoricum pellicum, quibus ad insaniam usque devinctus erat, arte & carminibus impeditum ne regiæ virginis florem delibare posset. Alii Brunehildis arte affirmarunt, ut sola rerum potiretur, nunc nulla sua culpa ad patrem amandatam. Ejus injuriæ ulciscendæ studio, cum Witterici legati finitimas provincias obivissent, bellum in Theodorici caput conflatum. Agiluphus Longobardus, Clotarius verus Theodorici hostis, Theo-

dobertus Austrasie Rex fratris injuriis provocatus, adulterio ipsum conceptum jactare soliti, ad commune sœdus accessere. Theodoricus animi ferocia fracta, cum tantum periculi bellique esset in manibus, ditionis parte concessa, fratrem sibi conciliavit: & nimirum natura compellebat, ut ei potius faveret, quam externas injurias vindicaret. Omnino eo præsidio detracto cæteri consœderati conquieverunt, bellique apparatus gravissimi continuo dissipatus est: ex eoque adverso successu, Wittericus cum despectui esse cœpisset, erumpente odio, quod in subditorum animis diu hæserat, & revocandæ Ariani perfidie, cujus factionis, ut arbitror, viribus Rex evaserat, consilia agitare fama vulgaverat; à populo in regiam improvise impetu facto, inter prandendum trucidatus est. Occisi corpus per plateas unco tractum à conjuratis, atque inter populi convitia sœdaturis modis omnibus in ignobili loco est tumultatum. Ea calamitate Liuvæ innocentis necem exolvissè creditus est: & precipuo documento persuasum divinam ultionem, tametsi aliquando se esse consuevit, nunquam irritam videri.



610 Gundemarus Witterico occiso Gotthorum regnum continuo obtinuit salutis anno sexcentesimo decimo: an conjurationis princeps regnandi spe tantum facinus suscepit: an procerum suffragiis cum bello paceque prudentia esset singulari. Francorum viribus adjutum arbitror (licet enim in rebus tam dubiis hallucinari) qui Witterico insensu erant Regem factum: argumento vestigialis annui quod Francis à Gundemaro solvi consuevisse satis constat ex Bulgarani Comitis Galliam Gothicam pro Rege ea ætate gubernantis litteris: quæ ad hanc diem Compluti & Oveti inter veteres schedas librorumque servantur. Unde præterea intelligitur Gundemari legatos à Francorum Regibus semel violatos, sacros etiam inter gentes barbaras. In quo et si commississe videbantur ut hostium loco essent, nova missa legatione Hispanis oratoribus, ne conveniendi quidem Reges potestatem fassam. His injuriis Bulgaranus animo commotus, Teodorici oratores aditu Hispaniæ prohibuit: & cum ad bellum spectaret, correptis repente armis Iubinianum & Corneliacum oppida, quæ ex fodere à Reccaredo cum Francis inito Brunichildi cesserant, in Narbonensi Gallia,

pulso Francorum præsidio ad Gotthorum potestatem revocata. Ea ne Francorum armis repeterentur Brunichildis morte factum arbitramur non multo post consecuta, nulla ex se prole superstita. In Hispania Gundemarus Vascones imperio denuo rebellantes, Ducesque & copias, quibus Romani limitis custodia in Hispania credita erat, prospero belli eventu exagitavit, salutis anno sexcentesimo duodecimo, Toletique ex morbo obiit. Regnavit annum unum, menses decem, dies tredecim: ex Hilduara uxore nullam, quod sciat, prolem reliquit. Quo tempore Romanam rempublicam in Oriente Heraclius Phocæ successor obtinebat. Ecclesiam Romanam post Gregorium, Sabinianum, Bonifacium III Bonifacius eo nomine IV. gubernabat. Ecclesiam Toletanam Euphimii, Tonantii, Adelphii successor Aurasius studiis litterarum doctrinaque animi magnitudine & probitate cum quovis priorum comparandus. Eo Pontifice atque adeo primo anno regni Gundemari, viginti quinque Præsules ex variis Hispaniæ partibus Toletum convocati in causa Toletani Episcopi, & Episcoporum provinciæ Carthaginensis, conventu coram Rege, ejusque jussu habito disceptant. Euphimius enim Toletanus Præsul in superioris To-

612
letani

letani concilii actis se Metropolitanum per imprudentiam dixerat provinciae Carpetaniae. Reliqui Praefules Carthaginensis provinciae, quae regionibus multo latior erat, Euphymii subscriptionem vertentes ad occasionem libertatis, ecclesiae Toletanae parere recusantes, ad dicendam causam vocati, sententiam mutare compulsi sunt: cum secundum Aurasii iura, tum à Rege pronunciatum esset, tum ab Episcopis; in quibus Leandro fratri jam defuncto successor Isidorus Hispalensis, Innocentius Emeritenfis, Eusebius Tarraconensis, & praeter hos, nisi codices sunt vitati, Benjamin Dumiensis erant. Quam sententiam separato codicillo Carthaginensis provinciae Praefules quindecim, quorum res agebatur, confirmarunt. Protogenes sanctae ecclesiae Segontinensis, Theodorus Castulonensis, Minicianus Segobienfis, Ste-

phanus Oretanus, Jacobus Mentefanus, Magnentius Valerienfis, Theodosius Eravicensis, Martinus Valentinus, Tonantius Palentinus, Portarius Segobrienfis, Vincentius Bigastrienfis, Eterius Bastitanus, Gregorius Oxomensis, Praesidius Complutenfis, Sanabilis Elotanus. Unde intelligitur Toletani Metropolitaniditione multo plures ecclesias olim quam nostra aetate contineri. Nam de Primatu, quem in omnes Hispaniae ecclesias obtinet, neque nunc disputamus, neque tunc de illo suscepta erat disceptatio. Ex Montani haud dubium tempore olim Toletani Episcopi, conventu in ea urbe habito jus in omnes Carthaginensis provinciae ecclesias Praefulibus Toletanis datum, ipsi quorum causa agebatur consentunt: ut hujus conventus acta & horum Episcoporum sanctio manifeste declarant.



CAPUT III.

Sisebuti regnum.

GUNDEMARI funere solenni ritu, multorumque lacrymis procurato, eorum videlicet qui aegre ferebant virum bonum, Principem excellentem, & in summa magnitudine animi, multa humanitate temperatum tam brevi occidisse: Sisebutus procerum suffragiis in defuncti locum cooptatus, bonorum dolorem

Tom. I.

magna ex parte mitigavit, haudquaquam ignorantium quantum in novo Rege esset animi, quantum consilii. Belli & pacis artes eximias, religionis amor, atque litterarum studia illustrabant. Erat enim Latini sermonis non expers, res iis temporibus comparanda miraculo: extantque ejus ingenii monimenta epistolae aliae quot,

Ecc

quot, & D. Desiderii Viennensis Episcopi vita (si tamen ejus est, & non potius alterius Sisebuti, quod magis puto) Theodorici Burgundi Regis, cum tanti viri liberas increpationes non ferret, jussu interfecti; vi lapidum cerebro comminuto. Extat Granatula epitaphium in rudi lapide incisum Amatoris Episcopi defuncti anno sexcentesimo quartodecimo, quem Sisebuti regni annum secundum facit: & nimirum is lapis ex veteris Oreti ruinis adfectus creditur, ab oppido Granatula distiti duobus tantum milibus passuum. Conceptum de suis virtutibus spem, brevi Sisebutus auxit, illustravitque, Asturibus & Rucconibus, qui locorum natura confisi novo imperio rebel- larant, brevi domitis parereque compulsi, utrumque Flavii Suinthilæ ductu & virtute: unde illi ex aliquanto inter- vallo ad regnum Gothorum gradus. Rex ipse Romanorum reliquias toties resur- gentes ad veterem Suinthilæ exercitum novis copiis adjunctis, quas magnis delectibus tota provincia habitis con- stavit, novo bello persequi constituens atque in eorum fines invecus bis acie victorex- it: & non paucas urbes illis eodem victoriæ cursu creptas in suam potestatem redegit, ad fretum nimirum Gaditanum & Oceani littora, ubi Baticæ & Lusita- niæ pars in Romanorum ditione erat. Atque ita viribus hostes debilitavit, ut vix haberent ubi consisterent in Hispa- niâ. Victoriæ gloriam clementiæ laude illustravit hostibus magno numero, cum ab ipsius militibus capti essent, in liberta- tem restituit. Id religionis commercio datum; redemptionis pretium ultro mi- litibus ex regio ærario numeratum. Cæsarius Patritius rem Romanam in Hispania gubernabat. Is suarum rerum desperatione, & quoniam parum spei erat propter locorum longinquitatem He- raclium Imperatorem auxilia opportune missurum, ultro Sisebutum de pace com- pellare constituit. Ejus impetrandæ le- vis quidem, opportuna tamen sese obtu- lit occasio. Cæcilius Mentelinus Epif- copus vitæ tranquillioris studio, ecclesiæ administratione relicta sese in monachorum collegium abdidit, quod situm fuisse arbitror in Romanorum ditione. Eum à Rege ad dicendum causam de- fertæ ecclesiæ vocatum Cæsarius, quo-

niam à suis retinebatur, ultro ad Regem deducendum curavit. Rei perficiendæ cura Ansemundo legato demandata; in- junctum præterea ut de pace ageret: da- tæque in eam sententiam litteræ, quibus secundum salutem Regis animum ad pa- cis cogitationem provocare contendit, parceret innoxio Christianorum sangui- ni, cujus copia Hispaniæ agri pluviarum instar in stagna redundabant. Cæcilius Episcopum regiæ benevolentiæ conciliandæ studio mittere: arcum amoris pi- gnus, tenue quidem donum si ex rei natura metiatur, magnum si ex mittentis voluntate pensaret. Grata hæc lega- tio Sisebuti fuit. Itaque ad pacem pro- clivis Theodoricum legatum ad Cæsarium misit cum litteris, quem ille adjunctis aliis legatis, quo pax esset constanter, ad Im- peratorem transmittendum curavit. Erat Heraclius natura deditus astrologorum & ariolorum vanitati. Ab iis intellexerat metum ingentem impendere Christianis à gente circuncisâ. Quod de Sarrace- nis debuerat de Judæis interpretatus, na- tionem illam omnibus modis vexa- tam; extra imperii provincias expule- rat: nactusque opportunitatem adven- tu Theodorici legati saviendi amplius, pacis legibus de quibus in Hispania con- venerat facile assensum præbuit: modo ejus exemplo Sisebutus induceret in ani- mum Judæorum gentem imperiis omni- bus exitialem ex universâ Hispania pelle- re. Ea re sibi nihil gratius fore, nulloque officio amplius benevolentiam conciliari posse: id ut faceret vehementer se etiam atque etiam rogare. Heraclii auctoritate & hortatu, non quod ille cupiebat modo Judæi ex Hispania pulsi sunt, universæ- que adeo Gothicæ ditionis finibus prohibiti: sed etiam minis & suppliciis coacti religionem Christianam sacraque suscipere. Quod in Christianorum mo- ribus nefas est, quequam malo cogi ad professionem veræ pietatis; neque tunc Sisebutus factum temere usurpatum pruden- tioribus probavit, ut Isidorus est auctor. Extant in Gothorum legum volumine geminæ de hac re leges quarto regni anno à Sisebuti promulgatæ; quod Episcoporum judicio decerni præstitisset, id Rex ad suum arbitrium revocavit: cum juris inter homines Reges sint ju- dices, religionis Pontifices, quorum sen-

sententiam de re tanta expectare æquius profecto fuerat. Verum regii conatus tanti sunt. Plerique metu Regis, nostri facti: quidam ex animo, pars multo maxima simulate: non pauci ex fuga evasere in Galliæ partem eam, quæ Franco-
rum imperio parebat. Hi quoniam juncti veteribus suæ sectæ incolis ingentem numerum efficiebant, Sisebuti exemplo Heraclii auctoritate (& commodum Servatius & Paternus oratores Constantino-
polim venerant ex Gallia) quod in cæteris provinciis præstitum erat cupientis in Gallia observari: Judæi omnes ex ea provincia discedere post aliquot annos compulsi: Dagoberti Regis edicto capitale fore facientis, nisi cuncti intra certam diem mortales Christianæ religionis cultum tota ditione susciperent. Plures exilio solum vertere maluerunt: reliqui temporis servientes veræ pietatis cultum aut simulando aut amplectendo incolumes manserunt. Ita gentem flagitiosam & Christi Dei sanguine pollutam, divina ultio novis toto orbe calamitatibus per hæc tempora exagitabat; verum externa mittantur. In Hispania pari decernendi libertate Eusebius Barcinon. Episcopus loco à Rege motus est, ut ipsius Sisebuti litteræ declarant, substituto alio: quod in theatro quadam ab histrionibus agi concessisset, quæ ex vana deorum superstitione traducta, aures Christianæ abhorre videbantur. Regis videlicet auctoritate, disciplina ecclesiastica revocabatur. Cujus studio Hispali octo Episcoporum conventus habitus est, Sisebuti regni anno septimo, Isidoro Præsidente. In eo conventu Acephalorum secta explosa est, quæ pridem in Oriente compressa, in Hispania resurgere cœperat, Syri cujusdam Episcopi opera & fraudibus; quo à Patribus convicto, & sectam palam abdicare coacto, singulorum Episcoporum diœceses de quibus erat disceptatio certis finibus circumscriptæ. Virginibus sacris virorum colloquio interdictum: ipsique adeo collegii præfectæ vetitum præter Abbatem & eum monachum, cui virginum cura esset demandata, quempiam

alium è monachorum numero convenire: ac ne hos ipsos quidem sine arbitris alloqui datum, & de rebus tantum divinis. Interfuit cum Episcopis concilii actionibus Rector rerum publicarum Sifisellus, ad veterem exemplarium fidem vulgata lectione, ubi Sisebutus legitur castigatus. His rebus intentum Regem, atque de republica & religione bene mereri pergentem mors oppressit, salutis anno sexcentesimo vigesimo primo. Regnavit annos octo, menses sex, dies sedecim. De mortis causâ varii rumores jactati; quidam pharmaci salutaris quidem, sed ultra mensuram præbiti copia extinctum putarunt: alii dixerunt, medicorum fraude venenum pro medicamento propinatum. Et nimirum in magnorum Principum obitu, multa fingi credique consueverunt: eorum præsertim qui præclaris actionibus subditorum voluntates sibi conciliarunt. Defuncti funus non magis suorum cura celebre fuit, quam amore civium & verissimis totius populi lacrymis. Extat Toleti ad Tagi ripam suburbanum templum D. Leocadiæ nomine, quod hoc tempore male materiam ruinæ aperte minatur, à Sisebuto eleganti opere edificatum; sic vulgo persuasum est. Omnino Rodericus Præsul Toletanus, templum Leocadiæ nomine Toleti à Sisebuto extructum fuisse ait. Proditur præterea Sisebuti disciplina classes à Gothorum gente comparatas: ut qui catenus terrestria bella prospere gesserant, navigandi peritia ex Themistocleo instituto maris imperium obtinerent: cui cætera parere usu exploratum est; & sortassis de Africa cogitabant, Romanis propemodum pulsus ex Hispania. Nam Mahometem novæ superstitionis specie victoriis Asiam & Africam cum hustrasset, trajecisse in Hispaniam, atque Isidori auctoritate metuque Corduba fugatum, pro vano repudiamus: neque cum ratione temporum conveniens, neque externis historiis consentaneum: tamedsi nonnulli ex nostris scriptoribus id affirmare non dubitarunt, pudenda homines securitate.



Sisebuti filius Reccaredus, ætate puer tribus mensibus à morte patris regnasset atque regni mole sustinenda impar, cum defunctus est, nulla præterea re gesta.



C A P U T I V.

Suintila & Reccimirus Reges.

SISEBUTO & Reccaredo morte sublati, Suintila procerum suffragiis rempublicam gubernandam suscepit. Res superioribus bellis præclare gesta, & Reccaredi patris memoria gentis benevolentiam conciliarunt, ut unum in primis dignum

gnum judicaret, cui Gothicum impetrium demandarent. Plurimum audaciæ inerat, neque consilii minus: laboribus neque corpus fatigabatur, neque vincebatur animus: tanta præterea munificentia in eos quos res asperæ fatigabant, ut vulgo Pater pauperum vocaretur. Vascones ferocem gentem & barbaram, atque novi imperii occasione denuo tumultuantem, correptis præterea armis Tarracoenfis provinciæ fines ferro flammaque vastantem, sua tantum præsentia ex superioris videlicet belli memoria conterritos, compulsi deditionem facere; admissos in gratiam urbem Ologitum suis sumptibus ædificare mandavit, ut compedum instar esset, & novarum rerum studium frænaretur; præstare ejus rei facultate carere, quæ toties tentata infeliciter cessisset. Eam urbem quidam Oslitum fuisse arbitrantur in Navarra finibus. Secundum Vasconum bellum Romani, qui superioris sæderis beneficio magis quam suis viribus nitebantur, Hispaniæ possessione decedere sunt compulsi: in qua septuaginta amplius annos Lusitanis & Bæticæ partem ad utriusque maris oram alternantibus sæpe ditionis finibus obtinuerant. Qua de causâ Eboram nonnulli affirmant à Gothis magnis operibus munitam, ubi geminæ turres firmissimæ structuræ monstrantur, Sisebuti Regis (sic ducta per manus opinio habet) opus: ut quoniam in utriusque ditionis finibus sita erat, propugnaculi instar esset arcisque fortissimæ ad hostiles Romanorum incursiones arcendas. Tanto tempore ut Romanorum imperium in exigua Hispaniæ parte tenuerit, Africæ vicinitatem fecisse credimus, novas, indies copias supplementi causâ mittentis: quo præsidio per hæc tempora destituti, cum tantum belli esset in manibus adversus Mahometis arma, facile Gotthorum virtuti cesserunt. Duo Patricii, qui ad utrumque mare pro rata portione res gerebant pro Romanis, in Regis potestatem venerunt; alter industria Regis in partes attractus, virtute alter & armis superatus est, cum vim repellere pararet. Res tantæ intra quintum regni annum à Suinthila perfectæ; quo anno nimirum à Christi ortu 646 sexcentesimo vigesimo sexto, stabiendiæ successione in familiâ studio, Rechimirum filium regni consortem declaravit,

Tom. I.

in minori atque adeo puerili ætate paternas atque avitas virtutes ab eximia indole representantem. Quare quoniam in eo Gotthorum mores & jura evehebantur regia potestate facta hæreditaria, quæ procerum suffragiis veteri instituto deferrebat, gentis voluntates abalienatas arbitror. Et constat ex hoc tempore virum paulo ante summum, nullum Regem fuisse: republica perturbata vis & audacia dominabatur. Neque prius conquievit provincialium animi, quam Suinthilam & filium de regni gradu & fastigio deturbarent. Quæ causâ Isidoro fuit Gotthorum historiæ, quam ad hunc annum perduxit, non amplius proferenda; nimirum nobilissimi paulo ante Regis, & propinqui proba & calamitatem litteris vulgare recusavit. Neque tutum erat reipublice vulnera, tanquam desperatæ curationis carcinomata stylo contectare; motus intestinos atque gentis prodiones memoria propagare consilium non fuit. Illud præcipue in Suinthilæ moribus vituperatur, quod pulsus ex Hispania hostibus & publica pace fundata, vitis animum contaminavit: nobili documento sciens, esse difficilius animi cupiditates tenere in rerum omnium potestate, quam armis & virtute hostes vincere. Theodora uxor, Sisebuti Regis filia ut quidam arbitrantur, & Agilanus frater, quibus sese & rempublicam gubernandum tradiderat, magnam illi invidiæ qua flagrabat partem consulant, hostiumque partem maximam illo pacis tempore adjunxerunt. Toletanam ecclesiam Aursii successor Helladius Suinthilæ regno gubernabat, vir prudentiæ, modestiæque, & eruditionis laude cumulatus à cupiditate omni remotus, magni præterea laboris summaque constantiæ. Juvenis supremo Gotthorum magistratu abdicato, erat enim Rector rerum publicarum excolendi Christianis virtutibus animi cupiditate in Agalieni monasterio Toleti monachum induit. Unde cum monasterii Abbas brevi evasisset, Regis Sisebuti auctoritate ad ecclesiæ Toletanæ regimen translatus est, non magis suis virtutibus illustri, quam Illesonensi institutione: quem in Diaconorum numerum cooptatum ex aliquanto intervallo successorem habuit. Et verisimile est Helladium suorum temporum perturbatione commotum animo,

Fff

vita-

vitaque traido extinctum: nam quo tempore Sisenandi proditione an rebellione Suinthila sublatuſ est, & ipſe in vivis eſſe deſiit Juſto ſucceſſore. Erat Siſenandus vir magno animo, neque minus domeſticis copiis inſignis, quam belli artibus clarus. Is regnandi ambitione corruptus, neque id quibus modis aſſequeretur quidquam penſi habens, & Suinthila Regis odio contemptuque, quem publica gentis invidia flagrare conſiderabat, in Francium ad Dagobertum Regem proſectus, Regis tui evertendi cupiditate incenſus auxilium impetravit. Habere ſe totius provinciæ ſtudia excitata, ſed metu prohiberi ne rem tantam abſque externo præſidio inchoarent. Suinthilam Regis nomine exercere tyrannidem vitii omnibus obnoxium: neque unquam in terris monſtrum fuiſſe ullum tam ex contrariis & inter ſe pugnantibus naturæ ſtudiis cupiditatibuſque conſtatum. Abundantius & Venerandus firmiſſimas Burgundionum copias Cæſarauguſtam duxere. Gotthi proceres qui voto cum Siſenando ſentiebant, palam Gallici auxilii fiducia à Suinthila deficientes cum, Rechimirum filium, & uxorem regno expulerunt.

Quidam Suinthilam & filium Toleti ex morbo deceſſiſſe affirmant; concilii quarti Toletani acta huic opinioni reſiſtunt; unde præterea intelligitur Agilanum Suinthilæ fratrem Siſenandi partes haudquaquam ſyncera fide fuiſſe ſecutum: ex Francorum hitoriis Dagoberto Regi decem pondo auri appenſa, quæ ad D. Dionyſii abſolvenda attributa ſunt. Rege Suinthila Joannes Cæſarauguſtanus Epicoſopus Maximi ſucceſſor, vitæ probitate, eruditionis laude, atque benignitate in pauperes unus maxime per hæc tempora celebratur. De ratione celebrandi Paſchatis librum ſcriptum reliquit. Joanni æquales, Vincentius & Ramirus fuerunt: Vincentius in S. Claudii Legionenſis, Abbatis munere fungens, Arianorum ſecta, quæ ſopita videbatur reſurgente, deſenſe veræ religionis ergo ſanguinem fudit. Corpus ejus in Hiſpaniæ vaſtatione generali Ovetum migravit. Ramiri oſſa in S. Claudii Legionenſis monaſterio, ubi monaſticam vitam exegit, ad latus aræ maximæ ſacello tumuloque dicato ſervantur. Regnavit Suinthila decem annis: regno pulſus eſt ſalutis anno ſexcentefimo trigefimo primo. 631



C A P U T V.

Sisenandus Rex.

SISENANDVS in ea temporum perturbatione & rerum omnium collu-

vione conſiderans, ſciſſis provincialium ſtudiis pro ſe & adverſus æmulum, regnum

gnum diu stare non posse: optimum judicavit fore religionis prætextum popularibus obtendere: quo nihil est in speciem fallacius. Ex tota ditione septuaginta circiter Præsules convocati Toletum ecclesiasticæ disciplinæ, quæ vitio temporum collapsa erat novis legibus adstringendæ videlicet causâ, (sic fingeatur). Major tamen cura suberat ut Suintilæ actionibus Patrum decreto reprobatis, qui ejus partibus erant addicti posito factionis studio animos ad concordiam revocarent. Ad quintum Decembris diem ejus seculi anno trigésimo quarto, in D. Leocadiæ primus conventus est habitus. Erat is annus tertius ex quo Sisenandus Rex cœperat regnare. In eo conventu novus Rex genibus nixus coram Patribus, humillimoque totius corporis habitu, inter singultus & lacrymas, quæ ex oculis copiose manabant preces pro se divini numinis propitiandi causâ fundi petiit: quorum causâ convenerant, sancirent suis decretis disciplinam ecclesiasticam. Regis oratione animati Patres synodos Episcoporum, quos quotannis per provincias haberi volebant, celebrandi formam rationemque præscribunt. Patres sedendo atque sententias dicendo consecrationis antiquitatem sequuntur. Patrum voluntate, proceres quos interessè visum erit ad conventum admittuntur. Summo mane templi, ubi conventus est habendus, januæ clauduntur, una excepta Patribus admittendis, adhibita præterea janitorum custodia. Proponendi ea de quibus à Patribus disceptandum erit, Metropolitanus jus est: de privatis causis referre Archidiaconi partes. Missale & Breviarium unum esto in Hispania. Ejus rei perficiendæ cura, quoniam Isidoro, qui primas partes in eo concilio tenuit, creditur esse demandata, usus obtinuit ut Missale & Breviarium Mozarabum, hoc est, ex antiquo Gothorum more conservatum, sacrorum precumque diurnarum & nocturnarum ritus, Isidoro tribuantur; tamen nonnulla Leander invenit, plura progressus temporis addidit. Ante Epiphaniæ festum quoto die Pascha sit celebrandum sacerdotes inter se communicant. Metropolitanus sibi contributis ecclesiis idem litteris significanto. Liber Apocalypsis Joannis Evangelistæ inter li-

brós sacros numerator. Calæciæ ecclesiæ reliquæ Hispaniæ instituto cereum paschalem sacra caremonia & precatone lustrant. Neque Episcopi neque presbyteri ante trigésimum ætatis annum, & qui se populo probarint iniurant. Judæos amplius ad religionis Christianæ professionem cogere nefas esto. Qui Sisebuti Regis compulso susceperunt in dacta fide perstant. Judæi, quique ex eorum sanguine sunt prognati ad publicos magistratus ne admittuntur. Viri sacri non vericem tantum sed caput totum capillis in coronæ figuram conformatis radunt. Nullus ad regnum accedit nisi procerum & Antistitem liberis suffragiis. Sacramentum Regi datum ne violator. Reges concessa ad salutem, potestate ne ad tyrannidem abutuntur. Suintila, ejus uxor, filii, & frater diris devoventor ritu Christiano, ob ea quæ impie & crudeliter gesserant regia abusi potestate. Nimirum Patres eo decreto regnum Sisenando confirmare cupiebant: & in posterum documentum statuere, ne quis eorum amenciam vellet imitari. In qua sententia illud paulo crudelius videri possit, quod ad liberos quos ætatis innocentia debuit excusare, poena pervenit; sed id & antiquum est, & ab omnibus usurparum; quo nimirum liberorum caritas cum republica fortius devinciret patres, & ab omni cogitatione scelerum retardaret. Metropolitanus hoc ordine propriæ manus signo concilii decreta confirmarunt. Primus Isidorus Hispanensis, deinde Selva Narbonensis, tertio loco Mausonæ. Innocentii, & Renovati in ecclesia Emeritenfi successores Stephanus; post hunc Justus Tolitanus, qui omnibus sermonibus solitus, Helladii prædecessoris mores actionesque carpere, ob morum asperitatem à suis clericis in lecto, constrictis faucibus suffocatus perit, tertio pontificatus anno, ac ferme statim post solum hoc concilium Toletanum. Quintum locum Julianus Bracarenfis occupavit, postremum Audax Tarraconensis: de reliquis Præsulibus non existimo fore laborandum. Pimenii tamen Alsidoniæ Episcopi, quem huic concilio interfuisse subscriptio propriæ manus declarat, nomen ad hanc diem expressum cernitur, tum in ea urbe in D. Jacobi templo, tum ad Mellariam secundo ab eo municipio lapide in

D. Ambrosii, quod ad maris litus situm est; nimirum utrumque templum Pimenius ex ritu Christiano sacravit. Legum Gothicarum volumen, quod vulgo Forum Judicum dici consuevit, in hoc quarto Toletano concilio editum fuisse, viri eruditionis laude & eruendæ antiquitatis diligentiâ præstantes, non exiguo numero persuadere conantur, Isidori potissimum opera Regis Sisenandi auctoritate; quod & per vetustis earum legum codices adscriptum initio habent, leges eas in concilio quarto Toletano esse in unum corpus collatas. Alii malunt eam diligentiam & laudem ad Egicam, qui in postremis Gothorum Regibus ponitur, ablegare: quod con-

sequentium Regum nomine plures in eo volumine leges extant; cum ab exiguo principio in justum volumen temporis progressu crevisse verisimilius videatur. Circumfertur præterea vulgo brevis celebrandi concilia formula Isidori nomine, quam nonnulli existimant ex hujus concilii actis confarctatam, adjunctione multarum rerum, quæ ex aliis conciliis decerpæ sunt. Isidori autem nomen adscriptum conciliandæ auctoritatis causâ; commentum probabile, quod cæteris deferentibus, primas in eo conventu partes tenuit. Verum de his quisque ex suo judicio statuat; nobis argumenta in neutram partem assensum necessario exprimere visâ sunt.



C A P U T V I.

Chintila regnum.

SISENANDUS Rex & Justus Toletanus Præful, conjunctis ferme funeribus sublati sunt; vigesimo omnino die postquam Justus à suis est interclusa anima suffocatus, Sisenandus ex morbo Toleti obiit, anno sexcentesimo trigésimo quinto. Regnavit annis tribus, mensibus undecim, diebus sedecim. In ejus locum Chintila procerum & Antistitum suffragiis, ut in superiori conventu cautum esse memoravi, Rex creatus est. Justus Pon-

tificatum Eugenius eo nomine secundus obtinuit, & suis virtutibus & Isidori Hispanensis amicitia clarus. Ex quo cum aliquando quæsisisset, an superioris sententiam, qui potestate inferior est solvere posset: & an Apostolos judicaret pari præditos fuisse potestate, litteras ad eum hoc exemplo dedit. „ Domino carissimo & „ virtutibus inclyto Eugenio Episcopo „ Isidorus. Vestræ sanctitatis litteras per „ nuncium suscipiens Verecundum, re- „ rum

rum omnium conditori grates impen-
dimus, quod ecclesie sue sanctae men-
tis & corporis vestri valetudinem con-
servare dignatur, atque ad inquisita
promodulo parati satisfacere, exora-
mus orationum vestrarum suffragiis ab
aerumina opprimentibus à Domino
sublevari. Verum quod in quibusdam
questionibus venerabilis vestra frater-
nitas, licet vos non ignoretis, me
compulsi respondere: quod majo-
ris sententiae innodatio nisi in mortis
articulo à minori nequaquam valeat
enodari, sed potius ab inferiore pro-
lata à superiore jure mediantē cles-
tur, orthodoxi Patres quidem Spiritus
sancti auctoritate praevia sanxerunt:
aliter autem quolibet astruente sicut est
vestra prudentia cognitum, pravum
suboriatur exemplum, scilicet gloria-
tio securis, contra eum qui fecit in ea.
Quod vero de paritate agitur Aposto-
lorum, Petrus praeminet ceteris,
qui à Domino audire meruit: Tu vo-
caberis Cephas, tu es Petrus &c. &
non ab alio aliquo, sed ab ipso Dei
& Virginis filio honorem Pontificatus
in Christi ecclesia primus suscepit.
Cui etiam post resurrectionem filii
Dei, ab eodem dictum est, Pasce
agnos meos, agnorum nomine Ec-
clesiarum Praelatos notans. Cujus di-
gnitas potestatis & si ad omnes ca-
tholicorum Episcopos est transfusa,
specialius tamen Romanus Antistes
singulari quodam privilegio, velut
caput ceteris membris celsior perman-
et in aeternum. Qui igitur debitam
ei non exhibet reverenter obedi-
entiam, à capite sejunctus acephalifmo
se reddit obnoxium. Quod sicut il-
lud S. Athanasii de fide sanctae Trini-
tatis sancta ecclesia approbat, & cus-
todit quasi fidei catholicae articulum:
quod nisi quisque fideliter firmiterque
crediderit, salvus esse non poterit.
Hac vestre dulcissimae caritati breviter
praelibavi considerans illud Philosophi,
Pauci sufficiunt sapienti. Vale. Hu-
jus epistolae fragmentum ante quadrin-
gentos ferme annos Lucas Tudenfis ei
disputationi inseruit, qua Albigenium
sectam vires in Hispania colligentem,
docte & eleganter exagitantam suscepit.
Ad Regis Chintilae actiones redeamus:

Tom. I.

quem Sisenandi fratrem germanum non-
nulli fuisse arbitrantur, utrumque ex Suin-
thila natum. Verum huic opinioni ma-
jori eruditione & numero resistunt alii ex
quarti concilii Toletani actis: ubi Suin-
thila memoria multis ignominis sedatur,
quod filio praesente ausuros Patres
haudquaquam fore, non inepta prorsus
conjectura arbitrantur. Illud constat
Chintilam suscepta regni administratione,
metu intestinae discordiae, Sisenandi
exemplo novum Episcoporum conven-
tum habendum curasse: Patribus nimi-
rum cupiebat suam electionem inaugura-
tionemque probare. Longum videba-
tur ex universa ditione long confluere
omnes Praesules expectare. Patres duos
& viginti, ac ferme ex provincia Cartha-
ginensi Toletum intra primum Chintilae
regni annum convenerunt; qui annus à
Christi ortu fuit sexcentisimus trigessimus
sextus. In D. Leocadiae conventus ha-
bitus est. In eo novem omnino leges
sunt promulgatae, atque lege proxima
sanctum, Idibus Decembris quotannis
Litaniae ex ritu Christiano triduo cele-
brari. Susceptum intra pietatis officium
veteri Ecclesiae more, ut adventante
Ascensione supplicationes Deo fierent
pro terra frugibus, in seiva luporum ra-
bie Mamercus Viennensis lapsum ve-
terem disciplinam addito jejuniis novis-
que precibus instauravit ante annos
ferme ducentos: quod aliae imitaren-
tur provinciae. Gregorius Magnus
proximo seculo gravissima peste Ro-
mae procuranda D. Marci festo die similes
supplicationes haberi quotannis san-
xit. Vinci se Hispania non est passa in
eo religionis studio; ad alia duo anni
tempora, quae in Gerundenfili concilio
decreta diximus iis supplicationibus per-
agendis, novo instituto Patres Tole-
tani conventus mensem Decembrem Li-
taniis celebrandis dicarunt; pro nul-
lo commodo aut periculo temporario,
sed venia delictorum, quorum erat
magna licentia impetranda, ob idque
majori religione remedium excogita-
tum. Aliae ejus concilii leges minutae
sunt: quippe Chintilae Regis electione
confirmanda consumuntur, atque filio-
rum ejus patrocinio: quos ab omni in-
juria, defuncto etiam patre tutos fore
mandabant; ac nominatim lege de

Ggg

ambi-

ambitu diris execrationibus sancitum; ad regnum accedere nisi libera electione atque suffragiis: usque tantum qui ex antiqua Gothorum nobilitate nati essent. Preferre autem ante Regis mortem; quoniam tumultum & proditum feminarium erat, nefas haberi mandatum. In eo conventu, quod inter Toletana concilia quintum est, Eugenius Toletanus Episcopus primas partes tenuit: atque actiones concilii his verbis confirmavit. Ego Eugenius Dei miseratione Toletanus ecclesie, provincie Carthaginensis Metropolitanus Episcopus; his communibus decretis annuens subscripsi. Sequitur Tonnantius Palentinus Episcopus, ut perversti codices habent. Post hos Episcopi viginti. Horum Patrum decreta ut totius provincie consensu fixa ratique essent, proximo anno quinquaginta amplius Episcopi ex tota ditione Gothorum à Rege convocati Toletum convenere. Ad D. Leocadiæ templum pratorio vicinum (nunc arci regie conjunctum est, veteris elegantie & amplitudinis vestigia retinens) ante diem quintum Idus Januarii, salutis anno 437 sexcentesimo trigesimo septimo, conventus habitus est. In eo decem & novem leges sancitæ; pars disciplina ecclesiastica constituenda consumitur, pars confirmandis quæ de Rege ejusque filiis superiori conventu decreta erant. Additum præterea ut Rex regno inauguraretur, priusquam conceptis verbis Judæorum genti se haudquaquam

opem laturum juratus: ac ne permissurum quidem, ut quisquam à religione Christiana alienus: tota ditione impune vitam ageret. Selva Narbonensis Episcopus, Julianus Bracarensis, Eugenius Toletanus, Honoratus Hispalensis; Isidori per hæc tempora defuncti successores; conventui interfuerunt. Post hos Protasius Valentinus Episcopus alique Episcopi concilii actis subscripserunt. Braulius Cæsaraugustanus Episcopus, qui Joanni fratri in ea ecclesia succellerat, cæteris deferentibus, propter ingenii eruditionisque laudem, litterarum doctrinaque studia, concilii actiones rexille fertur: decreta, legesque sancillerat. Litteras ad Honorium per hæc tempora Romanum Pontificem dedit: cum illi Patres suas actiones probare cuperent. Eas litteras ob ditionis elegantiam, sententiarum gravitatem, atque structuræ venustatem, magnam Romæ admirationem excitasse Rodericus Præsul est auctor. His conciliis ex sententia celebratis Chintila, magis quam ulla alia re gesta memorabilis fuit: & fortassis hostibus tota ditione pulsus, & pace publica stante res bellicæ sine cura habebantur. Intestini motus Regis diligentia, Patrum auctoritate; cum species religionis obtenderetur, comprimebantur, provincialium voluntatibus omnium ad concordiam pacisque consilia revocatis. Obiit salutis anno sexcentesimo trigesimo nono. Regnavit annos tres, menses octo, dies novem.

CAPUT VII.

D. Isidori vita & mors.

EX concilii sexti Toletani actis Isidorum diem jam obiisse monstratum est, & ex Illesonfi scriptis intelligitur extremo Sisenandi Regis anno, qui à Christi ortu erat sexcentessimus trigessimus quintus; tamen alii ad Chintile regnum de quo proxime dictum est, longævum scilicet vitam propagasse arbitrantur. Leandri, Fulgentii, & Florentinæ virginis, germanus frater fuit; alii Theodosiæ Reginæ addunt Ermenigildi & Reccaredi matris: ætate minimus, animi & virtutum indole patri Severiano, quem

nonnulli Carthaginensis provincie Ducem faciunt, suisque fratribus æqualis: eloquentiæ, doctrinæ, atque ingenii laude multo major; quod vulgati Isidori nomine libri declarant: quorum catalogum Illesonfi & Braulius in ejus vita texerunt. Indicio sapientiæ fuit examen apum in cunis circum infantis os volitans, quod nisi de magnis viris neque credi neque dici solet; tamen in primis annis discendi desperatione ob ingenii tarditatem, simul superbi pedagogi metu è domo paterna aufugisse fertur.

tur. Verum cum erraret per agros putealis aspectu funis usu & attritu excavati, monitus quantæ vires diuturnæ consuetudinis essent, vincique naturam arte & constantia & labore, retro pedem retrahit. Rei gesta monumentum Hispali in D. Isidori cœnobio, pars putealis ex maiore monstratur. Ab his initiis in eam doctrinæ atque eruditionis laudem evasit, qua universam Hispaniam illustravit, catholicæ ecclesiæ, fratribus à Leuvigildo Rege relegatis, adiumento fuit. Multum contulit Leandri sive industria sive astutus; cum ab exilio redisset, Isidorum tunc juvenem, incertum qua de causâ, sed intra conclave tamen inclusit, sublata prorsus vagandi facultate; quod ille otium ad occasionem evolvendi innumeros libros convertit: unde Etymologiarum volumen prodit, quod Braulii horatu, ex indefessa lectione consarcinavit, opus ipsum & varium, atque ea ætate comparandum miraculo. Ex ea custodia non ante est liberatus, quam Leandro defuncto successor ei est subrogatus. Suscepit ecclesiam cum optimis legibus atque institutis temperasset, intelligeret autem inanem omnem curam esse nisi à primis annis cæræ instar ad omnem pietatis partem pueri formarentur, collegium Hispali constituendum curavit, juventute litteris & sapientiæ studiis imbuenda. Unde tanquam ex arce sapientiæ plurimi prodierunt morum probitate & doctrinæ laude insignes. In his Illesonfus & Braulius. Romam Gregorio Magno Pontifice profectum nonnulli affirmant, amicitia videret quæ cum fratre olim inita erat confirmandæ studio; nam quod brevi temporis spacio atque adeo ipsa natalis Christi nocte ivisse & redisse ajunt: geminas præterea candelas ex arte ab ipso confectas in ejus sepulcro Ferdinando primo Rege repertas inextincto lumine; Mahometem Corduba ab Isidoro pulsum addunt, pro vanis repudiamus: cum neque ad tanti viri laudes addant, & cæteris quæ de eo vere commemorantur, fidem abrogare videantur. Quid enim inanius, quam fabulosis commentis velle sanctorum virorum laudes vitamque illustrare? Quid religionis synœritati mendacio extitit? Illud constar, Isidori auspiciis reipublicæ statum optimis legibus gubernatum, ecclesiasticæ disciplinæ instaurandæ causâ

tum Hispali; tum Tolleti aliquot Episcoporum conventus habitos; ecclesiam sibi demandatam quadraginta circiter annos tenuit. In extrema affectuque atate gravissimo morbo implicitus discipulorumque humeris in S. Vincentii templum delatus (Joannes Episcopus & Uparens amicissimi moribundo aderunt) publica peccatorum confessione, atque sacræ mensæ epulo ex Christianorum more conscientiam procuravit; se adeundi toto triduo omnibus qui vellent fecit potestatem; blandissimis præterea verbis universos qui aderant consolatus, eorum quæ commiserat veniam tum ab universo populo interorientibus vocibus, tum à divino numine ardentissima oratione & humillimo tonus corporis habitu postulavit. Demum inter suorum ejulatus, ac universæ civitatis lacrymas extremum spiritum edidit in eodem D. Vincentii templo, pridie Nonas Aprilis: quo die quotannis ejus memoria in Hispania, dicato festo celebratur; nam de anno quo obiit non satis est exploratum; nullum testamentum condidit, quoniam quidquid in bonis erat reliquum, per eos dies egenis erat ejus jussu datum. Romanæ ecclesiæ principatum per totam vitam agnovit, inde sacra petenda, legeque vivendi dictitans; quod cum omnibus sermonibus usurpavit; tum sub ipsam mortem contestatus genti est fore si ab iis, quæ tradita erant, divinis præceptis doctrinaque recederent, ut omnibus malis implicati scelerum pœnas exolverent, de rerum culmine deturbati atque gravissimis ærumnis oppressi; quod si his malis castigati ad sanitatem tandem revocarent animos, majorem quam æthere gloria parta cæcis nationibus superiores evasuros. In utraque re non inanem ratem fuisse superioris temporis memoria cladisque, & nostræ ætatis amplitudo ostendunt; cum imperium Hispanicum videamus olim oppressum ab Witiza Regis impiis & sacrilegis ausus, nunc ab exiguis initiis profectum atque à veteri calamitate resurgens in eam amplitudinem crevisse, quæ ipsius orbis ferme finibus terminatur. Isidoro defuncto Theodiscus natione Græcus ex aliquanto intervallo successor in ecclesia Hispalensi subrogatus est. Hunc nonnulli affirmant Isidori libros multis locis depravatos;

Avicenæ Arabi tradidisse ut in linguam Arabicam conversos ipsiusmet nomine vulgarer; quod de Avicena falsum est. quippe Soriani æqualis testimonio in ipso Avicenæ vita exploratum est, post trecentos amplius annos deinceps vixisse, neque venisse in Hispaniam, sed in Persarum regia vitam omnem propagasse. Sunt qui scribant Bonifacio VIII. Rom. Pon. deliberante de iis qui doctorum ecclesiæ nomine & numero essent cohonestandi: fuisse qui Ambrosio Isidorum præferendum, aut quatuor certe aliis quintum adijciendum judicarent. Opinioni fidem tanti viri eruditio facit: in omni litterarum genere excellen-

tis, & quoniam in eo numero duo Patres Italici generis sunt, nullus ex Occidente. Isidori certe nomine non eodem tempore tres in Hispania viros eruditionis & probitatis opinione excellentes extitisse constat: Isidorum Cordubensem Episcopum, cui ob antiquitatem Senioris cognomentum est: Isidorum Hispalensem, cujus actiones explicuimus: postremo Isidorum Pacensem, qui quod duobus fuit ætate posterior, Junioris cognomen tulit; tametsi nonnunquam ea appellatione Isidorus Hispalensis à Cordubensi fecerni consuevit. Ne te lector idem cognomen in errorem mittat cave.



C A P U T V I I I.

Tulga, & Chindasvintbus, & Recesvintbus.

IN CHINTILÆ defuncti locum procerum suffragiis Tulga subrogatus est, ætate quidem juvenis, cæterum æquitatis atque religionis laude fenilique prudentia nulli posthabendus. Bello strenuus erat, consilio bonus, liberali ingenio, & quæ virtus Regum propria esse debet, præcipua benignitate in eos quos res angustæ vexabant; regias scilicet opes non ad privata comoda, neque ad voluptatum instrumen-

tum, sed ad multorum præsidium, populi que salutem congestas esse considerabat. Verum ab optimis initiis ad summa nitentem, mors importuna præcepsque Toleti ex morbo oppressit, ejus seculi anno sexcentesimo quadragésimo primo, cum rempublicam gubernasset annis duobus, mensibus quatuor. Sigibertus Gemblacensis Tulgam ait, juvenem ingenio levi fuisse, vitiorum licentia suorum animos exacerbas-

dem

mum à subditis regno pulsum. Nobis Illesonsi Præfulis, qui visâ retulit auctoritas potior est, quam externi homi-

nis commentum ex nationis odio, aut ob regionum longinquitatem fama vitia-
ta natum.



Tulgæ obitum Gothorum imperium instar navis rectore defluctæ, ventorumque statui ob noxiæ opportunaque, Flavius Chindasvinctus vi atque armis continuo occupavit, an Tulgæ ætatem despectui habens illo vivo, an Gothorum copiis armatus tantam rem aggressus est: cum jus ferrent in armis, reliqui regni proceres populusque temerarium judicarent, tyrone & subitario exercitu, qualis intestino dissidio conflatur, cum exercitatissimis legionibus signa conferre. Regnum per tyrannidem occupatum bene gessit, inaugurationis vitium totius vitæ probitate, prudentia, atque constantia compensare satagens. Nam reipublicæ statu composito Episcopos ex tota diuione Toletum sexto regni anno convocavit, ut in re præsentis de rebus quæ ad religionem & rempublicam pertinebant maturo consilio disceptarent. Triginta Episcopi conveniunt; vigesimo octavo Octobris die, qui dies Apostolorum Simonis & Judæ memoria sacer est, primus conventus est habitus. In eo concilio, quod inter Toletana septimum est, sex canones editi sunt. In iis ex Valentini concilii instituto, quod Theodo-

rici Regis & Symmachi Romani Pontificis imperio habitum erat, Episcopo cuius animam agenti mandatum è vicinis Episcopis aliquem, qui esset ad id vocatus adesse, defunctique funus præsentem procurare: qui secus faxit, vocatusque venire neglexerit, anathematis ignominia notatus anni spatio è gradu atque dignitate dejecitor. Auctorem habeo, qui controversiam ait inter Hispalensem & Toletanum Episcopos exortam de Primatu, Patrum auctoritate in hoc concilio compositam. Postremo nimirum capite sanxerunt, ex vicinis Episcopis unum aliquem singulis mensibus Toletum venire, sueque præsentia Regiam urbem cohonestare, id Regis dignitati, atque Metropolitanis honori dari affirmantes. Verum ea prerogativa atque honore Primatus dignitatem haudquaquam Toletano Præsuli contributa esse, Patrum subscriptiones convincunt: ubi post Oronium Emeritensem, & Antonium Hispalensem, Eugenius Toletanus, & Protasius Tarracensis subscribunt; sequuntur Episcopi alii antiquitatis ordine; post hos absentium Episcoporum Vicarii; qui & ipsi non consentientes tantum, sed & desinentes sub-

subscribunt novo exemplo, neque à Tridentini concilii Patribus nostra ætate usurpato. Porro Antonius Hispalensis Episcopus in Theodiseli locum successus erat, nuper de gradu dejecti quod cum Græcus natione esset, Græca levitate pravas de religione opiniones in vulgus spargeret Isidori etiam scriptis, quorum facultatem nactus erat, vitatis, uti paulo ante dictum est; quo nimirum major esset auctoritas doctrinæ ab ipso traditæ. Agente Chindasuintho Rege, Patrum auctoritate loco motus, atque ex Hispania præceptis deturbatus, in Africa Mahometis sacra suscepit; usque eo excruciantur mortalium animi hausta semel impietate. Theodiseli casum Chindasuinthus Rex ad occasionem arripiens Regiæ urbis Primatus honore decorandæ à Romano Pontifice impetravit principatus ecclesiastici jura Hispali, ubi hæcenus hæserat, Toletum migrare; sic Toletani Primatus fautores affirmant, neque argumento satis idoneo, neque documento paulo vetustiori. Romanam ecclesiam per hæc tempora Theodorus & Theodori successor Martinus, eo nomine primus obtinebant. Chindasuinthum fama est, & antiqua monimenta declarant, cum studio teneretur Hispaniæ litteris illustrandæ, ad Theodorum Romanum Pontificem ablegasse Tatum Episcopum Casaraugustanum: ut Gregorii Magni commentaria, quibus librum Job ad mysticas significaciones tractatum eleganter explanat, diligenter conquista, atque cum fide descripta secum auferret in Hispaniam. Volumina ad Leandrum, cujus nomine in lucem prodierant, missa (si unquam tamen missa erant) injuria temporum interiisse; teneri maximo desiderio Patris utriusque memoriam ex iis libris instaurandæ, catholicæ pietatis augendæ, ecclesiasticæ bibliothecæ locupletandæ. Rempublicam suis jam nitentem viribus parta pace, profligata impietate, nullam magis illustrari, quam sapientiæ studiis & religionis punctate. Rem utranque ex libris antiquorum Patrum eruendam videri. Regiæ voluntates vehementes sunt, neque id Romani non considerabant. Verum quod in Hispania contigerat, Gregorii libri sermo de memoria hominum exciderant; scripti Ro-

mani schedas omnes & tabularia excutere longum erat. Itaque diem ex die ducere, atque aliam ex alia moræ causam necitare; cum Episcopus, quoniam parum spei erat hominum diligentia impetraturum se quod volebat, ad Deum conversus ardentissimis precibus petiit, ne tantos labores vanos esse pateretur, Regis sui pro pietate conatus præsentis numine adjuvaret; inter has preces integra nocte consumpta, die proxima locum designavit, ubi scripta Gregorii aservabantur; fama tenuit, & ipsemet Taus litteris de ea re testatur ipsius Gregorii indicio atque monitu voti compotem fuisse factum. Per idem tempus Fructuosi nomen in Hispania celebre erat, quod vitam principalem, cum ex regio Gotthorum sanguine esset patre Duce, cum privata atque adeo monastica commutasset. In ipso ætatis flore Tonantii Palentini Episcopi præceptis & disciplina ad pietatis studia conformatus, ætate confirmata, perfectioris vitæ amore ad Virgidunensem tractum (Vierzum vulgo dicimus) in solitudinem se abdidit: ubi monachorum collegium ex suomet patrimonio constituit Justo & Pastoris martyrum nomine; ad Compluticam sub monte Irago, ejus monasterii vestigia monstrantur. Asturicæ, quæ urbs non procul iis locis sita est, inter ejus ecclesiæ sacerdotia Abbas Complutensis locum habet, nimirum consequenti tempore monasterio dissipato. Ex diplomate à Rege Ramiro ep nomine tertio, ecclesiæ Asturicensi concessio constat, Fructuosi monasterium non ipsius tantum patrimonii redditibus fundatum, sed & regia Chindasuinthi liberalitate possessionibus auctum, varique suppellectile exornatum. Extat præterea vicinis locis sancti Petri nomine monasterium alterum amoenis undique montium claustris inclusum Fructuosi opus: cum tantam hominum multitudinem, quanta indies opinione sanctitatis ipsius excitata confluebat, prioris loci angustia non caperent. Valerius Abbas, cujus extat de vana seculi sapientia liber, aliaque monumenta ingenii, tum soluta tum numeris astricta oratione, Wamba Rege, ei monasterio præsuit. Gennadius Episcopus Asturicensis salutis

salutis anno nongentesimo sexto instaurato, edificio amplificavit. Utriusque rei indicio est lapidi incisa inscriptio, in ipsa templi janua, qua aditus in monasterium est. Tertium monasterium Gadibus edificandum Fructuosus curavit, in continenti. Quartum nono ab eo lit-

toze milliari; aliis locis alia, tum virorum, tum foeminarum. Inter eas virgines Benedicte principem locum obtinuit, quod sponso relicto, cui pacta erat, viro inprimis nobili & copioso, ad Fructuosum aufugit conservandae virginis studio succensa.



648 Hæc sub extremam Chindasuinthi Regis ætatem in Hispania gerebantur: quo tempore regnum quod per vim occupaverat, familiæ suæ hæreditarium facere satagens, filium Flavium Reccesuinthum imperii consortem declaravit, salutis anno sexcentesimo quadragesimo octavo: cum ipse solus rempublicam gubernasset annos sex, menses octo, dies viginti. Vixit præterea annos tres, menses quatuor, dies undecim; quod tempus in filii regno ponitur: quod ob præcipitem

atque affectam patris ætatem solus ipse rerum potiretur, & rempublicam universam pro voluntate gubernaret. Obiit Chindasuinthus Toleti quidem ex morbo, aut ut alii tradunt, vi veneni vitalibus corruptis. Corpus autem tum ejus, tum Ricibergæ uxoris in monasterio sancti Romani nomine tumultatum est: quod hodie monasterium secundum Durium annem Taurum inter & Tordefyllam visitur Hormisgue nomine ipsius Chindasuinthi sepulture destinatum opus.

CAPUT IX.

Tria Concilia Toletana.

ECCLESIAM Toletanam per hæc tempora Eugenius eo nomine tertius obtinebat, alterius Eugenii successor, Helladii discipulus. Ex Helladii enim schola tum hic, tum tres alii qui proxime præcesserant Toletani Præsules prodierunt. Is omni litterarii cupiditate antea relicta Toletana ecclesia, ubi honestum lo-

cum inter ejus templi sacerdotes obtinebat, Casaraugustæ ad D. Engratiæ cucullum induit, monasticæ vitæ insigne; inde à Rege Chindasuintho per vim ad ecclesiæ Toletanæ gubernacula extractus est. Ecclesiastici cantus numeros temporum negligentia depravatos, ad meliorem rationem antiquitatisque regulam con-

conformavit. Librum de Trinitate composuit. Dracontii operi, in quo heroico carmine mundi conditionem descripsit, Genesiosque initium eleganter explanavit, diei septimæ explicationem, quæ desiderabatur adjecit. Iis ex versibus, aliisque epigrammatis, quæ ad nostram ætatem conservata sunt, non inelegantis fuisse ingenii, neque prorsus inruditi intelligitur. In iis epigrammatis Chindasuinthi & Recibergæ, quorum beneficium auctus erat, epitaphia extant, crassum aliquid sonantia, magis ætatis vitio, quam auctoris culpa. Sunt qui Eugenium Illelonsi avunculum fuisse affirmant: cui opinioni Illelonsi ipsius scripta & Juliani resistunt, in quibus de re tanta mirum silentium est; nam cælitum numero adscriptum fuisse, tametsi ecclesiæ Toletanæ fasti sileant, nonnulla Martyrologia Novembris Idibus Eugenii nomine adscripto, ei opinioni suffragantur. Illud constat, Eugenio Pontifice Reccefsuinthi Regis opera Toleti Episcoporum conventum ex tota ditione habitum; flagrabat enim Rex catholicæ religionis amplificandæ studio, divinos libros tum ipse evolvere solitus, tum disputationibus de rebus sacris libenter interesse: aurum, gemmas, vestemque pretiosam multam templis donare, divino cultu illustrando non desistebat. Nimirum ut ita faceret, domestica paulo ante defuncti patris exempla excitabant. Episcopi duo & quinquaginta in Petri & Pauli basilica sextodecimo
618 Decembris die, salutis anno sexcentesimo quinquagesimo octavo Toleti concilium habuere, quod inter ejus urbis concilia octavum est. Eo die Rex ad Patres ingressus, paucaque de more præfatus, coram concilio obtulit: in quo fidei catholicæ de scripto concepta professio continebatur. Patres in eo non tantum ut de religione statuerent, quæ ex commodo ecclesiæ futura essent, hortatur rogatque: sed reipublicæ etiam statum temperarent, antiquis legibus nova censura ubi opus esset, additione etiam atque detractioe castigatis. Procures quicunque ex recepta Gothorum consuetudine conventum cum Patribus agitare compellebantur, idem ut facerent obtestatur. De Judæis, qui superiorum Regum compul-

si, religione Christiana suscepta, Judæicos ritus & cæremonias consecrabantur, quid esset statuendum mature deliberarent. Etenim libellus supplex à Judæis Reccefsuintho oblatus, qui inter antiquas Gothorum leges extat, velle se continere, tametsi à Chintila per vim compulsi erant Christi sacra suscipere: sabbatum, reliquasque Judæorum cæremonias abdicare; porcinas carnes ut manducarent adduci non posse, magis stomachi fastidio ob cibi insolentiam, quam quod religione aliqua se ut ita facerent obstrictos putarent; mentis sanitatem satis declarare, cum cibos alios cum his carnibus coctos edere minime recusarent. Regis litteræ in conventu magna Patrum gratulatione recitatæ. Ex iis cum in concilio relatum esset, communi sententia duodecim canones editi sunt. In iis Regis votis copiose satisfactum; insuper vota juramentaue illicita irrita fore sancitum; vetitumque carnibus in Quadragesima, quo tempore ex vetusto ecclesiæ more Christiana jejunia celebrantur, absque evidenti necessitate vesci. Postremo regis exactiones & vestigalia, quorum prætextu ab aliis Regibus in ea temporum perturbatione, cum regnum is occupabat, non qui jure plus poterat sed qui armis, in subditorum fortunas grassatum erat, angustis finibus circumscripta. Considerabant Patres nusquam satis fidam potentiam esse, ubi nimia est: sæpe invidiæ populari imparem fuisse: quæ sunt moderata durare, propriaque esse. Regi Reccefsuintho concessum ea lege paternam bonorum hereditatem cernere, si iis, qui injuria spoliatos esse conquerebantur, auditis causis satisfaceret, pretiumque exolveret, quanta rerum ablatarum esset æstimatio. Orontius Emeritenfis, Antonius Hispanensis, Eugenius Toletanus, Potamius Bracarenfis Metropolitani primas in eo conventu partes occuparunt: secundum hos Præsules alii, atque in his Bacauda Egabrenfis Episcopus, qua in urbe ipso D. Joannis cœmeterio nomen ejus in marmore candido incisum extat, nimirum illius, aut alterius templi unde lapis fuerit advectus dedicatione facta, salutis anno sexcentesimo quinquagesimo, mense Majo. Subscribunt præterea actus concilii Abbates novo exemplo, in quibus
Ille-

Illesofus numeratur. Præterea proce-
res, tum Duces, tum Comites: quo-
rum certe curæ reipublicæ pars aliqua per-
missa erat. Nec mirum: hæc enim
concilia Toletana veluti regni comitia
erant, conventusque generales: ubi non
tantum de religione, sed etiam de repu-
blica communi omnium consensu discep-
tabatur. Post alterum biennium, hujus
655 seculi anno quinquagesimo quinto, no-
num concilium Toletanum Regis dili-
gentia habitum est. Sedecim Episcopi
Kalen. Novembris in basilicam sanctæ
Mariæ Virginis convenientes, de rebus
variis leges septendecim promulgarunt.
In his Eugenius Toletanus cum aliabes-
sent Metropolitani, principem locum ob-
tinuit. Majori aliquanto numero Præsu-
les viginti, consequenti mox anno no-
vum conventum Toleti agitarunt Kalen.
Decembris. In eo conventu Annuncia-
tionis festum, quo die filii Dei nostra
carne induti memoria celebratur quotan-
tis ad octavum Kalen. Aprilis: quoniam
is dies Quadragesimæ celebritate, &
Christi Dei morte commemoranda oc-
cupatus erat, sanctum in diem octavum
decimum Decembris transferri. Expecta-
tionis festum vulgus dicere consuevit:
nimirum temporis longinquitate memo-
ria hominum vitiata, quod ad libros ta-
men ecclesiasticos manavit. Virgines
Deo sacras, quas novo nomine Beatas
Patres vocant, distinctionis gratia flam-
meum nigrum, aut rubrum gestare insi-
gne mandatum. Potamius Bracarenfis
Episcopus, quod libidinis lapsu se conta-
minasset, gradu motus, Episcopi tantum
nomine retento; id temperamentum, sup-
plicii severitati adhibere placuit, quod ip-
se coram libello supplici Patribus ob-
lato culpam ultro confessus esset, se-
que novem mensium spatio cultus vic-
tusque asperitate macerasset, divinæ vi-
delicet misericordiæ impetrandæ studio.
Fructuosus cum pridem ex Compluten-
si Abbate Dumienfis Episcopus esset
factus, in Potamii locum subrogatus Bra-

carensis ecclesiæ à Patribus commen-
datam administrationem suscepit; quam
ob causam actis concilii post Eugenium
Toletanum & Fugitivum Hispalensem,
tertius ipse atque inter Metropolitanos
postremus subscribit. Exorta erat con-
troversia de Martini olim Dumienfis
Episcopi testamento, cujus procuratio
Suevorum Regibus erat à Martino ipso
commendata; in eorum Regum jura
Gothorum Reges sive successerant, si-
ve invaserant. Wamba Palatinus Regis
permisum, quid statuendum in ea re foret
Patres consulit; illi totius controversiæ ar-
bitrium penes Fructuosum, quem novo
honore auxerant, esse voluerunt: &
quod constitueret ipse, id ratum jusque
fore mandant. Fructuosi memoriam ob
eximiam sanctitatis opinionem Bracaren-
ses, Eborenenses, Compostellani populi festo
dicato ad sextumdecimum Kalen. Maii in-
staurare consueverunt. Corpus ejus Du-
mii inter & Bracarum in monasterio ab
ipso exædificato sepulture mandatum, in-
de post quingentos circiter annos Com-
postellam migravit Jacobi Gelmiridis cu-
ra, qui ejus ecclesiæ primus Archiepiscopus
fuit; defuncti virtute multa edita
miracula: quorum partem aliquam Pau-
lus Emeritenfis Diaconus in historiam
contulit, ut à nobis referantur præter
operæ non est. Fructuoso Irene virgo
Lusitana æqualis fuit; ab infano amatore
Britaldo, cum ejus nuptias contempnisset,
interfectæ corpus, quo cædes esset
occultior, in Nabanim projectum, quo
flumine Nabana virginis patria aluitur ad
Scalabim in medio Tagi fluminis, in
quod Nabanis influit, alveo repertum est;
unde divino miraculo in utranque par-
tem dimota: sepulcrumque divino ope-
re fabricatum siccis pedibus qui quæ-
rebant invenisse, memorantur. Ex ea
re virginis religionem iis in locis con-
firmatam amplificatamque brevi fuisse
urbis nomen indicio est, Scalabis ap-
pellatione ex eo tempore in Sanctæ Irenes
mutata.

C A P U T X.

Divi Illesofysi vita.

167 **R**ECESUINTHI regni anno nono,
qui annus à Christi ortu erat sex-
tesimus. I.

centesimus quinquagesimus septimus,
Eugenius Toletanus Præsul eo nomine
tertius

tertius, extinctus est. Illeſonſus Agalienſis Abbas in ejus locum cooptatus, eximia morum probitate; litterarum, doctrinæque ſtudia, atque ex multarum rerum tractatione & uſu collecta prudentia, multum apud proceres & populum commendabant: eviceruntque ut ſuis civibus imponeretur moderator rectorque rerum ſacrarum. Erat enim Toleti nobili genere natus, patre Stephano, matre Lucia. In excelsa atque adeo nobiliſſima ejus urbis parte aedes monſtrantur Illeſonſi natalibus nobiles, (ſic ducta per manus opinio populo perſuaſit, nullo præterea auctore). Eæ aedes cum Orgatii Regulorum conſequenti tempore eſſent factæ, nuper in Societatis Jeſu juſ potestatemque migrarunt; quorum ſtudio effectum, ut quod majorum negligentia prætermiſſum videbatur, in nobiliſſima urbe templum Illeſonſi nomine extaret. Eugenio deceſſori nondum Archiepiſcopo, cum eſſet ingenio non prorfus inſulſo, & ut quidam arbitrantur Illeſonſi propinquus, Illeſonſus doctrinæ cauſa operam dedit. Iſidori Hiſpalenſis Epſcopi fama celebris erat in primis. Ad eum cultus ingenii capiendi ſtudio, Hiſpalim miſſus, in collegiumque cooptatus, quod juvenutis inſtituendæ cauſa ab Iſidoro extructum fuiſſe dictum eſt, viro doctiſſimo expoliendum ſe limandumque permittit. Ab ejus latere non ante diſceſſit, quam omni liberali doctrina excultus, diſciplinæ orbem abſolviffet. Libri multi & varii, quos Julianus fucceſſor in tria corpora ab ipſomet auctore tributa ait, multis ingenii luminibus diſtincti & ſententiarum majestate graves, ſtylum magis redundantem ejus ſeculi vitio, quam caſtum atque nitidum conſectantur. Lis ſtudiis atque totius vitæ tenore cum ſumma omnia polliceretur, ſpretis honoribus ad quos generis nobilitas & vitæ merita vocabant, vitam principalem cum privata atque adeo monaſtica mutare certus, in Agalienſi monaſterio cuculum induit, multum quamvis reluctantante patre, uſque eo dum omnes monaſterii latebras filii veſtigii inſiſtens, perſcrutaretur: cujus ille diligentiam eluſerat è via declinans & tantisper retro vicinam ſepem ſe continens,

dum pater domum rediret, vano conatu ſpeque filium ab ea mente poſſe deduci. Erat id monaſterium non procul ab urbe ſitum ad Septentrionalem plagam, ſive Coſmæ & Damiani nomine dicatum ut quidam putant, Cixile auctoritate Illeſonſum in Coſmæ & Damiani Abbatem fuiſſe affirmantis: ſive ut Concilii Toletani XI. acta declarant, ſancti Juliani: quibus major fides adhibenda eſſet ſi in Gothiſis id codicibus legeretur. Stephanus pater filii ſuſceptam vitæ rationem ægre quidem ſed probavit tandem, uxoris poſſimum hortatu poſt longam ſterilitatem affirmantis precibus à divino numine impetratum. Virginis matris obſequiis debere, qui ſe religione implicafſet, ſi voti compos eſſet facta; datam ſuperis fidem haudququam impune violari: redderent Deo divina beneficia. Præſtare filio ad tempus carere, quam perpetuis conſcientia cruciatibus vivos mortuosque macerati filio retroſum revocato. Exigui temporis ſactura conſultius fore ſibi ipſis & filio redimere incolumitatem. In eo collegio quantum brevi profecerit indicio eſt ejus monaſterii præfectura poſt paucos annos ejus fidei commendata: cum Adeodato deſuncto, qui poſt Helladium, Juſtum, Richilam, ejus monaſterii Abbas fuerat, monachi non alium ſibi præferendum gubernatorem judicarent. Quo tempore in prædio Debiendi ſua impenſa virginum collegium fundavit atque conſtituit, parentibus interea deſunctis. Eccleſiæ mox Toletanæ cura ſuſcepta in omni virtutum genere ſecum ipſe certare, majorque conditione mortali viſus eſt. Quis tam ſacundis & tanta rerum verborumque copia inſtructus exiſtet, ut Illeſonſi laudibus commemorandis par eſſe poſſit? Quis tali futurus ingenio eſt, qui Illeſonſi actiones ita mandare litteris poſſit, ut facta non ficta eſſe videantur? Quis tanta animi facilitate, ut quæ veriſſima ſunt, iis fidem adungere inducat in animum? Ex Gallia Gothica Pelagius quidam & Helladius proſecti, veteris Helvidii inſaniæ ſcintillas in Hiſpania exſcuſitare cœperant, Mariam Virginem negantes perpetuo virginitatem retinuiſſe; horum furororum ne patientia confirmaretur audacia, aut mora creſceret malum, ſibi Illeſon-

Illeſonſus impugnandum ſumpſit cominus diſputando, eminus libro evulgaſto, in quo perpetuæ virginitatſ Mariæ patroclinium ſuſcepit. Ea diligentia erroris ſemina diſſipata, compreſſique nefarii eorum impoſtorum conatus; opere navatæ merces veſtis de cælo allata fuit. Cum enim ad noſturnas preces perſolvendas contenderet menſe Decembri, ipſa nocte quæ feſtum Annunciationis diem nuper à Patribus inſtitutum præcedebat: templum maximum viſum eſt majori ſulcore micare, quam ut oculi mortales ferrent; tunc cæteris alio atque alio diſlapſis præ terrore, ad aram ipſe progreſſus, cum nixus de more genibus preces ſunderet, in cathedra unde is ad populum concionari erat ſolitus, aſtanti beatam Virginem in auguſtiori quam pro humano habitu ſpecie vidit, hiſ cum verbis compellantiem: Cultæ in tuo corpore virginitatſ cum mentis puritate ſideique ardore conjunctæ, noſtræque virginitatſ deſenſæ præmiũ erit ex cæleſti theſauro munus allatum. Inter hæc verba veſtem ſiſ manibus capiti inferuit, hæc inquiens, filii mei, meaque, quæ toto anno recurring feſta celebrato. Comites receptis à pavore animis cum ad Præſulem accuſſiſſent, toto jam ſpectaculo ex oculis ſublato, ferme exanimatum invenerunt; tum metus tum admiratio vocem intercluſerat, oculi tantum in lacrymas ſolvebantur: quod neque pares benefició gratias agere poſſet, neque Virginem alloqui modari. Sic nimirum ſuſceptas pro pietate actiones conſuevit divinum numen mulnerari. Cixila Illeſonſi ſucceſſor hæc omnia memoria propagavit, ex ore Urbani Archiepiſcopi item Toletani, atque Evantii Archidiaconi accepta, quibus per ætatem licuit rei geſtæ miraculo intereſſe. Lapis ubi beata Virgo veſtigio conſtitit, in ipſo templi Toletani aditu monſtratur, clariſ ferreis incluſus, rei tanta monumentum. Accidit præterea, aut eodem anno ut Cixila ſentire viſus eſt, aut ut alii malunt proximo, nono Decembris die, qui dies virginis Leocadiæ memoria ſacer eſt, ut ad ipſum Leocadiæ tumulum, Rege præſente, atque Præſule ſanctiſſimo ſacris operante, ſepulcri lapide quo tegebatur, &

quem vix triginta valentiſſimi homines loco movere potuiſſent ſponte ſublato, tumulto egreſſa Leocadia, manum Illeſonſi tangeret, atque in hæc verba prorumperet: Illeſonſe per te vivit domina mea. Tum univerſo populo metu exanimato, Illeſonſus in Leocadiæ virginis laudes effuſus urbiſ ei atque Regis patriocinium commendavit: cupidusque rei tantæ ad poſteritatem certo teſtimonio propagandæ, gladiolo quem ex vagina detractum Rex ea de cauſa obtulit, veſti partem quo virginis caput tegebatur, priuſquam ſe reciperet in ſepulcrum abſcidiſit. Ea veſti pars cum gladio ad hanc diem in ſacro Toletani templi arario conſervatur & viſitur. Hiſ prodigiis perpetratis, quantum auctoritatſ Illeſonſi acceſſerit, de ſuo ſenſu quivis facile exiſtimabit, quam ipſe perpetuo virtutum ténore ſtudioſe confirmabat, ac præſertim beneficentia in pauperes; quæ tanta illo fuit, ut moſ triginta pauperes quotidie alendi, quod fit in Archiepiſcopi ædium ea parte, quæ templo conjuncta eſt, Illeſonſi inſtitutum eſſe credatur. (Et erat à majoribus ſuſceptum, ut à Patriarchis qui iidem Primates ſunt, duodecim pauperes menſe adhiberentur quotidie). Ex iſ decem ſemina ſunt, viri duplicato numero. Canonicus per hebdomadam ſacris in ara maxima operatus, ſacra præcatione pauperum menſam luſtrare, & ne quid inopibus deſit, diligenter conſiderare conſuevit. Duas res natura pugnant, lenitatem & gravitatem ita temperabat, ut neque ſeveritas de ſuavitate, neque facilitas quicquam de auctoritate detraheret. Cum eccleſiam gubernaviſſet novem annis, ac menſibus ferme duobus vitam immortalitate mutavit, Recceſſu inſui regni anno nonodecimo inchoante. Corpus ad Leocadiæ tumulatum, ad Eugénii deceſſoris pedes, in vaſtatione Hiſpaniæ funeſta atque generali Senticam (Zamoram nos dicimus) migravit: ubi dicato tumulto in Petri Apoſtoli templo magna populi religione colitur. Veſtis de cælo allata ſimili caſu jactata, Ovæi ſervatur in obſerata arca ab oculis ſubducta mortalibus; eoque majori religione culta.

C A P U T X I.

Reccesuinthi obitus.

ILLEFONSO superflite Emeritæ conventus habitus est ad octavum Idus Novemb. salutis anno sexcentesimo sexagesimo sexto. Duodecim Lusitani Episcopi in eam urbem convenientes, viginti tribus decretis disciplinam ecclesiasticam sanxerunt, quæ ut hic referantur non est visum; ac ferme de ratione precum ecclesiasticarum disceptatio susceptræ, temporum vitio variantium. Per idem tempus in Africa Mahumetanæ sectæ arma impune volitabant. Abdalla Moabiæ Dux Mahometis post tres priores successor, Africam provinciam eripuerat Romanis, Gregorio Romanorum Duce & Præfecto ingenti prælio superato. Romani exercitus clades maxima fuit, ac ferme ea ætate nulla major. Mauritaniam Tingitanæ partem Gotthi ducta ex antiquo consuetudine retinebant, Septem præsertim atque vicinos agros; reliqua victori barbaro cesserunt, quam late Mediterranei maris littora patent. Ex eo tempore novum imperium est constitutum in Africa. Reges, penes quos tum de republica tum de rebus sacris gentis instituto arbitrium erat, Miramolini vocati sunt, quæ vox credentium principem significat; nam in Asia ejus nationis principes & rectores supremi, Caliphæ dicebantur. Ex Africa verò, cum angusti freti faucibus dirempta sit, Hispaniæ universæ imminere videbantur. Solis deliquium, quo dies obscurissima nocte mutatus est, Reccesuintho Rege, ut Rodericus Præsul est auctor, hæc mala orbi denunciaisse creditum est. In Hispania Vascones bello domiti Reccesuinthi Regis ductu atque virtute, cum correptis armis in vicinas provincias populabundi irruissent. Pace parata Gothorum leges, quæ temporis injuria vitiatæ erant, per otium castigatæ: ex veteribus multæ detractæ novæque magno numero adjunctæ. Earum legum volumen indicio est, in quo Reccesuinthi nomine leges, omnes aliorum omnium Regum sanctiones mul-

titudine superant. Tantis rebus perfectis Regem nobilissimum bello paceque, mors oppressit. Obiit Kal. Septembris mane, salutis anno sexcentesimo septuagesimo secundo. Regnavit, ex quo quidem à patre consors imperii factus est, annis viginti tribus, mensibus, sex, diebus undecim. Solus autem annis uno & viginti, mensibus undecim. Extat à municipio Vallisoleto (Pinciam nonnulli vocant) octo passuum millibus distitum oppidum Wamba nomine (olim Gertigus vocabatur) in monte Cauro. In illud oppidum Toletum profectus se contulerat, cum lethali morbo oppressus est; nimirum cæli mutatione, atque nativi aeris salubritate (erat enim familiaræ gentilitium) afflictam valetudinem restituere habebat in animo. In ejus oppidi templo Reccesuinthi Regis sepulcrum nostra etiam ætate monstratur; unde alio tempore Toletum deductus, atque in Leocadiæ æde prope arcem tumulatus est ad aram maximam, Alfonso Regis eo nomine decimi jussu atque diligentia; sic vulgo persuasum est. Nam quo tempore Philippus II. Hispaniæ Rex, salutis anno millesimo quingentesimo septuagesimo quinto, conjuncta Reccesuinthi & Wambæ mausolea vetusti operis, se præsentè aperiri mandavit: nullæ literæ sunt repertæ: ossa tantum bombycinis implicata panis, inclusaque thecis ligneis. Ex ætatis tamen prærogativa suspicabantur viri eruditi magis quam certo argumento confirmabant, Reccesuinthi Regis ossa dextram templi partem occupasse. Extat præterea prope Donnias, quod municipium supra Vallisoletum ad Pisoricam flumen situm est, Joannis Baptistæ nomine vetusti operis, atque adeo Gothicæ structuræ imaginem representans, templum lapide jaspide atque marmore varium. In eo templo inscriptio servatur sex versibus comprehensa: unde intelligitur Reccesuinthi impensa ab imo totum extructum salutis anno sexcentesimo sexagesimo

gesimo primo, ad indicium gentilitiæ ditionis: quam iſſe locis duo hos Reges

obtinuiffe viri docti non immerito ſuſpiciantur.



CAPUT XII.

Bellum Narbonenſe Wamba Rege.

IMPERIUM Orientis per hæc tempora Conſtantiſſimus cognomento Pogonatus obtinebat. Eccleſiam Romanam Pontifex Adeodatus, is cujus extat epiſtola ad Gratianum Archipreſulem in Hiſpania (Gordianum Hiſpanienſis eccleſiæ Episcopum, Gothicus Emilia- ni codex habebat) conjugia ſolventis eorum qui ob legum inſcitiam proprios filios de ſacro lavacro ſuſceperant. In Gothici imperii ea parte, quæ Gallia Narbonenſis ſinibus continebatur, novi graveſque motus excitati; regnandi ambitio omnia naturæ jura pervertere ſolita magnorum imperiorum labores rem Gothicam pulcherrimæ ſtante, cum externi hoſtes deſſent, in- teſtiniſ diſſidiis afflixi. Etenim Recceſuinthi Regis ſunere procurato, cum prole careret, & deſuncti fratres tantis rebus impares eſſent ob imbecillam ætatem, Wambam præcipuum dignitatis gratiaque locum in aula obtinentem, præterea bello ſtrenuum, conſilioque bonum, continuo collatis ſuffragiis Re-

Tom. I.

gem renunciarunt; tamenſ rerum gerendarum magnitudinem atque præcipientem ætatem excuſabat, omnibuſque precibus, quibus lacrymæ addebantur, graviffimum imperandi onus deprecabatur. Nimirum vir prudens animo providebat multitudinis voluntates ut vehementes, ſic mobiles eſſe, plerunque etiam inter ſe contrarias. Neque prius deſtitit deprecari, quam ex Gothiſ proceribus Dux quidam gladio diſtricto, ni morem gereret mortem minitari coepit. „An unus (inquiens) totius gentis voluntati repugnes, tuæque tranquillitati communem omnium ſalutem poſthabeas? Nimirum magno æſtimas paucos annos quot in hanc ætatem cadunt. Ego vero niſi continuo pareas vitam ipſam, cujus conſervandæ ſtudio impoſitum onus excutere cupis, hoc ipſo gladio eripiam: & gravi documento ſanciam, neminem præpoſtere modæſtiæ ſpecie ſuam ipſius tranquillitatem publicis commodis debere potiore arbitrarî. Iſ minis

Kkk

frac-

fractus, ita procerum & totius populi voluntati cessit, ut sacræ unctionis ceremonia inaugurari prius quam Toletum ventum esset, omnino detrecharit; urbi Regiæ is honos debere videbatur: & mora temporis cupiebat aut studia suorum mutari, aut totius provinciæ, ne dissidii occasio esset, voluntates conciliare. Itaque ad tertiumdecimum Kal. Octobris cum Toletum ventum esset, Quirico Præsule Toletano, qui Illesonso successerat, sacræ ceremoniæ Antistite Rex inunctus est in Petri & Pauli templo, quod prætorio vicinum erat, conceptis prius verbis commoda publica legeque juratus. Miraculo habitum est, cum ex Regis capite columnæ specie vapor excitari, apique sublime volare visæ essent. Ludibria sæpe oculorum à populo pro veris prædicantur dices: recte, ni id etiam Julianus Episcopus Toletanus confirmaret, in proprio commentario de bello Narbonensi Wamba Rege. Proceres sacramento adacti in novi Regis verba jurare; in his Paulus defuncti Regis propinquus ut nonnulli arbitrantur: Græcum natione, quod alii existimant, nominis conjectura & fidei inconstantia declarant. Erat Wamba natus in Lusitania parte illa, quæ Igeditania veteribus fuit, ubi oppidum extat Idaniæ veteris nomine, prædiumque prope, ubi fons quadrato lapide inclusus emanat Wambæ nomine. Locorum incolæ ducta ex antiquo opinione id pradium in Wambæ possessionibus fuisse habent persuasum. Sub initia regni Vasconum motus extiterunt, quibus imperii nondum satis firmati rationes despectui erant, & novarum rerum studio tumultuandi occasiones sæpe captare videbantur; hoc bello Regem implicatum in Cantabriæ finibus, quo defectu suorum habito validas copias duxerat, ne videlicet prima negligendo serperet malum: novi belli majori mole coorti in Gallia Gothica cura sollicitavit; multi quorum ex sententia res non erant & partium infecti studio Wambam Regem nolebant, deficiendi consilia animis agitabant. Rebellandi initium Hilpericus Nemausi Comes fecit; locorum longinquitate confusus, magnis opibus & clientelis potens. Magalonæ urbis finitimæ Præsul Gumildus, præterea Remigius Abbas in partes stracti.

Aregius Nemausi Episcopus cum nullis artibus adduci potuisset ut fidem falleret, loco motus, atque in interiorem Galliam ablegatus est, Remigio in ejus locum substituto. Aguntur omnia raptim, atque turbate, neque quid legibus liceret pensi habent: usque dum ex Gallia Judæi pridem ex Gotthorum finibus pulsi, auxiliares sint vocati. Paulum à Rege adversus conjuratorum conatus continuo præmissus, magno vir ingenio, magnoque rei militaris usu; copiarum tantum adjunctum, quantum satis esse videbatur ad rebellium vires frangendas debilitandasque. Ille tempus venisse ratus perfidiæ depromendæ, quam eatenus inclusam animo tenuerat, lento itinere progrediens occasionem hosti dedit sese viribus confirmandi, defectionis ipse consilia cum Gotthorum proceribus communicans, atque mora temporis expectans rei bene gerendæ opportunitatem. Rano-sindum Tarraconensem Ducem & Hildigisum Gardingum (nomen id Magistratus erat atque potestatis) factioni conciliavit; horum ope atque consilio Barcino, Gerunda, atque Ausa in ipso Hispaniæ aditu in potestatem redactæ. Is aucti viribus de Gallia cogitant, ubi junctis cum Hilderico copiis, regiæ potentiam sperabant sese haudquaquam fore impares. Argebaudus Narbonensis Metropolitanus initio quidem conatus fuit urbis portas rebellibus claudere, cum eorum celeritate esset præoccupatus, à Rege tandem deficere visus est, magis cum non satis animi esset ad resistendum, quam quod proditorum causam probaret. In ea urbe Paulus concione tum civium, tum militum advocata, Archiepiscopi primum temeritatem accusavit, qui cives de republica optime meritos, neque quidquam mali cogitantes, urbis aditu prohibere tentasset: causas deinde explicuit cur jure Christiano putaretur hæc æquumque esse Wambæ imperium detrectare, neque legibus neque auspicio, sed paucorum temeritate constitutum; quæ ubi vigere cepit, ibi non publicum consilium viget, sed vis & libido dominatur. Denique postulavit novum Regem legibus creari, cujus imperium cuncti respicerent, cujus consilio & virtute Wambæ conatus vir-

et cæque

resque frangerent. Fabulam Ranosindus apud ipsum argumenti auctorem peragens, palam magnisque vocibus ut cuncti audirent, negat se quenquam regio nomine digniorem ipso Paulo arbitrari. Idem cum turbæ ex composito confusi plerique factiosi clamassent, reliqui quorum melior sententia erat, in tanta rorum colluvione silerent, Paulus Gotthorum Rex pronuntiatus est. Corona capiti imposita, quam Reccaredus Rex Felici martyri Gerundensi dono dederat : factionis videlicet studio non modo publicas & privatas fortunas exilabant, sed ne à sacris quidem templorum arariis sacrilegas manus temperabant. Hildericus primus defectionis auctor facile in partes attractus, & Gallie Gothice urbes omnes sub jugum missa; præterea Hispaniæ Tarraconensis non exigua pars Ranosindi auctoritatem sequebatur. Eo rerum successu Paulus animo ferocior Regem Wambam contumeliosis litteris provocare non dubitavit, sive linguæ intemperantia elatus, sive novi regni auctoritatem faciendi cupidus, ad multitudinem inani verborum fonitu in fraudem allici solitam. Ex his convitiis, atque partium studiis natam arborior opinionem vulgi, quæ Wambam affirmat rusticum hominem fuisse ex aratro atque ligone ad sceptrum vocatum: cum esset ex præcipua Gothorum nobilitate, & præcipuum gratiæ & auctoritatis locum apud superiores Reges occuparet. Wamba Rex Pauli perfidia cognita, advocato procerum concilio, sententias rogavit: num commodius fore putarent continuo in Paulum movere, ut perditorum hominum furorem; priusquam adolefceret, in ipsis incunabulis exstinguerent: an retro converso itinere præstare Toleti se novis auxiliis & majoribus copiis confirmare. Variæ dictæ sententiæ. Pars, quibus plus inerat audaciæ, omnem moram exitialem disputare, qua proditorum vires crederent, confirmarentur animi: milium ardorem pugnam expetentium restringi magna parte necesse esse. Quid enim receptus habeat præterquam cautionis specie turpissimæ fugæ significationem? famæ quanta in bellis momenta sint, quis ignoret? opinione potius hominum, quam virtute victoriam stare,

superiorum temporum varii & mirabiles bellorum eventus testantur. Pars fore consultius disputabat aliquanto temporis spatio novi regni statum confirmari, ne deserta Hispania à tergo major belli moles instaret. Pauli proditione documentum datum, multorum ad defectionem arrectas esse voluntates. Exercitum præterea novis delectibus confirmandum videri, cujus imbecillitatem Vascones nondum domiti satis indicarant. Magnis Imperatoribus sæpe exitiale fuisse popularis auræ statu moveri, atque opinionum hominum terga dare. Wamba auditis procerum sententiis, atque utriusque partis rationibus expensis, „ Præveni-
re, inquit, hostiles conatus satis ar-
bitror, & gliscenti malo priusquam
confirmetur remedium asserre: ne
elapsam occasionem, quæ momento
temporis vertitur, dolere necesse sit.
Imperii auctoritatem victoria de hos-
tibus sanciet: quam divini numinis
præsidio optimam protecturi causam,
& vestra virtute mihi certo polliceor.
Militarem ardorem, atque indigna-
tionem in proditores conceptam ac-
cendere potius celeritate, quam mo-
ra debilitare æquum est: cum ira mo-
ra languescat, festinatione accendatur.
Cujus vero animum non moveat urbium amicorum calamitas, agri
vastati, fortunæ expilatae, quæ mala
nostra cessatione indies augeri necesse
erit? Quis vestrum, nisi forte gene-
rosus ille sanguinis ardor refrigit, &
pristina Gothorum soboles obsolevit,
non gravius morte ipsa ducat, ami-
cos & propinquos hostium crudelita-
ti permittere, atque cunctatione iis
animos facere, qui scelerum conscien-
tia stimulati conspectum vestrum ferre
non poterunt? Maturemus ergo &
Deo duce, cujus potissimum causa
agitur, de scelerato hominum genere
vindictam sumamus, priusquam intel-
ligere possint eorum nos vires formi-
dare. Exercitum neque tam debilem
habemus, ut vestrum quidam dispu-
tarunt: & eo gloriosior victoria erit,
quo minori apparatu, celeritate majori
fuerit parata. Regis oratione om-
nium animi confirmati sunt: tantusque
belli gerendi ardor excitatus, ut Vasco-
nes gens belli gloria ferox, intra septi-
mum

mum diem domiti fuerint. Hæc initia ad futuri belli omen spectare cum exercitus haberet persuasum, nihil aliud quam hostem exspectare: unam moram victoriae fructum tardare. Mota quamprimum castra; per Calagurrim & Oscam in Catalauniæ fines incredibili festinatione est perventum: inde copiae trisariam divise, pars Castrolibyam Ceretanorum caput, tenere iussa est: pars in Aufetanos missa: tertium agmen secundum maris litus, obvios agros, & oppida depopulari mandatum. Rex ipse cum valido agmine subsecutus præcedentium vestigia observabat. De nonnullis militibus more militari supplicium sumptum, quod miseros homines injuria vexassent, virginum pudicitiam violassent; quorum præputia amputata cæteris documento fuisse, impuræ libidinis frændandæ. Nimirum prudens & pius Rex, nulla re magis divinum numen propitiari habebat persuasum, quam sceleribus vindicandis: neque irritari vehementius, quam innocentium injuriis dissimulandis. Inter hæc cum Barcinonem esset perventum, ea urbs Catalauniæ facile princeps, facile in potestatem redacta est; defectionis auctores Regis jussu ad supplicium servati. Gerunda continuo capta, urbem tradente Amatore Episcopo; ad quem paulo ante Paulus litteras dederat, quibus sui cum adventus spe confirmare conabatur, eum Regem recipere, atque ei urbem tradere hortatus, qui prius cum exercitu venisset. Iis lætis litteris Wamba Rex non irridicule: Paulus, inquit, de nobis nostroque adventu vaticinatus est. Iis in locis bidui quiete exercitus recreatus: mox Pyrenæi juga atque angustia superata sunt nullo prohibente. In eo innere Caucoliberis, Vulturaria, & Castrumlibyæ oppida vi expugnata; præda omnis militi cessit. Clausura oppidum in ipsis Pyrenæi faucibus, ut nomen declarat, per duces vi captum. In eo Ranosindus, Ildigifus, alique factioforum principes capti. Wittimirus ex Sordonia, quam præsidio obtinebat, acceptæ calamitatis nuncius ad Paulum aufugit Narbone ad occasionem rei bene gerendæ intentum: si sorte moliendo audendoque Wambæ impetus retardare posset. Verum cum se viribus imparem

cemeret hosti rerum successu validiori, ejus urbis cura Wittimiro concedita, Nemausum se contulit, quo propediem Gallorum Germanorumque copias auxilio venturas sperabat. Pyrenæo monte transcensio Rex in planicie castrametatus biduo constitit, dum copiae omnes diversis itineribus, ut erat imperatum, in eundem locum confluerent. Cum copiarum parte missi duces quatuor Narbonem: ut nobilissimam urbem, atque in ipso provincie aditu constitutam, aut vi aut voluntate ad officium revocarent. Mari præterea instructa classis ejus urbis expugnandæ causa. Terrestres copiae cum se priores in conspectum dedissent, civesque ad deditionem invitassent, arrogantem Wittimiri responso & contumelia irritata in urbem impetum faciunt: & ignominia dolore his faciente animos, illos si victi essent salutis desperatione acuente, tribus horis acerrime pugnatum est. Postremo regii lapidum nimbo murorum coronam propugnatoribus nudant, urbis portas succedunt, admotis scalis muro succedere conantur. Utrique in urbem irrupitur. Wittimirus re desperata in templum aufugiens, ad Virginis aram captus, contritusque vinculis, Regis arbitrio plectendus servatur. Capti præterea Argemundus Præsul, & Primicerius Galtricia, & in furore militari verberibus pulsati. Capta Narbone factio despectui & odio esse coepit in causa, quam judicium hominum & fortuna belli damnabant: & Wambæ rebus favebatur, quod mitissimo imperio ejus atque legitimo repudiato, necessaria arma cepisset. Eodem victoriæ cursu vi capta Magalona, Agatha, & Beterris. In his oppidis factioforum principes nonnulli in potestatem venerunt, atque in iis Nemausensis Præsul Remigius. Magalonæ Episcopus Gumildus de rerum, summa diffidens, longinqua fuga se texit: Nemausumque se ad Paulum recepit, urbem ea ætate civium frequentia, adficioforum amplitudine & munitione nulli cedentem in Narbonensi Gallia; multa veteris nobilitatis monimenta & tunc extabant, & nunc extant; amplumque theatrum Romanorum opus: quod quoniam muro conjunctum erat, arcis firmissimæ præbebat usum. Duces quatuor ab Wamba præmissi tantis rebus gestis

fero-

feroces, quamvis earum rerum ignari quæ ad urbium expugnationem usui esse solent, moræ impatientes quamprimum in ejus urbis conspectum ventum est, sublato totius exercitus clamore, in quo triginta millia homines erant, in munitiones impetum faciunt. Pugnatum utrinque acriter; indignantur hi toties victam perfidiam resistere: illos desperatio nisi vicissent agebat in rabiem. Pugnantes nox diremit, neutro victoria inclinante; obsessi, quod victi non essent, regique loco cessissent, se pro victoribus terebant. In ipso pugnae ardore milles quidam insultabundus regis denunciavit, validas Germanorum Francorumque copias auxilio adventare, brevique affore. quorum multitudine atque virtute, tanquam feras indagine cinctas cunctos perituros scilicet haud dubie, minabatur. Parva sæpe momenta in bello magnas inclinationes faciunt, nihilque præmittendum quod contemptu exitium afferat; eaque consilia saluberrima, quæ cautissima. Eas ergo voces continuo Regi non procul tendenti denunciant, novas supplementi causâ copias mitti postulantes, in una celeritate victoriæ spem esse. Ad decem hominum millia Duce Wandemiro missa. Ii continuato tota nocte itinere, tantus erat vincendi ardor, priusquam consequentis diei pugna conferta esset, in suorum castra perveniunt. Tanta multitudinis conspectu Paulus exanimatus, atque ex hesternæ pugnae comparatione intelligens, quantum periculi superesset si instaurata oppugnatione scissis integri succederent: metu tamen dissimulato suos pro concione hortatur, ne dimittant animos, neu hostium multitudine frangantur, virtute non numero victoriam parari. Regem cum copiis omnibus adesse, quas si vicissent, nihil superesse amplius: sibi ingentes copias prope diem venturas auxilio: tantisper modo moenium munitione spem sustentarent, fortique animo hostilem impetum propulserent: certo existimantes non cum Gothorum invicti sanguine rem esse, sed ex plebis colluvione, nulla militari disciplina, nullo vigore animorum hostium exercitum constare. Itaque magnis utrinque animis certamen instauratur; pugnatur acriter ad multam diem; obsessis defatigatis, regû muro succe-

Tom. I.

dunt; pars ignem injicit portis, pars vectibus muri lapides convellunt. Aditu patefacto, sero in urbem penetratur. Cives & Franci Hispanorum, qui cum Paulo erant, proditione urbem captam existimantes, quo nimirum gratiæ aditus ad victorem Regem esset, in rabiem acti præsidarios milites magno numero peremerunt; in his è Pauli domesticis unum in ipsius oculis lateri adhærentem, ferro trucidarunt. Cum ergo à fronte regii, à tergo cives urgerent cæde promiscua captæ civitatis plateæ sternebantur; tetra rerum facies erat; nihil præter cadavera in suo sanguine voluntaria objiciebatur oculis; morientium gemitus, clamores sceminci, infantium ejulatus locis omnibus exaudiebantur. Paulus ipse tantorum malorum causâ, errore cognito: „Errasse, ait; nos confitemendum est, at semel, at una in re?“ immo omnia quo diligentius sunt excogitata eo facta sunt imprudentius. Simul paludamento deposito ad theatrum loci firmitate confusus cum suorum peculiari manu se recepit, mori certus, aut honesta aliqua conditione deditionem facere. Observatum est, eodem die evolutum anno, nempe Kal. Septembris regni insignia Paulum posuisse, quo procerum suffragio Wambæ fuerant delata. Urbis parte in potestatem redacta, eo & sequenti die ab impugnatione cessatum, dum Regis adventum morantur, penes quem confecti belli laudem fore æquum erat. Fortassis etiam erga afflictos atque prostratos cives & propinquos victorum animis successerat humanitas, atque innocentem multitudinem Regis clementia impetrata servare cupiebant. Itaque ex captivorum numero Argebaudus Narbonensis Præsul communi consilio Regi obviam mittitur, veniæ deprecatur. Is ad quartum ab urbe lapidem adveniienti Regi occurrens, ex equo quo vehebatur descendens, genibus nixus inter singultus & lacrymas toto ore manantes: „Tui cives, inquit, Rex clementissime, si tamen eo nomine digni sunt qui patriæ caritatem exuerunt, exilioque & diminutione capitis jus civium amiserunt, in tua clementia salutis spem ponentes, non veniam scelerum orant: quamvis te Rege hæc preces non invencunde

LII

„vide-

„videni possent, sed promeriti supplicii
 „modum aliquem deprecantur. Est
 „omnino difficilissimum animum in victoria
 „continere, quam hostes in bello su-
 „perare sed aliis. Animi magnitudo
 „nulla re magis perspicitur, quam mi-
 „serorum ærumnis sublevandis; illa laus
 „communis cum milite est, hæc ma-
 „gnorum Regum præcipua. Procul
 „absentes contemplari oculis nequis:
 „sed finge animo lacrymis & squalore
 „sedatos pedibus tuis advolutos, caus-
 „sam suam tibi commendare, homines
 „vel mentis inscitia, vel communi tem-
 „porum calamitate, vel insuperabili vi
 „sutorum in hæc flagitia prolapsos. Quo
 „graviora delicta sunt, eo major tibi
 „clementissime Rex gloria erit miseros
 „conservasse: furoreque suo extinctos,
 „quasi ad vitam revocasse. Venissent
 „ad te inermes, laqueis colla implicati,
 „ut vel ea specie ad misericordiam flec-
 „terent, vel morte obita quod se
 „meruisse fatentur, vitæ finem simul
 „atque ærumnis pariter facerent: sed
 „venti sunt si ad extremam veniæ pe-
 „tentæ spem conditionemque descen-
 „derent, ne cui videretur animus tuus
 „inimicus eis videri, quam qui posset
 „nisi extremis remediis mitigari. Pauci
 „relicti sumus, tuique omnes; noli tua

„manu perire, quibus belli crudelitas
 „pepercit hæcenus. Atque illud cave,
 „ne dum vindictæ indulges delectis civi-
 „bus nobilissimam Gallie civitatem, at-
 „que Gothorum imperii propugnacu-
 „lum excindas. Erat Wamba bellicis
 „artibus cuivis veterum Regum æqualis,
 „sed imperatoriam laudem benignitate,
 „clementia, & mansuetudine superabat.
 „Itaque perpauca locutus, hanc sum-
 „mam orationis habuit: „Tuis, inquit,
 „precibus flexus, vitam fontibus do-
 „no; ne tamen absolutio improbita-
 „tis, lex impunitatis esse credatur:
 „supplicium quod ad retinendam impe-
 „rii dignitatem necessarium fore arbi-
 „tror, penes conjunctionis capita sta-
 „bit.” Episcopo vero integram veniam
 „pergente flagitare, Rex aliquanto irati-
 „or redditus: „An non satis, ait, esse
 „videtur, vitam facinorosis concessam?
 „an vultis ut supplicia ad delictorum
 „mensuram expendamus? Tibi Arge-
 „baude Præsul bono sit à nobis quod
 „exploratum habemus, invium defe-
 „cisse, ne venia dimidiata concedatur:
 „reliqui quidquid de ignominiosa mor-
 „te fuerit detractum, id totum in lu-
 „cro ponant, nostræque acceptum fe-
 „rant benignitati.

CAPUT XIII.

Conjuratorum supplicium.

REGEM in urbem advenientem in-
 „struæ copis roburque exercitus
 „triumphi specie sequebantur; belli reli-
 „quæ confectæ erant universa civitate
 „contradita: cujus ille superiorem partem,
 „quæ Franciæ objecta erat, militari præ-
 „sidio muniendam curavit adversus Ger-
 „manorum & Francorum impetum, quos
 „obsessis auxilio supervenire, jamque affo-
 „re erat nunciatum. Paulus vitæ dulce-
 „dine illectus, nulla honesti cura conti-
 „nuo deditionem facit; cum eo Gumil-
 „dus Episcopus, Witimirus, alique pro-
 „ceres conjunctionis capita amplius viginti
 „in potestatem venerunt. Vincula omni-
 „bus sunt injecta. Duo Duces equis in-
 „sidentes medium Paulum toto inspestante
 „exercitu peditem casarie utrinque appre-
 „hensâ ad Regem deducunt. Ad cujus ille

conspectum cingulam ponit: qua care-
 „monia veteri majorum instituto omni mi-
 „litari honore spoliabatur; captivis ad Re-
 „gis pedes prostratis, cum pro divino mu-
 „nere gratias numini egisset, coramque
 „conjuratorum amentium increpasset, ita
 „vitam supplicibus donavit: ut custodiri
 „fontes ab exercitu mandaret, supplicii
 „modum maturiori consilio volens decer-
 „nere. Franci atque nonnulli Saxones,
 „qui aut obsidum loco erant, aut arma
 „rebellionis initio cum proditoribus focia-
 „rant, conservati donatique liberaliter,
 „impune in patrias sedes dimissi. Ita ma-
 „gnarum iniuriarum, quæ occupatione
 „regni & Galliæ defectione sollicitum
 „Wambam habebant, celerem & opinio-
 „ne faciliorem exitum habuere. Flagi-
 „tiosis puniendis Dei numen apparuisse
 vide-

videbatur, cum templorum thesauros expilassent, quos inde movere religio erat. Eos Wamba ejus religionis exolvendæ causâ quæstione habita pristinis locis reponi mandavit: urbis belli injuria quassatæ mœnia instaurata: cadavera ne tetro odore urbem inficerent sepulture mandata. His rebus perficiendis triduum datum; mox Rege in sublimi loco sedente in rebelles sententia pronuntiatur. Eorum colla Rex ipse pedibus primum calcavit: deinde ex Paulo questum, num aliqua injuria læsus, impium in Regem & patriam facinus conscivisset? negavit ille; contra magnis & multis honoribus abs Rege coonestatum, temere in ea mala præcipitasse. Mox ex scripto concepta sacramenti forma, qua in Wambæ verba juratur, coram pronuntiata: jurisjurandi præterea formula recitata, quod Paulus cum regni nomen invasit à popularibus exegit. Demum quibus suppliciiis rebellium conatus plectendum esset, ex conciliorum legibus cognitum est: & secundum eas mortis ignominiosæ sententia in Paulum & socios pronuntiata; bona fisco addita: additumque, ut si forte Regis benignitate vita esset condonata, luminibus certo privarentur. Rex clementiæ laude cupiens reliquos populares sibi conciliare, ponere cæsariem, qua olim nobilitatis insignie continebatur, & decalvari satis habuit. Chilpericum Regem Francum eo nomine secundum nuntiatum erat propediem cum copiis affore; ejus adventum in castris cum quatuor dies frustra expectasset, satis se ad victoriæ fructum, & ad nominis exultationem tendam tantis rebus confectis profecisse

judicans, & ne ultro laceffendo Francos, fœdus quod inter utranque gentem diu steterat violasse prior videretur, Galliæ rebus compositis in Hispaniam redire parat. Cum interea nunciatur Lupum Ducem quendam cum Francorum manu Beteris agros omni injuria vastare. Verum Rege cum copiis adventante, hostes viribus impares montium juga captare constituunt; fugæ similis profectio visa est, relictis impedimentis in planicie, & ex strage rerum in itinere relictarum. Regii sine vulnere hostium spoliis ditati, & Gallicæ prædæ graves, Narbonem ex composito redierunt: unde exercitus pars per Galliæ præsidia distributa. Judæi novo edito Gothicæ ditionis finibus prohibiti. reliquus exercitus Canabæ, quod oppidum in agro Narbonensi erat, pro concione laudatus, missioneque donatus est. Rex ipse converso in Hispaniam itinere, Toletum urbem Regiam sexto mense ex quo inde discesserat, tantis victoriis clarus, atque triumphi simillima pompa investus est. Rebelles barba & capite rasos, nudis pedibus, atque pannosi in camelis præbent. Paulo ludibrii causâ corona ex nigro corio capiti imposita; regii milites sequebantur in splendidis vestibus, atque omni latitiæ significatione; agmen præeunte curia Rex ipse elaudebat, ipsâ canicie & tantis rebus gestis regni majestatem augens. Universa civitas, quæ se portis obviam effuderat, ad ejus spectaculi insolentiam attonita, senem Regem faustis acclamationibus prosequabatur; peracta pompa fontes perpetuo carceri mancipati. Is finis tantarum rerum fuit.

CAPUT XIV.

Reliquæ Wambæ actiones.

WAMBÆ virtute ac perpetuo labore, Hispania domi quidem pacis diuturnæ bonis florebat, foris autem pristinam dignitatem recuperabat. Itaque Rex animo ad pacis consilia converso, Regiam urbem spatii amplificatam perpetuo muro munivit, qui per Divi Isidori suburbium ad utrumque pontem pertinet. Toletum enim tribus amplius ex parvis flumine alluitur, quod circum urbem

altissimis coercitum ripis per saxa præceps fertur; quarta pars ex planicie aditum habet difficilem: & angustiori prius muro cincta erat, cujus vestigia ad venale forum & ad ferream portam extant; nunc Wambæ diligenter suburbii intra urbem inclusis, quo defecit expugnatio esset, inferior murus est additus. Operi perficiendo lapides undecunque convecti, ac ex Romane structuræ edificio mar-

mora, in quibus rotæ aut rosæ similitudine sculptæ imagines sunt pluribus in locis. Vulgus Wambæ Regis insignia esse persuasum habet: ipsi lapides resistunt huic opinioni nullo ordine positi,

sed temere ut convehantur gemina carmina, ut magni auctores testantur in nonnullis turribus incidi curavit, rei gestæ monumentum: quæ tamen rudia sunt nimirum ejus ætatis, subijci placuit.

Erexit fautore Deo Rex inclytus urbem

Wamba, suæ celebrem protendens gentis honorem.

In summis præterea turribus Sanctorum statuas ex candido marmore locavit, eorum quos præcipuos tutelares patronos

que civitas adoptarat, his additis verbis.

Vos Domini Sancti, quorum hic præsentia fulget,

Hanc urbem & plebem solito servate favore.

675 Utroque versus temporum longinquitate injuriæque obliteratos eversas statuas, Philippi II. Hispaniæ Regis nostra ætate cura restituit. Urbe munita, intermissa consuetudo ecclesiasticos conventus celebrandi revocata est, Wambæ Regis cura. Itaque regni anno quarto, salutis sexcentesimo septuagesimo quinto, ad septimum Idus Novembris, in D. Mariæ æde conventus est habitus. Pauci Episcopi, nimirum septendecim, ac ferme ex Carthaginensi provincia convenerunt; septem præterea Abbates, in quibus Avila numeratur monasterii Agaliensis sancti Juliani nomine Abbas, nisi locus est vitiat; postremum inter Patres locum Gundila occupavit Archidiaconus sanctæ Mariæ de sede: unde intelligitur templum in quo concilium est habitum, primum & maximum ejus urbis fuisse: eodem autem loco situm quo cernitur nostra ætate retento nomine structura mutata, lapis indicio est, quem de cælo lapsa Virgo mater vestigiis pressit, Illesonso Præsule, ut est superius demonstratum. In eo conventu secundum Deo & Regi gratias actas ob instauratum morem veterem concilia celebrandi, qui decem & octo annorum spatio intermissus erat, sedecim canones sunt editi: sancitumque quotannis concilia provincialia Episcoporum in ecclesia Metropolitana agitari. Eodem anno Bracaræ in Lusitania tertium concilium, inter ea quæ in illa urbe celebrata sunt, est habitum. Sanctum ne Episcopi, ut erat moribus receptum, Martyrum reliquias è collo appensas in sellis ipsi sublimes succolantibus Diaconis, sed Diaconi in thesis gestarent. Sacerdos facris operaturus nisi oratio utrunque hu-

merum tegeret, pectus crucis figura, anathematis ignominia notatur. Interfuit in eo conventu Isidorus Asturicensis Episcopus, Valerii ejus æqualis qui sancti Petri Montensis Abbas fuit, humanarum rerum contemptu & eruditionis opinione, ea ætate cum primum clarus: ut ejus ingenii monumenta testantur, præsertim is liber, cui titulum fecit, De vana seculi sapientia. Alios præterea Episcoporum conventus Wamba Rege esse habitos, & si publica conciliorum acta fileant, res ipsa loquitur, recensque instaurata lex de conciliis habendis; ac Toletum ex universa ditione Præsules convenisse certo credimus: cum magni auctores tradant, Wamba Rege, atque in concilio Toletano singulis diocesibus Episcoporum, fines descriptos; neque putamus in causa communi, & quæ ad omnes pertinebat, paucorum judicio, atque sententiis fuisse disceptatum, sed universo gentis concilio stetisse; in quo præterea additum, ut sacerdotes ad normam in D. Isidori regula præscriptam, vitam universi conformarent. Novæ dioceses Episcoporum constitutæ. Exiguum oppidum quod Pimenii confessoris sepulcro celebre erat, aliique pagi & vici, ad hæc Petri & Pauli Prætoriensis ædes, quæ in Toleti suburbiis erat, ac ferme ubi nunc nosocomium S. Crucis nomine, Episcopatus jure donata: utrunque Regis obsequio magis datum, quam ad antiquam legum ecclesiasticarum rationem expensum: quibus vetitum esse constat, tum in una urbe duos Episcopos constitui, tum in exiguis oppidis novos Episcopos creari; quod Regis pio sane sed imprudenti studio violatum,

tum, proximi concilii Toletani, quod duodecimum est, decreto antiquatum est, Rege etiam levitatis accusato; ut rebus mutatis plerumque quo fortuna eo favor hominum inclinat, destituit alios. Nonnullæ leges ab Wamba late sunt, quibus reipublicæ statum multis labefactatum partibus temperavit; disciplinam militarem revocare curavit, omnes cum delectus haberentur ad signa convenire faciens, præter senes, pueros, & imbecilla valetudine impeditos: servitia armare minimum quæque decimam suorum partem, quibus armorum genus à cæteris discretum designabatur. Ipsi Episcopi virique sacriati in repentino hostium incurfu collecta suorum manu obviam prodire iussi ad centesimum lapidem. Hac Wambæ diligentia, victoria navalis de ingenti Saracenorum classe Gothorum virtute parata est. Etenim universa ferme Africa, quam late nostri maris littora à Nili ostiis usque ad Herculis columnas patent, Saraceni armis domita, objecta Hispaniæ littora flamma ferroque vastabant ingenti classe, in qua ducentæ & septuaginta naves erant; quam universam Gotthi nova classe comparata, partim ceperunt, partim incenderunt: cum expedito consilio Rex, atque in omnes reipublicæ partes pervigil hostium conatus continuo comprimendos judicaret, ne latius serperet malum. Sunt qui ab Ervigio Comite suspicantur eam classem in Hispaniam evocatam odio Wambæ & ambitione regnandi. Erat enim Ardebasti filius, Reccesvinti propinquus, atque magna inter proceres auctoritate: quam ipse ingenii dexteritate, & accommodatis ad tempus officiis vehementer augebat. Animus mortalium inextinguibilis est præsentis fortunæ muneribus, semperque ad ulteriora contendit. Ergo cum neque Wamba superflite fore se voci compotem speraret, neque defuncto si procerum liberis suffragis res ageretur, propter Theodesfredum Reccesvinti fratrem, quem superioribus comitiis ob imbecillam ætatem prætermisum fuisse monstratum est: sibi spem nullam regni nisi in scelere ratus primum Saracenorum classem in Hispaniam immisisse creditur. Deinde cum hac non successisset, Regi clam aquam, ubi spartum erat macera-

Tom. I.

tum, præbendam curavit. Eo veneni genere cum venis conceptum esset, repente Rex morbo gravissimo implicatus, sacris Christianis atque penitentia Quirici Toletani Præfûlis cura expiatus, sub primam noctis horam cum jam videretur animam agere, posita coma, atque in sacerdotis morem detonsus, monachi ritu cucullum induit. Eo videlicet ritu divinum numen amplius propitiari credebatur; utrunque Ervigii suâsû (sic creditum est) quo nimirum regnandi spe, si maxime superviveret penitus caderet, ut in concilio Toletano sexto cautum erat. Additum præterea, ut intermorientibus vocibus, menteq; vi veneni alienata, Ervigium ipsum successorem diceret: idque extemporaria syngrapha atque diplomate regio confirmatum. Accidit id pridie Idus Octobris, die Dominico, Luna quintadecima; unde intelligitur Wambam anno salutis sexcentesimo octogesimo regno fuisse spoliatum. Nam cum sequenti luce morbo tantisper remittente ad se rediens consideraret, ex potenti paulo ante Rege monachum repente factum, mutare noluit: sive animi magnitudine rursus spernentis, quæ alii per ignes ferrumque petunt: sive desperatione regnum recuperandi, cum Ervigijs rerum potiretur, intra eundem diem corona suscepta; tamen inunctionis caremonia in proximum diem Dominicum rejecta est. Itaque Wamba in Pampligæ monasterium, quod nonnulli suspicantur in Mugnonii valle fuisse situm, se contulit: ubi septem annos & menses tres (aliî diutius tradunt) purissimo religionis studio vitæ reliquum propagavit. Regnavit annis octo, mense uno, diebus quatuordecim. Ex eo monasterio Alfonsi Regis iussu, cui cognomen Sapienti fuit, defuncti corpus Toletum deductum est, Joannis Martini ex monacho Franciscano Episcopi Gaditani diligentia: atque in D. Leocadiæ, quæ ad arcem sita est, ad aram maximam tumulatum. Quiricus Toletanus Præfûl, sive ætatis gravitate pressus, per idem tempus defunctus est: sive tadio animi confectus ultro abdicavit; nam Julianum Quirici successorem constat Wambæ permisso Flavium Ervigium Regem, ut erat in more positum, inunxisse.

M m m

C A

CAPUT XV.

Nomina Episcopatum IVamba Rege.

VETERES urbium sedes, extinctæque variis casibus oppida, & post excidium renata aliis sæpe nominibus, ex Wambæ Regis diocesum divisione cognoscere non erit incommodum: & quibus Metropolitanis singuli Episcopatus contributi essent, explicare universum operæpretium fore arbitror; nam de singulorum finibus, quibus descripti erant, laborare non attinet, temporum longinquitate rebus omnibus ab antiquo mutatis. Toletano Præsuli Oretanus Episcopus subiectus erat; extat Oreti vestigium, octo passuum millibus ab Almagro municipio, Virginis Matris sacellum cognomento Oretanæ, atque ex eo loco Almagrum translati lapides Oreti nomine inciso. Biatia, quæ hodie Baeza. Mentesa, quæ nostra ætate Montizon nuncupatur versus Casorlam sita, & à Duce olim Mauro excisa, auctore Roderico, quo tempore à Mauris eversa est Hispania. Acci, hoc est, Guadixium. Basti, Baza. Urçi, quibusdam hæc Almeria, aliis Murcia fuisse creditur. Bagafta: hujus urbis nullum vestigium, extat, tantum versus Orihuelam sita fuisse putatur, tum ex locorum ordine, tum ex portæ Magastri nomine, quæ in ea urbe est, indicio. Illici, Helche. Setabis, Xativa; tum nomen retinens Denia, quæ antiquioribus Dianium fuit; & Deniæ vicina Valentia. Sequitur Valeria, quæ hodie vulgo Valera cremata dicitur. Segobrica, hujus urbis vestigia ab Urcefta octo passuum millibus in oppido, quod Græci caput vocatur, extare eruditores habent persuasum: nam qui Segorbium putarunt, nominum eos similitudo misit in errorem. Arcabica, hæc olim Segobricam inter & Complutum sita fuit, fortassis quæ Ptolemæo Percabica est. Præterea quarum appellationes notæ sunt Complutum, Segontia, Uxama, Segobia, Palentia. Itaque Tolerum sacræ ditionis fines ultra Carthaginensem provinciam, cui proprie præfecta erat, Gotthorum etiam ætate extendebat: nam hæc omnes urbes atque earum Episcopi à Toletano Præsule sacræ petebant. Ab Hispalensi autem Metropolitano, Itali-

ca, quæ hodie Hispalis vetus est, ab Hispali sex passuum millibus distita. Affidonia, quæ quibusdam Medina Sidonia est, ex similitudine appellationis argumento probabili: aliis Cæsarianum, indicio templi, quod in ea urbe est B. Virginis Siduegnæ nomine; & Rasis Maurus Xeritum Siduegnæ eam civitatem vocavit. Elepla sive Niebla sit, sive Lepe. Malaca; Eliberris, quæ olim urbs supra Granaram octo passuum millibus posita fuit, in monte quod ab ea urbe Elviræ hodie nomen habet. Astigi, hæc est Ezigia. Corduba, atque quæ hodie prope Vænam Cabra vulgo est Egabrum; tum Tucci, hoc est, Martus. Atque his finibus Hispalensis Præsulis ditio descripta erat. Emeritæ Metropolitanus subiectis urbibus & earum Episcopis jura dabat: Paci Juliæ, (hodie Begia est in Lusitania,) Olisiponi, quæ Gotthis Olisibona fuit, urbs nostra ætate divitiis & amplitudine nulli Europæ secunda. Eboræ (Gotthis Elboræ,) Tudenfis Talaveram esse dixit in Carpetanis. Oxonobæ, quæ eruditis Estombar hodie esse creditur, prope Silves constituta. Igeditania, oppidum in Lusitania extat Idaniæ veteris nomine. Conimbricæ, cujus vestigia octo millibus passuum à nova Conimbrica monstrantur, veteris Conimbricæ nomine, & quæ nomina serme retinent Viscum & Lamecum; præterea Calabriæ, quam urbem Tudenfis & Marinæus Montangium esse suspicantur, conjectura haud satis probabili. Salmanticæ (Gotthis Salamantia), hoc est Garay. Abulæ, Cauriæ; atque hæcenus de Emeritensi provincia. Bracaræ hæc urbes contributæ erant, Dumium, quod hodie monasterium extat prope Bracaram. Portucale, qua se Durus evoluit in mare, unde Portugaliæ nomen ipsi urbi primum, deinde toti provinciæ ab oppido Cale factum, quod hodie oppidum Caia dicitur. Tude, Auria, & cui hodie Padrono nomen est, Iria Flavia, in eodem numero sunt; præterea Lucus Augusti, Brittanica, sive Bretonia, quæ Lucum præter & Asturicam sita erat: hodie

hodie à Mindonienſi urbe octo millibus paſſuum oppidum extat nomine Bre-
tagna; ad hæc Aſturica, & Legio, quæ
urbes vulgo notæ ſunt, & antiquis affi-
nia nomina retinent. Tarraconenſis
Metropolitani auctoritatem ſubjectæ ur-
bes ſequébantur Barcino (Gothis Barci-
nona,) Egara, quæ urbs præter Barci-
nonem & Gerundam olim ſita fuit; at-
que his locis finitima Gerunda; tum Em-
poria, & Aufona, quæ hodie in Cata-
launis Vique dicitur cognomento Oſo-
na. Urgelia, Ilerda, quæ duæ urbes
notæ ſunt; & cujus ſedes prorfus igno-
ratur Hiſtoſa. Superioribus adjungeban-
tur Dertuſa, Caſarauguſta, Oſca, Pom-
pelo (Gothis Pampilona,) Calagurris
(Gothis Calaforra,) Turiaſo (Gothis
Tiraſona,) Auca, cujus urbis veſtigia
ſupra Burgos monſtrantur, unde & Au-
ca montes diſcū; atque hæcenus Tarra-
conenſis Metropolitani ditionis fines pro-
lati. Narbo veteribus (Gothis Narbo-
na,) ſubjectis Episcopis & urbibus jura
dabat, legesque ſacrorum: primum Be-
terri, hoc eſt, Beſiers, quæ urbs Pli-
nio quidem Bliteræ eſt; deinde Agathæ,
quæ hodie civitas ſive Agde eſt, ſive
Mompellerium in Gallia Narbonenſi.

Magalona, quod nomen hodie retinet
villa Episcopii Mompellerii. Nemaſo,
Latebæ (hodie Lodebe,) & quæ no-
men retinet Carcaſoni; præterea Hele-
næ, quæ hodie in agro Ruſcinonenſi
Euna eſt. Sunt qui Tudenſem, Lucen-
ſem, & Legionenſem Episcopos affir-
ment, ſive Wambæ beneficio, ſive ex
antiquo ducta conſuetudine, ſui juris fuiſ-
ſe, neque ullius Metropolitani imperium
& auctoritatem reſpexiſſe, haud ſaris ido-
neis in alterutram partem argumentis.
Illud in conſeſſo eſt, plura Episcopatum
nomina in vetuſtis conciliorum actis ex-
rare, quæ in Wambæ diſpoſitione deſideran-
tur; forteſſe rebus tempore permutatis,
aut quoniam vetera monimenta & ſche-
dæ multis in locis vitata ſunt, Epagren-
ſis, Carthagenenſis, Caſtulonenſis, Fi-
blarienſis, Eliocrocenſis, Eminienſis,
Immonticienſis, Lamibrenſis, Elotanus,
Magnetenſis, Laberricenſis. Quæ no-
mina noſtra ætate ignota ſunt, ac ne ur-
bium quidem omnium, earum ſedes ubi
eſſent, prorfus exploratum eſt: neque
deceſſet diligentia ſi in rebus tam dubiis
qua ſe via certa panderet ad investigatio-
nem veritatis.

CAPUT XVI.

Conſtantini diſiſſo.

QUOD ante ſumus polliciti, neque
hæcenus præſtitum eſt, Episcopatu-
m in Hiſpania factam diſiſſionem à
Conſtantino Magno, uti Raſis Arabs
eſt auctor, ejus ſententia noſtris verbis
ſubjicimus Latine, poſt diſiſſionem Wam-
bæ. „ Conſtantine, inquit, multis ur-
„ bibus Episcopos dedit eo honore ca-
„ rentibus. Ac Hiſpaniæ cum eſſet re-
„ nunciatum in magna agrorum bonita-
„ te, divite cultu, incolarum frequen-
„ tia, Chriſtianorum numeroſa mul-
„ titudine Episcopos non habere: con-
„ ſiſſio communicato, optimum fore ju-
„ dicavit ſex Episcopos dare, qui me-
„ tu omni ſublato, libere religionem
„ Chriſtianam & ſacra populis promul-
„ garent. Ergo viris idoneis ad ſe
„ vocatis, civitates ad hunc modum
„ diſtribuit. Primo Narbo designata eſt,
„ aliæque ſeptem urbes cum poteſtate
„ jura ſacra populis dandi, moreſque

„ caſtigandi; earum hæc ſunt nomina
„ Beterris, Toſoſa, Magalona, Nema-
„ ſum, Carcaſo; in hac urbe D. Mariæ
„ glorioſæ ædes eſt, ſeptem argenteis
„ aris inclyta, frequentia populi religio-
„ ſa, præſertim ſemel in anno majori
„ concuſſu multitudinis, ſed & aliis tem-
„ poribus celeberrima. Barcinone diſtat
„ decem dierum itinere. Præter has Lu-
„ teba & Helena, Narbonenſis Episcopos
„ ſunt datæ. Alteri Episcopos Bracara
„ ceſſit: Dumio, Portucale, Auria,
„ Oveto, Aſturica, Britonia, Iria ſeu
„ Compoſtella, Aliubra, Iſſa, Tude
„ contributis. Proximus Tarraconen-
„ ſis Episcopos creatus eſt. Barcino,
„ Auca, Morada (forteſſis Gerunda,) Beria
„ (forteſſis Emporiæ,) Oriola,
„ Ilerda, Dertuſa, Caſarauguſta, Oſ-
„ ca, Pompelo, Calagurris ſunt additæ.
„ Quartus Carthagine Episcopos institu-
„ tus eſt. Toletum, Oretum, Seſabis,
„ Mmm 2 „ Se-

„ Segobrica, Complutum, Caraca,
 „ Valentia, Murcia, Biatia, Castulo,
 „ Montogia, Baſta, Begena (forte Bi-
 „ gaſtra,) adjunctæ. Quinto Emerita
 „ data eſt urbs primaria; ſubjunctæ Pax
 „ Julia, Oliſipo, Egitania, Conim-
 „ brica, Lamecum, Ehora, Cauria,
 „ Lampa (quid ſi Salmanticam legas?
 „ aut Lamam nunc contributam Miro-
 „ brigæ Lamafi nomine). Poſtremum
 „ Hiſpali Episcopum habuit. Hiſpali
 „ jura petere juſſæ ſunt Italica, Seritium
 „ Affidonie, Niebla (Romanis Elepla,)
 „ Malaca, Eliberris, Aſtigi, Egabrum.
 „ Sic Hiſpania omnis à Conſtantino Au-
 „ guſto in ſex Episcopatus tributa eſt.
 „ Quo major eſſet auctoritas, religioni-
 „ que ſuum caput conſtaret, imperan-
 „ dique potestas: ipſe quidem Conſtan-
 „ tinopolim conceſſit, ſequæ ut priores
 „ Romæ, ejus urbis Regem dixit: ſan-

„ ciens præterea, ut Romæ domino
 „ cæteri Chriſti cultores obtemperarent:
 „ quem ipſi dominum Chriſtianorum
 „ eorum qui è ſacrato ordine erant, &
 „ ſanctum vocare ſoliti erant, ob ac-
 „ ceptam à Petro Apoſtolo poteſtatem,
 „ quam illi Chriſtus crediderat. Hæc
 „ ſic Maurus ait. Convenit auctor hiſto-
 „ riæ, quæ Alſonſi Caſtellæ Regis cogno-
 „ mento Sapientis nomine circumferitur,
 „ diſiſionem Episcopatum in Hiſpania
 „ factam à Conſtantino Magno eodem or-
 „ dine, quibuſdam modo urbium nomini-
 „ bus commutatis: unde & ex Wambæ
 „ diſiſione atque ex conjectura deprava-
 „ tas haud dubium in Mauro nonnullas vo-
 „ ces caſtigavimus, ſententia conſervata.
 „ Archiepiscopos vocare non fumus auſi,
 „ quos Maurus Episcopos vocat, religio-
 „ nis noſtræ, & graduum diſtinctionis igna-
 „ rus ſcilicet, admonuiſſe ſit ſatis.



CAPUT XVII.

Ervigius Rex.

FLAVIUS Ervigius regnum malis
 artibus quaesitum recte & prudenter
 administravit. Ac primum memor re-
 rum humanarum haud diu eodem vesti-
 gio stare, potentiam scelere partam in-
 vidia sæpe opprimi populari: omnis a-
 ta-

tis ac memoriæ clarissimum Regem frau-
 de ipsius circumventum, neque id Got-
 thorum gentem ignorare, regni stabi-
 liendi cura, ingenium in omnes partes
 versat; optimum visum est, religionis spe-
 ciem obtendere: quod ab aliis sæpe Re-
 gibus

gibus tentatum non incommode cessarat. Itaque Toletum ex universa ditione Præsules convocati, numero triginta quinque conveniunt. Ad quintum Idus Januarii mensis, salutis anno sexcentesimo octogesimo primo, conventus est habitus, quod in concilio Toletanis duodecimum est. In eo conventu duæ res ad memoriam insignes sancitæ sunt: Ervigio regnum quod arripuerat Patrum sententia confirmatum, arma tenenti, qui negarent quod petebatur? non constantia id, sed temeritas fuisset. Gotthorum proceres sacramenti religione exoluti, quo Wambæ obstricti erant, abdicatione Wambæ, & capitis diminutione sublati; sic putabant. Præsuli Toletano creandi tota ditione Episcopos jus datum, Rege ad quem ea res pervetusto Hispaniæ more spectabat procul constituto: præfente confirmandi, quos Rex creasset, concessa potestas. Ea prærogativa quoniam Toletani Primatus in cæteris ecclesiis Hispaniæ fundamenta ponebantur, Patrum decretum adscribi placuit. „ Illud quoque colla-
 „ tione mutua decernendum nobis oc-
 „ currit, quod in quibusdam civitati-
 „ bus, decedentibus Episcopis propriis,
 „ dum differtur diu ordinatio successo-
 „ ris, non minima creatur officiorum
 „ divinorum offensio: dum tractu terra-
 „ rum impeditur, celeritas nunciorum:
 „ ne queat Regis auribus defuncti Præsulis obitus innotescere, aut Principis
 „ de successore electio expectari. Pla-
 „ cuit ergo omnibus Pontificibus Hispaniæ,
 „ atque Calæciæ, salvo privilegio
 „ uniuscujusque provinciæ, ut Toleta-
 „ no deinceps Pontifici jus sit in quibus-
 „ libet provinciis, quoscunque regalis
 „ potestas elegerit, & jam dicti Toleta-
 „ ni Pontificis judicium dignos esse pro-
 „ baverit, præficere Præsules: & de-
 „ cedentibus Episcopis eligere successo-
 „ res. Actis concilii Julianus Hispanensis, Julianus Toletanus, Liuva Bracaren-
 „ sis, Stephanus Emeritenfis subscripserunt. Et fortassis Hispanensis Toleta-
 „ no Præsuli de dignitate noluit quidquam concedere, cum in subsequen-
 „ tibus conciliis, primum inter Patres Toletanus locum pro jure concessæ auctoritatis occupavit. Toto deinde biennio evoluta,

Tom. I.

rursus Ervigii Regis jussu, Episcopi triginta octo, Vicarii Episcoporum viginti sex, Abbates novem, proceres, præterea non pauci in urbem Regiam convocati, in Petri & Pauli Prætorienfis æde, concilium Toletanum tertiumdecimum celebrarunt pridie Nonas Novembris, salutis anno sexcentesimo octogesimo tertio, qui Ervigii regni quartus erat. In eo conventu Pauli sectatoribus Rege concedente, Patrumque decreto venia concessa; & cum fides esset angustior, neque debita regio fisco solverentur, ad novorum motuum metum procurandum vectigalia, quorum gravitate provinciales selli erant, imminuta, & quæ eo nomine debebantur condonata. Et nimirum clementiæ & liberalitatis laude, quæ maxima vitia sæpe obruunt, occupati regni maculas delere Ervigius satagebat. Præterea cum ad honores publicos homines ignobiles malis artibus irreperant, & Gotthorum nobilitas consulo cum plebe sanguine, magna ex parte extincta contaminataque esset, ei malo occurrere mandatur. Ad extremum in Regis gratiam, lex à Patribus promulgata, qua Regiæ Liubigotonæ atque filiorum, si quid humanitas Regi accidisset, præsidium continebatur: ne popularis invidiæ flamma, quod non immerito metuebatur, Ervigii posteri deflagrarent. Mandatumque Episcopis, ut ad Paschatis festum, quo die Christi ad vitam reducis memoria instauratur, cum Rege celebrandum venirent quicunque moniti essent. Extant Juliani Toletani Præsulis ad Idalium Barcinonensem Episcopum litteræ, inter eos amicitiam initam significantis, cum is Episcopus ad celebrandum Pascha in curiam venisset. Subscribunt Julianus Toletanus, Liuva Bracarenfis, Stephanus Emeritenfis, Florentinus Hispanensis. Multa concilia celebrandi laudem quævisse Ervigius videtur: nam anno proximo quartumdecimum Toletanum concilium habitum est ad octavumdecimum Kalen. Decembris, Leonis XI. Romani Pontificis jussu & auctoritate: ut sexti concilii generalis, quod nuper Constantinopoli à ducentis & nonaginta Episcopis habitum erat, acta Hispaniæ Præsulum assensu rata essent. Episcopos omnes convenire instantis

Nnn

hyc

hyemis rigor non permisit : & plerique sumptus , quos superioribus conciliis celebrandis tolerare necesse fuerat , excusarunt. Itaque Episcopi septendecim , ac ferme omnes ex Carthaginensi provincia , Vicarii Episcoporum decem , in quibus Tarracoenfis , Narbonensis , Emeritenfis , Bracurenfis , atque Hispalensis procuratores erant , Constantinopolitani concilii actiones & decreta probarunt : illudque proxime post Chalcedonense concilium ponendum judicarunt. Nimirum ejus seculi vitio , Africæ , atque Illyrici exemplo , quintum concilium generale , quod Justiniano Imperatore habitum erat , repudiabant : quod & Isidorum Hispalensem fecisse , ejus scripta non uno loco testantur. Ibe Edesseni , Theodori Mopsuesteni , Theodoriti Cyrensis scripta in eo conventu Patres improbasse , accusabatur passim , quos concilii Chalcedonensis auctoritas excusabat ; haud satis intelligebant non idem semper de hominibus & de eorum opinionibus judicium esse. Monothelita ergo sive Apollinarista geminam in Christo negantes esse voluntatem , Hispaniæ Præfulum judicio , quod Constantinopoli factum erat damnati ; missaque à Patribus ad Romanum Pontificem per Petrum quendam Romanæ ecclesiæ Regionarium apologia adversus hæreticos , in qua catholicæ religionis summa capita continebantur , Juliani Toletani Præfulis ut erat excellenti eruditionis opinione opus. In quo Leone XI. interea defuncto , Benedictus Leonis successor nonnulla censuræ digna judicavit , atque in his quod de sacra Triade differens dixisset : sapientiam ex sapientia procedere , voluntatem ex voluntate : quomodo catholica ecclesia affirmat ,

Deum de Deo , lumen de lumine : quas loquutiones non esse extendendas Pontifex disputabat. Illud præterea offendebat , quod Christum servatorem ex tribus substantiis conflatum esse affirmaret. Dum hæ controversiæ Romæ atque in Hispania agitantur , Ervigius Rex tametsi religionis specie satis profecisse videbatur , ut regnum se superflite staret : ne defuncto tamen alienata multitudine , inimica nobilitate populare odium filios opprimeret cura sollicitabat ; optimum visum est , Egicam arcis cognatione Wambæ sanguini annexum generum adoptare Cixilone filia in conjugium data , juratumque in primis Reginæ focus , atque filiorum ejus commoda & incolomitatem diligenter , pro eo ac pater erat , curaturum : neque permittendum patre defuncto in orphanorum fortunas quæquam impune grassari. His rebus ex sententia constitutis , cum Wambæ leges nonnullas , quæ paulo acerbiores videbantur , & ab illorum temporum conditione abhorrere , propter corruptos gentis mores antiquasset , ac nominatim legem de delectibus militaribus , quæ paulo severior erat , mitigasset , in vivis esse desit Toleti ex morbo defunctus. 17. Kal. Decembris ; qui dies Veneris erat , saluti anno sexcentesimo octogesimo septimo ; regnavit annos septem , dies quinque & viginti , ad posteritatis memoriam , non tam honestus , quam clarus. Hoc Rege fame gravissima vexata est Hispania. Emerite pons & moenia nova diligentia instaurata , opus curante urgenteque Sala (ut pervetusta carmina indicant inter Eugenii Toletani Pontificis epigrammata) novi atque magnificentissimi ædificii speciem representabant.



CAPUT XVIII.

Egica Rex.

ERVIGIUS pridie mortis suæ Egicam generum successorem designavit, proceribus sacramento solutis, quo ipsi obstricti erant, ut nimirum in novi Regis verba jurarent. Inunctionis ceremonia more per hæc tempora usitato, post diem nonum, qui dies Dominicus erat, octavo Kal. Decembris, Luna quartadecima, in Petri & Pauli Prætorienſi ade peracta. Rerum potitus Egica odium in Regem focerum compressum animo, continuo deprompsit. Et fere injuriæ quam beneficii memoria diuturnior est. Itaque regnum de manu à focero acceptum, præclaro videlicet initio, ab ejus vindicta auspicatus, uxorem Cixilonem, ex qua Witiza natus erat, in odium patris repudiavit. Repudii suasor auctorque Wamba, ut nonnulli auctores tradunt, cum pietatis specie veteris odii semina scintillasque foveret ad extremam usque ætatem. De nonnullis proceribus supplicium sumptum: nimirum quorum opera Wambam in fraudem impulsam, atque

de rerum culmine dejectum esse constabat. Quod nisi ea vindictæ dulcedine reliquas actiones deformasset, facile cum quovis priorum Regum conferri potuit. Belli & pacis artibus peræque instructus fuit, prudenti atque mansuetudinis laude in primis cumulat. Religionis amplificandæ studio, & superiorum Regum æmulatione provocatus, concilium Toletanum, quintumdecimum haberi curavit, atque perfecit, ab Episcopis sex & sexaginta, ejus seculi anno octogesimo octavo Idibus Maii, in Petri & Pauli Prætorienſi ade. De Sacramenti forma atque vi potissimum susceptæ est disputatio: quo Ervigius ante annos aliquot Egicam successorem & regni proceres implicarat, adegeratque viduæ Reginæ, & filiorum ejus præsidium incolumitatemque jurare. Hæc cum temporum perturbatione, qua multi tota provincia promiscue bonis everſi sunt, plurima per injuriam occuparent tanquam certo jure possessa: quærebatur an juramenti religione prohiberentur, tum ii qui injuriam

688

juriam pertulissent res suas iudicio repetere, tum Rex secundum eorum iura & merita pronunciare. Patrumque sententia statutum, iurjurandi sanctitatem haudquaquam sceleri patrocinari: exolvique potius religionem calamitatibus hominum sublevandis æquitate facienda. Præterea Benedicti Pontificis criminationes & macule, quibus superioris concilii acta inuērat, nova disputatione deterſæ. Novoque apologetico Juliani verbis, Patrum auctoritate sanctum, nihil eum videri adversus Christianam pietatem committere, qui in Deo voluntatem ex voluntate procedere affirmavit: Christumque Deum ex tribus substantiis consisti; cum substantiæ nomen in naturæ, essentiæque significatione, usurpari consueverit, & abstractæ voces nempe formas significantes, sæpe pro concretis veterum scriptorum abusu sumantur. Eam Juliani disputationem Sergius Romanus Pontifex, Benedicto interea defuncto, magnis laudibus celebravit, ut Rodericus Præful est auctor: nobis aliquanto liberior visæ est, quam ut Juliani modestiam erga Romanum Pontificem, summum ecclesiæ rectorem deceret. Et nimirum de ingenii laude, qui cuiquam concedat rarus est, & in ardore disputandi modum tenere difficile. Erat enim Julianus eruditionis laude ea ætate celebris, ut ejus libri testantur: ac præsertim opus quod Prognosticum sæculi venturi nominavit, liberque De sex ætatibus: qui libri ad nostram ætatem conservati sunt, alii injuria temporum desiderantur. Fuit ex Judæorum sanguine prognatus, Eugenii tertii discipulus: cum Gudila Archidiacono Toletano arcta amicitia conjunctus: Quirici Toletani Præfulis successore, ingenio facili, copioso, suavi: probitatis opinione singulari. Obiit Egica Rege, octavo Idus Martii, hujus sæculi anno 691 nonagesimo. Defuncti corpus in Leocadiæ tumulatum: vite sanctitas celestium numero inferuit fastisque, ut Martyrologia testantur. In ejus locum Sisbertus successit, homo audax & temerarius, ingenio malo pravoque: qui vestem Illesonso Præfuli de calo dono allatam, & prædecessorum religione eatenus intactam contrectare, eaque indui non

dubitavit. Unde in majora mala præcipitavit. Et sere humani animi excæcantur, cum divina ultio insequitur, neque aciem suam retundi vult. Itaque vasto animo immoderata nimisque alta cupiens, ac rerum novarum studio elatus, in Regis caput, cujus beneficio auctus erat, rebellavit personæ quam gerebat immemor. Erat ei consilium ad facinus aptum, consilio autem, neque lingua, neque auctoritas decrat; appellare, tentare, sollicitare noverat; & cum provincia per eam ætatem in factiones scissa esset, multi ex nobilitate & plebe in partes attracti; unde intestini belli materia excitata, externa præterea arma movebantur: utrumque (sic credimus) Sisberti fassus. Ter cum Francis signa à Gothis collata sunt, adversa semper fortuna belli. Verum injuria temporum neque pugnantium neque cadentium numerus proditus est: ac ne quibus in locis sit pugnatum. Illud constat, Regis diligentia intestini belli, quod majora mala minabatur, initia compressa. Sisbertus Regis primum, deinde Patrum sententia anathematis ignominia notatus, exilioque multatus, ac de gradu dejectus est: eorum qui Toletum jussu Regis convenientes, numero unus & sexaginta in Prætorienſi Petri & Pauli, sexto Nonas Maii, salutis anno sexcentesimo nonagesimo tertio concilium Toletanum sextumdecimum celebrarunt. In eo conventu Christianæ religionis formula de scripto concepta promulgataque est. In qua superioris concilii auctoritate atque instituto, voluntatem ex voluntate, sapientiam ex sapientia, essentiam ex essentia in Deo procedere, Christumque ad inferos descendisse expressis verbis affirmatur. Judæi, qui sincero animo Christiana sacra complecterentur, nobilitate atque vectigalium immunitate donati. Gothicæ leges majori diligentia sunt castigatæ: præceptumque ut pro Regis, filiorum, nepotumque ejus salute, ad omnia templa, vota diebus omnibus suscipiantur: ad certam verborum formam oratione concepta à Patribus; quod institutum ab hoc initio susceptum in nostros mores nostramque ætatem emanasse credimus; paucis in ea oratione verbis commutatis. Cujus deprecationis ea sum-

summa capita erant: Ut desideria in eis bona quotidie multiplicentur: adversantium eorum conamina virtute suæ dexterae (hoc est Dei) confringantur: indulgentia eis & gratia à sua misericordia conferatur: ut suæ potentia defensione protecti antiqui hostis decipula evadant: & caritate & vitæ longævitate pollentes adire mereantur post transitum sidereas mansiones; quæ sunt omnia verba Patrum. In Sisberti locum Felix Hispaniensis Præsul Toletanus est factus. Faustinus Bracarenfis Episcopus Hispani in Felicis locum migravit. Præterea Maximus Emeritenfis, & Vera Tarracoenfis concilio interfuerunt. Cum his Metropolitanis Felix in Faustini locum ex Portucalensi Episcopo Bracarenfis Præsul, & alii Patres, tamen numerus ignoratur, proximo anno Toleti in Leocadia templo suburbano novum conventum, cujus acta inter concilia Toletana postremum occupant locum, agitarunt Novembris septimo die. Gallia Gothica Episcopi venire non potuerunt, pestis contagione impediti, quæ per hæc tempora grassabatur: & belli malis impliciti, cum finitimi Franci in ea Gothici imperii inclinatione de finibus sæpe lacerarent. Actum referente Rege de Judæorum natione supplicii omnibus extirpanda: quam prodenda Hispaniæ atque adversus Christianorum imperium rebellandi, cum Judæis Africanis consilia communicasse, ex oblato Patribus codicillo Rex conquerebatur: latius opinione disseminatum id malum, obscureque serpens manasse per universam Hispaniam, omnesque ejus provincias occupasse, neque tamen Pyrenæos montes transcendisse, in Galliamque penetrasse. Id opprimi sustentando ac dissimulando nullo

paſſo poſſe, neque ſuis eſſe. Proinde celeriter quid optimum factu foret in re præſenti judicarent. *Æternæ ſervituti* Judæi omnes Patrum ſententia mancipati, bona publicata, ut animi & corporis cruciatus egeſtatis malum augetet; ſancitumque in poſterum, ut filii eorum ſeptennes à parentibus abſtracti, Chriſtianis hominibus educandi inſtituendique traderentur. Lex præterea promulgata, qua Cixilonis Reginæ, quamvis à Rege repudiata, & filiorum Rege ipſo deſuncto præſidium continebatur. Eandem Patres ante tres annos in conventu Cæſarauguſtano lege univerſim de Reginis viduis lata ſanxerunt, deſuncto Rege ne cujuſquam libidini atque contumeliæ opportuna eſſet, veſte mutata in virginum Deo ſacratum collegium coopari. Cixilonis filius Witiza à Rege patre regni conſors renunciatur, cum ſolus ipſe decem annos regnaſſet. Extantque monetæ in Hispania patris & filii nominibus percuſſæ: atque ad Tudenſem urbem in amœniſſima valle, malis citreis & ſcatentibus aquis, regii palatii veſtigia atque parietinæ, quod Witiza oblectandi animi cauſſa extruendum curavit: cum in ea urbe regni ſedem collocaveſſet à provido patre, ne videlicet conſortium poteſtatis pacem publicam, ut fieri ſolet, turbaret, ad Calæciæ regnum, quod in Suevorum ditione fuerat, cum poteſtate ablegatus. Unde ad reliquas Gothico imperio ſubjectas provincias deſuncto patre, quinto poſt anno vocatus eſt. Obiit enim Egica Tolci ex morbo, ſalutis anno ſeptingentefimo primo, menſe Novembri; cujus menſis die quinto-decimo, ſeptimodecimo Kalen. Decembris Witiza recepto more Gotthorum Rex inunctus eſt.



CAPUT XIX.

Witiza Rex.

WITIZÆ regnum omnibus turpitudinum maculis deformatum fuit, crudelitate immane, præcipua impietate, adversus ecclesiæ leges insigne. Res Hispaniæ peccatis gentis urgentibus ad exitum festinabant. Et inest rebus omnibus quidam velut orbis, ut quemadmodum temporum vices, ita mores hominum & imperia vertantur. Initio quidem cum intelligere videretur, Regum officium esse tueri innocentiam, coercere improbitatem: exules qui à patre fuerant relegati in patriam revocavit; & ut beneficium illustrius esset, honores etiam & magistratus, quibus apud patrem sancti fuerant, reposuit. In procerum conventu schedas publicas, quibus delicta continebantur, atque infamiæ notæ non paucis in ea temporum perturbatione inultæ, comburi mandavit. Ab his initiis cum iusti & optimi principatus specimen præbuisset, mox omnia in ludibrium vertit; cesserunt prima postremis; ut est difficile in lubrica atque juvenili ætate summam potestatem & rerum omnium licentiam ratione virtuteque frangere. Se ipse primum assentatoribus, quorum magnus in aulis Principum numerus alitur, corrumpendum tradens, in omnes libidines præceps effudit: quas male

coercitas, qualiscunque patris reverentia tardaverat. Magno numero concubinas uxorum justarum loco cultuque habuit: lege lata ut id cunctis liceret, tum promiscuo populo & proceribus, tum viris sacris; quod illi libenter facitabant: ut vitia Principum imitari, genus obsequii ducitur; & propemodum necesse est sensibus hominum placeant, quæ cum turpitudine conjuncta sunt, & vitæ humanæ fructum vitiorum licentia atque improbitate definiunt. Romani Pontificis, cujus auspiciis hætenus religio steterat, & Gothicæ res auctæ, & bonis omnibus amplificatæ erant, imperium abrogatum. Utraque lex ut communi provincie consensu & iudicio sanciretur curatum. Ea re Toleti Episcoporum conventus octavus decimus Gunderico ejus urbis Episcopo, est habitus in Petri & Pauli suburbano templo, ubi per ea tempora Benedictinarum virginum domicilium erat. Ejus conventus astra in volumen conciliorum collata non sunt: ne convenit quidem, cum legibus ecclesiasticis essent contraria. Judeis redeundi atque habitandi in Hispania, contra quam antiquis legibus cautum erat, facultas concessa. Conversi ex eo provincia, & malis omnibus foedata, cum multorum invidiam

vidiam excitasset, eorum qui antiquis legibus stari mallebant, & multi ad Chindasuinthi sobolem spectarent: quod superflite patre coeperat, ut eorum sanguine manus fodaret, idem sibi iterum positus faciendum iudicavit. Erant ad hanc ætatem supersites duo Chindasuinthi filii, Reccefsuinthi Regis fratres, Theodofredus, & Favila. Theodofredus Cordubæ Dux erat, ubi olim palatium extruxit in agro suburbano, sese loci amoenitate oblectandi cupidus: cum regie invidiæ declinandæ studio, curia abstinere, atque aula haberet præjudicatum. Favila Dux Cantabriæ erat, & quo tempore Witiza Calæciæ regnum obtinuit, ejus lateri adhærens, cohorti prætoris præfectus est: (Gothii Protospatarii vocabantur, voce eo sæculo nota). Hunc Witiza ut ejus uxore liberius trueretur (sic nonnulli suspicantur) stipite percussum interfecerat, ejus Pelagii patrem, qui deinceps res Hispaniæ collapsas restituere cepit, & tunc apud Witizam pro patre vicarius Protospatarii honore fungebatur. Verum cum sublato patre se in Cantabriam recepisset, & Julianus Comes, qui Witizæ forem in matrimonio habebat, in ejus locum substitutus esset, hoc tempore tum in ipsum Pelagium, tum in patruum Theodofredum odium depromptum: quod diu Witiza conceptum animo habuerat. Theodofredum luminibus privandum curavit. Ejus filius Rudericus fuga est elapsus. Ne Pelagium quidem quamvis velligiis omnibus inquisitum capere potuit: cum Cantabrorum fide munitus esset, & regii furoris vitandi causa religionis specie Hierosolymam petisset, ut per manus ducta ejus provinciæ persuasio habet. In Arratia Cantabriæ oppido diu Pelagii & comitis baculi, quibus ex ritu peregrinantium in eo itinere usi sunt, monstrabantur. Eo actionum tenore, cum ad totius vitæ pravitatem crudelitatem adjunxisset, commotos provincialium animos, quia sanari non poterant, frenandi studio, ne res novare cupientibus locus esset ubi factionis vires confirmarent, plerasque urbes tota Hispania moenibus & munitione nudavit. Paucæ Regis imperium evaserunt: in his Toletum, Legio, Asturica, sive obsequium detrectantes, sive quod

earum fidei Witiza res suas credere non dubitaret. Arma quibus reipublicæ salus & præsidium continetur, easdem ob causas (sic nonnulli tradunt) conflata. Tantis molitionibus honesta species prætendebatur, pacis publicæ conservatio, regniq; tranquillitas. Re vera tyranni ubi semel pravitatis eorum animos occupavit, ipsa præsidia metuunt: & quos neque pudor à turpitudine, neque metus ab immanitate, neque à temeritate ratio revocat: ii dum propriæ incolumitati studere videntur, majori periculo metuque implicantur. Gundericus Felicis successor Toletanam ecclesiam per hæc tempora gubernabat, præcipua probitatis laude, si satis animi habuisset ad reprimendos regios conatus, improbitatem arte, & ratione sanandam: ut sunt multi, qui peccare magis noli, quam quod satis magnum animum habeant ad scelera vindicanda. Erant præterea prisca moris sacerdotes, qui superiorum temporum memoria sanitate retinentes, Witizæ actiones probare non poterant: quos omnes Gunderici successor Sindericus exagitandos atque omni suppliciorum genere vexandos suscepit, Principis obsequio delinitus, temporique serviens. Usque eo ut Oppam Witizæ fratrem (alii filium faciunt) ex Hispalensi ecclesia, cui præfectus erat, Toletum migrare concesserit, unius ecclesiæ duobus gubernacula procurantibus: quod pietas Christiana, & prisca leges ecclesiæ vetabant. His actionibus, ac totius vitæ perversitati Regis exitus consentaneus fuit; tamen non una de ejus obitu opinio est. Rodericus Præsul Ruderici ait conjuratione, cum se & factionis studia Romanorum, ad quos execrato patre, sui que periculi metu aufugerat, auxiliis copisque confirmasset, regno spoliatum, luminibus patris exemplo vindictaque privasse: Cordubamque misisse, ubi vitæ reliquum exegit, æternis tenebris vinculisque mancipatus. Numero tamen & diligentia potiores historici Witizam ex morbo Toleti obiisse affirmant, decimo regni anno, salutis septingentesimo undecimo, gemina prole relicta, Eba & Sisibuto; quorum partes dum plerique sequuntur, resistunt alii, respublica in supremam calamitatem precipitavit & maximam.

RES ipsa hortari videtur, quoniam ex fatali gentis dissidio res Gotthicæ ad exitum per hæc tempora properabant, divisæ provinciæ studiis inter Chindasuinthi Regis posteritatem, & Wambæ cognatos, cum utriusque se legibus ad regnum niti putarent, utriusque familie stemma brevi narratione explicare. Chindasuinthus ex Reciberga uxore hos filios reliquit, Reccesuinthum successorem, Theodulfredum, atque Favilam, & filiam unam. Roccesuinthus nullam prolem suscepit, quare procerum suffragio Wambam successorem habuit. Chindasuinthi filia Ardebasto Comiti nupsit; erat is Græcus natione, & Constantino- poli relegatus, cum ingenium industriamque Chindasuintho probasset, ab eo gener est adoptatus. Ex hoc conjugio natus est Ervigius, magnorum motuum origo causæque, cum Wamba circumvento regnum per fraudem occupare visus esset. Ex Ervigio Rege & Liubigotone uxore nata Cixilo Egicia

Regis, qui Wambæ propinquus erat, uxor. Eo enim conjugio, quoniam utriusque familie sanguis miscebatur, pax publica dissidio sublato coitura rursus providebatur. Ex hoc conjugio Witiza natus est, præterea Oppas Hispalensis Præsul atque filia, quæ Juliano Comiti nupsit, ut magni auctores testantur. Witizæ filii fuerunt Eba, & Sisebutus, ut est paulo ante monstratum. Theodulfredus alter Chindasuinthi filius ex Ricilone uxore, quæ ex regio Gothorum sanguine nata erat, Rudericum genuit, Hispaniæ facem & pestem. Ex Favila, qui & ipse Chindasuinthi proles erat, Pelagius is natus est, cujus virtute collapsæ penitus atque prostrigatæ Christianorum res in Hispania Ruderici temeritate, resurgere ex aliquanto intervallo cœperunt. Ad hunc Hispaniæ Reges nunquam intercisæ serie, cum semper aut parentibus filii, aut fratribus fratres successerint, clarissimum genus referunt.



IS ERAT rerum status in Hispania, quo tempore Rudericus Rex Witizæ filius prætermis- sis, regnum Gothorum suscepit procerum suffragio, uti multorum opinio

opinio est: ut neque pace coalescere scissa principum & plebis studia, atque infecta partibus possent, neque bellum defendere sicunde illarum esset. Externis praefidiis nudati, atque vitiorum assuetudine non minus corporibus enervati, quam agri animis, accubantes in conviviis, cibo atque vino debilitati, emolliati atque corrupti stupris vitam infamem Principum exemplo eruditi plerique è populo transigebant, seditionibus concitandis idonei, inepti externorum hostium armis propulsandis; virtute partum imperium opulentia perdidit, & opulentiae affectu voluptates. Omnem illum animorum vigorem, quo tantæ res bello paceque perfectæ erant, vitiorum licentia extinxerat, qua nihil est disciplinae militari exitialis; nihil ut Hispaniæ moribus ea ætate corruptius esset, neque ad irritandas illiciendæque immodicas voluptates instructus. Mihi Gothicum imperium per hæc tempora multo maxime miserabile fuisse videtur, cuius virtute cum magna orbis terrarum pars peragrata victoriisque illustrata esset, domi rerum omnium copia atque divitiis redundaret: fuere tamen qui partium studio se atque rempublicam obstinatis animis perditum irent. Tanta vis morbi atque veluti tabes plebsque Gotthorum animos occuparat. Inerant quidem novo Regi magna animi & corporis bona, neque adumbrata solum, sed expressa atque illustra maximarum signa virtutum; corpus laborum patientia duratum: inedia, vigilia, frigoris atque æstus: animus audax magna petens, liberalitatis laude excellens, atque ingenii ad versandos hominum animos, & magnarum rerum transactionem præcipua dexteritate. Has omnes virtutes cum primum ad regnum accessit ingentibus vitiis exæquavit: injuriarum memoria, libidinis intemperantia, atque actionum imprudentia Witizæ propior quam patri majoribusque. Extat numisma Ruderici nomine percussum, expressa facie armati atque ferocis hominis similitudine ex parte una, ex altera his adjunctis verbis **IGEDITANIA PIVS**. Temporum assentatione, ut arbitror, magis quam quod iis in locis aliquid egerit, unde eo cognomine cohonestari meruit.

Tom. I.

Palatium à patre Theodesfredo prope Cordubam in locis suburbanis adificatum, ut paulo ante dictum est, novis operibus magnisque molibus exornandum, augendum, muniendumque curavit. Unde tempore consequenti à Mauris Ruderici palatium vocatum est, ut Isidorus Pacensis est auctor certissimus historiæ horum temporum scriptor. Pelagium patruelem sanguinis propinquitate conjunctum fortunæ similitudo amplius conciliavit. Itaque continuo ad se ab exilio revocatum cohorti prætoris præfexit: quo magistratu ea tempestate secundum Regem honos supremus & maximus continebatur. Odium quod in Witizam Regem longo tempore hauserat, in ejus filios profundere velle visus est: usque eo ut ignominia ac dedecore quo à Rege afficiebantur provocati, atque majoris mali metu percussi, curia abstinere atque Hispaniæ finibus excedere, tutissimum fore judicantes, in Africæ Tingitanæ partem illam, quæ Gotthorum imperio retinebatur, navigarint. Erat ei provinciæ cum potestate Requila Comes præfectus, Juliani Comitis (sic arbitror) vicarius. Præerat præterea Julianus ei Hispaniæ parti, quæ freto Herculeo adiacebat, unde brevissimus in Africam trajectus est; ad Confaburionem autem multa gentilitia oppida optinebat: unde Julianus potentia cum quovis Hispaniæ principum conferri poterat, Regi ipsi formidabilis esse debuit; atque hæc prima fatalis dissidii semina jaciebantur: nam Witizæ filii priusquam in Africam trajicerent, rebellandi consilia inter se & cum aliis viris principibus communicarunt, gravissimas injurias conquesti, quibus indies à Rege petebantur; aderant juvenibus Oppæ Præfulus studia, qui regio sanguine & multis clientelis potens erat; aderant alii, pars vindictæ studio, non paucis spes ex novis rebus petebatur. Hæc semina cum dissipari arte atque comprimi debuissent, novo atque exitiali facinore exacerbatis amplius inimicorum voluntatibus aucta atque ad maturitatem perducta sunt; unde male cogitantibus occasio est suppetitata, summum scelus, quod incipere eatenus formidantur honesti specie velandi. Erat in more positum ut principum Hispaniæ liberi

Ppp

in

in aula regia educarentur. Filii quidem ad custodiam regii corporis, & privata obsequia adhibebantur, inter epulas ministri erant: venantem Regem, quibus per ætatem licebat comitabantur, & ad bellum proferebantur armati; magnorum Præfectorum & Ducum hæc rudimenta incrementaque erant. Filiae autem in gynæceo Reginae ministrabant: ubi Minervæ artes, psallere & saltare, quantum necesse esset feminis, docebantur. Moris omnis cum ætate gharæ viris principibus connubio jungebantur. In his Juliani Comitis filia, Cava nomine, in obsequiis Reginae Egilone erat, excellenti formæ dignitate. Hæc aliquando cum æqualibus ludens, corpus cum magna ex parte nudasset, Regis animum fortetortuna clam ex fenestra prospicientis vehementer perculit: atque ita ut rebus omnibus contemptis unam deperiret, ejusque species animo identidem obversaretur. Alebatur in medullis amoris obsecrni flamma, atque intima præcordia depascebatur: & frequenti aspectu unde animum invaserat, quotidie magis morbi vis augebatur. Ita opportunitatem nactus, quam neque gratia flectere, neque blanditiis allicere, neque minis & metu frangere potuit, invitam atque reluctantem virginem vitavit. Regem nimirum aliis flagitiis scdum libidinis impatientia in præceptis egit. Erat Julianus à Rege in Africam eo tempore de rebus magnis legatus. Filia doloris impatientia, atque ignominiae dedecore in furorem acta, hoc exemplo ad patrem litteras dat: „ Utinam ò utinam, pater, terra
 „ mihi dehisceret, ne his te litteris interpellare necesse esset, & atroci nuncio
 „ dolorem tibi sempiternum & luctum conciliare. Quanus cum lacrymis & singulibus hæc scribam hæc lituræ indicio sunt: sed nisi continuo facio
 „ non corpus tantum scddatum esse, sed & animum sempiternam concepsisse maculam suspicaberis. Aut quis nostris malis exitus erit? Quis te infcio
 „ nostræ ignominiae & dedecori medeat? An expectabimus dum quod in arcano hætenus delitescit, tempus in lucem proferat: & dedecus quod modo sustinemus in probrum & infamiam vertatur, qua non graviore morte? Pudet scribere quod silere non licet. O

„ turpem & miseram vitæ nostræ conditionem. Uno verbo dicam: filia tua, tua proles, Gotthorum Regum agnata soboles, à Rege Rudenco, cujus custodiæ à te permilla erat, nimirum
 „ ovis lupo, incredibili & maximo scelere violata est. Vos si viri estis, facietis
 „ ut gaudium quod nostro ex dedecore hausit, pestiferum illi sit: neque impune
 „ nostro sanguini & familie illusisse videatur. Hæc litteræ quantum dolorem iniecerint patris animo, quivis de suo sensu æstimare potest. Omnino fâces subdiderunt ad prodicionem maturandam; cuius paulo ante initia iacta erant. Itaque continuo quasi rebus in Africa compositis, redit in Hispaniam: & ut erat audax, versutus, varius, cujuslibet rei simulator, & dissimulatur, rerum à se gestarum commemoratione & accommodatis ad tempus officiis, Regis animum amplius devinxisse videbatur; ad omnia jura familiaria & consilia Regis initia, de supremis reipublicæ rebus admittēbatur; quæ omnia non tantum ejus meritis, sed etiam amoris filiae dabantur. Dat consilium, ut quoniam immota pax staret in Hispania, Mauri sæpe & Franci de finibus laceſcebant: quidquid equorunt & arriorum reliquum erat, adversus externos hostes in Africam atque Galliam mittendum videri. In quo specie utilitatis providebatur, ut Rex omnibus præsidis nudatus injuriæ opportunus esset. His rebus ex sententia peractis, fingit uxorem, quam in Africam reliquerat, morbo implicitam esse gravi atque diuturno: nullaque re levari posse, nisi filiae, quam unice amabat aspectu. Id per litteras, tum ipsam tum domesticos significasse. Necessaria re, & quoniam propediem redituras pollicebatur, victus Ruderici animus magis quam flexus (& fortassis copia fastidium fecerat) patrem & filiam ex aula dimittit. Malacæ, quæ urbs infero mari alluitur, porta vistorum Cava nomine. Ea parte egressam Juliani filiam, navim conscendisse, ducta ab antiquo hominum persuasio habet. Interea Regem ex tantis sceleribus calo & hominibus invifum ratio ipsa & prudentia deferere videbatur: famali palatio, quod Toleti erat aperto, ut Rodericus scribit, quod invicti vestes atque æterna ferri robora muniebant, adituque prohibebant,

bebant, ne reſeratum, excidium Hiſpaniæ afferret: quod in ſais eſſe vulgo homines, ſed & primores gentis perſuaſum habebant. Rudericus ingentes theſau-ros ſuſpicatus ſuperiorum Regum providentia in eo palatio ſervari, & alioqui indagandi curioſus animus, quamvis diſſuadentibus atque deterrentibus cunctis ordinibus, ſerâs perfringendas curavit: ut ſunt vehementes & inviſtæ in eo quod ſemel propoſuerunt Regum voluntates. Nulli theſauri reperti. Arca tantum extabat, & in ea linteum, quo explicato inſolentes hominum faciès atque habitus in eo depictæ apparuerunt cum inſcrip-

done verbis Latinis, quæ Hiſpaniæ excidium ſignificabant inſtare ab ea gente quam pictura demonſtraret. Mauriciſ ſimiles veſtes atque habitus viſi ſunt: unde ex Africa tantum malum inſtare Regi & proceribus qui aderant perſuaſum eſt: ſeraque poenitentia ſubiit nullo fructu, magno periculo gentis arcana perſcrutatos eſſe, quæ tanta eatenus religione ab omnium oculis ſubducta fuerant. Hujus narrationis fidem nonnulli elevant; ex ingenio quiſque ſuo in utramvis partem ſtatuat: nobis neque confirmare argumentis neque reſellere animus erat.

C A P U T XXII.

Primus Maſſorum adventus in Hiſpaniam.

SARACENORUM arma hac atate impune toto orbe volitabant in Arabia exortus ille furor Mahomete Duce, multos primum mortales illuſit novæ religionis ſpecie, orientis deinde Solis partes cum occupaveſſet, Auſtralesque regiones pervaviſſet, uſque ad ultimas occidentis Solis oras non longiſſimo ſpatio temporis pervenit. Heraclius quidem Imperator Coſroe Perſarum Rege devicto, Aſiaque domita, naſcentem peſtem in ipsis incunabulis comprimere arte cupiens, ex Saracenorum nobilitate quatuor millia Romana caſtra ſequi voluit honoris ſpecie: re ut obſidum loco eſſent, ne novos motus ut coeperant in provinciis concitarent; ii militarem veſtem ex Juſtiniani, quæ adhuc extat, legē poſcentes cum repulſam tuliſſent, addita præterea verborum contumelia, eunucho in ea imperii ſæce, ſiſci præfecto dicente: Quid reliqui eſt Romano militi quod dari his canibus poſſit? ea effoſminati viri voce irritati, ad ſuos continuo ſacſto agmine revertuntur, propinquas Romani imperii urbes carpunt: Ægyptum occupant: Perſas nuper à Romanis devictos debilitatoſque viribus, ipſi integri ſeroceſque domant, compelluntque Mahometis ſacra & Saracenorum nomen ſuſcipere. Syria univerſa capta: Africa ſæpe tentata bellorum eventu vario, ſuccellu tandem ipsis proſpero. Abimeſchi Regis ductu Carthago magna capta everſaque; à Joanne Præfecto prætorii,

cum res in ea provincia gereret, repulſi Africa ſinibus majori mole bellum parabant. Adverſus eorum conatum Joannes ſupplementum à Leontio Caſtre petiturus Conſtantinopolim navigavit; ſubitis anno circiter ſeptingenteſimo. Romani interea legiones tedio longioris moræ, an novarum rerum ſtudio; Tiberium Apſimarum civem Conſtantinopolitanum Imperatorem ſulatuſatum, ad rempublicam capeſſendam Conſtantinopolim proſequuntur. Ea ex re Saraceni vacuum Africa poſſeſſionem invadunt, atque occupant: Numidiâ & Mauritaniâ ad Oceanum uſque Atlanticum, qua finis eſt orbis terrarum. Ulit univerſe genti præerat Miramamolius (ſupremi imperii ea vox erat). Ejus nomine Muza Africam gubernabat, homo natura ferox, vehemens, manu promptus atque animo, conſilio bonus. Julianus impetrata à Rege diſcedendi facultate, ex itinere quidem conjurationis capita adit, ſingulos appellare, polliceri tabulas novas, opes ſuas, imparatum Regem docere, præcipua & maxima victoriæ præmia polliceri. Non procul Conſtaburone mons oſtenditur ab incolis Calderinus nomine; ea voce quoniam Arabica lingua proditiſionis mons ſignificatur, vulgo homines accepta à majoribus opinione perſuadent, in eo monte prodenda Hiſpaniæ Mauriſ conſiſta à Juliano & ſociis agitata. Appulſus autem in Africam Muzam extemplo adit, injuriâ ſe à Rege violatum

latum conqueritur: Witizæ filios paterni regni hereditate privatos, inopes, & egentes sine larē familiari vagari: non deesse provincialium studia. Quo in statu res Hispaniæ sint, explicat, venisseque tempus Hispaniæ imperium occupandi, atque adeo totius Europæ, cujus aditu eatenus erant prohibiti; una celeritate opus esse ad præoccupandos factionis adversæ conatus; seque si pauci jvarent non dubitaturum clientum opibus, & quoniam provinciæ aditum utrinque ad fretum obtineret, Ruderici vires tentare, regnum evertere. Oblatam occasionem non despiciebat barbarus. Christiani tantum hominis fidem suspectam habebat. Re ergo cum Miramamolino communicata, modicis primum copiis Hispaniæ vires tentare, Julianique fidem experiri, an verbis facta responderet opimum fore judicavit, cunctator ingenio & laxissima provinciæ moderatione, multisque ex eo & magnis negotiis implicatus. Centum equites & quadringenti pedites quatuor navibus impositi sunt missi. Is vicinas freto insulas & littora tentantibus diripientibusque, cum ex voto res succederent, & plerique Hispani ad illos confluerent, denuo agente Juliano, Tariffio Duce qui altero oculo captus erat, cognomine Abenzarca duodecim pugnatorum millia mercatorum navibus, quo res occultior esset, transvecta sunt in Hispaniam. Is copiis cum Calpe mons primum esset occupatus, Heraclea urbs illi monti imposita Gibraltaris nomen accepit à Tarif & Gebal, quæ vox montem significat, nomine duplicato; ab eodem Duce Tariffiæ nomen vicino oppido est factum, ut plerique arbitrantur, cum olim Tartessus diceretur. Hos Juliani & Maurorum conatus celeritate præoccupandos judicans Rudericus, sobrinum suum Sanc-

tium (alii Enecum vocant) continuo obviam misit. Ex eo initio de belli summa omen est factum; ut erat ex colluvione plebis & subitario delectu exercitus conflatus, non vigor corporibus inerat, non ardor animis: lentum & deformē agmen, fluxa arma, segnes equi, impatiens Solis, pulveris, ac tempestatum, nulla disciplina militaris. Itaque cum primum castris collata sunt castra, levibus initio præliis, adverso semper Marte, deinde totis utrinque viribus dimicatum est. Victoria penes Mauros stetit: & Sanctio cadente Gothorum exercitus partim cæsus, partim fuga dissipatus est. Barbari victoria elati, Beticæ & Lusitanie agros depopulati, non pauca oppida eo tractu, ipsamque urbem Hispalim, ut erat mœnibus & munitione nudata, facile suæ ditionis fecerunt. Incidit hæc prima calamitas in annum ejus seculi tertiumdecimum. Quo anno Sinderedus Præsul Toletanus rerum summæ diffidens, an Ruderici injurias & insolentiam non ferens, relicta Hispaniæ Romam abiit: ubi post aliquot annos Gregorio tertio Pontifice Maximo Lateranensem conventum cum aliis Episcopis habuit. Ecclesiæ Toletanæ præcipui sacerdotes, ne in ea temporum calamitate rectores carerent, Oppa prætermisso, quem legibus repugnantibus constabat ad eum honorum vocatum, Urbanum præfici moris virum, morum sanctitate excellentem, Præfulem creaverunt. Fucrat is Toletanæ ecclesiæ Primicerius, seu primus cantor; & quoniam Sinderedo superflite electus est, neque electionem probarunt iis, quorum intererat, à veteribus ut indicio sunt perventus codices, ubi eorum Episcoporum nomina continentur, in nullo Præfulum Toletanorum numero ponebatur.

713

C A P U T XXIII.

Ruderici Regis mors.

TANTIS rebus peractis Tariffius & Julianus Comes in Africam redeunt: novas Saracenorum copias supplementi causa in Hispaniam mitti Muzam postulant: relictoque apud eum obsidis loco Requila Comite, impe-

trant multo majorem quam ante equitum ac peditum numerum; atque ita ut cum Ruderico Rege totis viribus consilgere non dubitarent. Is enim suarum rerum periculo provocatus & ignominie, quæ accepta erat dolendæ cupidita-

te inflammatus, ex universâ ditione, quorum ætas idonea erat, ad signa magnis propositis suppliciis nisi parerent, vocavit. Ea denunciatione numerosa hominum multitudo convenit; qui minimum supra centum millia hominum fuisse ajunt. Verum ex diutino otio ad bella suscipienda, ut vulgus consuevit alacri ac prompto animo, molli ac minime resistente ad calamitates perferendas. Et erant plerique inermes, fundis tantum & sudibus armati. Cum hoc exercitu Rex in Beticam profectus, hostemque nactus ad Casarianum in planicie, quam Lethes amnis interfuit, castra locavit. Ardebat uterque exercitus pugnandi cupiditate. Mauri tot victoriis & proximo belli successu elati: Gotthi pro salute & libertate, patria, liberis, conjugibus, vitam discrimini offerre non dubitabant. Tamen plerisque mæstum silentium tenebat, & tacita divinatione occupati videbantur, qualis jam præfagentibus animis imminenti mali esse solet. Regem curis anxium ac solitudine, ostenta insomniaque perterritum memorantur. Octo continuis diebus iisdem vestigiis dimicatum est: septem, levibus præliis, ut arbitror, cum utriusque quantum virtutis in hoste esset, quantum in suis experiri cuperent, priusquam totius certaminis aleam subire necesse esset. Die octavo, qui dies Dominicus erat, Xavelis Arabum mensis nono die, tertio Idus Novembris, ipse Martini festo die, uti ex Aluendensi Chronico colligimus, atque salutis anno septingentesimo quattodecimo, totis utrinque viribus & copiis pugnatum est; utraque acies pro castris ad pugnam instructa. Rex curru eburneo sublimis, & intertexta auro veste conspicuus, ut erat Gotthorum Regum mos pugnam invadere, priusquam ad manus deveniret, hanc ad suos orationem habuit: „Lector milites venisse tempus vindicandi injurias, religionem expiandi adversus hominum genus cælo æque & hominibus visum. Quæ enim illis est causa pugnandi, nisi ut vobis, liberis, conjugibus, & patriæ æternam servitutem imponant, Dei immortalis templa diri pient evertantque? quod in aliis provinciis & Hispaniæ parte fecerunt, & quorum ruentium fra-

Tom. I.

gor & rudera pene in oculis atque auribus vestris versantur. Sentiant hæcenus cum eunuchis bellum gessisse, nunc cum invicto Gotthorum sanguine. Superiori anno minima virium parte cum hoste pugnavimus; eo successu elati (Deus illis mentem eripuit) eo penetrarunt unde receptus esset nullus: quo nimium tot nefaria scelera suo suorumque sanguine luerent; sic speramus auguramurque. Mauris antea bellum inferebamus in Africa, Francos à sinibus repellebamus: nunc in sedibus nostris propulsumus illatum; pro hac facinus nefasque, vel ipsa morte procurandum; hæc sunt humanarum rerum vices. Quod nisi victoriæ spes esset ut exploratum habemus, vindictæ certum studium debet stimulari, tot cognatis & necessariis in acie trucidatis; tantæ agrorum & oppidorum cum nostra ignominia vastitate. Quod mearum fuit partium exercitum comparavi, quem planities vix capit, commeatus providi, locum idoneum elegi, Ducibus munia distribui, subsidia aciem firmavi: alia præterea arcano comparata ad salutem, quæ nunc sileri satius est; in ipsa pugna nihil me reliqui ad victoriam fecisse sentietis. Cætera in vestra potestate sunt, audete modo vincere, plenique humana divinaque spe in hostes irruite, memores patriæ avitæque virtutis, memores Gotthorum sanguinis, memores religionis Christianæ, cujus auspiciis militamus. Econtrario Tariffus certus copiam pugnandi facere, postquam copias in aciem produxerat, hanc summam orationis habuit: „Terrarum finis Oceanus hinc aluit, ex ea parte claudit Mediterraneum mare: non de gloria, sed de salute pugnandum est; nullus receptus locus, dextris atque virtute fidendum. Hic dies aut Europæ imperium dabit, aut vitam cunctis eripiet. In morte securitas erit, in victoriæ gaudium; ignominiosa vita nihil turpius; sed Asiæ domitores atque Africæ, ad subigendam Hispaniam non meo magis ductu, quam vestra sponte profecti inveteratæ virtutis meminisse debetis; non Africæ solitudines & tescua, sed opima Europæ spolia offeruntur: nam

Q 99 „ quis

CAPUT XXIV.

Christiani in Astures proficiuntur.

ROMANAM ecclesiam Constantinus Pontifex obtinebat, Orientis imperium Anastasius cognomento Artemius, Francorum Rex Childebertus eo nomine tertius erat, quo tempore planctu tumultuque universa Hispania repleta erat, non presentis tantum dolore mali, sed etiam futuri temporis metu: nec ullum calamitatis genus deerat, cum per omnes ordines atateque victoris crudelitas & licentia debaccharetur. Magna pars eorum qui ex ærumnoso illo prælio mortem evadere potuerunt, Affligim petierunt, urbem noque remotam locis, & ea atate civium frequentia, & mœnium munitione validam. Cum iis cives confusi, atque inter se hortantes sui capitis periculo universæ gentis incolumitatem redimere, excidium avertere, illatas si possent injurias vindicare: cum victore, qui velligiis omnibus Gothorum reliquias perlequebatur, rursus dimicare non dubitarunt. Eadem prælii fortuna fuit; rursus Gotthi à Mauris cæsi fugatique sunt; qui cladi superfuere in varia loca dilapsi; urbs omni præsidio nudata, atque in victoris redacta potestate à Mauris eversa est. Juliano deinde Comitibus consilio & hortatu, copias bisariam divisæ: pars Maguedo Duce, qui Christiana olim sacra, quibus erat imbutus abjurarat, Cordubam petiit; & quoniam nobilissimi ejus urbis cives commune periculum veriti Toletum aufugerant, haud ægerrime expugnata est, pastoris ejusdani ductu, qui aditum qua facillime penetraretur in mœnium ea parte monstravit, quæ ponti conjuncta est, silentio noctis, custodiisque interfectis. Urbis Præfectus templi munitione, cui D. Georgio nomen fuit, defensibus tribus mensibus obsidionem toleravit; deinde è fuga retractus in Mauro-rum potestatem venit; socii per vim expugnato templo ad unum interfecti sunt. Cum copiarum parte alia Tariffius reliquam Baticam incendiis & direptionibus vastabat. Prope Giennium, ut Rodericus est auctor, ut res habet regionibus aliquanto remota, Montesi vi capta

soloque æquata est. Malicam, Eliberim, Granatam præsidio occupavit. Murcia Præfectus, quæ urbs ea tempestate Oreola vocabatur (sic ajunt) homo militaris & sagax, cum à Mauris acie victus esset, sceminis in veste virili per muros urbis dispositis cum magnæ multitudinis speciem præbuisset: ad honestas conditiones victores Mauros adduxit, priusquam urbis dedicationem faceret. Judæi Mauris confusi, Cordubam, Granatamque habitandas subleperunt: Christiani cives alio atque alio dilapsi. Toletum reliqua erat in Hispania umbilico posita, situ inexpugnabilis: unde Urbanus ejus urbis Præsul in ea rerum inclinatione, haud satis loci munitione confusus abierat in Astures, sacræque sanctorum reliquias, ne hostibus nominis Christiani ludibrio essent, secum asportarat: nominatim vestem Illesonso Præsuli de calo allatam, arcamque reliquiis sacræ refertam, quæ variis jactata casibus Hierosolymam delata Toleti constitit: libros præterea sacros, ac sanctorum virorum iagenii monumenta Isidori, Illesonsi, Juliani, ne vi flammæ cuncta vastantia perirent, auro & gemmis pretiosiores thesauri. Urbani iter Pelagius prosequutus est præsidii causa, quod à magnis auctoribus affirmatum invenio. Cælestes thesauri in extrema Hispania, ut tutiores essent ab injuria, in subterraneo specu conditi, octo millibus passuum ab eo loco ubi postmodum Ovetum urbs edificata est; ab ea re loco Montis sacri nomen factum, ductaque ab antiquo consuetudine à vicinis populis, qui religionis ergo quotannis, die præsertim Magdalene memoria sacro frequentes conveniunt, præcipua & magna veneratione colitur. Urbani & Pelagii exemplo provocati plerique cives; & in his optimis quisque ac nobilissimus ut longissime à belli discrimine essent, seque & suos ad meliora tempora servarent, urbem deseruerunt. Vacuam civitatem Gothici sedem imperii, Mauri ex variis partibus, ubi res prospere fluebant, ad obsidionem convenientes,

Tariffio Duce haud ægerime redegerunt in potestatem. Tametsi de ejus expugnatione non una fertur opinio. Rodericus Judæos ait, qui in urbe perfliterant belli spectatores sine discrimine rerum suarum, sive vincerent, sive victi essent Hispani, præterea odio Christiani nominis, continuo victori portas aperuisse: atque quod Granatæ & Cordubæ factum erat, Judæos & Mauros in commune habitandum suscepisse. Tudenfis munitione ait, confisos cives, tametsi exiguo numero fractique animis erant, menses aliquot obsidionem tolerasse, ac tandem Dominico Palmarum die, quo die Christi à Judæis cruciati memoria recurrit, Christianis ad Leocadiæ suburbanum templum de more supplicationem agentibus, hostes à Judæis aditu monstrato in urbem admisos, cives ad unum occisos, aut in captivitatem redactos. In rebus tam incertis in alterutram partem certo pronunciare temerarium esset: ipse eorum opinionibus accedo, qui post diurnam obsidionem, urbem à civibus deditam affirmarunt, his conditionibus: Qui vellent ex urbe discedere sine fraude res suas efferrent: qui manere, patriæ religionis libertatem retinerent, septemque ea de causa ex Christiano ritu sacrificata in urbe templa: Justæ, Torquati, Lucæ, Marci, Eulaliæ, Sebastiani, & Mariæ Virginis suburbanum. Vestigalia penderent, quæ Gothorum Regibus consueverant, nova imperandi sublata Mauris potestate. Suis legibus viverent, & qui jura dicerent juxta eas ex ipsorum numero judices darentur. Per hunc modum Toletum à Mauris occupata est, reliquæ Hispaniæ urbes eadem belli flamma carpebantur; cives, quo quemque metus agebat, in varias partes dissipabantur. Legio cum annuæ difficultate laboraret, fame compulsâ est deditionem facere. Caraca in Carpetanis capta; in Celuberis oppido quod

nostra ætate Medina Celina vocatur, olim Segontia ut Rodericus est auctor, ex lapide smaragdo, ut ego interpretor viridi marmore portentosæ magnitudinis & pretii mensâ recepta: unde oppido Mediæ Talmæidæ, quod nomen mensis urbem significat, appellatio facta. In Vaccaïs Amaia fame, quæ indies major invalescebat, coacta imperata facere. Urbis hujus spolia præteritam opulentiam vice-re; multi enim ejus munitione confisi eo se & opes omnes suas contulerant. Is tractus ea tempestate Campi Gothorum vocabatur, unde Camporum appellatio ei Hispaniæ parti facta ad nostram ætatem manavit. In Calæcia Asturica incensæ everisæque, muris structuræ firmissimæ stantibus. In Asturibus Gegio oppidum, terrestri marinoque situ firmissimum in Maurorum potestatem venit. Militaria præsidia locis competentibus disposita: ne se commovendi novique imperii jugum excutiendi provincialibus esset facultas. Tantis totius Hispaniæ spoliis Maurorum agmen grave, Tariffio Duce, quo Imperatore tantas victorias pepererat, Toletum ut tantorum laborum aliquis per otium fructus esset, atque inde velut ex arce in reliquis Hispaniæ partes despicerent, reductum est, ejus seculi anno quintodecimo. Quo anno invenio præterea Narbonem in Gallia à Mauris fuisse occupatam; variæ videlicet manus ex Africa ad famam rei bene gestæ examinum instar sese in varias imperii Gothici partes infundebant. Provinciales, pars fuga dissipati, pars metu perculsi, juvandæ patriæ consilia haud satis explicabant; nulla manus numero aut viribus insignis coibat: urbes tantum singulæ rebus suis privarum consulentes Præfectos creabant: penes quos cum bello paceque suprema rerum omnium potestas esset, nullius imperium respecerent, à quibusdam historicis Reges nuncupantur.

C A P U T X X V.

Muza venit in Hispaniam.

HÆC in Hispania: ex Africa autem nunciabatur Muzam variis cogitationum fluctibus astuare; gaudebat no-

bilissimam provinciam subjugatam, Maurorum imperium in Europam propagatum; dolebat sua cessatione factum ut expu-

expugnatae Hispaniae non praeda modo, sed & laus ad Tariffium pertineret. Itaque avaritia aequae atque invidia agitatae pessimis consulatoribus bello paceque, traxit in Hispaniam recentis Maurorum manu stipatus, in qua duodecim armatorum millia fuisse ajunt: exiguus videlicet numerus tantis molitionibus impar, nisi rebus omnibus oppressi essent, afflictique Hispani; nam quod rebus perditis accidit, consilium ab omnibus dabatur defendendae patriae, periculum sumere singuli recusabant. Cum Duce ratio belli mutata. Erant qui suaderent, ut junctis cum Tariffio viribus, reliquas urbes peterent, quae Mauricum jugum nondum susceperant. Vicit sententia eorum, qui cum Christiani essent, temporis potius quam religionis servientes, ad reliqua perficienda Muzae suam operam pollicebantur: auctoresque erant, ut suis viribus peculiarique exercitu vicinas urbes subjugaret; qui cursus barbaro ad laudem certior videbatur. Affuit praeterea Julianus Comes, an novi Ducis promerendi studio, & liberalioris militiae spe, an Tariffii odio incertum: & solent patriae proditores, ut sunt ingenio turbulento & inconstanti, minori gratia primum esse, deinde odio propter sceleris memoriam, & quia tanquam creditores aspiuntur. Algezira ubi barbarorum copiae expositae erant, Alsidoniam primum itum est; cives aliquandiu obsidionem tolerarunt, suaeque virtute, & urbis munitione confisi, non semel irruptione pugnarunt: ad extremum vi expugnati. Carmona deinde Baticae quondam firmissima urbs, eodem belli impetu tentata. Barbarus diebus aliquot multis laboribus frustra consumptis, Juliani arte delusam civitatem cepit, cum defectione ille à Mauris, pugnaque simulata, intra moenia esset admissus, ea porta, cui olim à Corduba nomen fuit. Rasis Arabs postquam Muza & Tariffius Toleti congressi sunt, haec contigisse tradit: & Juliani Comitibus milites, ait, haudquaquam simulatione fugae, sed mercatorum specie arma Carmonam intulisse, ea quibus capta est. Nos his rebus commergendis Roderici Praefulus auctoritatem sequebamur. Hispanis, quo se Gothorum numerosa multitudo contulerat, cum ingruentem barbarorum

vim repellere non sperarent, civibus occulte fuga elapsis denuo est capta. Judaeis, qui remanserant, ut cum Arabibus confusi eam domicilio obtinerent, tradita à victore est. Eadem fortuna fuit Pacis Juliae in Lusitaniae finibus sitae, quo cives Hispanenses se contulerant. Ceterum vi an deditione barbarorum armis cesserit, incertum: nisi quod satis constat magnam Christianorum multitudinem diu in ea urbe post hanc calamitatem vixisse. Non procul iis locis Emerita erat, Romanorum olim colonia, ea tempestate inter Lusitaniae urbes nobilissima, antiquaque amplitudinis & majestatis haud obscura vestigia retinens; tamen multis bellorum injuriis deformata erat, ac postremo in eo praedio, quo Roderico Duce Hispaniae fortunae omnes everse sunt, multi cives perierant in acie; qua calamitate haudquaquam qui supererant animis fracti advenienti hosti obviam processere; tumultus perfamilis pugna fuit, multique utrinque ceciderunt, ac Emeritenses tandem cum numero vincerentur, & rebus omnibus inferiores essent, intra moenia compulsi. Tum Muza quatuor tantum comitibus stipatus, antiquissimae urbis situm & majestatem oculis contemplatus, dixisse fertur: Ex toto orbe ad hanc urbem fundandam homines conspirasse arbitror, felicem qui ejus imperio potiretur. Ea cupiditate inflammato amplius animo anxiusque, diligenter urbis expugnandae rationes considerans, sorte animadvertit lapicidinam veterem urbi conjunctam, ob depressionem loci insidiis parandis fore opportunam. In eum ergo locum de nocte equitatus partem immittit, cives denuo praedii fortunam tentaturos haud inani conjectura reputans. Id cum sequenti luce esset factum, obsessi irruptione facta in insidias praecipitantes, à fronteque & à tergo ab hostibus circumventi, multis cadentibus, reliqui facto cuneo egregieque propugnantes vix in urbem evaserunt. Ea clade audacia castigata, pugna abstinere consilium fuit, atque urbis tantum moenibus & munitione hostium vim propulsare. Obsidio ducebatur: Muzaque quietis impatiens, opera omnia comparabat, quaecumque expugnandis urbibus idonea ea tempestate habebantur; lignaeque turres extructae,

vineæque, quibus testī milites muro succedentes lapidum compages dolabris distrahere, atque in urbem aditum patefacere moliebantur. Obfessi locis omnibus adesse, hostiumque conatus virtute ac diligentia eludere. Erant numero imminuti cives, & comneatus angustia cœperant laborare; ergo necessario de deditione agunt, iis tamen conditionibus quas victor Muza, ut erat vasto animo repudiavit. Re infecta legati in urbem redeuntēs unam salutis spem in Ducis ætate gravi atque affecta collocare: vix supervicturum omnibus sermonibus prædicare quousque urbs esset expugnata. Barbarus re intellecta, barbā & comam infecit. Legati rursus de eadem re facta ipsum conveniendi potestate percussis animis, & miraculum interpretati effecerunt, cives uti serio de deditione faciendā cogitarent, ei homini qui naturæ etiam leges supersisse videretur. Deditionis conditiones fuerunt. Ut civium, qui in acie ceciderant, aut in obsidione defuncti erant, bona victori cederent. Ecclesiārum redditus, & sacrorum instrumenta ex auro & argento occuparet. Qui manere in urbe vellent, res suas retinerent: qui discedere, iis quocunque vellent migrandi facultas esset. De tempore quo Emerita barbaris cessit, non satis constat. Rodericus Præsul intra eundem mensem ait, quo Muza venit in Hispaniam: eodem an sequenti anno non explicat. Et constat Pacis Julię atque Ilipulæ cives novum imperium nondum satis firmatum everti posse cogitantes, correptis armis Hispalim occupasse, Maurorum præsidio magna ex parte casso. Intempestiva audacia exitio fuit, maloque coacti sunt jugum impositum perferre. Abdalasis Muzae filius, patris iter profectus venerat in Hispaniam. Is per otium aliquando cum patre, exposcūlans, quod ejus indulgentia nihil ea ætate fœuque animo dignum gessisset, facile impetravit, ut valida Maurorum manti attributa, virtutis specimen daret. In Valentis fines irruerat, ibique cum ejus tractus incolis prospere acie pugnarat. Valentiam, Dianum, Alicantium, Orihuelam, atque Ortam, iis in locis ceperat civium deditione ea lege: Ut à templorum sanctitate abstineret, & religionis Christianæ cultus deinde nemini frau-

di esset. Res suas cuncti retinerent vestigali representato: quod magnā moderatione imperabatur. His rebus peractis, hujus seculi anno sextodecimo, 716 Hispalim petens brevi eam urbem in potestatem redegit, casis omnibus quicunque superioris rebellionis & cadis auctores extiterant. Eodem animi ardore Ilipula capta, ubi magna strages hominum fuit: fortassis etiam ut magnitudo supplicii terreret alios, solo aquata: nam ex valida urbe nostra ætate exiguum oppidum evasit Pennasloris nomine Cordubam inter & Hispalim. Rasis Arabs Emerite præsidium casum ait, Hispalensesque cum Pacis Julię & Ilipulæ civibus conspirasse. Emerita Toletum Muza abiit. Tariffius advenienti ultra Elboram in Carpetanis processit obviam honoris gratia. Ad Tietarem amnem, qui Aragnueli agros interfluit, congressi sunt, magna utrinque lætitiæ significatione: tametsi animis aversi penitus erant. Muzam invidia stimulabat: Tariffium metus amittendæ potestatis. Accusabat enim Muza, quod bello gerendo ejus præceptis haudquaquam obtemperasset; fortune temeritate potius quam pugnandi scientia, atque ex militari disciplina vicisse. Verum hæc apud vulgus non probabat, audacia consilia ex eventu æstimare solitum. Inter has contentiones ubi Toletum ventum est, ad rationes Tariffius compulsus, eorum que in bello expensā, quæque victoriæ cursu capta erant; quam ille sive injuriam sive acerbiterat dissimulanter ferendo, accommodatisque ad tempus officiis, senis animum lenire satagebat. Omnino utrique conciliatis animis Cæsaraugustam petierunt, eamque urbem armis virisque potentem ceperunt; denique multis urbibus positi in Celtiberia, atque Carpetanis, ac plerisque exercitu incruento, universa ferme Hispania domita Maurorum armis videbatur, non toto triennio evoluta, ex quo Maurorum exercitus primum ex Africa venit: res miraculo comparanda; nam interiora regionis adiri non poterant nisi magna difficultate. Jugal montium, densæ sylvæ, innaccessæque rupes, plerasque Hispaniæ partes sepeliunt. Uli Miramamolius tantis victoriis nunciatis, quas ne discordia Du-

cum

cum labefactaret verberatur, utrinque ad se venire iussit. Muza discedendi certus, & ne se absente turbaretur provincia, consensu procerum, quorum consilio uti voluit, Abdalasium filium, cuius ea virtutis documenta recenti memoria extabant, pro substituit Hispaniæ moderatorem. Cuncti ordines in ejus ver-

ba jurare adacti. Ipse & Tariffius antea magni atque clari, nunc tantis rebus peractis majores atque clariore, ut erat imperatum in Africam navigarunt, eos thesauros prædamque omne genus exportantes, quos Gotthorum potentia tam longo tempore congesserat.

CAPUT XXVI.

De annis Arabum.

CUM imperio mores provincie, leges, institutaque mutata. Omnia colligere longum esset: quod præsentis loci est & ad cognoscendum consequentium temporum historiam consert, annorum ratione antiquata, qua vulgo Hispani utebantur in actionum formulis, publicis tabulis, historiaque conscribenda, à Christi ortu, aut Era Cæsaris ducto principio numerandi: nova sere inventa est, qua gens Maurica utitur, quam late per orbem terrarum fusa est. Mahumetes prævæ superstitionis conditor felicibus armis, Heraclii Imperatoris ignavia, Damasci, quæ Syriæ urbs nobilissima est, imperium gentis arripuit, regique insignia desumpsit; quo major esset auctoritas, leges quasi celo delatas numinisque instinctu inflatuque acceptas subditis populis promulgavit. Nihil in speciem fallacius est, quam prava religio, ubi divinum numen sceleribus prætextitur: nihilque potentius ad impellendum in fraudem multitudinis animos. Ab hoc tempore Mauri annos computant Egiræ, quod Arabibus nomen expeditionem significat. Quo id salutis anno contigerit auctores variant, neque in colligendo consequentium annorum numero opinionibus conveniunt. Pudenda historiæ, atque antiquitatis ignoratio. Nobis è tantis tenebris lumen veritatis eruere difficile erit; conabimur tamen quantum ingenio & diligentia consequi poterimus: pauloque alius disputationem omnem ordiemur. Annum Sol ambitu facit Zodiaci signa percurrentes diebus trecentis sexaginta quinque & quadrante; menssem Luna auctu senio labore describit, idem spatium circumagens diebus viginti novem, horis duodecim. Tempus in annos tribuere receptum est om-

nium gentium more, annum in menses; unde universa difficultas existit, quoniam Lunæ & Solis conversiones multum inter se discrepantes exæquare dierum numero promptum non est, quamvis multis ingeniis & temporibus in ea inquisitione consumptis. Annum antiquissimi Romani ad Solis numerum, lationesque accommodarunt, varia inconstantique ratione in decem menses explicatum: è quibus sex tricenum essent dierum, quatuor tricenis & singulis complerentur, Martius, Majus, Quintilis, October; totus annus diebus quatuor & trecentis descriptus erat. Principium, mensis Martius, uti aliorum mensium nomina indicio sunt, Quintilis, Sextilis consequentium. Rudi seculo ingeniusque nulla eruditione expolit in quæ incommoda incurreretur non considerabant, æstatis ferias in hyemem verti, veris in autumnum, quæ maxima perturbatio est. Arabes unde gens Mahumetana hausit, annis describendis ad Lunæ tantum conversiones respexerunt, duodecies per signa Zodiaci circumactæ: unde duodecim menses conflati, sex dierum viginti novem, triginta sex alii; universus annus diebus trecentis quinquaginta quatuor descriptus. Quod institutum inter Romanos Reges Numma Pompilius imitatus est, ad antiquam anni rationem quinquaginta diebus adjectis, geminoque mense, Januario atque Febuario. Sed eveniebat longiori quidem quam antea tempore, certissimo tamen, ut frigus æstivis mensibus, calor hyemalibus proveniret. In quod incommodum ut gens Maurica incurrat necesse est, antiquo rudique instituto ad hanc ætatem mordicus retento. Nam ceteris cura fuit, omnisque labor, Lunæ Solisque conversiones exæquato dierum nu-

mero inter ipsas comparare: unde omnis inconstantia varietasque corrigeretur, magno ingeniorum labore, successu impari. Græci octavo quoque anno evolutio dies nonaginta, in tres menses tributos effluere sinebant. Idem eorum exemplo fecere posteriores Romani, paucis tantummodo commutatis. Hebræi & Ægyptii uti erant cælestium rerum omnium præ cæteris cognitione præstantes, hanc speciem emendationis quam Intercalationem Latini vocarunt, prudentius excogitarunt, annis novendecim, quo spatio omnis Lunæ conversionis varietas consumitur, septem menses certis intervallis intercalantes. Julius Cæsar Romana republica oppressa ad aliquam suæ providentiæ partem pertinere judicavit temporum rationem, quæ nimium inter Romanos perturbata erat, acriori studio emendare. Sofigenes mathematicus rerum cælestium peritissimus, Marcus Fabius scriba rerum Romanarum in consiliis adhibiti; iis adiutoribus annus quidem ad Solis numerum trecentis sexagintaquinque diebus & quadrante descriptus est: eoque singulis quatuor annis dies unus consumitur ad sextum Kalend. Martii, quem ob id Bissexum nominarunt. Lunæ ratio atque inconstantia omnis Aureo numero comprehensa est: quem ab unitate procedentem usque ad novendecim Calendario Romano adjecerunt, decem & novem annis septem Lunas Ægyptiorum instituto intercalantes. Ratio tunc commodissima visa est ut certus temporum status perseveraret: sed progressu temporis ob quasdam minutias non satis describenda anni ratione considerata, deprehensum neutram rationem cum Solis numero convenire. Itaque gens Christiana, quæ ex Julii imitatione quo ad stativas quidem ferias solarem, quo ad conceptivas autem lunarem annum sequebatur, se multum à proposito aberrare deprehendit; neque anni initium in idem tempus incidere, neque Aureo numero, qua causa institutus erat, Lunæ exortum designari deprehendique. Eoque Gregorius XIII. Pont. Max. salutis anno millesimo quingentesimo octogesimo secundo, quo tempore hæc

commentabamur, utrumque errorem correxit, Aureo numero expuncto detractoque è Calendario, atque in ejus locum majori numero substituto, quem Epactas nominavit. Præterea ex mense Octobri ineunte decem dies detracti eo quidem anno sunt: quo anni solaris initium ad competentem à veteribusque descriptam sedem revocaretur; quam ne deinceps mutaret Bissexi intercalatione certis intervallis omittendi prudentem excogitatum, atque provisum. Verum de iis rebus subtilior accuratiorque disputatio ad astrologos ableganda est; quod præsentis loci, atque ex usu historię fore putamus, annum Mauri, ut paulo ante dictum est, undecim diebus & quadrante nostro anno minorem faciunt: quod plerique scriptores non considerantes ejus computationis initium, non uno loco designarunt, ab anno salutis quingentesimo nonagesimo secundo usque ad annum sexcentessimum vigesimum septimum mirabili ac pudenda varietate inerrantes. Cujus discrepantiæ eam extitisse causam arbitror: quod aliis atque aliis temporibus annos Arabum cognoscentes, neque considerantes eos annos minores nostris esse, retro conversâ ratione diversa numerandi principia designarunt posteriores priora. Nobis in tanta varietate, quid potissimum sequemur in ambiguo diu fuit. Id tamen verisimile maxime videtur, Arabum computationem inchoandam esse salutis anno sexcentesimo vigesimo secundo, Idibus Julii, die Jovis, uti Annales Toletani testantur ante annos trecentos confecti. Quod recum Judæis & Mauris deinde communicata libello dicato, certa ratione convicimus. Consentiant lapidum inscriptiones, & incorrupta vetustatis monumenta. Quamvis Roderico Præsule, & Isidoro Pacensi discrepantibus, atque ejus computationis initium salutis anno sexcentesimo octavodecimo designantibus, hoc est, septimo Heraclii Imperatoris anno: plerisque in quo major perversio, est, atque confusio, utriusque nationis annos exæquantibus, quod fieri non debuit.

CAPUT XXVII

Abdalasis res gesta.

COMMENDATAM à patre provinciam Abdalasisus prudenter gessit. Ex Africa novi imperii stabiliendi studio multi à victoribus evocati, ut latissimam provinciam bellorum injuria incolis vastatam domicilio obtinerent. His agri fedesque ad habitandum datae. Hispalis delecta Maurici imperii sedes, atque firmissima arx, unde universae provinciae jura dabantur. Egilonam Ruderici Regis uxorem captivam, tanquam belli jure ad eum pertinere, Dux Maurus evocavit. Erat aetas idonea, formaeque & actionum dignitas singularis. Ipse ergo barbarus aspectu continuo captus, blandis verbis, num valeret, rogavit. Illa dolore recrudescente, atque ex superioris fortunae memoria animo exulcerata, lacrymis manantibus, debilitataque voce: „ Quid
 „ de me, inquit, scire cupis, cujus calamitatis fama totum orbem terrarum
 „ pervasit, eo acerbioris, quo cunctis nationibus est testata? Felix paulo
 „ ante Regina, imperii fines ultra Hispaniam proferebam: nunc summa
 „ iniquitate fortunae rebus omnibus spoliata, in numero captivorum sum,
 „ eo graviore casu dejecta, quo eram in sublimiori fastigio collocata; prorsus
 „ ut Hispani suarum calamitatum obliti, meam unius vicem gemitu
 „ & lacrymis prosequantur, gravio-
 „ remque malis omnibus ducant. Tu
 „ si ut generosos animos decet, Regum calamitate tangeris, in hac tua
 „ felicitate gaude venisse tempus cum regio sanguini benefacere possis.
 „ Mihi nullum majus dare beneficium potes, quam si pudicitiam nostram,
 „ hoc est, Reginae atque matronae, ut magnanimi Duces solent, tuearis: neque
 „ permiseris nostram fortunam cuiquam ludibrio esse. Alioqui tua sum:
 „ de captiva quodcumque fert animus statuas. Ego si minus rebus, quoniam
 „ res ita tulerunt, perpetua certe beneficii memoria, tuae voluntati obsequi,
 „ tibi que gratificari nunquam desistam. Reginae oratione barbari animus amplius captus est, atque adeo ut offi-

Tonu. I.

ciis omnibus & bandimentis delinitam, sibi eam connubio jungere non dubitavit. Pactam Christianae religionis cultum & libertatem in praecipuo dum vixit honore habuit. Erat enim forma insignis, & florentissima aetas, eaque prudentia, ut ejus auspiciis republicam regeret, consilio, ut major auctoritas esset, regiam coronam imponeret capiti suo. In Antequera agro, qua parte Malacae fines attingit, mons surgit Abdalasis nomine, fortassis appellatione à Mauro Principe mutata; quemadmodum nonnulli suspicantur, à Maguedo Arabum Duce, Almageris appellationem sortitam, oppido ditionis militum Divi Jacobi. Causam explicant, vicinum fontem exitisse, cujus ille aqua, quae Arabum lingua Alma dicitur, libenter utebatur. Nec dubium est cum rebus pleraque oppidorum, montium, fluminum, fontium mutata nomina, magnamque inductam veteris memoriae confusionem; novas urbes condendi, aut veteres suis nominibus appellandi gloriam Ducis barbari querebant. Quid Juliano Comiti acciderit clam est: nisi quod aeternis suppliciis vivum mortuumque mactatum esse sceleris magnitudo, ut credatur facit; & fama exitu nullo satis idoneo auctore, Juliani uxorem à barbaris lapidibus obrutam, filium ex Septensi turri in ora Africa datum praecipitem: ipsum perpetuae custodiam in Ofsensis agri arce Loarri Maurorum jussu, quibus tantopere gratificari voluerat, mancipatum: ubi ejus ex lapide sepulcrum extra arcis templum monstratur. Occisum ac bonis omnibus spoliatum, Rodericus Tudensisque ajunt, ipsum & Witizae filios. Rerum status per haec tempora plane erat miserabilis. Mauris universa ferme parebat Hispania, ubi nullus erat cruciatus, quem à victoribus non perferrent Christiani: uxores è virorum complexu rapiebantur ad libidinem: liberi de gremiis parentum: pretiosa vestis atque ornamenta majorum diligentia congesta impune auferantur. Prædiorum fructus multo quam antea maligniores

Sff

niores

niores erant, irato celo, atque agrorum cultu neglecto; tecta & divorum domicilia ignibus conflagrabant. Cæsa incolarum corpora passim jacebant in urbibus atque in agris; omnia domi forisque sletu & gemitu personabant; nulla erat facies mali, quæ non opprimeret Hispaniam: scilicet violatas religiones numinis vindicta improborum sed & innocentium suppliciis expiabat. Cantabriam tamen, & Pyrenæi montis partem ad confines Vasconum atque Aragoniæ, Astures & Calæciæ partem multo maximam retinebant Christiani, magis quia non impugnabantur ob locorum sterilitatem asperitatemque, quam quod ad resistendum satis animi esset. In eas partes ex reliqua Hispania Christiani passim dilabebantur: ubi nonnulla reipublicæ forma retenta, procures & sacrorum Principes res profligatas gubernabant. Christiani qui Maurorum imperio parebant, cum Mauris confusi essent, tunc mixti Arabes, nunc voce mutata aliquantum ab antiquo Muzarabes dicti sunt, tum ipsi tum eorum posterii. Ii religionis Christianæ libertatem retinebant, templaque ex ritu Christiano sacrata, virginum ac monachorum collegia: tametsi plerique Episcopi ne videlicet in tanta rerum colluvione nominis majestas ludibrio esset, in Calæciam aliasque regiones se receperunt. Iræ Flavie Episcopus

multis ex eo numero ad se confugientibus, redditus unde viverent, & decumas agrorum liberaliter suppeditavit, ut Ordonii Regis eo nomine secundi diploma declarat, Compostellanæ ecclesiæ concessum, salutis anno nongentesimo tertio-decimo. Per hunc modum cecidit Hispania: sic nobilissimum Gothorum regnum extinctum est. Scilicet cum celo vertuntur res humanæ. Quarum initium, earum & finis sit, necesse est. Orta intereunt, auctæque senescunt. Mihi sane eo cecidisse videtur Gothorum regnum & gens, ut ex sepultæ cineribus nova, justa, & suis viribus nitens nasceretur Hispania, catholicæ religionis hac tempestate præsidium & columen: quæ ex suis omnibus partibus, quasi membris in unum corpus revocatis compacta imperium latissimum, quale hodie cernimus, Orientis atque Occidentis ultimi finibus terminaret. Quo enim hæc tempore commentabamur, Philippus secundus Hispaniæ Rex potentissimus, Lusitaniam accessione, quod felix, faustum, propriumque fore speramus, perduellionibus semel & iterum acie superatis auctus erat: & latissima provincia post tot annorum spatia sub unius Regis imperium revocata, Christiani nominis hostibus esse coeperat multo amplius quam antea formidabilis.

FINIS LIBRI SEXTI.



JOANNIS MARIANÆ
HISTORIÆ
DE REBUS HISPANIÆ.
LIBER SEPTIMUS.



C A P U T I

Pelagii in Mauros rebellio.



NONDUM totum biennium abierat, ex quo furor ille Africanus bellum impium Hispaniæ atque nefarium indixit: cum ingens barbarorum exercitus transiens Pyrenæi montis iugis, quo ab Hispania Gallia dirimitur, in eam provinciam ferro penetravit: ut quæ pars Gothorum imperio tenebatur, victricibus armis cederet. Et opportuna occasio sese

dabat, quam spe complexi erant, reliquæ Galliæ invadendæ atque occupandæ, Regum fœcundia, atque inutili otio marcescentium, non minus quam paulo ante Hispania fecerat, intestinis dissidiis fluctuantis atque in occasum inclinatæ. Pipinus senior, & Carolus ejus filius, quamvis ex impari matre à martia virtute cognomento Martellus, Mediomaticum & Leucorum, hoc est, Austrasiæ Duces, regiæ Francorum Procuratores, cum rempublicam universam bello paceque administrarent, ad regnum cujus solum nomen penes legitimos Reges

ges Pharamundi sobolem erat, haud obscure nitebantur, magna multorum invidia atque obrectatione. Familiam unam in Gallia plus legibus & Regibus posse, plus reliqua nobilitate, plerique ægre ferebant. Eudo Aquitanie Dux, Austrasianorum consibus obviam eundo, universam provinciam in factiones diduxerat. Omnino barbaris Gallico bello implicitis, Gotthorum reliquiæ, qui ex calamitoso atque terribissimo communis patriæ naufragio, in Astures, Calæcos, atque Cantabriam evaserant, & locorum munitione magis quam armis freti, suminis se montium jugis tutabantur, occasionem nactæ sunt de recuperanda pristina libertate aliquando cogitandi. Filios & uxores clam inter se conquerebantur in servitutem abactos impotenti dominorum libidine servire; ipsos quod extremum in calamitate erat, expertos non publico tantum imperio premi, sed iustum propemodum servitium singulos pati: omnes sanctitates tota provincia violatas: divorum domicilia, qua belli furore incensa everseeque, qua post victoriam Mauricæ superstitionis sordibus contaminata: sacrorum instrumenta direpta: barbaræ crudelitatis atque perfidiæ expressa vestigia locis omnibus extare. In Munusa, in quo præsidii aliquid esse debuit propter communem religionem (erat is Gegione præfectus à Mauris) neque hominis quicquam esse, præter figuram & speciem: neque Christianæ religionis, præter nomen & externum habitum; præstare semel mori, quam in tanta indignitate vitæque acerbitate tandiu versari; non jam de veteri gloria, quæ temporis momento obscurata esset cogitare: neque de pristino gentis imperio, quod averfa numina extinxissent laborare: tolerabilem aliquam serviendi rationem requirere: atque vitæ non acerbissimæ conditionem supereminis votis exoptare. Hæc cogitantibus, Dux magis quam vires decrat, qui sui capitis periculo exemploque virtutis, reliquos per Hispaniam Christianos ad præclare audendum conandumque provocaret; nam ut est ingenium multitudinis omnes audacter loquebantur: periculum suscipere cuncti pariter detrectabant; vigor animorum extinctus erat. Gotthorum proceres tot bellorum op-

pressi casibus, magna ex parte ceciderant. Unus Pelagius vera Gotthorum Regum soboles, tameñsi tot adversis casibus jactatus erat, præcipua pollebat animi magnitudine atque constantia, neque id provinciales ignorabant: cœperatque jam ante, ex fama rerum admiratio virtutis, & quibus ignotus facie erat, substituerant etiam animis speciem corporis amplam atque magnificam. Commodò reipublicæ accidit per idem tempus, ut is è Cantabria, quo se post Hispaniæ cladem receperat, veniret in Astures: incertum evocatus ne, an ad rei bene gerendæ, patriæque juvandæ, sicunde se lumen ostenderet, occasionem intentus: an quia de Cantabriæ principatu plures reguli disceptabant; nam tres eatempestate Cantabriæ Duces invenio, Eudonem, Petrum, Pelagium. In hunc continuo omnium oculi animique conjecti, remedium aliquod tantis malis, atque opem eo Duce afferri posse non omnino desperantium, induceret. modo in animum rerum summæ patrocinari. Periculi magnitudo, virium imbecillitas plerisque conturbabat: nam furori simile videbatur fore, novo conatu, haud magna spe, denuo victricia barbarorum arma lacerare, irritare animos. Verum quod metu facere detrectabant, casus in necessitatem vertit. Erat Pelagius foror: ætate florentissima, eximia venustate. Munusa Gegione pro Mauris præfectus, puellæ pulchritudine captus, eam sibi toro jungere cupiebat: diu ignotus, repente nobilis secundas res sustinere non poterat, neque animi libidines ratione virtuteque frenare. Ergo cum Pellagii voluntate desperaret unquam se voti compotem fore, simulata benevolentia, per speciem legationis eum Cordubam ablegat: ubi Tarisius erat magni nominis Dux, cum nondum redisset in Africam. Pelagii discessu, facile optato conjugio potitus est. Pceditate cognita Pelagius, cum obita legatione revertisset, ex compressæ fororis ignominia, suæque familiæ dedecore, quantum doloris ceperit, quantis iracundiæ flammis arserit, de suo sensu quivis æstimare potest; nec injuriæ magis magnitudo urebat, quam quod in ea rerum perturbatione, ultioni de viro præpotente, quique arma teneret, sumenda

mendæ parem fore se non sperabat. Cogitationem in omnes partes versantem optimum fore visum est, dum se comparat, & vindictæ occasio sese offert, silentium tenere, doloremque comprimere: & lætitiæ ad tempus simulanda, fraudem fraude eludere. Itaque recepta sorore in finitimos Astures aufugit, ubi studia gentis erant, & propense universæ provincie voluntates. Munus rei novitate percussus, veritusque ne à parvis initiis latius serperet rebellio, Pelagii conatus Tariffio renunciat; missi Corduba milites, Pelagium nondum viribus satis confirmatum facile cepissent, ni periculum indicio facto, celeri fuga evasisset: admissio equo, vicinum fluvium nomine Pioniam transisset, aquis inundantibus rapidum: quod illi saluti fuit, hostibus qui iisdem vestigiis insequerentur eo facto delusus: cum certissimum vitæ periculum adire, Pelagii capiendi causa tanti non esset. Ad Canicæ vallem (Cangas hodie dicimus) ex fuga evasit. Iis in locis egentium & profugorum delectus habiti undique confluentium ad spem recuperandæ libertatis; nam hostes majori numero affuturos propediem, nemo dubitabat. Multi ultro nomina dant: tanta erat cupiditas Pelagii auspice, pro patriæ salute sueque libertate certandi. Plerique metu hostium suorumque minis fracti, atque accipiti periculo permoti, sive vincerent, sive vincerentur Hispani, ne alterutris prædæ essent, necessitate arma induunt. Astures ferme omnes in sententiam perducti. Hortatur in concilio gentis, uti magno animo communis causæ patrocinium suscipiant, priusquam barbarorum imperium vetustate amplius confirmaretur in Hispania, quod ipsa sua novitate nutabat. „ Celeritate, inquit, & audacia opus est, ut qui causâ superiores sumus, hostes virtute vincamus. Civitates singulæ modico Maurorum præsidio tenentur: civium multitudo nostra est, omnesque viri fortes tota Hispania navare nobis operum & studium cupiunt: nemoque erit (quem quidem Christianum nominare fas sit) qui non continuo in nostra castra se conferat: tantisper modo sustentemus, & recuperandæ libertatis spem

Tom. I.

„ in nostrorum animis audacia & virtute alamus. Hostium exercitus in „ varias manus dissipatus est; pars multo „ maxima in Galliam abiit. Nunc animis & virtute audendum: nunc pro „ veteri belli gloria, pro aris & religione pugnandum, pro liberis, uxoribus, propinquis, & necessariis, qui „ indigna & gravissima servitute premuntur. Eorum calamitates, nostrasque ipsorum ærumnas & pericula „ memoria repetere grave est, oratione recensere, prosequi lacrymis vanum: opem aliquam & remedium „ adhibere salutare; tantum vos viros esse ostendite ex nobilissimo Gothorum sanguine prognatos. Secundæ „ res voluptatesque debilitarunt, & injuriæ opportunos præbuerunt: nunc asperæ & profligatæ acuant. An belli pericula adire grave est? at multo illa graviora, liberos, conjuges „ in servitutem abstrahi, immensis hostium libidini servire, (ò magnum atque intolerandum dolorem, ò gravem æcerbamque fortunam) vos ipsos interfici, quod sit necesse victis „ accidere. An privatarum rerum amor, & otii cupiditas tenet? erratis si republica oppressa singulorum fortunas „ stare posse putatis. Incendij vis, mihi credite, velut ex continentibus tectis in alia trahiendo cuncta pariter „ vastabit. An locorum munitione confiditis? sed neque desides & otiosos hæc montium claustra tuebuntur; nec si maxime hostes cessabunt, tantam multitudinem quanta se in hæc loca recepit, „ solum sterile, & rebus omnibus indigens alere potest. An paucitas nostra despectui est? sed præteritii temporis memoria, & accipites bellorum casus victoriam non numero stare, sed virtute satis declarant. Deo cujus numen ante irruimus, & nunc placatum confidimus, facile est numerosas hostium copias paucorum armis prosternere. „ Tolerabili fortasse conditione, ut in malis hosti servire consuevisse fore putatis? quasi perfido hominum generi ulla fœdera sancta sint, fideique constantia sit à barbara gente expectanda. Cum hominibus enim crudelibus nobis res „ est, an cum feris & immanibus beluis? Ego quidem, vobis adiutoribus

Ttt

„ h-

laborem & periculum grave quamvis
 & maximum, suscipiam tamen pro
 communi salute libentissime: & dum
 vixero hostis ero, non barbaris magis,
 quam si quis ex nostra gente arma
 conferre & sacram militiam susci-
 pere recusabunt: nobiscumque aut
 vincere aut mori non malint, quam
 in tanta vitæ acerbitate, ignominia,
 & calamitate versari: & suppliciorum
 magnitudine sciam, ne hostes maxi-
 me metuendi ignavis esse videantur.
 Hac dicentem singultus & gemitus eorum
 qui aderant saepe inturbabant; præsentium
 impendentiumque malorum imagines ante
 oculos inerrabant; metorari per metus.
 Verum cum ex aliquanto spatio respirassent,
 animosque ad nonnullam spem melioris
 fortunæ revocassent, sanctissimo jurejurando
 bellum in Mauros sanciant. Nullum periculum
 communis salutis causâ recusaturos pollicentur;
 profitenturque principes ex omnibus bellum
 barbaris illaturos. Omnibus suffragiis Pelagius
 ipse belli Dux, atque Hispaniæ Rex creatur,
 salutis scilicet anno septingentesimo sextodecimo,
 tametsi nonnulli huic annorum numero
 biennium addiderunt. Ab hoc initio ipso
 tempore, quo impietas armata per universam
 ferme Hispaniam impune vagabatur,
 furor & audacia passim volitabant, & res
 communes propemodum desperatæ erant:
 novum regnum in Hispania auspiciato in
 perpetuum fundatum est, signumque ad bene
 sperandum afflictis & oppressis provincialibus
 sublatum. Tanti nonnunquam est non deesse
 fortunæ,

& oblata casu sapienter flectere ad consilium.
 Calæci & Cantabri, quos Oceanus ad
 Septentriones alluit, & locorum asperitate
 Asturum exemplo confisi, libertatem magna
 ex parte retinebant, ad bellum societatem
 adjuncti sunt. Missæ præterea occultæ
 legationes, urbes quæ in Maurorum
 ditione erant sollicitum obtestatumque
 ne communi causâ deessent: fuorumque
 potius conatus, rebus & consilio juvarent.
 Nonnulli ex vicinis locis in Pelagii castra
 dilapsi sunt, communem belli fortunam
 rursus subire atque tentare certi. Plerique
 novi Regis despectu, metuque majoris mali,
 citra discrimen rerum suarum belli
 spectatores esse mallebant quam pars,
 ex fortuna consilium sumpturi. Pelagius
 hæc ignarus quanto in periculo res
 essent, primisque eventibus considerans
 metum aut fiduciam gigni, cupidulæ
 novi imperii faciendi auctoritatem. de
 Mauri prædas agere, locis omnibus
 instare, urgere, carpere hostes, &
 trucidare, oppida & urbes Asturum
 invadere, suasque præsentis & oratione
 dubitantes erigere, audaces in fide
 confirmare, magna diligentia quæ
 subsidio essent conferre undique &
 comparare: nullique labori parcere,
 quo susceptam fermet regii nominis
 majestatem inter suos tueretur, &
 adversus barbaros, quos continuo
 tanquam ad restringendum incendium
 affuturos minime dubitabat. Inerat
 animo vigor, atque ad labores
 perferendos ætas idonea: formique corporis
 non cultu conspicua, sed viris vere
 atque militaris.

CAPUT II.

Mauri vincuntur à Pelagio.

ALCHAMA Mauricæ militiæ Magister,
 magnique in ea gente nominis Dux,
 ex Africa cum Tarisio venerat, quo
 primum tempore transmissam est in
 Hispaniam: & superioribus bellis
 omnibus virtutis specimen dederat
 singulare. Is Asturum motibus nunciatis,
 Corduba accurrit ad seditionis initia
 comprimenda: ne videlicet tempore &
 dissimulatione vires sumeret & confirmaretur
 audacia. Alchamam justus exercitus
 sequebatur ex utraque gente cor-

status scilicet. Oppes Hispaniensis
 Præsul sociis adjunctus: ut pro ea sacerdotii,
 quæ fungebatur auctoritate, & pro ea
 necessitudine, quæ illum inter & Pelagium
 erat, temere tumultuantes arte & ingenio,
 quo valebat maxime, ad libertatem
 revocaret; vanam sine viribus esse
 audaciam doceret: suo quemque periculo
 furere; viros prudentes admoneret non
 tam belli initia quam exitus considerare
 consuevisse; si quæ Munuse aut aliorum
 Præfectorum injuria extaret,

præ-

præstare legibus jureque agere apud Mauros rerum dominos, qui quod justum fasque esset nulli unquam denegassent. Arma fumere, vimque importune intentare, conatu temerarium esse: eventumque haud dubium fore cunctis exitiale. Alchama adventu ingens animos Christianorum militum metus incessit; & ut sit, audacissimi ante discrimen, in ipso discrimine ignavissimi omnium esse videbantur; ex superiori rerum memoria barbarorum vires & perpetuam felicitatem formidabant, & servorum in morem vix videbantur hostium conspectum laturi. Venerat in periculum summa rerum; verum deserta omnia sine præsidio, sine viribus, sine consilio, divinum numen, divi tutelares Hispaniæ, Pelagii virtus atque prudentia tutata sunt. Inermem enim aciem & ipso fluctuantem timore, hosti tantis victoris ferocienti objicere cum temerarium fore judicaret, militibus cæteris per vicina loca dissipatis, delectos tantum ex omni copia mille viros retinet; cum iis in Ausenæ montis speluncam locis spatiosam se condit, cui hodie speluncæ Sanctæ Mariæ de Covadonga nomen est. Comparat in dies multos commeatum, arma telaque comportat: ut si latebræ patefactæ essent, obsidionem tolerare, & si casus ita ferret, ex eruptione etiam pugnare cum hoste posset. Mauri Pelagii fuga consilioque indicato, fugientis vestigiis insunt. Brevis ad speluncæ aditum ventum est. Concordiæ viam tentare primum placuit; ne cum desperato hominum genere in locorum angustis pugnare necesse esset. Oppas Præsul rei perficiendæ curam sumit, factaque inter se colloquendi potestate, ex simul quo vehebatur, cum propè accessisset, in hunc modum allocutus fertur:

„Quanta, Pelagi Princeps, nostræ gentis gloria fuerit, neque tu ignoras, & hoc tempore à me commemorari supervacaneum esset. Magnam orbis partem armis pervagati, quondam Romanis rerum dominis abstulimus Hispaniam: nationes feræ & barbaræ virtute nostrâ subjugatæ sunt. Mauros ipsi armis nuper victi concessimus: & ad exemplum inconstantiae humanæ felicitatis, è rerum fastigio in quo paulo ante eramus collocati, in supremas calamitates & maximas præ-

„cipitavimus. Qui rebus integris victi sumus, num perditis & profligatis pares erimus? Speluncæ credo munitione, in qua pauci latronum in morem inclusi estis, & tanquam feræ indagine cinctæ tenemini, numerosum hostium exercitum, in quo sexaginta millia homines sunt nihilominus, arceri posse speratis? Obcæcat nimirum animos Deus nostræ nationis sceleribus irritatus, sanguineque necdum satiatus, quod præliorum eventus, illis prosperi, nostris adversi nisi satis declarassent, importuni isti conatus docere potuerunt. Quin istam mentem abjicitis: & dum clementiæ aditus interclusus non est, dum veniæ spes superest, armis continuo possitis ignominiam, servitutem, interitum temeritatis scilicet mercedem, honoribus & præmiis, quæ vobis polliceri possum maxima mutatis? & universæ potius Hispaniæ judicium & exemplum sequimini, quam animi sine ratione impetum, & cæcæ temeritatem? Ad hæc Pelagius: Tibi, inquit, & Witiæzæ fratri, ejusque liberis divina ultio metuenda est: tamen si ad breve temporis spatium res ex sententia fluant. Vestris sceleribus divinum numen irritatum est; omnes tota provincia sanctitates contaminatæ, leges ipsa vetustate sacrosanctæ refixæ. Ab his gradibus eo furoris progressi estis, ut Mauros feram gentem & immanem attraxeritis in Hispaniam: unde tot clades acceptæ, & tantum Christiani sanguinis effusus est. Pro quibus sceleribus, si quidem res humanas Deo curæ esse arbitramur, vivi mortuique poenas gravissimas dabit. Tu omnium maximas, qui personæ quam gerebas oblitus, horum malorum præcipuus & & maximus auctor fuisti: & modo impudenti oratione hortari ausus es, ut denuo servitutis jugum cervicibus accipiamus, quavis calamitate gravius: hoc est, ut ego interpretor, superiores acerbitates & mala, quibus vexati sumus, denuo subeamus. Hæc, hæc illa præmia sunt magnifica, hi honores ad quos nostros milites invitabas. Nos Oppa neque tam averas divinas atres, & animum à rebus no-

„ frīs esse putamus, ut tuis pollicitis fi-
 „ dendum sit: & Deum supplicii acer-
 „ bitatem speramus, ut solet, continuo
 „ commutaturum benignitate. Quod
 „ si nondum satis poenarum datum est,
 „ supplicesque & praesidio indigentes
 „ periculo eripere noluerit: stat sen-
 „ tentia morte obita praesentes cala-
 „ mitates redimere, & durissimam ser-
 „ vitudinem sempiterna (sic speramus)
 „ felicitate mutare. Pelagii oratione
 intellectum est obfirmato animo, aut
 moriendi aut vincendi obsessos esse:
 quando omnibus circumventi malis, præ-
 terea Oppæ verbis ultro provocati ded-
 ictionem facere recusabant; vim ergo
 & metum adhiberi placuit. Spelunca
 aditus telorum omne genus & lapidum
 procella quassatur; in quò vis numinis
 apparuit nostris propitii, insensu hostibus.
 Sagittæ & lapides missi reflecti in jacien-
 tes visi sunt: ipsosque barbaros revoluta
 in auctores tela magno numero vulne-
 rare trucidareque. Tanto miraculo hos-
 tes attoniti. Christianis cum spe victo-
 riæ pugnandi ardor incessit. Erumpunt
 ex latebris pauci numero, illuvie corporum
 scæda acies: pugnam magnis ani-
 mis invadunt; tumultus perfunctus dimi-
 catio fuit. Hostes incussa divinitus for-
 mido debilitavit, continuoque in fugam
 versi; cæsi supra viginti milia; reliqui
 ex Aufenæ montis fastigio, quod fugæ
 initio occupantur, in Libanensem agrum
 delati ad Devæ fluminis ripam prope præ-
 dium, cui ab eventu (sic arbitror) Cau-
 segadiæ nomen fuit, montis vicini par-
 te sponte convulsa ab imo atque col-
 lapsa in subiecti fluminis aquas præcipita-
 runt. Strages armorum atque ossium iis
 in locis effossæ retectæque, quo præser-
 tim tempore hibernis pluviis augentur
 aquæ, ripasque exedunt, diu cædis indi-
 cio fuisse memorantur. Pauci cladi super-
 fuere. Alchama in pugna perit. Oppas
 Hispalensis Præsul in potestatem venit:
 de quo more militari supplicium suis-
 se sumptum, tametsi historici sileant,
 scelerum magnitudo indicat, & de
 rebus ipsius deinceps silentium in his-
 toria. Munus tantæ victoriæ nuncio
 percussus animo, & Gegionis munici-
 patione diffusus ob alienatas civium vo-
 luntates, fuga evadere conatus ad
 Olaliem vicum ferro incolarum occu-

buit. Ejus cæde non publicæ tantum
 injuriæ vindicatæ, sed etiam privatus
 Pelagii dolor ex accepta ignominia
 mitigatus: nihilque de victoriæ læti-
 tia diminutum, si cujus crudelitati irri-
 tati arma ceperant incolumis evasisset.
 Pugnatum est salutis anno septingentesi-
 mo octavodecimo. Quo tempore in
 Africa Muza criminibus à Tarifi æmulo
 apud Miramolinum circumventus, &
 ad accepti expensisque in bello Hispa-
 nienſi rationes adductus, cum ingenti
 pecunia multatus esset, ignominie do-
 lore obiit. Abdalasis ejus filius cum
 Hispaniam annos tres pro Mauris guber-
 nasset, invidiam provinciarum & suæ
 gentis incurrit: quod principum filias
 magno numero viisisset. Itaque in
 ipsis templi adytis, ubi ex ritu gen-
 tis precibus vacabat, suorum ferro pe-
 riit anno septingentesimo nonodeci-
 mo. Fama tenuit Egilonæ conjugis
 insidiis circumventum, cum tæde-
 ret condiuonis, atque præ aliis quas
 vir amabat contemptui se haberi cer-
 neret. Ejus suasu, ut tradunt alii,
 regia insignia suscepta malo fuere,
 & cultui corporis vitæ fastus & actionum
 superbia consentanea. Cædis præcipuus
 auctor Aiub genere propinquus rempu-
 blicam gessit in Hispania mense uno,
 Calatubæ conditor, uti Rodericus Præsul
 ait, quod est in Celtiberis municipium
 præclarum. Successit Miramolino Zu-
 leimani jussu (is Ulit fratre defuncto
 Maurorum imperium obtinuerat,) A-
 lahori in Abdalasis locum subroga-
 tus Hispaniæ bello paceque guber-
 nator, homo serus & barbarus in
 Mauros æque ac Christianos: cives
 enim Cordubenses bonis evertit: rapi-
 narum cupido idonea ipsi injuriæ fa-
 cienda cussa videbatur; de Mauris
 quaestiones habita, qui primi venerant
 in Hispaniam, & devictæ gentis spoliis
 se contaminasse interpretabatur. Hunc
 memorant Hispali sedem imperii Mau-
 rici Cordubam transfuisse: atque cum
 Juliani & Witæ filiorum fraude, cla-
 dem in Asturibus acceptam suspicaretur,
 bonis eos spoliatis omnibus pere-
 misse; mercedem nimirum actionibus
 consentaneam & vitæ, patriæ proditores
 reportare æquum erat.

CAPUT III.

Reliquæ Pelagii actiones.

IS ERAT Christianæ rei cursus in Hispania, ut in bonis adversus, ut tantis tenebris tantaque adversariorum potentia non incommodus; & parta de Mauris victoria Pelagius non modo in Asturibus imperium firmavit, ubi eatenus se tenuerat, verum in subiectam planiciem delatus, Mauricæ ditionis oppida, igne, ferro, & direptionibus vexabat: auctusque indies viribus, nam multi rerum gestarum fama permoti in ejus consuebant castra; Legionem urbem ad montium suæ ditionis fecit ejus
 722 seculi anno vigesimo secundo. Quo ex tempore se Legionis Regem dixisse nonnulli arbitrantur: resistunt alii, cognoscendæ antiquitatis studio majori, quibus veteres prisorum Regum tabulæ favent, confirmantque priores Principes Pelagium & posteros Oveti tantum Reges fuisse nuncupatos. Favent vetera horum Regum sepulcra Oveti, aliique in Asturibus locis constituta, ante Hordonium eo nomine secundum, qui primus se Legionis Regem dixit: & in ea urbe templum D. Majoris nomine, quod ab ipso totum extruxerat vivens, sepulturæ moriens delegit. Illud majore aliquanto fide traditur: Legionem capta, prisca Gothorum Regum insignia Leonis umbra effigie mutata, in clypeo argenteo cælati, in pedes erecti, atque diducto vinctu formidabilis. Quocunque ab initio suscepit, in morem certe abiit ad usque nostram ætatem: & est idem lingua Hispanorum vernacula Legionis & Leonis nomen: unde erroris occasio viris arma tractantibus à litterarum studiis abhorrentibus. Res Christianorum ad hunc modum resurgentes, multum juvit Alfonso virtus, ejus cui regnum adepto Catholico cognomen fuit: Petro Cantabrie Duce patre, ex nobilissimo Recarci Regis sanguine satus erat. Præterea Egica & Witiza Regibus ordines duxerat junior: & nunc reipublicæ juvandæ studio incensus, relicta patria patreque, suo adventu piorum animos auxit viresque, cum Cantabrorum valida
 Tom. I.

sequeretur manus. Omnino Ormisinda Pelagii filia Alfonso nuptui data: eoque connubio amplius utriusque Principis animi perpetuo fœdere conciliati; unde Hispaniæ in posterum Regibus origo generis, perpetuæque propago, & tunc brevi majus operæpretium factum. Gegio loci natura & munitione firmissima, Asturica, Mansilia, Tineus, aliæque in Asturibus & Calacis oppida Mauris erepta (inde Pelagium & posteros Gegionis Reges dictos suspicamur; aliisque occasionem extitisse hos Reges Legionis vocatos existimandi, unius permutatione litteræ). Incolæ cum religionis Christianæ cultores essent, & Pelagii rebus naturæ impulsu faverent, cæsis pulsisque Maurorum præsidii, erectique passim ad spem recuperandæ libertatis, urbes & oppida cupidissime dedebant: Accidit magno rei Christianæ comodo, Mauros in diversâ Hispaniæ parte magnis bellorum motibus, quæ ex aliis aliæ nexa aptaque excitabantur, implicatos teneri: ne justo comparato exercitu Pelagii conatibus obviam iretur. Etenim Zuleima defuncto, Homarus & Izit filii Uliti, ex patris adoptione Maurorum late patens imperium Asiæ, Africæ, atque Hispaniæ obtinuerant, novo exemplo inter Mauros atque haud scio an satis probabili, exæquata duorum potestate. Homarus intra primum imperii annum ex morbo defunctus est. Izit solus rerum potitus, Zamam præfecerat Hispaniæ, magno virum ingenio, magnoque rei militaris usu, neque minori quam superiores auri cupiditate; nova & graviora quam antea vectigalia captivis urbibus imperata. Narbone in Gallia militare præsidium constitutum. Tolosâ Gothici olim imperii in ea provincia sedes circumfessa. In ea obsidione, Eudonis Aquitaniæ Ducis superventu, barbarus acie victus & cæsus est; exercitus in prælio fugaque magna ex parte trucidatus; qui superfuert cladi, obsidione continuo soluta, dum ex Africa
 Vvv novus

novus Præfectus veniret, Abderrahmanum in occisi Ducis locum cooptarunt domi militiæque clarum: qui tantisper res inclinatas, virtute & prudentia sustentaret. Milis quæprimum adverso gentis casu nunciato Aza (alii Adham scribunt) Mauricam rempublicam in Hispania Iziti Miramolino vicarius suscepit gubernandam. Hic provinciam tantis fessam malis, novis calamitatibus exagitavit; veltigalia multo quam antea acriora imperata; exhaustis providebatur scilicet populis, ne ad rebellandum facultas esset, quibus studium erat & cupiditas rerum novarum; prorsus ut oppidis & urbibus, quæ per vim superioribus bellis capta erant, quintam redituum & proventuum omnium partem, in regium ærarium inferre quotannis mandaret: decimam illa oppida quæ ex deditione in Maurorum potestatem venerant. Ea conditione Christianis incolis datum prædia & possessiones pristinas quasi mancipii jure retinere. Rasis Arabs à Mauris sit, quintam bonorum omnium partem exegisse, specie quidem pauperum, quorum erat tota ditione innumera multitudo, inopiam sublevandi: re ut viribus debilitati, haudquaquam se commovendi facultatem haberent. Cordubæ pontem exadificandum curavit. Hispaniæ tractum monti Cauno adjacentem bello oppressit, (nonnullæ enim urbes veterem libertatem mordicus retinebant) Turisfionem vi captam solo acquavit. Tantis rebus intra biennium & menses sex in provincia perfectis ferro fuorum, quorum invidia maxima flagrabat, ex insidiis Dertusæ occubuit, Ambiza, Odra, Jahea, successoribus, ut Rodericus Præful est auctor: ut ego interpretor, Hispaniam eodem tempore tripartito, cum in nullum unum totius gentis voluntates conspirarent, aliquandiu gubernarunt: aut singulorum imperium paucorum mensium fuit. Convenit Izito Imperatore in Asia defuncto, Iscamum ejus fratrem in imperio successisse ea lege, ut Abulit Iziti filium successorem ipse, ut fecit, adoptaret. Maurorum imperium obtinuit salutis anno septingentesimo vigesimo quarto, imperii Arabum centesimo septimo, juxta Roderici Præfulis computationem in historia de Arabibus, utroque annos Christianorum atque Arabum, quod fa-

ciendum non fuit, exequantis, uti alio loco monstratum est. Tenuit autem imperium uno de viginti annis, merito rerum gestarum ac perpetua felicitate, ipsaque ditionis amplitudine clarissimus: nisi cæteras virtutes congerenda undique pecuniæ aviditas immensa fœdasset: unde majores opulentiæ vicit, subditorum odium incurrit gravissimum. Rerum potente Iscamo, Odayfa, Hîmenus, Autuma, Alhaytanus, Mahomah, deinceps ejus jussu, fama non eadem Hispaniam pro Mauris gubernarunt; singulorum vix annum imperium fuit: Mahomadis bimestre tantum. Nam salutis anno septingentesimo trigésimo primo Abderrahmanus subsecutus est, fortassis ille de quo paulo ante commemoratum est. Hujus Præfecti res gestas, quoniam majori fama celebrantur, & prospero tandem nostris exitu ad memoriam jucunda sunt: compendio explicare operæpretium fore arbitror. Bello bonus habitus ad cætera, quibus nemo ex Maurorum gente per eam ætatem instructior Dux fuit; unum tantum ingenium, imperiumque grave, non magis Hispanis, quam genti suæ temporum licentia viriis omnibus depravata. Ea res odium illi multorum conciliavit: Munizio viro acri atque præpotenti inter Mauros, occasionem supeditavit novorum motuum. Gallia Gothica longinquitatis opportunitate usâ, & acerbitate Præfectorum provocata, Munizii auctoritate secuta est, in Hispania ad Pyrenæi montis juga Ceretani. Eudo Aquitanie Dux, cum Francorum æque ac Maurorum arma fatigaret, in fœdus attractus. Hunc ego Eudonem illis temporibus gravem, & strenuum atque sapientem virum comperio: nisi quod religione prohibebatur, nefasque Christianorum legibus semper est habitum, partium studio, vincendi cupiditate, Munizio filiam suam connubio junxisset isti scilicet fœderis confirmandi causa: quod illi conjugium non ignominiosum tantum fuit sed etiam infelix. Abderrahmanus enim Munizii conatibus cognitis, & provincie tumultu renunciat, in extremos Hispaniæ fines movit: circumfessumque hostem in Cretania urbe, cum neque fuga evaderet, neque salutis spes esset si in hos-

tis potestatem vivus venisset, vitam præcipitio finire compulsi. Uxor florenti ætate, formæque lætissima, occisique viri caput in Africam missa: grata nimirum summo Maurorum Imperatori munerata. Munizii casu plerique interpretabantur, injurias vindicatas in religionem Christianam, multusque gentis Christianæ sanguis barbara immanitate effusus: ac nominatim, quod Anabadum Episcopum in ætate vigente præci moris virum, igne combussisset. Abderrahmanus ex ea victoria animo elatior factus in Galliam irruit, belli terrorem Gothis & Francis circumferens, quam late nobilissimæ provincie fines patent, secundum Mediterraneum mare Rhodanum usque progressus. Arelatum urbem eo tractu primariam obfedit; ad eam urbem cum Eudone qui obviam processerat, signa collata. Vicere barbari; nostrorum cades tanta, ut nulla ea ætate major. Ollium cumuli diu ad eam urbem extantes, cladis quantæ esset indicio fuerunt. Conversio deinde in lævam itinere, magnamque Gallie partem emensus victricibus armis, in Aquitaniam irruit; & Garumna transmissa, Burdigalam ad Oceanum mare incenso agro, dirutis templis evastat. Iis in locis rursus ab Eudone, cum vires reparasset, dimicatum adversus communem Christiani nominis hostem. Eadem prælii fortuna fuit, nostris adversa, Mauris secunda. Engolismenses, Petragorii, Sanctones, Pictonesque eadem belli flamma vexati. Vertebatur in eo bello discrimen rerum Christianarum; quis enim domitores Asiæ atque Africæ, & Gothorum nuper imperio deleti formidabiles, æquare viribus possent? Quis auderet certaminis aleam subire? cum invicto barbarorum robore pugnare? Ipsa nominis fama, atque rerum gestarum claritate, perculsa ceteræ nationes erant, ac propemodum subjugatæ. Communi periculo permotus Carolus Martellus, regis Francorum ea tempestate Magister, magnis delectibus habitis Germaniæ, Austriæ, & Galliæ numerosam pubem armat: multi sponte nomina dant tantæ incendiî restinguendi studio inflammati. Cum his copiis hosti procedit obviam pugnandi certus. Turones perventum, urbem D. Marti-

ni sano nobilem, lætissima celi agrique facie, ubi spirant identidem Favonii atque Aultri, & tunc Aquitanie contributam. Ligerim fluvium; ad quem est sita trajiciunt, ut pro munimento à tergo esset: ne hostium multitudine circumveniri possent, qua superabantur: vincebant ipsi causa, virtute, & scientia pugnandi. Iis in locis castra posita. Eudo simulate, quæ illi cum Martello erat, patriæ caritati condonata, & est timor externus maximum concordie vinculum, cum Francis vires & copias junxerat; magno id adjumento ad victoriam fuit. Franci scriptores Maurorum copias Eudonis accitu, quo nimirum Martello æmulo ægre faceret, in Galliam tam longe penetrasse affirmant: & nunc eorum perfidia commotum, qui Aquitaniam evastassent nullo sordis respectu, mentem murasse; historici Hispani silent; gratie aut odio nationis Hispanicæ alterutrum datum interpretabamur, (Nam Eudo in Cantabria principatum obtinebat, Aquitaniam dotalem habuerat) quid potissimum in re dubia sequeremur incerti: nisi quod prælia duo, quibus cum barbaris decertasse monstratum est, Eudonis voluntate haudquaquam in Galliam immisissim eam gentem, contra quam fama obtinuit, suspicari libet. Barbarorum adventu, totis utrinque viribus dimicatum. Mauri ad quadringenta millia hominum erant, Gallia fertilitate cum uxoribus & liberis, ut est genus hominum vagum, ad mutandas sedes invitati. Ingens omnium expectatio erat, par metus; concurrunt inter se acies, pugnatur utrinque acriter, consistunt agmina; diu anceps victoria fuit; demum Christianorum virtute hostium multitudo victa est. Trecenta septuaginta quinque millia ex eorum exercitu cæsa. Abderrahmanus ipse inter occisorum corpora repertus victoriæ lætitiæ auxit; ex nostris mille quingenti desiderati, pauci quidem & minor quam pro tanta victoria numerus: verum promptissimi quique, facitque & generis nobilitate clarissimi. Hic dies lætissimus Christianis illuxit, non tam victoriæ præsentis fructu, etsi clarissima fuit: quam quod esset documentum datum, invictam eatenus gentem nostrorum virtute superari posse. In

eo prælio Eudonis maxime virtus Martelli etiam confessione enituit: qui in ipso pugnae ardore ut erat ante constitutum, cum expeditis advolans prius pene hostem circumventum à tergo adortus est, quam ejus agmen conspici posset. Pugnatum est salutis anno septingentesimo trigésimo quarto; agebaturque vigésimus primus, ex quo amissa erat Hispania. Quo tempore Orientis imperium Constantinus cognomento Copronymus obtinebat. Ex Eudonis ad Romanum Pontificem Gregorium tertium (plerique secundum dicunt: nos in ratione annorum Isidorum Pacensem hujus ætatis scriptorem sequimur) litteris Romæ cæsorum numerus cognitus; additumque tres spongiæ, ut pro amuleto essent, sacra Pontificis precatione lustratas, missæque ad Eudonem, cum disiectæ & inter milites distributæ essent, ad unum om-

nes qui particulas tenerent, incolumes ne levi quidem accepto vulnere perstitisse: quod miraculi instar est habitum. Abdelmelicus in Abderrahmani locum subrogatus, pro Mauris Hispaniam quatuor annis proximis gessit, nulla re præterquam siviia memorabilis: & quoniam resflorescentem rempublicam quæstui habuit: quod non modo turpe est in Principibus, & multitudinem gubernantibus, sed sceleratum atque nefarium. Galliam tentare jussus ad Pyrenæi montis iuga multis suorum amissis, retro redire compulsus est. Quo tempore atque adeo ejus sæculi anno trigésimo septimo, Pelagius Hispaniæ Rex annis gravis, rebus gestis clarissimus Canicæ defunctus est; in S. Eulaliæ Velanienfis, Canicensis agri, quam ipse ædem exædificandam curarat, extincti funus illatum; ubi & uxor Gaudiosa nomine sepulta est.



Pelagii filius Favila, à patris obitu regnum nemine repugnante obtinuit: regnavit duobus annis, infelici exitu & morum levitate magis nobilis quam clarus. Venationi enim nimio plus deditus, cum tantum belli esset in manibus, novumque regnum imbecillitate magis hostium & perturbatione quam nostrorum virtute staret: reipublicæ curam negligere visus, privataeque voluptates rebus communibus potiores arbitrari, ab

urso quem inter venandum avidius insequeretur, dilaniatus est, nulla neque vitæ neque mortis gloria; in Sanctæ Crucis templo, quod in Canicensi agro extruxerat, tumulatus est: ubi & Frolevæ uxoris sepulcrum olim extabat. Julianus quidam diaconus natione Græcus, in utriusque linguae cognitione non impar, antiquitates Hispaniæ atque Pelagii res gestas, per hæc tempora Toleti litteris illustrabat; auctor est non nemo. Urbanus Toletanus Præsul

in

in extrema & præcipiti ætate, Euanthus ejus Ecclesiæ Archidiaconus, Fredoarius Accitanus Episcopus, viri præstantes atque præclari in ea rerum omnium caligine, velut stelle inter obscuræ noctis tenebras, morum sanctitate, & sapientiæ laude micabant. His æqualis Joannes Hispalensis Præsul divinos libros lingua

Arabica donabat utriusque nationis saluti consulens: quoniam Arabicæ linguæ multus usus erat Christianis æque atque Mauris, Latina passim ignorabatur; ejus interpretationis exempla ad nostram ætatem conservata sunt, extantque non uno loco in Hispania.



C A P U T I V.

Alfonso cognomento Catholicus.

FAVILA sine prole defuncto Alfonso & Ormisinda, ut erat postremis testamenti tabulis à Pelagio mandatum, Reges renunciati sunt, magna gentis lætitia, optimo publico. Erat Alfonso belli & pacis armis peræque instructus, animi constantia rebus adversis, & perpetua rerum gestarum felicitate admirandus, religionis cultor eximius: unde Catholici cognomen accessit; quod Recaredo olim Regi, quo tempore universam Gothorum gentem repudiatis Arii opinionibus, in catholicæ ecclesiæ castra revocavit, in Toletano Episcoporum conventu acclamatum, intermissumque multis ætatibus, Julius eo nomine secundus Pontif. Max. in Ferdinando Aragonio Hispaniæ Rege instauravit, effectique ut consequentibus Regibus pro-

Tom. I.

prium hereditariumque esset. Florebat quidem eo tempore Hispania pacis optimæ bonis, quantum Africa & Gallia bellis civilibus aestuabant. Eudonis fato functi principatum in Gallia, Carolus Martellus armis præsidii occupat; defuncti filii Aznar, Hunnoldus, & Vaiserus paternæ simulacris hæredes, suæque ipsorum injuriæ vindices, arma necessario corripunt. Aznar in Hispaniæ partem illam profectus, quæ Vasconibus finitima erat, Jaccam urbem, multas præterea arces atque oppida Mauris eripuit, Aragonum regni & gentis parens & conditor. Aragoniæ nomen Arago fluvius effecit per ea loca decurrens, seseque Egæ junctus confundens Ibero, uti alio loco est explicandum. Hunnoldus & Vaiserus suo-

Xxx

fuo-

fuorum opibus sublevati, transmissio Rhodano, universæ Galliæ terrorem incutiant, non viris, non mulieribus, non pueris, non senibus parcitur: ut ferme subditorum periculo Principes peccant. Allobroges præcipue vexati. Vienna ægre defensa est; interior Gallia cis Rhodanum bello tentata. Mauri sua sponte ad delendam ignominiam præteriti temporis, injuriæque vindicandas, præterea Mauri Maffiliensis Comitis, Hunnoldi & Vaiseri accitu, quo nimirum Martello & Francis ægre facerent, Galliam armis repetunt. Aucupa per idem tempus rem Mauricam in Hispania gerebat; cum Abdelmelicum reipublicæ male gestæ reum postulatam, ex vinculis causam dicere compulisset: præcipua vir nobilitate inter suos, suæque superstitionis æmulator maximus, magna ut seve-
 739 ritate peccata in religionem commissa vindicaret. Is Mauntii ope Avennionem Cavarum urbem, quam Rhodanus alluit, in primis amplam & nobilem armis occupat; cætera circa incendiis, ruinis, & direptionibus sædata: atque hæc quinquennio postquam ad Turones pugnatum est gesta sunt salutis anno septingentesimo trigésimo nono, qui annus Altonsi regni primus fuit. Fœda rerum facies erat, & colluvies malorum miserabilis: verum res Gallica Martelli virtute stetit; rejecti hostes in Hispaniam. Avennio atque Narbo in potestatem redactæ: pene ut Gothis atque Mauris nihil esset residuum in Gallia. Majori tumultu atque animorum pertinacia mota Africæ arma. Belgii Aberbexius magni inter Mauros nominis Dux, adversus Iſcam Miramolinum populares concitavit; causæ proditæ memoriæ non sunt; cupiditas domandi iusta plerisque inferendi belli causa esse creditur. Multa prælia commissa in Africa. Belgii sæpe victor in Hispaniam transmittit, quam pro Mauris Abdelmelicus denuo gubernabat, è vinculis ad imperium eductus (Aucupæ æmuli iussu cum ex morbo ipse animam ageret) magno suo malo. Nam Belgii adventu, paulo postquam ad reipublicæ gubernacula est revocatus intra Cordubam à Duce Abderrahmano, quem Belgii cum valida manu præmiserat, captus atque omnibus cruciatibus excarnificatus ad

mortem est, ejus seculi antio quadrage-
 743 simo tertio: quo anno Iſcamus Miramolinus obiit. Iziti filius Alulit cognomento Pulcher, Mauricæ gentis insepulchrum obtinuit, gentis spe maxima, successu non eodem. Belgii arma sollicitabant in Africa, & motus Hispaniæ cura Dorano impulsore, qui Belgii partes sequebatur. Africæ motus explicare nostri instituti non est. In Hispaniam Albulcatur ab Alulito ipso imperii initio cum potestate missus rebus tranquillitatem reddidit, cum suctiosos magna ex parte supplementi specie mississet in Africam: ipse paulo post Zimaëlis conjuratione occubuit. Roba Zimaëlis socius præcipuus conjurationis auctor Hispaniam occupat. Alulit Imperator altero regni anno, qui ejus seculi quadragesimo
 744 quartus erat, defunctus est, Ibrahemo fratre successore. Neque hic meliori successu regnavit. Maroanus enim gentilis ex Humeia Mauros familia nobilissima, favore gentis continuo imperium invasit: & Ibrahemo intra palatium jugulato, altero anno ex quo caperat imperare, rerum solus potestus est. Hoc Imperatore, Toba Hispaniam pro Mauris gessit: eoque intra primum annum defuncto gentis consensu Juzephus ex Africa missus rem Mauricam gessit in Hispania, in ætate longæva, libidinis potens & avidus: quam ignominiam, rebus præclare superiori ætate gestis & militari laude compensare videbatur. Hoc gubernatore in Asia quidem, Abdalla ex Alavecinatorum familia inter Mauros nobilissima, Maroanum Miramolinum facta gentis conspiratione sustulit, anno Christi septingentesimo quinquagesimo: alienæque
 750 proditæ & crudelitatis non vindex sed vicarius, Mauricæ gentis principatum obtinuit; quem ut in sua gente firmaret, Humeiæ posteritatem, unde priores Reges prognati erant, à stirpe penitus tollendam curavit, & magna ex parte perfecit. In Hispania autem anno Christi septingentesimo quinquagesimo tertio,
 753 tres Cordubæ Soles visi: magno id terro-
 rori fuit, rudi seculo ignorantium scilicet, in nube æquabili densitate tanquam speculi objectu, multiplex Solis speciem representari; novæ præterea formæ oculis fingeantur; pompæ instar præceden-
 tium

tium hominum cum igneis facibus; auxit gentis miraculum atque formidinem, gravis per id tempus consecuta fames. Interea Alfonso Rex ex intestina Maurorum discordia, & rerum omnium perturbatione, rei bene gerendae occasiones captans, regni fines quod angustis regionibus descriptum erat, armis amplificabat. Et erant Christianorum animi Maurorum imperio fessi; conversique ad studium refarciendae veteris calamitatis. In Calacia Lucus, Tuda, Asturica receptae; in Lusitania Portus Cale ad Durii ostium, qui se parte fundit in mare, Pax Julia, Bracara, Viseum, Flavia, Bletisa, & Senticia, quae duae postremae urbes hodie Ledesma, & Zamora sunt. Septimancas, Dominas, Mirandam, Segobiam, Abulam cepit, atque Sepulveda ad radices Orosopede montis Dura-toni fluvio impositam, loci natura munitissimam: olim Segobriga dicta est, deinde Sepulvega: sic enim in sui fori legibus appellabatur, cum municipium quondam amplissimum, & maximae auctoritatis esset. Praeterea felici victoriarum cursu, locis remotos Virvescanos atque Rivogiam in Vardulis Idubedae latere comprehensam, qua parte Ogia annis ex eo monte emissus in Iberum decurrit, insigni regionis amenitate atque proventu. In Valconibus Pompelonem, in Cantabria partem eam, cui hodie Alavae nomen est, in potestatem redegit: tamen bellis alternantibus harum civitatum pleraque consequenti tempore ad Maurorum ditionem redierunt: cum Cordubense Maurorum imperium magno Christianae rei incommodo per haec tempora, ut paulo post explicabitur, inchoatum, viribus deinde & potentia auctum in Hispania atque amplificatum est. Capitis civitatibus Alfonso cura, vetus Episcoporum dignitas longo ex intervallo restituta est; dati Praefules sylvenses Christianorum mores repurgabant contagionibus malorum, quae ex consortio Maurorum profecta manarant latius; subditos populos novis institutis & legibus, atque divinorum librorum explicatione exco-

lebant. Christiana templa, ubi diruta erant, instaurabantur: & quae Mauricis superstitionis sordes foderant ex Christiano ritu expiata. Sacrorum instrumenta restituta, quantum gentis inopia, & regii aerarii tenuitas patiebantur. Nova lux reddita videbatur, laetitiae in praesenti, & majoris ad futurum spei materia maxima. Vardulos, veteres provinciarum descriptores in Cantabria collocarunt, parte ea quae Oceano mari adjacet: historiae Hispaniensis auctores paulo antiquiores aetate, rudi homines ingenio; tenui eruditione & cognitione antiquitatis in Vaccais Castellae veteris parte. Ex ea opinione & quoniam magna Castellae pars piorum armis cecidit, novus plerisque error natus persuasit, Alfonso armis universam Cantabriam subjugatam, ereptamque Mauris esse; cum ex verioribus monumentis ostendere liceat, Maurorum arma haudquaquam ultra locum, cui Rupi perforata in Cantabris vulgo nomen est, unquam penetrasse. Rex tot rebus gestis clarissimus Canice defunctus est salutis anno septingentesimo quinquagesimo septimo, aetatis septuagesimo quarto, regni nonodecimo. Quinque liberos reliquit, ex Ormisinda quidem Froilam, Bimaranum, Aurelium, atque Usendam; ex impari autem matre atque adeo serva stupro genitum Mauregarum. Defuncto iusta peracta non magis apparatu exequiarum, quam verissimis totius gentis lacrymis celebrata, & caelestibus vocibus, quas in funere auditas memorant, ex divinis libris pronunciantium: Tollitur iustus nemine considerante, ablatus est a facie iniquitatis, & erit in pace memoria ejus; ad D. Mariae coenobium Canice Alfonso & Ormisinda uxor sepulti sunt. Alfonso Froila frater fuit, Aurelio & Veremundo filiis magis quam alia re clarus felisque. Ad Maurorum res quoniam cum nostris confusa sunt revocetur oratio: & fatalis dissidii semina, initia incrementaque explicentur, unde novum in Hispania regnum ejus gentis constitutum est.

777

C A P U T V.

Dua inter Mauros principes familia.

MAHUMETANORUM armis, no-
trorum cessatione, maxima no-
bilissimaque orbis terrarum pars victa
concessit Christiani nominis hostibus diris
ferisque: quibus nefarium execrabileque
esse creditur quidquid nobis sanctum est.
Unum initio habuerunt summum Prin-
cipem & rectorem, qui universæ genti
imperaret; ad hunc summa rerum con-
silioſumque redire solita erat; hujus im-
perium cuncti respiciebant; is jura dice-
bat populis; ab eo sacrorum leges pe-
tebantur. In historiis Arabum nunc Ca-
lipha dicitur, quod Romana interpre-
tatione successor est: nunc Mirama-
molinus, hoc est, credentium prin-
ceps. Sub principia quietæ res erant no-
væ factionis studio solita erat, ut necesse
erat in tam longe lateque suis opibus,
seditiones exortæ, multaque ex uno im-
peria facta. Omnium dissidiorum caus-
æ & eventus explicare non atinet;
quod hujus loci proprium est, duarum
familiarum, quæ inter Mauros nobilif-
simæ habitæ sunt, & quarum discordia
maximi motus hac tempestate extite-
runt, originem atque progressum in-
dicare non incommodum fore arbitra-
sum. Mahumetes gentis conditor,
& novæ superstitionis auctor, cum bel-
li terrorem prospero semper successu
multis provinciis incussisset, ingenio ar-
denti, pravo, calidoque, profunda si-
mulatione sanctitatis, qua nihil est in spe-
ciem fallacius, nihil potentius ad conci-
liandas multitudinis voluntates, moriens
ex multis uxoribus, quas sibi pollutis
conjugiis atque nefariis toro junxerat,
tres filios tantum reliquit, nullam mas-
culam prolem, (Cacinus enim filius
duodennis obierat) Fatimam natu ma-
ximam, Zeinebim, atque Imiculum
viris principibus connubio junctas.
Cæterum Mahumete defuncto, ejus so-
ceri Abubacarus prius, deinde Homar-
us, rerum summæ in ejus locum præ-
fecti sunt, quasi filiarum vicarii neptum-
que; post hos Atumanus Fatimæ vir,
quæ ob ætatis prærogativam ad regni pa-
terni successionem meliori jure niti vide-
batur, imperium obtinuit; hinc Alaveci-

norum familia exorta, opibus & clientelis
potentissima. Atumano successit, non si-
ne multorum invidia magnoque gentis mo-
tu, Moabia Zeinebim alteram Mahometis
filiam uxorem habens, Benhumejarum
gentis & familiæ conditor. Harum familia-
rum nominibus, quæ vis sit & causâ clari
est. Moabiæ scilicet Iziti filius, & Maula ne-
pos, is qui tertiam tributorum partem gen-
ti remisit, ex ordine sunt suffecti. Maulæ
obitu, Mauri in factiones diducti; pars
Maroanum secuta est, pars Abdallam,
quem ex Alavecinorum familia fuisse ar-
bitror: licet enim conjecturis agere in
tanta ejus gentis rerum ignorantia &
caligine; fuit certe militiæ Magister Re-
ge Moabia, multisque ex eo copiis &
clientelis potens. Itaque peracto amulo,
solus rerum potitus est; eo vero de-
functo, imperium ad Maulæ filium Ab-
delmelicum rediit, cum qui Africa uni-
versâ devicta, gentis imperium firmavit
maxime: sibi & posteris peperit me-
moriam nominis sempiternam. Ro-
manorum Principum dissidia Mauro-
rum incrementis occasionem præbue-
runt; tetram rerum omnium cali-
ginem, impotentem hominum vasa-
niam; sed præstat ab his cogitationibus
animum avocare, quarum recordatio
velut morsu quodam dolorem efficit.
Abdelmelico ex morbo defuncto sub-
stitutus est filius Ulit, is cujus auspiciis
Tariffi ductu Hispania, Ruderico Rege
cæso, universa Maurorum imperio sub-
jugata est. In Uliti locum frater Zulci-
ma primum, deinde Homar & Izit filii
Uliti ex patris adoptione exæquata duo-
rum potestate cooptati; post hos Isca-
mus utriusque germanus frater. Iscama
filius Iziti Alulit in imperio successit. Al-
ulito Ibrahimus ejus frater gentis con-
sensu, & Maroanus ex eadem familia,
vi & armis Ibrahimique novi Regis des-
pectu. Horum dissidia Alavecinorum
genti, & posteris Fatimæ se opportuna
præbuerunt, ut ipsi viribus integri
divisos in partes amulos, atque debi-
litos opprimerent. Ergo Abdalla ma-
gno vir ingenio, animi vigore ma-
ximo, Maroanum inter utriusque gen-
tis

tis studia destitutum occidit: atque Fatimæ posteritati imperium tandem restituit, ut est superius indicatum. Quod ut posteris firmaret, propriumque faceret, Humeiam gentem extirpandum curavit, nullo alio scelere, nisi quod imperium, quia tenuerant, sperare ambireque credebantur, eaque sollicitudine levare animum tyranno erat propositum: unde ejus nomini invidia in præfens, in futurum ignominia gravis ab immanitate conflata. Abderrahmano Abenhumeiæ necessitudo est imposita, ut carnificinæ

quæ in suos gentiles exercebatur, se subduceret fuga evadendi in Hispaniam: ubi vulgo Mauri veteri Humeiæ familiæ imperio savebant, multis & magnis beneficiis ab iis Principibus devincti. Horum studio Abderrahmani virtute & felicitate, novum in Hispania Maurorum regnum fundatum est Corduba sede: unde reliquæ civitates jura peterent, sui juris propriisque viribus nitens, neque Africæ contributum, neque Asiæ Caliphis, uti mox est explicandum.



C A P U T V I

Froila, Aurelius, & Silo Reges.

757 **A**LFONSI morte, Froila filius natu maximus pro eo ac par erat continuo piorum in Hispania rempublicam gubernandam suscepit, salutis anno septingentesimo quinquagesimo septimo. Regnavit annis undecim, mensibus tribus: fama inter bonum & malum alternante, ingenio aspero, morum severitate maxima, in severitatem propensior quam humanitatem; & sere Principes in summa rerum omnium licentia, ingenio indulgere malunt, quam imperare; assentatores, quorum in aulis Regum magnus numerus est, affinia virtutum nomina vitiiis affingendo, pravitatem

semel susceptam alunt, nemine contra obistere & vera prædicare aucto. Laudatur in Froilæ actionibus, quod Overum in Asturibus urbem primariam & nobilem fundavit primus atque constituit. Quidam conditæ ejus urbis laudem ad Alfonsum patrem ablegant, nullo idoneo satis, neque testimonio neque argumento. Conditæ civitati jus & honorem Episcopatus dedit. Sacerdotum conjugia Froilæ jussu dirempta; quæ consuetudo Witzæ olim lege suscepta, & Græciæ deinde exemplo firmata, in mores abiit; unde irritato numine (sic saniores inter-

interpretati sunt) tantum aerumnarum accersitum, tantum poenarum & supplicii datum. Eo facto, quantam ad bonos gratiam inivit, tantum magnæ partis populi, & sacerdotum offendit animos. Nam plerique veteribus stari maluit, & peccandi libertas multitudini gratissima est. Ex ea severitate invidiæ pars maxima illi conflata est, qua vivens flagravat: & mortui nomen ad posteritatem ignominie nota sedatum est, majoris quam pro meritis; (sic libet suspicari) nam ad cæteras virtutes militari laude paterna exempla æmulari visus est. Juzephum enim Hispaniæ Præfectum pro Mauris veteranum Ducem, cum numerofo exercitu Calæciæ fines ingressum, cunctaque belli clade evastantem ingenti prælio superavit altero regni anno; cæsi quinquaginta quatuor hostium millia; nulla ea ætate victoria major, neque magis ex rei Christianæ commodo. Ea clades Juzephum jam quatuor annis Abderrahmani armis, cum ad spem regni ex Africa profugus in Hispaniam venisset, & Humeiarum factione fatigatum, opportunum supremæ calamitatis præbuit. Nam Corduba fugiens, & æmuli diligentia Granatæ captus, Toletique quo demum tanquam ad præsidium aufugerat ejus urbis munitione confusus, suæ gentis ferro occubuit, Abderrahmano victori, eo facto cupientis gratificari. Quo ex tempore nimirum salutis anno septingentesimo quinquagesimo nono, imperii Arabum centesimo quadagesimo secundo, Mauri omnes in Hispania sub unius imperium revocati, novumque regnum fundatum Abderrahmano Abenhumeia, cui Adahil deinde cognomen est factum, conditore: imperitque jugum excussum, quod Syriæ Caliphæ, Africæ Miramamolini, capte primum Hispaniæ imposuerunt. Una Valentia Edebanorum in Hispania Tarraconensi urbs, in fide veteri præstans Abderrahmani armis & obsidione fatigata, tandem novi Regis jugum subiit. Christiani ejus urbis cives, barbari victoris metu, & ne religio ludibrio esset hostibus nominis Christiani, Vincentii Martyris ossa, quem tanquam Deum adorabant, & miraculorum fama celebris erat (sic Rasis Arabs loquitur homo Maurus) secum fugientes asportarunt

in extremæ Lusitanie partem eam, qua promontorium Sacrum excurrit in mare. Eos Allibohazes Phutensis dum venationi studet, repertos occidit: pueros captivos abduxit: quorum indicio, ubi sacra ossa relicta essent, postmodum est demonstratum. Loco certe ab ea re, promontorii D. Vincentii nomen est factum. Rex barbarus tantis victoriis & tam prospero rerum successu insolentior factus, Calæcos bello tentavit. Pacem Juliam quæ hodie in Lusitania Beia est, circumfedit; utrinque Froilæ virtute, & armis rejectus est: & Christianæ ditionis fines, non modo adversus victicia barbarorum arma, sed etiam adversus provincialium tumultus perpetua Froilæ felicitate tutati. Calæcorum motus compositi, quos suspicor ob uxores sacerdotibus detractas, temere ea ætate tumultuosos esse. Vafcones imperio rebellantes armis ad officium pertracti salutis anno septingentesimo sexagesimo primo. In ea expeditione Meninæ Rex Froila (alii Momeranam scribunt) Eudonis Aquitanie Ducis filiam sororem Aznaris, fratris concessu uxorem duxit; quo ex conjugio Alfonso, cui deinde Casto cognomen fuit, atque Semen Bernardo olim Carpenfi filio felix, nobilis stupri seditate, nati sunt. Eo actionum tunc in magnis Principibus Froila numerari potuit, ni fratrem Bimarantum eximia corporis dignitate atque morum candore studia populi conciliantem, suis ipse manibus impie aque ac crudeliter jugulasset. Affectati regni suspicio malo fuit; & fortassis scisso ut sit in partes populo ob Regis severitatem, factio altera Bimarantum corrumpere satagebat, ut Ducem se præberet rebus novandis. Neque enim existimo Froilam temere, nullaque re provocatum, tantam crudelitatem designasse; tametsi suscepti patricidii nulla idonea causa esse potuit: & ipse invidiam ex eo facto succensam resurgendi studio, Veremundum occisi fratris filium regni successorem adoptavit, fructu nullo. Cum cælo æque & hominibus invisus esset, & in alia ex aliis mala præcipitaret, suorum an Aurelii conjuratione Canicæ preemptus est. Oveti in æde maxima Froilæ & uxoris Meninæ corpora sepulture mandata.

data. Quo tempore Verus Archiepiscopus Hispalensis, eruditione, scriptis & vita clarus est habitus; tum Petrus Tole-
tanus Præful Urbani successor cogno-
mento Pulcher, cujus libellus de ratio-
ne Paschatis celebrandi ad Hispalenses
cives, quoniam in ea re hallucinaban-
tur, magno ingenio conscriptus extabat.
Petro successit Cixila, is qui D. Illesonfi
vitam scripsit: ad quem Hadriani Ponti-
ficis Romani litteræ extant (tamen Egi-
lam eum vocat) diebus sabbathi carnibus
vesci Hispanos, more scilicet è Græcia
translato, increpantis. Unde tempera-
mento quodam factum arbitror, ut in-
testina & extremæ animalium partes hoc

tempore in usu sint, & præcipuo iis die-
bus honore mensarum. Quod alii pu-
tant susceptum anno Christi millesimo
ducentesimo duodecimo, cum ad saltum
Castulonensem Mauri insigni prælio à
nostris superati sunt, nullo neque aucto-
re neque argumento idoneo. Veteres
schædæ in quibus Toletanorum Ponti-
ficum nomina sunt, non tantum Urba-
num, sed & Petrum eo numero exi-
munt: substituunt alios Sunieredum at-
que Concordium Cixila priores; nobis in
tantis tenebris hærere necesse est aliquan-
do, non secus atque ignorata via, ubi in
plures una diffinditur, cum nulla repu-
diatur nulla placet.



768 Aurelius Froila Regis interfecto, Bi-
marani vindex, utrique frater germanus
(aliâ patrualem faciunt, Froila natum Al-
fonfi Regis fratre) gentis consensu re-
gnum obtinuit anno septingentesimo sex-
agesimo octavo, Alfonso Froila filio
ob ætatis imbecillitatem & paternæ me-
morie invidiam prætermisso; regnavit an-
nis sex, mensibus sex, nulla neque domi-
neque militiæ gloria. Servilis enim belli,
quod in provincia exarsit, cum servi
studio libertatis incensi & temporum
perturbatione confisi arma magno nu-
mero corripuerunt; profligati laudem
sedere cum Mauris inito fœdasse visus
est: ex quo ingenuæ conditionis virgines

ad certum numerum quotannis tributî
nomine, proh nefas, erant Mauris re-
præsentandæ: Regis Abderrahmani felici-
tas formidinem nostrorum animis incu-
tiebat: ne novi regni armis rem Christia-
nam suâ imbecillitate & partium dissidio
fluctuantem, ferox ipse & validus oppri-
meret. Erat enim inquieti animi vir, &
minime otium, quo tunc senescere vide-
batur, diutius laturus. Adofindam foro-
rem Siloni viro principi cum spe succes-
sionis connubio junxit, ipse prole desti-
tutus: ac ne uxorem quidem habuisse sa-
tis est exploratum. In valle Jagueia (quam
seniores Canicam vallem interpretantur)
ad S. Martini nomine sepultus est: alii
S. Mi-

S. Michaelis affirmant in oppido Jangua (quibus major nominum similitudo faret) ubi antrum subterraneum extat Andreæ nomine dicatum, & conjuncta duorum

Regum sepulcra (sic apud populum fama obtinuit) Aurelii nempe & Favilæ tempore scilicet consequenti, utriusque sepulcræ veteri loco mutato.



In Aureliū locum Silo sororis vir, Praviæ cum Adosinda uxore regno est inauguratus; regnavit annis novem, mense uno, die uno. Calæcos sub initia tumultuantes ad Ciperium montem, nostris Cebrerum, compescuit; ejus belli causæ non sunt proditæ. Silo tamen gravior annis, sive ingenii socordia, non militaribus solum sed civilibus etiam muneribus abscedere certus, nam se imposito oneri imparem sentiebat, præterea uxoris hortatu, Alfonsum Froilæ filium consortem regni fecit, summa bello pacæque auctoritate concessa. Fuit hæc horum temporum calamitas, ut cum maxime turbata republica sævæ tempestatis fluctibus, viro & gubernatore opus esset, tunc ad gubernacula sederent plurimum Reges inutiles & ignavi. Ex eo consortio Alfonso Regis nomen accessisse, indicio est diploma vetus, atque quo nullum in tabulariis Hispaniæ antiquius extat, Valpuestæ ædi D. Mariæ nomine, ubi hodie collegium Canonicorum est, olim monachorum cœnobium, concessum: ubi Regis liberalitate multa prædia illi templo donantur Era octingentesima duodecima, nempe salutis anno

sepitngentesimo septuagesimo quarto, regni Silonis anno primo, nisi fortasse numeri vitiosi sunt; neque enim eorum opinioni accedimus, qui ad Alfonsum Catholicum id diploma ablegare malunt, ratione temporum haud magna aliqua de causâ vehementer perturbata. Est autem ad memoriam insignis iis in litteris contenta execratio, qua ejus donationis violator jubetur esse anathema, Marrano, & excommunicatus; unde intelligitur Marrani vocem vulgarem non à Mauris quasi Maurani, ut quidam suspicantur, factam in Italia Frederici /Enobarbi tempore: cum Mauri plurimi fidem Christo datam in baptismo, passim ejurata quam susceperant religione violarent: sed potius ex Syriaca voce Maranatha deductam, qua anathematis ignominia execratioque in divinis litteris continetur. De Silonis sepulcro non una opinio est, quibusdam Oveti affirmantibus in Salvatoris æde, ubi sepulcrum ejus nomine cum prolixa inscriptione extat: aliis Praviæ in S. Joannis Evangelistæ, quod ipse templum à fundamentis ædificandum curavit; quo loco Adosinda certe uxor tumulata est.

CA-



CAPUT VII.

Alfonfus, Mauregatus, Veremundus Reges.

SILONIS funere procurato regnum ei, penes quem reipublicæ procuratio erat, Alfonso procerum voluntate confirmatum est anno septingentesimo octogesimo tertio. Paterni odii memoria resederat, & virtutis specimen quod interea dederat singulare, cunctorum ordinum voluntates conciliavit. Unus Mauregatus Alfonso patruus, tumefacti stupro genitus erat, fratrum exemplo qui deinceps regnabant, injuriam factam querebatur Alfonso præsto sibi, quem ætiori cognitionis gradu defunctos proxime Reges attingere constabat; neque deerant factiosi homines, qui studio rerum novarum ejus consensu adjuvarent, corruptores, vaniloqui, ut sunt plerique Principum afflicte. His auctoribus, quoniam parum præsidii in gente erat, ad Maurorum opem supplices confugit, ignominiosoque Christiano nomini sedere impetravit quinquaginta virgines natalibus nobiles, & parem ex plebe numerum pactus tributum nomine quotannis; & sunt ante omnes nationes Mauri effusi in venerem. Itaque his illecebris voluptatum gens barbara provocata, Rege eo-

Tom. I.

rum Abderrahmano concedente, Mauregatum secuta est. Inerat præterea dignitas, cum Christianorum gentem vectigalem haberent, Regem beneficium. Ejus exercitus impetum Alfonso viribus impar, neque satis confirmato regno ut sustentare posset veritus, æmulo fortunæque cedens, in Cantabriam aufugit: ubi magnæ clientelæ erant, multi propinqui & necessarii Eudonis, ad quem maternum Alfonso genus referebatur; viginti quinque annos natus erat, cum sub ipsa initia regno spoliatus est. Regnavit Mauregatus annis quinque, mensibus sex, nulla re nobilis præterquam ignavia, actionum turpitudine, atque scelere nefario, quod prodenda patria suscepit. Præviæ sepultus est in D. Joannis, ut chronici quod Alfonso Magni nomine vulgatum est, Ovetense exemplum habet. Obiit anno septingentesimo octogesimo octavo: quo anno Abderrahmanus Maurorum Rex cum regnasset annis uno de triginta, Cordubæ defunctus est. Quam urbem extructa arce, atque hortis instituta, quibus Razaphæ nomen fuit nunc Arrizaphæ, magnopere exornavit. Præterea

Zzz

terea ante biennium ex belli manubiis templum est inchoatum: quod hodie Episcopi Cordubensis cathedra in signe, ipso structuræ genere, multitudine, & varietate columnarum quibus moles incumbit, cernentibus pro miraculo est. Reliquit filias novem, filios undecim; ex his Zulemam natu maximum, quem vivens Toletu urbi præfecerat, moriens successorem designavit. Issemus filius alter, cum favorem gentis præfens occupasset, regnum à morte patris occu-

patum virtute & armis tutatus est, primum adversus Zulemam, qui acie victus in Contestanosque, ubi Murcia sita est, fuga pulsus, pretio sexaginta milium aureorum regni jus fratri relinquens secessit in Africam: deinde Abdallam fratrem alterum novarum rerum studio tumultuantem, federe cum eo facto, in Africam expulit; rerum potitus est annis septem, mensibus septem, diebus septem.



Mauregato quidem Veremundus successit cognomento Diaconus, quod in eum ordinem lectus esset, & ex ritu Christiano sacratus in minori etate. De Veremundi patre, variant historici: nec facile est aut opinionem opinioni, aut auctorem auctori præferre; nominum similitudine vitiatam memoriam arbitror; quidam Bimarani filium putant, ejus qui Froilæ fratris manu cecidit: alii Alfonsi Catholici fratre Froila natum affirmant. Cui ego potius opinioni accedo, viros majori antiquitatis Hispanicæ eruditione secutus, chroniconque Alfonsi Magni Regis nomine compositum; regnavit annos tres, menses sex: & gemina prole auctus Ramiro & Garfia ab uxore Nunilone seu Ufenda, quam contra fas æquumque sibi junxerat, saniori consilio deinceps per totam vitam abstinuit. Cæ-

tera modesto quidem ingenio, & otii cupidior quam reipublicæ status ferret: non animo, non armis, non vigore aut viribus corporis, non arte belli instructus temere ad regnum accessit. Eo dignissimus laude, quod optimo publico Alfonsum Froilæ patruelis filium Mauregati armis spoliatum, pulsumque in Cantabriam, ad regni consortium revocavit; ejus seculi anno nonagesimo primo, duodecimo Kalen. Augusti, ut Isidorus Pacensis hujus ætatis scriptor est auctor. Regnavit is deinceps annis quinquaginta duobus, mensibus quinque, diebus tredecim, perpetua rerum gestarum felicitate, bellicis artibus, clementiæ, religionis & liberalitatis laude suis carus, externis formidabilis. Inclinata Hispaniæ res unius maxime virtute steterunt. Susceptam regi-

regni auctoritatem & favorem gentis vehementer confirmavit victoria, quam de Maurorum Duce Mugaio retulit amplissimam, tertio anno ex quo in regnum fuerat revocatus; cum enim virgines, ut erat in Mauregati fœdere cautum, barbaris repræsentare ignominiosum esse Christiano nomini iudicaret: numerosum exercitum ea causa belli injuriis Christianorum oppida & agros longe lateque vastantem Astures ulque magno damno provincialium lutuque, Alfonso hosti obviam factus ad Ledos oppidum acie vicit. Insigne prælium fuit; septuaginta hostium millia cæsa: atque durissima servitute república liberata, tandem respirare visa est. Mauri enim viribus debilitati & novis bellis impliciti, acceptam ignominiam clademque ulcisci non potuerunt; & constat ea ætate ad extremam Hispaniam, qua parte Pyrenæi montes sunt, Vasconum Regum armis, & Caroli Magni virtute, cujus præcipua & maxima inter Christianos Principes auctoritas erat, rerum gestarum celeberrima fama, multas urbes & oppida Mauris erepta.

Quæ res Issënum Cordubensë Regem impulit, ut Abdelmelicum magni nominis Ducem cum justo exercitu mitteret ad conatus Christianorum compescendos. Gerunda in Aufetanis, Narbo in Galliæ aditu à Mauris occupata; unde templi Cordubensis structura perficiendæ, Christianorum humeris terram comportatam Rodericus Præsul est auctor. Res prosperæ, quæ sæpe moderatos homines de statu mentis mutant, barbaros natura feroces insolentiores effecerant. Pons alter Issëmi jussu Cordubæ extructus ad arcem. Prætoriani milites adhibiti præsidii causa ex externa gente, quod primus Maurorum Regum usurpavit tria millia Christiani religione abjurata impii. Eunuchorum duo millia aulam domestici scilicet ministerii causa sequebantur. Obiit salutis anno sepingentesimo nonagesimo quinto, Alhaca filio successore, qui regnavit annis viginti sex, mensibus decem, diebus quindecim: prudentia, æquitatis atque liberalitatis laude fama que ut in ea gente celebratus.

C A P U T V I I I.

Elipandus Toletanus Præsul.

AD CAPTIVITATIS mala, quæ si extrema fuissent nimium erant gravia, grande de religione dissidium accessit; mali auctores præcipui Felix in Ilergetibus Urgelitanus Præsul, atque Elipandus in Carpetanis Archiepiscopus Toletanus, non insulso viri ingenio neque cruditionis experti, ut in tantis tenebris tantaque malorum omnium colluvie: in qua non offendere, non sedari miraculi instar esset. Quis enim in gravissima servitute literis locus? cum oppressi vectigalibus vitæ necessaria subsidia comparare cogebantur; silebant ecclesiastica concilia, quibus disciplinam ecclesiasticam infringere & republicæ vulnera sanare, veteri instituto susceptum erat. Proceres & populus pro se quisque ut collibitum erat, ita vitam instituebant, atque de rebus divinis nullo prohibente pro voluntate proque arbitratu singuli sentiebant; quæ magna perniciēs est. Ex impiæ gentis usu pravas sæpe opiniones

in Christianorum gentem redundare propemodum erat necesse. Nestorii placita concilia pridem Ephesini diligentia sopita, quasi veteris incendiū scintillæ in Hispania, iis auctoribus suscitatae sunt, Christum affirmantibus qua parte certe homo est Dei filium adoptione esse, contra fas, contra auspicia, contra omnes divinas & humanas litteras, & religiones. Qui enim natura & adoptione filius simul idem esse possit? cum adoptione filius patris tantum beniginitate, nulla necessitudine sit quasi ad alieni juris hæreditatem admittus; quod qui asserat Christi geminam hypostasim fateatur opus est. Felicem propter locorum vicinitatem, & quoniam in eam Hispaniæ partem Gallorum arma annis superioribus penetrarunt, Gallum natione fuisse vulgo nonnulli suspicantur. Elipandus ex antiqua Gothorum gente prognatus erat. Pugnat pro illis pontificia ipsorum auctoritas, & celebrati

Zzz 2

nomi-

nominiſ fama; erroris auctores laudabant Eugenium, Illeſonſum, Julianum; multis præterea divinarum ſcripturarum locis ad patrociniū abutebantur: quibus Chriſtum qua homo eſt, minorem patre dici fatiſ conſtat. Et ut erant ardenti ingenio, miſſis in omnes partes litteris ac libris, cæteris omnibus ſuſceptas opiniones inſillare fucata oratione, atque perſuadere ſatagunt. Ad Aſtūrum & Calæcorum Epiſcopos Elipandus pro ea auctoritate quam in aliis eccleſiaſ obtinebat præcipuam & maximam, litteras dat: ac nominatim Adoſindam Silonis Regiſ viduam in fraudem impellere conatur. Illa uti erat neceſſe, ſui judicii eſſe negat de controverſia pronuciare: remque integram ad Epiſcopos deſert & ſacerdotes, ſanctiſſimā & prudentiſſima ſamina: in quo numero erat Beatus preſbyter, & Heterius Uxamenſis Epiſcopus; quorum extat adverſus Elipandū diſputatio non inelegans, opulſque ſpiſſum, operoſum & vaſtum: ſed quoniam validis argumentis mendacium arguit, bene eſſe operam collocatam lectores judicabunt. Controverſia, & quoniam conatibus par ſuccellus non erat, Elipandus quidem Toletō profectus Aſtūres & Calæcos obivit, iſſque in locis multos prava opinione infeſcit peſtifero oris afflatu. Felix Vaccæos primum in Hiſpania, & Septimaniam in Gallie aditu aggreſſus eſt: deinde reliquam Galliam atque Germaniam nullo operepreſcio: cum paſſim ſummi, medi, infimi, ad inſolentiam novæ vocis exhorreſcerent, & errorem cum auctoribus palam deteſtarentur. Concilia Epiſcoporum iſ in regionibus habere promptum erat. Itaque invenio apud Reginum Bajoariæ civitatem coram Carolo Magno Francorum Rege in Epiſcoporum conventu Felicem damnatum ſalutis anno ſeptingentimo nonageſimo ſecundo; inde Romam miſſum, coram Hadriano Pontifice abdicaſſe, ſi-

mulato certe animo. Qua de cauſſa novum Epiſcoporum conventum haberi Franconofurti in Germania neceſſe fuit anno ſeptingentimo nonageſimo quarto, præſente Carolo Magno. Miſſi Roma legati Theophilaſtus & Stephanus Epiſcopi: ex Hiſpania Beatus & Heterius Uxamenſis Epiſcopus pro catholicis legati. Neque ſe mali auctores deſerunt in periculo: Carolo ipſi libellum ſupplicem offerunt, poſtulant ut præſens in ea controverſia diſceparet. & multorum potius judicium ſequeretur, quam ſe paucorum dolis circumveniri ſineret. Re diſcuſſa, prava opinio cum auctoribus reprobat eſt: ac niſi mutarent Felix & Elipandus ſacrificiis interdicti. Felix, ut Ado Viennenſis eſt auctor, Patrum ſententia relegatus eſt, & Lugduni nunquam errore depoſito extremum vitæ diem clauſit; ſic opinio hominum fuit; uſque adeo difficile eſt fixam perperam de religione ſententiam mutare, imbutamque prava perſuaſione mentem traduci ad ſanitatē. Quid Elipando contigerit clam eſt: ac credam potius ſententiæ Patrum obtemperaviſſe, pravaque opinione depoſita muſaſſe, neque ex Hiſpania extuliſſe pedem, neque Reginum, Romam, aut Franconofurtum adiſſe, perſuaſum habeo. Veteres Eugenium, Illeſonſum, Julianum Carolus quidem accuſat iſ litteris, quas ad Elipandum & cæteros ſacerdotes Hiſpaniæ ſcripſit: neque mirari ſe ait, filios patribus ſimiles exiſtere. Heterius negat in eorum ſcriptis ſimile quippiam extare. Ex Felicis ſane ſchola aliquanto intervallo Claudius Taurinenſis Epiſcopus homo Hiſpanus, verſatufque aliquandiu cum nonnulla ingeniū laude in Ludovici Auguſti cognomento Pii aula, ad priorum commenta, tum alia, tum imagines divorum è templis Chriſtianis exturbandas eſſe affirmavit; quem Ionas Aurelianenſis æqualis, deſcripto diligenter atque accurate impugnavit.



C A P U T IX.

Alfonsi Casti initia.

PER idem tempus Veremundo morte sublato, Ovetique sepulto, ubi ejus & uxoris sepulcra monstrabantur: solus Alfonsus rerum potitus est. Prioris vitæ studio à Bertæ uxoris complexibus per totam vitam abstinuisse fama fert: unde illi Casti cognomen. Religionis amplificandæ studio templum Oveti, Salvatoris nomine præcipuum & maximum ab imo totum extruxit: tametsi inchoatæ fabricæ laudem nonnulli ad Veremundum ablegant: Alfonsum fama tenuit. Extructi jam templi cum exornandi cura sollicitaret pii Regis animus, duo Angeli aurificum specie, crucem auream gemmis distinctam, auroque fulgentem elegantî forma perfecerunt. Opinionem ad populum eventus confirmavit, cum perfecta cruce nusquam comparuissent. Rodericus Præsul Regem ait, à Leone. III. Romano Pontifice impetrasse, ut Archiepiscopi cathedra templum à se nuper extructum honestaret: cum constet id tempore Alfonsi Magni factum esse. Alfonsi gloriam à præclaris initiis auspiciantem domestica calamitas fugillasse visâ est. Semena soror

Tom. I.

Sandiæ seu Sanctio Saldaniæ Comitissæ nupsit, nullo fratris respectu. Ex eo conjugio clandestino scilicet, Bernardus infans natus est, cui deinde Carpenfi nomen fuit, & rerum gestarum fama ab Hispaniæ scriptoribus unus maxime per hæc tempora celebratur. Re prodita Comes quidem cum per speciem comitiorum Legionem venisset, majestatis lege postulatus, excæcatis oculis perpetuo carceri in arcæ Lunæ mancipatus est: ubi vitæ reliquum in tenebris & squalore propagavit. Semena soror in virginum sacratarum collegium compulsâ. Infans in Asturibus avunculi Regis jussu, non secus ac si ex ipso genitus esset, regio cultu educatus habitusque; magnæ indolis, quæ natura inerat, hæc adjumenta fuerunt. Interea Maurorum arma movebantur. Zulema & Abdalla Regis Mauri patris cum eatenus se in Africa tenuissent (tametsi auctorem habeo qui Abdallam Francorum opem implorasse affirmat, & Ludovicum Caroli Magni patris jussu Abdallæ juvandi causâ cum exercitu in Citeriorem Hispaniam, Oscam usque penetrasse,) hoc

Aaaa

fine

fane tempore novi Regis despectu, priusquam se in regno confirmaret, in Hispaniam transmiserunt. Abdalla ut erat ardentiori ingenio, prior Valentiam civium voluntate occupavit. Zulema postmodum evocatus est à fratre ad spem rerum novarum. In vicina oppida & urbes irruptiones factæ: finitimi agri omni belli injuria vastati. Ab his initiis eo audaciæ progressum est, ut collatis vexillis cum Alhaca Rege dimicare non dubitarint; pugna ingens fuit, multumque in ea sanguinis effusum: cum multis Zulema cecidit. Abdalla fuga Valentiam evasit; & cum toties ejus conatus fortuna destituisse visa esset, pacata consilia turbulentis potiora fore arbitratus, fædere cum Rege factò arma posuit ea lege, ut vestigal annuatim penderetur, unde vitam principalem in ea urbe sustentaret. Pace inita firmanda filii ad Regem missi sunt: quos ille benigne acceptos apud se habuit eo loco & cultu, qui patruelibus consentaneus esset; eorum uni sororem connubio junxit. Atque hæc gesta sunt imperii Arabum anno centesimo octogesimo quarto, juxta Roderici Præfulis computationem; qui annus

quintus erat ex quo Alhaca regnare cœpit. Maurorum bella intestina rei bene gerendæ opportunitatem Alfonso Regi præbuisse videntur: multi enim auctores, externi scilicet, (nam nostratibus magnum de ea re silentium) Alfonso virtute ajunt Olisiponem urbem Lusitanæ principem Mauris ereptam, missamque ad Carolum Magnum honestissimam legationem ex Hispania: cujus legationis principes Fruela & Basilicus captæ urbis spolia Regis jussu detulerunt, equos, arma, captivos, præterea admirandi operis & amplitudinis tentorium Mauricum. Excepere intestini tumultus motusque graves, quibus vitandis Regem in Abeliense monasterium ex fuga compulsam locis præruptis situm in Calæcis, Theodii viri principis opes regno reddiderunt clariorem effectum post calamitatem. Cæterum Alfonso regnum nulla re mihi felicius illustriusque visum est, quam D. Jacobi Apostoli corpore, quod per hæc tempora Compostellæ inventum est, ad omen majoris quam unquam futuræ Christianorum felicitatis; quod qua ratione contigerit ex altiori principio explicandum est.

C A P U T X.

D. Jacobi Apostoli corpus inventum.

FLORUERAT ut si qua in Hispaniæ parte maxime in extrema Calæcia, ad eum locum ubi Iria Flavia sita est, cultus religionis Christianæ. Verum sæva procella in Christi cultores excitata, quo tempore nondum repudiata multorum deorum vanitate, Romanorum Imperatorum jussu, piorum corporibus ex cruciandis tormenta omnia consumebantur, iis in locis penitus extincta est. Quo factum, ut neque Romanorum reliquo imperio, neque Gothis rerum potentibus in Hispania B. Jacobi Apostoli sepulcrum ubi esset exploratum haberent; temporis injuria atque vetustatis locus dumis & vepribus oblitus erat, ignotusque omnibus, usque ad Theodomiri Iriensis Episcopi ætatem. Myrus quidem Suevorum Rex, de quo est superioribus libris memoratum, ex Romanæ ecclesiæ instituto formaque, Episcoporum in sua ditione dioceses certis finibus descripsit.

Andream Iriensem Episcopum constituit, cui ordine successerunt Dominicus, Samuel, Gothomarus, Vincibilis, Felix, Hindulphus, Selva, Leofindus sive Theosindus, Enula, Romanus, Augustinus, Honoratus, Hindulphus: quorum omnium præter nomina noticia nulla extat: eademque ignorationis caligine reliqui omnes qui successerunt involuti essent, nisi Jacobi luce, quæ brevi totum orbem pervasit, illustrati essent. Theodomiri enim, qui Hindulpho successit, diligentia nutu numinis tantus thesaurus repertus est. Præcipua auctoritate & fide viri, lumina sæpe inter noctis tenebras micare in vicino nemore testes oculati renunciabant. Sanctus Præful ne ludibria oculorum essent suspicatus, studioque rem universam, cujus fama percrebuerat, vestigiis omnibus explorandi, iis luminibus locum omnem coruscasse videt; nemo percrutatur omne; effosso terreo tumulo

tumulo marmorea domuncula inventa, qua sacrum sepulcrum includebatur. Argumenta quibus Apostoli corpus eo sepulcro contineri cognitum est, memoria non sunt prodita: sed nisi magna de causa eam opinionem susceptam non arbitror; antiquitatis scilicet vestigia excussa, genique quos passim occurrisset memorant, rem ita habere nuntiarent. Præsul visa nunciaturus Regem continuo arrepto itinere adiit. Is ut flagrabat religionis amplificandæ studio, rem omnem præfens lustrat: lætusque successu, D. Jacobi nomine eo loco templum extruendum curat, extemporarium quidem & rude, nimirum formaceis parietibus compactum; sacerdoti instituit, redditusque unde sacrifici viverent templo attribuit, quantum regii fisci tenuitas per ea tempora patiebatur. Rei fama brevi toto orbe Christiano dissipata, D. Jacobi religio vehementer aucta & amplificata est. Nunquam in Hispaniam ne rebus quidem integris, tantum exterorum hominum venit. Confluxerunt ex Italia, Gallia, atque Germania, ex propinquis, & ulterioribus, ex longinquis gentibus ad tantæ rei famam. Multa miracula & magna, quæ quotidie ad sepulcrum Apostoli edita sunt, reli-

gionem auxere: vanamque non fuisse eam opinionem cunctis nationibus demonstrarunt. Leo III. Romanam Ecclesiam eo tempore obtinebat; ab eo Alfonso Regis precibus, Caroli Magni auctoritate, namque potissimum de causa legationem (de qua dictum est) susceptam arbitror, impetratum cum Episcoporum & procerum Hispaniæ voluntas accederet, uti Præsulis Iriensis sedes retento nomine, & Bracarensis Metropolitani, cui subditus erat jure retento, Compostellam migraret loci cohonestandi causa. Tametsi Bracara per id tempus cum esset à Mauris everfa, habitatoribus vasta erat; utraque lege post ducentos septuaginta quinque annos, Compostellana Ecclesia soluta est: cum Pontificum Romanorum indulgentia, Regum Hispanorum opera, veteribus Emeritæ urbis quondam Metropolitanæ juribus in eam Ecclesiam translatis aucta est. Accessit ejus municipii principatus agro attributo, quantum tria millia passuum circum sepulcrum occuparent, ut Alfonso diploma declarat, quod in ejus templi schedis conservatur, designata etiam causa inventi suo tempore corporis sancti.

C A P U T X I.

Carolus Magnus venit in Hispaniam.

CAROLUM cognomento Magnum Francorum Regem, non semel venisse in Hispaniam, fama fert veterum scriptorum constanti fide fundata; primum post initia regni quod defuncto patre suscepit, Ibnabalæ Mauri precibus sollicitatus ad spem Hispaniæ Mauris eripiendæ, qua parte Vascones sunt Pyrenæo monte transverso circumfessam Pompelonem, civium deditione facta redegit in potestatem. Cæsaraugustæ de manu Ibnabalæ Regem dedit, vestigali multatæ, quod annuatim penderetur. In reditu Pompelonem, quoniam injuriæ opportuna erat, & inter Maurorum & Christianorum imperium sæpe alternabat, moenibus nudandam curavit. In Pyrenæi angustis Vasconum armis, impedimentis exutus thesaurisque direptis omnibus deformatus in Germaniam rediit.

Gerunda & Barcino post aliquot annos, Mauris deditibus in Caroli potestatem venerunt. Inde Barcinonensium Comitum initia, & origo gentis Catalaunice: cum Cathelauni populi ad Tolosam urbem in Gallia Narbonensi late fusi, ad novas scilicet sedes in Hispaniæ partem eam penetrassent; nam qui ex Gotthis & Alanis Catalauniæ vocem duplicant, aut à Catalone quodam Aquitaniæ Præfecto, quo tempore Martelli armis occupata est, Eudonique filiis erepta, uti antea dictum est, derivant, nulli erudito suam opinionem probarunt. Thomicus ejus gentis scriptor Carolum denuo ait, post aliquantum tempus Narbone capta ereptaque Mauris, in Hispaniam irrupisse: tractumque illud adiecisse imperio, cui Catalauniæ veteri nomen est ad Ceretanos. Præterea cum Mau-

ris dimicatum in valle, cui ab eo prælio Caroli nomen est factum. Addunt alii invento Jacobi corpore, cum in amplificandæ religionis curam incumberet, veniisse in Hispaniam, ut quæ famam prædicabat, præsens oculis lustraret. Re certa in reliquis Hispaniæ ecclesiis eo agente jus & auctoritatem Primatis Compostellano Præfati datum; quod ne pro vero ponatur, ac potius ut repudietur tanquam falsum, multe rationes movent, quas explicare non est necesse, cum se nullo indicante commentum prodant. Post discessum ex Hispania Romam certe abiit, Leonis eo nomine III. Pontif. Max. quem ab inimicis injuria pulsus suspicabatur, restituendi tuendique cura. In Urbe cum ad cognoscendam causam confedisset, Episcopi quorum erat magnus numerus evocante Rege, nefas esse acclamarunt, cuiquam de Pontifice Maximo judicium facere. Pontifex ipse de suggestu objecta crimina jurejurando diluit. Accusatores primum capitis damnati: deinde agente Pontifice, exilio tantum multati sunt; nullo tempore, neque res Romana liberior visa est, neque pontificia dignitas augustior. Præmissa fuerant ad Carolum claves confessionis S. Petri, & urbis Romæ vexillum: indicio cives & Pontificem se in ejus potestatem contradere: quoniam parum opis in ea temporum perturbatione fore videbatur in Græcis Imperatoribus: res Francorum resurgere & confirmari considerabant. Itaque quod absenti decreverant, urbis Romæ imperium præfati delatum. Ostringentes primus salutis annus agebatur, cum Leo in æde Petri sacris operatus, Carolum Augustum appellatum, imperii insignibus exornavit. Romanus populus incredibilis lætitiæ argumento acclamavit: Carolo Augusto, Magno, & pacifico, vita & victoria. Factus Imperator ex Germania quo se contulerat, in extrema ætate venit in Hispaniam, ut consensus ferme scriptorum est, hac occasione. Alfonso annis gravis fessiusque bello, quod continenter in Mauros gerebat majori conatu quam successu, Carolum cogitavit in Hispaniam evocare, brevi sperans totam provinciam ejus armis barbaris eripi posse. Prole ipse carebat; navatæ operæ mercedem commodum visum est,

regni successionem proponere; non abjecit conditionem Carolus. Verum ætate ipse gravis, neque Alfonso minor, imperiique amplitudine clarissimus: Bernardo quem ex Pipino filio defuncto nepotem Regem Italiæ dixerat, novum regnum destinans, Hispaniam petere confluit. Sequebatur invictum copiarum robur; prope confecta omnia erant: cum re prodita (neque enim magnorum Principum conatus & fœdera, cum per alios condiciones ferantur, diu latere possunt,) utriusque Principis conatus disturbati sunt. Proceres Hispaniæ agre ferre Francorum imperio subdi, gentis insolentis (uti ipsi loquebantur) & sere; non Maurorum servitutem depelli, sed graviorem populum servitute mutari. Hæc pro se quisque, hæc in circulis, hæc plebs, & optimates conquerebantur. Sumere arma, Regisque voluntati obistere audebat nemo privatim. Bernardus Carpentis ætate & ipse ferox agris animis subdebat faces, Ducemque se præbebat iis qui se sequi vellent; & Alfonso, ut sunt Regum voluntates incerte, sui jam consilii ponebat. Marsilius CæsarAugustæ Rex Maurus, cui pulsus ab eo Ibnabazæ causâ Carolus iratus erat, in partes attractus Ex utraque gente justus exercitus constatur. Franci equitatu valent; optimum ergo visum est Pyrenæi saltus angustias occupare, Francoque si possent aditu Hispaniæ prohibere. Externi scriptores Carolum ajunt ulterius penetrasse, nec ante ex hostico decessisse, quam prælio victor agros provincie longe lateque vastasset; in reditu cum hostium copiis ad Pyrenæi angustias pugnatum. Nobis nostrorum scriptorum fides potior visa est, negantium Carolum in interiora provincie penetrasse: sed in ipso aditu ad Rociam vallem, quæ in saltu Vasconum est, pugnatum. Veniebant in prima acie Rollandus Britannicæ Comes, Anselmus & Eginardus viri primarii; locus erat minime aptus copiis explicandis. Nostri ergo ex superiori loco impressione in hostes facta, multos priusquam se ad pugnam compararent, instruereque acies possent, ferro peremerunt. Cecidit Rollandus ipse, de cujus virtute & rebus gestis multa & incredibilia in utraque gente vulgo homines fabulan-

bulantur. Carolus suorum trepidatione strageque cognita, conatus inclinatam aciem restituere, hanc pro tempore ad milites orationem habuit. „ Quam turpe
 „ sit Francorum arma triumphis tro-
 „ phæisque nobilissima, Hispanorum
 „ egentibus populis & diuturna servien-
 „ di consuetudine oppressis cedere, me
 „ silente res ipsa loquitur. Nomen im-
 „ perii nostri, ingenita vis pectoris ala-
 „ critatem addat; res fortiter, pie ac fel-
 „ liciter gestas, vestram nobilitatem, ma-
 „ jorum decus ad animos revocate: &
 „ qui devictis tot provinciis leges ma-
 „ gnæ orbis parti dedistis, ab inermi
 „ hostium genere, qui latronum more
 „ æquo campo congredi recusarunt, vin-
 „ ci ipsa morte acerbius judicate. Fu-
 „ ga locus non est in tanta locorum ini-
 „ quitate; an æquum erit à pedibus
 „ præsidium petere, abjicere arma?
 „ tantum superi dedecus avertite: neque
 „ patimini milites tantum ignominie
 „ inuri nomini Franco; virtute & au-
 „ dacia ex his locis evadendum. Viri-
 „ bus, opibus, generositate, robore,
 „ numero, delectu præstatis: hostes ino-
 „ pia, illuvie, squalore deformes: exerci-
 „ tus ex utraque gente conflatus, qui-
 „ bus nec idem mos est, & legi-
 „ bus, institutis, religione discrepant;
 „ vobis unus animus est, mens ea-
 „ dem, pro vita, pro patria, pro nos-
 „ tra gloria necessitudo pugnandi. Er-
 „ go quo animorum vigore toties nume-
 „ rosas hostium copias me Duce, ipsam
 „ temporum & locorum sæpe naturam
 „ superastis: eadem nunc (nisi sorte vir-
 „ tutis pristina veterani milites obli-
 „ ti) minores quæ sese offerunt vinci-

„ te difficultates. Mox buccina si-
 „ gnum datum; pugna magno ardore in-
 „ staurata, multum effunditur sanguinis.
 „ Francorum promptissimi & nobilissimi
 „ cadunt. Et erat Hispanorum exercitus
 „ omnium rerum patientia duratus: &
 „ opinio, quæ multum in bello potest,
 „ Gallorum animos fregit, cum in ipso
 „ ardore pugnae nunciatum esset Mauros
 „ locorum notitia advolantes, per oc-
 „ cultos tramites circumvenisse Francos,
 „ & jam à tergo instare. Nullus locus
 „ clade Francorum nobilior, ac sama ce-
 „ lebrator fuit. Interempti ad S. Spiritus
 „ sepulti. Injuriam ne Carolus armis vin-
 „ dicaret, ipsius morte quæ brevi consecuta
 „ est contigisse arbitror. Aquisgran-
 „ defunctus, & sepultus est anno Christi
 „ octingentesimo quartodecimo. Roderi-
 „ cus Alphonsum Regem sit prælio inter-
 „ fuisse. Vascones Fortunium Garfiam Re-
 „ gem Suprabis magnam victoriæ fuisse
 „ partem affirmant. Gallicæ historiæ non
 „ nostra virtute victos Francos, sed Gala-
 „ lonis cujusdam prodicione cladem illatam;
 „ studio & simulatione utriusque gentis
 „ confusam memoriam arbitror: usque eo
 „ ut ne Eginardus quidem, qui Carolo
 „ Magno à secretis fuit, in ejus vita ullam
 „ de hac pugna mentionem faciat: quod
 „ ex malitia detractum crederem, nisi idem
 „ contigisse Alphonso Regi Legionis con-
 „ siderarem, cui Magno cognomen fuit,
 „ in eo chronico quod Sebastiano Salman-
 „ ticensi Episcopo paulo post hæc tempora
 „ nuncupavit. Atque de Caroli Magni
 „ expeditione ignominiaque hæcenus; de
 „ re tota liberum iudicium lectori ex alio-
 „ rum scriptis esto; ad intermissa revocetur
 „ oratio.

CAPUT XII.

Reliqua Alphonfi Regis gesta.

SECUNDUS Alphonfi regno sine ulla
 serme offensione rei Christianæ cur-
 sus erat, constans, æquabilis perpetua-
 que fortuna: neque res bellicæ curæ ma-
 gis erant, quam pacis artes & religionis
 amplificandæ studium. Templum enim
 quod Oveti Salvatoris nomine præci-
 puum & maximum sub initia ædifican-
 dum curavit ad culmen perductum, à
 septem Episcopis quo major videlicet

Tom. I.

loci religio esset, ex ritu Christiano sa-
 cratum est, anno octingentesimo secun-
 do. Mariæ Virginæ in eadem urbe ædes
 extructa, illique conjuncta domus hu-
 mandis comparata Regibus; tertia Thy-
 rsi Martyris nomine elegantissima; quar-
 ta Juliani; præterea palatium regium re-
 bus omnibus instructum. Ea enim erat
 Alphonfi animi magnitudo, ut in privata
 re frugali victu contentus tenuique cultu,

Bbbb

om-

omnia ad imperii dignitatem, gloriam & splendorem reipublicæ revocaret, ejusque urbis ornamentum: quam Regum primus sedem regni fecit, uti Alfonso conuomente Magnus est auctor. Interea Tolctani aduersus Regis sui imperium tumultuabantur; copiæ & orium, unde malis omnibus origo, in causâ erant: nullaque magna civitas diu quiescere potest; si foris hostis non est, domi nascitur. Alhaca Rex ut erat ingenio callido facile tacere, celare, dissimulare, insidiari assuetus, Ambrocius Ofcæ Præfectum, idoneum hominem nactus, cum Toletanis civibus gratus esset, cum litteris mittit, culpam rebellionis in Præfectorum insolentiam rejicit. Illi, ut sunt sere ejus urbis incolæ minime mali, nullam suspicari fraudem, eum in urbem admittit; post aliquantum tempus regiis injuriis provocatum simulat seditionis participem esse velle; urbe ad omnes casus munienda quo loco nunc D. Christophori ades est, ut arcem ædificarent sit auctor: & ut præsidii causâ militum manus in urbem recipere-
 tur. Ad eos motus comprimendos mittitur Abderrahmanus Regis filius, qui natus erat viginti quatuor annos: quo simili fraude per speciem initii fœderis in urbem arcemque admisso, primarii cives ad quinque millia convivii simulatione invitati, à militibus obruncati sunt salutis anno octingentesimo quinto. Clarum noxæ simul & poenæ exemplum plebem quidem Toletanam in officio continuit: Cordubenses autem qui suburbium obtinebant, haudquaquam deterruit, quo minus à Regis imperio rebellarent. Missus Abdelcarinus, qui obsessu paulo ante Calagurri urbe, agrisque & oppidis circum evastatis, in magna gloria esse cœperat, tumultuantes compescuit. Minor civium strages fuit: trecenti ad fluminis ripam laqueis suspensi; atque hæc Mauri. A Christianis autem geminus Maurorum exercitus, qui bipartito in Calaciæ fines invaserant, bellicque terrorem circumtulserant, reiecti cum clade, deletique sunt anno octingentesimo decimo. Ores Emeritæ Præfectus Beneventi obsidionem Alfonso adventu solvere coactus. Alcama Mauris Pacis Augustæ Præfectus à Senticæ finibus, quam circumfœderat, repulsus est.

Neque multo post Mahumetis nobili loco inter Mauros, Emeritæ quondam civis, Abderrahmani metu, qua causâ incertum, sed vim tamen veritus cum suorum manu Alfonso fidei se credidit; in Calaciæ locus ad habitandum concessus Regis benignitate. Octavo post anno studio nimirum suæ genti gratificandi cum correptis armis rebellasset, occupato Sanctæ Christianæ oppido, (quæ arx à Luco urbe octo passuum millibus distat cernitur) Regis celeritate ejus conatus sunt præoccupati; summa utrinque contentione iis locis dimicatum; causâ ad quinquaginta hostium millia. Mahumetes ipse obruncatus; gravique documento sanctum temere patriæ proditoribus, atque opinionibus de religione discrepantibus fidem accommodari. Inter hæc Alhaca Cordubæ Rex obiit, anno imperii Arabum ducentesimo sexto, regni vigesimo septimo, salutis octingentesimo vigesimo primo. Filios decem & novem reliquit; filias unam & viginti. Abderrahmanus annos natus quadraginta unum successit in regno; regnavit annis uno & triginta. Bernardi Carpenis virtus unius maxime enituit bellis omnibus; quæ hæc tempestate gesta sunt. Hæc à Regis auctoritate defecit, palam missione impetrata; æquissimi postulati, ut ipsi videbatur, repulsu alienavit animum: cum patrem, quem tandiu in viâculis teneri iniquo ferebat animo, è carcere emitti neque Regiæ precibus à severo Rege & avunculo impetrasset. Saldaniam ditionis paternæ oppidum concessit non obscure iratus Regi, & vindictæ cupiditate incensus sicunde se daret occasio: neque defecit prædas agere, regiamque ditionem irruptionibus vexare, nullo prohibente: cum Rex in senili & præcipiti ætate ejus conatibus reprimendis impar esset, proceres Bernardi causâ favere viderentur. Sane Alfonso Bernardi defectione provocatus, cum vitæ exitum urgere cerneret, & ex morbo lethali decumberet, in procerum conventu Ramirum Varemundi Regis filium regni successeorem designavit. Peracto demum vitæ suæ spatio, ad ultimam cum processisset senectutem, & octogesimum quintum ætatis annum compleisset: regnasset annos quinquaginta duos, menses quinque, dies tredocim, (alii Mau-

811

809

810

Mauregato & Veremundo annos, quibus uterque regnavit, quasi vitio crebris detrahunt, & priori annorum numero adjiciunt) Oveti defunctus est, & ad D. Mariæ sepultus anno octingentesi-

mo quadagesimo quarto incunte; in quo ab Alfonsi Magni ratione parum discrepamus: sed Compostellani catalogi auctoritatem secuti, cæteris monumentis historiæ consentaneam.



CAPUT XIII.

Ramirus Rex.

RAMIRI regnum tempore breve; gloriæ rerum gestarum celeberrimum fuit, gravissimo servitutis jugo è priorum cervicibus depulso, compressæque insolenti Mauricæ gentis audacia; quod enim stantus, Hispaniæque antiqua dignitas restituta est, unius Ramiri virtuti & perpetuæ felicitati acceptum fertur necesse est. Foris clarus fuit, domi admirandus, nec bellica gloria quam pacis artibus major. Magica sacra cansionesque ignis supplicio coercuit; furta quorum erat magna licentia, eruentis latronum oculis: iustissima pœna, auferti amplius delicti facultatem. Res gerebat Ramirus in Vardulis quo tempore Alfonsus defunctus est. Locorum longinquitate Principisque mutatione invitatus Neptorianus Comes, in Asturibus regitum armis invasit, gratia, opibus & auctoritate validus. Diversæ volantes gentis erant, neque sententia una; pravo & in-

quieto homines ingenio factioni favabant: seniores filebant; neque se in tanta colluvione tyranni metu audebant commovere. Collectis utrinque copiis ad Narceiz fluminis ripam pontemque in Calæcis dimicatum. Neptorianus à suis desertus atque victus acie est. Fugientem Somnia & Scipio comites comprehendunt in Premariensi tractu, vincuntque: eoque tradito, à victore gratiam ineunt. Et est iustissima perfidiæ merces, ut perfidia compensetur: ac ferme cui fortuna adversa est, eum hominum studia desistunt. Capto Regis jussu effossis oculis & in monasterium compulso idem vitæ & ærumnarum terminus fuit. Intestinos regni motus novum adversus Mauros bellum excepit initio formidabile, successu letissimum, in paucis nobilc. Abderrahmanus eo nomine secundus Maurorum imperium obtinebat; natura feroc, perpetua rerum gestarum felicitate

Bbbb 2

licitate ferocior effectus erat. Abdalla enim patruo, qui denuo Valentia regnandi spe arma sumpserat, fugato sub initia regni, & post fugam defuncto, Barcinoneque Christianis crepta Abdelcarini Ducis virtute, viribus ipse, copiis & gloria majores exequasse videbatur. Itaque legatione ad Ramirum missa, centum virgines ex fœdere olim cum Mauregato Rege inito, representari tributum nomine flagitabat: quo postulato haud dubium nisi pareret, novi belli denunciatio continebatur; gravis metus, sed major ignominia. Legati continuo extrusi, ne violarentur jus gentium valuit. Tamen fœdum atque intolerandum videbatur novo Regi, de re turpissima fuisse interpellatum. Omnes (quorum aras idonea erat) tota ditione arma induere compulsi, paucis exceptis agrorum cultui destinatis: ne cum fame simul & hostibus pugnare necesse esset. Ipsi Episcopi & viri sacri castra secuti; magna totius gentis expectatio erat. In Rivogiam irruptio facta, quoniam is tractus in Maurorum ditione erat: & Rex amplissimum pulcherrimumque ducebat gloriæ servire, tueri nominis exultationem bello hostibus provocatis; & quod necesse erat, sponte fecisse videri cupiebat. Abderrahmanus contra magnos delectus habere: arma, equos, commeatum comparare, & conferre quæcunque ex usu belli futura arbitrabatur, certus nostrorum copiis obviam prodire. Ad Aluendam castra castris collata, oppidum ea tempestate munium, deinde etiam monasterio insigne, quod D. Martini olim nomine Sanctius Rex Vasconum ædificandum curavit: nunc ad casus ferme reductum cernitur. Monasterii reditus & bibliotheca in paucis nobilibus in D. Mariæ Rotundæ consequenti tempore commigrarunt Lugrunium: unde Aluelda distat octo passuum millibus. Iis in locis pugnatum utrinque totis viribus ac copiis; atrox dimicatio fuit, nullaue ea tempestate major; collectius nostrorum exercitus veterano & exercitato militi impar erat viribus & industria. Dum diligentia, cum partibus omnibus adessent, inclinata res stetit, noctis superventu, cum prospectum tenebræ abstulissent, cessatum. Nox interposita saluti nostris fuit:

ut in bello nihil tam parvum est, quod non interdum magnæ rei momentum faciat. Ramirus Rex imminutas numero copias metu debilitatus in vicinum collem subduxit; victum esse ea re confiteri visus est; loco munito pro tempore & vulneratis cura adhibita, in suprema rerum desperatione & luctu, omnes ut sit in vota & preces conversi. Regem motore oppressum & de rerum summa sollicitum formus complexus est. Dormienti Jacobi Apostoli species obiecta augustior quam pro humano habitu, bono animo esse jubet: de victoria nihil dubitare numinis ope, quam certo affuturam proxima luce speraret. Rex ad has Jacobi voces excitatus, letusque nuncio, cum ex stratis se corripuisset, Præsules & magnates ad se vocari jubet. Cum convenissent hac sententia orationem habuit. „ Comptum habeo, „ viri præstantes, quo loco res nostræ „ sint, juxta mecum vos omnes considerare. Hesternæ pugna tantum non „ victi sumus; non nostra virtute, sed „ noctis beneficio evasimus, numero „ imminuti, debilitati viribus, oppressi „ metu; hostilis exercitus ante validus, „ nostra calamitate robustior evasit. Neque pugnae repetendæ facultatem esse „ videtis, neque ineundæ fugæ locum; „ diutius in his locis esse, si maxime cupiamus, frumenti aliarumque rerum „ inopia haudquaquam patietur. Duram „ & ancipitem fortis necessitatem præsidio humano & viribus destitutam, „ tantumque non malorum pondere „ pressam, divinum numen quod certo „ vobis polliceor, facessat modo metus; „ neque animi auribus officiat quo minus „ nostris dictis fidem adjungatis, restituet atque sustentabit. Temeritas in „ asseverando turpis est, præsertim cum „ judicandum est quantum rebus divinis „ religionique tribuamus: cum sit periculum, ne aut iis neglectis impia fraude, „ aut susceptis anili superstitione obligemur. Jacobus Apostolus mihi per quietem oblatum, victores nos fore pollicitus est. Erigite animos, motorem omnem deponite. Vana non esse quæ „ dicimus rei eventus declarabit. Agite „ ergo pleni bona spe, in hostes irruite; „ pro patria, pro libertate, pro communi salute certate. Licuit nobis cum „ sum-

„ summa turpitudine servire Mauris ;
 „ hæc quia intoleranda videbantur, arma
 „ corripuistis ; pulcherrimi incepti &
 „ pristinae virtutis memores, Christianæ
 „ religionis ignominiam, vestraeque gen-
 „ tis dedecus Deo auctore, Jacobo
 „ auspice propulsate. Hæc ubi dixit,
 aciem instrui & signa canere jubet. Nos-
 tri magna alacritate in hostes impressio-
 nem faciunt D. Jacobi nomen magnis
 vocibus ingeminantes ; quod ab hoc
 initio susceptum in morem abiit, ut
 Hispanis militibus sit pro tessera mili-
 tari. Barbari nostrorum audacia, quos
 victos esse putabant commoti, & cæ-
 litus injecta formidine perculsi, nostro-
 rum impetum non tulerunt. Jacobus,
 uti erat Regi pollicitus, in equo candi-
 do niveum vexillum præferre visus est,
 quod rubrae crucis figura distinctum
 erat. Ejus aspectu nostris vires auctæ ;
 barbaris animi concidebant ; fœda fuga
 fuit, neque minor cædes : sexaginta mil-
 lia Mauri perempti. Clavigium, quo
 loco pugnatum esse hoc ipso tempore ar-
 morum strages passim effossæ indicant,
 Aluelda & Calagurris Mauris ereptæ. An-
 no salutis octingentesimo quadragesimo
 sexto, Ramiri regni secundo pugnatum
 est. Victor exercitus secundum Deo gra-
 tias actas pro divino munere, D. Jacobi,
 cujus præsidio victoria constiterat, Com-
 postellano templo voti ream universam
 Hispaniam fecit : tametsi pars maxima in

ditione Maurorum erat, ex singulis
 jugeris agri vineaque modium sin-
 gulis annis frumenti aut vini pendendi ;
 quod Romani Pontifices votum, non-
 nulli deinde ratum habuerunt, uti ipso-
 rum litteræ indicio sunt. Ramiri Regis
 diploma Calagurri est concessum, men-
 sis Maii die quinta, Era octingentesima
 septuagesima secunda : mallem octingen-
 tesima octogesima quarta, ut ratio tem-
 porum quam constantissimam sequimur,
 hæc etiam parte conveniret. Additum
 præterea, ut hostium spoliis dividendis,
 lege in omne tempus lata Jacobus Apo-
 stolus pro uno milite esset : quod longa
 defuetudine antiquatum est. Vestigal
 vini & frumenti nonnulli populi pen-
 dunt. Ex belli manubiis ædes Mariæ
 Virginis nomine, secundo ab urbe Ove-
 to lapide in latere Naurantii montis ædi-
 ficata, structura genere & totius operis
 majestate in paucis elegantissima extat,
 propeque altera Michaelis nomine, ejus-
 dem Regis opus. Exornavit Regina
 (quam nonnulli Urracam vocant alii Ma-
 ternam, unde Ordinius & Garfias nati
 sunt) quidquid laboris poterat impendi
 detrahique ex cultu domestico, solam
 exornandis Jacobi aliisque tota ditione di-
 vorum templis conferre. Minor quam
 pro victoria successus ut esset, bellum
 improvviso aliunde illatum per idem tem-
 pus effecit.

C A P U T X I V.

Nortmanni vexant Hispaniam.

NONDUM Maurica servitus depul-
 sa erat, quam ex Austro profecta
 gens barbara invexerat, cum nova ex
 Septentrione clades Hispaniam afflixit.
 Nortmanni gens fera & barbara, atque
 Christi Dei sacris nondum susceptis
 impia, ex Dacia Nortvegiaque profec-
 ti, quod nomen ipsum declarat Sep-
 tentrionales fuisse, vitæ sustentandæ ne-
 cessitate, an potius nocendi studio pira-
 ticam faciebant Rholone Duce. Frisiz
 litora primum tentarunt : deinde Gal-
 liæ, qua parte Sequana fluvius in O-
 ceanum Gallicum mittit, infestiore con-
 tinentioreque latrocinio oppida, agros
 urentes, quam ullus unquam justus hos-

Tom. I.

tis fecerat : fines deinde Nannetum,
 qui Ligeri fluvio alluuntur Turonum
 Pictorumque depopulati : Robertoque
 Andium Comite acie victo, terrorem
 omnibus circum populis intulerunt. In
 Neustria demum constiterunt, quæ ho-
 die Galliæ pars à gente Nortmannia
 nuncupatur. Ludovico II. Imperato-
 re, & Carolo Crasso concedentibus,
 quoniam publice detrectabant impe-
 nium, ea lege ut Nortmanni Principes
 Francorum Regum beneficiarii essent. Ex
 Gallia validæ classes per hæc tempora missæ
 maritimas Hispaniæ urbes omni injuria
 belli vexarunt ; ac primum Calæciæ oram
 universam infestam reddentes, & ad Bri-

Cccc

gan-

gantium portum appulsi, Ramiri armis victi praelio atque ad mare rejecti sunt, septuaginta naves qua captae, qua submersae in navali pugna; auctor Rodericus Praeful; numerus vix fidem facit. Nam qui cladi superfuert Nerio promontorio superato, ad Tagi osium inVecti Olisiponem urbem, quae ad Maurorum ditionem redierat, omni belli injuria fatigantur: & sequenti anno, qui ⁸⁴⁷ fuit ejus seculi quadagesimus septimus, aucti classe & viribus Hispalim obsederunt: Gaditanos agros & Assidonis fines vastarunt; hominum & pecorum praedae abactae. Mauri tribus praeliis magno numero caesi; ad extremum cum diutius iis in locis confedissent, nuntiatumque esset Abderrahmanum Regem novam classem comparare, magna gloria parva, spoliisque onusti ex Hispania decesserunt. Excepere intestini motus inter Christianos. Alderedus enim Comes, & Piniolus opibus & clientelis potens, deinceps contra Ramirum Regem arma corripuerunt; defectionis causae memoriae proditae non sunt: res tamen brevem & facilem exitum habuit. Alderedus luminibus cap-

tus, Piniolus & septem filii perempti Ramiri iussu, regni regis anno quinto. Qui cum septem totis annis reipublicae praefuisset, Oveti defunctus est, atque in D. Mariae tumulatus ipse & uxor Paterna. Extat Ramiri Regis cippus Oveti cum inscriptione hac. **OBITI DIVAE MEMORIAE RANIMIRVS REX DIE KAL. FEBRVARIL OBTESTOR VOS OMNES QVI HAEC LECTVRI ESTIS, VT PRO REQVIE ILLIVS ORARE NON DESINATIS.** Ibi & frater Gasias sepultus fuisse creditur; neque quid praeterea de rebus ejus memoriae mandatum. Ramiro Rege Theodomirus Iriae Episcopus defunctus est. Ataulphus in ejus locum successit. Quidam ad haec tempora militiae D. Jacobi nomine, rebus gestis clarissimae initia referunt nullo neque auctore idoneo, neque argumento satis probabili; sed studio ejus ordinis illustrandi (quod minime opus fuit) affecta monumenta vetustatis, majori eruditione viris probari non potuerunt. Ramiro Ordonius filius successit principio anni octingentesimi quinquagesimi primi. 851

C A P U T X V.

Multi Martyres Cordubae occisi.

SAEVA carnificina, acqua gravior ante multos annos nulla extitit, Cordubae per haec tempora in Christianae pietatis cultores exercebatur. Ignes, candentes laminae, cruciatus caeteri in eorum corporibus consumpti. Fides Christo servata, & sincerae religionis cultus gravissimum crimen erat: sed alia facinora obtenta, ne sancitum olim scelus de retinenda Christiana religione violari videretur. Abderrahmanus eo nomine secundus Cordubae Rex, & Mahomad ejus filius callido homines ingenio, rem superis aequae & hominibus gratam facturos se existimabant, Christianorum reliquiis a stipite excindendis: & ad stabiliendi imperii rationes pertinere in primis judicabant, si religionis dissidio sublato, uno societatis vinculo subditi omnes confringerentur. Nostis quidem, quo primum tempore occupata à barbaris & oppressa est Hispania,

concessa à victoribus erat patriae religionis libertas. Sacerdotes, monachi, sacrae virgines insigni veste discreti à ceteris, atque ex veteri ritu detonsi in pulpico conspiciebantur, tum aliis locis, tum praesertim Cordubae, quo propter amplitudinem urbis, & quoniam in ea sedes imperii Maurici fixa erat, numerosa piorum multitudo confluerat. Multa erant tum monasteria tum templa ex Christiano ritu sacrata. Acicli Martyris unum, Zoili Martyris alterum, tertium Fausti, Januarii, & Martialis: praeterea Cypriani, Genesii, Eulaliae, singula singulorum nominibus aedes sacrae; atque haec intra urbem. Extra urbis moenia octo monasteria: unum Christophori nomine trans flumen, in vicinis montibus alterum Mariae Virginis Cateclarense vulgo dictum, tertium Tabanenfe, quartum Pilemellariense Salvatori sacrum, quintum

tum Amilatanſe Zoili nomine; ad hæc tria alia, Feliciſ, Martini, atque Juſti & Paſtoris. Ex his omnibus locis ære plebs rei divinæ cauſſa nullo vetante convocabatur. Mahumeticæ tantum impietatis conditore primū, maledictis publicæ aut privati inceſſere capitale erat. Maurorum templa intrare vetitum; ea modo ſervarent noſtri, cætera ſuis legibus vivere ſinebantur: ac ſerme priſtinam retinere libertatem. Tolerabilis hæc erat ſerviendi conditio: nam & Comitum dignitatem inter captivos Chriſtianos retentam invenio, niſi ab his iniſiis noſtrorum calamitates in dies auſtæ eſſent; veſtigialia in primis, quæ initio modica erant, graviora miſeris imperata: quorum magnitudine urgente, finem aut modum orabant: & cum non impetrarent, morte ipſa vitam duriorem propagabant. Hinc veteris odii ſemina ad maturitatem perducta; noſtri graviſſimum jugum depellendi conſilia communicabant. Maſori ad Chriſtianorum nomen exhorrebant, ſeque vel ipſo veſtium contactu contaminari ac pollui habebant perſuſum; piorum ſermones obſervare, vultum habitumque notare, contumeliis & probris initium rixæ querere. Neque Chriſtiani dubitare tam multis injuriis provocati, legem & inſtituta Maurorum palam execrari. Hinc Regibus impiis & Magiſtratibus occaſio Chriſtianorum nationem infeſtandi: eo gravioribus malis, quod è noſtris non pauci à Mauris ſtare viſi ſunt, & noſtrorum audaciam criminari: negureque palam qui in certamine occubuiffent Martyrum honore dignos eſſe. Quod nulla eorum virtute ederentur miracula: quod nulla neceſſitate deſendendæ religionis ſed propriæ voluntatis obſtinatione & audacia ſe in diſcrimen obtuliſſent, convitiæque in adverſarios haudquaquam neceſſario jactarent: cum religionis patriæ retinendæ conceſſa facultas eſſet. Ac illud demum opponebatur, corpora eorum qui occubuiffent haudquaquam incorrupta ſervari, ut veris olim Martyribus contingeret numinis argumento certiffimo; ſic illi prædicabant, quam apte non diſputamus. Reccaſſfredus Epifcopus & Servandus Comes Martyribus exagitandis, & piorum conatibus comprimendis ſe duces præcipuos

præbuerunt. Homines honeſtiſſimi, nullo ætatis aut ſexus diſcrimine in ferrum atque in vincla conjeſti. Abderrahmano agente Epifcoporum conventus Cordubæ habitus eſt. Patrum ſententia injuriarum damnati, quicunque ic̃i olim cum Mauris fœderis conditiones violaiſſent. Acerbam vitæ conditionem, ſpectaculum miſerum ac tetrum, ludibrio eſſe Chriſtiani nominis gloriam: qui propugnare atque reſiſtere parabant, uno tempore à fronte quidem à barbaris, à tergo autem urgeri ab iis, quorum vocibus & exemplo excitari potius atque erigi conſentaneum erat: atque utriuſque nationis calumniis & convitiis vexari intolendum. Quid agerem? quo ſe vertèrent? multos proſpecto debilitari animis atque concidere neceſſe fuit. Alii numini pleni in acie perſiſſerunt. Multi toto decennio, ex quanto tempore clades deſcendiit maxime, pro Chriſtiana religione vitam & ſanguinem profudere. Primo anno Perſectus preſbyter Cordubæ, atque e plebe Joannes quidam occubuerunt. Anno altero Iſaac monachus, Sanctius natione Gallus, Petrus preſbyter Aſſigitanus, Walabonſis diaconus, Ilipulentiſ. Sabinianus, Wiſtre-mundus, Habentius, Hieremias monachi, Siſenandus diaconus Pacenſis, Paulus Cordubenſis, & Walabonſi Martyris ſoror Maria Ilipulentiſ perempti. Quo anno maxime Reccaſſfredus Epifcopus in Martyres deſcendiit, multiſque vincula iniecit. In his Eulogio Abbati Sancti Zoili, qui hæc omnia ad poſteritatis memoriam litteris commendavit vir ea ætate clarus eruditione, ac moribus ſanctus. Anno tertio interſecti Gumeliſindus Toletanus preſbyter, & Deifervus monachus: præterea Aurelius & Felix cum uxoribus Sabigothone & Lilioſi, Georgius monachus natione Syrus, & Emilia & Hieremias cives Cordubenſes, monachi tres Chriſtophorus Cordubenſis, Leuvigildus & Rogellus Eliberritani: ad hæc Serviodeo monachus Syrus. Ipſo anno nimirum ejus ſeculi quinquageſimo ſecundo Abderrahmanus deceſſit repentina vi morbi oppreſſus: pii caeleſtem vindictam interpretati ſunt effuſi Martyrum ſanguinis. Confirmavit opinionem, cum qua hora Martyrum corpora in patibulis tabo ſanicque diſſluentia è ſublīmi

palatii parte contemplatus, igne torrere mandasset, inter altantium manus collapsus, mutusque effectus, eadem nocte obiisset ineunte regni anno trigesimo secundo; reliquit filios quadraginta quatuor, filias duas & quadraginta. Cordubæ plateæ hoc Rege lapide strata: ex montibus aqua copiosa in urbem per plumbeos tubos derivata; primus inter eos Reges funxit lege certa, ut propinquis cæteris prætermisiss, quod in jure controverso eatenus fuerat, filii patribus succederent. Itaque in ejus locum Mahomad subrogatus est, qui suæ gentis regnum obtinuit annis quinque & triginta, mensibus sex. Hic pios omnes aula exegit initio regni: & cum nihil de constantia mutarent, consequenti anno recrudescente sævitia, restaurataque cæde Fandellam presbyterum & monachum Accitanum, Anastasium monachum & presbyterum, Felicem monachum Complutensem, Dignam virginem Deo sacram, Benildim matronam, Columbam & Pamposam virgines ad Christum morte transmisit. Annus consequens unum tantum Martyrem fecit Abundium presbyterum; proximus quatuor, Amatorem adolescentem Tuccitanum patriâ, Petrum monachum Cordubensem, Ludovicum Cordubensem civem, Wæsfundum Egabrensem. Anno septimo Helias presbyter Lusitanus, monachi tres Paulus, Isidorus, Argimirus, Aurea virgo Deo dicata, Adulphi & Joannis Martyrum foror. Anno octavo Rudericus & Salomon pro vera pietate occisi sunt. Nonus incruentus fuit. Postremo atque decimo persecutionis anno,

ipse Eulogius qui cæteros voce & exemplo incitabat occubuit, sabbatho quinto Idus Martii: & quarto post die Leocritia virgo Cordubensis. Eulogii vitam Alvarus Cordubensis ejus familiaris & necessarius scripsit: ubi asserit, paulo ante mortem in Westremiri locum Toletanum Archiepiscopum summa cleri & populi voluntate electum fuisse. Extat Eulogii ipsius epistola anno octingentesimo quinquagesimo primo data ad Wæsfundum Pompelonensem Episcopum, atque in ea Westremiri præclarum eulogium in hæc verba: „Post quintum, inquit, diem Toletum reverti: ubi adhuc vigentem sanctissimum senem nostrum, sæculam Spiritus sancti, & lucernam totius Hispaniæ Westremirum Episcopum comperi: cujus vitæ sanctitas totum orbem illustrans, hæcenus honestate morum, celsisque meritis catholicum gregem refovet; multis apud cum diebus degimus, ejusque angelico contubernio hæsimus. Ex eo contubernio cives Toletani quem fama virtutum celebrem reddiderat, de facie cognitum probare amplius & amare cœperunt: pastoremque destinare in Westremiri locum, si vita suppeteret. Cordubæ sane in Eulogii locum Samson presbyter consequentibus annis Sancti Zoili Abbas susceptus est, vir doctus & subili ingenio: ut Apologeticum opus ostendit adversus Hostigesium Malacitanum Episcopum, qui eum in concilio Cordubensi hæreticum cum convitio vocarat.



C A P U T X V I.

. Ordonius Rex.

JUSTIS Ramiro Regi solenni ritu peractis, Ordonius filius regium insigne, nomen, potestatem, animumque suscepit, miti ac tractabili ingenio, suavissimis moribus, ac per totam vitam actionum modestia singulari: unde populi & procerum studia promeruit; cunctorum animos sibi devinxit: nullius ut memoria grator esset ea tempestate & consequentibus annis. Iusti æquique tenax fuit: necessaria quidem virtus; sed fraudi obnoxia in magnis Principibus, nisi impetum animi prudentia regant, neque se dolis circumveniri sinant pravorum hominum, quorum in aulis Principum magna multitudo est, eorum auribus insidiantium, bonorumque innocentia, seque & suos alieno sanguine saginantium: & qua re Principes maxime moveri intelligunt, ea in multorum perniciem abutentium: uti Ordonio Regi accidit. Quatuor ecclesiæ Compstellanæ servi Ataulphum Episcopum, præcipua & maxima vitæ sanctitate virum, gravissimi cri-

Tom. I.

minis reum apud Regem postularunt; vir sanctus in curiam ad dicendam causam evocatus venit; priusquam aulam adiret sacris operatus, ut erat infulus ornatus in vesteque sacra ad Regem pergit. Quæ res à furore retinere debuit, religionemque animo commovere, vehementius concitavit; sive criminis quod imponebatur detestatione, seu injuriam interpretatus quod ad se continuo non venisset: taurum indomitum, telis, canibusque irritum in Præsulem advenientem immittit: quod nefas erat inaudita causâ quemquam supplicio damnare. In tanto periculo Ataulphus crucis signo se munit. Taurus posita ferocitate demisso capite accedit; cornua contrectanda præbet. Quæ magno omnium qui aderant miraculo in ejus manibus hæserunt. Rex & proceres ex ea re viri innocentia perspecta, ad genua procumbentes veniam rogant; dat ille non invitus: cum negaret recuperata sua dignitate ignominiaque procurata, se unquam commissurum, ut cum ea quæ per-

D d d d

in-

injuriarum ablata erat, nominis existimatio reddita esset, Christiani hominis officii oblitus videretur, & virtutem animi non habere, quam nunquam perdidisset. Sunt qui anathematis execratione delatorum caput devovisse affirmant. Depulso sane periculo cum Pontificatum abdicasset, in Astures se contulit: ubi secretam ab hominum congressu vitam sanctissimam ad multam aetatem exegit. Tauri cornua è tholo templi maximi Ovetenensis suspensa, diu rei gestae monimento fuerunt; atque hac sub initia Ordonii regni contigerunt. Anno altero Muza quidam è Gothorum quidem sanguine ortus, ceterum professione Maurus, à multo rerum usu & militari arte praeclare instructus, utriusque nationis in se unum arma provocavit. A Rege enim Cordubensi palam deficiens Toletum, Caesaraugustam, Oscam, Valentiam, Tudelam incredibili celeritate occupavit. Mox in Galliam populabundus irrupit: duos Francorum Duces obviam factos cepit: tantumque terrorem intulit, ut eum Carolus cognomento Calvus Francorum Rex, muneribus leniendum conciliandumque judicaret. Is ex successu continuæ felicitatis rerum humanarum inconstantia oblitus, ulteriusque provectus Ordonio Regi bellum intulit: cum se duobus tertium Hispaniæ Regem annumeraret. Alveldam in Rivogia Christianis ereptam magnis operibus muniendam curavit. Alfonsi Regis Chronicon aedificasse ait, & Albaidam nominasse. Ea injuria Ordonius provocatus copias contrahit, cum parte Albaidam circumfedit; partem alteram in hostem ducit, quem in Laturso monte castrametatum esse cognoverat. Magno clamore infestis signis ab utraque parte concurrunt; telis omnibus consumptis, gladiis res geritur. Nostri pristinae virtutis memores, pro patria, pro religione acriter pugnant. Certatur diu; victoria demum à nostris stetit; decem barbarorum millia perempta; in his promptissimus quisque, genere rebusque nobilissimus; ipse tyranni gener Garseas cecidit. Muza multis acceptis vulneribus vix evasit: ex quibus tamen deinde defunctum esse arbitror. Maurorum spolia divitissima, castraque à nostris direpta. Quo

tempore Mahomad Cordubæ Rex suarum rerum periculo provocatus, arma in communem hostem expediebat. Toletum propter loci munitionem, & quoniam Princeps defecerat, ceterosque suo exemplo ut idem facerent provocarat, primum peti placuit. Lupus Muza filius, quem Toletum pater praefecerat, accepta ad Alveldam suorum clade castigatus, & majoris belli metu Ordonium sibi isto foedere conciliat. Ab eo, Garfia fratre Duce Asturum & Vasconum validæ copiae missæ in auxilium. Mahomad virtute diffusus, ingenio ad artes converso, cum castra propius urbem promovisset, in Celeti (id torrenti nomen prope Villam Miniam, & locus idoneus erat) alveo collocatis insidiis ipse cum exiguo militum numero in urbis conspectum se dat; quorum paucitate despecta, Toletani portis se continuo effundunt solutis ordinibus nulla militari disciplina, quasi ad prædam non ad pugnam. Eo impetu in insidias præcipitatum: & cum à tergo & à fronte urgerentur, multis cadentibus reliqui ægre per confertos hostes in urbem iter aperuerunt. Mauri duodecim millia, Christiani ad octo millia, in ea pugna desiderati; loci munitione factum est, ne continuo territa urbs adverso casu, victori cederet. Consequenti anno, & tertio Toletanus ager hostium irruptione vastatur: messes & fructus omnes corrupti. Toletani vindictæ studio Talaveram usque progressi: verum à Praefecto ejus oppidi male multati in patriam rejecti sunt; ac tandem omnibus malis fatigati, fractique animis Mahomadi deditonem fecerunt salutis anno octingentesimo quinquagesimo septimo. Quo anno Nortmanni cum sexaginta navium classe in nostra litora impulsam oram maritimam, quam late Hispania patet ad utrumque mare, depopulati sunt. Atque utramque Balcaeram insulam ferro incendioque deformarunt: Mauris præcipue infensi, cum nostræ gentis consuetudine ad religionem Christianam propensius essent. Tecta, templa, agri, oppida continuo latrocinio vastata. In Africam etiam transmissum, ubi non minorem cladem Mauris intulerunt. In Hispania

Vascones, ubi Pompelo sita est, & Cantabriz pars ea, cui Alava nomen est, Mahomadis irruptionibus vexati sunt, nullo præterea eventu memorabili. E-merita moenibus nudata, quod ab império & auctoritate Regis Mauri rebellasset. Interea Ordonius ad pacis artes conversus, urbes superiorum temporum & bellorum injuria habitatoribus vastas, everfasque tempestatis injuria, magna diligentia & sumptu instaurabat: Tudem, Asturicam, Legionem, Amaiam quam Alfonso Chronicon Amagiam Patritiam vocat. Cæperat Maurorum gens post superiores motus bellaque intestina in factiones diduci; nonnulli urbium Præfecti, suo mallebant quam alieno nomine imperare: & cum nullius imperium respicerent, Reges passim vocabantur. Ex usu id Christianæ reipublicæ accidebat: debilitati enim viribus, numero imminuti per partes carpebantur, qui viribus integri injuriarum omnem depulissent. Caurium obtinebat Reith, Talamancam (Salmanticam alii scribunt) Mozerus; uterque ab Ordonio acie superatus; utraque urbs in potestatem redacta; milites ad unum interfecti; reliqui omnes viri & foeminae & pueri sub corona venditi. Magnarum rerum initia hæc incrementaque erant: cum in medio cursu Regem vita destituit, regni anno undecimo: cui numero plerique addunt annos sex; ex nervorum dolore, cui erat obnoxius, defunctus est Oveti, & ad D. Mariæ tumulatus ædem Regum bustis ea tempestate destinatam nobilemque. Continuatæ felicitatis successum, una amissi ad Toletum exercitus ignominia fœdasse visa est: eaque calamitate expiatum peccatum, quod susceperat vi-

ro sancto Ataulpho injuria temere & præcipitanter exagitando. Ex uxore Munia principi loco foemina Alfonso natu maximum, Veremundum, Nunium, Odoarium, & Froilam suscepit. Sunt qui sexto Kalen. Junii defunctum esse tradant anno certe ejus seculi sexagesimo secundo, uti indicio est crucis aureæ, quam Alfonso Ordonii filius eximie pulchritudinis, materiamque arte superante, Ovetensi ædi donavit, inscriptio subjectis verbis concepta. **SUSCEPTVM PLACIDE MANEAT HOC IN HONORE DEL QVOD OFFERVNT FAMVLVS CHRISTI ADEFONVS PRINCEPS, ET SCEMENA REGINA. QVISQVIS AVFERRE HAEC DONARIA NOSTRA PRAESVMPSERIT, FVLGINE DIVINO INTEREAT IPSE. HOC SIGNO TVETVR PIVS. HOC SIGNO VINCITVR INIMICVS. HOC OPVS PERFECTVM EST. CONCESSVM EST SANCTO SALVATORI OVETENSIS SEDIS. ET OPERATVM EST IN CASTELLO GAVZON. ANNO REGNI NOSTRI. XVII. DISCVRENTE ERA. DCCCC. XVI.** Idem Alfonso cum Compostellæ esset, patris diploma, quo ei templo agrum tribus millibus circum urbem antea descriptum ad sex millia passuum proferebat, ipse pro regia potestate ratum habet Era nongentesima, hoc est anno Christi octingentesimo sexagesimo secundo. Verum ad Alfonso actiones transiamus.



C A P U T X V I I

Alfonsi Magni initia.

ALFONSUS cui præclare animi & corporis dotes illustresque de hostibus triumphis, Magni cognomen pepererunt, nuntiata patris morte (neque enim morienti affuit) quamprimum Ovium regiam ea tempestate urbem contendit, studio parentandi ut par erat, patris manibus atque ut regni hæreditatem cerneret: quod ob ætatis prærogativam debitum, propensissima omnium ordinum voluntate deferebatur. Tamen minor ætate erat, ac vix quatuordecim annos natus: cui numero alii quadriennium detrahunt. Ego majori natu ad regnum accessisse suspicabar. Indole animi suis majoribus æqualis fuit, in-procero corpore, eximia vultus dignitate, morum suavitæ præcipua: nec magis bellica laude insignis, quam beneficentia in pauperes, quos asperæ res exagitabant. Opes enim sua virtute partas, ipsosque à patre relictos thesauros, non ad privatum compendium retulit, sed ad sublevandam egenorum tenuitatem: quod qui faciunt, plurimum gratiæ consequuntur, lausque eorum fama promanat, ad religio-

nis Christianæ cultum. Templum Compostellanum, quod ex formaceis parietibus compactum fuisse monstratum est, ipse ex lapide quadrato, columnis marmoreis distinctum, ab imo totum extruxit; res ea ætate admirationi habita, propter temporum ruditatem, ærarii inopiam. Regnavit annis quadraginta octo, ut Sampyrus Asturicensis est auctor, atque sub initia adversæ fortunæ fluctibus exagitatus est. Froila Veremundi filius Calæciæ Comes, atque ex eo opibus & clientelis potens, pueri scilicet Regis despectu in Calæcia regnum armis invadere parat; fortassis cum ex regio sanguine prognatus esset, sui juris factum causabatur. Rex viribus inferior & à rebus omnibus imparatus armulo cedens, in eam Cantabriæ partem se contulit, cui Alavæ nomen & tunc erat & nunc est, sed finibus aliquanto quam modo latiori. Tyrannus cum regiam potestatem per vim occupatam non ad populi salutem referret, sed ad opprimendas res publicas & privatas, civium Oventium conjuratione peremptus est.

Al-

Alfonſus continuo in Aſtūres proſectus, eximiaque omnium ordinum voluntate receptus, regni ſtatum compoſuit; de ſonibus ſupplicium ſumptum. Cantabriæ pars ea, cui Alavæ nomen eſſe dictum eſt, ea tempeſtate Regum Oveteſium imperio tenebatur: reliquæ Cantabriæ Zenon imperabat ex Eudonis olim Aquitaniæ Ducis ſanguine prognatus. Zenonis propinquus Eilo Alavam pro Rege gubernabat. Is five regni perturbatione conſiſus, five Zenonis armis, ab Alfonſi auctoritate deſecit; qui motus Regem compulerunt, ut delectu ſuorum habito, expeditionem maturaret. Legione proſectus brevi ſine ſanguine provinciam tumultuantem ad officium revocavit. Eilo ipſe captus atque Oveti cuſtodie mancipatus, eundem vitæ & vinculorum terminum habuit. Zenon Cantabriæ Princeps non multo poſt, cum & ipſe novarum rerum ſtudio rebellaveſſet, victus prælio captusque in eundem carcerem incluſus eſt. Hunc duas filias reliquiſſe memorant, Todam Eneci Ariſtæ Vaſconum Regis uxorem, atque Enecam quæ Zurie Cantabriæ Principi nupſit: unde plerique arbitrantur veteres ejus provinciæ regulos, quo tempore nondum Caſtellæ Regibus ceſſerat, generis originem ducere; utriusque calamitate documentum datum cæteris, Regis ætatem deſpectui habendam non eſſe: perfidiam ipſis auctoribus eſſe exitialem. Alava exinde Vigilæ Comiti attributa. Caſtellæ principatum Didacus Comes obtinebat, cognomento Porcellus. Regni Alfonſi anno primo hæc geſta ſunt. Quo in proximum evoluto major belli moles exiit: Imundarus & Alchama Duces Mauri Legionem urbem obſidione premebant. Hos Rex ingenti copiarum ſtrage mulctatos in patriam rejecit: ſimul Chriſtianæ ditionis fines proſterendi ulciſcendæ gentis eſſeræ & barbaræ cupiditate cum Vaſconibus & Francis ſœdus iſtum: cujus ut major conſtantia eſſet, ex regio Francorum ſanguine uxorem ſibi jungit Amelinam: quod deinde nomen Scmenæ appellatione mutatum eſt. Ex eo conjugo, Garſis, Ordonius, Froilaque deinceps Reges nati ſunt: præterea Gundifaſvus Archidiaconus olim Overenſis. Rei bene gerendæ oppor-

Tona. I.

tunitatem Maurorum inteſtini motus ſupeditabant. Toletani urbis munitione conſiſi, & Cordubenſium Regum ſeveritate, quæ in crudelitatem degenerarat, provocati denuo arma corripunt. Vani ſunt multitudinis conatus, niſi prudentis Ducis imperio regantur. Mahornad ergo Abenlupus Regis nomine rebus præfectus; majori expectatione metuque quam ſucceſſu bellum fuit. Toletani brevi Regis Cordubenſis armis domiti; captæ urbi obſides imperati, miſſique Cordubam. Lupus & fratres fuga evaſerunt; eos quoniam ex uſu belli Maurici fore putabat Alfonſus, in fidem amicitiamque recepit, omnibuſque officiis coluit; mox iis adjuutoribus, atque Francorum, Vaſconum, Cantabrorumque auxiliis auctus in fines Maurorum irruit. Ager incenſus, oppida vaſtata, abactæ prædæ; nullo præterea operaprecio exercitus ſpoliis Mauriciſ gravis, diſſeque dimiſſus eſt. Conſequenti anno, quæ annus à Chriſti ortu octingentefimus 874, ſeptuageſimus quartus erat, Toletani nimirum ſtudio ſe Regibus Cordubenſibus probandi in Chriſtianorum ditionem populabundi Durium uſque penetrarunt. Ad Pulverariam oppidum, juxta flumen cui nomen eſt Urbicus, improviſo Regis adventu ad duodecim milia trucidati; ſimilique clade Cordubenſium agmen: quod à tergo ſequebatur oppreſſum. niſi quod cædes major fuit: ad unum omnes perempti præter decem, qui inter mortuorum cadavera vivi reperi ſunt. Sequebantur cum robore exercitus Maurici, Almundarus Regis Cordubenſis filius, & Ibengunimus præcipuus copiarum Dux; ii ſuorum cæde cognita, Sublancia oppido ubi Rex erat devitato intempeſta nocte, ſugientium in morem retro redierunt. Abuhaliſ qui ſuperioribus bellis à noſtris in Calæcis captus, atque datis obſidibus in patriam dimiſſus fuerat, eoque amicus eſſe cœperat, interprete atque agnente de compoſitione agi cœptum; trium annorum induciæ pactæ. Quo tempore rebus tranquillitas fuit; eoque decurſo contractis Alfonſus copus in Maurorum ditionem irrupit: Tagoque tranſmiſſo Emeritam uſque latiffimæ populationes fecit: nulla denique juſta manu obvium prodeunte, ſeſc ſpoliis Mauriciſ latus

Eccc

in

in patriam retulit. His omnibus bellis profligandis Bernardi maxime virtus enituit. Ejus enim virtute potissimum in tam tenera Regis ætate respublica stare visa est. Ita cum tantis rebus peractis Regem Ovetum profectus esset, denuo de patris liberatione Regem interpellare ausus est. Satis poenarum datum tot annorum vinculis; debere Regem vel semis diuturna calamitate & squalore moveri, vel filii meritis paternam noxam condonare; si neque propinquitatis respectu, neque fidelis obsequii constantia moveretur: frustra majora præmia sperari, cum in æquissima causâ preces non essent audite. Iusta petere Bernardum plerisque videbatur: æmulatorum tamen (sic arbitror) sententia vicit: cum ad Regis dignitatem pertinere disputarent, læsæ majestatis dedecus vindicare, majorum sententiam haudquaquam cuiusquam ad preces mutare. Nova repulsâ Bernardi animus irritatus curia cessit, multisque prosequentibus; duodecimo ab urbe Salmantica lapide, quibus locis Alba sita est, Carpium arcem ædificavit, unde illi Carpenis cognomentum factum. Ex ea arte incursionibus identidem regiam ditio-nem invadere, prædas agere, vastare agros atque diripere. Mauri à Bernardo evocati Christianorum fines cum depopularentur, Rex curis anxius procerum conventum Salmanticæ agit, ubi mutata sententia Bernardi postulatis annuere decretum, modo arcem ille Regi contraderet.

Nimirum ignorabatur Bernardi patrem interea obiisse in carcere. Itaque cum neque pater redderetur, & arce spoliatus esset, per Galliam & Vascones errabundus reliquam vitam in luctu scilicet & mœrore peregit, ut plerique auctores sunt. Refellunt alii sepulcri indicio, quod in Aquilaria Campestri hodie etiam nomine Bernardi monstratur: putantque constanti animo fortunæ injurias tulisse, diligentemque & strenuam Regi operam dum vixit navasse. Bernardi alienationem nova calamitas excepit. Froila, quibus injuriis provocatus non constat, sed in fratris tamen Regis caput cum conjurasset, in potestatem ejus redactus, atque luminibus captus est; addictusque vinculis. Idem supplicium Nunnius, Veremundus, & Odoarius communes utriusque fratres, quod cum Froila sentirent, Regis jussu, crudeli exemplo pertulerunt. Unde novorum motuum occasio. Veremundus enim è carcere evadens, factionis opibus Asturicam cepit, retinuitque aliquanto tempore: ac demum collatis signis cum Rege dimicare ausus, acie victus ad Maurorum ditio-nem confugit. Quæ causâ extitit ut Alfonso majoribus cladibus Maurorum fines vexaret: ac Toletanis præsertim crebris excursionibus usque eo molestus fuit, ut post aliquot annos inducias denuo trium annorum magno redimere fuerint coacti; quod Regi gloriosum, barbaris ignominiosum accidit.

C A P U T X V I I I.

Concilium Compostella & Oveti celebratur.

ATALPHUS Compostellanus Episcopus per hæc tempora ætate in multos annos producta in secessu obiit. Sisnandus successit magnorum spirituum vir, magnisque virtutibus clarus: qui Regi auctor fuit, ut propinqui eorum qui Ataulphum criminati erant, obsequiis Compostellani templi fervorum instar manciparentur, novo exemplo atque crudeli, aliena peccata aliorum suppliciis lui, nisi sceleris magnitudo acerbiteram excusaret. Defuncti corpus Compostellam transtulit. Templi Compostellani structuram novis ipse operibus auxit;

præterea D. Martini nomine sua impensâ Benedictinis monachis in ea urbe domicilium constituit: & S. Felicis nomine collegium, in quod Compostellani sacerdotes, quos senectus debilitaret & vacatione digni esse viderentur, impetrata missione quasi in pyrenæum quoddam commigrarent. Hoc Pontifice Ovetensis ecclesia Metropolitani jure dignitateque aucta est. Templum Compostellæ, quod magnis cæmentis & molibus ad culmen pervenerat, gravissima cæremonia ab Episcoporum conventu sacratum est. Evocare Episcopos ad con-

concilium, nisi Romani Pontificis per-
missu, ecclesiae leges vetabant. Seve-
rus & Desiderius presbyteri abs Re-
ge legati, à Joanne ejus nominis VIII.
diploma abstulerunt, quo Ovetensem
ecclesiam Metropolitanam constituit,
subjecta sententia & verbis. „ JOAN-
„ NES EPISCOPUS servus servorum
„ Dei Aldefonso Regi Christianissimo,
„ seu cunctis venerabilibus Episcopis,
„ Abbatibus, vel orthodoxis Christi-
„ anis. Quia igitur in cura nos totius
„ Christianitatis, beati Petri Apostolo-
„ rum Principis sempiterna providentia
„ effecit successores: ea Domini nostri
„ Jesu Christi constringimur adhortatio-
„ ne, qua beatum Petrum Apostolum
„ quadam vocé privilegii monuit dicens:
„ Tu es Petrus & super hanc petram æ-
„ dificabo ecclesiam meam, & tibi dabo
„ claves regni caelorum: & reliqua. Huic
„ rursus imminente Domini nostri arti-
„ culo gloriose passionis inquit: Ego
„ pro te rogavi ut non deficiat fides tua,
„ & tu aliquando conversus confirma
„ fratres tuos. Ideoque quia vestrae
„ notitiae fama, per hos fratres limina Apo-
„ stolorum lustrantes per Severum &
„ Desiderium presbyteros nobis miro
„ odore bonitatis est revelata: paternam
„ vos adhortatione commoneo, in cœp-
„ tis bonis operibus gratia Dei duce
„ perseverare: quatenus copiosa vos
„ beati Petri protectoris vestri & nostra
„ protegat benedictio. Et quotiescun-
„ que, filii carissimi, ad nos venire qui-
„ libet vestrum aut transnitere volue-
„ rit, tota cordis exultatione & animi
„ gaudio de ultimis Galacie finibus
„ cui vos præter me Dominus rectores
„ constituit, tanquam jure filios no-
„ stros vos colligimus; & ecclesiae Ove-
„ tensi, quam vestro consensu & assiduâ
„ petitione Metropolitanam constitui-
„ mus, omnes vos subditos esse manda-
„ mus & concedimus. Etiam prædictæ
„ sedi, ut ea quæ Reges, seu quilibet
„ fideles juste obtulerunt, vel in futu-
„ rum Domino opitulante contulerint,
„ ratum, firmum, & inconcussum ma-
„ nere in perpetuum præcipimus: Hos
„ quoque lectores litterarum nostrarum,
„ omnes hortor, ut habeatis commen-
„ dados; bene valete. Duobus regiis

legatis tertius à Pontifice adjunctus,
missusque in Hispaniam nomine Rainal-
dus; huic alia litteræ ad Regem data: Ju-
lio mense officii amorisque paterni plenissi-
mæ, hoc exemplo. „ JOANNES
„ EPISCOPUS servus servorum Dei
„ dilecto filio Aldefonso glorioso Regi
„ Galtæciarum. Litteras devotionis ves-
„ træ suscipientes, quia devotum vos
„ esse cognovimus erga nostram sanc-
„ tam ecclesiam, gratias vobis multipli-
„ ces referimus, Dominum exorantes,
„ ut vigor regni vestri abundet, de
„ inimicis vestris victoriam vobis conce-
„ dat. Nam vos filii carissimi sicut pe-
„ tistis, sedulas preces Domino fundi-
„ mus; ut regnum vestrum gubernet;
„ vos saluum faciat, custodiat, & prote-
„ gat, & super omnes inimicos vestros
„ erigat. Ecclesiam autem beati Jaco-
„ bi Apostoli ab Hispanis Episcopis con-
„ secrari facite, & cum eis concilium
„ celebret; & nos quidem gloriose Rex,
„ sicuti vos à paganis jam constringi-
„ mur, & die ac nocte cum illis bella
„ committimus: sed omnipotens Deus
„ dat nobis de illis triumphum. Hujus
„ rei gratia rogamus dilectionem ves-
„ tram & animum deprecamur, ut quia
„ ut diximus, valde à paganis opprimi-
„ mur, aliquantos utiles & optimos Mau-
„ ricos cum armis, quos Hispani Ca-
„ ballos Alfaraces vocant, ad nos di-
„ rigere non omittatis: qualiter nos
„ recipientes Dominum collaudemus,
„ vobis gratias referamus, & per eo-
„ rum portitorem de benedictioni-
„ bus sancti Petri vos remuneremus.
„ Bene valete dilectissime fili & cla-
„ rissime Rex. Pontificis litteris per-
lectis, dies Episcopis tota ditione dicta,
ad quam utriusque rei perficiendæ causa
convenirent. Compostellam primam
frequentes, omnino quatuordecim nu-
mero confluerunt: per eas urbes Pra-
lari, quæ in Regis diuione erant: pars
quæ obtinebantur à Mauris, minuti scilicet
& paulo amplius quam solo nomine
Episcopi; & erat moribus ea tempestate
receptum, ut utrumque urbium Epif-
copi essent, ac earum præsertim, quæ
vel ereptæ Mauris paulo post ad eorum
ditionem redierant, vel sperabatur bre-
vi eripiendas fore, Christianique juris

futuras: in eamque spem mortuis sufficiebantur vivi. Templum ergo Compostellanum iis Episcopis procurantibus, solenni caremonia sacramentum Nonis Maii, die Lunæ, Luna undecima, tertio Aureo numero, ut Sampyrus Asturicensis est auctor, hoc est anno octingentesimo septuagesimo sexto: in quem eæ notæ omnes certa ratione conveniunt. Ara maxima nomine Salvatoris, dextra levæque duæ aræ, prior Petri & Pauli nominibus, posterior Joannis Evangelistæ dicatæ. Nam quæ tegebat Jacobi Apostoli ossa, quoniam persuasio erat à septem ejus discipulis dicatam esse, sacrari de novo non placuit; hostia sacra in ea sacrificium. In vicino monte, Sebastiani Martyris nomine ædes eodem tempore consecrata. His ex rebus Compostellana religio per se sanctissima vehementer aucta est. Post undecim menses jussu Regis iidem Episcopi Ovetum convenere: ut quod à Pontifice erat impetratum, communi consensu Ovetensem Archiepiscopum constituerent. Ermenigildus omnium suffragiis electus, qui eo honore fungeretur, & cæteris præesset omnibus. Placuit præterea Archidiaconos recti exempli creati, qui bis annuatim Synodos cogerent, omniaque constituerent tanquam Deo rationem reddituri: obirentque singulas dioceses, monasteria, & parochias inviserent. Ad-

ditum præterea ut Episcopi qui ditione carerent, Ovetensi Præsuli vicariam operam exhiberent, cura in multos partita, ejusque redditibus alerent: iis aliisque tota ditione Episcopis in Ovetensi urbe & diocesi singulæ ecclesiæ darentur, quarum redditibus viverent, cum conventus ecclesiastici haberentur, & fortunarum domicilium esset propter frequentes barbarorum irruptiones. Sedecim Episcopis templa duodecim designata attributaque, partim ditione spoliatis, partim integris, Legionensi, Asturicensi, Iriensi, Ulcensi, Britoniensi, Auriensi, Bracarensi, (hic Archiepiscopus erat) Dumienſi, Tudensi, Columbriensi, Portucalensi, Salmanticensi, Cauriensi, Cæsaraugustano, Calagurritano, Turismonensi, Oſcensi. Quorum Episcopatum nomina, & numerus ex ipsis conciliis actis adscripta sunt, in eorum gratiam, qui antiquitatis studio sunt dediti. Inde certe effectum est ut ea tempestate Ovetum Episcoporum civitas vulgo diceretur. Ovetensis ecclesiæ fines Regis voluntate descripti, magnisque redditibus & possessionibus, ut ea ferebant tempora, amplificati sunt. Utroque loco Rex, Semena Regina, filii Regis & proceres affuerunt: rebusque omnibus ex sententia compositis conventus solutus est.

C A P U T X I X.

Reliqua qua Alfonso regno contigere.

INTEREA Maurorum arma quiescebant. Nam diuturno otio, & regionis amoenitate ardor animorum cum quo in Hispaniam venerant, extinctus erat, obsoleverat martia majorum indoles; neque quid interea accidit ad memoriam insigne. Anno tantum ejus seculi octogesimo primo, universa Hispania terra movit, multa concussa ædificia. Mahomade Rege Cordubæ ex ritu gentis sacris in templo operante, fulmen repente dilapsum unum & alterum ex iis qui prope erant interfecit: unde magnus genti terror, neque ulla piacula cælestibus placandis omiſſa. Proximo anno Abdalla ejus Lupi filius, quem To-

leto aufugisse dictum est, accepti beneficii immemor, ingenioque ad perfidiam converso, hostilia in gentem nostram moliri cepit: redintegratæque cum Cordubensi gratia, palam arma movere. Invidia in præceps agebat in patruos concepta, quibus Alfonso impense favens Ordonium filium, quasi mutæ fidei pignus educandum instituendumque tradiderat; gravem Christiani nominis ignominiam, sed tanti ea tempestate Maurica amicitia erat. Hoc initium quamvis exiguum magna rerum moles consecuta est; collectis Abdalla suorum copiis in Alfonso ditionem invasit. Latissimæ populationes fuerunt, timor magnus, spes

spes non minor; ad Cilloricum oppidum Mauris acie superatus à Pancorvo, quod oppidum tentare ausus fuerat, cum clade repulsus. Legio in quam se Maurorum impetus vertit, quoniam eam Alfonso valido presidio obtinebat, devitata: nullaque re alia memorabili trajecto Astura flumine, quod per ea loca decurrit, Legionemque ipsam alluit, per fines Lusitaniæ Cordubam reditum. Abuhaitus Maurorum castra sequebatur. Abulcemus ejus filius, qui apud Alfonso Regem obfess pro patre erat, ejus rogatu patri est redditus. Autumno hæc præcipiti gerebantur; quo in hyemem converso, Abdalla duos Zimaeles patrum, fratremque tumultuaria pugna commissa locis natura asperis, qua in Hispaniæ parte memoriæ non est proditum (in Carpetanis suspicor) magna cæde superavit, captosque Beccariam in arcem victos misit. Eodem impetu Cæsaraugusta Abdalla armis capta est. Quæ res utriusque nationis in eum vires, armaque convertit: tametsi missa ille legatione apud Cordubensem Regem factum excusarat: & quoniam non recipiebatur, ad Alfonso amicitiam receptum, missis identidem legatis captare non desistebat. Uno tempore Vigila & Didacus Comes, quasi in communem Christiani nominis hostem arma conulerunt. Almundarus Regis Cordubensis filius, & Abuhaitus Corduba missi Cæsaraugustam omnibus copiis & viribus obsederunt. Frustra conatus erat, urbe munitissima atque frequenti, Abdalla ex rebus gestis feroci. Verso impetu Cantabriæ atque Castellæ fines vastati; affuerunt Vigila & Didacus Comites, Maurosque ditione omni arcuerunt. Legionensis Rex provisâ tempestate, contractis undique copiis sese ad Sublanciam tenebat ad omnem occasionem intentus, acieque dimicare paratus si Mauris animus esset: quod illi certamen detestantes in patriam redierunt, Pacundi & Primitivi monasterio in Vaccæis celeberrimo, solo æquato, quæ magna clades est habita. Nonnulli Mauri ab Abuhaito occulte missi ad Alfonso; his interpretibus de pace constituenda actum est: simul ab Alfonso Rege Dulcidius Toletanus presbyter eo studio Cordubam

Tom. I.

legatur fine anni octingentesimi octogesimi tertii. Dum ea legatione tempus extrahitur classis Cordubæ atque Hispali comparata, Calaciæ litora tentare iussa est: ubi multa oppida morum munitione nudata, injuria opportuna esse cognitum erat; adversis ea tempestatibus jactata est atque submersa. Dux Abdelhamitus & paucissimi ex naufragio evaserunt. Interea agente Dulcidio induciæ sexennes cum Mauris pactæ sunt: corporaque Eulogii & Leocritiæ Martyrum concedentibus Christianis Corduba Ovetum dekita. Consecuta est mors Mahomadis imperii Arabum ducentesimo septuagesimo tertio, salutis octingentesimo octogesimo sexto; filios triginta quatuor, filias viginti reliquit haud insolito ingenio vir: ejus enim illa vox fuit cum in hortis deambulare ad militem, quam pulchrum viridarium, quam illustris dies, quam latum seculum dicentem si mortem daretur evadere: immo inquit, si mors non esset, haudquaquam ipse regnarem. Successit Almundar filius: cuius imperium mite, ingenium liberale fuit. Initio regni Cordubensibus vectigal, quod ex decima pendere consueverant, condonavit. Illi beneficii immemores ab ejus auctoritate continuo defecerunt. In ipso belli apparatu Regem mors oppressit, nondum integro biennio elapso ex quo regnare coeperat; sex filios & septem filias reliquit. Successit suffragio militari Abdalla defuncti frater, anno octingentesimo octogesimo octavo; regnavit annis viginti quinque. Initia turbulenta fuisse. Homarus principi loco inter Mauros inquieto ingenio vir, ab imperio rebellavit. Olisipo, Astapa, Hispali, aliaque oppida ejus partes sequebantur. Graves motus facilem habuere exitum; seditionis auctor venia impetrata Regi conciliatus est. Ea facilitas animos fecit ut rursus tumultuaretur; & erant Mauri ducta ab antiquo origine in duas factiones distracti, Humeias & Alavecinos, uti antea monstratum est; in eo dissidio res novare cupientibus studia populi deesse non poterant. Abdalla vestigiis omnibus Homarum insequitur, eoque redegit, ut ad Christianos confugiens ejurata patria perestitione, nostra sacra susciperet haud

Ffff

syn-

syncera fide, ut tempus quod omnia detegit, declaravit. Contra Alfonso Cantabrorum arma mota. Zuria princeps in ea gente, Zenonis gener & sua sponte & provincialium studiis provocatus arma sumpsit: Ordoniumque à patre Rege missum ad eos tumultus sedandos ad Arriogorriagam acie vicit. Inde loco nomen quod sanguinolentos lapides significare affirmant lingue Cantabricæ periti, cum antea vocaretur Padura. Victoriæ merces fuit gentis principatus. Scottorum Regum sanguine Zurium prognatum esse vulgo Cantabri persuadent, vero an falso non satis constat; quominus filii injurias Rex pater vindicaret locorum asperitate factum arbitror, atque ipsius ætate ingravescente. Quo tempore ad pacis artes conversus, & reipublicæ exornandæ studio, tota ditione divis templa, hominum præsidio arces, oppida, urbes ædificabat. Initio regni Sublancia Cæque prope Legionem, Gauzo arx ad maris oram Ovetum inter & Gegionem rupibus imposita: deinde Portus Cale, Bracara, Viseum, Aquæ Flavie, (nunc Chiaves) Auca, instaurata: quæ urbes à multo tempore vastæ atque incolis vacuæ jacerant. Similem cladem Sentica perpessa erat; pari Alfonso Regis munificentia ædificata est Zamoræ nomine; sic Mauri vocabant à cyano lapide (turcicum alii dicunt) qui Arabum lingua Zamora est, & in eo agro reperitur. Tauri urbis ædificandæ Garfise filio cura demandata, quæ veteribus Sarabis fuit. Conimbrica in Lusitania, Septimancæ, Dominæ, universique Gotthorum campi in Vaccæis Mauris erepti: cui tractui, Italiæ atque Galliæ exemplo, Campaniæ licebit nomen facere. Iis in locis Facundi & Primitivi Martyrum nominibus regio sumptu monasterium magnificum, quod Mauri everterant, instauratum atque extructum est Benedictinorum ordini, quod nullum in Hispania, divitiis, amplitudine, majestate illustrius olim fuit: nostra ætate in paucis nobilissimum habetur. Tantis Regis molitionibus æarii tenuitas tot bellis, tantis sumptibus exhausti impar erat; nova tributa imperata: quod nisi in suprema reipublica calamitate, & quando omnes intelligunt, si salvi esse

volunt, parendum necessitati, sine periculo non usurpatur; sic rerum eventus declaravit. Alienati enim ea ex re subditorum animi erant. Semena Regina alieno & ipsa in virum animo, faces subdebat: filioque Garfise fuisse ut in patrem arma sumeret. Rex quamvis in affecta ætate pristinae virtutis memor Senticam advolat: filium in potestatem redactum in Gauzone arce vinculis constringit; non restitere, ut ferme fieri consuevit, in uno gradu commotæ semel populi voluntates. Nunnius Fernandus Castellæ Comes opibus & clientelis potens Garfise socer erat; ejus conatus cum victi mater & fratres juvarent, rursus in Regem tumultuatum est; toto biennio bellum vario successu gestum, exitu tandem conjuratis prospero. Rex calamitate victus seu tranquillitatis studio regnum abdicavit, & Garfise filio de manu tradidit. Ordonio alteri filio Calæciæ principatus attributus est salutis anno nonagesimo decimo. Quo anno decurso cum Compostellan religionis ergo invississet, & concedente filio in Maurorum fines denuo populabundus irrupisset, operapretio factio Zamoræ obiit. Asturicæ primum tum ipse tum uxor Semena sepulti sunt: deinde Oveti in D. Mariæ tumulo compositi. Quo tempore Abdalla Cordubensis Rex, cum filios reliquisset undecim, filias tredecim, ætatis anno septuagesimo secundo Cordubæ obiit. Quid Abdallæ Lupi filio contigerit clam est: neque decisset industria si monumenta suppetere; nunc conjecturis standum; ac putem ope Regum Ovetensium Cæsaraugustæ principatum tenuisse: ab eoque ejus urbis Reges perpetua serie derivasse: de quibus longo intervallo sermo recurrit. Cordubæ imperium suscepit Abderrahmanus Abdallæ ex Mahometade filio nepos, novo exemplo ut in Maurorum imperio nepotes præferrentur filiis. Viginti tres annos natus erat cum ad regnum accessit, & quinquaginta annis regnavit. Almanfor Ledim Alla vocatus est, hoc est defensor legis Dei, præterea Miramumenim, quæ vox Regem credentium significat; & ferme imperiis inclinantibus magnifici tituli usurpantur: ignaviaque ornamentis extrinsecus additis fucatur. Tameñ

metſi Abderrahmanus in magnis Regibus numerari debet, domi militiæque clarus; dum vixit in unam curam diſſidia gentis pacandi, factionumque ſtudia quibus populares æſtuabant, ſedandi maxime incubuit: æquiſſime populis jura dabat. Caſtrum prope Cordubam extruxit, in Africa Septam cepit: regia

munificentia urbes oppida tota ditone magnis ornamentis Abderrahmani regno aucta illuſtrataque ſunt; Regnum cepit anno Arabum trecentefimo, juxta Roderici etiam Præſulis computationem, hoc loco à vera non diſcrepantem.



C A P U T X X.

Garſias, & Ordonius Reges.

POTENTIA ſcelere quaſita, haud ſolet eſſe diuturna. Garſias regnum per vim occupatum, tribus annis, & menſe uno tenuit. Quo tempore nova expeditione ſuſcepta in Maurorum fines irruit, & agris circum longe lateque vaſtatis, direptis oppidis, Aiolam Mau-

rorum regulum obviam prodire auſum, acie quidem victum cepit: verum in reditu ad Tremulum oppidum, cuſtodum culpa in patriam fuga evaſit. Rex Zamora defunctus eſt, atque Oveti ſepultus ſalutis anno nongentefimo tertio-

913



Ordonius nunciata fratris morte, quoniam sine prole decesserat, ex Calæcia, ubi res gerebat, continuo ad regnum advolavit, bonus & moderatus Princeps si extrema cum primis contemneret, neque innocenti Castellæ Comitum sanguine manus fœdasset. Regnavit annis novem, mensibus sex. Sub initia quod magnopere ad tuendam auctoritatem referre cogitabat, si illustri aliquo factu Maurorum spiritus fregisset, delectu suorum habito in Carpetanos irrupit. Talaveram soli cælique lætissima facie præcipuum municipium incolarum frequentia, & mœnium ex secto plurimum lapide munitione nobile circumfedit, victisque acie Mauris, qui à Rege Cordubensi auxilio obfessis missi erant; oppidum expugnavit, diripuit, incendit: neque enim circumfusus omni ex parte Mauris retineri poterat. Oppidi præfectus cum multis aliis captus est; exercitus Mauricis spoliis gravis in patriam reductus. Cordubæ Rex ex eo eventu de rerum summa conjiciens, veritusque præferocis Regis arma, suorum viribus diffusus, Mauritanæ Tingitanæ Regem supplex sollicitat, ut ex Africa supplementi causâ novas Maurorum copias transmittat. Annuit ille gentis periculo permotus, & studio religionem Chris-

tianam opprimendi, quæ indies majora incrementa fuscipiebat. Valida Afrorum manus missa Duce Almotarapho est, iis copiis regius exercitus Maurorum adjunctus. Avolapafus rei summæ Præfectus in Christianorum fines irruens, ad Durii ripam provectus est; ad Castrum Sancti Stephani Gormatii nomine, Rege obviam facto dimicatum est; non alias majore mole concursum, neque dubio magis eventu; ad extremum utroque Duce Mauro cadente, cæsi magno numero hostes, reliqui in fugam compulsi. Christianorum animi magna sollicitudine liberati, reputantes quantum novi periculi accessisset ex Africa, vix tolerantibus Maurorum Cordubensium potentiam; quo major victoriæ fructus esset, victos & trepidos urgeri Mauros placuit: Lusitanæque agros & oppida quam longe ad Anam usque patet, Emeritæque & Pacis Augustæ fines victoris exercitus incursione depopulari: tanto ex his rebus incolarum terrore, ut in jungendi fœderis voluntatem vehementer incumberent: & ad victoris arbitrium pacem magno redimere fuerint coacti, Ordonii⁹¹³ regni anno quinto, salutis nongentesimo octavodecimo. Rex tantis rebus perfectis rediit in patriam, & triumphantis in morem Legionem invecus est. Urem

hem eam ea ætate principem, locorum opportunitate invitatus, regiam constituere cogitabat. Novis itaque ædificiis illustrare, locis amplificare parans, primum omnium templum Petri & Pauli nominibus sacrum, & Episcopi cathedra insigni, quoniam extra murorum ambitum erat & periculo proximum, in regium palatium transfudit (quod in thermarum usum olim à Mauris magna amplitudine, & præcipua totius operis majestate extructum fuerat) Mariæ Virginis nomine; tamen duæ aliæ templi partes, Salvatoris altera, Joannis Baptiste nomine altera sacrata est, Fruminio Legionensi Episcopo totius cæremoniæ Antistite, cui undecim alii Episcopi ex universa provincia ad id evocati aderant. Auxit novi templi majestatem, cum Rex novo exemplo de manu ejus Pontificis regni coronam capiti suo imponendam curavit. Eo ex tempore Ovetensis Regis nomen Legionensi mutatum. Verum ab hoc initio Ovetum urbs eo ignobilitatis dilapsa est, ut progrediente tempore Archiepiscopatus honore detracto, nostra demum ætate, ne suffragii quidem jus in comitiis regni habeat: quod civium ignavia factum arbitror magis quam Regum invidia. Itaque inter hujus ætatis diplomata, Hispanicæ antiquitatis cruenta studiosi, in quibusdam Ordonium Ovetensem Regem dici considerant, in alio quodam Legione regnare: nimirum appellatione cum rebus & temporibus alternante. Mindonensem urbem jure Episcopatus donasse Ordonium memorant, Ribadeo urbe ea dignitate spoliata. Tamen alii magis existimant Mindonenses Episcopos præcis temporibus Vallibrienfes fuisse nuncupatos. Interea Rex Cordubæ Abderrahmanus Almanzor ex re male gesta dolore exarsuans, & vindicandi injurias cupiditate ardens, universas regni vires & copias in unum contrahit: atque per Lusitanæ fines in eam Calaciæ partem armis penetrat, ubi Rondonia sita est, Mindoniam Sampyrus ait. Ad eum locum utriusque nationis castra posita; acie pugnatum ardore animorum singulari, virtute non impari; multi ab utraque parte ceciderunt; exæquata clade noctis tenebris certamen diremptum; neuri manifeste victores. Tamen ejus prælii ea fama fuit,

Tom. I.

ut utraque pars se vicisse prædicaret: nostri quoniam hostem Calaciæ finibus discedere compulissent; barbari cum toties victi ad noctem usque certamen sustinissent; pugnatum est anno nongentesimo nonodecimo. Neque multo post Cordubæ Rex superioris victoriæ opinione ferox, viribus reparatis, auctusque auxiliis ex Africa, Christianorum finibus evastatis in Vascones & Cantabros penetravit. Ordonius Rex & sua sponte ad bellum incitatus, & Sancti Garziæ (is Vasconum Rex erat cognomento Abarca) periculo permotus, sollicitus precibus, in Mauros movit. Ad vallem Juncariam (Junque-ram hodie dicimus) Vasconum & Legionensium copiis cum Mauris dimicatum anno nongentesimo vigesimo primo; non minor quam in Calaciæ animorum contentio, non minor strages fuit, neque minus dubia victoria; hoc superiores Mauri, quod Garziæ Aznarius (mallem Fortunius Semen ejus filius) Aragoniæ Comes in eo conflictu perit: & secundum eam pugnam Cantabriæ pars illa, cui Alavæ nomen est, Maurico impenio cessit. Capti in prælio Episcopi Dulcidius Salmanticensis, Tudenfis Hermogius; pacto pretio redempta libertas; dum aurum appenditur obseques dati. Pro Hermogio sororis filius Pelagius in ipso ætatis flore, venustate eximia barbari Regis animum, alioqui in libidinem proclivem vehementer inflammavit; augebatur impuri atque nefarii amoris flamma; adulescens & suapte natura ad modestiam compositus, & in plena sapientiæ ac sanctitatis domo educatus, de turpitudine identidem appellatus repugnare primum; deinde cum precibus vinci non posset & vis adhiberetur, procaci Regi pugnos in faciem infregit. Animi constantia, & pudicitæ cultus exitum attulit; ferreis forcibus laniatus, membratimque dissectus, Regis impii & immanis jussu in Batim fluvium jactatus est die Dominica, qui dies Junii mensis vigesimus sextus fuit, nimirum salutis anno nongentesimo vigesimo quinto. Defuncto honores tanquam Martyri habiti cultusque decretus: corporis partes in D. Genesii, caput Sancti Cypriani cœmeterio sepulta. Eo majori gloria dignus, quod quatuordecim non amplius an-

Gggg

nos

nos natus erat, minus mensibus sex, cum id virtutis & constantiæ specimen edidit. Rhosuita virgo Saxonica Pelagii Martyris mortem Heroico carmine hac ipsa ætate, sed paulo aliter cecinit. Ordonio Legionis, Carolo Simplici Francorum Regibus, Zanellus presbyter à Joanne Romano Pontifice, eo nomine decimo in Hispaniam legatus est hac occasione D. Jacobi religione per omnes nationes pervagata, atque Sifnandi Compostellani Episcopi virtutum celebri fama, Pontifex missus cum litteris idoneo homine preces communicari petiit: ut propitiato Apostolo sancto opem ejus vivus moriensque impetraret. Sifnandus Zanello in Italiam amandato obsequium Pontifici deferret. Rex etiam litteras cum muneribus adjungit. Zanellus officio sanctus multis libris onustus in Hispaniam evolutus integro anno rediit: præterea à Pontifice legatus factus cum potestate cognoscendi quæcunque ad religionis statum pertinebant. Persuasum Romanis ab antiquo, in ratione precandi Gothica multa depravata esse, insolentes sacerdotum ritus atque opiniones de religione discrepantes invecas. Ergo Zanellus, in eam curam incumbendum judicans, libros ecclesiasticos cum cura conquestos diligenter excussit, atque in ritu quamvis diverso, contra quam suspicabatur, omnia religioni consentireprehendit: Romamque rediens Pontifici visa cognitaque retulit in magno Patrum concessu. Gratiam illi pro divino munere agentes, libris comprobatis illud modo sanxere, in sacratori secretaque sacrificii Christiani parte, Romano ritu precandum videri; nimirum alia mystica verba, quibus panis vinumque convertitur, retenta tamen sententia proferebant, ad hunc modum: „ HOC est „ corpus meum, quod pro vobis tradetur. HIC est calix novi testamenti in meo sanguine, qui pro vobis & „ pro multis effundetur in remissionem „ peccatorum. Quibus verbis ne nostra quidem ætate utuntur, qui ritu Gothorum sacrificant divina hostia permixtu Pontificum. Hunc exitum ea tum controversia habuit, multis deinde se-

culis repetita: donec Hispanorum sive constantia, sive contumacia victa est, atque Gothica precandi ratio Romano ritu mutata, uni competenti loco explicandum est. Ex eo tempore sune, quo ad Juncariam pugnatum est, belli fortuna conversa videbatur. Ordonius Rex decori tenax, brevi reparato exercitu, qua parte Vasconum fines erant, ipso Vasconum Rege adjuncto, in Maurorum ditionem invecus Rivogiaz oppida, pagos, agros, belli flamma consumpsit: & clades acceptæ ignominia vindicata Zamoram rediit. Nullum in rebus humanis gaudium est sincerum & constans; quod tunc usu venit. Munina Elvira Regina lætissima femina extincta morbo est, filiis Sanctio, Alfonso & Ramiro, præterea Garzia Semenæque. Elvira funere curato, Rex Argontam duxit principi loco in Calacis: neque multo interjecto tempore in suspicionem adductam repudiavit, temere scilicet & immerito: uti rerum eventus & Regis poenitentia comprobant. Sanctivam Garzia Eneci Regis Vasconum filiam in ejus locum substituit, Sanctio fratre concedente; cum quo junctis viribus in Rivogiam rursum irruptione facta, Anagarum, quod veteribus Tricium fuit, armis cepit & Vicariam: ubi Gothorum regno conventus juri dicundo fuisse creditur, auctore Roderico, ex eoque inditum nomen. Atque hæcenus ita Ordonii res erant, ut in ejus regno laudari multa possent jure, accusari pauca, qualia Regibus libenter condonantur. Difficile est & miraculo proximum in summa licentia tenere modum, & in tanta rerum varietate nunquam offendere. Castellæ Comitum cedes Ordonii jussu alienissimo tempore perpetrata, in quibus tantum præsidii erat adversus Maurorum arma, superiorem omnem gloriam corrupisse visa est; quod qua ratione contigerit, & quibus ex causis Regis animus fuerit irritatus, ex altiori principio repetendum; & nonnulli novi principatus in Hispania, que initia incrementaque habuerint, nova narratione explicandum.

FINIS LIBRI SEPTIMI.

JOANNIS MARIANÆ HISTORIÆ DE REBUS HISPANIÆ. LIBER OCTAVUS.

C A P U T I

Regni Navarrae initia.



POST memorabilem atque funestam cladem, qua victa oppressaque universa à Mauris ferme Hispania est: ex Gotthici imperii casu quasi ex magna structurae rudibus cum eversa est, plures exitere

principatus minuti initio, finibus angusti, atque viribus infirmi: tempore consequenti patriæ libertatis vindices, affectæ ac prostratæ reipublicæ instauratores præclari. Quorum exortum atque progressum omnium explicare ardua res esset, & longioris disputationis quam pro suscepti operis modo. Insignium maxime & præ cæteris nobilium initia, incrementa, successusque brevi narratione attingere: quoniam cum Legionensium Regum rebus deinceps connexi confusique sunt, necessarium fore sum arbitratus: Vasconum, Aragonum, Barcinonæ atque Castellæ, cui Veteris nomen est. Etenim ex communi Hispaniæ incendio atque vastitate, pulsæ sedibus Hispanorum reliquæ pars in Astures confugere, unde Legionensium regnum constitutum, de quo superiori libro commemoratum est: pars Pyrenæi montis juga claustraque occuparunt, ubi Cantabri & Vascones siti sunt. Lacetani præterea, Ilgerces, atque Ceretani (quibus in locis nunc Ripagorsæ, Su-

præbe, Urgelia, Cerdaniaque visuntur) eorum locorum præsidio atque munitione non modo libertatem tutati sunt, sed juvanda etiâ reliquæ Hispaniæ consilia inter se communicarunt viri præstantes, majorique quam pro viribus animo, freti credo numinis ope: nam adversus tantas difficultates ratione providere non poterant. Occasio non maxima. Joannes quidam homo religiosus, tranquillioris vitæ studio successus, non procul Jacca urbe, in Urvella monte domicilium constituerat, adjunctumque divinæ rei procurandæ causâ, sacellum Joannis Baptistæ nomine sacrum. Sanctitatis eximie opinio famaque cum per ora hominum volitaret, quatuor se illi socii adjungere, vitæ generis quod sequebatur æmulatores; multi præterea mortales è vicinis locis accurrebant numinis propitiandi promerendique causâ sancti viri precibus: quæta omnibus officiis cultum dum vixit, extinctum exequiarum honore profecti sunt. De sancti supus magna populi frequentia procuravit; in his ingenuæ condicionis viri sexcenti, sive ex composito convenientes, sive secessus opportunitate invitati, quo res occultior esset, in commune de reipublicæ salute, de Maurica servitute pellenda consultare aggressi sunt. Locorum præsidium animos faciebat, & Francorum auxilia præclare conantibus haud desutura sperabant. Asturum exemplum provocabat, qui Pelagio Rege creato

creato juvande rei Christianæ consilia explicare, & Maurorum arma irritare veriti non erant; quod initio temerarium visum est, eventu salutare fuit. Rē diu multumque agitata, optimum fore visum est ex suo numero aliquem deligere, cuius imperio & auctoritate devincti in eam causam juvande patriæ ingrederentur. Garsias Semenus omnium suffragiis delectus, nullo quidem gradu contingens Gothorum Regum familiam, quod nomen ipsum declarat Hispanum magis quam Gothicum sonans, haud dubie autem nobilissimus, magnaque & veteri prosapia, Amescus regulus atque Abarfusa; uxor Eneca pari nobilitate. De tempore auctores in diversum trahunt, ac ne de appellatione quidem regni satis constat. Nonnulli Suprabis Regem dictum putant, alii Navarra seu Vasconum: neutri argumentis evincuntibus. Et est omnis antiquitas obscura, præsertim Hispanica: quippe magnorum fluminum decursus noti sunt, obscuræ origines primæ fontesque unde derivantur. Insigne novo Regi fuit rubra parma, nulla pictura distincta, nonnulla oppida hoc Rege Mauris crepta: in his Infia, Suprabis princeps municipium. Sacellum quod Joannis cura & sumptu extractum erat, locis amplificatum auctumque redditibus in regii ædificii amplitudinem & majestatem sensim excrevit: Regum veterum bustis nobile, præsentium numine ipsaque vetustate religiosum. Semen Rex & successores cum locum sepulturæ delegere. Obiit anno septingentesimo quinquagesimo octavo. Successit Garsias Enecus (ab utroque parente ejus appellatio constata est) Princeps vere magnus, insigni felicitate. Nam hujus virtute Vascones, qui inter Asturum, Maurorum & Francorum arma imperiumque identidem alternabant, bello domiti in horum Regum ditone stabili possessione constituerunt. In eam finitimæ Cantabrie partem, cui Alavæ nomen est, arma prolata. Præterea Aragoniæ & Barcinonis Comitum initia hoc Rege extiterunt. Aragoniæ quidem Aznarius filius Eudonis Magni in ea loca delatus, quæ Aragone & Subordano fluminibus alluuntur: cum quædam oppida Mauris eripuisset, Rege Garsia concedente se Aragoniæ Comitem di-

xit, tunc Vasconibus contributus, deinde sui juris, uti competenti loco est explicandum. Aznarii filius Aznarius alter fuit, nepos Galindus: de quorum rebus gestis nihil est ad memoriam insigne litteris proditum. Galindo defuncto filius successit Semenus Aznarius. Barcino autem Ludovici deinceps Imperatoris, & tunc patre superstitie armis occupata: Bernardusque natione Francus illi urbi cum potestate præfectus anno octingentesimo primo; inde origo Barcinonensis principatus. Quo anno in sequentem evoluto, Garsias Enecus defunctus est. Successit Fortunius Garsias: de cuius rebus gestis Vascones historici magna ac pene incredibilia fabulantur. Ac illud constat ad Rocidam vallem prælio illi memorabili interfuisse, in quo Francorum nobilitas nostræ gentis armis trucidata est, Carolo Magno Imperatore, Duceque acie victo. De ejus victoriæ lætitia non parum diminutum est Semini Aznarii Comitis Aragoniæ interitu in eo prælio desiderati: cum ostendendæ virtutis studio in confertos hostes irruisset contemptu mortis ferocior. Eo major luctus fuit, quod forem ejus Teudam Fortunius Rex uxorem habebat. Successit Semeno Comiti Semen Garsias ejus patruus, Endregoto defuncti fratre, qui meliori jure niti videbatur prætermisso; causæ clam sunt: sortassis curis gravioribus idonea ætas non erat. Obiit Fortunius Rex anno octingentesimo quintodecimo, Sanctio Garsia quem ex uxore genuerat successore. Hoc Rege Roncalenses ob egregiam navatam operam in bello Maurico, immunitate donati: ut ejus ætatis atque Regis diploma declarat. Bernardus Barcinonensis Comes (nonnulli Marchionem faciunt) criminibus appetitus, ab iis qui teneram ejus Bernardi ætatem gubernabant, qui Caroli Magni nepos erat ex Pipino filio, quasi adulteri consuetudine cum Augusta Ludovici Imperatoris conjugē, læsæ majestatis reus esset, calumniæ dolore actus, ex Gallia quo se contulerat, in Hispaniam rediit: ubi præcipua auctoritas erat, multaque clientela, quas superiori tempore sibi adjunxerat. Obiit anno octingentesimo trigésimo nono. Wifredus eo nomine primus. Bar-

301

315

329

Barcinonensis Comes Ludovici Pii beneficium eo principatu auctus est, nondum hereditario jure, sed ex Imperatoris voluntate, annorum numero aut vite spatio ut in ceteris prefecturis prescripto. Garfias Aznarius per idem tempus Aragoniam obtinebat, defuncti interea patris Semenii Aznarii successor. Omnino Sancti Regis armis Vascones, qui ultra Pyrenaei salugium ad Galliam fusi Francorum imperio parebant, vexati: neque prius quiescere permitti, quam perpetuam cum Suprabis Regibus amicitiam jurati. Muzæ bello, ejus quem adversus Mahomadem Cordubæ Regem rebellasse superius monstratum est, occisus fuisse traditur, nimirum annum circiter octingentesimum quingagesimum tertium. Post Sanctum Regem, Semenium Garfiam quidam numerat auctor defuncti filium: de quo in monumentis ejus cognobii, cui S. Salvatoris Leirensis in Vasconibus ipso Pyrenaei montis complexu nomen est, memoria propagatum, eo loco cum uxore Munia esse tumulatum; nihil præterea. His monumentis, cum certiori historiae lumine careant, quantum fidei sit adhibendum, ex suo judicio quisque statuatur; nobis in alterutram partem pronuciare consilium non erat. His sane Regibus defunctis, cum stirps regie familiae consumpta esset, quatuor annorum interregnum secutum est. Quo tempore prius quam provincie voluntates in unum aliquem conspirarent, quem Regem creatum reipublice rectorem imponerent: plerique Vasconum scriptores affirmant, re cum Romano Pontifice, nimirum Leone ejus nominis III. cum Francis & Longobardis communicata, ex eorum consilio ea ex illarum gentium legibus delibasse, quæ ad libertatem tuendam, cujus tunc prima cura erat, opportuna fore judicant: ne unquam Reges concessa potestate abuti possent ad oppressionem reipublicæ. Leges scriptæ, quas forum Suprabis vulgo vocant: quarum vis in eo potissimum & summa erat, ut quoniam ditio-nem à Mauris partem ipsi de manu novo Regi tradere cogitarent, ne quid accepta potestate major rei nisi de consilio & voluntate procerum duodecim, qui ea de causâ deligendi erant, decer-

Tom. I.

nere fas esse credcret: neque jus libertatis minueret: & quæ Mauris essent ercepta cum proceribus optima fide divideret. Hæc omnia ut rata essent medium magistratum creari placuit, tribunitiæ potestatis ad instar, vulgo hoc tempore Aragoniæ Iustitia nominatur: qui legibus, auctoritate, & populi studiis armatus, hæcenus regiam potestatem, ne nimia efficeretur, certis finibus inclusam tenuit; ac proceribus præsertim datum, ut fraudi non sit, si quando inter se tuenda libertatis causâ inficio Rege conventus habuerint. His ita constitutis Bigorre seu Bigerrionem in Aquitania parte Comes Enecus Sanctus, à velocitate cognomento Arista, trecentorum procerum suffragio ad regnum vocatus est: atque Pompelone in S. Victoriani juratus jura subditorum, leges, atque libertatem, rempublicam gubernandam suscepit. Illud additur: fecisse subditis potestatem, si datam fidem violasset, Regem externum sive ex Mauris sive ex Christianis in auxilium pacis libertatis evocandi; quod de Mauris quoniam turpitudinem continebat, ferunt à populo repudiatum. Atque hæc quæ verissime memoria propagata esse vulgo homines, sed & doctrina expoliti nonnulli existimant, alii fabulæ similia esse arbitrantur: ac Aristam potius patri in regno successisse statuunt. Quæ enim novarum legum condendarum, novique instituendi magistratus causâ extitit satis idonea? aut qui potuerunt cum Longobardis consilium communicare? quæ gens ante aliquot annos Caroli potentia oppressa extinctaque erat; divinare in re tam dubia non juvat; fortassis enim, quod Semenii primi Suprabis Regis electione factum est, vulgo historici ignoratione temporum ad Aristam, quem primum in his Regibus esse crediderunt, falso ablegarunt. Illud constat Enecum per hæc tempora in Pyrenaei montis jugis regnum tenuisse; uxorem habuit Enecam Gon-salvi Comitis filiam, ex Overensium Regum sanguine. Præterea Teudam duxit Zenonis Cantabriæ Ducis filiam, ut est alio loco indicatum; filium unicum, quo ex conjugio incertum, sed Garfiam tamen Enecum genuit, regni successorem. S. Salvatoris Leirensis monaste-

Hhhh

rium

rium in Pyrenæi jugis constitutum loci religione, ædificii majestate, opimisq; re-
ditibus celeberrimum, Arista opus ef-
se creditur. Nunilonis & Alodiæ virgi-
num corpora non ante multos annos
Bocæ prope Anagarum (Oscæ in Bas-
tanis dicunt alii) pro religione occisurum,
in eo monasterio servantur. Tamen si
Bononia Galliæ Cispinæ urbs eorum si-
bi possessionem arrogat. Arista Regis
diploma refellit, quod in ejus cœnobii
schedis servatur: & locorum vicinitas ubi
interfectæ sunt, huic opinioni suffragatur.
Regni fines Arista Rege prolati, & Vas-
conum planities veteri ditioni adjecta:
cum priores Reges se montibus tenuis-
sent. Pompelo & Alava quoniam tem-
porum injuria ad Mauros redierant,
Arista armis expugnata: unde se Pom-
pelonis Regem dixit, ut vetera Reg-
um diplomata indicio sunt. Quo
tempore Wifredus alterius Wifre-
di filius cognomento Villosus, Bar-
cinonensem comitatum Caroli cogno-
mento Crassi Imperatoris munere factum
hereditarium, retento tantum jure ad se
provocandi obtinuit, anno octingentesi-
mo octogesimo quarto: cum eam urbem
Salomon Cerdaniæ Comes decem & no-
vem annis gubernasset jussu Ludovici se-
cundi Imperatoris propter teneram Wi-
fredi infantis ætatem. Per idem tempus
Garfias Aznariis Aragoniæ Comes de-
functus est; successit ejus filius Semen-
us Garfias. De anno quo Arista obiit auc-
tores variant, neque quid certi sequa-
mur habemus: suspicamur tamen, quod
ratio temporum videtur exigere, Alfonsi
Ovetensis regno, cui Magno cogno-
men-
fuit, esse defunctum anno octingen-
tesimo octogesimo octavo. Successit
Garfias Enecus ætate minor (nam decem

& septem annos natus erat) animi magni-
tudine & rebus bello paceque gestis cui-
vis priorum Regum par. Confirmata is
ætate suscepti regni auctoritatem tueba-
tur, multis victoriis de Christiani nomi-
nis hostibus relatis: quas ut sigillatim re-
censeamus operæ non est, neque insti-
tutæ brevitatis. Uxorem habuit Urra-
cam Fortunii Semenii Aragoniæ Comitis
aut filiam aut sororem: variant enim
scriptores usque eo, ut quidam Fortunii
propinquam scribant filiam Endregoci
(ejus cui Aragoniæ principatum à patruo
præreptum diximus) Galindi neptis fuis-
se; omnino ex eo conjugio Fortunius
& Sanctius cognomento Abarca nati sunt,
tum Sanctiva, quæ Ordonio Legionensi
Regi in senium præcipiti & binis nuptiis
perfuncto tertia uxor accessit, ut est su-
periori libro demonstratum. Ad vallem
Ayuarem (Rodericus Larumbem ait)
in tumultuario conflictu à Mauris pe-
remptus est, dum fines regni proferen-
di & impiæ gentis extirpandæ studio ex-
cursiones in Mauros identidem facit, an-
no nongentesimo quinto, ubi ex schedis
Alvendsibus intelligitur. Successere
deinceps Fortunius, atque Sanctius, quo
Rege ad Juncariam male fuisse pugnatum
sine superiori libri dictum est. Garfias
Eneci Regis sepulturam Leirensē mo-
nasterium sibi arrogat; defendunt D.
Joannis Rupensis sacerdotes, argumento
sepulcri quod eo loci inter alia priorum
Regum busta Eneci Regis inciso nomine
cernitur. Litis dijudicandæ neque facul-
tas erat neque animus; multis locis con-
stituta Regibus cenotaphia, ut in quem-
que benefici extiterunt, opinionum va-
rietati occasionem præbuisse arbitror. De
Vasconum regni initiis pro re præsentis fa-
tis dictum est.

C A P U T I I.

Castella Comites.

VACCLOS fere Romani olim voca-
bant Hispaniæ incolas ea parte cui
Castellæ veteris nomen à nostris inditum
est, Per Carrionem, Pisoricam, He-
vam & Regamonem fluvios descriptæ,
secreteque à Legionensi ditione; altera
ex parte Asturum, Cantabriæ, & Rivo-

giæ fines attingebat; ad Austrum mon-
tes, ubi Segobia & Abula sita sunt,
Mauricum ferme imperium per hæc
tempora finiebant. Ager fertilis fru-
gum, vini generosi ferax, bonus pec-
cori, olei infœcundus magna ex parte:
cælo terraque major aliquanto aquarum
co-

copia, quam in reliqua Hispania; homines mihi magnoque ingenio, minime mali, salubri corpore, venusta facie, patientes laborum. In ea provincia (tameiſi initio univerſum non obtinuerunt) reguli opibus & clientelis præpotentes, Chriſtiane ditionis fines armis & virtute tueri cœperunt, atque indies magis propagare. Comites vocabantur Regum nimirum Ovetenſium permiſſu, in principatus tamen, an in præfecturæ tantum ſignificatione incertum; parendi certe neceſſitas injuncta erat, ſive regni conventus agerentur, ſive alicunde bellum ingrueret. Antiquis temporibus Comitum appellatione provinciarum Præfectos honeſtare moris fuit, annorum numero quibus præeſſe deberent præſinito; conſequenti tempore Regum indulgentia aut imbecillitate, honos ille dum vita maneret cœpiſſet eſſe proprius: demum ad poſteros propagari hæreditatis jure. Antiquitatis veſtigia in Hispania retinentur, cum proceres Hiſpani non prius paterni principatus à parentum obitu nomen uſurpant, neque Ducis, Marchionis, aut Comitis titulos aſcribunt, quam Rege denuo annuente: præter paucas familias, quibus jure privato contra facere à Regibus eſt conſeſſum. Atque cum hæc explorata ſint, tum illud incertum, qua conditione initio Comites, & in quantum tempus Caſtellæ ditionem obtinuerint: niſi quod fidei proximum eſt, eorum principatum eadem initia incrementaque quæ reliquos toto Chriſtiano orbe habuiſſe, quibus neque amplitudine cedit neque admodum vetuſtate. Comitum enim Caſtellæ mentio ſatis vetuſta eſt: atque in eo numero Rodericum primum ponere licet ex antiquis priorum Regum diplomatis, Alſonſi Caſti coætaneum. Nam de annorum numero laborandum non eſt, quem in plerique antiquitatis monumentis viſitum eſſe certa ratione conſtitui. Poſt Rodericum in Caſtellæ Comitibus Jacobum cognomento Porcellum numerant viri antiquitatis Hiſpanicæ eruendæ diligentia eruditioneque præſtantes, Roderici filium; ſic Alveldeſe Chronicon ait. Hic Alſonſi Magni Regis Ovetenſis tempore vixit, quantum ex ſchedis veteribus licet conſpicere. Fi-

ſam nomine Sullam Bellam Nunnio Belchidi connubio junxiſſe traditur. Erat is natione Germanus, & religionis ergo D. Jacobi inviſendi cupidus venerat in Hiſpaniam; ubi rei Chriſtiane promovendæ ſtudio, aſſinitate cum Jacobum Comitem ſibi conciliaſſet, communibus cum eo opibus & auſpiciis Burgos nobiliſſimam Hiſpaniæ & diſtiſſimam urbem fundavit: vicinis pagis, in quos incolæ diſſipati vivebant, in unum civitatis corpus formamque collatis, unde urbi nomen. Burgi enim Germanis pagi ſunt. Erant præter Jacobum Porcellum eodem tempore alii Caſtellæ Comites, nempe provincia in plures partes diſtracta. Ferdinandus Anſurius, Almondar cognomento Albus, atque hujus filius Didacus. Præter ceteros tamen Nunnius Fernandus principem auctoritatis & potentie locum occupabat: uſque eo ut filiam, Garſiæ Ordonii Regis ſratri uxorem dederit, & ipſi Regi; qua ex re, & quoniam Regem Alſonſium cognomento Magnum, ejus Garſiæ patrem armis compulerat abdicare, majores ſpiritus gerebat ſcilicet quam ut æquo animo Ordonius ferret omnis inſolentiæ impatiens. Delatores præterea Regis animum in invidiam inflammabant, quales in principum aulis multi vivunt, nulla propria virtute præſtantes, melioribus tantum proſperendis ad ſumma evadere ſolii: quæ peſſima ars nimirum proſperis multorum ſucceſſibus crevit. His invidiæ ſtimulis percitus Rex Comites evocat: velle ſe ſimulat de republica & ſummis totius regni rebus conſilia cum illis communicare. Locus colloquio delectus oppidum quod Regulare vocabatur, medio inter utramque ditionem ſpatio; die dicta Comites aſſuerunt nullo ſatis idoneo præſidio militari, venturi ſecuri; conſcientia probe geſtorum metum excludebat. Per fidem tamen colloquii Regis juſſu capti, vinculisque conſtricti, atque Legionem amandati ſunt. Ex ea re Caſtellæ urbes & oppida incredibilem animis dolorem conceperunt; auctuſque mœror & deſperatio, cum paucis poſt diebus nuntiatur eſſet Comites impie & crudeliter fuiſſe trucidatos. Novos motus veritus Ordonius, cum ad arma gentem eam conſternatam eſſe videret,

923 dum arma, equos & milites comparat, in ipso belli apparatu Zamoræ ex morbo extinctus est salutis anno non-
 gentesimo vigesimo tertio; in S. Ma-
 riæ Legionensi, quod ille templum de-
 dicandum curavit, uti superius indi-
 cavimus, tumulatus est; iusta exequia-
 rum more regio magnifice facta. Quo
 tempore Sisnando Compostellano Præ-
 sule defuncto Gundesindus successit,
 is qui generis nobilitatem (nam Co-
 mite quodam natus erat) vitæ & mo-
 rum pravitate obscurasse visus est. Gun-
 desindo defuncto Hermigildus suffec-
 tus est, in pari nobilitate haud dif-
 simili vitæ genere ad posteritatem de-

formatus. Ex Belchide & Didaci Por-
 celli filia Sulla Bella, Nunnus Raura
 & Gustus Gonsalvus nati sunt. Nun-
 nus Ferdinandi Gonsalvi Castellæ Comi-
 tis, quem nostrates historiæ laudibus ad
 cælum ferunt ob multas res bello paco-
 que præclare gestas, avus fuit. Ex Gus-
 tio Laræ reguli, quos vulgo historiæ La-
 ræ Infantes vocant, nati sunt. Ita Jaco-
 bi Porcelli sanguis regie familiæ insertus,
 uti loco competenti explicandum est, per
 multas præterea procerum Hispaniæ do-
 mos diductus atque vagatus est, nun-
 quam extincta nepotum sobole usque ad
 nostram ætatem.



C A P U T I I I .

Froila eo nomine secundus.

EXINCTO Ordonio, Froila eo no-
 mine secundus defuncti frater, nul-
 la domi militiæ laude clarus, nullo
 procerum suffragio, neque legibus,
 neque auspicio regnum invasit armis:
 in quibus plerunque jura regnan-
 di sunt. Initus exitus consentanei fue-
 runt; haud diuturnum regnum, nempe
 mensium quatuordecim, dedecore &

turpitudine infame, crudelitate nobile:
 unde illi Crudelis cognomen factum; me-
 tuat multos necesse est quem multi ti-
 ment; præsidium Regum in civium amo-
 re est, exitium in odio. Obmudi viri
 principis filios peremit nulla idonea cau-
 sa; eorum frater Fruminius Legionen-
 sis Præsul solum vertere compulsum est.
 Injicere manus viro sacro religio
 fuit,

fuit, homini cætera neque moderato neque pio. Ex uxore Munia Alfonso, Ordonium & Ramirum genuit, Froilam stupro patrem Pelagii cognomento Diaconus: ejus cui Alfonso (vulgo Aldonfam dicunt) Veremundi Regis cognomento Podagrici neptis olim nupsit. Legione sepultus est, lepræ morbo ex quo obit non magis deformis, quam totius vitæ ignavia & Castellæ alienatione. Indigna Comitum cædes ab Ordonio Rege perpetrata provincie voluntate exacerbabat. Is dolor novis injuriis cumulabatur, cum Legionenses judices juris repetendi causâ adire necesse erat, aut generales regni conventus agebantur; quod animis ergo agitabant, neque expedire promptum erat, defectionis maturandæ ex Froilæ Regis ignavia opportuna occasio suppeditata est; palam Regum imperium repudiaturum. Republicæ constituendæ moderandæque causâ ex universâ nobilitate duo proceres electi, penes quos bello paceque rerum arbitrium esset, vitæ necisque potestas. Judicum nomen est datum, alia principatus nomina repudiata: ne speciosæ appellationis prætextu, concessa potestate ad opprimendam libertatem abuterentur. Nunnii Rasura & Lainus Calvus judices creati, par hominum ea tempestate longe nobilissimum & potentissimum. Lainus ætate junior erat. Nunnii filium Nunniam Bellam sibi toro junxerat; vigor animi ætati consentaneus; rem militarem curare jussus. Nunnio quem ex multo rerum usu & magnarum rerum tractatione collectâ prudentia commendabat, reipublicæ gubernandæ cura imposita est, concedente collega; jura populis plerumque solus dabat Burgis, ubi multi esse consueverunt, urbe

primaria, sed & aliis tota provincia operidis. Octo ad Medinam Pomariam milibus passuum oppidum exat Bijudicum nomine, & in eo tribunal vetusti operis: unde incolæ ducta per manus opinione persuadent, ab his judicibus leges promulgatas esse, juraque data disceptantibus: ex vetusto scilicet judicum libro, in quem veteres Castellæ leges collatæ erant, & cujus frequens mentio reperitur in schedis & monumentis hujus ætatis: tenuitque tandiu, donec ab Alfonso, cui Sapienti cognomen fuit, antiquatus est, novo legum volumine promulgato, quod in septem partes tribuitur. Hi judices quanto tempore vixerunt, exploratum non est: ac ne res quidem eorum satis explicatæ, memoriæ prodite sunt. Ex utriusque certe genere nobilissimi & fortissimi viri procreati; nam Lainus Calvus Roderici cognomento Cidi avus quintus fuit. Nunnii Rasura filius Gonsalvus Nunnii paternum magistratum gessit, non minori gloria quam pater. Erat enim ingenio facili, morum suavitate atque actionum omnium elegantia singulari. Ad hæc nobilium liberos in aula sua educandos instituentisque suscepit: magnorum id virorum bello paceque seminarium. Ipse ex ea liberalitate curaque magnam à provincialibus gratiam inivit. Semenam uxorem habuit, Nunnii Ferdinandi Comitis filiam, ejus qui ab Ordonio Rege inter alios Castellæ Comites peremptus est. Ex eo conjugio Ferdinandus Gonsalvus natus est, virtutum gloria & in summa varietate fortunæ præcipua constantia cuivis præcorum heroum æqualis. Verum de Ferdinando mox; ad Reges sese convertat oratio.

CAPUT IV.

Sanctius Abarca Vasconum Rex.

MULTIS commentis Vasconum historiam sædatam esse nemo mediocri antiquitatis cognitione poterit ignorare; ejus enim gentis historici pervulgato affectui indulsisse mihi videntur, narrationem illustrandi portentosis rerum

Tom. I.

incredibilium mendaciis. Unde historia, cujus potissima virtus est veritas, iis libris per similes evasit, qui ab otiosis hominibus in juventutis gratiam ex fabulis, nugisque compositi passim circumferuntur; quod cum in reliqua historia cer-

liii

cer-

cernitur, tum per hæc tempora maxime: cum Garfia Eneco Vasconum Rege, ut paulo superius dictum est, à Mauris in conflictu trucidato, fingunt eundem casum uxorem Urracam pertulisse, sive eodem tempore, sive diverso: ut mirari magis possis discrepare auctores in mendacio, quam quid veri sit discernere. Convenit tamen Sanctium quemdam Guevaram, cum explorandi causa supervenisset, infantem è Regina mortuæ utero, per vulnus quod acceperat, brachium effluentem vitæ argumentis, extractum exenterata matre, clam domi suæ ad justam ætatem aluisse: quo res occultior esset (nam nescio quas larvas formidabat) cultu rusticano, pro calceis perones gestasse, quos vulgo Abarcas dicimus: inde illi Abarcæ cognomen factum, Guevaris Latronum nomen, quod latenter Regem aluissent. Demum elapso decem & novem annorum interregno, in eo habitu ad conventum, ubi de Rege deligendo suscepta deliberatio erat, deductum: & cum fides esset facta, Regem renunciatum cunctorum ordinum promptissima voluntate, latissimo omine: ex tantis periculis unde servatus erat, reputantium initiis exitus haud dissimulantes fore. Verum hæc quæ speciose dicta sunt, plerique repudiant majori prudentia & eruditione viri: neque antiquitatis monumenta consentiunt, neque ratio temporis patitur, post cædem patris Sanctium Abarcam esse natum: quando Alfonso & Ramirum Legionenses Reges ætate proximos generos habuit. Ac potius credam provecta jam ætate virum, à patris morte regnum suscepisse: tamen si ex schedis Leirensis monasterii Fortunium Sanctii fratrem, natu majorem aliquandiu imperium tenuisse ante ipsum confirmant ejus monasterii fodales, vero an falso haud facile dixerim: sed contendunt tamen regio cultu abjecto, in eo monasterio (pertasum videlicet erat rerum humanarum) vestem mutasse. Sane Sanc-

tius ex uxore Teuda, Garfiam Sanctium majorem, & post eum Ramirum, Gonsalvum; Ferdinandum genuit: filias quinque Urracam, Therasiam, Mariam, Sanctiam & Blancam (quam nonnulli nupsisse affirmant Nunio Cantabrie regulo: alii resellunt, nominis conjectura, quod nullus per hæc tempora eo nomine ejus provincie principatum tenuit). Neque magis numerosa prole felix fuit, quam bellica gloria clarus: Sanctii enim armis, quæcunque temporum injuria, in Suprarbe, & Ripagorsâ amissa erant, Mauris erepta sunt; quin veteris ditiones fines vehementer amplificati, Cantabrie principatu adjecto, secundum Iberi ripam, flexumque usque ad ejus ortum, Aucæque montes: versus Ocasum usque ad Tudelam, Oscanque. Ipsam adeo Cæsaraugustam victoriam cursu penetrasse indicio est arx prope Cæsaraugustam urbem Sanctii Abarcæ nomine; neque contentus Hispaniæ finibus, transiens Pyrenæi jugis, eam Vasconum partem sub jugum misit, quæ in Galliæ latere eorum Regum imperium longo tempore agnovit. Hoc bello Regem implicitum Mauri propter anni tempus hibernum existimantes auxilio haudquaquam venturum, Pompelonem obsederunt. Sanctius periculo nunciato milites peronibus contra frigoris injuriam munitos, montes traduxit. Inde vero Abarcæ cognomen factum; quod in Caligulæ & Caracallæ Imperatorum nominibus non absimili causâ contigisse exploratum est. Facile fuit ei qui naturam vicisset, hostes prælio, ut fecit, superare: victosque compellere ut obsidionem solverent. His omnibus bellis profligandis Centulli Ducis virtus unius maxime celebratur. Sanctii Regis clarissimum nomen evaserat, nisi partam gloriam converso in Castellam bello contaminare magna ex parte voluisset: quod illi malo fuit, ut paulo post demonstrabitur.



C A P U T V.

Alfonfus & Ramirus Legionenses Reges.

504 **A**LPHONSUS eo nomine quartus cognomento Monachus regnum injuria à Froila interceptum post ejus obitum recepit, anno nongentesimo vigesimo quarto. Tamen Froila filium Alphonsum fuisse Tudenſis eſt auctor; reſiſtunt aſi majori diligentia & auctoritate, confirmantque Ordonio. potius eo nomine ſecundo fuiſſe ganitum. Hoc Rege Joannes Toletanus Præſul: Weſtremiri & Boniti ſucceſſor, illuſtre exemplum veteris ſanctitatis deceſſit, anno nongentesimo vigesimo ſexto. In deſuncti locum nullus alius ſubrogatus eſt, barbaris ſcilicet vetantibus aliquem præfici, qui in ea temporum ſece rem Chriſtianam inclinam ſuſtenteret. Curioni tantum D. Juſta cæteri ſacerdotes pacis & concordie ſanciendæ ſtudio primas Toleti deſerebant: ejusque juiſſis. obtemperare moris erat. Quo tempore Ferdinandi Gonſalvi Comitis Caſtellæ illuſtris fama erat. Comitibus honore cum pater Judicis tantum magiſtratu functus fuerit, an Regum beneficio auctus ſit incertum: an quod magis videtur, ſubditorum, voluntate excellentes, tanti viri

virtutes admirantium, æquitatem, manſuetudinem, religionis ſtadium, magnum in re militari uſum. Quo virtutum præſidio non modo veteres ditionis fines tutatus eſt, ſed etiam Legionenſium Regum ditionem ultra Piloricam fluvium coercuit: Mauris urbes & oppida eripuit. Vaſconum inſolentiam Regis Sanctii Abarcæ cæde multavit; cum enim populandi Caſtellæ fines modus non eſſet, & legatos damna repoſcentes acerbo reſponſo violasse viſus eſſet, minis adjunctis, quibus belli denunciatio continebatur: Comes omnis inſolentiae impatiens in Vaſconum ditionem populabundus invaſit. Ad Gollandam oppidum utrinque vires & copiae collatae; multis cadentibus à neutra parte victoria ſtabat; ad ſingulare Ducum certamen ex provocacione ventum: haſtis concurrebat; ambo ex equis ad terram proſtrati: Rex lethali vulnere accepto; Comes graviter ſauciatus, ſed citra vitæ periculum. Ex ea ro Caſtellæ militibus animus auctus, brevisque victoria parata. Ruſi, fugatique Vaſcones à Tolofæ Comite qui auxilio ſuperveniebat,

niebat, in aciem revocati. Rursus prælium redintegratum; idem successus fuit. Comes cum Comite singulari certamine pugnavit. Tolosano caso in ea dimicatione, victi prorsus, & fugati sunt Vascones. Regis & Comitum corpora Ferdinando concedente, à suis in patriam relata funeris honore non caruerunt. Sanctii Abarcæ sepultura Rupenses D. Joannis, & Leirenses D. Salvatoris Monachi gloriantur.

Litem dijudicare nostri instituti non est; existimo tamen Sanctium Abarcam sub initia Alfonsi Regis extinctum salutus anno nongentesimo vigesimo sexto: cum viginti totos annos regnasset. Successit in regno Garfias Sanctius ejus filius: quem invenio Regem se Pompelonis & Anagari dixisse; regnavit annis quadraginta; uxor Therasia. Hæc in Vasconibus.



Alfonsus autem moribus Froilæ quam patri similior fuit, nulla virtus, nulla dignitas, nulla bello subacta & ad ditionem adjuncta provincia: prorsus ut gentis invidia flagraret & rerum gerendarum mole oppressus patri Ramiro, cum Zamoram evocatus esset, regnum de manu tradiderit anno nongentesimo trigesimo primo, cum annis sex & mensibus totidem regnasset, vitam principalem mutare certus, cum privata atque monastica; in S. Facundi monasterio, quod ad Cææ fluminis ripam cernitur, in Monachi cucullati morem detonsus est, otii cupidior, quam pietatis, uti eventus declaravit: nulla neque decoris cura, neque Ordonii filii, quem ex Urraca Semena Sanctii Abarcæ scilicet Vasconum Regis filia genitum, in tenera ætate præsidio destitutum, opportunum injuriæ relinquebat. Urra-

cæ soror Therasia Ramiro novo Regi connubio juncta fuit: unde Veremundus, Ordonius, Sanctius & Elvira nati. Ramirus regni cura suscepta, Mauricum continuo bellum repetiit. Intelligebat vir prudens nulla re studia gentis parari, & divinam benevolentiam promereri magis quam Christiani nominis hostibus vindicandis. In ipso armorum apparatu Alfonsi levitas præclaros conatus repressit, temere susceptum vitæ genus pari inconstantia repudians. Legionem arma conversa. Alfonsus diu intra urbem eam obsessus, fame & rerum omnium inopia victus, necessario deditionem fecit, dedito vincula injecta, custodiæque intra eandem urbem locus designatus. Nihil præterea tum quidem atrocius decretum: nam Froilæ Regis eo nomine secundi filii in Asturibus tumultuantes, eo necessario,

fario vocabant; tumultuandi causa præferebatur non una Ducibus & genti. Froila filii conquerebantur à Rege fuisse contemptos; cum ad comitia regni vocati non essent, ea quibus Alfonso sponte regno abierat. Alturum arma incenso in Alfonso studio mota erant, quo tempore regni recuperandi consilia agitabat. Ea res quoniam ad multos pertinebat, supplicii magis metu, quam cupiditate aut successus spe Froilæ filios sequebantur; mitti tamen ad Ramirum legatos placuit, paratos se imperata facere renunciantes, urbibus atque oppidis recipere, rebus omnibus juvare: modo induceret in animum, sine exercitu, sine maleficio venire; id placati animi fore indicium. Ille fraudem subesse ratus, siue minus ex regia dignitate fore cogitans, à subditis leges ut accipiant dici, cum validis copiis irrupit, belloque hostes domuit. multitudo conservata; de fontibus poenæ sumptæ. Froilæ filii cum in potestatem venissent, luminibus orbiati sunt. Idem supplicium Alfonso Regis frater pertulit. Non procul Legione urbe, monasterium D. Juliani nomine exstabat hujus Ramiri impensa extructum; in eo monasterio usque ad vitæ exitum aservati, atque post mortem sepulti sunt, tum hi omnes, tum Semena Alfonso uxor. Magni motus, quorum expectatione suspensi erant provincialium animi, faciliorem opinione exitum habuerunt. Mox arma uti fuerat ante propositum, in Mauros revocata. In Carpetenos impetus factus. Madritum eo tractu princeps municipium vi captum, direptum, incensum; moenia everfa. Interea Mauri vindictæ cupiditate inflammati, magnis undique collectis copiis, in Christianorum fines irruerunt: ac primum in Castellæ agros invadunt. Comes ex superiori bello viribus debilitatus, & rei Christianæ ignominia provocatus, Ramirum obsecrat missa legatione, ne quam contumeliam remanere in republica Christiana, neve barbaros inultos abire patiatur; se in Regem socerum arma necessario sumpsisse, variam & commutabilem belli fortunam esse. Debere eum reipublicæ injuriam, si qua esset violatus, condonare; beneficii memoriam nunquam se animo deposi-

Tom. I.

turum. Commune periculum regium animum flexit. Affuit continuo Ramirus operæ novandæ studio. Ad Uxam prælio dimicatum; barbari magno numero caesi; reliqui in fugam acti; milites Christiani auro, argento, & veste pretiosa onusti domos abierunt. Ex hoc tempore quidam suspicantur, Castellæ Comites rursus in fidem atque clientelam Legionensium Regum concessisse; qui enim ajunt, Rex decori tenax arma contulisset, veteresque & recentes injurias condonasset, nisi jure pristino recepto? Subsecuta est nova in Mauros expeditio. Ramirus opprimendi Mauros studio ardens, Calaragustam duxit: ubi Abenaja regulus infirmis viribus Abderrahmani Cordubæ Regis beneficiarius principatum obtinebat; expeditionis socius Ferdinandus Comes erat. Maurus utriusque Principis armis veritus ut par esset, Ramiri Regis se vestigalem constituit, Eo fœdere redempta ab hoste pax esset, ab armisque discessum. Barbaris fides ex fortuna pendet. Itaque nostrorum discessu, simul Abderrahmani metu, quem expedire arma nunciatum erat, novo inter utrumque Principem Maurum fœdere factò, in Christianorum fines invaditur. Ad Septimancas usque penetratum est; ægerime ferebant Mauri Christianos victis leges imponere, à quibus ante acceperant. Rex continuo obviam barbaris factus. Prælio insigni, & quo ea ætate nullum majus extitit, dimicatum; caesi barbari triginta millia; (alii septuaginta ajunt) multa spolia relata; magnus captivorum numerus; ipse Abenaja regulus captus. Abderrahmanus cum viginti equitibus fugæ beneficio evasit; temere effusæque fugientes Mauros Ferdinandus Comes excepit: neque enim prælio interfuit, qua de causâ incertum, sed fugientes tamen non minori clade multavit. Documento est diploma ea de causâ S. Emiliani monasterio, quod ad Aucæ montem situm est, & olim S. Felicis nomine vocabatur, à Ferdinando concessum, accepti beneficii partæque victoriæ monumentum. Eo diplomate pleraque Castellæ oppida & urbes singulo quoque anno iussa sunt, boves, triticum, vinum, lineam vestem pro cujusque agri proventu, in ejus monasterii usum pendere ex vo-

Kkk

to,

to, quod Comes ad bellum proficiscens nuncuparat; unde præterea intelligitur, ex Cantabrie parte, ea cui Alavæ nomen est, auxilia Regi affuisse. Geminos angelos equis candidis vestos, in prima acie curasse, atque eorum ope victoriam constitisse publice persuasum: quod neque contingere, neque fingi, nisi clarissimis victoris solet, qualis illi fuit; summus Maurorum Antistes (Alfiquinum ipsi vocant) in Comitis Ferdinandi potestatem est redactus. Ex magnâ formidine respirasse provincia visâ est, quam incusserat Maurorum apparatus belli, sed & prodigia in calo visâ. Nam eodeni quo pugnatum est anno, ejus sæculi trigésimo quarto (alii quatuor annos adjiciunt) Regibus Ramiro Legionis, Garzia Sanctio Pompelonis, deliquium Solis decimoquarto (decimoquinto malle) Kalendas Augusti, feria sexta, hora integra, secunda post meridiem, densa caligine terras involvit. Idibus Octobris, feria quarta, Solis lumen pallido colore est mutatum; hiatus in celo visus; stellæ inusitata specie ad Austri plagam cadentes; exusta terræ occulta siderum vi; aliæque numinis iracundiam portendentia. Hæc Ferdinandi Comitis diploma ait; alii ipso quo pugnatum est die defecisse Solem confirmant, octavo Idus Augusti, Justî & Pastoris festo die, qui dies Lunæ fuit. Ex his sine rebus anxie mortalium mentes, hostium cladem portendi post factum intellexere; eo publica lætitia major formidine procurata. Myro interea decesserat Comes Barcinonensis; tres filios reliquit ætate minori, Seniosfredum successorem, Olivam cognomento Cabretam, cui Besaluni & Ceretaniæ principatus datus est, Myronem annis consequentibus Gerundæ Episcopum Comitemque; rerum procuratio propter novi Principis ætatem penes Seniosfredum ejus patrum Urgeliæ Comitem diu fuit: qui gradus extitit posteris principatus occupandi. Omnino Seniosfredo patruo reipublicam gubernante, anno nongentesimo quadragesimo, conventus Episcoporum est habitus ad oppidum, cui Fonti cooperto nomen est, in agro Narbonensi. In eo conventu controversia inter Episcopos Antigifum Urgelitanum, & Adolphum Pallariensem agitata de fi-

nibus; ac vero de tota ditione Pallariensis, quam ad Urgelitanos Præsules pertinere Antigifus disputabat. Patrum sententia, Adolpho mortuo sancitum, uti Pallaria urbs ab Urgelitano Præsule sacra peteret: quod certissimis documentis probabatur olim in usu fuisse. Actionum Præsides Arnustus Narbonensis, Tarracone à Mauris occupata: cujus Præsulis partes fuissent controversias inter vicinos Episcopos componere, juraque iis populis dicere. Seniosfredo Barcinonensi Comite defuncto, nulla ex se prole relicta, tamen uxorem habuerat Mariam Sancti Abarcæ Vasconum Regis filiam, Borellus Urgeliæ Comes, Seniosfredi alterius filius Barcinonensem principatum armis injuriaque occupavit. Nam si jure cur Oliva defuncti frater exclusus? Borello Armengaudus frater fuit, sanctitatis opinione præcipua: eoque merito caelestium numero adscriptus, dicatusque templis. Verum hæc aliquanto post. Ramirus Rex ætatis flexu, ad pacis artes & religionis cultum conversus, ex Maurici belli manubiis Virginum cœnobium Legionem constituit Salvatoris nomine: ubi Elviram filiam unicam, virginem sacrari ex ritu Christiano curavit; alterum monasterium Andree nomine; tertium Christophori ad Cæ ripam; ad Durium quartum Mari Virgini sacrum; aliud denique in Ornenfi valle S. Michaeli Archangelo. His rebus occupatum Regem novi aque intestini motus ad arma revocarunt. Ferdinandus Gonsalvus & Jacobus Nunnus viri principes, novarum rerum studio, an aliqua injuria abs Rege violati, ab ejus auctoritate defecerunt; parum præsidii in factione erat. Mauri evocati Accipha Duce, quem Tormes interfuit Salmantica agrum vastant. Alia in parte Roderici armis (quem conjuratis adhæsisse arbitror) Amaie fines & pars Asturum vexabantur. Non satis constabat cui primum malo occurrendum esset; in incipiti periculo vicit sententia Mauros, quoniam publice hostes erant, bello persequendos esse. Ii finibus rejecti cum magna suorum strage. Præterea seditionis auctores in potestatem venerunt: haud multo tamen post è vinculis, quibus Legionem conficti asservabantur, sine alia mulcta dimissi: tantum sacramento adacti denuo in

in Regis verba, levioris noxæ argum-
tum, an regie in victoria modestiæ sin-
gularis. Eo bello confecto Asturum
motus ultro confedisse arbitror: præser-
tim cum Regis clementia ad sanitatem
invitaret. Castellæ Comes Ferdinandus
ex Urraca uxore filium Urracam genu-
erat; magni referebat ad felicem rei Chris-
tianæ cursum, sedes inter utramque
nationem inviolatum stare; neque id
Ramirus ignorabat; pacis ergo firmandæ
studio, Ordonio filio, quem regni suc-
cessorem designabat, Urracam conu-
bio jungendam curavit haud invito ejus
patre, sub vitæ finem nova expeditione
lusccepta, Talaveram usque in Carpetan-
is penetravit. Maurorum copiis ob-
sessis opitulatum advenientes prælio vi-
cit; hostium duodecim millia cæsa; sep-
tem in servitutem redacta. Ex ea victo-
ria cum se satis ad auctoritatem nominis
tuendam, quæ cum ætate consensescere
consuevit, profecisse judicaret, exerci-
tum spoliis Mauricis locupletatum redy-

xit in patriam. Ipse religionis ergo O-
vetum profectus, propter ejus urbis
sanctitatem corpora sanctorum, quæ
multa erant veneratum, locis natura gra-
vibus lethali morbo concepto, cum Le-
gionem reductus esset, rebus domesti-
cis compositis, abdicato regno, filioque
de manu tradito, poenitentia & Euch-
ristia ex Christiano ritu ab Episcopis &
Abbatibus, qui animam agenti aderant,
procuratus supremum diem obiit, anno
nongentesimo quinquagesimo, quinto
Januarii die; regnavit annos decem & no-
vem, menses duos, dies quinque & vi-
ginti; funus in Salvatoris cœnobium,
quod ipse construxerat est illatum. Fuit
hic annus insignis multis oppidis aut re-
cens constitutis, aut denuo instauratis,
Uxama, Roa, Riassa, Clunia in Areva-
cis, (quæ nunc Corugnia dicitur.) Se-
pulveda constitucrat locis munitis Fer-
dinandus Gonsalvus Castellæ Comes, cu-
jus maxime virtute res nostræ ea tempe-
state nitebantur.



CAPUT VI.

Ordonius Legionis Rex eo nomine tertius.

RAMIRO vita functo Ordonius filius
eo nomine tertius Legionis impe-

rius adeptus est: magno vir animo, ma-
gna rei militaris scientia, domi pruden-

tia singulari; vitæ brevitæ, nam quinque annis tantum & mensibus septem regnavit, & domestica calamitas effecit, ne diu præstare posset qualem promiserat Regem. Sub initia enim Sanctius frater regnandi ambitione corruptus, aut quod vero propius est, injuria aliqua provocatus, Garfæ Sanctii avunculi Regis Vascorum, sed & Ferdinandi Castellæ Comitæ arma, quos præfens adiit, in Ordonii exitium concitavit nullo fraternæ caritatis sensu; imperandi cupiditas, dolor injuriæ, utrinque impotens malum; In Legionensis regni fines, junctis Vasconum & Castellæ copiis impetus factus. Ordonius regni statu nondum firmato, neque in intestina discordia suorum voluntati confusus, locis natura aut arte munitis se tenere constituit, neque totius dimicationis copiam facere; hostes ardore cum quo venerant sedato: & aliena spe suo periculo tandiu arma gerere stultum judicantes, haud magno operapretio redierunt in patriam. Ordonius Comitæ ulciscendi studio, qui nullo propinquitatis respectu cum fratre & avunculo in suam perniciem arma sociafferat, continuo Uraca Comitæ filia repudiata, Elviram duxit (sic erant mores ejus ætatis) unde Veremundus natus est, is cui ex aliquanto annorum intervallo, rebus mutatis regnum paternum obvenit. Calæcorum motus, Sanctii videlicet studio concitati, Ordonii armis & diligentia brevi pacati; & quo majus operapretium esset, in eam Lusitanie partem, quæ Maurorum imperio parebat, immittæ copias militares; longe lateque populationes factæ. Olisiponem ulque penetratum; inde in patriam reditum. Interea Ferdinandus Castellæ Comes in Maurorum fines inventus, Carranum castrum Maurico præsidio depulso occupavit. Abderrahmanus Cordubæ Rex, quamvis ætate inclinata, omnis insolentia impatiens ingenti exercitu conflato, in quo octoginta millia homines numerabantur, Alhagibo Almanfiori magni nominis Duci mandat, in Christianorum ditionem magno impetu invadere. Comes ex universo imperio omnes, quorum ætas idonea erat, ad bellum convocat: & cum minores vires copiarumque essent quam pro imminente periculo, anxius de belli exitu,

in concilio procerum Munione (id oppido nomen est) de rei summa deliberat. Variæ dictæ sententiæ: uti in gravi metu quisque fere pro moribus loquitur. Pars in qua plus audaciæ inerat, bellum geri volebat: pars comæatu in loca munita collato sustinere, dum barbarorum vires, qui impetu valent, mora confecerent. Gonsalvus Diacius inducias etiam à Mauris pretio redimendas disputabat nulla honestatis, quam metus non recipit, cura. „ Quid, inquit, an tantis copiis & tam exercitis exiguum nostrorum numerum obijciemus, temeritateque in certum exitum ruemus? an non sentis in unius prælii eventu discrimen rei Christianæ verti? „ Nimirum in tua ditione bellum geritur; si vicerimus parum utilitatis accedet: si victi erimus provinciam viribus nudatam, metu oppressam in hostium venire potestatem, quod horret animus, necesse erit. Vide ne turpe sit urbes & oppida tot seculis & tam multo Christianorum sanguine parta, uno puncto unoque momento amittere: „ quod posterius non virtutem, sed temeritatem interpretentur; ut fere audacia consilia ex eventu famam habent. Atque illud considera, majoris sæpe virtutis esse animum ratione compefcere, quam hostes ferro superare. In hoc magnam sibi partem fortuna vendicat, illud magnorum virorum præcipuum munus est. Quid vero magis temerarium quam sacra, patriam, uxores, liberos, penates inani laudis cupiditate in apertum & maximum periculum vocari? Tu quod fert animus id facito, etiam ego nullum salutis periculum tuo jussu subire recusabo: meo tamen consilio nunquam cum tanto reipublicæ discrimine totius certaminis aleam subibis. Comes haudquam ignorabat eam orationem ex ore Gonsalvi à multis missam; vicit tamen laudis studium. Itaque cum de suorum virtute, de divino præsidio, de gloria parta, cui maculam iniuri morte ipsa gravius arbitrabatur, longa oratione disputasset, reliqui aut vero aut simulate sententiam laudarent: votis rite nuncupatis obviam hosti Larum usque progessum, ubi Maurorum castra erant. *Eo*

loco

loco Ferdinandus Comes animi causa venatum egressus, dum aprum insequitur à focis divulsus est. In vicino monte sacellum operis vetusti erat hedera contectum: & Petri Apostoli nomine erecta ara. Vir sanctus Pelagius nomine, & focii duo, vitæ tranquillioris genus confectantes locum domicilio delegerant; ascensus difficilis erat, arcta via; terra tanquam ad asylum in sacellum se recepit. Comes loci religione tactus à vulnere quidem abstinuit, nixusque genibus Dei operem venerabundus implorabat. Præsto adest Pelagius: & quoniam dies in noctem inclinabat, tenui cœna exceptus, in precationibus & lacrymis noctem transigit. Cum luce Pelagii oraculo de belli successu edoctus hilaris ad suos redit, de ipsius salute sollicitos; re omni exposita, incallescunt militum animi ad pugnam, qui timore suspensi fuerant. Collatis mox vexillis dimicatur, ab exiguo Christianorum numero numerosa hostium multitudo prostrata est. Dux cum iis qui ex clade evadere potuerunt, fugæ beneficio servatus. Ea victoria res Christiana, quæ inclinata esse videbatur, restituta est; nostri læti & hostium spoliis onusti domos redierunt. Pelagio viro sancto prædæ pars cessit: & procedente tempore Ferdinandi impensa, ad ripam Aflanciæ fluminis monasterium magnificum è bellorum manubiis excitatum S. Petri nomine: ubi Gonsalvi patris ossa tumulata sunt; cui monasterio Pelagii sacellum in vicina rupe eminens conjunctumque, nostra etiam ætate monstratur. Vincentii Martyris corpus dempto tantum capite, atque Sabina & Christetæ Vincentii fororum habere se ejus cœnobii Benedictini monachi glo-

riantur: alii eam possessionem ad alios ablegant. Garisæ certe quondam ejus monasterii Abbatis, quem in sanctorum numero reponunt, sepulcrum eo loci monstratur. Mauri post superiorem cladem haudquaquam animis fracti, denuo de Castella cogitabant. Et Ordonius Rex Lusitanica expeditione defunctus, & vindictæ studio ardens, bellum in Ferdinandum Comitem comparabat. Magno in periculo res erat. Verum Ordonii animus ut erat ad modestiam compositus, legatione Comitis facile mitigatus est, omnibus precibus veniam deprecantis: quæ secisset non sua quidem sponte, sed eorum potius fraude perpetrata, qui ipsius facilitate abusi essent; paratum se imperata facere: novisque officiis præteritam offensam compensare. Ingentes Maurorum copias in Christianorum perniciem comparari; debere eum privatis affectibus atque dolori communem nominis Christiani causam potius habere. Ea legatione non Rex conciliatus modo, sed tantum copiarum adjunctum, quanto opus erat ad Maurorum impetum, qui ad Sancti Stephani oppidum non sine maleficio processerant, propulsandum; pugnae eventus nostris prosper fuit: magna barbarorum strages. Ordonius Rex tantæ victoriæ nuncio lætus bonaque spe plenus, novam in Maurorum expeditionem adornabat, cum Zamoræ morbo lethali oppressus est anno nongentesimo quinquagesimo quinto. Corpus Legionis ad D. Salvatoris, ubi pater tumultus erat, in sepulcrum illatum regio funere atque apparatu.

911



C A P U T V I I

Sanctius cognomento Crassus Legionensis Rex.

ORDONIO superflite, ubi gentium Sanctius frater fuerit, & an ullam reipublicæ partem attigerit incertum est: ac ne illud quidem constat, fuerint inter fratres reconciliata gratia, an perpetuo inimicitia viguerit; pudenda scriptorum hujus ætatis incuria, luce sæpe destituatur historia necesse est. Convenit, defuncto Ordonio Sanctium nullo impediante Legionis imperium suscepisse. Crassi cognomento à multo abdomine factum; corpore erat rebus gerendis inutili, ingenio minime malo, præstanti animi indole, & rebus adversis admirabili constantia. Altero regni anno, qui fuit ejus sæculi quinquagesimus sextus, alienato exercitu atque tumultuanti ob studia partium nondum penitus restincta, ad avunculum Regem Vasconum confugere compulsus est, regnumque relinquere suspensis incertisque amicorum voluntatibus, multis inimicis: quorum studia in Ordonium propensa erant ejus Alfonsi filium, cui Monacho cognomen fuit. Sanctii discessu Ordonius facile

regno potitus est: & quo major esset auctoritas, Urracam ab Ordonio patruelli repudiatam patre Comite concedente uxorem duxit. Erat ingenio malo pravoque: unde illi Mali cognomen; & cum impotenti naturæ frenos daret, quod semper in summa potestate exitiale fuit, odium gentis & ex invidia contemptum incurrit. Oblatam ex ea re occasionem regni recuperandi non despiciebat Sanctius: prius tamen corporis extenuandi causa avunculi Regis consilio profectus est Cordubam: ubi excellentes medicos esse, ac nominatim ejus morbi sanandi peritos fama vulgaverat. Venientem Abderrahmanus benigne accepit; cura adhibita, cujusdam herbæ (nomen non proditur) virtute, extenuata arvina corpus ad competentem habitum perductum est. Quo major esset gratia, valida Maurorum auxilia, ut in regnum restitueretur adjuncta. Gloriosum Regi barbaro erat rerum pace & bello arbitrium esse videri. Sanctii adventu, amulus ne tentata quidem defensione in Astu-

res

res fugit (tantus repente Ordonium timor invasit) inde pari desperatione ad socerum Comitis diitionem. Miseros omnium studia destituunt; in quo praesidium esse debuit, ab eo propter ignaviam exosus uxore ablata finibus Castellae pulsus est. In Maurorum ille clientelam concedens, egenus & profugus turpem vitam exegit: ac prope Cordubam demum extinctus est. Eodem tempore Castellae arma mota sunt, intestinique tumultus exiterunt. Vigila ex alterius Vigilae nepotibus, quem Alaya principatum tenuisse dictum est, iis locis atque in finitima Castellae parte late dominabatur. Is aetate ferox, familia, opibus & multis clientelis potens, in Castellae Comitem Ferdinandum Gonsalvum arma sumpsit. Comes nri erat omnis insolentiae impariens, Vigilam & socios victos, omnibusque vestigiis infsecutus, ac nullo loco consistere linens, patria relicta ad Mauros confugere compulsi; quae res magnorum motuum occasio extitit. Alhagibus Almanfor, an horum precibus provocatus, an praeterita ignominiae sanandae cupiditate ardens, magno comparato exercitu in Castellae fines excurrit, formidabilis aequae ac insensu nomini Christiano. Ferdinandus delectu suorum habito, Pelagii invicendi cupidus, ex itinere ejus domicilium adiit; decessisse invenit; sollicito de belli eventu ac dormienti Pelagii oblata species indicat victorem fore; numine fretus progrediretur ad bellum venturi securus, praelio, primo quoque tempore decerneret. Ad Petram Hitam concursum est tanto animorum ardore, quanto nusquam ante; barbari multitudine confidebant; nostri caussa, virtute, animis, & divino patrocinio; exigui numerus pro hostium multitudine: quadringenti quinquaginta equites, pedites quindecim milia; virida bello virus; triduo continenter pugnatum memorant; nisi quantum nox temporis curandis corporibus dedit; postremo die D. Jacobus in acie visus victoriam peperit. Hostes majorem quam unquam clade oppressi in pugna & in fuga: biduo enim fugientes persecuti sunt nostri. Hoc bello profligato ex universa Castellae legati principes civitatum, sed & externarum gentium gratulatum

Comiti pro divino munere venerunt, unius virtute contentium periculo in praesens, in futurum metu magno & gravissimo rem Christianam ereptam. Legionis Rex Sanctius nobilissima legatione missa, secundum gratulationem postulabat, ut quoniam ex universo regno concilium evocare cogitaret de maximis rebus, venire Legionem ne recusaret. Grave id Comiti postulatum visum est, in officii simulatione insidias verito, ne per fidem conventus ab astuto Rege circumveniretur injuriarum memori; nulla tamen detrectandi imperii honesta causa sese ostendebat; venturum dixit; affuit die dicta, magno procerum comitatu prosequente. Rex ipse honoris causa venienti obviam progressus est. Conventus habitus est anno nongentesimo quinquagesimo octavo. In eo quid fuerit constitutum clam est; tantum memorant generosum equum & accipirem pari nobilitate, Regi expectanti cum dono accipere noluisse, ingenti pretio abs Comite fuisse venditos; adjecta lege, ut nisi ad certum diem optima fide appensum esset, singulo quoque die summa usuris conduplicaretur. Praeterea Therasiae viduae Reginae astu, cum patris ulciscendi cupiditate astuaret, Sanctia ejus soror Comiti pacta est. Uraca Comitis uxor defuncta erat: Sanctia apud Gasiam fratrem Vasconum Regem; vi parum processurum sperabant: Sanctius fidem aperte fallere recusabat; insidias Comiti tendere, & Vasconum perfidia pro armis uti parant. Foederis ignavis Gasias Sanctius irruptione facta per causam superiores injurias vindicandi, Castellae terras populandi finem non faciebat. Comes cum redisset in patriam, per legatos monere damna quae illata erant refarciret: si negligeret res suorum sibi cura fore. Ea legatione quoniam bellum denunciare videbatur, ad arma concursum est. Brevi, commisso praelio, Comes victor evasit; quo in bello Lupus Diacius Cantabrie regulus, ut historiae ejus gentis memorant, Comiti affuit, Eneco Ezquerra genitus, Zuriae Cantabrie olim Principis pronepos. Secundum eam victoriam pace facta, Ferdinandus Comes in Vascones abiit, ut ad nuptias inermi turma stipatus in pompae modum. Res laetitia & securitatem

magis quam formidinem ostentabat. Ab infido Rege, qui armatus venerat, comprehensus est. Sanctiæ arte cujus amore in eam calamitatem precipitatum erat, è vinculis liberatus, cum ea fugit in patriam. Affuere ad Castellæ limites in Rivogiæ ea parte agri, ubi postmodum Villoradum situm est, Castellani milites jurati non prius se domum redituros, quam Comes in libertatem esset vindicatus. Magna utrinque gratulatio, lætitiæ significatio singularis. Burgos urbem cum ventum esset, nuptiæ celebratæ sunt. Rex Vasconum fororis arte delusus bellum comparat, neque Comes recusat; ad confinia utriusque ditionis dimicatum est. Rex victus in hostis potestatem redactus est, anno nongentesimo quinquagesimo nono. Quo anno, Arabum imperiū trecentesimo quinquagesimo, Abderrahmanus Cordubæ Rex in extrema senectute decessit: ad quem sub vitæ finem Sanctius Legionis Rex honestissima legatione missa, cujus legationis Velasco Legionensis Episcopus princeps erat, pro jure initæ olim amicitiae petiit Pelagii Martyris corpus ad se mitti; id munus magni beneficii loco habiturum. Quod Abderrahmanus facere detestavit, ab ejus filio & successore Alhaca, qui à morte patris sedecim annis regnavit & duobus mensibus, non multo post est imperator: pacis enim studio, cui deditus erat, vicinis Principibus gratificari cupiebat. Garfias Rex Vasconum cum Burgis tredecim mensibus in custodia esset detentus, libertati redditus est. Sanctiæ lacrymæ & principum preces infensum Comitis animum pervicere. Therasia Regina impotenti animo fœmina, quoniam fraus in Castellæ Comitem concepta parum successerat, novas insidias comparare constituit: ac Sanctio filio Legionensi Regi persuadet, Comitem ad generales regni conventus, quibus de supremis republicæ rebus deliberandum erat, evocare. Venit ille invitus, quia dolum suspicabatur. Rex neque obviam progreditur, ut ante fecerat, & in genua incumbentem, manum regiam de more osculaturum contumeliosus verbis rejectum, custodiæ mancipari mandat. Ex ea re mœror & luctus subditorum animos occupavit. Sanctiæ virili animo

fœmina, ingenio callido, viri liberandi causâ fingit se Compostellam religionis ergo adire velle. Legione ubi Comes victus erat, iter erat. Rex nobilissimæ & propinquæ fœminæ (erat enim matertera) adventu nunciato factus obviam, benigne accipit hospitio. Illa humillimis precibus invifendi virum petit facultatem. Nulla neque honestior peritio esse poterat, neque iustiori de causâ, quam viri calamitatem sublevandi. Datum à Rege uti ea nocte apud eum maneret; luce dubia Comes uxoris vestibus indutus è custodia emissus est: equoque qui ad eam rem paratus erat in patriam evasit. Sanctiæ mariti vicaria è carcere Regi nunciat aufugisse Comitem; ne quidquam in fœminam regiam & propinquam sanguine statuat; viro nullum periculum denegare fas esse putare; quæ fecisset ea de causâ, si non laude certe venia digna esse: apud Regem præsertim, cujus præcipua virtus sublevandis calamitosus oppressisque cernitur. Rex dolere primum sua se spe delusum: deinde animi impetu ad rationem revocato, regis fœminæ pietatem admirari, animique constantiam. Demum cum multo verborum honore collaudatam ad virum splendido comitatu adjuncto deduci jubet. Comes successu latus, tamen Rex commisisse videbatur ut hostis loco esset, quod pro equo & accipitre pretium pactus erat, Regem postulat. Summa usuris immensum creverat; cum solutio differretur, agros Legionensium evasit; neque prius malis finem facit, quam abs Rege quæstores missi sunt ut pecuniam Comiti integra fide penderent. Re ad calculos redacta, inventum regios thesauros solvendo pares non esse. Convenit ut debiti compensatione, Castellæ sui juris esset, neque amplius Legionensium Regum imperium respiceret. Quod fœdus factum affirmant à partu Virginis anno nongentesimo sexagesimo quinto. Quo anno Maurorum valida copiæ in regni fines invectæ Legionem obsederunt; unde non levi clade accepta militum qui in præsidio erant, & civium virtute repulsi sunt. Ex Oceano maligno nimirum stellarum concursu excitata vis flammarum ingens, in terras finitimas effusa & Zamoram usque

que perlata, multa oppida & agros incendio deformavit. Garfias Sanctius Vasconum Rex diem obiit anno nongentesimo sexagesimo sexto. Reliquit ex Therasia uxore Sanctium & Ramirum: filias præterea Urracam, Ermesildam & Semeram. Quo loco defuncti corpus fuerit tumultatum clam est. In Leirensi monasterio quidam suspicantur. Alvendenses scheda in castro Sancti Stephani ajunt. Imperium Vasconum Sanctius cognomento Garfias: post patrem adeptus est: & cum eo Ramirus frater, exæquata duorum potestate an divisa ditione incertum; decem amplius annis regnasse Ramirum ex Alveldensi conciliorum libro hac ipsa tempestate descripto satis constat: calibem & sine prole decessisse magnæ conjecturæ indicant. Sanctius, qui se Pompelonis, Anagari, & Alavæ Regem dixit, ut vetusta diplomata declarant, regnavit annis viginti septem, nulla re memorabilis propter incuriam ejus ætatis scriptorum: nisi quod satis constat Cantabrie ducatum Vasconum regno adjecisse: Triciumque ejus provincie principem civitatem Cantabrie imperii sedem ea tempestate; religioni amplificandæ deditum fuisse, Leirensique S. Æmiliani ad Anagarum, D. Joannis Rupensis monasteriis agros & oppida insigni liberalitate donasse. Uxorem habuit Urracam, unde Garfias Sanctius natus est cognomento Tremulus, quod initio pugne ve-

hementius commoveri toto corpore solitus esset, quam is armorum usus regiaque dignitas postulare videretur; quod tamen naturæ vitium, præclaris factis compensare in ipso prælio solitus erat: nullumque aut prudentis Ducis, aut strenui militis officium prætermittere. Novi motus in Calæcia extiterunt, provincia in factiones diducta haud idoneo tempore, cum Maurorum arma lacerarent; de causâ non constat. Regis diligentia tumultus brevi compositus, quibusdâ factionis male mulctatis; alii in Lusitanie partem eam pulsi sunt, quæ Regis imperio parebat. Comes quidam Gonçalvus nomine, ingenio pravo, pro Rege eam provinciam gerebat. Is exulum patrociniū ut susciperet (erat enim partibus insectus) arma in Regem sumpsit, atque ad Durii ripam progressus est. Ibi cum virtute diffideret, ab ingenii caliditate præsidium petens, humillimis precibus eorum quæ commissa erant veniam impetrat. Erat in omnia Regis familiaria jura assuetus. In pristinum gratiæ locum receptus, incauto Regi pommum medicatum præbet: quo gustato veneni vis per venas diffusa vitalia sensim occupare coepit. Legionem deduci se curat; desperata salute prope eam urbem, tertio die ex quo venenum hauserat, extinctus est anno nongentesimo sexagesimo septimo. Corpus in D. Salvatoris illatum; regnavit annis duodecim.



C A P U T V I I I.

Ramirus eo nomine tertius; Legionensis Rex.

THERASIAM Sanctio Regi nupsisse exploratum est: Ramirumque quinque annos natum ex ea à patris morte relictum, regnum obtinuisse annis quindecim; propter teneram ejus aetatem, rerum procuratio penes matrem Reginam & Elviram (Geloiram ulii scribunt) amitam erat, lectissimas forminas prudentia singulari: tamen sexus & aetatis despectu magni motus excitati sunt. Hermigildi successorem Sifrandum Compostellanum Praefulem, cum nobilitate fretus (erat enim Menendi Comitis filius, Gundefindi Episcopi propinquus) ecclesiasticos redditus & facultates turpiter consumeret, Sanctius Rex exauktoratum carceri manciparat: Rodelfindo Cellæ novæ Benedictino monacho in ejus locum substituto; erat is regio ex sanguine Guterrio Comite ex Aldara uxore natus. Sifrandus hoc tempore è custodia elapsus, armis Compostellanam ecclesiam occupat, successoremque ultimi supplicii metu perfusum abdicare cogit: redireque in monasterium suum, ubi vitæ reliquum exegit. Fœdus cum

Cordubensi Rege initum extabat: novisque officiis confirmatum erat, cum Pelagii corpus in novi Regis gratiam Alhaca Cordubensis Rex concessisset: quod in monasterio Sanctii Regis impensâ Legionis extructum collocatum est: uti ipsi in animo fuerat, sacris extuviis Martyris ædem augustiorem facere. Id cœnobium Joannis Baptistæ atque Pelagii olim nomen prætulit, nunc D. Isidoro sacrum. Ea pax hac occasione est violata: Vigila, quem Cordubam aufugisse monstratum est, quotidiano convitio Mauri ad arma contra Castellæ Comitem, unde tam multæ injuriæ extabant, excitabantur. Alhaca Rex tamen pacis quam belli cupidior erat, suorum vocibus provocatus, numeroso exercitu conflato in Castellæ fines invasit. Sepulveda, Gormatium, Septimania, Donniæ expugnata: & rerum successu faciente animos fœdere contempto in Legionensium fines penetratum est. Zamora in eo tractu vi capta, soloque aquata. Quibus malis victus Ferdinandus Comes anno altero, fatalis nongentesimo sexagesimo octavo
supre-

supremum diem obiit Burgis. Sepultus est ad Alancie ripam in D. Petri monasterio: ubi inscriptiones, ejus & Sanctiæ vxoris nominibus ad aram maximam cum cippis monstrantur. Funus non magis apparatu suorum celebre fuit, quam iustissimis uniuersæ provincie lacrymis, optimi atque fortissimi Principis, quo Duce tandiu Christianorum res steterat, interitum deplorantium. Ex duabus vxoribus filios genuit Gonsalvum, Sanctium, Garciam cognomento Fernandum: nonnulli Petrum & Balduinum addunt. Cæteris aut immanis morte sublati, aut posthabiti, Garciæ Fernandus patri successit: in quo indoles erat, & magnarum virtutum femina, quæ brevi ad frugem peruenit; reliquit præterea Urracam filiam, de qua paulo superius non semel mentio facta est. Eodem tempore Nortmanni, qui in parte Gallie confederant, cui olim Neulria nomen nunc Nortmannia, Hervei Remensis Pontificis opera ante aliquot annos facti Christiani, cum Hispaniæ littoribus assuevisent, comparata instructaque numerosa classe, in Calæcie oram excursionem faciunt; vicos, castella, oppida incendunt; multi mortales cum aliis omnis generis prædæ capti; biennium ea calamitas tenuit. Rex ob teneram ætatem, provinciam defendendæ non satis cogitationes explicabat. Sisinandus Compostellanus Præsul, homo armis quam insulis aptior, raptim collecta incolarum manu ad Fornellos oppidum hostem consecutus, in tumultuaria pugna sagitta sauciatus periit ad quartum Kalen. Aprilis, anno nongentesimo septuagesimo nono; vitæ exitus consentaneus fuit; illud in reliqua vanitate laudatur, quod Compostelle mœnibus extruendis, ne hostium injuriæ loci sanctitas opportuna esset, diligenter operam navavit. Cæterum Nortmannos præda graves, & impedito agmine procedentes, Gonsalvus Sanctus Comes ei bello delectus Dux, ad mare improvise adortus ingenti cæde prostravit; cecidit Dux ipse Gunderedus; præda & captivi erepti; naves ad unam captæ, incensæque; magno periculo & solitudine Hispania liberata est. Cordubæ per idem tempus Alhaca Rex defunctus est anno nongentesimo septuagesimo

sexto, Arabum trecentesimo sexagesimo sexto. Quo anno Rasis Maurus commentarios de rebus Hispaniæ Arabicæ à se conscriptos Balharabo misit Miramamolino Africæ, ejus hortatu ad scribendum incitatus. Alhacæ inter octo filios ætate minores atque adeo pueros Miramamolino auctore, cujus arbitrio controversia permixta est, cum Mauri in Hispania voluntatibus discreperent; successit Hissemus annos natus decem & menses quatuor; regnavit annos triginta tres, menses quatuor nomine tenuit: cum rerum potestas penes Mahomadem esset virum industrium, qui Alhagibus, hoc est, Prorex initio dictus est, regni modo procuratore consensu procerum ejus fidei concessita: deinde, Almanzor, id est, victor, cum sæpe de hostibus victoriam reportasset. Illic intestini motus nati sunt, Rege in ignavia, otio atque voluptatibus desidente, aliis ejus numine imperantibus. Uberrimis Hispaniæ agris, mitillimo celo, clementibus accolarum ingeniis multum de animorum ferocia mutatum erat, de viribus corporis detractum; neque prius dissidia consisterunt, quam Hissemus paterno regno spoliatus est. Haud multo meliori loco res nostræ erant; molli educatione, ut inter feminas Regis mœurs depravati erant, animi vigor laxatus. Urraca uxor, quam duxit anno nongentesimo octogesimo primo, viri potens erat; matris & amicæ Elviræ virginis sacræ, quarum aliqualis reverentia vitia comprimabantur, consilia repudiata. Aditu difficilis, verbis procerax Calæcos proceres irritavit maxime, feroci homines ingenio. Ab his gradibus suis contemptui esse coepit, male cogitantibus reipublicam conturbandi occasio suppeditata est. A Calæcis, uti necesse erat, initium rebellandi factum. Veremundus Regis patruelis, Ordonii Regis eo nomine tertii filius, tumultuantibus ducem se præbuit spe patris regni, quod injuria ablatum erat, armis recuperandi. Ramirus suo periculo à torpore excitatus tandem, hostibus occurrit; uno & altero anno, vario successu bellum geritur, scillis regni studiis in ambos: ad extremum æquo mare pugnatum ad Portellam Arenariam (id oppido nomen prope Monterrosum est); multum utrinque ca-

dunt; à neutris victoria stetit; ab armis ita secundum prælium discessum, ut Calacia in Veremundi potestate maneret, Compostella novi regni fede. Pelagius Lucensis Episcopus, ejus urbis Veremundi ex voluntate Pontifex creatur, natus Roderico Comite, pravis moribus. Itaque loco excidit. Petrus Manforius monachus Abbasque virtute spectata, in Pelagii locum subrogatus est; hoc Pontifice templo Compostellano restituta sunt quæcunque injuria superiorum temporum erant ablata. Rodericus Comes filii restituendi causa, Mauros in provinciam evocat; miserabilis rerum facies, & ludibrium religionis Christianæ; barbarico impetu atque armis Calacia vehementer infestata. Compostella ipsa capta, templi paries ad terram prostratus; ab Apostoli sepulcro temperatum, qua de causa incertum: nisi quod satis constât, suam sedem suumque templum Jacobum Apostolum esse tutatum, & illatæ injuriæ gravia exegisse pericula; corruptis intestinis disenteriae morbus toto exercitu vagatus, magnam partem cum ingenti dolore consumpsit. Almanfor ipse, tantæ cladis æqua causa esse videretur ex quodam percontanti cum esset responsum: unum è discipulis filii Mariæ loco sepultum, arrepta fuga redire in patriam contendit. Verum in Celtiberis ad Medinam Celinam nobile oppidum, simili fato consumptus est. Alia parte repetitis expeditionibus Mauri multa oppida nostris eripere Gormatium prope Uxam, atque Atientam, in Vaccæis Septimancas longa obsidione fatigatis incolis victoque acie Ramiro Rege, cum ad dissipandam obsidionem accurisset; nunquam majori in periculo res Christiana fuit ex quo resurgere coeperat in Hispania, nostris discordia scissis, Alhagibomagni nominis Duce cuncta pro Regibus Cordubæ administrante, inplacabili odio nominis Christiani. Compostellani qui-

dem templi paries discedentibus barbaris Veremundi Regis, & Petri Manforii Pontificis diligentia instauratur, & Mauricæ superstitionis sordibus procuratis, templum ex Christiano ritu, solenni cæremonia expiatur. Petro in ejus ecclesiæ episcopatu Pelagius Diacius successit, ex judice profano repente Episcopus factus, malis artibus vique; & hoc dejecto, quoniam insolentes mores erant, superbaures, frater Vimara successus vita simili, sive casu sive prodicione in flumine Minio periit. Vitio illorum temporum mores sacerdotum in levitatem incubuerant maxime, non in Hispania tantum, sed in aliis etiam orbis terræ partibus. Romæque ipsa, quæ caput & domicilium sanctitatis esse consuevit, gravissimo schismate exagitabatur, Bonifacio, Benedicto, & Joanne per hæc tempora, de pontificatu contententibus. Morum pravitas quanta fuerit ex Luitprando Ticinensi Diacono, qui visâ in historiam retulit, cognoscere licet. Vimariæ alius ex eadem familia successor est datus, cujus nomen memoriæ proditum non est (Iſquarium nonnulli codices habent suspicor falso). Is duobus consanguineis, nihilo sanior cum esset, Regis jussu carceri est mancipatus. Ad Ramirum redeamus, quem otium & ignavia exitiale in Principibus malum, ad vitæ exitum tenuerunt. Obiit Legione anno nongentesimo octogesimo secundo. Sepultus est in Desfrinæ monasterio, quod in Ornesi valle S. Michaelis nomine à Ramiro avo extructum fuisse monstratum est; unde Ferdinandi eo nomine secundi jussu, post ducentos circiter annos in Asturicæ templum maximum migravit. Sampyrus Asturicensis Episcopus, unde pleraque mutuati sumus, hic finem scribendi fecit. Progreditur Pelagius Ovetensis Episcopus, qui Alfonso Imperatore vixit; utriusque fidem, quoniam plerisque rebus interfuerunt, certissimam arbitramur, Sampyri majorem.



CAPUT IX.

Veremundus Podagricus Legionensis Rex.

RAMIRI obitu, regni successio ad Veremundum eo nomine secundum devoluta est, tum lege, cum defuncti sine liberis Regis Veremundus patruelis esset, tum necessitate: quoniam regni partem armis occupatam obtinebat; regnavit annis septendecim, nervis ager, unde illi Podagrici cognomen tum. Priscas leges Gothorum novo edicto sanxit: & Pontificum Romanorum responsa, ut secundum ea jus redderetur, sanctissima lege statuit. Verum priusquam hujus Regis res gestas ordine explicare incipimus, ad Garfiam Fernandum Castellæ Comitem revocanda narratio est. A quo satis constat initi principatus initio, cum Mauris ad Gormatium oppidum, ipsamque Durii ripam acie dimicatum; cæsi profligatique hostes haud exiguo numero. Accidit in eo prælio, quod memorie prodendum esse videtur, ut Ferdinandus Antolinus vir nobilis & religionis cultui deditus, rei divinæ procurandæ causâ, quod semper ante pugnam facere consueverat, maneret in templo dum ab aliis dimicatum est. Numini quam grata ejus viri pietas esset,

Tom. I.

miraculo indicatum; ipso in templo primum, deinde domi ignominie metu residente latitanteque, ejus specie quidam, Genius scilicet bonus, inter primos fortiter pugnare visus est: ut ejus diei victoria Antolino potissimum tribueretur; recentia vulnere vestigia, & sanguinis macule in equo & in armis inventa miraculum confirmarunt: reque omni prodita, Antolini innocentia virtusque illustrior evasit. Garfias Comes hoc profligato bello, duas uxores duxisse memoratur, priorem Argentinam nomine, formæ dignitate captus, quam pater nobili loco Francus Compostellam religionis causâ, ipsam & matrem ducebat. Sexto à nuptiis anno, cum vir ex morbo decumberet, initi conjugii tadio, an patriæ cupiditate procerem quemdam Francum à Compostella redeuntem in Galliam secuta est. Sic nostrates historie affirmant. Garfias Comes Egidio & Ferdinando viris principibus, republicæ procuratore demandata, in eam Galliæ partem mutata veste contendit, ubi Argentinam morari exploratum habebat. Erat Argentinæ privigna nomine Sanctia

Nnnn

tia

tia, ex privata, ut sit, contentione no-vercæ infensa. Ab hac spe nuptiarum injecta, sive fœminæ ingenii levitate, Comiti aditus in ædes præbitus. Argentina & adultero in strato obtruncatis Garfiam in Hispaniam secuta est. Nuptiæ magno apparatu & gratulatione Burgis celebratæ. Plerique totius hujus narrationis fidem elevant, & Garfia uxorem Oniam dictam affirmant. S. Salvatoris Oniæ argumento, quod monasterium de uxoris nomine memorant Garfia Fernando Comite Castellæ constitutum; alii Abbatem, ut sepulcrorum ad Afflanciam & Cardeniam vestutæ inscriptiones ostendunt; verum quis certo dispiciat? nos tantam varietatem admirari magis, quam quid potissimum sequeremur habebamus. Neque multo majori fide traditur Maurorum irruptione, quo tempore Comes absuit, cum Burgos usque progressi essent, S. Petri Cardenæ monasterium, eversum, monachos trucidatos: quod alii ante centum annos contigisse ponunt; nisi fortassis bis eadem calamitas extitit. In Rivogia oppido Bosca, Nunilo & Alodia sorores germanæ, ob fidei constantiam ferro occubuerunt; corpora Bononiam, quæ urbs in Gallia Cisalpinæ parte est, translata fuisse nonnulli affirmant: resistunt alii, uti ante dictum est. Præterea Victor in oppido Cercso Burgenfis agri natus, & Eurofia virgo simili supplicio consumpti. Eurofiæ corpus ad Iaccam urbem in Lacetanis, Victoris sepulcrum in municipio Villorodo colitur anniversariis sacris. Barbari enim hac tempestate, non cum hominibus tantum bellum gerere, sed cum cælo etiam, & Christiana sanctitate dimicare videbantur. Neque deerant viri, fœminæ præstanti magnitudine animi, qui se pro religione patria in certamen offerrent, suoque sanguine veritati susceptæ darent testimonium præclarum. Effera gentis immanitatem atque arrogantiam severissimis suppliciis divinum sæpe numen vindicabat; & ferme ubi impietatis exemplum, ibi animadversio-nis documentum deterrendis impiis, piis confirmandis extabat; uti Alcorrexii Hispanensi Regulo accidit eadem tempestate. Is Ordonio Rege per Lusitanæ fines in Calæciam invectus, Compostellam urbem evertit in Calæcis primariam augustamque

ipsa loci sanctitate; impii ausus continuo cælitus vindicati. Morbi lues repente exorta grassataque omnem exercitum consumpsit; perpauci incolumes redierunt in patriam, divinæ vindictæ præcones, testes deformes acceptæ calamitatis. Eo periculo sublato novæ calamitates extiterunt: atque adeo ut nullæ majores ex quo resurgere cœpit Hispania. Væcordi Principum dissidio Ordonii Regis & Garfiæ Comitissæ, in quibus præsidium esse rebus asperis debuit, in ea mala præcipitatum. Cordubæ Mahometes Alhagibus Islemi Regis nomine, arbitratu suo rem Mauricam administrabat, magni nominis Dux, bello paceque prudentia singulari. Erat is studio incensus nominis Christiani opprimendi; grave erat piorum imperium in Hispania proferri, vires Mauricas conflescere, ludibrioque gentis nomen esse; agro animo atque incenso faces addebat Vigila, is quem Ferdinando Gonsalvo Comite ad Mauros profugisse monstratum est, nulla patriæ religionis cura, præ utilitate privata, præque studio vindictæ. Contractis Mauros copijs, adjunctaque Christianorum manu, quæ Vigila auctoritate secuta erat, in Christianorum terras invadit. Durioque transmissio, qui fluvius utriusque nationis extremus limes diu fuit, (unde locis Extremaduræ nomen in aliam partem consequenti tempore derivatum) ad Asturæ fluminis, quo Legio in Asturibus alluitur, ripam castra posita. Veremundus viribus impar raptim collecto exercitu, improvise in hostes impetum facit, neglectis custodiis, & omnia magis quam nostrorum adventum expectantes; irrumpitur in castra; tumultus persimilis pugna fuit; plerique inermes cadunt. Ut quemque fors conglobaverat, Maurorum turma pro castris aut inter impedimenta dimicabat; alii fugere, alii arma capere; magna pars vulnerati aut occisi sunt. Rem inclinatam & periculo proximam Maurus Dux prudentia restituit; in diversa parte aciem suorum instruit; inducitque in Christianos. Hostium illi imperum non tulerunt totis castris palantes, exiguo numero, & longo pugna labore defatigati. Conversa repente belli fortuna qui vicisse videbantur, fugæ se mandant. Insistunt barbari fugientium tergis; pauci integri, magna pars

pars confecti vulneribus Legionem tenent: venissetque ea urbs in hostium potestatem, ni propter anni tempus hibernū frigoris & pluviarum injurias ab obsidione recedere compulsi essent magna gloria parva, spoliis & præda onusti, certique bellum reperere cum primum se anni tempus aperuisset. Veremundus Rex periculo permotus, neque satis urbis munitione confusus, Sanctorum reliquias, Regumque corpora, ne hosti ludibrio essent, Ovetum transferenda curavit. Ipse eodem se contulit: Legionis muniendæ defendendæque Guillelmo Gonsalvo Comiti cura demandata; pugnatum ad Asturam est anno nongentesimo octogesimo quarto. Quo anno Myro Gerundensis Episcopus, Myronis Comitis Barcinonensis filius supremum diem obiit. Maurorum præterea valida manus per eum terrarum tractum vagata (tantus belli ardor incessebat) Borellum Myronis patruelem ad Moncadam arcem acie superarunt; è nostris supra quingentos desiderati; reliqui cum Borello Comite Barcinonem sese ex fuga receperunt. Proximo annus nongentesimus octogessimus quintus insignis fuit duorum principum urbium casu, Legionis & Barcinonis. Barcino Kalen. Julis, feria quarta; Indictione tertia, à Mauris obsessā, iis qui Borellum acie vicerant, capta est ejus mensis die sexta, plerique cives Cordubam in servitutem abacti; brevi tamen Barcino ad Christianorum dittonem revocata est, cum Borellus priusquam caperetur ex ea urbe elapsus, ad colligenda auxilia Minorese & vicinis locis delectu habito, justum exercitum confluxisset. Supremum diem octo post annos obiit, Raymundo & Armengaud ex duabus uxoribus Ledgardi & Aymerudi relictis. Raymundo Barcinonis principatum testamento legavit: Armengaudum Urgeliæ Comitem esse voluit, Armengaudorum nobilissimæ familie in Catalaunis conditorem: quæ bello spectatos Duces consequenti tempore haud exiguo numero dedit. Legionem Mahomad Alhagibus numerofo confiato exercitu denuo petiit, propositi tenax, & superioris belli successu ferocior quam antea. Annum ferme circumfessa ea civitas est; muris continenti ictu machinarum quassatis, ad Occasum

& Meridiem aditus ab hoste patefactus est. Quantum in unius viri virtute præsidii sit, Guillelmi Præfecti exemplo cognitum est: qui continenti tot mensium labore, viribus fractus ex morbo cum decumberet, periculo renunciato lætica se ad eam muri partem deferri jussit, ubi maxime laborabatur. Suos hortatur uti magno animo resisterent: fugæ locum ne ignavis quidem fore: armis salutem, patriam, religionem, libertatem, conjuges, filios tuendos. Nisi defensa urbe, quæ spes irritatis continenti labore hostibus, nullo perisugio. Sæpe à paucis aquo campo Christianis impiorum multitudinem profligatam. Celitum opem invocarent; idoneo tempore haud dubie affuturam. His verbis confirmati milites triduo hostes aditu prohibere; postquam iis diebus exactis captam urbem Præfectus, seque cum paucis relictum videt, memor virtutis pristinæ, memor nominis Christiani, in consertissimos hostes rapitur, ibique pugnans cadit; barbari suorum cade & temporis diuturnitate incitati, nullo neque statis neque sexus discrimine in multitudinem saevierunt. Urbs direpta, everisque moenia, & propugnacula ad terram prostrata. Eandem calamitatem Asturica passa est, Valentia Campestris, S. Facundi monasterium, Gordonium, Alba, Luna, aliaque oppida & pagi, qua incensa everisque, quæ vi capta atque direpta. Eodem belli impetu in Castellæ finibus Uxama, Vuleranica, Atienſa expugnata; incendio & direptionibus deformata. Neque resisti poterat; tantus furor Christianorum animos invaserat, ut cum tantum externi belli esset, converso in se ferro vicesores atque amentes rem Christianam intestinis dissidiis conficerent. Nam sequenti mox anno septem nobilissimi fratres Laræ reguli (vulgo Laræ Infantes dicimus) Roderici Velasqui perfidia perierant, nullo propinquitatis respectu: erant enim ex ipsius sorore nati, nomine Sanctia. Paternum genus ad Castellæ Comites & Didacum Porcellum referebant; ex cujus filia, ut superius est demonstratum, & Nunnio Belchide, præter Nunnium Rasuram Comitis Garſiæ Fernandi proavum, Gustius Gonsalvus natus est. Ex hoc Gonsalvus Gustius Salarum Laræ regulus, pater horum

septem fratrum; qui septem fratres non magis in Hispanica historia virtutis fama; quam infelici exitu nobiles fuerunt. Eodem à die Garfia Comite militiæ honore donati sunt, more & cæremonia per ea secula inter Christianos solenni. Accidit ut Rodericus Velasquius Byllareni regulus uxorem nomine Lambra ex Viruescano tractu duceret, principi loco feminam; nuptiæ Burgis celebratæ; affuit Garfias Fernandus Comes, & septem fratres cum patre Gonsalvo Gustavo. Exarsit non magna de causa rixa inter Gonsalvum natum minimum inter fratres, & Lambra propinquum Alvarum Sanctium, haud memorabili eventum: nisi quod Lambra ea injuria violatam se esse interpretata, ad Barbadillum oppidum, quo honoris gratia deducta à fratribus erat, vindictæ studio mandavit seruo uti cucumerem sanguine delibutum in Gonsalvum jaceret: quo facto atrox injuria Hispanorum more continebatur. Servus in ipso Lambra sinu trucidatus. Rodericus Velasquius de tota re factus certior, nam aberat reipublicæ procurandæ causâ, injuriæ impatiens & uxoris convitio fatigatus, de vindicandis fratribus cogitare cepit. Optimum visum est in pacis & benevolentiae simulatione, quo nihil est exitiusius, insidias tendere. In primis Gonsalvus Gustius Cordubem legatur, per speciem pecunias exigendi, quas Rex barbarus erat pollicitus: re ut procul à patria interficeretur: quod literis Arabice scriptis Regem ut faceret deprecabatur. Ille viri canicem miseratus, an humanitatis respectu, ab innocentis cæde abstinuit, carceri mancipare satis habuit; liberior custodia erat, & Regis forori ad vincitum patebat aditus: ex qua consuetudine Mudarram Gonsalvum natum memorant, Manricorum familiæ in Hispania nobilissimæ parentem auctoremque. Gonsalvi calamitate haud satis serox Roderici animus mitigatus est; ad Almenaram in Aravianæ campis ad Cauni montis radices, quæ forsitan Antonino Barbariana fuit, in dispositas Maurorum insidias septem fratres per speciem Maurorum fines invadendi, secutos inducit, ut nullo tali metu securos. Tametsi Nunnius Sallidus, quo institutore educati erant, fraudem subodo-

ratus, in exitum festinantes morari conatus est, frustra cum fata urgerent; ducenti equites sequebantur, impar Maurorum numero manus. Itaque ab hostibus circumventi, cum multos ipsi peremissent, atque illud in primis caverent ne inulti animam ponerent, neu capti superiorem gloriam & generis nobilitatem servitute fœderent: sortium virorum more pugnantes, cruentam atque luctuosam victoriam barbaris reliquere; ipsi ad unum cecidere cum Sallido prædago. Cæsorum capita fratrum Cordubam missa, gratum Regi barbaro munus, seni patri triste spectaculum: cum fluentia tabo oculis explorare & cognoscere iustus esset; nonnullo ut in malis commodo: successit enim ex ea re Regis humanitas, dimissusque in patriam est. Stupro genitus Mudarra, cum quartumdecimum ætatis annum natus, agente matre ad patrem abiisset. Roderici nece fratrum injuriam ultus est, Lambra penes quam major culpa erat, lapidibus obruta igneque consumpta. Ea fratrum vindicta, Sanctiæ novercæ, & vero gentilium suorum gratiam promeruit, usque eo ut paternæ ditionis hæres fuerit institutus, addita etiam Sanctiæ novercæ adoptione, cujus hic ritus fuit, rudis quidem sed insignis. Quo die nostra sacra suscepit, & balteo militari donatus à Garfia Fernando Comite Castellæ est, novercæ amplissimi indusui castella acceptus; collari etiam indusui capiti inserto, additoque osculo in familiam transit. Ex eo more vulgare proverbium manavit, Ingressus manica, collari tandem egreditur: de eo qui ad familiaritatem admisus majora sibi indices sumit. Mudarra filius Ordonius fuit, nepos Jacobus Ordonius à Lara, is cum quo Ariz Gonsalvi filii, ut patriam perduellionis crimine liberarent, quasi publico consilio Rex Sanctius à Vellido Ataulpho venabuli ictu consollus esset, ex provocatione dimicarunt. Jacobi Ordonii filius fuit, Petrus, Urracæ olim Reginæ amoribus nobilis, nepos Amalaricus à Lara Molinæ regulus, unde Mauricorum gens, & Regum Lusitanorum maternum genus, Malfada Amaliarci filia; Alfonsi Lusitanæ Regis eo nomine primi conjuge. Verum de his aliquanto post sermo recurret. Ad D. Petri Atlantici intra monasterii

naſceri ſep̄ta, Mudarræ ſepultura monſtratur; de ſeptem fratrum tumulo, ejus cœnobii, & S. Emiliani Cucullati monachis lis eſt, nullo arbitro qui litigantes componat. Quieſcebat feſſa malis Hiſpania, magiſque facultas decrat, quam voluntas tumultuandi, tandiu quies ſtegit, donec ſeptimo demum anno ex quo Laræ fratres interempti ſunt, ſalutis nongenteſimo nonageſimo tercio, Mauri nova expeditione ſuſcepta, Luſitaniam terras vaſtarunt; atque ea parte in Calaciam inveſti, Compoſtellam urbem vi expugnarunt incenderuntque; ne ab ipſo quidem Jacobi Apoſtoli ſepulcro impia ſævitia temperaſſet, ni repentinus fulgor excitatus divinitus impios conatus repreſſiſſet; templi tamen campanæ, ut de ſuperatis Chriſtianis trophæi inſtar eſſent, Cordubam ablata, diu in fumo Maurorum templo lampadum uſum præbuerunt. Conſecuta mox divina vindicta, qua diſſenteria morbo, qua peſtis lue, qua Veremundi gladio conſumpti noviſſimum agmen carpentis, & locis omnibus in reditu prementis; pauci in patriam incolumes redierunt; univerſa etiam expeditionis ductor evalit Mahomades Alhagibis: qui toties impune Chriſtianorum fines invaſerat. Eodem anno Rex Vaſconum Sanctius Garſias deſunctus eſt. Succceſſit Garſias Sanctius cognomento Tremulus, ut eſt ſuperius indicatum. Regnavit annis ſeptem, laude bellica clarus, ingenio liberali, ac vero in largitiones profuſo: quarum niſi modus adſit, in perniciem vertuntur fonte ipſo, publico ærario exhauſto (uti Sanctio accidit) & neceſſitudine impoſita ejus ſupplendi cauſſa, nova vectigalia imperandi. In S. Emiliani tabulariis hujus Regis diplomata extant: quibus quanta fides tribuenda ſit, quiſque ex ſuo judicio ſtatuat. Inde intelligitur Sanctio fratrem fuiſſe Gonſalvum, & cum Urraca matre Aragoniæ regnum tenuiſſe; quæ ſi vera ſunt, aut temporarius principatus fuit, aut eo ſine prole deſuncto ad fratrem & poſteros imperium rediit. Omnino Veremundus Legionenſis Rex clade Maurorum lætus, atque ex ſuperiori ſucceſſu cogitans ſi Chriſtianorum arma, quorum ex diſcordia tantæ calamitates natæ erant, in unum fœdus & quaſi corpus conſpirarent,

Tom. I.

rem Mauricam opprimi poſſe: miſſis legationibus, Vaſconum Regem, & Caſtellæ Comitem Garſiam ad ſociandas vires ſolicitavit. Debere eos communi Chriſtiani nominis periculo moveri, & injurias, ſi quæ privatim exiſterent, patriæ ſaluti condonare. Neſarios barbaræ gentis conatus communibus armis vindicarent. Iis legationibus atque poſtulis juſtiſſimis uterque Princeps facile annuit; magnis delectibus ex tribus nationibus, numeroſus exercitus collectus eſt. Rex Vaſconum abſuit, novi ſcilicet regni rebus componendis diſtriſtus. Veremundus Rex, tametiſi nervis æger erat, lætica delatus, & cum eo Garſias Comes, adverſus Mauros proſecti ſunt; quos ſuperioris cladis ſananda cauſſa, novas copias conſcribere, atque Corduba egreſſos eſſe nuntiatum erat: & Calaciæ agris vaſtatis, direptis oppidis in Caſtellam imperus vertebatur. Ad oppidum Calacanaſorium ad Caſtellæ & Legionis confines ſitum, caſtra caſtris collata; acre prælium fuit; noctis caligine dirempta pugna eſt; multi ex utraque parte ceciderunt, dubia victoria; niſi quod Mauri per occultam teſſeram ſequenti nocte profectione denunciata; pejora tuliſſe, ac vero noſtrorum virtute eſſe ſuperatos conſeſſi ſunt, cum fugæ ſimilis proſectio eſſet: quod ſpolia in caſtris relictæ & ſtrages rerum ſeſtimandi ſtudio, toto iunere abjectarum magis etiam declarabant. Tanta Alhagibi Ducis impatientia, ut ex rei malæ geſtæ dolore, in valle Begalcorax obſtinata inedia vitam finiſſe ſeratur anno nongenteſimo nonageſimo octavo: cum rem Mauricam procuraviſſet pro otioſo Rege & ignavo totis viginſi quinque annis; vir acer, minimeque otium patiens bis & quinquagies in Chriſtianorum ditionem armis invaſit, ſæpe victor. Qua die ad Calacanaſorium pugnatum eſt, quidam piſcatoris habitu Cordubæ ad Bætis ripam tanta locorum longinquitate, ceciniſſe fertur, voce flebili, nunc Arabica, nunc Hiſpanica lingua modos mutando: Ad Calacanaſorium amiſit Almanſor tympanum; unde in ſpecie hominis à genio malo victoriam evulgatam ſuſpicati ſunt: præſertim inter manus effugiente umbra, cum cives Cordubenſes tenere conarentur. Corpus deſuncti Medinam Celinam

Oooo

dela-

dehinc. Successit anno Arabum trecentesimo nonagesimo tertio, ipso quo defunctus est pater, in regni procuratione filius Abdelmelicus: tenuitque gentis principatum sex annis & octo mensibus. Quo ex tempore Maurorum regnum, quod Mahomadis virtute steterat (tantum in unius viri capite opis plerunque situm est) in occasum aperte cepit inclinare; intestina dissidia magnorum imperiorum labe, exilio fuere. Abdelmelicus otii quam belli cupidior, fatalis discordiæ semina, quæ comprimi debuissent negligere visus est; aggressus quidem à morte patris bello Christianos laceßere, magnam terrorem inculcerat: Legionemque quidquid ex superiori excidio remanserat, aut nova cura instauratum erat, Abdelmelici impetu disturbatum; lætior tamen principis, quam exitu ea Mauris expeditio fuit. Garfiae enim Comitis adventu terga vertere compulsi sunt: atque numero imminuto in patriam exacti. Tanta deinde desperatione, ut à cogitatione belli inferendi, Abdelmelico rerum potiente cessatum fuerit. Nostris rei bene gestæ fructus syncerus non fuit, annona angustia, quam pluviarum malignitas attulit gravissimam. Gudesteus Ovetensis Episcopus, tertio jam anno in vinculis erat iussu Regis, nimirum credulas aures præbere soliti pravorum hominum criminationibus. Ea res in religionem à populo vertebatur; viri sancti, innocentis Episcopi calumniam interpretabantur præfenti malo lui: & nisi mutarent, pestis luem futuram ominabantur; res ad seditionem spectabat. Nam multitudo religione imbuta facilius sacerdotibus quam

regibus paret; emissus ergo Gudesteus è carcere est. Annum qui à Christi ortu fuit nongentesimus nonagesimus nonus, ⁹⁹⁹ annona caritate sedum, Veremundi etiam Regis obitus insignivit; ad Beritium oppidum podagræ doloribus, quibus diu obnoxius fuerat, oppressus est; sepultus in Villabona inde Legione post annos viginti tres in Joannis Baptistæ æde tumulatus est. Duas uxores habuit, Velasquitam & Elviram. Velasquitam licentia illorum temporum magis, quam ex Christianæ legis permisso, repudiavit, suscepta ex ea filia Christina; ex Elvira Alfonso genuit & Therasiam. Junior ex duabus sororibus stupri consuetudine Ordonium & Elviram & Sanctiam. Christina filiorum Ordonii natu maxima Ordonio nupsit, cui cognomen Cæco fuit, ex regio sanguine. Ex hoc conjugio Alfonso, Ordonius & Pelagius nati sunt, præterea Alfonso uxor Pelagii cognomento Diaconi. Pelagius Froila Regis eo nomine secundi nepos fuit ex filio notho Froila. Ex Pelagio & Alfonso Petrus, Ordonius, Pelagius, & Nunnus, atque Therasia prognati: unde Carrionis Comites bello spectati Duces, domi atque militiæ clari prodierunt, quod alio loco explicandum est; ad rationem temporum redeamus. Pelagius Ovetensis, Lucasque Veremundo tribuunt, quæ de Ataulpho Compostellano Episcopo superius commemorata sunt, feroci tauro objectum, incolam evasisse; nobis Compostellanae historię potior fides: & mutata tempora indicio erat, nullum Ataulphum nomine per hos annos Compostellæ Episcopum fuisse.



C A P U T X.

Alfonfus eo nomine quintus Legionensis Rex.

ALFO NST minorem ætatem Melendus Gonsulvus Calæciæ Comes, ejusque uxor nominè Major, Veremundi patris jussu gubernandam susceperant, regiisque moribus imbuendam. Alumno cum quinque annos natus esset, Rege renunciato, rempublicam eximia fide procurarunt: sic pater moriens testamento mandavit, sic omnes regni ordines sanxerunt; ætate confirmata quo major esset auctoritas, & operæpretium æducationis tutelæque constaret, eorum filia nomine Elvira Regi connubio juncta est: unde Veremundus & Sanctia nati. Regnavit annis viginti novem. Altero regni anno, qui ab ortu Christi secularis maximus fuit, Sanctio Tremulo Vasconum Rege defuncto, successit filius ex Semena uxore (hallucinatur qui Constantiam, Elviram, aut Stephaniam dicunt) patri cognominis Sanctius: quem Sanctius Leirensis Abbas in minori ætate optimis præceptis excoluit, & omni liberali doctrina informavit. Regnavit annis quatuor & triginta, iis virtutibus insignis, quæ illi Majoris cognomen pepererunt; præcipua felicitate universam

Hispaniam quam latè Christiane ditionis fines extendebantur, sub unum serme imperium revocavit; tamen non optimo consilio, tributum in partes majestate & viribus imminutus, filiis reliquit. Utriusque Christiani regni quantum quietæ res erant, eorum providentia qui ad reipublicæ gubernacula sedebant, tantopere Castellæ arma primum hac tempestate mota sunt, deinde Mauro-rum; gens utraque intestinis dissidiis tumultuata agebatur in præceps. Sanctius Garfias ab auctoritate patris Garfiæ Fernandi Comitis discessit, incertum qua de causâ; pravo homines ingenio nunquam desunt alternis criminationibus discordiæ flammam excitantes. Forte Sanctius paterni imperii diuturnitate fessus, tantum facinus est aggressus, grave arbitratu paucos annos, quot in illam ætatem cadere poterant, expectare. Ad arma ventum: scissisque gentis studiis inter patrem & filium, vires imperii debilitatæ sunt. Ea res Mauros non latuit: provinciam esse in armis, divisam nobilitatem, divisum populum, suas utrique parti clientelas. Nihil proprius factum quam

quam ut pars cum parte configeretur; id ne accideret Maurorum adventu factum. Eo impetu, Abula tardis principiis ab excidio resurgens, eversa denuo est. Clunia & Gormatium in Uxamensi agro eandem cladem pertulere. In magno periculo res erant; neque externo tamen metu commota factionis studia remittebant. Garfias Fernandus clade suorum provocatus, cum parte hosti procedit obviam; atrox dimicatio fuit; victus Comes in hostium potestatem venit, iis acceptis in pugna vulneribus ex quibus obiit; tenuit Castellæ principatum octo & triginta circiter annos: rerum gestarum magnitudine & gloria patri non impar; fortuna vitam eripuit, nominis famam & claritatem non eripuit. Corpus ingenti summa redemptum in Cardenæ monasterio D. Petri tumulatum; pugnatum est anno millesimo sexto. Garfias filia fuit, Urraca nomine in Cofinæ & Damieni monasterio ad Covarruvias municipium virgo sacra. Id monasterium a patre Garfias sua impensâ ab imo totum extractum, amplissimis prædiis, optimis redibus locupletatum, multaque veste pretiosi exornatum ea lege est, ut si quæ virgo ex ipsius posteritate nuptias respueret, ejus monasterii redditibus vitam sustentaret. Sanctius Garfias filius, extincto patre in principatu successit, hac una injuria, quod à patre defecerit, & acceptæ cladi occasionem præbuerit; infamis; cætera pius, magnisque corporis & animi virtutibus. Cordubæ eodem tempore Abdelmelicus Alhagibus obiit; successit in magistratu Abderrahmanus, ingenio pravo ignavoque: quem ignominie causâ vulgo Santiolum vocare soliti erant; hoc intra quintum mensem sublato, Mahomad Almahadius correptis armis Hissemum Regem otiosum torpentem; sagina inutilem, neque sua virtute sed aliena opem fiantem cepit: & occisum prædicans alio ei simillimo jugulato, regnum invasis Arabum anno quadringentesimo. Almahadium, Hissemi propinquus Zulema ex Africa veniens factionis copiis, & Sancti Castellæ Comitis viribus adjunctus, prælio ad Cordubam vicit; quinque & triginta Maurorum millia ceciderunt, robur exercitus Maurici, unde ruere in præceps cepit. Sancti Comitis virtute

& industria potissimum victoria constitit. Almahadius intra urbem inclusus, quod ad supremos casus remedium providerat, Hissemum ex latebris ubi victus fuerat, in lucem produxit, hortatus ut legitimum imperium externo atque inimico præferrent. Præoccupati metu civium animi, hortationes ejus & monita respuebant. Itaque urbe relicta æmulo, Toletum fuga abiit; pro Almahadio, Almaharius Alhagibus constitutus erat. Is adversus Christianorum vires, à Christianis auxilia petiturus, Catalaunos suppliciter adit. Omnibus precibus, ut vires conferant orat; navatæ operæ ingentia premia proponit. Raymundus Barcinonensis & Arnengaudus Urgeliæ Conites cum valida suorum manu barbari fidem secuti, se iis copiis adjunxerunt, quas interim Almahadius Toleti & vicinis locis conscripserat numerosas & validas. Novem Christianorum millia sub signis erant, Maurorum quatuor & triginta; ad Acanathacaram quadagesimo ab urbe Corduba lapide (nunc Albacaram oppidum, decem & sex passuum millibus Corduba distat) castra castris collata; grave & anceps prælium fuit; utraque cornua vicerunt. Zulema & Sanctius initio multos ex hostium numero peremerunt. In his Arnulphus Aufa, Aetius Barcinonis, Otho Gerunda Pontifices, quod nefas erat & dedecus pro barbaris viros sacros bellum gerere, in primo conspectu ceciderunt; ipse Urgeliæ Comes peremptus est. Almahadius rem suorum inclinatam virtute restituit, victoriamque hostibus de manu eripuit. Victus Zulema Asafiam primum aufugit; deinde loci munitione diffidens longinqua fuga se tegere constituit. Anno Arabum quadringentesimo quarto, salutis millesimo decimo, regnum Almahadio cessit: tametsi Alhamerit ex voluntate cuncta procedebant, belli pacisque consilia; haud diuturnum imperium fuit. Nam Raymundo Barcinonensi in quo præsidium erat, profecto Alhamerit prodicione occubuit. Hissemus tot annorum Rex in regnum restitutus. Almahadii caput ad Zulemam missum (ad Citavam oppidum, quorsum res motæ evaderent, expectantem) si forte hoste sublato, Hissemi Regis, pro quo arma suscipere visus erat, imperium agnos-

agnosceret. Verum is regnandi ambitione exastuans, cujus dulcedinem prae-gustarat, fallax bonum, blandaque specie ingentia tegens mala, vires undique contrahabat, praedaque identidem de finitinis agebat. Abenhumeis factio in Zulemam propensa, Hisseni opprimendi consilio agitabat; fecissetque ni indicio factio insidiae vitae essent. Zulema ea spe dejectus, à Sanctio Comite pro jure initæ olim amicitiae auxilia submitti postulat; cautior ille suam operam licitatus, unde major spes ostendebatur, cum Hisseno sœdus fecit ea lege: ut sex arces, superiorum temporum injuria Mahomadis Alhagibi armis Christianis ereptas redderet; quod ille necessaria re compulsus fecit, ne in eo rerum discrimine conceptas spes corrumpere, simul Christianorum arma virefere in suum caput provocaret. Interea Almahadii filius Obeydalla factionis ope, Toleti ejus urbis Rex dictus est: Abdallam vocant alii; & Therasiam Alfonso fratre Legionis Rege concedente (immane facinus) uxorem habuisse affirmant; providebatur eo conjugio ut utriusque regni vires alterna ope firmiores evaderent; volente virgine (nam promovendæ religionis occasio erat Mauro nostris sacris initiato, quod velle se facere simulabat) Toleti, quo deducta erat, nuptiæ principali apparatu celebratæ; ludis festisque epulis convivium ad multam noctem productum; remotæ mensæ; virgo toro geniali imposita; adest Maurus incensus cupiditate explendæ libidinis. „ Illa, Apage inquit, tantum nefus, tantam foeditatem; duarum rerum optio datur: aut nostra sicra suscipe tu tuique, nostroque amore fruire: aut nostri corporis contactu abstinere debes. Alioqui ultionem ab hominibus petimelce nostram ignominiam non neglecturis: vindictam numinis Christianorum sanctitatis & castimonie vindicis certissimam. Utrunque exitium capiti tuo imminere vates denuncio; luxuria ne pestis blanda te in praeceps agat. Hæc dixit. „ Libidinis furore Mauri aures occlusæ erant; eluctatus desponsæ virgini vitium offert; simul gravissimo morbo implicitus, salute desperata Therasiam cum amplis muneribus ad fratrem remittit. Illa Legione in D. Pelagii veste

Tom. I.

mutata: reliqua ætate pietatis studiis, cultuque religionis, acceptam ignominiam solabatur: Obeydallæ haud diuturnum regnum fuit. Hisseni copiis victus, in ejusque potestatem redactus est; sœda rerum Mauricarum colluvies erat, mota in omnes partes republica. Christianis latissima occasio sese dabat impiæ gentis opprimendæ: si junctis viribus, suis potius auspiciis maluissent bellum gerere, quam Maurorum controversiis fervire. Verum hæc fuit omnium temporum calamitas; rebus communibus privati affectus potiores sunt, nihilque minus movet quam religionis studium. Neque magis Maurorum ditio belli ardore opprimebatur, quam fame gravissima, deserto tandiu agrorum cultu. Zulema Sancti ope destitutus, Cæsaraugustæ & Caracæ Regulos evocat. Iis adjunctis Cordubam expugnat, Hissemoque in Africam elapso rursus in regnum invehitur. Inter Hisseni sectatores Haitanus principem auctoritatis & potentis locum obinebat. Is Orihuelam civium deditione occupat ad Mediterranei maris oram: & loci opportunitate Halim Abenhamitum ex Africa Septæ pro Hisseno Praefectum, regni spe attrahit in Hispaniam. Zulema utriusque viribus impar, & ad Cordubam prælio victus, civiumque deditione captus, ipsius Halis manu, cum verborum contumelia, quasi primus in legiōnum Regem arma cepisset, trucidatus est; nulla fides regni sociis. Haitanus ergo conquestus pacta conventa ab Hali novo Rege non servari, cum Mundaro filio Hyaia Cæsaraugustæ Reguli sœdus facit; pugna ad Cordubam commissa cum conatus non processissent, Abderrahmanum Almortadam ex Humeis familia propensus: quoniam imperio idoneus fore videbatur, rei perficiendæ opportunitatem nactus est Halis Regis cæde. Quem Haytani conatibus obviam progressum, ad Accim in balneo lavantem, eunuchi oppreserunt Arabum anno quadringentesimo octavo. Successit militari suffragio Halis frater Cazinus Hispali evocatus, ubi ea tempestate morabatur, regnum tenuit annis tribus, mensibus quatuor, diebus viginti sex, haud tranquillum: cum Almortada Haytano & Mundaro adjutoribus, Regis nomine suscepto, Murciam &

Pppp

& vicinam oram occuparet. Aurea superbas habebat, difficiles aditus; in quibus erat in regnum eversus; eos quasi creditores malignis oculis intuebatur. Id exitio fuit; ad Granatam suorum conjuratione, reque cum ejus urbis Regulo communicata preemptus est. Cazinus, Almortada sublato, tum sibi regnare visus est. Nam & ejus benevolentiae promerenda causa occisi amici spolia mista à Granatensibus erant. Brevi tamen ea læticia vana evasit, & nova sollicitudine mutata est. Cordubenses cives, ut nunquam commoti multitudinis animi in uno gradu resistunt, Cazino Hispalim profecto, Hyaia ejus propinquum, nimirum fratris filium Regem dicunt, ingenio miti, atque munifico: qua una re maxime populi studia excitantur. Verum hoc Malacam, quam antea urbem imperio obtinuerat, discedente, Cazinus Cordubam armis recepit anno Arabum quadringentesimo, quatuordecimo. Novum ejus urbis imperium breve fuit, omnino mensium septem, diebus trium. Cordubensi enim seditione excitata, cum militum insolentiam civitas non ferret, fugatus Hispalim est; neque ibi diu constitit: cum gentis favorem regni amulus præoccupasset; tandiuque incertis sedibus vagatus est, donec in Hyaia potestatem redactus, carceri mancipatur. Erant plerique horum Reges ex Alavecinatorum factione, viribus & auctoritate eo tempore potentissima. Adverse factionis cives reparatis viribus potentiores effecti, Abderrahmanum Mahomadis fratrem, ejus qui contra Hissemum. (sic arbitror) primus arma cepit, Regem jubent; pari levitate intra secundum regni mensem sublatus est; acerbum imperium & gentis inconstantia, motusque exitio fuere. Mahomad quidam in ejus locum subrogatus regnum tenuit anno uno, mensibus quatuor, diebus viginti duobus; & hic civium conjuratione perit. Halis filius Hyaia, ex adversa factione imperium adeptus, pari perfidia Malacæ perit; regnavit mensibus tribus, diebus viginti. Idrilus Halis frater Hyaia patruus ex Africa, ubi Septem imperio obtinebat, Malacam delatus lege propinquitatis regnum occupavit Granatæ, Hispalis, Almeriæ atque urbium finitimarum; mediterranean-

penes Hissemum erant, quem post Hyaia eadem Cordubenses rebus præfecerant. Principum periculo saepe ipsorum præfecti peccant: ut Idrili exemplo exploratum evadit. Alhagibus pro eo reipublicæ præfectus acerbe imperabat: publica & privata bona domum avertere, alienasque calamitates suum compendium facere solitus. Ex ea re commota civitas. Alhagibus occisus est. Rex spoliatus imperio. In ea rerum colluvie, Humeia quidam juvenum globo adjutus, in arcem irrumpit: se Regem dici à militibus postulat. Excitant illi civium perfidiam, temporum calamitatem; alieno exemplo documentum datum haud impune similes conatus cedere. Ad hæc ille. Hodie, inquit, Regem dicite, cras perimite; usque adeo est impotens libido dominandi, imperii dulcedo tanta. Uno tempore civium imperio Humeia & Hissemus urbe exacti; præterea Humeie factionis cives, unde tantæ calamitates extiterant, ad unum urbe pulsi. Hissemus varia fortuna agitatus Cæsaraugusta demum consistit, benigne exceptus ab ejus urbis Rege Zulema Abenhuro, data arce Alfuella: ubi vitam privatam usque ad obitum exegit. Ex hoc Maurorum imperium, quod tandiu viribus firmum steterat in Hispania; in plures toparchias ablit, singulis præfectis, prout in quoque erat auctoritatis plurimum, commissarum urbium imperia regio nomine occupantibus; neque in ea rerum Mauricarum perturbatione quisquam erat, qui eorum constatus reprimeret. Multi itaque deinceps Reges extiterunt, Corduba Jahuar, Hispali Albucacinus & filius Habeth, Toleti Maytanus; Halis scilicet Regis Cordubensis adiutor primus; deinde adversarius. Hissemus filius; nepos Almenon; tamen alii Toletanorum Regum (quoniam ea urbs saepe à Regum Cordubensium auctoritate deficere conata est principem sibi locum inter Hispaniæ civitates arrogans) antiquiorem originem repetere conantur. In urbibus aliis novi Reges emerferunt, quorum numerum ut incemus operapretium non est, ac ne faciendi quidem facultas. Quæ imperia tandiu steterunt, donec Almoravides Maurorum familia & gens potentissima ex Africa in Hispaniam vene-

nerunt Juzepho Tefephino ductore & Rege, Arabum anno quadringentesimo octogesimo quarto. Quod alio loco

commodius explicandum est; ad Sancti Comitis & Alfonsi Regis res gestas sese convertat oratio.

C A P U T X I.

Reliqua quæ Alfonso Regi contigerunt.

SANCTIUS Castellæ Comes paternæ necis ulciscendæ studio, adjunctis Legionensium & Vasconum copiis, cum quibus ictum superiori tempore fœdus stabat, Toletanæ urbis fines igne ferroque vastavit. Eandem calamitatem Cordubensis ager pertulit: cum nostri studio elati eo usque populabundi prorupissent. Utrique hominum paucorumque prædæ abactæ: tantusque belli terror Mauro- rum animos occupavit; (nam scissi in partes & ex intestinis dissidiis republica labefactata vix consistebant) ut pacem à victore Comite magno redimere compulsi fuerint, imperii maiestate sugillata paulo ante Christiano nomini formidabiles. Garfæ patris corpus, quod eatenus apud Mauros fuerat, ex fœdere traditum, atque in Petri Cardenæ monasterio tumulatum est. Sepulveda ad utriusque ditionis fines situm municipium in potestatem redactum. Uxama, Gormatium, aliaque in locis oppida, quæ superiori bello amissa erant, ad Christianorum ditionem jusque revocata. Quo ex tempore Castellæ nobilitati datum, ut plerique quætores sunt, ne suis sumptibus prædæ tantum spe militiam tolerare cogerentur: quod ante facere consueverant, sed stipendio constituto, ut cæteris nationibus solenne erat; receptumque moribus. Ex his rebus quantum suorum sibi benevolentiam Sanctius Comes adjunxerat, tantopere superiorem gloriam materna cade fœdasse visus est. Erat illa Mauri cuiusdam Principis amore capta, quem potentissimæ libidinis esse cognoverat; verum illi nubere dubitabat, filii iustum dolorem, atque ex dolore iracundiam verita. Itaque necato filio scelestis nuptiis et locum pararet, venenum temperare constituit; quod ille indicio facto matrem hœoris specie quamvis invitam & recusantem præbere compulsi. Unde nonnulli suspicantur morem illum inter Hispanos quibusdam locis receptum frequentemque ma-

nasse, ut femina viris præbiant. Tanti facinoris expiandi causa, & ut populum ex ea re invidiam aliquam ex parte leniret, virginum monasterium extruxisse memorant, & de matris nomine Oniense nuncupasse; quod consequenti tempore Sanctius Rex Vasconum cognomento Magnus monachis Cluniacensibus attribuit, & nostra ætate principem locum obtinet inter reliqua eo tractu cœnobîa. Nati sunt Sanctio ex Urracâ uxore Garfias filius, præterea Nunnia, Therasia, atque Tigrida; duæ priores viris principibus conjuges datæ, Tigrida Oniensi monasterio præfecta. Novum iter per idem tempus Compostellam ad D. Jacobi templum Sancti Comitis impensa sperum atque constratum, per Vascones scilicet, Rivogiam, Viruefcanos, agrumque Burgesem: cum prius angustus Christianorum finibus, ex Gallia peregrini per Cantabros & Asturum montes, loca aspera atque impedita, iter facere magno labore consuevissent. Interea Alfonsus Rex, & ipse diuturnæ tranquillitatis beneficio propter Maurorum dissidia, fœdusque inter Christianos Principes sanctum consanctus, ad pacis artes conversus, Ovetti generales regni conventus agitabat salutis anno millesimo vigesimo. In eo conventu præcæ Gothorum leges reformatæ. Mox Legio urbs, quæ Maurorum injuria ad casus redacta erat, Regis diligentia sumptuque instaurata; templumque extructum D. Joannis Baptistæ nomine ex luto & latere compactum; in quod Veremundi patris, aliorumque Legionensium, Regum ossa Maurorum metu locis errantia, illata sunt atque stabili sepulchro sedeque collocata. Pelagii monasterium instauratum, ubi Constantia soror Regis virgo Deo sacra vitam diu egit. Vigila (alii Velam nominant) conatus adversus Castellæ Comites, quibus ex privata contentione injuriaque insensus fuerat, quanti extiterint superius est explicatum. Hujus filii tres Rodricus, Ja-

Pppp 2 cobus

cobus, & Enecus à Sanctio Comite in gratiam admissi, atque ad paternos honores restituti sunt; brevi tamen ad ingenium redeuntes & veteres injurias nova perfidia cumulant, Sanctio relicto Legionem ad Alfonso Regem abierunt: nam in Mauris parum presidii esse poterat in tanta rerum colluvie & Principum inconstantia. Ab Alfonso benigne accepti, atque ditone non exigua unde vitam principalem sustentarent, in submontanis donati aliquando quiescere visi sunt; re novæ perfidiæ depromendæ idoneum tempus expectabant, ut eventus declaravit: quod brevi evenit. Alfonso Rege defuncto ad Visum urbem Lusitaniæ, quam cum Mauris cuperet eripere, obsidione premebat, atque dum incantius detractis armis, lustrandi studio muro succedit, sagitta ex urbe emissâ interfectus est; funus procurantibus Episcopis, qui Regem ad bellum secuti erant, obsidione soluta corpus Legionem delatum: atque in D. Joannis, ubi patris & matris sepulcra ipse constituerat, tumulatum est, salvis

anno millesimo vigesimo octavo. Filios reliquit Veremundum regni successorem & Sanctiam in minori ætate. Quo tempore Attilanus Legionensis Episcopus, & Florianus Presbyter divini verbi præcoximius, in magna sanctitatis opinione erant: eoque merito calitum numero adscripti sunt. Barcinonis principatum Raymundi filius Berengarius de avi nomine cognomento Borellus, jam undecimum annum obtinebat, ocio & ignavia ad posteritatem magis, quam ulla virtute insignis. Hujus socordia rem Christianam in eo Hispaniæ tractu inclinatum Bernardi Taliaferri Comitis Besaluni virtus eximia, magna ex parte tutata est; & hoc in Rhodano merso, cum in Galliam iter faceret, Wifredus Cerdanienæ Mauros de finibus læssentes, ex ea provincia male multatos rejecit. Berengarii filii Raymundus Barcinonis, Guillelmus Minorese Comites, & Sanctius Benedictinus monachus, patri superstitibus fuerunt.



C A P U T XII.

Veremundus III. Legionensis Rex.

VEREMUNDUS eo nomine tertius ætate puer patre defuncto sumpsit regium insigne, regni proceribus atque

Episcopis presentibus ejus seculi anno vigesimo octavo. Quo anno Sancti Castellæ Comitis mors accidit; cum genti viginti

viginti duobus annis jura dixisset. In Onienſi monaſterio, quod ejus impenſa extructum fuiſſe dictum eſt, ad aræ maximæ lævam tria ſepulcra cum inſcriptionibus monſtrantur, Sancti Comitis, uxoris Urracæ, Garſiæ filii, qui patre deſuncto Caſtellæ principatum obtinuit maxima ſpe propter virtutum ſpecimen ſingulare, ſucceſſu non eodem: cum intra primum principatus annum fuerit extinctus ſumma eorum perfidia, quorum minime oportebat, in ipſa nuptiarum læticia. Erant Garſiæ duæ ſorores, Nunnia & Theraſia. Nunnia (alii Elviram nominant, alii ab ætatis ut arbitror prærogativa Majorem) Sancti Vaſconum Regis certe uxor fuit: unde nati erant Garſias, Fernandus, atque Gonſalvus, Theraſia aut patre concedente, aut ſtatim ab ejus obitu Legionenſi Regi Veremundo uxor data eſt: unde Alionſus ſuſceptus, brevis ævi infans futurus. Garſiæ Caſtellæ Comiti impuberi tredecim non amplius annos nato, Sanctia Veremundi ſoror pacta eſt. His affinitatibus providebatur ut fœdus ante aliquot annos inter Chriſtianos Principes iſtum, & pax publica, cum qua res communes & privatz reſurgere videbantur, immota ſtaret. Iis nuptiis celebrandis Legio urbs designata eſt; Garſiam Principem ſplendidiſſimum ex univerſa ditione, tum ex Vaſconum regno procerum comitatus proſequebatur. Ipſe Rex Sanctius cum Garſia & Fernando filiis eo proſectus, quo major læticia eſſet, ſequebatur militum multitudo juſti exercitus in modum: quorum virtute Montio oppidum non procul Palentia ſitum, aliaque eo tractu oppida, Ferdinando Gutierro Comiti, qui novi atque adoleſcentis Principis deſpectu ab ejus auctoritate deſecerat, erepta atque in ditionem priſtinam reſtituta. Ipſi Ferdinando, quoniam voluntate dedicationem ſecerat imperata facere paratus, venia conceſſa. Modicis itineribus Legionem, ut cum tanta multitudine opus erat, procedebatur. Garſias moræ impatientia Sanctio Rege ad S. Facundi oppidum relictæ, ipſe cum paucis citato ſe ad ſponſam cujus inviſendæ flagrabat ſtudio, proripuit. Vigiliæ filii tempus veniſſe arbitantes perfidia depromendæ, vindicandi injurias, quas à Sanctio Comite illatas eſſe, inique ſci-

Tom. I.

licet conquerebantur, ut erant à multo rerum uſu callidi, quos idoneos arbitrabantur eos in ſcleris ſocietatem aſciſcunt, in benevolentiaque ſimulatione inſidias comparant. Itaque adveniēti Principi, quaſi officiū grātia obviam procedunt: & procumbentes nixique genibus veniam poſtulant, & manus oſculum petunt, ſolenni inter Hiſpanos cæremonia. Quis in ſupplici habitu coitionem & dolum ſuſpicaretur? fallaces & incertas hominum voluntates, læticiam nunquam ſynceram; culpam in decus vertere venia impetrata cum propere debuiffent, nova perfidia cumularunt; Principemque, ut erat candido animo, venturi ſecurum & in ipſa nuptiarum læticia haud ſatis cautum, impetu ſacto peremerunt ad S. Salvatoris ædem ipſamque templi januam, quo nimirum rei divinae procurandæ cauſa convenerat. Immane atque impium facinus. Rodericus ipſe inter fratres natu-maximus, quem de ſacro fonte infantem ſuſceperat, nefarius parricida, primum ſerire auſus eſt; reliqui conjurati iſtus ingeminarunt. Sanctia prius vidua quam uxor atroci nuncio excitata, cum ſpiritus quem continuat dolor, in præcordia eſſet revocatus, in occiſi amplexus ruens cælum, terras ejularibus complet; miſerabilis rerum facies, cum ſumma læticia graviſſimo luſtu repente mutata eſſet; vix contineri potuit quin ſponſi tumultum vivens ſubiret. Occiſus eſt tertiodecimo die Maii, ipſo quo pater deſunctus eſt anno. In D. Joannis extemporario ſepulcro conditus, deinde in Onienſi monaſterio; quod utrobique Garſiæ ſepulcrum monſtratur. Verſus ex eo reipublicæ ſtatus. Sanctius Rex Vaſconum, qui caſtrorum in modum in Legionis ſuburbis ſe erectis tentoriis continuat, Caſtellæ principatu auctus eſt, Comitis honore atque nomine regiis inſignibus atque appellatione commutatis: unde ejus potentia Legionenſi Regi ſuſpecta & formidabilis eſſe coepit. Parricidæ ex fuga Montionem ſunt delati: forſitan ſperantes Ferdinandum Gutierrem ob erepta oppida Garſiæ & Sanctio Principibus infeſtum, facile conjurationi aſſenſurum, approbaturum facinus. Verum ſive eo prodente ſive diligentia Sancti Regis, cum veſtigiiſ omnibus fugientes inſequeretur, in poſtea-

Qqqq

testatem redacti igne combusti sunt: se-
veroque supplicio sancitum perfidos cona-
tus haud impune procedere. Interea Ve-
remundus paternæ cordis exemplo à bellis
abhorrens, & nova Garfiaz Principis cala-
mitate humanarum rerum inconstantiam
edoctus, ad religionis studium & pacis
artes animum convertit. Ac primum
quæcunque in populi moribus erant
depravata temporum licentia, mali-
tia hominum, corrigendi cupiditate, ju-
dicia constituta, leges ordinata: neque
minori diligentia lacerocinia tota ditione
sublata: & suppliciorum magnitudine
sancitum ne quilibet peccare auderet.
Oppida, urbes & arces, atque in iis Di-
vorum immortalium templa, quæ bello-
rum injuria everſa erant, publico sum-
ptu instaurata. His actionibus magnam
à provincialibus gratiam inierat, & pa-
cis opimæ bonis florere videbatur: quam
Sanctius Navarra Rex importuna ambi-
tione turbavit. Etenim Veremundus
prole carebat, & regni successio legibus
ad Sanctiam sororem reditura putabatur:
quod ne ad externum Principem per eam
deolveretur summa cura providebatur.
Votum id erat Regis, & provincialium,
quod Sanctio Regi Vasconum clam non
erat; audendo, & ſillendo, & bella ex
bellis ferendo Reges fere magni eva-
dunt: unaque & ea præcipua causa bel-

landi est prava imperii & divitiarum cu-
pido. Itaque ex utraque ditione, valido
exercitu conflato, in regiam Veremundi
ditionem populabundus irruit, ejusque
fines ultra Cee fluminis ripam submovit:
videbaturque cunctam provinciam, cursu
victoriarum secundo subjugaturus. Ve-
remundus iis incommodis castigatus,
hortatu procerum, qui pacem quam
bellum mallebant, ad faciendum sœdus
animum adjecit, cujus hæ conditiones
fuerunt. Sanctia Ferdinando Vasconum
Regis filio (is natu secundus erat) nubi-
to. Dotis nomine Veremundus dato
in præsentia quidquid armis eo bello
esset detractum, in posterum regni suc-
cessorem denunciato. Castellæ regnum
concedente patre post ejus & matris obi-
tum obtinet. Eo sœdere pax stabilis
Christianis tota Hispania reddita est,
universa ditione late Christianorum in
ea imperium patebat, ad unius familiæ
jus & potestatem redacta. Conjunctis
temporibus gemini principatus Castellæ
atque Legionis, quob magnopere mor-
tales detestari solent, externi imperii
jugum pertulerunt, duabus foeminas ad
utriusque successionem admittis, quod
Legionis regno sæpe antea usurpatum
erat exemplo salutari sæpe: sed quod
cæteris per orbem nationibus haud fa-
tis probare potuimus.

C A P U T X I I I.

Sanctius Major Rex Vasconum.

SANCTIUS ætate proveſta erat cum
Castellæ principatu auctus est, & Fer-
dinando filio ad Legionensis regni suc-
cessionem patefecit aditum, rebus in
omni vita gestis, domi militiæque cla-
rissimis: unde non tantum Majoris co-
gnomine honestatus est, sed etiam Im-
perator Hispaniæ vulgo dictus; ut so-
let populus haud magna de causa suis
sæpe Principibus splendidos affigendo ti-
tulos assentari. Omnino urbem Anaga-
rum domicilio delegit: in eaque, quo-
niam in utriusque ditionis confinio sita
erat, imperii sedem constituit. Ita pacis
artes coluit, ut belli curam nunquam di-
mitteret. Ac primum arma in Mauros
convertit, qui intestinis dissidiis tumultu-
antes injuriæ opportuni fore maxime

videbantur. Inerant milites superioribus
bellis exercitati, & provisi ante com-
meatus; lata populationes factæ. Cor-
dubam usque penetratum; nullus obviam
prodire ausus. Regem tamen terrorem
belli circumferentem, Maurorumque op-
pida, agros & arces vastantem, diripien-
temque, domestica calamitas retro revo-
cavit. Proficiens in bellum, genero-
sum equum, ac quo nullus erat nobilior;
Reginæ solcite commendavit: nihil
enim ea tempestate equorum armo-
rumque possessione carius erat Hispani-
is. Garfiaz Regis filius natu maximus
à matre Regina equum sibi dari petiit:
neque illa abnuebat, ni molestum id Sanctio
fore Petrus Sessius nobili loco vir re-
gio stabulo præfectus denunciasset. Gar-
fiaz

fias ex repulſa dolore in furem actus, ſive vero interpretatus, haud levi de cauſa plus Petri preces, quam ipſius poſtulatam valuiſſe: ſive ſimulato, ut dolore ulciſceretur, adulteri crimen matri imponere conſtituit; nec juvenili impetu rem executus eſt: quo major fides eſſet, ſolenter Ferdinandum fratrem ad ſcleris ſocietatem invitat. Impium illi & nefarium facinus viſum eſt primum: deinde commento ita connivere, ut tragœdiæ ſpectator neutri ſe parti adhæſurum jurejurando polliceretur. Garſiæ criminatio Regis animum vehementer perculit. Hinc Regiſſæ celebrata pudicitia, & integra ſemper fama movebat: illinc filius, quem niſi magna de cauſa in eam cauſam ingreſſum eſſe exiſtimare non poterat. Ferdinandus ſententiam rogatus accipiti reſponſo, patris animum vehementius conturbavit, atque ita, ut Reginam cuſtodie manciparet in Anagari arce. In nobiliſſimum & procerum conventu de re tanta diſceptari placuit; omnium communi ſententia ſtatim, ut niſi eſſet qui jure, armisve Regiſſæ pudicitiam tueretur, ignis poenam ſubiret. Erat Regi filius ex impari matre, quam alii Urracam, alii Caiam nominant: principi in Vaſconibus loco, Ramirus nomine. Is innocentis novercæ vicem miſeratus, atque Garſiæ fratris fraudem odoratus ſingulari certamine, quod ea tempeſtate inter Hiſpanos erat uſitatum, proſtitetur ſe depulſurum calumniam, quæ innocentie obtendebatur; magnum Regi ex ea provocacione parabatur malum utraque parte vincente, victave. Verum eam omnem procellam viri ſancti diligentia diſcuſſit; qui multa monendo hortandoque, cum diceret dedecus Regiſſæ non ad ipſam tantum pertinere, ſed ad Regem etiam, ipſoſque, atque ideo Hiſpaniam univerſam: viderent ne criminando matrem, quam etiam ſontem tueri debuiffent, divinam vindictam in ſuum caput provocarent, graviffimæque ſupplicia, quibus impios auſus Deus vindicare conſueviſſet: eo perduxit regioſ fratres, ut calumniam confeſſi primum, deinde ad patris pedes provolui veniam deprecarentur. Rex negat, niſi Regina placata ſe eis tantum ſcelus condonatu-

rum. „ Siccine, inquit, tantum faci-
 „ nus in nos regiamque noſtram ſuſ-
 „ cipere animis atque designare auſi eſ-
 „ tis, nefarii ſcleratique filii? ſi eo digni
 „ eſtis nomine, graviffima inuſta macula
 „ noſtro generi atque ſanguini. Tueri
 „ matrem quamvis ſontem erat conſen-
 „ taneum, manifeſtaque ſcoditati vitam
 „ & ſanguinem velum prætereſſe: nunc
 „ innocentem de turpiſſimo crimine
 „ poſtulaviſſe quantum nefas? Parcite ſu-
 „ peri, in hoc ſcelere omnia inſunt ſcle-
 „ lera, impietas, crudelitas, furor; to-
 „ lerabilem aliquam vindictam ſumite.
 „ Parcite mortales, in uno crimine ſum-
 „ mi, mediæ, infimi violaſi eſtis. Ex-
 „ ternæ nationes parcant ad quas tantæ
 „ nequitie fama pervenerit, neque ex
 „ ea de noſtris moribus conjecturam fa-
 „ ciant. Parce ô ſanctiſſima conjux non
 „ magis filiis quam patri. Vix lacrymas
 „ teneo, vix me contineo, quin paren-
 „ tum reverentiam veſtris capitis ſan-
 „ ciam. In ira tamen quid nobis potius
 „ ſit dignum, quam quid ipſi ſitis pro-
 „ meriti conſiderabo; neque ut in luſu
 „ veteri novus exoriarur luſus commit-
 „ tam. Detur id ætati, detur temeritati
 „ veſtræ. Nimia te Garſia fili indulgentia
 „ corripit, ut princeps impietatis auc-
 „ tor fratrem in fraudem impelleres. Ne-
 „ que poenæ in præſenti expeto, neque
 „ in poſterum veniam do. Matri veſtræ
 „ ſanctiſſimæ innocentiffimæque de vo-
 „ bis arbitrium permitto; quod illa ſan-
 „ xerit, id juſ fasque eſto; & ipſe meæ
 „ facilitatis credulitatiſque veniam per
 „ omnia numina deprecabor. Sic filii à
 „ patre repulſi ſunt. Regina procerum
 „ precibus fatigata, & filiorum lacrymis
 „ viſta veniarum hac lege dediſſe traditur:
 „ ut Ramiro pretium operæ atque de-
 „ ſenſæ innocentie merces eſſet Arago-
 „ niæ regnum: in quo natalium vitium
 „ eximia virtus & fides compenſarent.
 „ Garſias penes quem poſſimum ejus
 „ tragœdiæ culpa fuerat, maternæ ditionis
 „ atque imperii ad quod legibus vocabatur,
 „ hæreditate careret. Utrunque pa-
 „ tre Sanctio concedente factum. Ta-
 „ metſi nonnulli hujus narrationis fidem
 „ elevare conantur: ſe potius Sanctii teſta-
 „ mento & voluntate ditionem inter filios
 „ partitam fuiſſe arbitrantur, exemplo quod

Ferdinandus filius Sanctii alio tempore est imitatus. Nobis neutrum pro magnitudine satis compertum est. Convenit quidquid hoc fuerit ante annos ali-

quot contigisse: Garciamque sive delicti procurandi causâ, sive voti reum Romam abiisse.

CAPUT XIV.

Sanctii Regis obitus.

PACE rebus reddita & domestica calamitate mitigata, Sanctius animus ad religionis cultum consequenti tempore convertit. Celebris erat ea tempestate Cluniacensis monasterii sodalium, quod in Burgundia situm est, fama sanctitatis. Laxaram injuria temporum D. Benedicti disciplinam severioribus legibus astringendam curabant. Inde colonie in varias Gallie & Hispanie partes mittebantur. Sanctius hominum fama permotus in Leirensi monasterium, quod olim veterum Regum munificentia extructum erat, id genus monachos evocavit. Idem in Oniensi monasterio prestitum virginibus, quibus attributum erat, Baylenum oppidum ablegatis. Ei cœnobio Garcias primum prefectus est: qui cum aliis monachis ex Gallia venerat: deinde Enecus, quem in Aragonie montibus secretam à convictu hominum vitam exigentem Rex compulit novi collegii curam suscipere. Defuncti corpus, quem in calitum numero ponunt, Onienses monachi anniversariis sacris colunt. D. Joannis cœnobium, quod prope Jacam constitutum fuisse docuimus, veterum Regum Suprabis sepulcris nobile, iisdem Cluniacensibus monachis incolendum est datum. Et ne tantam multitudinem, quantum necesse erat tot domiciliis occupandis evocare ex Gallia necesse esset, providus Rex Paternum sacerdotem & duodecim socios in Galliam dimiserat, ut Cluniacensis collegii moribus informari, exculi institutis eam vite rationem traducerent in Hispaniam. Neque in eo tantum optimi Principis cogitationes resisterunt: verum cum animadverteret temporum perturbatione factum, ut in jura ecclesiarum & possessiones prophani homines, qui vi plurimum poterant invassissent, ea in libertatem asseruit. Exatque Sanctii diploma, quo Joanne XIX. Romano Pontifice concedente, mona-

chis Leirensibus facta potestas est salutis anno millesimo trigesimo secundo, Pompelonensem Episcopum creandi. Etenim antiquis temporibus propter frequentes barbarorum incurfiones Pompelonenses Episcopi in Leirensi monasterium sedem transfulerant: ut quoniam in Pyrenæi jugis situm est, locorum munitione ab injuria tuti essent. Nunc Sanctii virtute pace parata, Episcoporum conventus Pompelone habitus est. Convenerunt Pontius Ovetensis Archiepiscopus, Garcias Anagari, Nunnius Alava, Arnulphus Ripagorsæ, Sanctius Aragonie, hoc est, Jacæ, Julianus Castellæ, hoc est, Aucæ Præsules. In eo concilio nihil prius actum est, quam ut Sanctio Leirensi Abbate & Pompelonensi Episcopo agente, pro eo quod principem gratiam locum apud Regem, cujus magister fuerat, obtinebat, prisca sedes Episcopo Pompelonensi redderetur: quod in presenti dilatum, successoris demum Petri Rodæ tempore executioni est mandatum. Nam fere veteribus vulgo homines stare malunt, & nova instituta cum passim repudientur, ægre à populis suscipiuntur, neque facile in mores abeunt. Sub vite finem Palentiam urbem instaurandam curavit haud magna aliqua de causâ; bellicorum injuria multo tempore everfâ jacebat: parietinæ tantum extabant, & rudera stragesque lapidum, prisca structura ædificiorumque vestigia: præterea vetusti operis rude templum, quod olim D. Antonini nomine dicatum fuerat. Sanctius otii tempora ferarum venatione transigere solitus, ne nihil videretur agere, & est venandi ars bellicæ meditatio, iis in locis aprum infectatus est ad ipsum usque templum, quo fera confugit, seu forte fortuna, seu quia in ea vastitate in ferarum lustra verum erat. Rex nihil loci religione motus, aprum ad aram decumbentem venabuli icu transigere parabat:

rabat: cum forte animadyerit brachium
repentina torpedine diriguisse, con-
cidisse vires. Vindictam esse numinis
interpretatus, quasi loci sanctitati ho-
norem non habuisset, & ex ea religione
obstrictus D. Antonini opem vene-
rabundus implorat: delicti, quod per
infcitiam admissum erat; veniam pre-
catur; sentit mox brachium pristino
restitutum vigori. Pro eo merito fru-
ticibus extirpatis, cæsiq; sylva, ur-
bem denuo exædificandam curat, exor-
natque ædificiis. Templum pro tem-
pore extructum, in antiquum digni-
tatis splendorisq; locum restituit, in-
stauratæ urbis novo Episcopo designa-
to. Tragœdias scribere videor & fabu-
las: sed ipsis Hispaniæ historiis non
quali commentitia sed facta ejusdem
generis multa memoriæ sunt commen-
data; nos fidem neque adjungimus, ne-
que detrahimus: quam res meretur ex se
lectores statuunt. Tantis rebus Sanctius
bello paceque peractis, magnam sibi glo-
riam pepererat, amplam posteris diuonem.

Hæc nomen ejus vehementer illustrabant,
illa magis: actionum gravitas, constantia
& magnitudo animi, probitas, fides,
excellens in omni genere virtus. Vitæ
exitus paulo tristior fuit. Ovetum festi-
nabat cupidus invisendi sacra sanctorum
corpora, quorum possessione ea civitas
religiosa semper est habita, plenaque præ-
senti numine; ex insidiis in itinere inter-
fectus est. Res prospere gestæ multo-
rum illi & magnorum Principum odia
conciliarant, cædis auctor, neque me-
morizæ proditum est quis fuerit, neque
tunc forte cognosci potuit. Corpus Ove-
ti tumulatum; inferiæ more patrio datæ.
Ferdinandi filii Castellæ Regis cura inde
post aliquot annos Legione in D. Isido-
ri templum illarum. Octobris die octa-
vo decimo occisus est, salutis anno mille-
simo trigesimo quinto, importuna regni
divisione filiis magna certamina relin-
quens, parata reipublicæ magna mala:
ut sere Principes subditorum periculo
debachari consueverunt, maloque pu-
blico peccare.

FINIS LIBRI OCTAVI



JOANNIS MARIANÆ HISTORIÆ DE REBUS HISPANIÆ. LIBER NONUS.

C A P U T I.

Rerum status in Hispania.



ONSEQUENTIUM temporum calamitates motusque graves, & dissidia inter fratres & necessarios, documento erunt bonæ posteritati regni hæreditatem, præsertim cum modica est neque latissi-

mis regionibus patet, individuum esse debere. Pulcherrima opinio & rebus humanis maxime salutaria, potestatis naturam esse incommunicabilem: ambitionem regnandi impotens malum esse, impium, suspiciosum, iniquum, fallax: nullo neque amicitie neque propinquitatis respectu frænari, quo minus omnia permisceat atque pessundet. Gentem quidem nullam video, neque tanta humanitate & doctrina excultam, neque tam feram & immanem, apud quam hæc persuasio non pervaserit: & video tamen plerosque ab omni memoria, indulgentia videlicet paterna victos, aut præpostera cautione persuasos, imperium in plures divisisse; quos perperam atque inepte secisse tristicini plerunque rerum eventus declararunt: neque tamen deteruerunt alios, ne majorum errorem imitarentur. Nimirum abolitæ opiniones sæpe recurrunt: dum humani ingenii vicio præterita præsentibus commodiora fore putantur, & suæ quisque spei nimium indulget; quod Sanctio Regi, cujus actiones & vita supe-


rriori libro explicatæ sunt, & Sanctii posteris accidit. Cum enim res Christiana, quam late priorum imperium in Hispania patebat, sub unius ferme imperii esset revocata non absque divino munere, ut Maurorum imperium, quod in præcipiti erat, opprimeretur tandem, ditionem in plures partes divisit. Igitur quoniam rerum novam sylvam ingredimur, & uberior atque copiosior scriptio deinceps futura est, commodum fore arbitror sub lectoris conspectum ponere rerum statum, qui Sanctii regis morte in Hispania esse coepit. Inter Sanctii filios paternum regnum ita divisum est. Garfias natu maximus Vasconum regnum obtinuit, atque Cantabrie ducatum: præterea quiddam terrarum ab urbe Anagaro usque ad Auce montes pertinet. Ferdinandus ætate proximus Castellæ principatu, patre supersite & matre Nunnia concedente auctus fuerat, Comitibus appellatione in Regis nomen mutata. Gonfálvo è tribus Nunnie Regine filiis natu minimus, Suprarbe data est, atque Ripagorfa, Loharri & S. Emeterii arces. Ramiro, quem ex impari matre, præcipue tamen nobilitatis genitum fuisse docuimus, Aragonia imperium fuit, detractis aliquot arcibus: quas providus pater concordia inter fratres vincienda causa, in Garfias ditionem contraxit. Reges omnes appellati; unde intestina bella nata, motusque exitiales: dum singuli magnitudinem paternam æquare student,

student, seque angustis finibus clausos esse dolent. Legionensē regnum Veremundus eo nomine tertius, Ferdinandi leviter obtinebat imperio, regionibus in Astures, Calæcos, & Lusitanæ partem fufum, atque in Vaccæis Piforica flumine terminatum. In Catalaunis Raymundus Barcinonis Comes cognomento Senex late imperabat; qui ipso quo Sanctius Rex defunctus est anno salutis millesimo trigesimo quinto, patri Berengario Borello in principatu successerat: in exiguo quidem corpore, virtute præcipua & ardore animi cuius majorum exaquandus. Ejus enim auspiciis & armis Minoresæ arx, Calafi Regis prata (nomen id loco est) Tarraga, Cervera, aliaque vicinis locis oppida, quæ patris incuria ignaviaque amissa erant, Mauris erepta, & in pristinam Christianorum ditionem revocata sunt; vicinis Maurorum Regulis bello fractis, tributa imperata, leges datæ. Duas uxores deinceps habuit, Radalmurim & Almadim; ex priori conjugē geminæ proles factus est pater, Petri & Berengarii; ex altera Raymundus Berengarius est natus, à molli, densâ flavaque cæsarie Stupæ caput vulgo dictus. Atque is erat reipublica Christianæ status. Maurorum regna, ut est superius demonstratum, tot ferme erant, quot eorum ditione urbes primariæ numerabantur. Cordubenses ob imperii vetustatem, tamen infestis dissidiis debilitati erant, proximum auctoritatis locum obtinebant; secundum hos Hispalenses, Toletani, Cæsaraugustani, Ofsenses; alii præterea minuti Reges genti imperabant, opibus, potentia, auctoritate nostris impares, pronique in exitium, si essent qui præcipientes urgerent. Verum ab hac pulcherrima cogitatione, dissidia inter fratres & cognatos nulla idonea de causa repente enata, mentes & animos avocarunt. Garfas Vasconum Rex an voti reus, an impietatis quam matre criminanda susceperat, eluendæ causâ ante mortem patris Romam abiit (uti paulo ante dictum est) Apostolorum Petri & Pauli templa, uti erat in more positum invisurus, plena majestatis & numinis. Ramirus fratris professionem ad augendæ ditionis occasionem verti posse considerans, & alioqui nulla fides vic-

nis Regibus est, fœdere cum Cæsaraugustano, Ofsensi, Tudelanoque Maurorum Regulis facto, iustoque exercitu ex sua gente conflato, Tafaliam in Vasconum finibus aggressus est. Garfas confecto iunere redux in patriam ulciscendæ fratris audaciæ cupidus, & ferendæ opis obfessis necessitate, suorum delectu habito numerosam regni pubem armat: improvisoque adventu fratrem solvere obsidionem & tota Aragonia spoliatum, in Suprabem & Ripagorsam aufugere compulit: tanta festinatione fugæ, repentino fratris adventu consternatus, nudus ferme in equi, quem sine ephippiis & fræno ad manum habuit, dorsum insiliens vitæ periculum evaserit. Magnorum motuum hæc initia fuerunt. Legionenses enim Ferdinando Castellæ Regi non satis æqui erant; perditissimi assentatores, ut sit, neque bello neque pace boni, Veremundi Regis auribus insidiantes, ejus animum in fororiorum irricabant. Interceptæ fororis dolor stimulabat, atque ditionis imminutæ injuria, Sanctii & Ferdinandi armis paterni inperii parte detracta, uti est superius indicatum; utriusque injuriæ vindicandæ opportuna occasio sese dabat, fratrum dissidio, Ferdinandi virium imbecillitate propter angustiam ditionis. Ergo ex sua gente iusto exercitu conflato, de finibus lacessere constituit. Ferdinandus suarum rerum periculo admonitus, Garfiam fratrem ditionis amplitudine validum, & nova victoria exultantem in auxilium advocat. Ad Carionis ripam in Tamaronis valle, atque ad Lantadam oppidum, castra castris collata; totis utrinque ciribus dimicatum; multi ex utraque parte cadunt. Veremundus ipse ante alios ætate & gloria belli, ut sibi quidem videbatur, præterea equi velocitate confusus, cui Pelagiolo nomen erat, in confertos hostes rapitur, mediumque penetras agmen, Ferdinandi cum quo armis decernere, cupiebat nanciscendi præceps cupiditate. Verum dum mortis contemptu hostium acies pererrat, militari lancea trajectory atque ex equo præcipitatus occubuit. Idem vitæ atque regni finis fuit. Ferdinandus victricibus armis continuo Legionensē regnum, quod alioqui jure debebatur, occupavit. Quod facile fuit, ex adverso

Regis casu omnium provincialium animis consternatis. Tametsi pervulgato gentium omnium affectu, externi imperii odio arma initio corripuerunt, utriusque Regis conatibus obfistere parati. Inanis sine viribus audacia est, vani conatus. Itaque cum regni caput Legio, ad quam continuo victor exercitus advo-

lavit, neque satis munita esset, ex quo à Mauris everfa fuerat, neque satis instructa armis, milite & commeatu ad obsidionis mala toleranda, victori Ferdinando urbis portas, quas primo adventu clauseran, magna utriusque gentis lætitiæ significatione aperuerunt.



Ad D. Mariæ de Regula Legionensis Rex proclamatur, atque regni insignibus & diademate exornatur. Servandus Legionensis Episcopus totius cæremoniæ Antistes, die Jovis, qui dies Junii mensis vigesimus secundus fuit, decimo Kalend. Julii, ut Rodericus scribit, nimirum salutis anno millesimo trigésimo

octavo. Regnavit deinceps annis octo & viginti, mensibus sex, diebus duodecim, cum duodecim annis partem patre superstite, partem defuncto regnasset in Castella, angustis quidem tunc regionibus descripta, latissima tamen cali solique facie.

C A P U T I I

Ferdinandi bella in Mauros.

FERDINANDUS Rex imperii diuturnitatem & magnitudinem, qua parto Legionensi regno, facile omnium Hispaniæ Regum ea tempestate potentissimus evasit, religionis & pietatis castissimo cultu, maximarum laude virtutum, & rei militaris summa ac singulari gloria exæquavit; unde Magni cognomen eximio gentis favore peperit, ut veteres historiæ declarant: & ejus ætatis schæde, populo scilicet in assentationem

effuso, Imperatorem, aut Imperatoris parem vocant. Numerosa præterea prole felix fuit. Prius quam Rex esset, Urracam primum genuit, deinde Sanctium successorem, Elviram Cabræ Comitis uxorem, Alonsum præterea, ad quem consequenti tempore rerum summa rediit, & Garsiam natu minimum ex unis atque legitimis nuptiis omnes. Filios in tenera ætate civilibus, adultos militaribus artibus erudien-

diendos curavit: filias pietatis studia colere, exercereque ea quæ fœminis consentanea sunt. Pace domi parva, atque reipublicæ statu fundato, pium bellum susceptum: victriçiaque arma in barbaros versa; quod ad novi imperii auctoritatem faciendam haud parum referre putabat, si Mauros ad extremos Durii fines, in veteris Lusitaniz parte (unde Extremaduræ nomen fluxisse putant, in alium Hispaniz tractum, Tagi & Anæ ripis inclusum) bello exagitallet. Itaque Ferdinandus novis magnisque delectibus exercitu aucto in hostes irruit, Christianorum finibus assuetos, & tunc vicinos agros & oppida vastantes. Victis atque male multatis, præda omnis crepta Emeritz atque Pacis Augustæ, cum vincendi studio atque dulcedine ulterius progressum esset, fines eodem impetu ferro igneque vastari; non agris, non oppidis parcebatur; multa hominum pecorumque præda abacta. Sena & Gane oppida in potestatem redacta. Visum urbs in intima Lusitania circumfessa, ac tandem vi expugnata: tamen barbari qui in ea civitate erant, pro extrema spe enixe dimicarant; eo lætior expugnatio fuit, quod in ea non solum publicas, sed etiam privatas injurias Ferdinandus ultus esse visus est: eo sagittario capto, quem sagitta è muro emissâ, Alfonso Legionensem Regem, Ferdinandi socerum peremisse superius est demonstratum; supplicium facinoris fuit effossi oculi, utraque manus, & pes alter amputati. Eodem victoriæ cursu arces Sancti Martini & Taranis in eodem tractu venerunt in potestatem. Pro quibus rebus Compostellam profectus Ferdinandus ad D. Jacobi, quem Hispaniz tutelarem esse multis argumentis, à multisque annis comprobatum habebant, rebus divinis procuratis, vota pro divino beneficio partim exolvit, partim denuo nuncupavit, quæ cœperant, rata fixaque ut essent precatus: neque belli fortunam, quæ arridere cœperat, ex summo volvi contingeret: non ante cessare, atque ab armis discedere certus, quam impium Maurorum nomen in Hispania deleteret; atque hæc altero anno gesta sunt ex quo Legionensis Rex factus est. In sequentem annum, qui ejus sæculi quadragesimus fuit, bello repetiti barba-

Tom. I.

ri. Conimbrica obsessâ, ac tandem in potestatem est redacta, Mauris unam salutem pactis: nam malis omnibus oppressi erant, & diuturna obsidione fatigati: quam septem annis tenuisse confirmant nonnulli, numero proculdubio mensium, per errorem in annos transformato. Urbs ea atate in Lusitania celeberrima Conimbrica: nostra, publicis omnium artium scholis, quæ ingenio homine dignæ sunt, cum prius nobilis: quas Joannes eo nomine tertius Portugaliæ Rex non ante multos annos fundavit impensa sua: optimisque redditibus auxit, unde professoribus artium ingentia stipendia constant. Lormani cœnobii monachi, Ferdinandi conatus magnopere juvisse memorantur comiteatui præbito, quem ex labore manuum, quo vitam sustentare soliti erant, in multos dies clam Mauris rerum dominis comparatum habebant. Subsidii præbati quod fuerit præmium ignoratur. His victoriis imperii Legionensis fines usque ad Mondajum fluvium propagati. Conimbricæ arce, reliquis oppidis & arcibus, quæ Mauris eo tractu erepta erant, Sisnandus vir primarius & Mauricarum rerum scientia præstans, ad quos aliquando à Christianis transfugerat, fortemque & fidelem operam Benabeto Hispalensi Regi Christianis qui in Lusitania supererant opprimendis navarat, cum potestate præfectus est: bello paceque rempublicam curare justus. Dum Conimbrica obsidio ducitur, Graculus quidam Compostellæ, quo religionis ergo venerat, cum frequenti multorum sermone audisset affirmari, Jacobum sæpe equo insignem & armis in præliorum conflictu visum inter utrasque acies imminere, nostrisque opitulari: Jacobus, inquit ille, non miles fuit, sed piscator; proxima nocte, cum se quieti tradidisset, oblata Apostoli species est, nostris ad Conimbricam opitulantis; fides fornio habita: cum eadem hora urbem esse captam; post dies aliquot est renunciatum. Ferdinandus rebus omnibus compositis rursus Compostellam abiit, dona magni pretij ex belli inanibus Jacobi templo oblaturus cujus patrocinio opeque superiores victorias constiitisse, & novas indies parituro sperabat. Secundo gratias numini & Apostolo tutelari actus, Legionis & Castellæ urbes atque

SIT

oppida

oppida triumphantis in morem obivit; rei publicæ procurandæ cura erat, & subsidii colligendi in belli sumptus: quod de novo majori mole atque opibus inferre barbaris in sequentem annum cogitabat gravissimum: qua parte Mauri ad Iberi ripas, pecore divites, eo quod Christianis abstulerant, secure habitare nunciatum erat. Regibus Vasconum atque Aragoniæ, quorum erat acceptas ex parte injurias vindicare, intestino bello occupatis, quod per hæc tempora magna mole gestum est. Commodum Ramiro accidit Ripagorsæ & Supræbis imperio autum esse Gonsalvi fratris morte: quem salutis anno millesimo quadagesimo quinto; (alii superflite patre id contigisse ex veteribus schedis disputant) Ramonetus Vasco ad Mondusi pontem è venatione redeuntem ex insidiis ac proditorie interfecit; occisi corpus ad D. Victoriani sepultum est. Novi regni opibus Ramirus Rex bellum adversus Vascones Aragoniam occupantes, administrabat: potentia nequaquam pari, sed rei militaris atque imperatoris peritissimus, & finitimorum auxiliis sublevatus: nam Gisbergam, seu ut alii vocant Hermefendam Bernardi Rogerii Bigerronum Comitis ex Garfenda uxore filiam, in matrimonio habebat: ex qua Sanctium & Garfiam filios genuit: præterea Sanctiam, quæ Tolosæ Comiti nupsit, & Therasiam Guillelmi Bertrandi Provincie Comitis uxorem. Ad hæc ex impari matre filium alium nomine Sanctium, quem Aivaris, Xabierris, & Latris, præterea Ripagorsæ Comitis nomine, principatu auxit; verum nulla prole suscepta, ad veterem Regum ditio nem hæc urbes ex aliquanto intervallo redierunt. Insignia Ramiro fuerunt crux argentea in cæruleo aquare, quæ à posteris sunt mutata. Ad Ferdinandum redeamus; qui belli impetum in Carpetanos convertere certus, agrumque Toletanum, unde gravia incommo-

da rei Christianæ à Mauris inferebantur, Gormatium primum, deinde Vadum regium, Aquilariam, & Valeranicam (hæc hodie Verlanga est) vi capias præsidis occupavit. Demum Turiasonensem tractum ferro igneque vastavit. Maurorum speculas, quibus per eam ætatem universa Hispania distincta erat, unde vigilie custodique, hostium conatus speculabantur, fumoque finitimis significabant, magno numero usque ad Medianam Celinam evertit; quibus rebus perfectis in Toletanæ urbis fines irrumpit, transcendens iis montibus, qui utriusque nationis ditionem finiebant. Talamantica, Uzedæ agros depopulatur; ad Fenarii ripam Caracam & Complutum, & regionibus vicinum Madritum omnibus injuriis afflixit. Præsentis calamitatis & majoris mali metu Almenon Toleti Rex provocatus, magno auri atque argenti pondere pacem redimere compulsus est. Idem fecerunt Cæsaraugustanus, Portugalenis & Hispanensis Maurorum Reges; vestigialibus annuum tributum imperatum; quod gloriosum erat nomini Christiano, ignominiosum foedumque Mauris, ex tanta paulo ante potentia, repente usque adeo debilitatis, ut neque suis, neque alienis viribus, cum proxima esset Africa, consisterent: & leges ab iis acciperent, quibus ante dederant. Quæ quidem neque nostrorum prudentia, neque humanis consiliis contigisse putandum est, sed Dei immortalis præsidio: qui præsens suo numine atque auxilio rem Christianam ferme prostratam erexit, & castissimæ religionis cultu, cui exemplo Principis eruditi proceres & populares, dediti in primis erant: usque dum nostrorum probitate & fide barbari provocati, repudiata patria superstitione, ultro religioni Christianæ nomina darent quidam, sanctorum virorum corpora alii, quæ Christiani venerabantur, auro atque gemmis majores thesauros esse putarent, quod proxima narratio declarat.

C A P U T I I I.

D. Isidori ossa Legionem Hispaniæ translata.

ERAT Legione templum Joannis Baptistæ nomine dicatum, veterum Legionensium Regum sepulcris quidem no-

bile: cæterum vetustate deforme & male materiatur. Sanctia Regina, ut erat pietatis laude excellenti, viro persuadet uti

uti religionis augenda causa illud templum instaurandum, & Sancti patris corpus Oveto, ubi sepultus fuerat, in illud transferri, suaeque & Regum posterorum sepultura designandum curaret: nam in S. Facundi animo desinerat. Rex æquissimis postulatis facile annuit, pietatis studiis uxori non impar, & religionis sanctissimæ amore flagrans. Eiusdem hortatu, cum templum magnis molibus ad cubitum usque perductum cuperet sacris sanctorum reliquiis, quæ multæ erant in Hispania, illustrare: ac eorum præsertim quos Hispali (quæ erat urbs in Bætica facile princeps, Maurorum autem crudeli dominatu premebatur) olim pro religione magno numero occubuisse erat exploratum: Benabertum ejus urbis Regem armis aggressus est, ejusque fines longe lateque vastavit. Multa oppida in Lusitania atque Bætica, in quarum provinciarum parte regnabat, aut cæde, ruinis incendioque lœdata, aut prorsus imperio subdita. Rex Maurus iis cladibus compulsus magno pacem redemit: atque annum pactus, vœdical in Ferdinandi fidem se imperiumque contraxit: quem ille ea lege recepit, si Justæ virginis corpus, qua potissimum de causa bellum susceptum erat, Regi quam primum Hispali transfunderet; per eum modum fide ultro citroque data ab armis discessum est. Episcopi Alvitus Legionensis, Ordonius Alturicensis; præterea Nunnius Comes, Gonçalvus, atque Ferdinandus viri primarii Hispalim abs Rege legati, sacri corporis repetendi causa: additum ad omnes casus militare presidium. Cives Hispalenses re vulgata, tamen opinionibus de religione discrepabant, sive sua sponte cum non ignorarent quantum presidii in sacris corporibus esset ad tuendam rempublicam atque salutem: seu à Christianis, qui in ea urbe supererant, persuasi, repente ad arma excitati, negant se vivis exportandi Christiani Justæ virginis corpus fore facultatem. Legati incipiti cura suspensi erant, & quid facito opus esset dubitantes: nam Regem Maurum urgere periculosum videbant: & re infecta redire tum sibi, tum nomini Christiano ignominiosum fore judicabant. Alvito Pontifici legationis principi secundum quietem visus augusta pul-

cherrimaque specie D. Isidorus ejus urbis olim Episcopus, ut ipsius osu pro Justæ corpore Legionem deportaret, mandavit: fore uti corpus quo designabat loco inveniret: ipsumque paucis diebus interituum, veritatis formæ, atque divinæ voluntatis indicio; utrumque accidit magno legatorum miraculo. Nam & Isidori corpus in Hispali veteri, quo ipse loco designarat, effossum est, continuoque Alvitus graviter æger, ita uti medici diffiderent, septimo die extinctus est. Reliqui legati certi divinæ voluntatis, utriusque Pontificis corpus, Isidori & Alvi secum Legionem detulerunt. Rex & filii Durium usque religionis ergo obviam profecti, sacra pignora solenni supplicatione atque apparatu inter faustas populi acclamationes, præcipuumque lætitiæ, nudis pedibus suis ipsi humeris aliquanto spatio scilicet succollantes, in D. Joannis Legionensis ædem intulerunt. Multa tum Hispali, tum toto innere prodigia edita; cæcorum oculi aperti: surdis infusus auditus: pedum viro afflictis gradiendi restituta facultas. Alvi corpus in templo maximo tumulatum est. Isidori in Joannis Baptistæ loco sublimi atque præclaro; unde consequenti tempore factum, ut ædes illa verus Joannis Baptistæ nomen, Isidori appellatione mutaret. Miraculum auxit, cum jumenta quæ utrumque corpus portabant, sponte sua nullo ducente ad utrumque locum constitissent. Nec me præterit accipiti hæc hominum opinione estimari: sed quia non nova dicuntur, sed tradita olim ab aliis, fidem auctores præsertim Lucas Tudensis, qui hæc scripsit libro dicato, sibi vendicent; nostrum est antiquis monumentis testata, integra fide literis mandasse. Vincentii, Sabinæ & Christæ corpora, Abula per idem tempus translata sunt, ut Pelagius Ovetensis est auctor: Vincentii Legionem, Sabinæ Palentiam, Christæ in sancti Petri conobium, quod ad fluvium Aslanciam situm est. Cojanæ (quæ nunc Valentia in Ovetensi agro est) Rege Ferdinando & Regina Sanctia disceptantibus, procerum, & Episcoporum novem conventus est habitus anno millesimo quinquagesimo. In ejus legibus promissæ populo mandatur. Diebus Dominicis nocturnis diurnisque precibus interesse, quæ statim

horis in templis decantantur. Tum omnibus diebus Veneris per annum jejunia ex ritu ecclesiastico instaurare. Præterea duæ regię puellæ, Maurica superstitione abjecta, Christiana sacra susceperunt: Casilda Almenonis Toletani Regis, & Zaida Benabeti Regis Hispalensis filia. Casilda prior cum esset à tenera ætate ingenio facili, & ad humanitatem propensio, in domo paterna Christianos, qui magno numero captivi tenebantur, vitamque in luctu & squalore calamitosam agebant, cibo & rebus omnibus recreare solita erat clam patre. Quem memorant, re indicata, filię latebras aditusque omnes diligenter observasse: deprehensamque aliquando, cibos, quos in sinu ad captivos ferebat, repente in flores, rosasque mutatos, patri ecquid ferret cum magno animi motu roganti, veste explicata monstrasse. Quo illa miraculo percita monitaque divinitus, si à fluxione sanguinis sanari cuperet, qua curanda medici omnia artis remedia frustra consumpserant, in lacu D. Vincentii nomine, quod in agro Viruescano est, ablueret, ad nostra sacra adjecit animum. Pietatis officia divinum numen, Christianæ religionis luce volebat compensare. Itaque à patre, cum quo rem omnem communicarat, pro jure amicitie, quæ illi esse coeperat cum Christianis, ad Ferdinandum Regem missa est, ejus morbi curandi causa. Morbo depulso, & aquis salutaribus ritu Christiano expiata, divini beneficii memor, immemor patriæ: in rupis fastigio quæ ad lacum est, domuncula exædificata, sanctissimam vitam exe-

git, multis illustrem miraculis, quo merito in celestium numero locum habet, templisque recepta est. Tertiodécimo Aprilis die, ejus memoria anniversariis sacris celebris est in nonnullis ecclesiis Hispaniæ. Casildæ exemplo, sive sua sponte incitata Zaida, lavacro Christiano ex nostro more lustrata, in Alfonsi Regis nuptias post aliquot annos concessit. Prodigia, quæ Isidori corpore exportando contigisse divinitus paulo ante dictum est, mukum contulisse visæ sunt, ut in suscipiendæ Christianæ religionis voluntatem vehementer incumberet. Accessit somnium, in quo divum Isidorum viderat in augusta specie, blandæque voce, ut rem maturaret monentem. Rex pater consilii incertus, cum nec filię precibus resisti posset, & suæ gentis animos alienare nollet, si eo concedente intelligeretur filiam factam esse Christianam: re cum Alfonso Ferdinandi filio tandem communicata, optimum visum est, ut simulatis inimicitie causis, cum manu militari in Hispalensem agrum ipse irrumperet: filiamque ex composito idoneo loco constitutam, ejusque adventum expectantem, quasi vi captam raperet, in patriamque deduceret. Quæ res cum ex sententia processisset, Zaida Christianis moribus informata, nostris imbuta sacris, atque Elisabethæ nomine indito (Mariam Rodericus ait) Alfonso deinde nupsit, quo tempore rerum in Hispania potitus est, uti competenti loco explicabitur, Pelagius concubinam fuisse ait, stupri cum eo junctam consuetudine; verum hæc post aliquot annos conlugerunt.



C A P U T I V.

Garfias Rex Vasconum occisus.

IPso anno quo Isidori corpus Ferdinandi cura Legionem perlatum est, Christi millesimo quinquagesimo tertio, Garfias Vasconum Rex in prælio occisus est: animo ferox, militari laude præfatus, non Ducis modo prudentis, sed etiam militis fortissimi partes implere solitus. Discordiæ fraternæ semina superioribus annis jacta ad maturitatem hoc tempore pervenerunt; à parvis quidem initis orta (ut fit) in magna tandem odia exarserunt, Garfiasque perniciem, quod minime oportuit. Ferdinandus Viruæ agrum & Rivogis partem, tanquam sui juris repetebat; exoletis videlicet annalium exemplis, ad Castellæ ditionem pertinere disputabat. Garfias contra injuriam sibi factam regno divisio querebatur: jusque suum in privata controversia, recentissimæ consuetudinis usu, & patris testamento tuebatur. Regnandi inexhausta aviditas fraternos animos in præceps agebat: dum uterque parvum quiddam instar eorum, quæ spe ac magnitudine animi conceperet, regni ditionem ducit, quæ humanæ felicitatis

Tom. I.

magna labes est. Ferdinandum aliquando officii causâ invidentem, Garfias frater cum Anagari æger esset, retinere voluit donec postulatis satisfaceret: nisi indicio ille opportune facto, fuga periculum declinasset. Invidiæ, quæ ex ea suspitione gravissima exarsit, quasi pro officio maleficium reddidisset, studio depellendæ procurandæque, Garfias Burgos abiit: ubi Ferdinandum fratrem ex aliquanto spatio & ipsum ex morbo decumbere nunciatum erat. Ille tempus venisse ratus injurias vindicandi, jurisque obtinendi, in causâ de qua disceptatio erat, Garfiam fratrem in custodiam tradit ad Ceiam oppidum. Inde brevi custodibus corruptis in Vasconiam evasit: & doloris ulciscendi cupiditate inflammatus, magnis delectibus tota ditione habitis, Maurorum præterea auxiliis evocatis, in Castellæ fines irrupit: atque Aucæ montibus superatis, late populationes facit. Ferdinandus collecto numeroso exercitu, quem ex superioribus bellis valde exercitum habebat, obviam procedit bellum defendere,

Tttt

dere, quod tanta vi inferebatur, quam injuriam facere parator. Ad Ataporcam (nomen id oppido est sextodecimo ab urbe Burgis lapide) in conspectum ventum est: & positis castris utræque acies ad pugnam instructæ; non animo, non armis, non arte belli, non vigore aut viribus corporis quisquam ea tempestate Ferdinando par erat. Garfias ferox natura, rapidus in consiliis, ac lingua immodicus militum animos vehementer alienarat: nam multos antea importuna aviditate tota ditione, bonis everterat, criminibus sive veris sive assimilatis: & sub ipsum conflictum de ea re à plerisque appellatus, ut damna reponeret iis qui pertulerant, eorum preces constanter repulit: ne alieno tempore, cum audacia opus erat, timoris significationem daret, & expressâ necessitate benignitas esse videretur; alioqui superbas aures habebat, dicta contumeliosa, aditus difficiles, & contagione rerum alienarum erat corruptus animo. Vir primarius, cujus nomen clam est, de facto constat, pro eo quod Garfias Regis teneram ætatem rexerat, gratia apud eum & auctoritate plurimum valens exacta prudentia, & ipsa canicie venerandus, cum in quanto periculo res essent provideret, fœdere faciundo satagebat à prælii cogitatione Reges avocare; tentata pacis spes eo annitente, datumque à Ferdinando ut prior de pace fratrem appellaret; missus caduceator varios & commutabiles præliorum eventus esse docuit; quæ à fratre per errorem commissa erant, debere eum humanæ imbecillitati, communi omnium salutis, condonare: neque dum privatum dolorem ulcisciperat, rem Christianam in præceps dare, alienasque injurias innoxio suorum sanguine ulcisci vellet. Paratum se satisfacere, quantum delecti arbitri in re præsentis judicarent. Quod ætatis auctoritati, & fraternæ indulgentiæ datum erat ut prior de pace interpellaret, caveret timorem interpretari; infirmi id animi significationem esse suspicari, fore proculdubio exitiale; se enim cum numerosas & validas copias sub signis habeat, quod ne ipse quidem ignorabat, modestia, justitia, atque æquitate superare voluisse: orbique testatum facere, haudquaquam sua voluntate ingentem cladem suscipi, quam jam

providebat animo. Additæ ad hanc orationem pædagogii preces & lacrymæ. Regem tamen, quem in exitium fata rapere videbantur, neque gratia flestit, neque auctoritas frangit, neque præsens periculum movet. Ergo ab utræque parte pugna signum datur, & magno animo in prælium concurritur. Garfias pædagogus paucitate, imbecillitate, & alienatione suorum perspecta, cum de victoriâ desperasset, neque patriæ exitio superesse vellet, devovit se: & incrimis arreptis tantum gladio & lancea militari, in aciem hostium irrupit, præliansque occidit. Reliqui Ferdinandi impetum non tulerunt; res trepidæ, metus ingens, malum urgens Vascones exagitat; duo milites Vascones, cum à suo Rege paulo ante descisissent, ad regiam cohortem ferro penetrantes, Garfiam hasta trajectum peremerunt. Cadente Rege reliqui omnes in fugam acti. Ferdinandus victoriâ lætus, fratrisque casu conturbatus, militibus suis mandavit, ut Christianis parcerent. Mauros ex fuga palatos passim per agros, magno numero aut interfecerunt, aut in captivitatem egerunt. Garfias Regis corpus militibus datum, Anagarique tumulatum est in D. Mariæ, quam ipse ædem ab imo totam extruxerat. Ex Stephanïa uxore, quam ex Gallia duxerat patre superstite, quatuor filios reliquit, totidem filias. Sanctium, qui continuo in regno successit, Ramirum cui pater Calagurris principatum, quem Mauris abstulerat dono dederat, Ferdinandum & Raymondum, Ermesendam, Semeram, Majorem, atque Urracam quæ Garfias Comiti nupsit, ei de quo sermo nobis deinceps est rediturus. Occisi imperium, utriusque fratris armis laceratum imminutumque est. Ferdinandus oppida & urbes, de quibus controversia erat, nullo resistere auso in potestatem redegit: Viruescam, Auca montes, & Rivogiæ partem eam quæ ad Ogiam pertinet: quod flumen in vicinis montibus, ubi D. Dominici Calciati fanum est, ortum atque in vicinam planiciem dilapsum locis Rivogiæ nomine dato, ad Harum municipium in Iberum influit. Reliqua Rivogiæ pars, & Vascones, atque Cantabriæ ducatus, Anagarum, Lugrunium, aliæque urbes & oppida

in Sanctiū ditione manserunt. Aragoniam lujus belli progressu, beneficioque Ramirus armis recepit, spe complexus regnum univcrsum occisi fratris. Nam se Argoniz, Suprarbis, Ripagorsæ & Pompelonis Regem, ut scedæ veteres testantur, per hæc tempora nominabat; & successu elatus Mauris, quorum reliquæ supererant in Ripagorsæ agro ditioneque, Benavarrum illato bello abstulit. Demum inter Ramirum

& Sanctium novum Regem fædus ea lege est factum: ut utrinque arces inter se traderent loco obsidum. Ruesta & Pitilla Sanctio datæ. Sanguesa, Lerda, & Onduesium Ramiro. Cura utrosque sollicitabat, ne dum mutuis dissidiis indulgent, Ferdinandi viribus, quæ formidabiles esse cœperant, finitimis carperentur; contra eum ergo arma sociare, eosdemque inter se amicos & inimicos habituros esse pæcti sunt.

CAPUT V.

Ab imperio Germanico eximitur Hispania.

Quo tempore bellis civilibus ardebat Hispania, Germaniæ imperium (nam in eam provinciam annis superioribus ex Gallia migraverat) Henricus eo nomine secundus regebat. Romanæ ecclesiæ Pontifex supremus & maximus erat Leo nonus. Leonis successor Victor eo nomine secundus pontificatum adeptus, cupiensque sacrati ordinis mores, & vitam superiorum temporum licentia nimium laxatos, majori severitate coercere, Florentiæ, quæ Hetruriæ caput est, Episcoporum concilium egit anno millesimo quinquagesimo quinto. Ex eo conventu Hildebrandus ex Cluniacensi monacho Subdiaconus Cardinalis, cujus magna erat opinio probitatis, & ingenii dexteritate ad verlandos hominum animos valebat maxime, in Germaniam atque Galliam dimissus est, ut Imperatorem de revocanda veteri disciplina appellaret: Tironis Galliæ urbe eos motus compesceret, quos Berengarius ejus ecclesiæ diaconus, novis de religione opinionibus excitarat. In eodem conventu, ut notrorum historiis memoriæ proditum est, Henrici legati ejus jussu & verbis querimoniae & mandata ad Patres detulerunt, quorum hæc summa erat. Regem Ferdinandum contra morem majorum & legum præscripta facere, qui se imperii Romani jure exemptum ferret, & incredibili arrogantiâ ac levitate in ipsum imperii nomen invaderet. „ Atque ego,

„ rem. Sed in consilio capiendo Patres
 „ omnem orbem, quam late imperium
 „ Christianorum patet, respicite: cujus
 „ incolumitas stare non potest, nisi sit
 „ unus, cujus auctoritatem cuncti respiciant,
 „ cujus imperio devincti sint, obtemperent voluntati. Respicite sanctam
 „ Pontificum maiestatem, quorum fluxa auctoritas est, nisi Imperatorum
 „ (quos ea de causa in orbe
 „ Christiano proximum potestatis locum
 „ obtinere voluerunt) armis & potentia
 „ muniantur. Nascentem temeritatem in
 „ ipsis incunabulis comprimate: ne prævum
 „ exemplum celsatione nostra, dissimulatione vestra ad alios promanet;
 „ & cæteris omnibus provinciis ad dulce
 „ & sæpe fallax libertatis nomen arrectis,
 „ imperii & pontificatus sacrosanctæ
 „ majestatis ad inanem appellationem perducatur. Sacrificiis ex ritu Christiano
 „ Hispaniam interdicit, Regisque insolentis caput diris execrationibus
 „ defigite; quod si feceritis, honori ecclesiæ
 „ me non defuturum profiteor, & reipublicæ salutem una vobiscum curaturum,
 „ quæ in periculum vocatur: sin timore defugitis, me honori imperii
 „ non defore, mihiq; privatum consulere certum habeo. Secundum
 „ eam orationem Patres eam rem sibi curæ fore respondent; re deliberata, Victor
 „ pronuntiavit, Henricum (cujus rebus ut faveret natura cogeat: erat enim natione Suevus)
 „ videri æqua postulare. Missi legati Ferdinandum verbis Pontificis & Patrum monuerunt, ut imperio deinceps
 „ satisficeret, & Imperatoris nomine abstinere: quod neque legibus, neque

auspicio desumpserat, dira omnia nisi continuo pareret comminari. Rex ancipiti cura anxius sive morem gereret sive parere recusaret, ne ex utraque parte gravissimis perpetuisque malis Hispaniam implicaret: concilio gentis coacto de tanta re disputare constituit. Variæ dictæ sententia. Pars, quorum religione animi tacti erant, obtemperandum judicabant: ne Pontificem & Patres in suum caput irritarent, & bello implicarent Hispaniam, quod futurum providebant, & quod omni ratione vitandum videbatur: cum vires provinciae in plures Reges distractæ, & intestinis motibus debilitatæ essent: tantumque hostium Christiani nominis, Hispaniæ viscera fatigaret. Pauci pristinae virtutis memores jugum Hispaniæ libertati imponi gravissimum si morem gererent, disputabant: quod cervicibus admissum, haudquaquam excuti posset; præstare in acie mori, omnesque acerbitates pati, quam tanto malo & indignitate rempublicam implicari. Rodericus Diacius ea tempestate, opinione virtutis singulari, vivido ingenio, in ipso ætatis vigore circiter annos triginta natus erat, bonus consilio, manu promptus: qui Gormatii Comitem Gometium non multo antea, in privata contentione adacto in viscera gladio pederat. Occisi patris, pro quo supplicium debebatur, merces Semenæ filiae conjugium, fuit: cum illa juvenis virtutem admirata, sibi virum dari, aut lege in eum agi Regem postulasset. Rodericus ad paternam ditionem, dotali principatu occisi foci auctus, viribus & potentia validus, quinque Maurorum Regulos, qui Aucæ saltu superato, in Rivogia excursionses faciebant, cum tumultuaria manu prælio vicit: prædaque omni adempta captos ea lege dimisit, ut sibi vectigales essent, & quotannis tributum quod imponebatur ex fide penderent. Accidit ut Zamoræ (quam urbem ex quo Ramiro tercio Rege everfâ erat, jacueratque prostrata, Ferdinandus reficiendam curarat, datumque civibus, ut suis legibus, hoc est antiquis Gothorum viverent,) pactum vectigal quinque Regulorum legati repræsentarent, Cidumque honoris causâ vocarent: quod nomen Arabum lingua do-

minum significat; utrumque coram Rege & aliis principibus factum, quæ res multorum illi invidiam conciliavit; & est natura insitum ut recentem aliorum felicitatem malignis oculis aspiciamus: modusque fortunæ a nullis magis exigatur, quam qui in æquo fuerunt paulo ante. Rex id nomen ratum illi esse voluit: eoque deinceps per totam vitam cohonestatus est, veteris appellationis nulla ferme memoria. Sunt qui de Calagurris possessione urbis ad Iberum sitæ, Ferdinandus & Ramirus Reges cum disceptarent, rem ad singulare certamen deductam affirmant, & pro Ramiro Martinum Gometium, pro Ferdinando Rodericum pugnasse. Victum ac trucidatum in certamine Martinum, unde origo generis ei familiae, cui a Luna cognomen est in Hispania vetustæ & nobilissimæ, & quæ tot insignes viros procreavit; quæ ut tanquam falsa rejiciam, facit Gaspar Vasconum Regis armis eam civitatem Mauris ablata esse, uti paulo ante dictum est: nihilque in ea juris Aragonio Regi esse potuisse. Omnino Rodericus novi conjugii illecebris, multisque ex eo negotiis implicatus, quo tempore de imperii jure suscepta deliberatio est, concilio gentis non interfuit. Regis animus cum ætatis inclinatione ad pacem quam bellum propensior erat: tamen non ignorabat haud à parvo initio sui libertatis imminui: rogari tamen Roderici sententiam placuit, priusquam certi aliquid constitueretur. Negat ille consilium rem esse; armis defendendum, quod armis erat partum. Iniquum videri alienæ virtutis fructum ad eos redire, qui rebus perditis periculum & laborem non communicassent. „ Nonne, „ inquit, emori per virtutem præstat, quam libertatem à majoribus partam ludibrio esse genti barbaræ & immani: quæ præ se omnes homines contemnit: cujus superbiæ sunt aures, contumeliosa dicta, aditus difficiles, novæ crapulæ, inhumana crudelitas? „ An qui modo vix Maurorum servitutem evasimus, novum à Christianis paratum servitium suscipiemus? Ludibrio nos & nostra habent. Univerfus orbis, quam late nomen Christiani patet, Germani Imperatoribus, paret scilicet? Omnis gratia, poten-

„ tia

„tia, honos, divitiæ nostro & majo-
 „rum sanguine parta Germanis cedent:
 „nobis relinquent pericula, repulsas,
 „judicia, egestatem? Romani imperii
 „jugum, quod majores nostri excusse-
 „runt, reponet Germania? erimusque
 „vulgus sine gratia, sine imperio, si-
 „ne auctoritate, iis obnoxii, quibus si
 „vigeret animus, si viri essemus for-
 „midini esse deberemus? At difficile
 „est Imperatoris conatibus resistere,
 „Romani Pontificis jussis non obtem-
 „perare; verum infirmi animi est, pro
 „belli timore incerto, certissimis malis
 „republicam implicare; multa expe-
 „riendo fiunt, quæ seignibus ardua esse
 „videbantur. Occupavit nescio quæ
 „multos torpedo, quos neque gloria
 „moveret, neque flagitii infamia: satis
 „magnam libertatem ratos, quod à fla-
 „gris abstinetur. Tam averfas Sanc-
 „tissimi Pontificis aures à rebus nostris
 „fore non arbitror, ut non justissimis
 „precibus, atque aequitate causæ mo-
 „veatur: mittantur modo, qui nos-
 „træ libertatis causam audacter coram
 „eo tueantur, doceantque iniqua pete-
 „re Germanos. Mihi stat sententia, ar-
 „mis susceptam à majoribus libertatem
 „tueri, adversus omnium hominum
 „conatus; hocque ipso gladio defen-
 „dam patriæ proditores esse nequissi-
 „mos, quicunque aut ineptæ religionis
 „simulatione, aut prapostere cautio-
 „nis specie diversum consilium dabunt:
 „neque majori cura statuens servitutem
 „repudiandam, quam illi dominationem
 „appetunt. Quantum quisque patriæ
 „libertati studebit, tantum illi aut ami-
 „cus ero, aut insensissimus adversarius.
 „Vicit Roderici sententia, atque secun-
 „dam eam Pontifici quidam responsum
 „datum; adversus autem Imperatoris co-
 „natus, magnis tota provincia delecti-
 „bus, numerosus exercitus conflatus:
 „in quo decem millia militum erant, ad-
 „junctaque Maurorum auxilia, ex iis
 „urbibus, quæ Regi vestigales erant; co-
 „piis omnibus Rodericus præpositus,
 „cuncta administrare jussus. Ad hunc
 „imperii summa respiciebat. Placuit
 „ad ostentationem virium superatis Py-
 „renæi saltibus in Vascones penetra-
 „re. Tolosam usque perventum, urbem
 „ca tempestate amicam (sic puto): un-

Tom. I.

de honestissima legatio ad Pontificem
 missa, obtestatum ut re diligenti-
 us perpenſa mitteret, qui coram in re
 præſenti de jure imperii diſceptarent.
 Ejus legationis princeps Rodericus
 Comes erat, alius à Cido, & Alvarus
 Fannius Minaja; iis agentibus faci-
 le ab æquissimo Pontifice est impetra-
 tum, ut Rupertus Sanctæ Sabinæ Car-
 dinalis cum amplissimis mandatis,
 præterea Imperatoris legati, ejus con-
 troverſiæ componendæ cauſâ venirent
 in Hispaniam. Tolose ubi legati con-
 stiterunt, Ferdinando Rege interea in
 patriam reſerſo, agitata cauſa, atque
 pro libertate Hispaniæ pronuntiatum est:
 decretumque, Germanis nullum deinceps
 jus in Hispaniæ Reges fore. Quod
 ab eo initio ſuſceptum, confirmatumque
 populi deinceps moribus, conſenſu cætera-
 rum gentium, & publica jure conſultor-
 um ſententia, & judicio est comproba-
 tum; tantum plerumque præſidii rebus
 communibus, in unius viri virtute &
 prudentia ſitum est. Romani præterea
 Pontifices Hispaniam ſibi veſtigalem
 reddere cogitarunt: uti argumento ſunt
 litteræ Gregorii ſeptimi ad Reges, Co-
 mites, cæterosque Principes Hispaniæ,
 id confirmantis antiquis temporibus ob-
 ſervatum, priuſquam à Mauris Hispania
 eſſet everſa. Verum iis conatibus
 nihil eſſe proſectum, ac vero pari ani-
 morum conſtantia itum obviam, rerum
 eventus declarat, retenta ſemper à no-
 ſtris immunitate. Roderici genus ad Lai-
 num Calvum referebatur Caſtella Judi-
 cem, ut eſt ſuperius indicatum. Ex eo
 enim & uxore Elvira Nunnia Bella Fer-
 dinandus natus eſt, ex Ferdinando
 Nunnus; hic ex uxore Egilona genuit
 Lainum Nunnium, cujus filius fuit Di-
 dacus Lainus, nepos ex eo & Theraſia
 Nunnia Rodericus cognomento Cidus.
 Roderico & Semena uxore Didacus
 Rodericus natus eſt: qui patre ſuperſtite
 in prælio à Mauris fuit interfectus; præ-
 terea filia duæ, Elvira, & Sol, de quibus
 deinceps in hiſtoria ſermo recurrit. Ali-
 quot deinceps Epiſcoporum concilia ſunt
 coacta. Primum Compoſtellæ anno mil-
 leſimo quinquageſimo ſexto. Actionum
 præſes Creſconius Compoſtellanus, qui ſe
 Apoſtolice ſedis Epiſcopum dicit. Aſtue-
 re Suarius Dumienſis, & Viſtarius elec-

Vvvv

tus

tus Lucensis Metropolitanus; preterea presbyteri, diaconi, clerici, Abbates. In eo concilio multa sunt constituta, præclare, tum illud: Ut Episcopi & presbyteri quotidie divina hostia sacrificarent. Canonici cilicium penes se haberent, quod induerent jejunii tempore, & quoties divino numini litanis placando datur opera. ¹⁰⁴⁰ Jacca in ditione Ramiri Regis alter Episcoporum conventus habitus solutus anno millesimo sexagesimo Sancti Aragonii, Paterni Casaraugustani, Arnulphi Rotensis, Guillelmi Urgelitani, Heracli Bigerrontum, Stephani Olotensis, Gometii Calagurritani, Joannis Lectorensis, Austindo Auxitano Archiepiscopo actionum Præsides. Sacrorum ritus, qui temporum injuria depravati erant, restituti. Sacerdotum mores novis institutis exculi: iisque mandatum ne alio more quam Romano precarentur. Episcopi sedes Jacca constituta, quæ olim Oscæ fuerat: ea lege, ut capite de Mauris Oscæ honor pristinus redderetur, Jacca etiam urbe illi contributa, quod consequentibus annis est factum. Biennio post in D. Joannis Rupensis, Ramiro Rege præsentem, concilium Episcoporum fuit ad septimum Kal. Julii, Sancti Aragonii, Sancti Pompeionensis, Garfiae Naiarenensis, Arnulphi Ripacurtiensis, Juliani Castellensis, Pontii Ovetensis, atque aliorum Episcoporum

magno numero. In eo concilio a Sanctio majore superioribus annis factum decretum, ut Aragonii Episcopi ex ejus cœnobii monachis legerentur, communi Patrum consensu sancitum est. Per hæc tempora (nam de anno scriptores variant, nec certi quid constitui potest) Hugo à Pont. Ro. in Hispaniam Legatus Barcinone id Episcoporum & procerum conventu Raymundi Barcinonensis Comitis voluntate, Gothicas leges, quibus ante utebantur Catalauni abrogavit, novaque sanxit, unde jura populis ad nostram ætatem dantur. Hunc esse Hugonem illum Cardinalem puto cognomento Candidum, qui anno hujus sæculi sexagesimo quarto ad Principes Hispaniæ est Roma legatus, cum duo summum pontificatum gererent: & uterque legibus creatum se diceret, Alexander & Honorius. Ab Alexandro, à quo Hugo missus erat, quoniam meliori jure nitebatur, Hispani Reges steterunt. Is Legatus ut Gothica precandi ratio abrogaretur, quamvis magno conatu obtinere non potuit. Missi contra Mantuam in Gallia Cisalpina, ubi de schismate conventus Episcoporum habiti sunt, Episcopi tres, Munio Calagurritanus, Eximius Aucensis, Fortunius Alavensis Gothicos libros quos secum detulere Pontifici & Patribus probarunt quasi orthodoxos, nullaque vitiosæ parte.

C A P U T V I.

Reliquæ actiones Ferdinandi.

PROXIMOS reipublicæ motus & litem quæ cum imperio exitit, Mauri ad occasionem vertentes rebellandi, excutiendique imperii jugum, quod illis imposuerat Ferdinandus superioribus annis: eodem tempore quasi ex composito correptis armis, in Carpetanis & Celtiberia à regia auctoritate deficere visi sunt. Erat Rex ætate gravis, bellis sesus, quæ per totam vitam multa & gravia gesserat. Erat præterea tantis sumptibus regium ærarium exhaustum, vestigialium gravitate, ut fit, sessi provinciales. Sanctia Regina virilis animi fœmina, religionis propagandæ cupidissima, novi belli suscipiendi auctor exitit: auroque & argento, quod in privatos usus cultumque corporis compararat, Ferdinandum ul-

tro juvit. Ille his subsidiis sublevatus, contracto undique numero exercitu, in hostium fines impetum fecit; secundum Iberum flumen late populationes factæ; in Catalunos & Valentiam agrum cum ferro penetrasset, exercitum præda Maurica gravem reduxit. In Carpetanos pari exitu & felicitate bellum administratum; utrobique victor cum victis leges dedisset, Regesque vestigal, ut facere consueverant, pendere in præfens, & in futurum polliceri compulisset, triumphantis in morem in patriam rediit. Ad Valentiam quidam Isidori, quem per totam vitam coluerat, & cujus per quietem formam videre sibi visus fuit, oraculo monitum esse tradunt diem obitus ipsi instare: proinde expiandæ animæ sup-

pe-

peros propitiandi, ad quos brevi discessurus erat, diligentem curam gereret. Oraculi veritatem morbus qui continuo Regem invasit manifeste declaravit. Rex fide data, & captivis receptis, prædaque omni abacta quam ceperant; gentes eas in deditionem cum accepisset, castris inde motis, Legionem se deferri curavit, lætica scilicet militari, quam pro se quisque milites, ac viri primarii subire certabant; tantus erat cunctorum ordinum amor. Ejus seculi anno sexagesimo quinto, nono Kalend. Januæ. die sabbathi in urbem pervenit: ubi de more sacra corpora sanctorum veneratur, & felicem vitæ exitum precatus, lacrymis toto ore manantibus & corpore ad terram prostrato: tamen ægritudo ingravescere videbatur, ipsa nocte qua Christi Dei inter homines nati memoria recurrit, nocturnis precibus interfuit; sequenti luce re divina procurata, corporis & sanguinis Domini perceptione expiatus est; die altero, ad D. Isidori delatus magnis vocibus, ut omnes exaudirent, ad Deum conversus coram Isidori sepulcro: Tua est, inquit, potentia, tuum est regnum Domine: tu es super omnes Reges: tuo imperio omnia sunt subiecta: quod te largiente accepi regnum tibi restituo; tuam tantum clementiam imploro, ut animam meam in æterna luce jubeas collocari. Hæc dixit: positisque diademate, & insignibus regis trabeaque detracta, quibus exornatus venerat, ab Episcopis qui magno numero aderant, penitentiae & sacrae unctionis remediis ex ritu Christiano procuratus, indutus cilicio, conspersus cinere, die tertio, qui Joannis Evangelistæ memoria sacer est, hora sexta extremum spiritum edidit. Juxta patrem suum in eodem templo tumulatus est. Exequiæ funeris verisimilis totius populi lacrymis celebriores fuerunt, quam pompa & apparatu principali: quæ

tanto Principi deesse non potuit. Hæc ex Roderico Præsule, & Luca desumptum: haud ignari esse qui Cabezonii oppido prope Vallisoleum noto, extinctum fuisse Ferdinandum affirmant, ac ne de tempore quidem conveniunt. Nos quod veritati proximum visum est, id secuti sumus, neque ad arbitrium nostrum revocamus de tantis rebus disceptare, statuereque. Sane Ferdinandus dum vixit, insigni pietate fuit, quo merito Legione anniversariis sacris ejus memoria celebratur: & in calitum numero locum habet. Præcipua liberalitate & munificentia pleraque tota ditione templa, aut denuo excitavit, aut muneribus auxit, Legione præsertim D. Isidori, & D. Mariæ de Regula, monasteria. In Vaccæis. S. Facundi cœnobium, in quo præsertim cum ætatis inclinatione, quo tempore in pietatis studia diligentius incubuit, multus interesse solitus erat, usque eo ut cum sacerdotibus divinas laudes publice caneret, atque in communi triclinio cibum cum monachis sumeret paratum scilicet frugalemque. Accidit ut vas vitreum ab Abbate acceptum, inter Regis manus esset collapsum, quod ille aureum continuo restituit, ut Rodericus Præsul est auctor; additque Legione in templo maximo ob angustiam rei familiaris templi ministros nudis pedibus incedere: (tam rude seculum, tanta rerum necessarium inopie inter Hispanos erat) id Rex cum vidisset, annuos redditus ad comparandos ministris calceos designasse: mille aureos Cluniacensi monasterio annuos ex regis vestigalibus pendi mandasse. Regina Sanctia pari pietate sæmina à viri morte biennio decurso in contemplatione vitæ per virtutem actæ, & pietatis studiis, Legione terdecimo Decembris die extincta est, & prope viri sepulcrum posita.

CAPUT VII.

Ramirus Aragonia Rex occisus.

EX Ferdinandi Regis testamento, regnum trifariam divisum in trium filiorum ejus jus ditionemque concessit. Sanctius natu maximus Castellæ imperium, Pisorica atque Ibero terminabat:

quidquid enim à Garciæ Regis morte Vasconibus ablatum erat, ad veteres Castellæ fines subjunctum est. Legionis regnum Alfonso legatum: Campaniæ, & Asturum pars, quæ ad Devam flu-

fluvium pertinere, qui Ovetum præterfluit: præter hæc nonnullæ in Calæcia civitates. Garsiæ natu minimo reliqua Calæcia data est, & Lusitanie pars illa, quæ in Christianorum potestatem domitis pulsisque barbaris erat redacta; omnes Reges vocati. Urracæ Zamora, Elviræ Taurus cesserunt. Quæ urbes Infantisicum dictæ sunt, voce ea tempestate usitata ad eam hæreditatis portionem, quæ minoribus Regum filiis vitæ sustentandæ causâ obveniebat, significandam. Haud quietæ res esse poterant, in tot imperia, Regesque distractæ: & Ferdinandi obitu, expectatione magnorum motuum & consiliorum suspensû erat Hispania; quod nonnulli proceres providentes prohibere conati sunt, grandævumque Regem à dividendi regni sententiâ, mentem deducere, quo tempore in regni conventibus de ea re suscepta deliberatio est. In his Arias Gonsalvus præficus moris vir, qui magnum sibi locum apud superiores Reges bellica fortitudine, rerum usu, generis nobilitate, prudentiæ opinione, atque multis & magnis in rebus spectata fide comparaverat. Salutaria monita patrius amor, & potentior fortuna discussit. Sanctius eximia formæ dignitate erat, virium robore præstanti, belli quam pacis artibus instructior, unde illi Fortis cognomen. Tractabili ingenio, & miti, nisi aliqua injuria provocaret, & specie bonarum artium amici falsi, & fallaces corrumpere. Is defuncto patre injuriam sibi factam regni divisione querebatur: quod ob ætatis prærogativam integrum debebatur, multis imminutum partibus debilitatum. Hæc arcano cum amicis, & palam præse ferebat. Cæterum ne continuo in fraternali ditionem armis involare, matris quandiu vixit auctoritas retinuit: præsertim cum mortuo viro, Legionense regnum, quoniam dotale erat, ad ejus arbitrium revocatum esset. Regnavit annis sex, mensibus octo, diebus quinque & viginti; & initio quidem initi principatus novum illi bellum in Mauros primum natum est: deinde etiam in Aragonios: ut ferme bella ex bellis apta nexaque sunt, neque res commotæ semel in uno gradu resistunt. Ramirus Aragoniæ Rex felicibus armis imperiû fi-

nes proferendo, barbarorum reliquias, quæ supererant, universâ ditione expulerat; & victoriarum cursu Almagadadurum Cæsaraugustanum, & Almadafarem Ilerdensem Reges, vestigiales beneficiariosque reddiderat. Oscæ Regem aliquot præliis vicerat. Erant Carpetani finitimi Celtiberis, utrisque Edetani, ad quos Cæsaraugusta pertinet; armis Ferdinandi ii domiti, pactique annum tributum, pacem à victore redemerant; nunc partim Regum mutatione confisi, partim Ramiri Regis armis, rebus novis studere nuntiati sunt. Sanctius novus Rex expedito consilio validas copias in eas gentes ducit. Nihil in novis motibus celeritate salutari. Itaque Carpetani priusquam se plane commovere possent, ad officium redierunt; cum Celtiberis majus negotium, majorque belli moles exitit. Agri longi lateque vastati; oppidis & pagis illatæ clades. Cæsaraugusta princeps eo tractu urbs circumfessa à nostris, & belli malis tandiu fatigata, donec dedicationem facere compulsa est: ea lege, ut quoniam ab Aragoniæ fœdere discedendum erat, Sanctii armis à Mauris & Christianis, sicunde bellum ingrueret tuta esset. Eo fœdere haud dubium Aragoniæ arma movebantur; & Ramirus Regem Sanctius non obscure querebatur cum Rege Vasconum jurato hoste arma communicasse, in Castellæ fines irruptione facta. Celtiberos Castellæ beneficiarios suæ ditionis subjugasse. Gradus arcem, quam Mauri ad Eseræ fluminis ripam magnis operibus munierant, Ramirus obsidebat. Eam obsidionem ut ex fœdere dissiparet Sanctius occurrit. Improvisò ejus adventu Aragoni perculsi, & subita Maurorum irruptione à tergo & à fronte circumventi alii fugere, alii arma capere: temporis momento magna pars vulnerati aut occisi sunt. Rex ipse dimicans in pugna occubuit annum circiter millesimum sexagesimum septimum: cum supra unum & triginta annos genti imperasset. Corpus ad D. Joannis Rupensis primorum Regum sepulchris nobile templum, sepultum est; tristissima victoria fuit, calamitosa nomini Christiano, Sanctio ipsi victori male ominata: cum à patruî cade rerum suarum cursum auspicatus esset. Extat Gregorî septimi, qui proximo tempore Romanum pontifica-

tum adeptus est, præclarum de Ramiro Rege testimonium: quo primum Hispanorum Regum ait, Toletanæ superstitionis (sic Gothicam precandi rationem vocat) per gentes fufæ, & quæ mentes hominum stulta persuasione imbuerat, repudiatis erroribus, maiestatem Romani moris, & cultus lucem in Hispania terras invexisse. Sedi Apostolica imprimis & maxime deditus fuit: prorsus ut regnum, seque, & liberos Romanis Pontificibus obnoxios, vestigialesque fore, lege in æternum lata voluerit & sanxerit. Sanctium è filiis natu maximum successorem habuit annos natum duos de viginti, pari pietate virum: cujus ætate annoque millesimo sexagesimo octavo, Perpinianum in extrema Gallie ora, haud procul Ruscinonis vetusta urbis vestigiis, Guinardi Ruscinonensis Comitibus opera condita est, loco ubi gemina diversoria Bernardi Perpiniani erant: inde novæ urbi nomen. Sanctium Ramiri successorem memorant Gothicas leges abrogasse, Barcinonis exemplo scilicet: sanxisse Cæsareas, & secundum eas jura populis dari. Uxorem habuit Feliciam Ermenegaudo Urgelitano Comite natam; ex ea filios tres, Petrum, Alonsum, atque Ramirum deinceps Reges; stupro geni-

tum Garfiam, qui aliò tempore Jaccetanus Episcopus est creatus. Compostellanam ecclesiam ad hæc tempora Cresconius obtinuit, præsci monis integra probitatis opinione, præstanti vir ingenio. De-functo successit Gudesteus ex eadem familia, Cresconii propinquus. Hunc ecclesia suæ oppida repetentem, anno altero ex quo Pontifex renunciatus erat, in lecto nocturna vi oppressit, atque membratim discepsit Froila avunculus. Diram rabiem, tetramque dominandi cupiditatem. In hujus locum Didacus Pelagius cooptatus est; quo Pontifice in Hispania lex Toletana est, & lex Romana recepta: sic historia Compostellanæ auctor ait. Legem nos Toletanam, sacrorum ritus interpretabamur, sive divina hostia sacrificandum esset, sive laudes divinæ decantandæ ex Gallia Toletum advectos: inde in alias urbes & oppida fufos, Gothicis antiquatis, uti competentem loco explicandum est. Legem Romanam cœlibatus necessitatem viris sacratibus impositam invecramque in Germaniam, Galliam, Hispaniamque, Pontificum Romanorum diligentia: quoniam ecclesiastica disciplina multum ab antiquo collapsa, ac penitus labefactata erat.

C A P U T V I I I.

Sanctius Castellæ Rex fratres invadit.

PATRUELES tres uno tempore in Hispania regnabant, eodem omnes nomine, potentia non pari, vitæ exitu haud dissimili. Sanctius Castellæ Rex recenti facinore contaminatus ferebatur in præceps: tamen ditionis amplitudine, magnoque rei militaris usu, cæteris formidabilis erat. Sanctius Vasconum Rex angustis ditionis sinibus imperabat; junctis tamen ejus & Aragonii Regis viribus, ambo adversus prævalidum hostem alterna ope tuti erant, & paternis inimiciis communibus auspiciis persequerentur, non minori conatu, quam gloria. Ad Vianam in Vasconibus, quo victor Rex Castellæ præoccupandi studio hostium conatus ferro penetravit, insigni prælio dimicatum est; victus Castellæ Rex, & magna suorum clade in patriam est repulsus. Duo Reges eodem victoriæ cursu in Vi-

Tom. I.

ruescanos & Rivogiam irrumpentes, quæcunque Vasconum Regum ditione, Ferdinandi armis erant ablata, pristino imperio restituerunt. Conversis ad hunc modum nostrorum animis ad civile bellum, externa sine cura erant; ac præsertim Sanctius Castellæ Rex, ne acceptas superiori bello injurias armis persequeretur, novo bello impeditus est: quod adversus germanos fratres impium ac nefarium suscepit; imperii avidus, præcepsque ad explendam cupiditatem ferebatur, viribus & potentia ferox; fratrum imbecillitas animos faciebat: neque satis concordēs animi ad propulsandum periculum commune communibus armis; æqui atque honesti abjecta cura; tantum apud Sanctium Regem avaritia poterat, & utilitatis studium. Igitur quam maximas potest copias armat, omni paternæ ditioni impe-

Xxxx

imperare parans. Alfonsus in quem primum irruere volebat, tametsi ad Garsiam fratrem, Regemque patruales legatos miserat, ut adversus communem hostem vires communicarent, omnium telis peti debere scire instar crudelis & immanis: fretus tamen multitudine militum, & temporis angustia interclusus, armis contendere parat. Ubi res ad certamen venit, viribus impar & copiis, victus ex prælio profugit, ac deinde Legionem contendit. Ad Plantacam oppidum pugnatum; deinde cum Alfonsus vires reparasset, ad Gompelaram, ut Pelagius Ovcentis ait, (Rodericus Vulpulariam vocat, oppidum ad Carionis ripam situm) iterum acie dimicatum est; conversâ belli fortuna, victæ fusi-que Castellæ copiae. Ex re prospere gesta securitas nata victoribus. Rodericus cognomento Cidus Regem Sanctium, ut par erat, his omnibus bellis secutus, in re militari (ut superius dictum est) virtute magnus, magnus disciplina, cum quod futurum erat animo providisset, militem ex fuga retractum, summo mane hostium castra jubet invadere. Illi vino somnoque sepulti, nihil minus quam de prælio cogitabant. In repentino metu, ut fit, sibi quisque pro moribus consulit; pars fugere, pars arma capere, omnes præcipere, nulli exequi quod faciendum videbatur. Itaque brevi victi oppressique ab hostibus. Alfonsus ipse in templo B. Virginis, quod militari præsidio munitum erat, in oppido Carrione, quo præsidii causa confugerat; captus missusque Burgos, (anno millesimo septuagesimo primo dimicatum est) in ejus urbis arce in custodiam est traditus. Inde concedente Rege Sanctio, in S. Facundi coenobium, quod ad Cae fluminis ripam situm est, ea loca migravit: ut vita principali abdicata, & in sacerdotis cucullati morem detonsus, vitæ Christianæ institutis purioribus excolendis per totam vitam vacaret. Urraca soror impense Alfonsi rebus favebat, propter ingenii suavitatem, morumque modestiam. Petrus Ansurus, Comes ab ejus latere, rebus quamvis profligatis nunquam discessit. Si Sanctio primum ejus consilii auctores extiterunt, melioris fortunæ occasionem non defore cogitantes: dein-

de Alfonsum hortati sunt, ut veste monastica, quam tempori inserviens inventus susceperat posita, Toletum ad Almenonem Regem pro ea necessitudine, quæ illum inter & patrem fuerat, confugeret. Fecit ille quod moncbatur: Toletumque ex fuga delatus, deductusque ad Regem Maurum, hanc summam orationis, cum inter se salutassent, habuisse fertur. „ Quam vellem, Rex Almenon, „ quando ita futurum erat, ut Rex pau- „ lo ante felix potensque, patria extorris, „ inops, & cooperitus miseris externo „ præsidio indigerem, ad vosque confu- „ gerem supplex, meo aliquo merito tuam „ benevolentiam promeruisse. Verum „ neque ætas mea, neque discrepantes „ de religione opiniones id hæcenus tu- „ lerunt: & magnanimis Principibus, „ qualem te esse fama vulgavit, bene- „ ficii faciendi idonea satis causa esse „ solet injuria oppressos sublevare. Ego „ ut in malis gaudeo, à te potius quam „ ab alio quoquam Rege, præsidium „ fuisse postulandum: quem eximia be- „ nignitæ pollere perspectum habeo. „ Tu quoque latere venisse tempus, „ quo Magni Ferdinandi proli bene fa- „ cere possis. Quid etiam agerem, aut „ ad quem potissimum confugerem? „ Præsidia omnia extincta sunt; regni „ opibus frater germanus, si fratrem „ nominare fas est hominem omnium, „ quos terra sustinet crudelissimum: sed „ Sanctius tamen frater per injuriam spo- „ liavit. Belli causa dominandi ambi- „ tio fuit; in Garsia fratre parum opis „ erat, cum in eum irruere præjudica- „ tum habeat, patruales infensi rebus „ nostris. Longinqua ergo fuga me te- „ gere consilium fuit, atque ad tuam „ opem confugere. Neque peto ut „ prævalidum hostem mea causa irritis, „ tuisque viribus in regnum profugum „ restituere coneris; tametsi hæc preces „ sæpe apud præclaros Reges locum ha- „ bere solent: tantum exilio locum pe- „ to, rebus profligatis perfugium. In „ mœrore & luctu vitam, quæ tantum „ relicta est morte ipsa tristiore apud „ te exigam una spe latam, quod brevi „ futurum mihi persuadeo, ut qui nunc „ sceleribus suis ferox est, rebus repen- „ te commutatis, excruciatum omnibus „ malis, impietatis suscepæ in fratres &

„necessarios pœnas reddat. Quod
 „si contingat spei nostræ exitus par;
 „si exorata numina aliquando opem tu-
 „lerint: ingratum hominem beneficii-
 „que immemorem haudquaquam sen-
 „ties. Almenoni gloriosum ducens
 tantum paulo ante Regem ad se suppli-
 cem venisse, ejusque adventum re-
 bus suis commodum futurum cogi-
 tans, lætus pauca respondit. Ejus se ca-
 lamitatem misereri; ferendum tamen
 æquo animo casum, quem nulla sua cul-
 pa aliena inhumanitas attraxit. Varias
 esse humanarum rerum vices; proinde
 adversam fortunam ferret in presenti: in
 futurum meliora speraret. Secum quan-
 diu vellet viveret; atque ita viveret, ut
 præter regiam dignitatem & patriæ desi-
 derium, quæ ad victum cultumque prin-
 cipalem forent necessaria, nihil defutu-
 rum certo sciret; filii eum loco habitu-
 rum esse. Domus prope regium pala-
 tium, ut habitaret, designata: quod ferme
 nunc loco Conceptionis nomine virgi-
 num collegium extat ad Carmelitarum
 monachorum templum, quod eo tem-
 pore in potestate Christianorum erat; un-
 de rei divinæ procurandæ opportunitas;
 Regisque conveniendi, quodcumque
 libitum esset. Fidem illius jurisjurandi
 religione astringi placuit, Regisque &
 regni commoda conceptis verbis jurare.
 Erat Alfonsus eximia formæ dignitate,
 modestus, prudens, à cupiditate omni
 remotus, insigni morum facilitate. Hæc
 in natura inerant: majora ipse industria
 faciebat usque virtutibus, quibus cum
 usus erat, facile studia conciliabat. Ur-
 raca soror de fratris incolumitate sollicita,
 tres Ansurius fratres, Petrum, Gonsal-
 vum, Ferdinandum Sancti Regis per-
 missu, quorum opera & consilio rebus
 omnibus uteretur, cum his multos alios,
 ut presidio simul honori & solatio essent,
 Toletum amandavit. Hos omnes Rex
 Maurus stipendia militaria facere voluit,
 ut esset unde vitam sustentarent; & quo-
 niam eorum opera forti & fideli sicunde
 bellum ingrueret, uti cogitabat: quod
 adversus finitimos Mauros libenter illi
 facitabant. Et cum à bellis otium erat,
 frequenti venatione vitam in exilio pro-
 pagabant, loco idoneo villa exadificata,
 ubi venatores erant: quæ deinde in op-
 pidum excrevit, cui nunc Briqua nomen

est. Alfonsus ipse Toleti multus apud
 Regem esse, & frequenti usu barbari
 animum indies magis promereri. Acci-
 dit die quadam, ut remittendi animi
 causa ad vicinum urbi viridarium, quod
 Tagus annis interfuit, ejusque aquis
 tolonibus in sublime elatis irrigatum, pro-
 ventu maximo præcipua amenitate est,
 Regem prodeuntem prosequeretur. Al-
 fonsum somnus invasit. Rex & proce-
 res sub vicina arbore confidentes Tole-
 tum loci natura munitissimam esse dispu-
 tabant: prorsus ut nulla arte, nullis viri-
 bus expugnari posset. Tunc quidam ex
 astantibus majori prudentia vir: Unam;
 inquit, esse rationem urbis capiendæ vi-
 deo; si quidem toto septennio continua-
 ta clade hostis fruges & fructus terræ
 corrumpat, obsessam haud dubium civi-
 tatem hanc annonæ difficultate rediget in
 potestatem. Id Alfonsus non plane dor-
 miens, avidissimis auribus accepit, me-
 moriasque commendavit. Nam quod
 vulgo sine locuplete teste auctoreque
 fertur, Regem Maurum periculo admo-
 nitum, ut experimento disceret, dor-
 mirem Alfonsus, an somnum simularet;
 liquatum plumbum in manum conjecisse;
 indeque perforatæ manus illi cognom-
 en factum, ad nutricum cunas ablega-
 mus: & ab eximia potius liberalitate id
 cognomen partum arbitramur. Contigit
 præterea alio tempore Alfonsi Re-
 gi assidentis capillos erigi, Rege
 barbaro semel, iterum, & tertio manu
 componere conato, quoniam de novo eri-
 gebantur: conjectores Mauri malum omen
 continere prædicabant, regnumque illi
 portendi, ac de medio tollendum quam-
 primum judicabant: suadebantque offen-
 ti vim & significationem negligendam
 non esse. Barbarus & sua natura ad hu-
 manitatem propensus, & Alfonso bene-
 volentia conciliatus, induci non potuit
 ut fidem datum & jura hospitii violaret;
 instaurari tantum jusjurandum voluit, &
 Alfonsi animum fidemque nova religio-
 ne obstringi. Dum hæc Toleti gere-
 bantur, Sanctius frater post victoriam
 ferox, ditionem Alfonsi occupavit; ur-
 bes aliæ vi, aliæ voluntate imperio ejus
 adjunctæ. Legio urbs advenienti qui-
 dem portas clausit: deinde obsidione
 compulsa deditionem facere in victoris
 potestatem venit. Omnes qui sub Al-
 fonsi

sonsi imperio fuerant, metus invaserat, & victori omnia prona erant. Calæcia mox bello petita, ubi frater alter regnum obtinebat in factiones scissum obnoxium periculo: provinciam enim vestigialibus exhauferat, quæ indies majora imponebantur. Verna nimium graciosus, Regis potens publica & privata consilia gubernabat, majori auctoritate quam gravitas illius ætatis, & imperii prudentia postulabat. Ea res multorum illi invidiam conciliabat: & est non magni Principis argumentum magnos habere aulicos: solentque Reges recte factorum ad se gratiam trahere: eorum quos intimos habent, invidia & periculo peccare. Itaque procures rei indignitate permoti, libertum in Regis oculis trucidarunt. Quo facinore, quoniam ad multos pertinebat, contaminati animis, simul se muniendi ad omnes casus studio, in Regem arma ceperunt. In ea regni alienatione Garsias veritus, ut prævalidi hostis viribus par esse posset, cum trecentis tantum militibus, qui se sequi voluerunt, ad finitimos Mauros, qui Lusitanie partem obtinebant, profugit. Suadet omnibus precibus, ut vires conferant: Regis inopis, exulis, atque ejecti, causam adversus fratris injuriam tueantur. Superesse in provincia civium studia integra, op-

portuno tempore eruptura. Debere eos humanitatis respectu moveri, atque fraternalis ambitionis odio, quem universa paternalis ditionis potum, propediem hostem insensissimum experturi essent: nisi priusquam imperium confirmaretur, nascenti malo opportune occurrerent. Se una vindicta contentum fore, atque recepti regni finibus; belli præmia, quæ ipsorum opinione suaque prædicatione majora futura erant, illis omnia cefura. Ad hæc Mauri moveri se quidem ejus calamitate dixerunt: ut periculum communicarent adduci non posse: ac multo minus, ut hominis ejecti & exulis, qui sua servare non potuisset, magnificis promissis confiderent. Hac spe dejectus, ad privatam suorum manum multis aliis adjunctis attractisque, qui novi imperii odio aut spe prædæ ex utraque scilicet gente sequi privato consilio voluerunt, in provincie fines incurrit. Portugalie oppida & urbes non pauca sub ditionem revocate sunt. Sanctius ad Scalabim urbem, cui à S. Irene nomen est, obviam procedens, collatis signis magnaue hostium strage edita fratrem vivum cepit: atque ad Lunæ arcem, quæ in Calæcia sita est, missum, in custodiam tradi mandavit: ubi vitam omnem exegit in squale & tenebris, homo ingenio ignavus, procax ore, minimeque tantis reipublicæ fluctibus sustinendis par.

C A P U T I X.

Sanctius ad Zamoram occisus.

SANTIUS patris consiliis voti compos, postquam omni paternali ditione potiebatur, neque facinus per otium reputare, neque timere Deum sceleris ultorem, impietatis vindicem: neque inconstantiam rerum humanarum considerare, longævam vitam sibi polliceri, ceteros mortales præ ingenii fastu contemnere. Quod unum supererat, utroque fratre in ordinem redacto, sorores etiam paternali hereditate spoliare aggressus est. Causabatur injuria à patre regni urbes in plures heredes distractas esse; litem Marte arbitro eatenus secundum se dijudicatam considerabat: sorores multo imbecilliores fratribus esse. Primum Zamoram urbem peti placuit

magnis operibus munitam. Urraca enim in cujus potestate erat, & Arias Gonsalvus, cujus auspiciis & consilio reipublica bello paceque gubernabatur, provisâ tempestate, comite, milite, & rebus omnibus ad sustinendam obidionem opportunis urbem instruendam curabant. Civium eximia fides erat, magnaue virtute communem salutem tueri, atque adversus Regis insolentis impetum propugnare parati erant. Circumfessa urbs atque omne genus machinis impugnata, in Regis potestatem haud dubium redacta esset: ni ex civium numero Vellidus quidam Ataulphus, sua sponte an re cum aliis communicata incertum, certus tamen Regis ex insidiis

diis perimendi, urbe egressus esset, atque in Regis gratiam insinuat, quasi urbis arcana proditurus, si pretium operæ sit, aditum se monstraturum promittens; uno eo comite ad speculandum locum, quo in urbem erat penetrandum, circum urbis moenia deambulantem, incautumque, neque cavendis insidiis intentum, venabulo quod manu gestabat transfixit. Immane facinus, scdâ mors, sed vitæ tamen meritis & actionibus consentanea. Cædis auctor patrato facinore pedes in fugam concitat; sequuntur regii milites, Regis in suo sanguine volutantis gemitu & clamoribus excitati: atque inter eos longo proximus intervallo Rodericus cognomento Cidus, vindictæ studio ardens; ille se proxima porta in urbem infert, patefacto à custodiis aditu. Ex ea re coitionem & dolum regii suspicati, extrema omnia civibus comminabantur. Mortuo Rege, Legionenses & Calæci insaufam militiam aversati, cæloque & hominibus invisam, è castris alius alio dilapsi. Castellani, quos Regi favere natura cogebat, pars Regis corpus ad Oniensè monasterium moesti detulerunt: ubi iusta funeris haud magno apparatu & celebritate facta; multo maxima militum pars ad Zamoram mansit, in ultionem parricidii intenta. Zamoræ civibus, quasi cædis conscii fuissent, prodicionis crimen impositum. Didacus Ordonius ex Laræ familia, ante alios ætate, virium robore, & rebus gestis præstans, equo vectus, armisque fulgens, ex loco unde exaudiri posset, hominibus, avibus, jumentis, piscibus, herbis & arboribus, cladem, exitium, vaf-

ritatem minabatur: maria, terras, cælum inani verborum sonitu complens; mussabant cives inter metum præsentem, & vrecundiam absentium fluctuantes. Major periculi quam honesti cura erat. Arias Gonçalvus quamvis ingravescente ætate bellicis muneribus inutilis esse videbatur, decori tamen tenax, contumeliæ impatiens, se & filios pro patriæ salute certamini offert. Erat in more positum, ut quicumque urbi aut oppido prodicionis crimen imponeret, paratus ex provocatione dimicare singulari certamine cum quinque hominibus adversus singulos sigillatim pugnaret. Tres Ariæ filii, Petrus, Didacus, & Rodericus ex ordine in campum pugnaturi processerunt. Incredibili Ordonii felicitate & virtute interempti omnes. Rodericus tantum, cum accepto lethali vulnere in vindictam præceps ferire conaretur adversarium, aberrante ictu, gladio habenas, quibus Ordonii equus regebatur, discidit, equus eo vulnere percitus, Ordonium frustra retinere conantem, è diffinito ad certamen spatio, quod transilire Hispanorum more nefas habebatur, invitum rapuit. In lite an causa decidisset eo casu, dati iudices in neutram partem pronunciantes, ipso silentio civibus favere visi sunt. Sic certamen diremptum; quod cum primis nobile fuisse historiæ nostrates declarant: atque vulgaria carmina, quibus pervetusto more Hispani clarorum hominum virtutes ad lyram in convivii decantare concentu non omnino rudi neque insuavi soliti sunt.



C A P U T X.

Alfonfus revocatur in Regnum.

HÆC ad Zamoram gerebantur. Urraca vero de rerum summa sollicita, veritaque ne novi motus existerent, nuncium Toletum mittit, qui Alfonso fratri res gestas, infelicem Sanctii Regis casum denunciaret. Instruit secretis notis, quibus haud dubie intelligeret mandata sua esse; dat litteras insolentibus characterum formis descriptas: ut quid sibi vellet, si forte interceptæ essent, cognosci non posset. Illarum hæc summa erat. Nihil syncerum esse in rebus humanis; mixtum dolori gaudium nunciare. Sanctium Regem interemptum Ataulphi dolo; qui & si communis hostis, erat tamen germanus frater: ejusque vicem dolere æquum esse, ac vero necessarium. Sanctii morte Zamoræ urbis obsidionem brevi dissipatum iri; tametsi certamen erat susceptum: cum Ordonius civibus consciis cædem proditorie patratam affirmaret. Quod caput, & divos semper erat precata, ipsum ad regnum vocari; celeritate opus esse ad præoccupandos provincialium animos, studia concilianda. Videret ne inutili cunctatione agen-

di tempora dubitando, consultandoque consumeret. Hæc litteris continebantur. Verum Urracæ nuncios multi Maurorum exploratores, qui inter Christianos erant, fama denique ipsa sua celeritate occupavit. Petrus Ansurus rerum mutationem propediem futurum expectans, quotidie Toletum ad tertium lapidem progressus ex viatoribus res omnes sciscitari solitus erat: novique nunciū comprimendi studio, in itinere unum & alterum exploratorem, qui gesta nunciant, occulte ferro peremerat. Tandem Urracæ nuncium nactus, & de re tota diligenter edoctus, Toletum redit. Dabat consilium ut clam Mauro Rege in patriam profugeret; magnos casus intercedere posse; neque barbaris fidem inesse, ut rationibus suis potiorem honestatem haberent. Alfonso animo anceps, & quid consilii caperet dubitans, tutiora tandem consilia & honesta periculosius potiora fore judicans, Regem Almenonem adiit: rem omnem uti nunciata erat, exponit, regni hereditatem ad quod vocabatur cernendi petit facultatem. Eo inficio, à quo tantis beneficiis

ficiis devinctus esset, discedere in patriam inhumanum & inurbanum fore judicasse: quod à suis moribus procul abesset. Salutare id consilium Alfonso fuit. Rex enim Maurus re prodita, omnes Alfonsi aditus observabat, itinera obsederat, & diligenti custodia munerat, ne se posset commovere. Itaque Alfonsi comitatus fideque victus, vehementer se latatum ait, cum ex aliorum predicatione cognovit Sancti morte, ipsum ad regnum vocari; & tunc gaudere amplius sublatam occasionem superiora officia, quæ fuerant ipsius meritis, suæque voluntate minora, aliquo malificio mutandi, si se invito in patriam discedere cogitasset. Quod felix, faustum, auspiciatumque esset, quamprimum iret: fraterha regna capesseret: initæ tantum amicitia memor novo jurejurando fidem obstringeret, sibi & Hislemo filio majori perpetuo amicum futurum. Deum testem, atque arbitrum conventorum fore, ne datam ultro citroque fidem, eosdem amicos inimicosque habituros, fallerent. Igitur rebus omnibus compositis discedentem Alfonso pecunia juvat, & aliquanto spatium honoris causa profectus, continentia atque fidei singulari exemplo in Rege barbaro abs se liberum dimittit. Hæc veriora arbitror, quam quæ Lucas ait: deluso barbaro per dispositos equos aufugisse in patriam. Zamoram primum itum, ubi Urraca erat, quam matris loco semper habuit. Cum ea consilio communicato, de ejus adventu missis in omnes partes nunciis, eximia provincialium voluntate, propensisque studiis, quæ superiori tempore excitata, in Legionis regnum receptus est. Garfias frater temporum mutatione evaserat, regnumque pristinum armis recuperare cogitabat; legati ad eum de pace sunt viri primarii. Erat homo ingenio minime malo; itaque nihil periculi fuisse ratus, atque à fratre sperans omnia facile impetraturum: nulla fide accepta ad eum venit; capto libertas ad vitæ finem crepta; crudele exemplum publicæ tranquillitatis respectus excusavit, cultusque & victus principalis: ita ut præter regnum nihil desideraret, si erepta libertatis ulla esset idonea satisfactio compensatio. Castellæ proceres interea Burgis conventus agitant, decreverantque Alfonso quidem ad re-

gnum evocandum videri: recipiendum tamen non esse, priusquam se infcio Sancti mortem patratam esse jurejurando confirmaret. Cum in eum urbem ventum esset, cæteris dubitantibus, ne facti memoria fraudi aliquando esset apud novum Regem, cujus gratiam promereri commodius rebus suis fore cuncti judicabant: Rodericus cognomento Cidus, qua in cæteris uti solebat animi magnitudine, Alfonso conceptis verbis in D. Agathæ jurare compulit. Diræ imprecationes in ejus caput additæ, si fratris cædes ipsius consilio perpetrata esset. Cæremonia peracta, magno omnium qui aderant plausu & acclamatione, Castellæ Rex renunciatus est: haud obscure Roderico insensus, ut rerum eventus deinde declaravit. Pravi homines, qui principum offensas acriter speculantur, & alienam felicitatem ægris oculis aspiciunt, ejus animum amplius exacerbabant. Erat Alfonso natus minimum triginta septem annos, cum in regnum revocatus est; bello strenuus fuit, unde Fortis cognomen tulit, pacis artibus instructus, ingenio facili & modesto. Has virtutes natura insitas res adversas, quibus exercitus erat, multum auxerant; liberalitas profusa fuit profus, ut regni opes exhaustisse videretur. Saluti anno millesimo septuagesimo tertio Sanctius occisus est, & Alfonso rediit in patriam. Quo anno Romæ quidem Hildebrandus ad summum pontificatum evectus, Gregorii VII. nomen suscepit: singulari vir animi magnitudine atque constantia, qui pro ecclesiæ libertate cum Henrico Imperatore, eo nomine tertio, inimicitias suscipere gravissimas, & exercere non dubitavit per totam vitam. In Hispania autem Dominicus Exiliensis præcipua vir sanctitate, tertiodécimo Kalen. Januarii; sexta feria defunctus est. Memoria ejus anniversariis sacris in Hispania celebratur. In Rivogia Cannis oppido natus, ex opulione ad S. Emiliani Cucullati monachus effectus, atque consequenti tempore ejus monasterii Abbas, quod monachorum jura constanter tueretur, à Rege Vasconum Garfia, superioribus annis in exilium missus fuit: unde illi (sic suspicor) Exiliensis nomen. Monasterium Exiliense, quod præcis temporibus S. Sebastiani

baſſiani nomine dictum erat, Ferdinandi Regis ope ſuaque diligentia inſtauravit: unde alio tempore in Dominici Exiliensis nomen vetus appellatio mutata: non ipſi tantum monaſterio, ſed etiam conjuncto municipio, quod locis confragoſis ad vallem Tablatellum, qua-

drageſimo ab urbe Burgis lapide ſitum eſt, ipſa militari via, qua itur Gornatium. Hæc propter antiquitatis notitiam, loci nobilitatem, prætermittere conſilium non fuit. Nunc ad Regum res geſtas, & hiſtoriæ ordinem redeo.

C A P U T X L

Alfonſi Regis initia.

ALFO¹⁰⁷⁴NSI initia turbulenta fuere, læti progreſſus. Anno quidem altero ex quo regnum recepit, ſalutis milleſimo ſeptuageſimo quarto, Reges Mauri Cordubenſis & Toletanus armis de finibus decertabant. Alſonſus officii memor, conſtato numeroſo exercitu in Carpetanos movit; veritus initio Almenon, ne is belli apparatus ab ſe opprimendum pertineret: deinde quod res erat intelligit auxilio veniſſe; collata ab utraque parte vires. Cordubenſes fines incurſionibus vaſti; corruptæ fruges; deformatus ager; pagi villæ, oppida incenſa; prædæ hominum, pecorum, armentorum actæ. Juſto prælio pugnatum non eſt, Rege Cordubenſi univerſi certaminis aleam ſubire detrectante. Exercitus victoria lætus, ſpoliis gravis, in patriam reductus. Quo tempore Agnetæ prima Alſonſi uxore defuncta, alteram Conſtantiam nomine ex Gallia, ubi nata erat, adveſtam duxit. Ex hoc conjugio Urraca Alſonſo nata eſt, regni deinde arque fortunarum hæres, ut competenti loco declarabitur. Conſtantia horatu (ſic arbitror) miſſa abs Rege Romanæ legatio enixe Pontificem poſtulantem, uti rei eccleſiaſticae, in quam vitio temporum, hominum culpa depravati mores incubuerant, conſtituendæ novique inſtitutis componendæ cauſſa, Legatus in Hiſpaniam cum ampliffimis mandatis & poteſtate mitteretur. Miſſus à Gregorio ſeptimo Pontifice Maximo Ricardus Maſſilienſis Abbas, anno hujus ſeculi ſeptuageſimo ſexto Burgis in Citeriore Hiſpania concilium Episcoporum agitavit. In quo regiæ voluntati morem gerens, in omni regno ejus Romanum miniſterium confirmavit. Sic Pelagius Ovetenſis loquitur (ut ego interpretor) leges eccleſiæ veteres in mores revo-

catæ; ac præſertim quod in Germania non abſque motu ſacilitatum erat, uxores ſacerdotibus detractæ: quas priſci moris obliiti, & voluptatum illecebris ſuperati, plerique habere conſueverant. Quæ res ſanctiſſimo Pontifici invidiam peperit, uſque eo ut convitiis & contumeliis probroſiſque carminibus paſſim ejus nomen proſcinderent. Adeo grave eſt aſſueta relinquere, & veteres mores nova cenſura mutare. Præterea Aragoniæ exemplo, precandiritus ex Romano more ſancti, priſca Gotthorum inſtituta rebus divinis procurandis, præſtipiando numine antiquata. Mauri Reges Cordubenſis atque Hiſpalenſis, cum veſtigal quod ſuperiori tempore pacti erant, pendere recuſarent, Rodericus Cidus ad eos legatus eſt ea de cauſſa. Granatenſes eo tempore & Hiſpalenſes armis de finibus certabant. Regis Granatenſis ſtipendia nonnulli milites Chriſtiani faciebant. Cidus pacificatoris perſona aſſumpta, diſſidentes in pace ponere conatus primus eſt: deinde adverſus Granatenſem Regem, quoniam ad nullam pacis conditionem adduci poterat, pro Hiſpalenſi in acie ſtetit. Inſigni prælio victi Granatenſes ad ea conſilia recurrere compulſi ſunt, quæ per imprudentiam antea repudiarent. Roderico arbitro pax inter Reges facta; milites præda divites, atque veſtigali Cordubæ & Hiſpali, pro qua re venerat repræſentato, in patriam reduxit. Bellatoris ex his rebus novum cognomen adeptus, egregia militum & totius provinciæ voluntate, virtutes ejus admirantium, ipſum novis honorum titulis, quoniam re non poterant, exornantium. Procereſ Castellæ atque Legionis ex iſſdem rebus invidia ſlammis utebantur: prorfus ut novis criminibus apud

apud Regem petitem pervertere conflituerent. Prope spem res erat à superiori tempore Regis animo alienato. Ex ea spe invidis ardor animorum crescebat. Accidit Regem in Batica novo bello implicari adversus eos Mauros, qui tributa pendere denuo recusabant. Maurorum alia manus è Celtiberia, ubi late ea tempestate dominabantur, per Medinæ Celinæ fines in Castellam irrupit. Gormatii agros omni maleficii genere vastabat. Cidus quem importuna vis morbi tenuerat in patria (fortassis etiam morbi simulatione procerum invidiam declinare studebat) tumultuario delectu habito, Maurorum latrocinia prohibuit: ipsos regni finibus magna celeritate dimovit. Ad hæc studio provectus in Maurorum fines Toletum usque excursions fecit. Ingens ex iis locis præda abacta; agri & oppida deformata; supra septem utriusque sexus milia in servitutem abducta. Invidis & male cogitantibus proceribus, qui Regis auribus Roderici felicitati insidiabantur, ex ea re criminandi nova materia suppeditata. Violatæ fidei Mauro Regi criminibus pectunt; videret ne dissimulando impotenti homini atque ambizioso habenas laxaret; supplicio cogendum, æquo cum cæteris fastu & arrogantia animi eximium putare. Auctore Rege, ac decreto principum puniatur exilio: mandatumque, ut intra novum diem universæ regiæ ditionis finibus exiret. Tempori ille cedendum arbitrat, apud Abbatem S. Petri Cardeniæ, cujus monasterii per totam vitam religionem præcipue coluit, uxorem & filios reliquit, certus adversus Christiani nominis hostes majori impetu bellum gerere. Erant Mauri per id tempus vitiorum licentia enervati; voluptatum illecebris virtus & gloria, cum qua venerant in Hispaniam extincta erat. Itaque cum privata Rodericus militum manu, quos in armis exercitissimos habebat, multi præterea amici & necessarii nomina

dabant, tanta erat cupiditas eo Duce adversus Mauros bellandi, in Carpetanos primum irrui: & adversi Fenarii fluminis ductum secutus, in Celtiberos penetravit, Alhamamque pervenit, qua parte Salo fluvius Idubedæ montes penetrans Celtiberiæ majorem partem irrigat. In eo tractu Alcocerium arcem natura loci munitissimam, sitamque in prærupto monte expugnat; duos Duces Mauros cum iusto exercitu à Rege Valentia missos adversus ejus conatus insigni prælio superat. Ex ea arce agros populatur: omni injuria belli Mauros finitimos vexat. Et prædiviti præda equi triginta, totidem Maurici gladii ex ephippiis pendentes ad Alfonso Regem dono missi; pari numero captivi equos regere jussi, eximia magnitudine corporum, decore habitu; vestes auro purpuraque distinctæ. Muneris magnitudini quanta maxima à legatis potuit verborum gratia adjuncta; quos Rex quidem hilari vultu suscepit, & cum verborum honore: populus Cidi laudes ad cælum prædicatione ferre: patriæ liberatorem, Maurorum terrorem, reipublicæ patronum vocare. Unum esse, qui beneficiis maleficia vinceret, & benignitate cum offensâ certaret; veteres heroes quos æmulari videbatur, rerum gestarum gloria, magnitudine animi exequare. Exilii decretum supplicium, propter Mauros scilicet mutari non placuit: concessum tamen provincialibus ut impune qui vellent, Cido militarent; in quo reipublicæ tranquillitati bene consultum est; plerique enim in armis educati, rebus Baticæ ab Alfonso compositis, otium quo sibi marcescere videbantur, agris animis ferebant. Hæc quamvis plures per annos gesta, narratione juncta sunt, ne divisa memoriæ perturbarent. Nunc retro revocanda oratio est: & quid præterea rerum in Hispania gestum sit anno salutis millesimo septuagesimo sexto, alio ex principio explicandum.

CAPUT XII.

Sanctius Rex Vasconum à fratre occiditur.

SANCTIO Vasconum Regi frater erat Raymundus, homo levis, incon-

Tom. I.

stanti, turbidoque ingenio: cui discordiæ, rixæ, seditiones cordi erant, rerum

Zzzz

nova-

novarum cupiditas: honesti sanctique nulla cura præ studio assequendi quod animo destinasset; vastus in consiliis & immodicus, regnandique ambitione exarsuens. Rex quietis cupidior quam belli, pietatis studiis deditus: quod veteres schedæ indicant, agros eum villas, prædia magno numero cœnobii monachorum donasse. Ex iis rebus calumniandi materia, vicina vitiatorum nomina virtutibus asfingendo: quæ magna peruersio est; religionis studium, animi angustiam; morum tranquillitatem, ignaviam interpretabatur & metum. Aderant studia perditorum hominum, quicunque decoctores, æreus alieno exhausti, inopesque erant, modo nequam homines & audaces cognosceret, eos in familiaritatem libenter admittebat; his ut cuiusque studium ex ætate flagrabat, liberaliter pecuniam, vestes, arma, equos largiebatur: neque sumptui neque modestiæ parcens, dum illos sibi obstrictos obnoxiosque redderet. Rex ex uxore Placentia Ramirum filium in spem regni genuerat: addunt alii Garsum nomine secundum, tertiumque nulla appellacione designat: quos defuncto patre ad Alfonso Castellæ Regem confugisse pro certo ponunt. Li ætate minores erant. Rex annis gravis. Raymundo regnandi spes nulla nisi in scelere, in malo obstinata voluntas; factionis ergo viribus, quas potest arces & oppida perfidiis occupat, & quoniam ad sanitatem revocari non poterat, Rege auctore decreto senatus reipublica hostis esse iudicatur: qui aliena invaserat, sua perderet, regni finibus excederet. Ex eo tempore uterque in alterius perniciem armari. Raymundus insidiis parandis quam Sanctius cavendis intentior, ad Rotam municipium patrandi facinoris opportu-

nitatem nactus, fratrem proditorie obtruncat. Cædis auctorem Rodericus Præsul ne nominatim proderet, gentis unde ipsi genus, patriæque amori tribuendum putavit: aut mea me potius fallit conjectura. Cæsi fratris filius Ramirus ad Cidum profugit. Ramiri fratres ad Alfonso Castellæ Regem; infirma puerorum ætas erat, vires imbecillæ ad sustinendos tyranni impetus: qui provinciam studia teneret, regnumque armis invasisset. Proceres rei indignitate permoti, communicatio consilio inter se, Sanctium defuncti Regis patrualem Aragoniæ Regem, ad regnum Vasconum evocant. Affuit ille continuo, & maiorem provinciam partem brevi occupavit. Viruescani, Rivogia, ac nominatim Anagurum, & Calagurris, præterea Cantabria universa Alfonso Regis Castellæ armis cecidit; meliori is quam Sanctius jure nitens, cum Ferdinandus pater ex justa uxore, Sanctii pater Ramirus vulgo conceptus fuisset, de reliqua provincia Aragonio Regi litem intendit; ne armis dimicandum esset, convenit ut Vasconum regnum Alfonso vestigiale esset. Antiquis monumentis Sanctium & Petrum filium, pactum tributum appendisse proditum, testatumque invenimus. Raymundus inter utriusque Regis arma & studia destitutus Casarrugustum aufugit. Homo impurus, superis, hominibusque invisus, scelerum conscientia exagitabatur, neque suis neque alienis fidebat; à Rege tamen Mauro prædia domosque accepit, unde inopem & calamitosam vitam sustentaret; neptis ejus Marchesia nomine Aznarii Lupi viri nobilis uxor, ea prædia Alfonso Aragoni Regis eo nomine primi tempore, ejus urbis templo maximo, quod D. Mariæ nomine sacrum est, legasse fertur.

C A P U T XIII.

Almenon Tolet. Rex, & Raymundus Barc. Comes obunt.

PROXIMUS annus ex quo hæc gesta sunt, qui ab ortu Christi millesimus septuagesimus septimus erat, duorum Principum funere, quam ulla re alia insignior fuit, Almenonis Toletani Regis, & Raymundi Comitis Barcinonensis cognomento Senis. Almenonis filius natu-

maximus Hissenius nomine, anno integro, ex quanto tempore paternum regnum obtinuit, Alfonso Regis amicitiam patris exemplo & præceptis institutus persancte coluit. Hisseni frater & successor Hyala Aladribilis, moribus patri & fratri dissimilis & toto vitæ genere, neque

neque bello strenuus neque pacis artibus instructus, in lustris & popinis vitam exigere solitus, atque illustrium facinrarum pudicitiam attentare, gravissimum tum Maurorum tum Christianorum, qui in ditione supereant, odium & invidiam incurrit. Videbatur enim cum pudicitia non pudorem tantum, sed etiam humanitatem exuisse, crudelis in omnes & ferox. Alfonso Castellæ Rex sacramenti religione, quo se obstrinxerat Almenoni & Hisselmo solutus, utriusque gentis litteris atque quotidiano propemodum suorum convivio sollicitabatur, ut urbem principem ac totius ferme ditionis Mauricæ propugnaculum, impia & crudeli tyrannide eriperet: temporis opportunitatem negligendam non esse dictitantium, quam superi offerrent ex Regis imbellis ignavia: in quo neque vigor animi esset, neque rei militaris disciplina; præterea in tanta civium alienatione, Christianorum viribus haud parum fore prædicabant. Hæc initia ejus expeditionis, qua Tolentum capta est, atque prima fundamenta ponebantur. Raymundi defuncti corpus Barcinone in templo maximo, quod sua impensa ab imo totum extruendum curavit, tumulo concessum est; iuxta funeris magnifice facta. Ditio ut ipse moriens testamento mandavit, bisariam divisa est; pars Berengario data, pars Raymundo, cui Stupe-

caput cognomentum fuisse diximus, procerō corpore, juvenia formæ dignitate. Moribus formæ consentaneis, provinciarum studia, sed & patris benevolentiam sibi conciliavit: prorsus ut fratri qui major natu erat, principatu prælatus Barcinonem provincie caput obtinuerit. Ea res illi malo fuit, exitiumque attulit fraternæ ex invidia, uti mox dicemus. Almodiana (sic non nemo vocat) Roberti Guiscardi Nortmanni, quæ gens hæc tempestate magnam virtutis opinionem excitavit, & ad extremam Italiam ac Siciliam late dominabatur, filiam uxorem habuit, insigni pietate foeminam; cujus sumptibus gemina cœnobîa constituta sunt: alterum in Mariæ valle in agro Cabrera; Danielis nomine alterum prope Gerundam. In quo, viro defuncto vitæ principalis illecebris abdicatis, virilis concubitus expers, vitam sanctissime exegit; utrumque D. Benedicti regulæ & institutis temperavit. Ex eo conjugio Raymundus Arnaldus natus est, qui patri in principatu successit. Hoc sane tempore Armengaudus Urgelitanus Comes, Maurorum in ditione reliquias armis: Guillelmus Jordanus Ceretanæ Comes Arianam seclum in Cereianis renascentem, decretis, suppliciis, atque malis omnibus exagitabat. Multa oppida secundum Sicoris amnis ripam Mauris ablata: ac nominatim urbs Balagueris sub Christianorum imperium missa est.

CAPUT XIV.

Nortmanni veniunt in Italiam.

NORTMANNORUM nomen Hispaniæ olim & Galliæ cladibus nobile, per hæc tempora nobilius est redditum: cum in Italiam virtutis & imperii gloriam propagarunt, magnam ejus partem armis pervagati, ac novi tandem in earegni conditores, quod ad nostram ætatem inter varias Principum familias sæpe alternavit. Hujus gentis originem (quoniam cum rebus Hispaniæ res Nortmannorum confusæ non parum sæpe sunt) & occasionem adventus eorum in Italiam hoc loco intelligi, aliquid lucis asserere posse cogitavi. Nortmannorum appellatione, ut vox indicat, vocabantur quicumque Daniam inter & Cimbricam Cher-

sonesum oram Germanici maris & vicinas insulas incolebant: feri homines & barbari, cultu vitæ agreffi, inhumanis moribus, rei nauticæ periti, & plurimum piraticæ dediti. Luitprandus proximæ superioris ætatis scriptor, eosdem Nortmannos & Rhussos facit; nimirum eodem tempore, hi in Oriëntis, illi in Occidentis provincias sese torrentis instar infudere. In parte olitæ Gissliæ; Carolo Simplicie Francorum Rege: eoncédente, confederunt ea, cui sotea Neustriæ nomen erat, deinde Nortmanniæ: ut superius dictum est. Rholo Dux fuit genti natura imperii avidæ: quidvis simulare & dissimulare assuetus, eloquentiæ

studiis & aucupio deditæ, laboris, inedie, æstus & frigoris patientia obdurate; indumentorum elegantiam confectabantur; alioqui impotenti effrænique ingenio. Atque hæc virtutes & vitia Nortmannis inerant, postquam mitiori cælo & mansuetioribus Gallorum ingenii, feritas cum qua venerant mitigata est. Rholonis ex progenie Guillelmus cognomento Nothus, septimus Neustria Dux, ex Eduardi Regis Sancti testamento, ad veterem Nortmanniam ditionem Angliæ regnum adjecit; is belli sacri, quod proxime susceptum est tempore, classe in Angliam delatus Haroldo æmulo, prælio unico victor vitam regnumque abstulit. Inde Gallos inter & Anglos bella diuturna & gravissima haud multo ante hæc tempora, ad quæ nostra perducta narratio est. Ex Gallia valida Nortmannorum manus in Italiam hac occasione venerat. Est in Nortmannia civitas, quæ Constantia Castra olim dicta est; in ejus agro Alavilla municipium: quod Tancredus nobili genere Princeps, & multarum imaginum obtinebat, numerosa prole felix, ex geminis nuptiis duodecim filiorum pater nolitominus. Ex priori conjuge Guillelmus cognomento Ferreabrachia, Drogo, Wifredus, Gausfredus & Serlo nati; posterior Franfendis nomine septem filios peperit, Robertum, Guiscardum, Malgerium, Guillelmum, Alveredum, Humbertum, Tancredum, & natu inter fratres minimus Rogerium: qui gloria rerum gestarum & ditionis amplitudine, atque diuturnitate ceteros facile superavit. Mater filios & privignos pari amore prosequi videbatur; hoc illis mutui amoris conciliandi, depellendæ invidiæ incitamentum fuit; pater civilibus & bellicis artibus instituendos curavit. Manu prompti erant, boni consilio; temeritatem ratio comprimebat, metum depellebat audacia. Ditionis paternæ angustia exclusi, veritque ne hæreditate dividenda, rixæ & contentiones exarent, alio migrandi consilium capiunt. Italia in plures principatus divisa, intestinis motibus æstuabat. Siciliam & vicinas inferi maris insulas Mauri obtinebant; virtutis ostendendæ occasio ex utraque re opportuna. Majores natu fratres cum militari

manu primum petiverunt Italiam; & cum in Gallia Togata virtutis specimen præbuisent, atque in Hetruria: inde in Campaniam itum: ubi Capuanus & Salernitanus Principes armis de finibus certabant. Capuano primum adhæserunt, deinde liberalioris militiæ spe Salernitano. Victoria parta belloque sedato invitati à Maniaco, qui magnæ Græciæ & Apuliæ parti pro Græcis Præfectus erat, in Siciliam adversus Mauros transmiserunt; brevi operæpretium factum; multæ in ea insula urbes ad Christianorum ditionem restitue sunt; victi acie, fugatique barbari. Mox inter Græcos & Nortmannos suspiciones & simultates nate; superati Græci, fugatique; fratres bello victores in Sicilia atque Italia ejus principatus fundamenta posuerunt, quæ brevi in justum imperium creverunt. Nam fratres natu minores, duobus tantum ex suo numero relictis in patria, ii ex omni numero qui fuerint clam est, sed relictis tamen in Gallia, rebus quæ in Italia gerebantur cognitis, cum supplemento militari ex Gallia præsto fuerunt. Partum in Italia imperium divisum inter fratres: cæteris defunctis tandem in Roberto Guiscardo constitit, atque Rogerio. Robertus Apuliæ atque Calabriæ Dux fuit. Rogerius Siciliæ Comes, Mauris & Græcis, ejus & fratris armis erepta. Robertus ex duabus uxoribus Alberada gentili, & Sigelgaita Salernitani Principis filia, Boamundum & Rogerium filios reliquit, filiam Almodiam: si vera sunt quæ auctores Catalauni tradunt, Raymundo eam Barcinonensi Comiti nupsisse, uti antea dictum est. Ex Rogerio Siciliæ Comite, Rogerius is natus est, qui paterni imperii nomen regia appellatione mutavit; & cognatis omnibus qua defunctis oppressis in ordinemque redactis, Nortmannorum ditionem universam in Sicilia atque Italia occupavit felicibus armis: Africam atque Græciam vestigales effecit. Hæc serme ex Gausfredo monacho, qui res à Nortmannis gestas in Italia, ipsiusmet Rogerii Comitis hortatu proprio commentario explicuit. Verum Italia missa in Hispaniam recurramus.

CAPUT XV.

Bellum in Toletanum Regem decernitur.

NORTMANNORUM arma in Italia movebantur. In Hispania Toletanorum civium frequentibus litteris & nunciis nostrorum animi ad novum bellum capeffendum sollicitabantur. Hyam Regem neque mora temporis sanari, neque periculi magnitudine à turpitudine revocari: impunitate confirmari audaciam, crudelitatem augeri: præter spiritum, quem ægre inter tot ærumnas ducebant, & spem ultionis, qua vitum calamitosam sustentabant; miseris civibus relictum nihil esse. Nisi quid in Christianis præsidii sit, Maurorum auxilium evocare certum esse; quamcunque servitutis conditionem, depellendam ejus tyrannidis studio, libenter fore suscepturos. Esse quidem omnem servitutem miseram: servire autem amanti, impudico, impuro, nunquam ne in discrimine quidem sobrio, gravissimum atque intolerandum. Alfonso Regis animus ancipiti cura suspensus in diversas partes, hinc honesti specie, inde commodi quod ostendebatur, spe maximi trahebatur. In præteritum concilio de re tanta disceptari, luberrimum fore visum est; non una omnibus sententia fuit. Ple-rius quibus aduicium plus inerat, bellum continuo sumendum judicabant; privati id singulorum rationibus commodum fore, universæ Christianæ reipublicæ honorificum & salutare. Expugnatae urbis prædam ad milites redituram. Maurorum imperium evertendi, quæ sese offerebat occasio, firmissimo eo propugnaculo totius Mauricæ ditionis capto, negligendam non esse; bellumque, quod opinione facilius fore pollicebantur, esset quamvis periculosum & grave, libentissimis animis sumendum esse: in cuius eventu rei Mauricæ summa vertebatur. Proceres alii bellum detestabantur, & ex amicitia quæ Alfonso erat cum Regibus Toletanis religionem captabant. Consilio honesti species prætendebatur. Ex eo numero quidam exactæ prudentiæ opinione. „ Quo, inquit, jure, ô Rex, quo ore civitatem eam armatus invades,

Tom. I.

„ quæ te domo profugum, egenum, sine lare familiari vagantem accepit hospitio: omnibus officiis coluit, unde tibi ad regnum quod obtines, factus est gradus? Quæ pietas ejus filio bellum indicere, sit ille quamvis nequissimus, qui te cum in potestate esses, suis opibus adjutum, patriæ, & loco unde excideras, reddidit? Nimirum ut filium benigne accepit, habuitque, ut ejus posteros fratrum loco esse tibi putares. Neque enim minor voluntatis & officii conjunctio, quam naturæ necessitudo esse debet. Suadere Principi quod decet, multi laboris est: assentatio sine periculo peragitur; ut quicquid esse animo ignavus, (absit invidia) ita procax ore: bestia, victorias, urbium everfiones loquitur; ignavissimi cujusque consilio bellum suscipi potest, strenuissimi labore & periculo administratur. Quanta sit ejus urbis firmitas, quantis operibus sit munita, nemo ignorat. At invitamur à civibus. Quasi multitudini fidendum sit levissimæ & inconstanti, atque eo vela convertere solitæ, unde se aliquis favoris & melioris spei status ostenderit. At tyrannidem evertere pulchrum est. Hæc scilicet species, minimeque fallax, ni simul humanitatis & grati animi leges everterentur. At Hislami morte jurisjurandi religione soluti sumus. Verum: sed superos utriusque voluntatis & perpetuæ benevolentiae, quam pacis estis, testes fallere non possumus: eosdem ne ultores sentiamus, providendum est. Hæc non eo pertinent, ut laborem & periculum desugamus, ô Rex. Idem animus nobis est, qui fuit semper: promptus & ilacer; inertes quoque, mihi & exstingues, si fiat sententia pugnandi ad bellum sequemur: sed in consilio dando accipiendoque nobis libere voces, tibi propitiæ aures esse debuerunt. Commotus ea oratione? Regis animus videbatur: atque eo magis quod ex ore multorum & prudentiam mitti

Aaaa a

mitti

mitti videbatur; vicit tamen pugnan-
 di studium, urbisque nobilissimæ ob-
 tinendæ commoditas; atque in eam
 sententiam hanc summam orationis ha-
 buit. „ Non ignoro, viri nobiles,
 „ multa esse, quæ animos ab hujus bel-
 „ li cogitatione abducant: plura per hos-
 „ ce dies de industria à quibusdam
 „ ad terrendum esse jactata. Sed ne-
 „ que improvisa vobis esse debet men-
 „ dacii vanitas. Ignavia metusque om-
 „ nia in majus augeat. De religione
 „ non dicam, ac ne de ingrati qui-
 „ dem animi nota, quæ nobis opponitur.
 „ Hyaia sceleribus procurandis satis
 „ utrunque credimus expiari; patre ju-
 „ dice & arbitro, qui poenas gravissi-
 „ mas daret, an æquum est ut paternæ
 „ amicitia respectu liber evadat? Ur-
 „ bis fortissimæ difficultas objicitur;
 „ sed virtuti vestra omnia pervia erunt;
 „ sic magnam Hispaniæ partem, nostra
 „ & Sancti fratris auspiciâ secuti, armis
 „ subiugastis, barbaros saepe acie vicistis;
 „ municionibus urbes & arces vestra vir-
 „ tute captæ sunt. Omnia virtuti pervia,
 „ quæ ignavis terribilia sunt. Hostium
 „ multitudo opponitur; nunc scilicet
 „ primum inconditam sustinebitis tur-
 „ bam, quæ ipsa se sua multitudine im-
 „ pediet? imbelles sunt, quibus bellum
 „ inferre paramus, & longa armorum
 „ desuetudine enervati. Jam Toletum
 „ capta quominus longissima spatia e-
 „ mensi ad Hispaniæ finem, atque la-
 „ borum metam perveniamus, nihil ob-
 „ stabit. Nomini Christiano, regno-
 „ que nostro, & vobis ipsis, labore
 „ non maximo gloriam immortalem
 „ parabit. Cavendum ne cunctando
 „ metuendoque agendi tempus
 „ elabatur: & quod evenit in tardis
 „ consiliis, optima deinceps videan-
 „ tur, quorum tempus effugerit. „
 „ Regis oratione cunctorum qui aderant
 „ animi inflammati sunt: propensique om-
 „ nium voluntate bellum in Mauros decer-
 „ nitur; arma, equi, tela, commeatus
 „ comparantur, pecuniæque in stipendium
 „ militare; magni tota provincia delectus
 „ habentur; veterani milites, ut in quo-
 „ que erat virtutis plurimum, magnis pro-
 „ positis præmiis nominatim evocantur.
 „ Hæc omnia eo majori festinatione admi-
 „ nistrantur, quod uno tempore nuncia-

tum erat, Pacis Augustæ Regem Maurum
 à civium Toletanorum parte evocatum,
 cum validis copiis ad eam urbem capien-
 dam adventare, propediemque affore;
 utriusque Regis copiæ Toletum eodem
 tempore pervenere. Verum Alfonso
 invictas copias atque tot bellis exercitatus
 sub signis trahebat. Maurus numero &
 viribus inferior in patriam rejectus abiit.
 Christiani milites, tametsi urbis potiundæ
 spe depulsi, quoniam Rex Maurus bello
 nunciato, se & urbem ad omnes casus e-
 gregie munierat, Regis Alfonso jussu agros
 incendunt, corrumpunt segetes, direp-
 tiones faciunt; atque hæc anno millesi-
 mo septuagesimo nono inchoata; idem
 secundo, tertio & quarto anno facta-
 tum: neque consequentibus annis cessa-
 tum est. Canales & Ulmus oppida urbi
 vicina præditiis occupata firmataque sunt;
 inde excursiones continenter factæ. His
 injuriis calamitosi cives re frumentaria
 anguste utebantur, commeatus omne
 genus inopia laborabant. Toletani im-
 portata plurimum annona vitam tolerant;
 circum urbem solum sterile, nudum sa-
 xeam, deforme, rebus omnibus indi-
 gens; cælo terraque aquarum penuria,
 quod longissime abest à mari, & tota ro-
 gio præ reliqua Hispania sublimis est: nisi
 qua parte planiciem Tagus amnis inter-
 fluit latiorum proventu, longioremque,
 quam latam spatium. Uno tempore Cidi
 arma in Celtiberia prosperum cursum te-
 nebant; Maurorum oppida, & arces ejus
 virtute, & diligentia carpebantur; ad
 Regis Alfonso gratiam plane restitutus
 non erat; id unum ad felicitatis cumulum
 deesse videbatur. Commodum accidit,
 ut anno ejus seculi octogesimo Mauro-
 rum intestina arma in Bætica moveren-
 tur. Almosala regulus arcem Grados vi-
 abstulit; ad Alfonso præsidium Adofi-
 rus ditone spoliatus confugit, ejus ar-
 mis sperans arcem recipere, ulcisci
 injurias. Ocasione rei bene geren-
 dæ, haudquaquam Alfonso negligenda
 judicabat; præmissa militum manus.
 Ipse paulo post cum iusto exercitu in in-
 teriorem provinciam penetravit. Variis
 Mauri artibus, & ludificationibus cum
 bellum duci videret, neque toxius dimi-
 cationis copiam fieri, & Toletanæ ex-
 peditionis cura sollicitabatur: bello Bætico
 Cidum tanti nominis Ducem præficien-
 dum

dam curavit. Ex Celtiberia evocatus continuo affuit. Venienti Rex complexum fert, facetus natura, & consuetudine edoctus simulare benevolentiam blandis sermonibus; non modo exilii multam remisit, verumetiam eo expectante perpetua lege sancitum, ne ingenuæ conditionis viris, quoties solum exilio vertere cogerentur, ante diem trigessimum è regni finibus discedere necesse esset: cum antea moribus fixum esset, ut nonus modo dies parando exilio præscriberetur. Belli ejus confecti laus penes Cidum stetit; arcem Grados vi expugnavit. Almosalam regulum redegit in potestatem: ad Regemque transmissit ejus arbitrio plectendum. Anno proximo hujus sæculi octogesimo primo Garfias Alonsi frater in vinculis obiit, discessit ultro venis. Emitti custodia eatenus non placuerat: ne ingenii levitate rempublicam conturbaret. Neque enim regnandi ambitione crediderim, Garfiam tandiu à fratre in carcere retentum fuisse. Convenit liberio rem custodiam à morte Sanctii fuisse; auctor etiam quidam sub vitæ finem, propositam à fratre libertatis conditionem affirmat, sive vitæ tadio, sive quoniam ea calamitate divinum numen propitiari volebat, constanter repudiassent: ac ne compedes quidem, quibus innexi pedes erant, eximii voluisse; mandasse præterea in testamento, ut cum ferreis compedibus sepeliretur: quod ut iussit factum est Legione in D. Isidori tumulo composito; funus magnifice factum, utraque sorore procurante, Episcopis, atque proceribus. Anno captivitatis decimo, regni quintodecimo ex hac vita migravit. Quo tempore Cidus Bætica rebus compositis, cum in Celtiberiam rediisset, Dianii regulum Alfagium, & Sanctium Aragoniæ Regem, qui Mauris auxilio venerat, collatis signis devicit. Nova ea victoria auctus, in Castellam ad Alonsum invitatus rediit. Navatæ operæ, & tantorum laborum præmium Viriæsa, Valeránica, Arceionia fuere, insigni Regis liberalitate perpetuo jure donata. Rursus Alfagius, qui Confaburonem usque vindiæ studio inflammatus processerat, viribus & potentia formidabilis, abs Rege qui vastando Toletano agro operam dabat, Mau-

rus acie victus, in arcem evasit; in prælio & in fuga barbari magno numero prostrati sunt. Victoris animum inopinat casus perculit, multumque de victoria lætitia minuit. Didacus Vivar Cidi filius, qui paternæ virtutis æmulatione ad parem gloriam niti videbatur, Regemque ad bellum profectus erat, in acie importuna cæde periiit. Defuncti sepulcrum in D. Petri Cardenæ ad nostram ætatem monstratur, extatque. Neque constiterit gemina clade compressi Alfagii conatus; denuo reparatis viribus in fines Christianorum populabundus invasit: atque in Medinæ Campestris conspectum venit. Eo loco Alvarus Fannius Minaia Cidi propinquus obviam progressus, cum barbaris acie dimicans victor evasit. Atque hæc salutis anno millesimo octogesimo secundo gesta sunt. Quo anno Raymundus Barcinonensis Comes cum Gerundam contenderet, ad oppidum Percham, Ostarlitum inter & Gerundam, Berengarii fratris insidiis circumventus periiit. Sepultus est Gerundæ in æde maxima. Successit Arnaldus Raymundi filius, ætate quidem infans, neque integrum annum natus: diuturnitate tamen imperii, ditionis amplitudine, & rerum gestarum gloria, cuius majorum Principum par. Parricida dolorem initio & luctum ex casu fratris simulare: mox re prodita, persona detracta, à provincialibus odium est redditum; procerum armis non modo fraterno principatu, ad quem occulte nitebatur, sed etiam suamet ditione spoliatus, exul & vagus, & linguæ vitio mutus repente effectus, vitam calamitosam exegit Hierosolymis, ubi defunctus est post aliquot annos. Urgeliæ & Besaluni Principum progenies à stirpe defecit: iique principatus ad Arnaldi Barcinonensis Comitum ditionem subjuncti. Accessit in parte Galliæ Narbonensis, Provincia Phocæensis dotis nomine cum uxore Alfonso (Dulcem alii vocant) Gilberti certe Provinciæ Comitum filia. Ex eo conjugio Raymundus & Berengarius nati sunt; tres filiae viris principibus olim in Gallia junctæ. Earum uni Berengarii nomen fuit; duarum nomina intercidere. Cum Alfonso Tolosæ bellum fuit varium ancepsque: deinde pax ea lege sancita est, ut ipsi &

posteris, quasi alterne adoptionis jure inter se succederent, familia altera sublata extinctaque. Verum hæc consequenti-

bus annis acciderunt; nunc ad iter institutum sese convertat oratio.

CAPUT XVI.

Toletum capitur.

FREQUENTIBUS nostrorum incurfionibus Toletani cives fatigati Christianorum, qui in ea urbe habitabant, animi ad dulce libertatis nomen arrecti erant: & quamprimum se Rex in urbis conspectum cum iusto exercitu dedisset, se portas aperturos pollicebantur. Nostrorum vires exhaustæ erant: à belli cogitatione aversi animi; multæ difficultates opponebantur, magni labores, pericula gravia; hæc omnia Regis constantia pervicit. Ergo supremo conatu bellum reparat: non ante in patriam redire certus, quam nobilissimam urbem redeget in potestatem. Is erat urbis situs, ea locorum asperitas & natura, ut si negotium confici, urbemque obsidere vellet, diducendi in plures manus milites, & plura castra metanda essent; multo majores, quam antea fecerat, copias conscribendæ erant. Quantum felicitatis rebus afferant finitimorum Regum & Principum opes, inter se id quod perraro accidit, consentientes, hujus expeditionis apparatu intellectum est; primi Castellani, Legionenses, Cantabri, Calæci, Astures, Lusitani magno numero nomina dant; affuit Sanctius Aragoniæ & Vasconum Rex, navandæ operæ studio incensus; ex Italia Germanique auxilia venerunt; belli quod susceptum erat, fama toto orbe volitabat. Francorum quoniam Hispaniæ finitimi erant, major numerus fuit, præcipua homines alacritate ad suscipienda bella, corporum patientia non eadem. Ea gens quoniam hoc & consequentibus bellis rem Christianam multum juvit, & qui in Hispania remanere voluerunt, magnis præmiis affecti invitæque abs Regibus sunt, vexitigalium immunitate donata ipsi & posteris: ex ea re factum arbitror, ut immunis atque ingenue conditionis homines, vulgari Hispanorum lingua Francos vocemus; cujus rei veteres tabulæ & diplomata Toletanis per hæc tempora

concessa indicio sunt. Conflatus ex tot gentibus exercitus numero & viribus præstans ductore Rege Toletum movit; hilares animi, victoriæ certa spes. Rex Maurus de hostium apparatu certior factus, excitatusque periculi magnitudine, nihil de sua comparatione omittebat; milite & comœatu instructus erat; præsidio quod in civium caritate & benevolentia est firmissimum, septus non erat: neque id barbarus ignorabat. Loci tamen natura, facile se defensurum cogitabat: quod urbs prope ex omnibus partibus altissimis rupibus, quas medias Tagus amnis penetrat, circumdata unum habet & perangustum aditum ad Septentrionem, arduum ascensu & duplici muro munitum. Septenis castris abs Rege urbs circumdata est; ingrediendi egrediendique facultas sublata civibus. Cum maxima copiarum parte Rex in planicie, quæ ad radices montis pertinet, in quo civitas est posita, locavit castra. Obstinatis utraque pars animis erat; pro urbis mœnibus levibus præliis dimicatum vario eventu, successu haud memorabili. Hispano par in pedestri pugna Maurus non erat, velocitati æquali, virium robore præstanti: equestri prælio aliquanto melior erat, more gentis sequi solutus, deinde cedere. Turrets à nostris, plutei, vineæ, aliæque subruendo muro idonea machinamenta, magna diligentia comparata admirationi magis erant hostibus talium rerum inexpertis; quam usui: muro enim quamvis parte prostrata difficilis aditus in urbem erat, propter prærupta loca, & propugnantium virtutem. Inter hæc vario eventu obsidio ducebatur. Uno tempore utrosque bellitædium cepit: & quacunq; ratione ab armis discedere cogitabant. Nostros inopia rerum: quoniam ex longinquis locis comœatus hominibus, jumentis pabulum petendum erat, & ex diuturno labore vulgati per castra morbi, & anni

tempus

tempus in astatem vergentis movebat. Quo tempore Cypriano Episcopo Legionensi dormienti visus est venire Divus Isidorus, qui diceret, non placere obsidionem solvi: intra quindecimum diem, urbem Christianorum futuram; eas sedes divinum numen sibi in perpetuum delegisse. Somnio Episcopi inter milites vulgato (nam continuo ille Regi renunciandum curavit) cum spe ponendæ urbis animis ardor est additus. Obfessos major premebat inopia; jumenta equosque, profana fœdaque in cibum necessitas verterat; bellum trahi non posse intelligebant, fortunas in extremo sitas. Hostem obstinato animo vincendi, spem auxilii nullam; catervatim Regem adeunt: atque inconditis clamoribus, de pace agi petunt; satis pœnarum diuturna obsidione datum; neque corporibus labores, neque animo mœrorem pati diutius posse. Ad hæc Rex barbarus. „ Nominē, inquit, pax dulcis est, re ipsa salutaris; providendum tamen, ne pacis specie servitutem amplectamur. „ Pax est tranquilla libertas: servitus, extremum malorum & maximum, non modo armis, sed morte ipsa procurandum. Animi est ista mollicies non virtus, paulisper inopiam ferre non posse. Qui se ultro morti & servituti offerant plures inveniuntur, quam qui famem & rerum necessariorum penuriam magno animo ferant. Si pauper sustentatis, ultro hostes discessuros, vobis polliceor; milites quotidie ex castris dilabi: neque minori angustia premi exploratum habeo. Adferunt præterea gentis auxilia: quæ de nostro periculo sollicita haudquaquam conquiescit. Regis oratione quoniam simulata videbatur, neque cum verbis vultus consentiebat, haudquaquam cives conquievire: videbanturque agmine facto continuo portas hosti patefacturi. Ergo de deditione agi cœptum est. Missi de ea re in castra legati dato fenatu, factaque dicendi potestate, conqueruntur primum, injusto se bello ab Alfonso petitos. Beneficia quæ in ea urbe acceperat in memoriam revocant. Intelligere se haud multo minorem in castris inopiam, quam in urbe esse: pacis tamen studio sacros fœdus, modo honesti

Tom. I.

conditionibus. Ac ne vestigal quidem, si modicum imponatur, pendere recusituros. Ad hæc Rex negat pacis ullam conditionem nisi urbe decita fore; legatis ultro citroque comitantibus dies aliquot consumpti sunt; inopiæ malum crescebat in urbe; nostris augebatur animus, quoniam priores de pace essent appellati. Convenit tandem, ut urbs dederetur his conditionibus. Arx urbis portæ, pontes, regium viridarium, quod urbi conjunctum est, Alfonso Regi cedunt. Rex Maurus in urbem Valentiam, aut quocunque gentium placebit abire permittitur. Eadem Mauris quicunque sequi eum velint: suaque unicuique asportandi facultas esto. Qui in urbe permanere malint, ii domos & possessiones retinento: & ex ritu gentis, rei divinæ procurandæ causâ, templum totius urbis nobilissimum & maximum. Majora vestigalia, quam Mauris Regibus pendere consueverant, imperandi fas non esto. Qui jura dicant, juxta ipsorum leges, ex sua gente judices dantur. Hoc fœdus ab utrisque jurisjurandi religione, & datis utrinque obsidibus est confirmatum. Rex tantæ urbis accessione latus, triumphantis in morem in arcem inventus est, inter saustas utriusque gentis acclamationes, octavo Kalendas Junii, qui dies Urbani Pontificis & Martyris memoria facer est, salutis anno millesimo octogesimo quinto; alii ex hoc annorum numero biennium detrahunt, veterum sœdendarum fidem secuti: ex quibus Alfonso eo ipso tempore se Toleti Regem in publicis tabulis nominasse satis constat. Omnino annis trecentis sexaginta novem in Maurorum ditione fuerat: quo tempore ex antiqua urbis elegantia & nitore plurimum erat detractum. Vici enormes erant, non tam locolorum natura, quam quod barbari incuria ædificandi & incitiâ maxima essent. Arx regia ex formæcis parietibus extructa, quibus nunc locis Petri Cardinalis impensa nosocomium est constructum. Templum maximum in urbe media, loco aliquantulum declivi, rude & male materiaturum, quod ea tempestate Mahumetana superstitioni servebat, & paulo post ex ritu Christiano extructum est. Urbis capte fama toto orbe brevi pervagata, omnium piorum animos lætitia

Bbbb b

ticia

itia complevit, tanta urbe detracta, quæ instar propugnaculi barbaris erat: multum virum decessisse reputantium, püsque reliqua prona fore sperantium. Toletum capta, Regeque Mauro optima fide Valentiam cum militari præsidio, ubi regnum deinde tenuit, arbandato variæ militum manus in omnes partes diductæ, vicinum urbi tractum facile in potestatem redegerunt. Urbis casu perculsi erant Mauri. Multa oppida, & municipia sub ditionem adjuncta, Maqueda, Alcala, Illesca, Talavera, Caraca, Mora, Consaburo, Madritum, Valerianica, Butracum, Fita, Medina Celina, Caurium: pleraque vetustate antiquissima, locorum propinquitate opportuna, splendore ædificiorum, & agri nobilitate honestissima. Interea Rex veritus, ne civitas tantis laboribus capta civium prodicione, quos ex gente Maurica magno numero remansisse dictum est, amitteretur: in ea domicilium constituit, diuque morum traxit, non prius discedere certus, quam frequentia Christianorum civium, & novis operibus ad omnes casus munia esset. Magnis præmiis ex tota ditione invitati multi mortales in ea urbe fortunæ, & vitæ domicilium delegere. In hoc numero Petrus quidam fuisse traditur, natione Græcus, ex Palæologorum nobilissima familia, quæ Orientis quidem provinciis quondam Imperatores dedit. Is cum in obsidione Toletana suam Regi operam & industriam probasset, ædes in ea urbe & amplas possessiones, unde vitam sustentaret, accepit. Ab hoc genti origo, cui à Toletum

men est, cum primis nobilissimæ, opibus atque clientelis præpotenti. Nam Petri filius Elianus Perefus fuit, nepos Petrus Elianus: pronepos Stephanus Elianus: cujus effigies equestris retro aram maximam templi Toletani in summa fornici abside monstratur. Stephani rursus filius Joannes fuit, nepos Gonzalvus, cujus in D. Romani æde sepulcrum extat. Vicum Toleti regium, ex eo hoc nomen accepisse memorant: quod novis incolis, concedentibus Mauris, Regis voluntate fuerit ad habitandum designatus. Novæ præterea arcis, quo loco nunc cernitur, totius urbis editissimo & munitissimo fundamenta abs Rege jacta sunt. Quæ omnia eo spectabant, ne Maurorum civium multitudo se adversus Christianos commovere posset. Omnino ex hoc tempore Alfonso Rex Imperatoris sibi (jure an injuria non disputo) sed nomen tamen desumpsit imperii. Felix rerum successus animos faciebat: & tot accessione regnorum beatus sibi esse videbatur. Tamen si urbis capte lætitiæ Urracæ sororis obitus, quæ eodem tempore defuncta est, non parum imminuit: quam in matris loco semper habuerat, & à Ferdinando patre, Urracæ res Alfonso enixe erant commendatæ. Supererat Elvira soror altera: quam Cabre Comiti, quem inclementi dicto violarat, ne vindictæ studio suis & familiæ opibus motus in provincia concitaret tempore minime idoneo, uxorem dedisse, auctor historiæ affirmat, quæ Alfonso Regis cognomento Sapientis nomine circumfertur.

C A P U T X V I I.

Bernardus creatur Archiepiscopus Toletanus.

NIRIL tum quidem Regi longius erat, quam urbem nobilissimam Hispaniæ columnen, sanctissimæ olim religionis arcem, & Gothici sedem imperii, prisco splendori reddere, atque ornamentis omnibus amplificare. Deligendi novi Præfulis, quod in tanta rerum perturbatione, tantisque tenebris aliquot ætatibus intermissum erat, spes tentata haud pertinaciter initio: quoniam Mauri cives nondum plane domiti, re-

pugnabant. Biennii mora cum major Christianorum frequentia in urbe esset, & veterum civium quantum cuique credendum esset, quibus se committeret, & à quibus cavere deberet, Regi exploratum esset: rei perficiendæ causa quo major esset auctoritas, Mauris tumultuandi opportunitas minor, ex universa ditione conventum habere constituit. Episcopi & proceres evocati ad quintumdecimum Kalend. Januariæ affuerunt fre-

frequentes. In eo conventu primum divinæ benignitati gratiæ actæ, quod cælesti potissimum ope tanta urbs ad jus Christiani imperii reducta esset; pro se quisque, ut in quoque auctoritatis & eloquentiæ plurimum erat, beneficii magnitudinem verbis amplificabant. Deinde de creando Toletano Præsule deliberatio suscepta. Omnium communi suffragio delectus Bernardus, S. Facundi Abbas, qui sacris in ea urbe præfesset; suavissimi & optimi mores, præstantissimum ingenium, opinio doctrinæ, spectata magnis & multis in rebus integritas animi, prorsus ut illustre exemplum veteris sanctitatis referret, gentis voluntates homini externo & in Gallia nato conciliarunt. Garumna flumen Aagenum urbem præterfluit in Aquitania; in ejus urbis territorio oppido cui à Salute nomen est, ex honesto genere natus erat Bernardus; pater Guillelmus, mater Neimiro; juvenis militiam exercuit, ætate adulta, in S. Avrantii Auscio sive Auxitano cœnobio in Sacerdotis cucullati morem detonsus est, excellenti colendæ pietatis studio incensus. Inde ad Hugonem Abbatem Cluniacensem ejus accitu migravit; ab eo ad Alfonso Regem in Hispaniam ablegatus est. S. Facundi cœnobium quod reliquis tota ditione monachorum collegiis Rex præficere cogitabat, severiori disciplina astringere, & novis institutis temperare cupiebat. In eam rem idoneum virum ex Gallia mitti abs Hugone postulavit; missus Bernardus ejus tunc monasterii curam suscepit, & nunc ad amplissimum dignitatis & honoris gradum ascendit; atque quo major novo Præsuli esset auctoritas, Alfonso Rex intelligens, tantum homines honoris vulgo deferre solitos, quantum quisque virum, & copiarum habeat, vanum sine viribus esse nomen dignitatis & magistratus: arces, oppida, municipia, (qui ejus concilii postremus actus fuit) magno numero Toletanæ ecclesiæ donavit: Briocam, (quod oppidum exilii tempore Almenonis dono tenuerat) Rodillas, Canales, Cabanias, Covexam, Barclesium, Alcoleam, Melgariam, Almonecirum, Allogrebam; sic Rodericus Præsul scribit: Alfonso Regis Sapientis historia Complutum addit & Tahaveram falso, ut prudentiores

existimant; horum oppidorum quædam nota sunt, aliorum ne nomina quidem extant. Vetus omnia oblivione obruit; nobis ex conjecturis divinandi, neque otium neque voluntas erat. Omnino in urbe, hortos, molas frustiles, ædes privatæ magno numero, atque tabernæ, unde annuum vectigal constaret, donata: ex redditibus atque proveniunt sacerdotes Toletani templi vitam sustentarent; ii regii ex eo tempore beneficii memores, statis diebus ex ritu Christiano Alfonso Regis manibus parentare soliti sunt. His rebus constitutis, conventus solutus est. Composito civitatis statu, Regem aliæ reipublicæ curæ Legionem vocarunt. Regina Constantia, & Bernardus Præsul Toleti relicti, additum militare præsidium. Erant præterea novi incolæ pro multitudine Maurorum admodum pauci, pro conditione temporis satis multi. His omnibus prædictis urbem ad omnes casus paratam, instructamque Rex non inepte cogitabat fore; prudenter excogitata, novi Præsulis temeritas dicam, an imprudentia? an utrumque? certe nimia festinatio plane conturbavit. Erat Episcopi sedes pro tempore in D. Mariæ collocata, æde Carmelitis nunc monachis attributa: ut fere consentiens opinio est eorum, quibus ista præscrutari curæ est. Mauri templum in urbe maximum obtinebant, atque in eo rebus divinis ex superstitione ejus gentis vacabant. Ignominiosum id nomini Christiano, sædumque visum est, in urbe capta religionis hostes augustiori templo uti; quod occasionis tarditas attulisset, Bernardi festinatione præcipitatum. Ergo consilio cum Regina communicato, cum militum manu per noctem Maurorum templum occupare constituit. A fabris, qui comitabantur convulsæ januæ; publicæ operæ Mahumetanæ superstitionis sordibus loco repurgato, altaria ex ritu Christiano erigunt. In summa templi turre æs campanum constitutum, quo ad rem divinam procurandam proxima luce Christiani sunt convocati. Repentina re commoti barbarorum animi, atque ex suæ religionis contumelia in furorem acti, vix retineri potuerunt, quin ad arma concurrerent, & Marte arbitro injurias vindicarent. Calamitosus is dies nomi-

ni Christiano parabatur: ni paratum nostris exitium, qui numero & viribus vincebantur, divinum numen discussisset. Una Mauros spes sustentabat, quod Rege infcio tantum facinus perpetratum esse erat persuasum; alii spe vindictæ, alii vivendi cupiditate retenti sunt. Rex iniquissime tulit fidem publicam, jurisjurandi religionem, regû nominis majestatem, importuna Bernardi festinatione violatam, fœdatamque. Considerabat præterea quanto in periculo res essent Mauris furentibus; & ne urbi aliquid secus accideret, verebatur; varios esse & commutabiles rerum humanarum casus disputabat. Itaque citato Toletum se proripit tanta festinatione, ut ex S. Facundi cœnobio, ubi rei gestæ nuncium acceperit, intra tertium diem Toletum pervenerit iracundia exastuans, furorem & minas in Reginam & Bernardum spirans. Nullæ preces ad aures admittebantur; nulla ope humana placabatur atrox ira; stabat sententia vindicandæ audaciæ insigni aliquo supplicio; proceres Toletani, plebs, atque sacratus ordo obviam progressi in atrata veste squalidi, persulseque lacrymis cum infulis ac velamentis, veniam miserabili gemitu postulant; nihil obstinatus Regis animus movetur. Grave malum rei Christianæ parabatur, nisi Mauri proceres Regis animum ad misericordiam flexissent. Etenim animorum impetu confidente, & dolore, quem ex injuria conceperant mitigato, si Rex gravius aliquid in Reginam & Bernardum decrevisset, fore providebant, ut ejus facti invidia penes ipsorum gentem maneret, & præsentem lætitiâ perpetuo Christianorum odio lucrent: quod ipsorum rationibus exitiale fore prudenter judicabant. Magno ergo numero ad pagum Maganum obviam Regi procedunt. Stabant ancipiti animorum motu mœsti, fixis in terram oculis; hinc injuriæ dolor urebat, inde exitii metus sollicitabat; ad Regis advenientis conspectum in genua procumbentes, ac lacrymis, quæ toto ore manabant, fœdatos ac dicere conantes, Rex occupavit: cum diceret, eo facto non ipsorum patientiam læsam, sed ipsiusmet majestatem violatam esse; suam eam injuriam fuisse, se vindice ultionem expectarent. Exemplum severitatis crudele editurum, quo

Maurorum genti testatum fieret sua voluntate haud quaquam jurisjurandi religionem spretam fuisse: & posteri intelligerent regiam fidem constantem fore, neque importuna cujusquam audacia fore temperandam. Ad hæc illi magnis clamoribus veniam postulare, se quidem erratum quod necessitas attulisset, & vis quadam pene fatalis libentissimis animis condonare. Rex, Maurorum postulo periculis substituit; tum è Maurorum numero quidam præcipua auctoritate in hunc modum locutus fertur. „ Quantum „ dolorem ceperimus, inviste Rex, cum „ templum ex fœdere nostrum, sanctitatibus opinione præcipuum, injuria creptum est, ex se quisvis æstimare potest: „ oratione explicare supervacaneum fore sum arbitratus. Neque tantopere loci religione movebamur, quam quod „ ab eo initio imminuendæ nostræ libertatis, tuæ fidei violandæ haud obscura fundamenta jacta esse videbamus. Quod „ in communem ædem factum est, quin „ in singulorum domos irrumpant, atque in fortunas nostras invadant, quæ fides? quæ religio franabit? cum nostra „ gente violanda divinum numen promereri vestri homines persuasum habeant. Quod ne contingat tibi providendum est, atque majoribus præstidiis nostræ gentis incolumitati consulendum. Alioqui Reginæ, & Archiepiscopo injuriam libenter condonamus. Ipse nobis auctoribus & horatoribus idem facies: ne quorum injuriam vindicare pergis, ipsis exitium afferas; neque enim religionis vestræ „ Antislitem, Reginam nobilissimam, „ posteri & cognati, te defuncto inultos cecidisse patientur. Itaque per eam dexteram, qua nobis fidem dedisti, oramus „ atque obsecramus, ut iracundiam ex nostra ignominia conceptam deponas; majus nobis beneficium dare nullum „ potes; nisi impetramus in urbem haud „ quaquam redire, sed novas & longinquas ad habitandum sedes quarere „ certum est. Tu vide ne dolori indulgendo, majus nobis malum parias, tibi luctum sempiternum concilies, „ mini Christiano dedecus atque ignominiam singularem. Hæc dicente Mauro, reliqui nixi genibus, lacrymis toto ore manantibus, nianus tendere, idem

idem precari. Regis animus variis motibus, atque contrariis agebatur, quod ex vultu dignoscere promptum erat, nunc lato, modo pallido; demum cum animi impetum ad rationem revocasset, & Dei nutu consilia hominum moderantis, rem omnem evenisse cogitaret, Maurorum precibus flexus, pro ea voluntate gratias agit: ejus diei memorem perpetuo se fore proficitur. Urbem adit, Reginam veniæ spe hilarem

latus aspicit; cum Bernardo gratia reconciliata; dies ex atro in candidum repente versus erat. Omnia urbis loca festa lætitia & faustis acclamationibus personabant. Annuus sacris ejus diei memoriam celebrari mandatum Januarii mensis die vigesima quarta, cui à Pace nomen est. Tamen non id solum agitur eo die, sed etiam vestis de cælo Illenso allatæ memoria renovatur.

CAPUT XVIII.

Gotthica precandi ratio abrogatur.

RICHARDUM Massiliensem Abbatem à Gregorio septimo Pontifice Maximo Legatum in Hispaniam concilium Burgis Episcoporum agitasse, atque in eo Romane ecclesiæ leges, ritus & sacrorum caeremonias sancta fuisse paulo superius indicatum est. Multa is insolenter facere videbatur, & concessa ad salutem potestate maxima & amplissima ad questum & tyrannidem abuti; respublica sursum deorsum agebatur. Romani Pontificis nomen & majestas importunis Legati actionibus fugillabatur. Bernardum pro ea persona quam gerebat, ejus rei cura sollicitabat: Legati tamen conatus validiores erant, auctoritas major quam, ut obsisteret. Erat præterea ea tempestate moribus Hispaniæ fixum, ex concilii postremi Constantinopolitani (sic arbitror) præscripta lege: ut Metropolitanis priusquam inaugurarentur, electionem legibus jubentibus esse factam, neque vitio creatos esse, Romano Pontifici probarent; priusquam id factum esset, sacrari aut aliquam reipublicæ partem attingere nefas erat; pontificii assensus indicio laneum pallium, quod sacris peragendis insignis gestare soliti sunt, ut impetrarent, in more positum erat. Id institutum ab hoc initio susceptum, tempore procedente ad alios Episcopos, causis explicare non attinet, sed ad inferiores certe Præsules derivatum est. Hoc effecit, ut nullius Episcopi rata electio sit, nisi Pontificis autoritate firmata fuerit. Utriusque rei componendæ causâ Bernardus Romam contendere parat. Lon-

ginq̃ua professio erat, periculi laborisque plena. Itaque priusquam itineri se daret, Rege consentiente, templum quod Mauris ereptum erat, ex ritu Christiano est sacrum. Episcopi ea de causâ ad conventum justo numero evocati. Sacra caeremonia peracta est die Crispini & Crispiniani, octavo Kalen. Novembris, salutis anno millesimo octogesimo sexto. Sanctæ Mariæ, Apostolorum Petri & Pauli, Stephani, atque S. Crucis nominibus templum dedicatum. In ara maxima multæ & magnæ sanctorum reliquiæ collocatæ. Rodericus Præsul id factum affirmat postquam Bernardus Roma rediit: nobis aliorum auctoritas potior fuit cum ratione temporum magis consentiens. Omnino Gregorio Pontifice atque, qui illi successit, Victore eo nomine tertio defunctis, Romam pervenit: quo tempore Urbanus secundus Romanam ecclesiam gubernandam susceperat, quarto Idus Martii, anno millesimo octogesimo octavo. Ab eo, pro quibus venerat, integra omnia impetrata, Legatum Richardum revocari, pallii usus: præterea ut totius Hispaniæ & Galliæ Gotthicæ Primas ipse esset; pro qua potestate cum in Hispaniam rediret, Tolosæ vicinorum Episcoporum conventum habuit, facileque homines minime malos ingenii dexteritate & Gallicæ linguæ commercio, qua ab infantia usus erat, ut imperium agnoscerent adegit; idem Toletum cum invitati essent, concilii celebrandi causâ, sese venturos professi sunt. Cum pri-

num Toletum applicuit, priusquam Legatus se potestate abdicasset, communi consensu de Gothica precum ratione antiquanda actum: qua Hispani vulgo utebantur ab antiquissimis temporibus, præterea ex Isidori, Illesonfi & Juliani quos in calitum numero habent coluntque, auctoritate. Tentatum id quidem aliquoties erat, neque tamen successerat: quod vulgo homines, sed & primores gentis antiquis stari mallet: nihilque tenacius inhaeret, quam quod religionis specie defenditur. Hoc tempore tanta à Primate & Legato contentio adhibita est, ut cum Regina eorum conatibus enixe faveret, tandem pervicerint. Singulari certamine homines militares, & in armis nutriti rem tantam dijudicari voluerunt. Die dicta, duo milites ab utraque parte electi in arenam descenderunt; vicit qui antiquum Hispanorum morem & vetustissimam precandi rationem retinendam esse tutabatur, Joannes Ruizius ex familia Matancia, quæ ad Pisoricam fluvium habitabat, & cujus posterius ad nostram ætatem ejus certaminis memoria illustres manent. Verum adversæ partis studia cum nihil eo casu remitterent, neque victi vincerentur, visum est controversiam ignis judicio permittere: sic ejus seculi mores erant rudes & agrestes, neque satis expensi ad Christianæ pietatis regulam; rogo in platea accenso liber uterque Romanus & Gothicus in ignem projecti; & Romanus quidem continuo ex igne profiliit; id populus victoriam interpretabatur: nam liber alter sub igne & flammis diu permanens, illæsus inventus est. Rege arbitro, populo nihilominus persuasum, utranque precandi rationem superis placere: quando uterque liber ex incendio evasisset incolumis. Quodam temperamento eam controversiam componendam videri; in antiquis urbibus templis, quæ Mozarum vulgo dicebantur, vetus precandi ratio retineretur; quod hoc etiam tempore, statim anni diebus, iis in templis sacrificari videmus; præterea in templo maximo sacellum extat, ubi ex Gothica precandi ratio-

ne, Francisci Ximenii Cardinalis impensis: ne tantæ rei memoriam vetustas obrueret, sacerdotes constituti sacris dant operam. In reliquis templis, quæ denuo Toleti sacra erant, constitutum ut ex Romano ritu rem divinam procurarent, & divinas laudes statim diei temporibus decantarent. Ex eo factum in proverbium vulgare abiit inter Hispanos; Leges pro Regum arbitrio versari. Ea controversia composita, Toletum splendor antiquus, & civium Christianorum frequentia reddita est. Nam Mauri ex ea urbe passim alii alia de causa dilabebantur; in eorum locum novi substituebantur incolæ: quibus tributorum immunitas, multæ præterea prerogativæ concessæ sunt, uti hujus temporis schedæ & publicæ litteræ indicio sunt, quæ in tabulariis Toletanis fervantur. Neque eatenus Bernardi conatus subsisterunt: sed Regem secutus in ulteriorem Castellam, Legionem urbe primaria novum Episcoporum concilium habet, anno ejus seculi nonagesimo primo, ut Lucas Tudenfis est auctor. Affuit Raynerius ex Cluniacensi monacho Presbyter Cardinalis, ab Urbano Pontifice in Richardi Abbatis Massiliensis locum ad Regem Legatus. Utrouque annitente, tum alia decreta promulgata disciplinæ ecclesiasticæ in mores revocandæ causâ, quæ injuria temporum nimium laxata erat: tum illud constitutum, Gothicis litterarum characteribus, quas Ulfilas Gotthorum Episcopus, priusquam venirent in Hispaniam excogitavit & invenerat primus, ne amplius usus esset, in publicis tabulis, sed pro iis Gallicos characteres substitui. Etenim ab antiquissimis temporibus Gothi, Longobardi, Vandali, Sclavi, Francique proprios singulæ nationes characteres litterarum forma à Latinis discrepantes, quibus utebantur, invenerunt. Franci & Sclavi veterem usum retinent: cæteræ nationes progressu temporis abdicarunt; commercio id cæterarum nationum, quæ Latino plurimum caractere utebantur, datum est.

CAPUT XIX.

Origo Primatus Toletani.

Locus admonet, ut de principiis Toletani Primatus, quem in reliquis Hispaniæ ecclesiis sibi ejus urbis Præfules tribuunt, & qua ratione auctoritas ducta ab humili venit ad summum, altius differamus. Rerum omnium obscura principia sunt; antiquitatem, quod propius abest à divina progenie, mortales affectant; ambiguis originibus liberum fuit aliis alias confingere: & auctoritatem gentis aut imperii à primis temporibus repetere. Itaque plerique ecclesiæ Toletanæ Primatum ad ipsa Apostolorum tempora referri disputant, Eugeniumque Martyrem, qui in Hispaniam advenit Evangelii vulgandi causa, in Toletanis Præfulis primum ponunt. Toletanos cives sacra Christiana suscepisse in Hispania, Episcopumque habuisse primos omnium contendunt. Verum quæ tanta confidentia animorum dicuntur, vetustis litterarum monumentis destituta sunt: ac ne scriptor quidem ullus ante hanc ætatem Eugenium in Hispaniam venisse memoria prodidit: ne Gregorius quidem Turonensis, qui de rebus Galliæ scripsit: unde Eugenium venisse, & ubi interemptum pro fide esse vulgus sed & doctrinæ studiis expoliit homines persuasum habent; quæ eo pertinent, non ut fixæ vetustate opiniones importuna disputatione moveantur: sed ne pro certis ambigua suscipiantur; quid enim si faciant, si pari argumento Compostellani, auctoritatem Primatus, tanquam manu assertam in suam urbem traducant: in quam Jacobus Apostolus Evangelii lucem primum tulit: & sacrum ejus corpus navi appulsum ad vicina littora in ea urbe esse sepultum, antiquiore multo litterarum fide traditur. Nobis nihil esset antiquius quam ejus urbis, ubi hæc cudebamus commentaria in umbilico Hispaniæ de rebus Hispaniæ, & prope quam nati & instituti sumus, dignitatem illustrare: verum historiæ leges exigunt ne incertos populi rumores & ambiguas rerum ori-

gines colligamus: atque per imprudentiam ad eundem (quod in aliis accusamus) lapidem offendamus; & indicio est eam prærogativam auctoritatis, de qua suscepta est disputatio, antiquam admodum non esse: quod vidcam in conventibus Episcoporum, qui in Hispania habiti sunt, rerum potentibus primum Romanis, deinde Gothis Toletanum Præfulem haudquaquam primum considerando subscribendoque locum occupasse. Honoratus Toletanus Præsul in Eliberrino concilio, quod antiquissimis temporibus habitum est, post octo Episcopos nonus ponitur. In ipsis Toletanis conciliis, ubi maxime oportuit auctoritatem ecclesiæ Toletanæ vindicare, & Regum ac populi favor aderat, non parum sæpe in numero Metropolitanorum inter postremos collocatur. Ergo ut originem ab antiquissimis temporibus, & auctoritatem Primatus repetamus, sic statuo. Quinque Archiepiscopos in Hispania extitisse olim, qui aliquando Metropolitanis, aliquando Primates dicti sunt, diverso nomine sententia non alia: Tarraconensem, Bracarensem, Emeritensem, Hispalensem, Toletanum: & præter hos Narbonensem in Gallia Gotthica, quæ Gotthorum tempore Hispaniæ contributa erat. Equo hi jure parique potestate subnixi erant, nullius majori imperio devincti. (Romanum Pontificem excipio.) In conciliis eum locum obtinebant, quem ordinationis antiquitas dabat. Horum Præfulum multitudinem aut vetus Hispaniæ divisio effecit, in quinque partes tributa, Beticam, Lusitaniam, Tarraconensem, Carthaginensem, Caleciam: totidemque juridicundo conventus supremi, rerum potentibus Romanis: aut gentes barbaræ pepererunt, (sic mea sententia est) cum primum in Hispaniam irrumpentes, ea provincia in plures partes distracta, multa condiderunt imperia. Narbonensis Metropolitanus in Gallia erat: Tarraconensis in ea Hispaniæ

niæ parte, quæ in ea rerum perturbatione diutissime Romanum imperium agnovit: Hispaniam Vandali obtinuerunt: Lusitaniam & Calæciam, ubi Emerita & Bracara sunt, Alani atque Suevi. Toletum in ditione Gothorum erat, quæ gens cæteras nationes barbaras multitudine & imperio vincebat: unde Toletanæ urbis auctoritas cæteris major esse cœpit, ac præsertim cum verfo reipublicæ statu Hispaniam universum Gothi in potestatem rede gere, jure & legibus commutatis, Toletique imperii sedem constituerunt: sensim mutatis rebus Toletanorum Episcoporum auctoritas crescere cœpit. Futuræ amplitudinis haud obscura fundamenta posita sunt in concilio Toletano septimo, cujus canon postremus est: Ut vicini urbis Episcopi admoniti à Metropolitano, singulis per annum mensibus Toletum veniant, messis duntaxat & vindemiarum feriis exceptis. Regis id reverentia, urbis regie honoris, Metropolitanis solatio datum. Ab his initiis Toletanorum Præfulum crevit auctoritas, prorsus ut Ervigio Rege concilii Toletani duodecimi Patres canone sexto decreverint Episcoporum Hispaniæ electiones, quas Rex facere consueverat, Toletani Præfulis judicio, assensuque ratas fore. Quo ex tempore primas Episcopi alii deferre Toletano: in subsequen tibus Episcoporum conventibus, Toletani Præfulis prima semper auctoritas esse: primumque sedendo subscribendoque locum occupare. Atque his se finibus Toletani Episcopi auctoritas continuavit. Cætera Primatum jura, qui iidem Patriarchæ sunt solo nomine discrepantes, ut leges ecclesiasticæ docent, haudquaquam obtinuit; nulla dignitatis insignia præcipua; potestas præterea nulla major in subditos. Postquam rebus commutatis insignem illam plagam accepit Hispania, Maurique rebus præfuerunt, Primatis dignitas & majestas conticuit: & progrediente tempore tanta rerum extitit perturbatio, ut ne Episcopi quidem rite sacriati Toleti essent: quod multis annis tenuit. Demum ea urbe ad Christianorum ditionem restituta Toletanus Præful, non modo Metropolitanis honore auctus est, sed etiam

Primatis dignitatem impetravit agente Bernardo novo ejus urbis Pontifice, Urbano secundo Romano Pontifice concedente: non absque aliorum Episcoporum obtestatione, qui uno prælo injuriam factam esse cæteris querebantur. Urbani de hac re litteræ alio sunt loco explicandæ; primus Berengarius, quem Bernardus ipse Aufa Tarraconem transfudit, de Primatu litem intendit, in qua victus est: nam Urbanus secundus dazam semel Toletano Præfuli auctoritatem ratam fore judicavit. Urbani judicium Paschalis & Gelasius ejus in pontificatu successores novis diplomatibus comprobarunt. Calixtus eo nomine secundus auctoritatem imminuisse visus est: cum Jacobo Compostellano Episcopo Emeriten sis Metropolitanis jura ea urbe (quoniam in Maurorum ditione erat) translata concessit; auxit præterea Legati pontificii majestatem in provincias Emeritensem & Bracarensem, exemitque nominatim à Bernardi Toletani Præfulis imperio. Honori id fratris Raymundi datum est, qui Compostellæ erat tumultus: & in Jacobum Apostolum studio incitato. Verum Raymundo Bernardi successore Honorius, Innocentius, Celestinus, Lucius, Eugenius eo nomine tertius Toletanum Præfulem Hispaniæ Primatem fore sanxerunt. Raymundo Joannes successit; quo Pontifice, tum ab Hadriano quarto Romano Pontifice Primatus Toletanus sancitus novo diplomate est, Compostellano abrogato: tum Joannes Bracaren sis Episcopus, qui Toletano de Primatu litem intenderat, atque obtemperare recusabat, Toletum venit, atque in ejus, cujus imperium refugiebat, verba jurare compulsus est. Cerebruno Joannis successore exemptionis privilegium ab Anastasio Romano Pontifice, Pelagio Compostellano Præfuli concessum, ab Alexandro eo nomine III. abrogatum est. Quo tempore Jacinctus Cardinalis in Hispaniam Legatus præter alia quæ sapientissime tota provincia constituit, secundum tabulas Toletanæ ecclesiæ litem diremit: atque veteris controversiæ Cerebrunus, ut novus victor esset effecit, pronuntiata sententia. Alexandri eo nomi-

nomine tertii literas ad Cerebrunum, quæ à majoribus instituta præclare novo decreto confirmantis, huic disputationi inferendas esse iudicavimus.

ALEXANDER Episcopus servus servorum Dei, venerabili fratri Cerebruno Toletano Archiepiscopo salutem & Apostolicam benedictionem. Cum pro negotiis commissæ tibi ecclesiæ imminetibus, nuncium suum ad nos tua fraternitas destinasset, in sede Apostolica, quæ iusta petentium vota semper consuevit admittere, per eundem nuncium suppliciter postulasti, utecessorum nostrorum felices memorie, Paschalis, Calixti, Honorii & Eugenii privilegium tibi & literas innovari: in quibus Hispaniarum Primatus Toletanæ ecclesiæ noscitur indulgeri. Nos autem quoniam te sincera in Domino caritate diligimus: & personam tuam, quæ incuncta est columna ecclesiæ & stabile firmamentum quibuscunque modis convenit proposuimus honorare: postulationem tuam duximus admittendam, & desiderium tuum effectui suo passi non fuimus defraudari. Verum communicato fratrum nostrorum consilio, ad exemplar prædecessoris nostri bonæ memoriæ Hadriani Papæ, Apostolicæ sedis auctoritate statuimus, ut juxta præpositæ petitionis iudicium deberet privilegium simul cum literis innovari: & sicut ecclesia tua ex antiquo habuerit in tota Hispaniarum regione Primatum, sic tu & ecclesia Toletana, cui Domino auctore præesse dignosceris, eundem Primatum debeas super omnibus in perpetuum obtinere. Adjiciens privilegio, quod Pelagius quondam Archiepiscopus à prædecessore nostro bonæ memoriæ Anastasio Papa videlicet, quod jure Primatus non deberet ecclesiæ tuæ esse subiectus, dicitur impetrasse, scilicet privilegium jam dicti antecessoris nostri, sanctæ recordationis Eugenii Papæ, prædecessori tuo super concessione Primatus, indultum illi modis omnibus præjudicare decernimus: præsertim cum illud Anastasium, neque de communi, neque de sanioris partis fra-

Tom. I.

trum consilio fuisset elicitum. Decernimus itaque ut ipse Compostellanus Archiepiscopus, sicut reliqui Hispaniarum Pontifices, tibi tanquam Primati suo & successoribus tuis obedientiam de cætero & subjectionem jure Primatus impendant: & dignitas ipsa tibi, tuisque successoribus semper firma permaneat, & perpetuis temporibus illibata. Statuimus ergo ut nulli omnino hominum liceat hanc nostræ concessionis & confirmationis paginam ausu temerario infringere, vel ei aliquatenus contraire. Si quis autem hoc attentare præsumserit, indignationem omnipotentis Dei & beatorum Petri & Pauli Apostolorum ejus se noverit incursurum. Datis Beneventi per manum Gerardi sanctæ Romanæ ecclesiæ Notarii. VIII. Kalendas Decembris, Indictione tertia, incarnationis Domini anno. M. C. LXXVIII. Pontificatus vero Domini Alexandri Papæ. III. anno. XI. Longum esset singula recensere; omnino Gonfalso Cerebruni successori Urbanus eo nomine tertius auctoritatem Primatus ratam habuit. Gonfalso Petrus Cardona successit: Petro Martinus; quo Episcopo Celestinus eo nomine III. pro ea cognatione & necessitudine, quæ illum inter & Reges nostros erat, dum adhuc esset Cardinalis, ut majores templi Toletani sacerdotes Episcoporum ad instar mitris uterentur, dum res divina peragitur, impetravit; auxitque id privilegium Pontifex renunciatus. Excepit Rodericus Semenus Toletanus Præsul, magno animo vir, doctrinæ opinione singulari; res eo tempore miraculi instar. Hic in concilio Lateranensi primo coram Patribus & Innocentio tertio Pontifice Maximo, suæ ecclesiæ causam declamantis in morem luculenter egit: litæque testata, reliquos Hispaniæ Metropolitanos vicit. Eidem quoniam Bracarensis jugum excutere cupiebat, Legati partes Honorius III. concessit. Honorii III. successor Gregorius IX. legem abrogavit, quæ Tarracone adversus Toletani Præsulis jura & merita promulgata erat, ne in ea provincia

Dddd d

Pr-

Primatis auctoritate fungeretur. Roderico Joannes, Guterrius, Sanctii duo, uterque ex regio genere succedere ordine; præter hos Joannes Contrerius, qui Martini V. tempore vixit, & deinde concilio Basiliensi interfuit; præterea Contrerii successor Joannes Ceresuela Alvari Luna Magistri equitum uterinus frater. Hi ferme omnes à Pontificibus Romanis diplomata in eandem sententiam abstulerunt: ut veteres tabulæ indicant: quæ in templi Toletani maximi scriniis cum fide servantur. Jam Alfonso Carrillo Toletano Præsule adversus Alfonsum Carthagensem Episcopum Burgensem inique ferentem crucem Toletano in sua ditione præferri (quod erat potestatis insigne) eam controversiam Joannes eo nomine secundus, Castellæ Rex, suam litem fecit, tabulis confectis, quibus Toletor-

bis Imperatoriæ cognomentum dat: suamque illi præ cæteris civitatibus prærogativam consule sancit: arbitratus, quod res erat, Toletani Præsulis auctoritate multum splendoris ipsius regno accedere. Alfonsi exemplum, multi alii priores & posteriores ejus urbis Episcopi imitati sunt, crucemque tota Hispania præ se sublimem tulerunt. In his Petrus Gonçalvus Mendoza, & Franciscus Semenus Cardinales, argumento Toletanos Præsules Primatum jura & auctoritatem obtinuisse, ex quo tempore à Mauris Toletum recepta est: tametsi nunquam desuerunt qui obfisterent auctoritati, detrectarent imperium: ac ne nunc quidem præter nomen ullam ejus potestatis partem exercent in alias provincias Hispaniæ: neque componendis litibus, neque fontibus plestendis, neque legibus promulgandis.

C A P U T XX.

Alfonsi Regis uxores, & progenies.

DUAS hæcenus Alfonsi Regis uxores fuisse, Agnetem & Constantiam, atque ex Constantia Urracam genuisse, superius est dictum. Constantia post Toletum receptam defuncta est; quo tempore Elvira glos ejus decessit, atque Legione cum Urraca sorore & majoribus tumultu contacta est. In Regis torum, Benabeti Mauri Hispanensis Regis filia suscepta est, superstitione prius Maurica abjurata; & Zaidæ nomine Mariæ appellatione mutata; quidam Elisabetha dicunt. Ex hoc conjugio Sanctius est natus, si vita diuturnior contigisset, magnus Princeps futurus, & paternam æquaturus gloriam: sic virtutum indoles in tenera ætate pollicebatur; præclaras dotes Hispaniæ fata inviderunt; quartis deinde; quintis & sextis nuptiis Bertam à Tuscia advectam, Elisabetham ex Gallia: præterea Beatricem, qua ex gente incertum, sed postremo tamen uxorem duxit; ex Elisabetha duas filias suscepit, Sanctiam Roderici Comitiss uxorem, & Elviram, quæ Rogerio Sicilia Regi Rogerii Comitiss filio post aliquot annos nupsit: unde Guillelmus Rex & Ansfusus Capua-

nus Princeps, avi scilicet nomen referens, nati sunt: ut Alexander Celestinus Abbas est auctor, qui Rogerii Regis gesta conscripsit ipsius æqualis. Ex concubina Semena totidem filii Alfonsi Regi natæ sunt, Elvira atque Therasia. Elvira quidem Raymundo nupsit Tolosano Comiti: unde Bertrandus & Alfonsus Jordanus geniti sunt. Therasia autem Henrico Lotaringio data est uxor: unde Lusitanis Regibus generis origo & perpetua propago. Nam ex concubina altera, cujus nomen memorie non proditur, & cum qua stupri consuetudinem habuit, nullam Alfonsus prolem suscepit. Urracam ex Constantia filiam natu majorem; Raymundi Comitis uxorem dedit, Comitis Burgundi fratri, atque Guidonis Archiepiscopi Viennensis primum, deinde Romani Pontificis, cui Calixto secundo nomen fuit. Ex Raymundo & Urraca; Sanctia prior, deinde Alfonsus est natus, is qui multorum regnorum adjunctione præpotens in Imperatoris nomen iravit. Hæc ex gravissimis auctoribus selecta sunt; præter tamen de Alfonsi uxoribus & progenie Pelagium Ovetensem audire,

audire, proximæ ætatis auctorem, finem scribendi fere facientem his verbis.

„ Hic (de Alfonso Rege loquitur) habuit quinque uxores legittimas : primam Agnetem, secundam Constan-
 „ tiam Reginam, ex qua genuit Urrac-
 „ cam Reginam, conjugem Comitis Raymundi : de qua ipse genuit Sanc-
 „ tiam, & Aldefonsura Regem : ter-
 „ tiam Bertam Tuscia oriundam : quar-
 „ tam Elisabeth, ex qua genuit Sanc-
 „ tiam conjugem Comitis Roderici, &
 „ Geloiram, quam duxit Rogerius Dux
 „ Sicilia: quintam Beatricem, quæ mor-
 „ tuo eo repedavit in patriam suam.
 „ Habuit etiam duas concubinas, tamen
 „ nobilissimas: priorem Semenam Mu-
 „ nionis, ex qua genuit Geloiram uxo-

rem Comitis Raymundi Tolosani, patris ex ea Adefonsi Jordanis : & Therasiam uxorem Henrici Comitis, patris ex ea Urracæ, Geloiræ : & Aldefonsum; posteriorem nomine Ceidam filiam Abenabeth Regis Hispa-
 „ lensis, quæ baptizata Elisabeth fuit
 „ vocata; ex hac genuit Sanctium, qui
 „ obiit in lre de Ocles; sic Pelagius.
 Has Alfonso uxores habuit, hos filios & nepotes, bello quam pace clarior, rebus gestis aliquanto quam prole felici-
 „ or, in utraque fortuna admirandus.
 Quæ consequenti tempore quasi ex summo repente converti, & graves Regi regnoque calamitates attulisse visæ est: ut sequens narratio declarabit.

FINIS LIBRI NONI.



JOANNIS MARIANÆ HISTORIÆ DE REBUS HISPANIÆ. LIBER DECIMUS.

C A P U T I.

Nova bella in Hispania Syriaque.



ORIENTIS & Occidentis regna uno ferme tempore novis bellorum procellis quassata sunt. Almoravides Mahumetana gens Alavecinatorum familia, qui ad hæc tempora rerum potiti erant in Africa, op-

pressa, in ora Mauritaniæ, quæ ex adversum Hispaniæ ad fretum Herculeum inter utrunque mare porrecta est, imperium primum constituerunt; deinde in Hispaniæ parte multo maxima: cum torrentis ad instar se in eam provinciam infudissent feroces & rapidi. In Hispaniam hæc occasio trajiendi fuit. Hispalensis Regis filiam Alfonso Rex toro junctam habebat, uti paulo ante dictum est. Rex Maurus Hispaniam quam late in ea Mauricum patebat imperium spe complexus, si novis ex Africa viribus & copiis esset adjutus: pro jure cognitionis à genere petiit, ut communibus litteris Juzephum Tephinum Almoravidum Regem viribus & potentia prævalidum, & perpetua rerum gestarum felicitate ferocem, evocarent in Hispaniam: ut suo periculo atque labore alienæ ambitioni serviret; quod contra accidit. Dat Alfonso litteras cum ætatis inclinatione uxoris factus; pestiferum consilium atque capitale, nullique magis exitiale, quam ipsi auctori futurum. Juzephum non negligenda videba-

tur occasio in Hispaniam arma vertendi; parvis momentis magnos sæpe casus intercedere; alieno nomine bellum inchoari posse & invidia, concludi suo ipsius commodo. Veniendi quidem ipsi an voluntas an facultas non fuit. Missus Hali Abenaxa magni nominis Dux, virtute factisque clarissimus: cui consilia callida erant, audacia rebus inchoandis, conatus perficiendis, ac secundi demum exitus; sequebatur justus exercitus; cum his copiis Hispalensi Regi se adjunxit, uti jussus erat; haud diuturna concordia fuit (neque unquam satis fida potentia, ubi nimia est;) dissidio certe nulla magna de causâ inter utranque gentem repente exorto ad arma concurritur. Mauri cum Mauris confligunt. Africano par Hispanus non erat, diuturno otio & voluptatum debilitatus illecebris; victus Hispalensis Rex Alfonso focer, atque in acie trucidatus eo minori suorum dolore, hostisque invidia, quod ex arcano nostræ religioni favere, nos terque esse credebatur. Abdalla interfectus; ejus ditionem omnem victores suam continuo fecerunt. Anno Arabum quadringentesimo octogesimo quarto ea clades accepta: sic in historia de Arabibus Rodericus ait, hoc est anno Christi millesimo nonagesimo primo. Mauricæ gentes quæcunque erant in Hispania ad novam spem erectæ sub ejus imperium adjunctæ, quædam vi, pleræque voluntate, rem Mauricam, quæ

quæ in præcipiti erat, Halis virtute & præsidio sustineri posse cogitantes. Nulla fides barbaris, præsertim arma tenentibus. Itaque Dux Africanus ditionis amplissimæ viribus fretus, suo quam alieno nomine imperare genti maluit. Aderant gentis studia: & si qui contra sentiebant, invidia in occulto erat, palam assentatio; se Hispaniæ Miramolinum dicit, quod erat inter Mauros regis potestatis nomen insigne. Novi præterea imperii fiducia Reges Mauri, qui tota Hispania Alfonso stipendiarii erant, quasi servitute depulsi, erectique ad libertatis spem, annum vestigal pendere recusant; sic res Hispaniæ erant. Piorum armis in Syria bellum sacrum inchoatum est, rerum gloria & magnitudine, atque consternatione terrarum omnium adversus bellicosissimos Reges atque Imperatores Orientis nobilissimum. Hierosolyma urbs antiqua nobilitate celebris, & Christi Dei natalibus, vita, morteque sanctissima barbara genti, feræ & immani parebat, graviore indies servitute. Petrus ex nobilitate Ambianensi in Gallia natus, cum adolescens militia corpus durasset, & vir effectus, rebus humanis spretis, in eremum egisset, religionis ergo Hierosolymam abiit. Inopia, vilique cultu, & specie corporis indecora, brevique statuta inter barbaros tutus, omnia circumlustrans, quam atrocita & quam barbara crudelitatis exempla nostri homines patenterentur, animadvertit. Simon ea tempeste Hierosolymitanus Episcopus erat; cum eo re communicata, acceptisque ad Pontificem Maximum literis & amplissimis mandatis, in Europam revertit. Urbanus audito Petro, lectisque literis maximum animo dolorem cepit. Urebat ignominia Christiani nominis. Terram Christi Dei vestigiis impressam, unde origo religioni, ubi domicilia sanctitatis existerat, cultoribus vastam, orbem sacerdotibus. Barbaros non cum hominibus modo, sed cum sanctitate locorum, bellum gerere odio Christianæ religionis inexpiabili atque gravissimo, securos agere angebatur scilicet; neque tamen ejus ignominie procurandæ consilia explicabat. Id gravissimum videbatur. Graeci Imperatores, in quibus opus aliquid esse debuit

Tom. I.

ob locorum propinquitatem, metumque impendentem à Turcis barbara gente & immani, de suis rebus solliciti parum aliena curabant. Occidentis regna sine metus suspitione res communes negligere: nihilque minus movere videbatur, quam religionis injuria. Urbanus Pontifex his quamvis anxius curis, nequaquam se animo demittit. Consilium capit specie arduum, rebus salutare. Procures & Præsules ex universo Occidentali conventus de religione habendos evocare constituit: unde velut classico omnium Christianorum animos ad bellum sacrum excitare inflammareque cogitabat, optimæ causæ sperans numinis patrocinium haudquaquam defuturum. Claromons in Arvernus urbs præcipua nobilitate concilio designatur. Dum hæc in Italia atque Gallia parantur, missique à Pontifice legationibus nationes omnes ut vires conferant, re & consilio adjuvent sollicitantur, ejusque belli apparatu cæteræ provinciæ ardent: in Hispania res Christiana fluctuabat, pronaque in occasum esse videbatur, Almoravidum ob adventum armaque. Nunquam neque majori impetu, neque majori Hispaniæ periculo concursum est; genti feræ & immani victoriarum cursus, secundi bellorum exitus, imperiorum accessio spiritus addebat. Novo in Hispania imperio fundato, arma in nostros vertunt: atque in Carpetanos inyadunt. Toletanos fines & oppida igne & direptionibus vastant; urbes quæ in eorum tractu & Celtiberis, dotis nomine Zaidæ datæ erant à patre, armis ereptæ, Concha, Urcefia, Opta. Alfonso Comes duos Garfiam Sororium & Rodericum Mauris obviam mittit, adjuncta valida militum manu; victi acie nostri ad Rhodam oppidum (quod Plinio Virgao esse creditur, Batim inter & Oceanum) atque fugati sunt. Alfonso tot cladibus castigatus, & impendentis periculi metu, intelligens quantopere peccatum esset, nova diligentia, præterita mala compensare satagens, magnos toto regno delectus habet: auxiliisque undique contractis justum exercitum constat. Multi ultro ex vicinis provinciis rei Christianæ periculo permoti, in Alfonso castra confluxere. Ad Cazalliam, quod municipium non ita procul Pace Augusta situm est, totis utrinque viribus dimicatum;

Eccc e

visti

viſti Chriſtiani, caſique magno numero. Nova ea clade Alſonſus haudquaquam demittit animum, neque ſecundis rebus inſolens, neque adverſis debilitatus. Expedito conſilio bellum reparat, novisque auxiliis & copiis priorem exercitum auget; cum iis copiis Cordubam uſque ferro penetratum; in homines, & pecora ſevitum: ac ne teſtis quidem & agris parcebatur. Tyrannus viribus diſſiſus, exercitu veteri magna ex parte dilapſo, Cordubæ moenibus ſe tenet urbis munitiſſimæ; lævia modo prælia commiſſa. Accidit ut Abdalla noctu improvifus, piorum caſtra invaderet; cæteris pulſis caſiſque noſtrorum accuſu, Dux ipſe captus, proxima luce in ipſis Maurorum oculis, qui ex urbe deſpiciebant, membratim lanatus, vivuſque combuſtus eſt: cum eo è ſociis alii; crudele exemplum; ſed dolor quem ex Benabeti ſoceri caſu Rex ceperat, ſupplicii acerbiter exculſabat; eo victoriæ fruſtus major. Maurus diuturna obſidione fatigatus deditionem facit, paratus imperata facere; magno in præſenti auri & argenti pondere mulctatur: in poſterum annuum veſtigal impoſitum; ditio reliſta quam ceperat, quaſi Caſtellæ Regum beneficiario. Glorioſum id Alſonſo fuit, provinciæ ſalutare: nam ab eo initio intellectum eſt barbarorum arma vinci poſſe. Rebus in Bætica compoſitis, in Celiberiam bellum eſt verſum. Cæſarauguſta poſitis juxta caſtris circumſeſſa eſt, magnisque operibus impugnata; cives veſtigal annuum pendere non detrectabant, dummodo eos in fidem reciperet, totaque ditione continuo ſine maleſicio diſcederet. Honorifica Regi conditio proponebatur; vicit tamen ſtudium & ſpes urbis potiundæ, ut in propoſito perſiſtaret. Verum dum majora captat, utrumque amiſſum eſt. Juzephus enim novo Almoravidum exercitu, pecunia, pediatu, equitatu, copiis inſtructus & formidabilis ex Africa in Hiſpaniam trajecit, ad comprimendos Halis Ducis conatus, perſidiam vindicandam. Ejus adventus uno tempore in urbe & in caſtris nunciatus, Mauris cum ſpe melioris fortunæ animos addidit: Alſonſum majoris mali periculo metuque obſidione ſoluta compulſit retro redire. Et Juzephi quidem

arma proſperum curſum habebant. Nam Hiſpalim ubi tyrannus erat, primo adventu redegit in poteſtatem: tyranno caput amputatum. Mox Corduba ex deditione capta eſt. Harum exemplo reliquæ urbes Bætice, ac vero quæcunque tota Hiſpania Maurico imperio tenebantur, brevi tempore ad ditionem ſubjunctæ, imperata quædam vi, aliæ voluntate fecerunt: novique Regis virtute & felicitate conſiſe, Chriſtiani imperii jugum plurimæ detrectabant. Grave id Alſonſo viſum eſt, neque diſſimulanda ignominia. Et majoris periculi metus proponebatur, ne ruſſus Africa & Hiſpaniæ viribus, quæ longo intervallo junctæ erant, res Chriſtiana in Hiſpania periclitaretur. Priuſquam mora vires convaleſcerent, Maurorum confirmaretur audacia, bellum comparari placuit. Tumultus decernitur, juſticiuſ indicitur, ſaga ſumuntur non à proſonis tantum hominibus, ſed etiam à viris ſacratīs; ſublatis vacationibus, tota provincia delectus habentur; externa advocantur auxilia; & plerique Hiſpaniæ periculo permoni, navande in eo bello operæ ſtudio incitati; ultro ex Gallia magno numero venerunt. Raymundus, Burgundionis Comit̃s frater germanus: horum cognatus Henricus, domo quidem Lotaringius, quamvis Veſontione natus urbe Sequanorum maxima, unde Veſontinus dictus eſt, Luſitanie gentis & regni conditor: atque Henrici propinquus Raymundus Toſoſæ & Sancti Egidii Comes. Hos invicta Francorum manus ſequebatur, magna atque incredibili ad bellum alacritate. Aſſuit præterea Sanctius Aragonius Rex, quamvis ingraveſcente ætate magno animi vigore, dexteritate maxima: quam perpetuo bellorum uſu adverſus Mauros compararat. Ex his omnibus gentibus numeroſus exercitus conſtatur: proſus ut hoſtes de finibus laceſſere non dubitent. In Beticam intimam penetratum eſt; populationes, vaſtationes, direptiones locis omnibus factæ. Ad Alaguertum (nomen id loci eſt) caſtra caſtris collocata. Juzephus viribus impar, conſilio cautus, certamen detrectavit. Fugæ perſimilis proſectio fuit: quod feſtinatio diſcedendi & impedimentorum pleraque reliſta indicabant. Alſonſus

fat̃is

fatīs se ad nominis auctoritatem tuendam effecisse existimans barbaro fugato: & alioqui exercitus ex tam multis gentibus lingua, moribus & institutis discrepantibus contineri longo tempore non poterat: militem praeda divitem, successu lætum, reduxit in patriam. Almoravidum arma hac ignominia accepta aliquandiu conquieverunt: & Iusephus novi regni statu comparatione interea omittere: quoniam bellum majori mole futurum propediem exploratum habebat. Novis cognationibus externorum Principum animos sibi conciliare constituit: ac tribus proceribus, qui ex Gallia venerant, totidem filias uxores dare. Navata opera ea merces fuit. Raymundo Tolosano Comiti Elvira nupsit. Henrico Lotaringio Therasia, utraque furto quidem genita (ut superius est demonstratum,) cæterum regio cultu, & in spem magnæ fortunæ educatæ. Raymundo Burgundo Urraca legitima Alfonso filia connubio juncta est. Hic urbem Salmanticam instaurasse fœderi Regis jussu fertur. Præterea Roderico Comiti Sanctia Regis ex Elisabetha uxore filia nuptui data est; (ad hunc Gironi reguli cum primis nobiles in Hispa-

nia genus referunt). Henrico quidem dotis nomine datum est quicquid terrarum in Portugalia Christianorum armis partum erat, Comitis nomine: atque ea lege, ut Regum beneficiarius esset: ad comitia regni veniret: & ad bellum quoties invitatus esset, profequeretur armatus. Novi ea regni initia atque fundamenta fuerunt: quod paulo post in Hispania fundatum supra quadringentos annos Henrici posteror Reges habuit. Burgundo Calacie præfectura data Comitis nomine, quo nomine provinciarum rectores uti soliti erant, proximaque spes ad quam destinabatur, Sanctio Regis filio si quid humanitas contigisset. Tolosano Comiti varia suppellex, vestis pretiosa, auri atque argenti pondus dos fuit, ditio nulla in Hispania: cum de Gallia cogitaret, ubi late dominabatur. Auctor quidam Alfonso armis ejus sæculi anno nonagesimo tertio Olisiponem captam esse ait: vero an falso affirmare non possum. Illud dico: non parum sepe inter utriusque nationis arma urbem eam alternasse: ac consequenti demum ætate Mauris ablatam, stabili possessione ac perpetuo in Christianorum ditone permanisse.

C A P U T I I.

Sanctius Aragonius Rex occiditur.

PROXIMUS certe annus à Christi ortu millesimus nonagesimus quartus, nobilis quidem Alfonso ortu fuit ejus, qui Henrico Lotaringio & uxore Therasia nazus, felicibus armis Portugaliæ nomen illustravit, ditione extendit: primusque in regium nomen Pontificum Romanorum venia invitis Castellæ Regibus invasit. Infaustus autem Sanctii Aragonii Regis infelici casu cædeque: cui uni non modo bene gestæ, atque conservatæ reipublicæ, uti prioribus faciunt, sed etiam auctæ & bonis omnibus cumulatæ laus ab Aragoniis datur. Primus enim ex impeditis atque præruptis montibus, ubi priores Reges imperii fines tutati erant haud minori locorum quam armorum fiducia, in subiectos campos & planiciem delatus, urbes & oppida magno numero armis occupavit: cum regulis Maurorum Balagueris, Ilerdæ, Montionis,

Barbastri, Fragæque continenter bella gessit: victosque stipendarios habuit primum, deinde longa ac difficili obsidione Barbastrum cepit, ad Verum annem præcipua regionis æmènitæ nobilem urbem. Undique copiæ admotæ; mœnium munitio opponebatur; pertinacia nostrorum omnes difficultates superavit: dum undique circumspectus terror, nec remittitur ardor, obliivioque vulnèrum & mortis contemptus occupat animos, impetu expugnata direptaque est. Salomoni Rotensi Episcopo attributa, alii Arnulfo affirmant, nobis neutrum satis compertum est. Omnino Armengaudus Urgelitanus Comes in ea obsidione obiit; ditio Barcinonensi Comiti cessit. Ejus calamitatis vindicandæ studio, quoniam Regis fœder erat, in captos cives gravius fœvitum. Bolea in Vasconum atque Ilergetum finibus, ad Cingam annem, ubi diu bellum fuit,

Eccc e 2

Mauris

Mauris erepta: Montioque validum in Illegitibus municipium situ arceque; alia præterea oppida & urbes, quorum numerum inire longum esset. Omnino in Vasconibus Stella condita, exiguum tunc oppidum, nunc urbs eo tractu cum primis nobilis; & quoniam de Cæsaraugusta cogitabat, ad Iberi ripam viginti supra eam urbem millibus passuum Castellare oppidum extructum est, ad arcendas barbarorum incursiones; crebris præterea eruptionibus ex eo oppido infesta circa omnia urbi faciebat: ut interdum interclusis commearibus obfessa esse videretur à nostris. In Vascetanis Luna municipium conditum, nulla re nobilior, quam gentis origine, ejus quæ à Luna nomen habet, vetustæ & nobilissimæ; generis conditor Bacalla vir primarius, cui Sanctius id oppidum dono dedit, Rex vere magnus & virtutum omnium splendore clarissimus, insignis pietate: qui ab Alexandro secundo Romano Pontifice D. Joannis Rupensis, sed & multa alia tota ditone monasteria ab Episcopo jure exempta esse impetravit. Præfulum aviditas obtendebatur in eorum bona involantium: sed & monachorum mores ea tempestate (quod D. Bernardus conqueritur) nimium in studium libertatis incubuerant: passimque eorum Præfetti, ut insignia Episcoporum mitram, baculum, breve circum humeros pallium gestare fas esset, libertatis indicio impetrabant; ea fraudis inventa via est. Quod in Episcopis accusabatur, idem crimen aviditatis Regem perstrinxit, qua una nota deformis fuit. Nam in templorum & sacerdotum bona licenter invasit; ararii tenuitas atque inopia, ingentes bellorum sumptus excusare videbantur: data præterea ante annos aliquot à Gregorio septimo Pontifice Maximo facultas, decumas & vestigalia templorum, quæ extructa denuo, aut Mauris erepta esset, pro arbitrato permutandi, invertendi, attribuendique quibus mallet. Illustri ipse modestiæ & Christianæ pietatis exemplo conceptam ex eo facinore religionem, procurandam curavit, odiumque populare, ante aliquot annos Rotæ in D. Victoriani, ad aram D. Vintii humillimo corporis habitu, cum gemitu & lacrymis publice veniam precatus. Affuit Raymundus Dalmatius ejus

urbis Episcopus, cui quæ ablata erant omnia, reponi integra fide mandavit. Et miror nostra ætate quosdam viros principes, cujus exempla imitantur templorum bonis occupandis, ejus neque poenitentia moveri, neque perhorrescere exitum. Offensem Regem Abderahmanum continenti bello vexare solitus, omnem circa diuionem armis occuparat: Montaragonem quarto ab ea urbe lapide municipium ceperat, magnisque operibus muniendum curarat, ut arcis instar barbarorum cervicibus immineret; urbs ipsa tandem circumfessa, copiis omnibus undique contractis; vicini colles præfidiis occupati: ne exeundi comendique in urbem facultas esset; castra in clivo posita, qui ab eo tempore Sanctii podium dictus est. Urbs munitissima erat, totiusque Mauricæ ditonis ea parte propugnaculum: uti fuerat Romanorum tempore, à quibus fortitudinis indicio urbis Victicis nomine nuncupata est. Ergo obsidio ducebatur: vi expugnari non poterat. Offenses Alphonsum Castellæ Regem, ut opem ferat obfessis, sollicitant; annuit ille, ut solent Reges, cum spes utilitatis ostenditur, privatis commodis magis quam religioni famæque fervire. Aperte Mauris favere ignominiosum erat. Itaque consilium capit, per Cantabriam Vasconum fines invadendi; quo facto providebat utrique bello Aragonias vires impares futuras. Missus in id Comes Sanctius: verum Petro & Alfonso à patre Sanctio, contra Alfonfi Castellæ Regis conatus destinatis, retro iter hostes convertere re infecta compulsi sunt. Incommode accidit ut Sanctius Rex diuturnæ obsidionis tædio mœnia urbis circumlustraret, & idoneum locum notatum qua parte irrumpi posse cogitaret, contento brachio comitibus designaret: cum sagitta ex muro emissâ sub ala confixus est; lethale id vulnus fuit: numinis vindictam ob templorum bona occupata provinciales interpretabantur. Obiit quarto mensis Junii die; corpus Montaragonem delatum atque in Jesu Nazareni, quod ipse monasterium extruxerat, extemporario sepulcro conditum est, inde urbe capta in D. Joannis Rupensis: quo loco Feliciæ uxoris superioribus annis defunctæ, inscriptio cum cippo monstratur.

Fili

Fili, ut erat à patre imperatum, in castris perstiterunt, haud ante discedere certi, quam urbis glade injuriam vindicassent. Petrus superflite patre, Ripagorfe & Suprarbis Rex erat renunciatus, & ex Berta uxore (alii Agnetem volunt) filium sibi cognominem (alii Sanctium vocant) genuerat: nunc totius regni paterni hæres institutus est. Alfonso oppida legata. Ramirus natu minimus rebus humanis contemptis in S. Ponçii Tomerii, quod cognobium in territorio Narbonensi ad Jauri ripas erat, vestem mutarat patre auctore: ut ipsius diploma declarat, proxime superiori anno ejus monasterii præfecto Frotardo datum: in quo amplè possessiones, fundi, prædiæque in Monachorum usum abs Rege donata sunt. Oñensis obsidio diuturna fuit atque semestris, ut quidam affirmant; alii ultra biennium productam fuisse contendunt. Obfelli fatigati omnibus malis, & ad supremam annonæ difficultatem redacti, Almosabenum Casaraugustæ Regem auxilio evocant, Garfiam Cabræ Comitem, & Gonsalvum virum principem: nam in ea temporum fæce, morumque labe Christianos Mauris opitulari adversus Christianos religio non erat. Gonsalvus non venit, misit tamen validam suorum manum; affuit Garfias. Rex Maurus supremo conatu infinitam multitudinem Mauro-rum sub signis habebat; cum his copiis Casaraugusta movent. Adducta erat res in maximum periculum, & extremum pene discrimen. Garfias ipse, sive syn-cero animo, sive benevolentie simulatione Petrum monet, nisi res perditas vellet, quamprimum rediret in patriam. Vicit tamen honesti respectus & sacra-menti religio, quo fe fratres patri mori-entis obstrinxerant, nisi capta urbe non cessaturos; urbi vicina planicies proten-diur cui Alcoracio nomen est, hujus prælii eventu maxime nobilis. In ea pla-nicie universi certaminis aleam subire constituunt freti numine, cujus propitiandi causa corpus D. Victoriani in castra delatum erat. Concubia præterea nocte oblata Regi species augustior hu-mana, monentis, ut prælium magno ani-mo invaderet de victoria certus. In primo agmine Alfonso curabat, in postre-mo Rex ipse, mediam aciem Lisana &

Tom. I.

Bacula viri nobilissimi regebant; equites in fronte erant; ab his pugna cœpit; mox Legionum signa invecta adversus barbaros, qui sua multitudine subiectos campos & vicinas valles compleverant. Accerrima pugna fuit, nulla eo sæculo ne-que major periculo, neque felicior even-tu. Gemitus cadentium, clamor pugnan-tium, fragor armorum, nihil præterea exaudiebatur. Ex urbe viros & sceminas uti Mauros res erant, modolatos, modo pavidos considerare fas erat. In noctem pugna producta haud satis intelligebatur, utra pars meliora tulisset; nostri caussa, virtute, & scientia pugnandi, hostis su-perabat numero; in armis usque ad se-quentem lucem perlutum: tanta erat cu-piditas instaurandi pugnam, tantus in-stantis periculi metus piorum animos o-cupabat. Cum cognitum esset Mauros deseruisse castra, Almosabenum conten-ta fuga Casaraugustam petere, fugien-tibus insistent; cadendi finem satietas, & defatigatio attulit. In pugna fuga-que hostes quadraginta millia cæsi; ex nostris vix mille desiderati; pauci quidem, mi-norque pro tanta victoria numerus, ne-que in genere aut laude bellica præstan-tes. Garfias Comes à nostris captus; secundum pugnam lecta spolia; campi cadaveribus strati; arma, tela, vestes, equi jacebant, corpora nondum plane extincta, trunci artus, perfoffa ferro pec-tora; terra perfusa, inundantique sangui-ne. Quidam D. Georgium inter utraf-que acies visum, ejusque præsidio victo-riam partam ajunt. Alii ex Moncadarum gente, quandam cum eodem die in Sy-ria ad Antiochiam pugnasset, equo vec-tum huic prælio interfuisse; vulgus por-tentorum avidum, & ut latiora sint quæ nunciantur, affingere fabulas veritati. confuevit; nos si quæ verisimilia sunt pro-veris accipiantur satis habituri sumus. Convenit deinceps Aragoniis Regibus insignia fuisse crucem in argenteo clypeo, & quatuor circum clypeum capita rubra sanguine eorum Regum & Ducum, qui in hoc prælio interfecti sunt. Pugnatum est ad quartum decimum Kalend. De-cembris; nono post die urbs nobilissima spe omni defensionis abjecta, ex deditio-ne venit in potestatem; consequenti mense sextodecimo Kalend. Janua. tem-plum maximum ex ritu Christiano sacra-tum

FIST f

tum. Berengarius, quem Bernardus Toletanus Aula Tarraconem transfudit, ut mox dicemus, Amatus Burdigalensis, Petrus Jaccetanus antea, & jam Ofsensis Episcopus, Fulcho Barcinonensis, Petrus Pompelonensis, Sanctius Lascarenfis sacre cærimonie Antistites. Eodem tempore Pompelone templi maximi nova fabrica coepta est, cujus vestigia supersunt. Sacerdotum vita & mores ad D. Augustini leges & regulam confirmati: quod ab eo initio susceptum,

nostra etiam ætate retinetur. Petro Pompelonensi Episcopo Gomefinus aequalis fuit Burgenfis Præsul Semen successor. Semen Episcopo Auca, ubi eatenus fuerat, ab antiquissimo tempore pontificia sedes Burgos translata est; de iis Episcopis utri ecclesiæ contributi essent, Tarraconensis, & Toletanus Præsules diu inter se disceptarunt. Romani Pontifices, quoniam controversia componi non poterat, ab utriusque imperio liberos, siquæ juris fore sanxerunt.

C A P U T I I I

Bernardus Toletanus Præsul ad bellum sacrum contendit.

QUO tempore hæc in Illergenibus, aliisque Hispaniæ regionibus gesta sunt, orbis Christianus in belli sacri apparatu totus erat; equi, arma, tela, faga, tympanorum crepitus, tubarum clangor, nihil præterea exaudiebatur; maria, terræ, agri, oppida permixtione gentium omnium, & belli rumoribus personabant. Urbanus ipse Pontifex Claromonte (quæ urbs Sidonio & veteribus Arvernum fuit) Præsulum & procerum ex omnibus provinciis generales conventus is agit anno millesimo nonagesimo sexto. Inde bellicum gentibus omnibus canit, quam late imperii Christiani fines extendebantur. Lectæ in eo conventu Simonis Hierosolymitani Episcopi litteræ: exposita à Petro Ambianensi mandata: multi Hierosolymitani, Antiochenique cives, sancti nobilesque viri domo profugi lacrymis, voce, & squalore omnium, qui aderant, animos ad misericordiam permoverant. Concitatis semel animis Pontifex declamantis in morem hanc summam orationis habuit. „ Audistis, inquit, filii carissimi „ mala, quæ fratres vestri in Asia to- „ lerant; eorum calamitates nostra igno- „ minia sunt, probrum, & dedecus re- „ ligionis Christianæ sanguine ipso & vi- „ ta, si viri essemus, procurandum. „ Mortem quidem omnibus natura pro- „ posuit: est autem postremum in malis „ maximam turpitudinem suscipere, fer- „ reque vitæ cupiditate; spiritum, salu- „ tem, animam Christo, à quo accipimus „ reddere consentaneum. Ignominiam „ virtus propulsare solet, quæ propria

„ est Christiani nominis & seminis; eas „ vires & copias, quas hætenus civili- „ bus bellis consumpsistis, ad decus & „ honestatem convertite. Christi Dei „ contumeliam depellite, qui quotidie „ ab impia & barbara gente caditur, pul- „ satur, occiditur: cum Christi famuli „ premuntur, vexantur, exagitantur: ter- „ raque insultatur illi, quam Christus suis „ vestigiis sacravit. An causâ iustior esse „ ulla potest belli sumendi, quam reli- „ gionis vindicandæ, servitutis depellen- „ dæ à Christianis, quos Deus immor- „ talis omnibus gentibus voluit imperare? „ Si ex bellis commoda expectantur, „ quid utilius quam gentem imbellem im- „ pugnare, spolia potius quam arma „ ferentem? Nunquam Asia Europa „ par fuit; ibi divitiæ, opes, aurum, „ gemmæque, quæ prima mortales pu- „ tant. Si gloria quaeritur, ecquid ho- „ nestius, quam clarissimum virtutis „ exemplum filiis & posteris relinquere: „ orbis rectores vocari: domitores O- „ rientis: religionis vindices? Habemus „ pubem ætate, robore, consilio, for- „ tunisque præstantem, in armis exerci- „ tam; an etiam his præsedis muniti, „ impuræ genti nominis Christiani ma- „ jestatem ludibrio esse sinamus? Chris- „ tus dux erit, vexillum crux; nihil vir- „ tuti, nihil pietati erit inaccessible; con- „ spectum tantum vestrum ferre non „ poterunt. Ego quidem quod debeo „ vobis, quod religioni Christianæ, pro „ qua velut in specula custodisque con- „ stitutus, dies noctesque vigilandum „ esse mihi statui, quantum cura, labo-

„ re,

re, vigiliis, auctoritate, consilio eni-
 „ potero, tantum incumbam in hanc
 „ causam; & nisi alii sequantur in me-
 „ dios hostium gladios irruere certum
 „ est: nostroque sanguine tantam igno-
 „ miniam, & irarum nostrorum calami-
 „ tates arumnasque gravissimas procura-
 „ re. Nullum casum dum vixero, nullum,
 „ laborem, nullum vitæ periculum reipu-
 „ blicæ & religioni denegabo. Ponti-
 „ ficis oratione, omnes qui aderant infla-
 „ mati summi, medi, infimi arma; arma
 „ deposcunt; omnis mora gravis est. Ade-
 „ marus Anicii Vellaunorum Episcopus,
 „ & Guillelmus Arausii, principes ex om-
 „ nibus ad pedes Pontificis prostrati cru-
 „ cem sumunt; ea pro militari tessera erat;
 „ secundum eos Gallie, Italiaeque & Hi-
 „ spaniæ clarissimi Principes, & eorum
 „ exemplo infinitus hominum numerus.
 „ Hugo Philippi Regis Francorum frater,
 „ Gotifredus Eustachii Bononiensis filius
 „ Duxque Lotaringiæ; qui urbe Hieroso-
 „ lyma capta; quod primus in urbem irru-
 „ pisset liberis omnium suffragus Rex So-
 „ lymorum dictus est, æternum Gallie decus,
 „ & Bononiæ patriæ: quæ urbs in
 „ Gallia Belgica ad Oceanum sita est; præ-
 „ terea Gotifredi fratres Eustachius, &
 „ Balduinus, Robertus Flandriæ Comes,
 „ Stephanus Blesensis, Alpinus Bieuricen-
 „ sis, Raymundus Tolosæ: quem The-
 „ rasia uxor ad bellum profecuta in Sy-
 „ ria, filium alterum peperit, cui Alfonso
 „ Jordano nomen fuit, quod in Jor-
 „ dane flumine aquis salutaribus lustratus
 „ esset. Præterea ex Hispania Guillelmus
 „ Ceretaniæ Comes, qui sagitta ictu pe-
 „ iit in ea expeditione ad Tripolim Syriæ
 „ urbem, unde illi etiam Jordani cognom-
 „ en: Guitardus Rufcinoniensis, & Guil-
 „ lelmus Canetenſis Comes, Boamundus
 „ Apuliæ Princeps, Rugerio fratri de quo
 „ contentio erat, principatu relicto, cum
 „ duodecim armatorum millibus cæteros
 „ Principes ad bellum sacrum profecutus
 „ est. Bernardus Toletanus Præsul, qua
 „ erat animi magnitudine, cum ecclesiæ
 „ Toletanæ statum composuisset, & tri-
 „ ginta sacerdotes in summo templo consti-
 „ tuiſſet nihilominus, quos Canonicos vul-
 „ go vocant, totidem Portionarios, cruce
 „ sumpta ad bellum sacrum profectus
 „ est. Vix urbe discesserat, cum Toletani
 „ sacerdotes, an hominis externi invidia

an réditus desperatione, collatis suffra-
 „ giis novum Præfulem in Bernardi locum
 „ rapim substituerunt; minor & melior
 „ pars (ut saepe fit) à majore victa, ur-
 „ beque pulsa est; ii ad Bernardum atro-
 „ cem nuncium detulerunt. Ille con-
 „ verso itinere Toletum rediit: pulsisque
 „ sacerdotibus, qui nefarii consilii aucto-
 „ res ministrique extiterant. Ex S. Fa-
 „ cundi cœnobio (cui in minori fortuna
 „ præfuerat) evocatos Monachos, eorum
 „ loco substituit: unde multæ Monacho-
 „ rum voces, ritusque templo Toletano
 „ adhæſiſſe quidam disputant: quæ per ma-
 „ nus ductæ ad nostram ætatem in usu
 „ sunt. Rebus compositis propositi tenax;
 „ denuo iter arripuit ille quidem: sed Ro-
 „ mam tamen delatus ab Urbano Pontifi-
 „ ce, cum tantum belli in Hispania su-
 „ peresset, & nuper erepta civitas restor-
 „ is præsidio, & diligentia indigere vide-
 „ retur, retro redire compulsus est, voti
 „ religione, qua se implicar exoluta,
 „ legeque imposita ut iis sumptibus & pec-
 „ unia, quam in bellum sacrum compa-
 „ rarat, Tarraconem instaurandam cura-
 „ ret; quæ urbs Comitis Barcinonensis vir-
 „ tute armisque per hæc tempora ad Chris-
 „ tianorum ditionem revocata est, ipsa an-
 „ tiquitate & imperii Romani majestate, cu-
 „ jus in Hispania sedes fuit, nobilissima o-
 „ lim & valida: cæterum ea tempestate ad
 „ eas redacta, atque oppidum ignobili-
 „ le, Bernardi cura & impensa resti-
 „ tuta. Ausetanus Episcopus Berenga-
 „ rius, Archiepiscopus datus est, quo ma-
 „ jor esset auctoritas Ausetana urbe contri-
 „ buta: tamenſi beneficii immemor, litem
 „ postmodum Bernardo, à quo creatus
 „ erat, de Primatu intendit, exoletis ve-
 „ tustate annalium exemplis & tabulis ec-
 „ clesiæ suæ jura libertatemque defendens:
 „ cum recentissima Urbani Pontificis in-
 „ dulgentia Toletanus Præsul non modo
 „ totius Hispaniæ Primas esset lege perpe-
 „ tua renunciatus: sed etiam Romani Pon-
 „ tificis Legatus in præfens, componendo
 „ ecclesiarum statu cæteris ecclesiis jura
 „ daret. Omnino ex Gallia cum per eam
 „ provinciam in Hispaniam rediret; præci-
 „ pua eruditionis & probitatis laude viros
 „ secum Toletum adduxit: quos honoribus
 „ in præfenti & optimis sacerdotis auctos,
 „ virtus cœnſequenti tempore ad majora
 „ provexit. Gerardum Mosaco; qui mor-

Toletanus Primicerius, deinde Bracarenſis Præſul fuit. Petrum, quem Bituricis natum, ex Archidiacono Toletano Uxama Pontificem habuit. Utrunque vitæ ſanctitas, animi candor celeſtium numero inſervit. Præter hos Bernardus & Petrus patria Aagenſes deducti. Bernardus ex Primicerio Toletano Seguntinus Epifcopus fuit, ac deinde Compoſtellanus: Petrus ex Archidiacono Toletano Segobienſis Pontifex. Petrus alter Palentinus Præſul, Hieronymus Petragorius, qui anniente Cido Valentiniæ eccleſiæ curam ſuſcepit, cum primum ea urbs Mauris erepta eſt, & ea amiſſa Zamoræ Propontificem egit; hoc deſuncto Bernardus quidam ex eodem

comitatu jure ſuo Zamoræ Pontifex eſſe cœpit. Ex hoc numero in diſſimili vite genere Raymundus, & Burdinus fuerunt. Raymundus Bernardi Primatis civis Uxamæ poſt Petrum Epifcopus fuit, deinde Toletanus Præſul, Bernardi ſucceſſor. Burdinus Lemovicenſis civis, ex Archidiacono Toletano Conimbricenſis Epifcopus, deinde Bracarenſis, poſtremo pſeudopontifex Romanus orbem Chriſtianum importuno diſſidio turbavit: ſequè indignum excellentium virorum, qui Bernardum proſecuti ex Gallia erant, numero & comitatu eſſe declaravit: quod commodiori loco explicandum eſt.

C A P U T I V.

Rodericus cognomento Cidus Valentiam capit.

INTEREA Roderici cognomento Cidi haud quieta arma erant; vir tantus opera, conſilio, virtute, incredibileque ſtudio rei Chriſtianæ promovendæ, & quam ſe cunque in partem daret, ea tempeſtate omnium facile princeps otium pati non poterat; quin Alſonſo Rege concedente, quo tempore Bætico ipſe bello occupatus erat (uti ſuperius dictum eſt) cum privata ſuorum manu Celtiberos (pro eo quod in magna apud eas gentes gloria erat) repetiit. Venientis amicitiam cuncti eo tractu Maurorum reguli certatim appetebant. Albarracini, quam urbem veteres Lobetum Turiamve dixerunt, regulus ad colloquium primum, mox ad ſœdus admiſſus: deinde Cæſarauguſtanus, quem propter urbis amplitudinem præſens adiit; & barbarus in magnam ſpem venerat urbis Valentiniæ potiundæ, Chriſtianorum ope, qui Cidum proſequebantur. Valentia urbs in Edetanis ſita eſt, ad maris littus, locis irriguis atque amœniſſimis, proventu læta, commercio exterarum gentium & civium frequentia atque elegantia peraque noſtra ætate atque eo tempore nobiliſſima. Hyaia, quem Toletum pulſum fuiſſe docuimus, eam urbem imperio obtinebat, paterno jure repetito (nam Almenonis ditione fuerat) Alſonſi Regis armis, ut in ſœdere convenerat, quo tempore Toletum

dedita eſt. Dianii regulus, qui imperio præterea Setabim & Dertuſiam obtinebat, ex privatis offenſionibus, an dominandi cupiditate Hyaia inſenſus eam urbem obſidione fatigabat. Cæſarauguſtanus regulus ex aliena calamitate & diſſidio lucrum captans, à Valentinis auxilio evocatus, ire quamprimum cupiebat, haud deſuturam occaſionem utroſque opprimendi cogitans. Itaque junctis cum Cido viribus eo contendit. Dianii regulus viribus impar, eo apparatu nunciato, ab obſidione recedit, ſœdere cum Valentinis factæ. Cidus ut Valentinum Regem bello impeteret, quod Cæſarauguſtanus flagitabat adduci non potuit: cum eum diceret, in Alſonſi Regis fide eſſe: negaretque, niſi ejus conſeſſu, ſibi fas fore eam urbem impugnare. Ergo Cæſarauguſtanus in patriam rediit. Cidus Valentini Regis partes dum tuetur, omnes circa Maurorum regulos ſtipendarios efficit: oppidis & arcibus annum veſtigal imponit; unde & ex præda; quæ ex agro uberi copioſa erat, bellicos ſumptus aliquandiu ſuſtentavit. Hyaia Rex cum ad veterem invidiam ex Chriſtianorum amicitia novo odio flagraret, Almoravides qui late fines imperii protulerant, à civibus in urbem advocati ſunt. Rex occiſus; urbs capta; auctor conſilii Abeniatius rerum potitus eſt. Cidus proditionis vindicandæ ſtudio inflammatus.

flammatus, & occasionem venisse gaudens nobilissimæ urbis occupandæ, copiis omnibus Valentiam expugnare parat. Rerum omnium quæ ad bellum usui erant, summa facultas in ea urbe erat: militare præsidium, civium numerosa multitudo, commeatus in multos menses comparatus, arma equique. Cidi constantia & magnitudo animi cuncta pervicit; diuturna obsidione malis omnibus obfessi, fatigati, atque ad supremam annonæ difficultatem redacti, præterea auxilii spe omni sublata, tandem deditionem faciunt. Cidus qua virtute cœperat, eadem urbem retinere satagit: audax facinus, & magnis Regibus formidandum, cum tantum ex omni parte Maurorum circumfusum esset. Certus tamen urbis retinendæ Hieronymum Toletum evocat, ut Valentia Pontifex esset; præterea uxorem & filias duas, quas in Cardenia Abbatis cura relictas esse superius dictum est. Regi quod benigne ejus votis annuisset, ex præda Maurica, generosos equos bis centum, & totidem Mauricos gladios ex ephippiis pendentes, dono mittit. Sic Cidi res, erant nomini immortalis gloria parta. Carionis reguli Dieghus & Ferdinandus (Infantes vulgo dicimus) viri ea ætate in Hispani genere & copiis nobilissimi, animo ignavi, ex Cidi copiis aviditatem expleri posse cogitantes, quoniam mascula prole orbus erat, Regem adeunt: petuntque ejus opera & auctoritate Cidi filias Elviram & Solem sibi uxores dari. Annitente Rege Requenam oppidum, quod non procul Valentia situm est, ad colloquium ventum: & re deliberata Carionis reguli Valentiam Cidum prosecuti, voti compotes facti sunt. Nuptiæ regio apparatu, festaque lætitia celebratae sunt. Adolescentes culti magis mundiciis, quam virilibus ac militaris animi, mores suos focero & aulicis in armis educatis haud satis probabant: semelque leone è cavea, forte an consilio incertum, sed egresso tamen, cum præ metu se in turpes latebras condidissent: & iterum in tumultuario prælio adversus Mauros qui ex Africa venerant, certamen exhorre visi essent, ignaviæ atque timoris significationem dederant. Dececus quod virtute procurare debuissent, turpiter ulcisci cogitant: & est fer-

Tom. I.

me crudelis ignavia. Suerus adolescentum patruus, in quo propter ætatem præsidii atque prudentiæ aliquid esse debuisset, in agris animis facis insular majus incendium excitabat. Re constituta patriæ se desiderio teneri simulant: petuntque volente focero discedendi sibi facultatem esse. Annuit Cidus eorum postulatis, filiasque & generos aliquanto spatio prosecutus, mortuus sientes, & quasi tacita divinatione perfusus lachrymis abs se dimittit; honestissimo stipante comitatu, ad Castellæ fines perventum: Durioque amne superato, in Valerianica finibus Corpesia roborata facinori perpetrando locus idoneus fore videbatur. Comites alii alio confectis de causis amandati; ipsi uxores à militari via in interiorum sylvam seductas, & nequicquam divorum hominumque fidem implorantes, nudas flagris cedunt. Feriendi finem fatigatio satietasque fecit. Examines atque in suo sanguine volutantes, pro mortuis dimittunt. Ab Ordonio, quem Cidus cum fraudem suspicaretur, præcedentium iter dissimulato habitu prosequi mandarat, repertæ sunt, atque in proximo vico medicamentis ciboque recreatæ. Injuria atrox erat, neque ferenda inhumanitas; & re cognita Carionis reguli invidia maxima flagrare cœperunt; indignum passim judicabatur tanta beneficia, tam insigni contumelia compensata esse. Juvenes ex stultis amentes plane esse factos dicitabant. Cidus vindictæ studio, honesti cura Regem adiit. Toleti tunc generales regni conventus agebantur: aderantque Carionis reguli tanto facinore fœdi turpesque; iudices abs Rege, Cido expetente in causâ dari; in iis princeps Raymundus Burgundus Regis gener. Disceptata causâ, primum quæ à Cido data erant omnia, gemmæ, vasa aurea & argentea; vestisque pretiosæ, ut redderentur integra fide, mandatum est; deinde de illata injuria, ut singulari certamine dimicerent duo juvenes & consilii auctor præcipuus Suerus patruus pronunciatum: Bermudius, Antolinus & Gustius Cidi milites, virique primarii sibi certamen depoposcerunt. Cum Carionis reguli imparatos venisse se excusarent, Cidus Valentiam, illi in patriam discesserunt. Rege agente, quoniam redituros Toletum

Gggg g

tum

tum designato tempore non putabant, Carrione depugnatum esse memorant. Victi omnes in certamine sunt: atque morte arbitro declaratum, inique eos fecisse. Victores ad Cidum profecti. Cidi filiae Ramiro Sancti Regis Vasconum filio, ejus quem à Raymundo fratre occisum fuisse docuimus, & Petro Petri Aragonii Regis filio, ultro per legatos expetentibus, conjuges à patre datæ sunt. Ramiro Elvira nupsit, Petro Sol. Iis nuptiis accepti dedecoris & infamiæ memoria obliterata est: auctaque vehementer lætitiæ, quam ex prioribus generis vindicatis ceperat maximam. Præterea à Rege Perlarum missi ad Cidum legati, cum rerum gestarum fama toto orbe diffusa esset, publicæ lætitiæ multum addiderunt: à Rege potentissimo, tanta terrarum longinquitate ultro de fœdere fâciendo, jungendaque amicitia appellatum esse. Pro Valentie mœnibus cum Buccaro Rege, qui ex Africa venerat, semel & iterum acie pugnatum. Cidi virtute & perpetua felicitate victi acie barbari: urbisque possessio quandiu vixit (vixit autem quinquennio post captam urbem) retenta est; moriens cum novus Maurorum exercitus circumfusus esset, parum ipso

defuncto in urbe præsidii, ut omnes uno agmine in Castellam redeant, testamento mandat. Cum viri, semine, pueri, impedimenta prodirent, numerosi exercitus species barbaris objecta est: atque ex ea re incussa formidine victi fugatique. Nimirum tanti viri felicitati debebatur, ut quos sæpe vivis vicerat Maurorum, defunctus profligaret tandem. Nostri contento itinere in Castellæ fines abeunt. Valentia omni præsidio nudata, rursus in Maurorum potestatem rediit. Cidi corpus Burgis in Divi Petri Cardeniæ tumultu coniectum; iusta magnifice facta Alfonso Rege, atque utroque genero funus procurantibus; quod gloriosum Cido fuit, sed tantis mentis debitum. Hujus narrationis multo maximam partem inter aniles fabulas quidam ponunt: ipse etiam multo plura transcribo quam credo: nam neque subtrahere, quæ ab aliis traduntur, audeo: neque affirmare possum de quibus dubito. In Cardeniæ templo quinque sepulcra monstrantur. Cidi, Semene uxoris, Didaci, Elviræ atque Solis filiorum: nisi forte quædam cenotaphia sunt, gratæ posteritatis diligentia benevolentie indicio, ad ostentationem memoriamque posita.

C A P U T V.

Urbanus, Juzepbus & Sanctius defuncti.

CIDI obitu magnam plagam res Christiana accepisse videbatur, eo Duce sublato, quo superstiti respublica stetit in tanta atrocitate temporis, tantaque rerum omnium perturbatione; defuncti virtutem, gravitatem, constantiam, fidem in religione tuenda, & amplificanda curam omnis posteritas admirata est. De anno quo decessit scriptores variant: neque facile est auctorem auctori, aut opinioni opinionem præferre; nos quod fidei propius visum est anno millesimo nonagesimo octavo extinctum putamus. Quo anno Urbanus Pontifex à Giberto pseudopontifice variis curarum fluctibus exagitatus, & undique subsidia conquirens, Salernum abiit, Rogeri Siciliæ Comitis invivendi causa: ejus præcipua ea tempestate pietas adversus Romanos Pontifices commendatur: & rebus ges-

tis nobilissimus erat. Pro iis meritis ipsi & hæredibus datum est, ut in Sicilia Legati pontificii partes impleant, auctoritatem obtinerent. Diplomatis quoniam publice cognosci interest, & Regibus Hispaniæ magnæ controversiæ de eo jure natæ sunt, exemplum subjecimus.

„URBANUS Episcopus servus servorum Dei carissimo filio R. Comiti Calabriæ, & Siciliæ, salutem & Apostolicam benedictionem. Quia prudentiam tuam supernæ majestatis dignatio multis triumphis & honoribus exaltavit, & probitas tua in Sarracenum finibus ecclesiam Dei plurimum dilatavit, sanctæque sedi Apostolicæ devotam se multis modis semper exhibuit: nos te in specialem, atque carissimum filium ejusdem universalis ecclesiæ assumpsimus. Idcirco de

„ tua

„ tuæ probitatis sinceritate plurimum
 „ confidentes, sicut verbis promissimus,
 „ ita etiam litterarum auctoritate fir-
 „ mamus: quod omni vitæ tuæ tem-
 „ pore, vel filii tui Simonis, aut al-
 „ terius, qui legitimus tui hæres exi-
 „ terit, nullum in terra potestatis ves-
 „ træ, præter voluntatem, aut consi-
 „ lium vestrum, Legatum Romanæ
 „ ecclesiæ statuemus: quinimmo, quæ
 „ per Legatum acturi sumus, per ves-
 „ tram industriad Legati vice exhibe-
 „ ri volumus, quando ad vos ex late-
 „ re nostro miserimus ad salutem vide-
 „ licet ecclesiarum, quæ sub vestra po-
 „ testate existant, ad honorem beati
 „ Petri, sanctæque ejus sedis Aposto-
 „ licæ, cui devote hætenus obedisti:
 „ quamque in opportunitatibus suis stre-
 „ nue ac fideliter adjuvisti. Si vero cele-
 „ brabitur concilium, tibi mandavero qua-
 „ tenus Episcopos & Abbates tuæ terræ
 „ mihi mittas: quot & quos volueris
 „ mittas, alios ad servitium ecclesiarum
 „ & tutelam retineas. Omnipotens
 „ Dominus actus tuos in beneplacito
 „ suo dirigat: & te à peccatis absolu-
 „ tum ad vitam æternam perducat.
 „ Dat. Salerni per manum Joannis sanc-
 „ tæ Romanæ ecclesiæ Diaconi III.
 „ Nonas Julii Indictione VII. Pontifi-
 „ catus domini Urbani secundi XI.
 „ Hæc in Italia: in Hispania autem eodem
 „ Pontifice concedente, Iriæ sedes & no-
 „ men Compostellana cathedra, & appel-
 „ latione mutata: exemptaque ab imperio
 „ Bracarenfis Metropolitani. Dalmachii
 „ ejus urbis Episcopi diligentia, utrunque
 „ impetratum est, ea de causâ primi in
 „ Compostellanorum Episcoporum nume-
 „ ro. Alfonsus Rex quamvis ingravescen-
 „ te ætate ita reipublicæ curam gerebat,
 „ ut rei bellicæ curam nunquam intermitte-
 „ ret, aliquoties per hæc tempora in Mau-
 „ ricæ ditionis fines delatus, & in Bæticæ
 „ agros excursions faciens. Juzepho
 „ postquam novi imperii statum in Hispa-
 „ nia fundavit, in Africam reverso, respu-
 „ blica respirare tantisper visû est. Rex
 „ otium ad religionis amplificandæ exor-
 „ nandæque curam convertit. Toleti Ser-
 „ vandi & Germani nomine in podio saxeo
 „ ex adversum urbis, ubi eo nunc no-
 „ mine vetustæ arcis structura cernitur,
 „ cœnobium Benedictinis monachis ex-

ædificavit, (instaurasse alii putant, &
 Gotthornum tempore exitisse dispu-
 tant) S. Victoris Massiliensis monas-
 terio contributus: unde nova mona-
 chorum colonia venerat. Intra ur-
 bem gemina sacratarum virginum col-
 legia Regis impensâ exædificata: alte-
 rum D. Petri nomine, quo loco nunc
 Petri Cardinalis nosocomium extat: D.
 Dominici alterum Exiliensis, quod hoc
 tempore à D. Dominico veteri nomen
 habet. Burgis civitate D. Joannis no-
 mine quartum cœnobium ædificatum ex-
 tra urbis mœnia: quod hodie D. Joannis
 Burgenfis appellatione nuncupatur. For-
 tunio Abbati novi monasterii, quod ea
 tempestate D. Sebastiani nomen habuit
 in Vardulis nobile, deinde D. Dominici
 Exiliensis, quoniam in eo sanctissimam
 vitam exegit, & vitæ consentanea morte
 decessit honestissime innocentissimeque
 actæ, oppidum constituendi ei monaste-
 rio conjunctum concessit facultatem:
 quod nostra ætate centum septuaginta
 familias numerat latiori murorum ambi-
 tu: & in Magistri equitum Frientis Du-
 cis ditione est. Proximus annus mille-
 simus nonagesimus nonus Urbani Pon-
 tificis obitu, atque urbe Hierosolymita-
 na à Christianis militibus capta insignis
 fuit. Successit, qui ab Urbano præde-
 cessore Legatus in Hispaniam venerat,
 Raynerius Cardinalis insigni probitate
 vir, magno rerum usu, Paschalis secun-
 di nomine. Is Pontifex renunciatus
 templo Compostellano dedit, ut Cano-
 nicos Cardinales Romanæ amplitudinis
 æmulatione haberet: Episcopi Compos-
 tellani pallium majoris potestatis insigne.
 Annus secularis, qui proxime secutus
 est, Iuzephi morte lætus fuit: qui duo-
 decim annos Mauricum in Hispania im-
 perium tenuerat, triginta duos circiter
 in Africa: infausus Sanctii morte, quem
 Gasias Cabræ Comes in spem paterni
 regni educandum Alfonsi Regis jussu
 suscepserat. Hali enim Iuzephi succes-
 sor novi imperii auctoritatem à præ-
 claro aliquo facinore auspicare cupiens,
 transmissò mari, magnisque in Africa
 & Hispania delectibus numerofo exerci-
 tu conflato in Carpetanorum fines, ipsos-
 que Toletanæ urbis agros populabundus
 invadit; serro, flammæque legetes, ar-
 bores, oppida evastat; pecorum & ho-

minum prædas abigit. Alfonso summa fœcunditate, & corporis valetudine non satis firma, præterea rebus gerendis fessius hosti ferocienti obviam prodire non potuit. Garfiam tamen Comitem bello pro se vicarium præfecit: & quo major esset auctoritas Sanctium filium quamvis ætate puerum adjunxit; ipse Toleti mansit, ubi in extrema ætate multus esse consuevit. Ad Urcefiæ castra castris collata: ac mox totis utrinque viribus dimicatum; infelix eventu prælium fuit. Sanctius enim primum cecidit, deinde Garfias Comes: cum jacentem puerum clypeo tegeret, gladio circumfusus barbaros submoveret, tanta virtute ut cum unum procul tot manus peterent, nemo propius accederet. Pugnabat pro eo singularis in puerum amor; atque animi desperatio, magnum ad honeste moriendum incitamentum. Sed cum subinde hostes urgerent, multis debilitatis vulneribus super puerum moribundus incubuit; miserabilis casus, atroxque clades victoriam barbaris continuo dedit. Regem

quantus ex ea re dolor ceperit, explicare non attinet, res ipsa indicat; neque filii magis casu movebatur, quam rei Christianæ calamitate tanti imperii hærende unico sublato: qui paternarum virtutum imaginem referebat, & ad laudem natus esse videbatur. Sciscitanti ecquæ nam causâ esset cladis toties à Mauris acceptæ: responsum à quodam martiam virtutem militum extinctam copia voluptatum, illecebris, securitate: corpus otio enervatum, animum immixtum libidinibus; sublata ergo voluptatum instrumenta, corruptaque balnea: quorum multus usus erat more à Mauris mutuato. Aliquid spei supererat in Alfonso nepote, quem ex Urraca Regis filia Raymundus Burgundus reliquerat, defunctus superiori anno, & Compostelle tumultus: verum exiguum id doloris levamen erat, propter matris imbecillitatem, pueri ætatem flexibilem, teneram, tantisque rebus imparem. His curis suspensus Regis animus, noctes dieque de rerum summa sollicitus erat.

C A P U T V I.

Didacus Gelmirius Compostellanus Episcopus.

COMPOSTELLANA ecclesia magnis per hæc tempora procellis vexata, non secus ac gubernatore destituta navis portum tandem occupare visa est novo Præsule creato: cui Didaco Gelmirio nomen fuit, viro prudenti cum primis ea ætate, magnorum spirituum, industriæ singularis. Didacum Pelagium, quem Sanctio Castellæ Rege Compostellanae ecclesiæ rectorem inpositum & Episcopum, dictum est generis nobilitate præcipua, iniquito tamen ingenio atque turbido, & factionibus servientem, Alfonso Rex in custodiam tradiderat; audax facinus viro sacrato manus injicere. Auctoritate opus erat; à Richardo Cardinali, quem à Pontifice in Hispaniam Legatum diximus, ad concilium Compostellam evocati Episcopi in re præsentis disceptaturi; productus in conventum Pelagius, metu an spe sponte abdicare visus: certæque voluntatis argumento annulum baculum-

que potestatis insignia coram Cardinali tradidit. In ejus locum Petrus Cardinenfis Abbas cooptatur. Urbanus Pontifex recognita factum accusat præcipiti temeritate. Cardinalem Legatum gravissimis verbis castigat; ad Regem litteras dat hoc exemplo. „URBANUS Episcopus servus servorum Dei Regi Ildesonso Galiciæ. Duo sunt, Rex Ildesonse, quibus principaliter mundus hic regitur: sacerdotalis dignitas, & regalis potestas; sed sacerdotalis dignitas fili carissime, tanto potestatem regiam antecedit, ut de ipsis Regibus hominum rationem posituri simus Regi universorum. Quapropter pastoralis cura nos compellit, non solum de minorum, sed de majorum quoque salute pro viribus providere, quatenus pastori vero suas oves illæsas restituere, quæ nobis commissæ sunt, valeamus. Tuæ præcipue debemus salutis prospicere, quem Christianæ fidei propugnato-

gnatorem, & suæ propagatorem ecclesie Christus effecit. Memento ergo, memento fili mi amantissime, quantam tibi gloriam divine contulit gratia maiestatis: & sicut ipse tuum præ cæteris regnum nobilitavit, ita tu ei studeas præ cæteris devotius ac familiarius deservire. Dicit enim ipse Dominus per Prophetam: Honorificantes me honorificabo: qui autem me contemnunt, erunt ignobiles. Gratias itaque Deo & laboribus tuis agimus, quod de Saracenorum jure Toletana ecclesia est liberata. Fratrem autem venerabilem Bernardum ejusdem urbis Præfulem tuis exhortationibus invitati, digne ac reverenter excepimus: & ei pallium contradentes, privilegium quoque Toletanæ ecclesiæ antiquæ maiestatis indulgimus. Ipsum enim in totis Hispaniarum regnis Primatem statuimus; & quidquid Toletana ecclesia antiquitus nescitur habuisse, nunc quoque ex Apostolicæ sedis liberalitate in posterum habere censuimus. Tu illum, ut patrem carissimum exaudias: & quæcumque tibi ex Deo nunciaverit, obedire curato: & ecclesiam ejus temporalibus non desistes auxiliis ac beneficiis exaltare. Inter cætera vero laudum tuarum præconia, pervenit ad aures nostras, quod sine gravi dolore audire nequivimus: Episcopum scilicet S. Jacobi à te captum, & in captione ab Episcopali dignitate depositum. Quod canonibus nostris omnino contrarium, & catholicis auribus non ferendum, quod tanto nos amplius contristavit, quanto te ampliori affectione complectimur. Nunc tibi Rex gloriosissime Ildefonse, Dei & Apostolorum vice mandamus, orantes quatenus eundem Episcopum suæ integre restituas per Toletanum Archiepiscopum dignitati. Neque id per Richardum Cardinalem sedis Apostolicæ factum excusaveris: quia & canonibus est omnino contrarium, & Richardus tunc legatione sedis Apostolicæ minimeungebatur. Quod ergo ille tunc gessit, quem Victor Papa, sanctæ memoriæ tertius legatione privaverat, nos irritum judicamus. In remissionem ergo pec-

Tom. I.

catorum, & sedis Apostolicæ obedientiam, suæ dignitati Episcopum restituo: & ad nostram præsentiam cum legatis tuis ipse perveniat, canonicè judicandus. Sin autem, facere nos erga dilectionem tuam compelles invitos: quod nos quoque fecisse nollemus. Memento religiosi Principis Constantini, qui sacerdotum judicia nec audire voluit, indignum judicans Deos ab hominibus judicari. Audi ergo in nobis Deum & Apostolos ejus, si te ab ipsis velis, & à nobis in his quæ postulas exaudiri. Rex Regum Dominus cor tuum gratiæ suæ fulgore illustret, victorias tibi tribuat, regnum tuum exaltet: itaque te semper vivere concedat, ut & temporali regno perfruaris feliciter, & æterno perenniter gratuleris. Amen. Acta sunt hæc anno primo Urbani secundi Pontificatus. Quod in annum Domini M. C. LXXXVIII. incidit. In Richardi locum Reynerus Cardinalis in Hispaniam Legatus concilio Legione habito Petrum loco movet, neque legibus neque auspiciato rebus præfectum; ut Pelagius libertati ecclesiæ restitueretur, impetrari non potuit; agente tantum Raymundo Burgundo Regis genero tunc superflite, Pontifici persuasum, ut Dalmachius Cluniacensis monachus eoque Pontifici, nimirum ex eodem ordine, carus ecclesiæ Compostellanæ præficeretur Episcopus; ab hoc, cum Claramontem ad generales de bello sacro conventus, unus è multis Episcopis abiisset, impetratum est: ut ecclesia Compostellana sui juris esset, ac Romanæ tantum contributa. Ejus prærogativæ argumento Compostellani Præfules, non ab alio, quam à Romano Pontifice Præsentem sacraentur; ut pallium daret præcipuæ dignitatis insigne, adduci non potuit, quamvis magna ad id contentione à Dalmachio adhibita, supremoque conatu. Lux aliqua redita rebus, brevi obscurata est. Dalmachii obitu novæ lites extiterunt. Pelagius liberatus vinculis Romanæ abiit, honorem quo injuria spoliatus erat, (sic ille serebat) iudicio repetiturus; controversia in quartum annum tenuit. Paschalis Pontificis Romani auctoritate Pelagio abdicato, Compostella-

Hhhh h ni

ni sacerdotes de novo Episcopo substituyendo agunt. Ventum in comitia. Dieghus Gelmirus ante vacuæ ecclesiæ impositus rector pro Episcopo, id specimen virtutum dederat, ut si vita suppeteret, idoneum esse qui Episcopus præsiceretur, nemo dubitaret. Cæteris ergo canonicis prætermisiss, unus aliorum omnium voluntate prælatus est ipsis Julii Kalend. datum etiam ut propter motus reipublicæ acceptas impendentisque calamitates à barbaris, in Hispania sacraretur. Additum novo diplomate, ut septem Cardinales sacerdotes, ad instar Romanæ ecclesiæ,

Compostellæ essent. Iis tantum in ara templi maxima jus esset divina hostia sacrificandi. Gelmirus ab hoc initio studio elatus ecclesiæ, quam regendam susceperat, novis amplificandæ Romam abiit: & quamvis multis repugnantibus pallii usum Pontifice concedente abstulit; qui illi atque Compostellanæ ecclesiæ gradus extitit ad Archiepiscopatus honorem: quo à Calixto Pontifice Romano post aliquot annos est auctus; uti subsequens narratio declarabit. Hæc quamvis per plures annos gesta, ex Compostellana historia repetere atque in hunc locum conferre visum est.

C A P U T V I I.

Petri & Alfonsi Regum obitus.

CLADIS in Castella acceptæ memoria fama ne magnopere lateantur barbari, Aragonii Regis perpetua felicitas effecit: armaque, quibus barbari in diversâ Hispaniæ parte impares erant. Calasæntium castrum prope Boleam ablatum Mauris erat. Pertusâ pervetus Ilergetum oppidum ad Canadris ripam; præterea Barbastrum urbs recepta est; nam ad Maurorum diæonem redierat. Pontius Rotensis Episcopus Romam abs Rege legatus à Pontifice impetravit, ut Barbastrî Episcopus deinceps nominaretur & esset. Præcipua belli moles in Casaraugustanos vertebatur: quæ urbs veteri Regum stirpe sublata, in Almoravidum potestate esse coeperat. Ii autem Reges in ea urbe imperium tenuerant: primus Mudiris, deinde Hyaia, tertius Almudafar, & ex alia gente Zulema, Hamas, Juzepus, Almuzacimus, Abdelmelich: ac postremus hujus filius Hamas cognomento Almuzacaytus, cui Almoravides abstulerunt imperium. In Gallia Atho, qui Raymundo Barcinonenfî Comiti Arnaldi patre defuncto Carafonem urbem ipsius fidei commissam proditorie occupavit legitimo imperio repudiato, civium conjuratione urbe pulsus: civitasque ad veterum dominorum imperium revocata est, anno millesimo centesimo secundo. Quo anno Armengaudus Ur-

gelie Comes in Baleari majore, quo virtutis ostentandæ causâ transfugerat, à Mauris interfectus est: unde illi Balearis cognomentum accessit. Pinciam, quæ nostris Vallisoleum esse creditur in Vaccais, Petrus Ansurius copiis & clientelis, genereque nobilissimus sub Alfonsi Regis imperio obtinebat, uxor Elo, filia Maria, quæ Armengaudus Urgelitano Comiti filium genuerat: cujus teneram ætatem avus Ansurius rexit, & idoneo tempore ei Arsendam principi loco scæminam conubio junxit. Quartus hujus sæculi annus tribus clarissimis funibus sædus fuit. Petrus Aragonii Regis filius & Elisabetha soror, eodem die ad quintumdecimum Kalend. Septembris decesserunt. Rex ipse proximo mense, quarto Kalend. Octobris, dolore victus, an incidentis morbi vi superatus; ad D. Joannis Rupensis sepultus est. Petro sane sub initia belli sacri, posterisque Regibus, atque regni proceribus Urbanus Pontifex Maximus indulget, ut templorum, quæ denuo extructa essent, vel Mauris eriperentur: decumas & reditus ipsi perciperent, exceptis tantum iis templis, ubi Episcoporum sedes erant; tanta erat cupiditas impiæ gentis extirpandæ, ut quid incommodi ea indulgentia allatura esset in posterum, non satis considerare viderentur.



Omnino maiorem, quem ex tribus his funeribus universa provincia ceperat maximum ac propemodum singularem, spes de Alfonso defuncti Regis fratre, qui mox in regno successit, concepta animis magna ex parte mitigavit; cuius diuturnius imperium fuit: major rerum gestarum fama, atque felicitas, gravitas, constantia, fides, virtusque bellica, amplitudo ditionis maxima. Nam altero regni anno Urracam Alfonso Regis filiam patre expetente toro sibi iunxit. Tametsi regni proceres id agere tulisse visi sunt: Regemque senio morbisque debilitatum, agramque vix animam trahentem hortari conati erant, ut Gomietio eam Candespinae Comiti divitiis ac potestate reliquos Castellae regulos superanti, uxorem potius daret, quam externum aliquem Principem advocare esset necesse; satis externorum hominum in provincia versari: sacri atque profani impetii summam penes ipsos esse, cum nominis Hispani ignominia probroque. Ejus consilii, quoniam pro se quisque Regis iracundiam verebatur, renunciandi cura Judeo cuidam medico imposita est: quo valetudinis curandae causa multum ac familiariter uti consueverat.

Iustus est molles aditus captare: & quantum posset verborum gratiam postulato addere. Maganii (alii Mascaraquii scribunt) prope Toletum Rex animi levandi causa morabatur. Judeus occasionem nactus, Regi quod iustus erat, renunciat; ille iniquissimo animo tulit, proceres tantum sibi sumere, ut filiae nuptias ad suum arbitrium revocarent: atque ita ut medicum perpetuo regiae aditu suoque conspectu prohiberet: moxque Bernardi Praefuli hortatu, qui à Regis latere non discedebat, filiae & Alfonso Regis nuptias maturaret. Quae regio apparatu ac celeberrima pompa Toleti celebratae sunt anno millesimo centesimo sexto. Rex ea latitia animo tantisper recreato, & doloris quem ex casu filii conceperat ulciscendi cupidus, id aetatis ne quam contumeliam remanere in exercitu Christiano sineret, arma rursus induit. Rursus in Baticae fines penetratum; in homines & jumenta saevitum: ne testis quidem, segetibus, arboribus parcitur; omni belli injuria provincia tota vexatur. Reliquum vitae tempus ad otium & dignitatem contulit: ad quod extrema aetas, regni fortuna, & rerum gestarum gloria invitabat, non militaribus solum, sed civili-

bus etiam muneribus, quantum fas erat in tanta curarum mole, abscedens. Urbes Salmanticam & Segobiam, (ut Lucas Tudenſis eſt auctor) bellorum injuria deformes, vacuasque incolis inſtaurandas, muniendas, exornandasque curabat Petrus Anſurius, quem ego ea ætate in primis gravem hominem & ſapientem comperio, Urracæ in minori ætate inſtitutor extiterat: & nunc auctoritatis & gratiæ proximum locum apud Regem occupabat. Ejus auſpicis bello paceque conſilia gubernabantur: rerumque ſummam & molem unus maxime virtute & prudentia regere videbatur. Quo tempore Regem annis ſeſſum, nam ſeptuaginta novem annos vixit, ad ætatis incommodum annua atque ſeptimeſtris valetudo afflixit: quamvis medicorum juſſu equo quotidie veheretur, ſi exercendo corpore morbum levaret; à cauſis remedia omnia ſuperata, nullis ſalutaribus ſuccis ſanitate revocata. Toleti deceſſit feria quinta Kalend. Julii, ſalutis anno milleſimo centeſimo nono, ut Pelagius Ovetenſis auctor eſt locuples: nam & teſtis oculatus per ætatem eſſe potuit. Regnavit à patris morte, annis tribus & quadraginta, rebus ſecundis modeſtus, adverſis haudquaquam fractus. Nam tuſiſſe illum fortunæ impetus fortiter & paſſenter ferunt; magna laus omniumque maxima ferre quod neceſſe eſt: & quidquid homini accidere poſſit id præmeditatum habere; prudentis eſt providere ne accidat, conſtantis animi fortiter ferre rerum humanarum vices. Multitudo præſertim popularis mobili impetu regitur, neque majora ſunt formidinis principia, quam remedia. Itaque Alphonſo defuncto, cujus anima res communes ſtare viſe erant, Toletani cives, qui plurimum ex colluvione multarum gentium conſtabant, de deſerenda civitate conſilia agitant. Dum eorum animi confirmantur, Regis corpus ad vigeſimum diem in urbe manſit; tumultu composito ſedatiſque animis, Bernardo Toletano præſule curante, aliſque Principibus proſequentibus funus, in S. Facundi cœnobium ad Ceam amnem illatum eſt, magnifico apparatu, non magis Regis ca-

ſum quam reipublicæ jacturam univerſa provincia veriſſimis lachrymis deplorante. Eas lacrymas, ac vero confequentes ex tanti Regis morte calamitates, lapides ipſi Legionem portendiſſe viſi ſunt ad altare D. Iſidori, ubi ſacerdos pedes ponere conſuevit rei divini operaturus, octo diebus ante Regis obitum aquis ultro, magno omnium qui aderant miraculo, tribus diebus ex intervallo manantes. Pelagius continuis tribus diebus accidiſſe ait, Jovis, Veneris, Saturni: aſſuiſſe cum ſupplicatione Pontifices ſacraſque viros: luctumque ſignificatum, qui optimi Principis obitu Hiſpaniam occupatus erat. Alphonſo Rege, Burgis quidem, Leſnuius homo natione Gallus, atque excipendis hoſpicio peregrinis nobilis, in præcipua opinione ſanctitatis viſit. Ejus memoria anniverſariis ſacris temploque dicato, ea in civitate celebratur. Ab Anagaro autem ſextodecimo milliari Dominicus quidam natione Hiſpanus, aut ut alii volunt, in Italia ortus, æque celebris eſt habitus eodem officio pietatis: quoniam viis muniendis atque complanandis, qua Compoſtellam ibatur, diligentem operam dabat, Calzadii vernacula Hiſpanorum lingua cognomentum invenit. Hujus viri induſtria Regem uſum arbitror pontibus extruendis, quos Lugruncio Compoſtellam uſque conſtituendos curavit. Extat Dominici templum ejus nomine extructum peramplum & magnificum, pagusque conjunctus, qui deinde in urbem excrevit, primum Calagurritani Episcopii ſubjectam ditioni, deinde Hiſpaniæ Regibus. De qua re extat diploma Ferdinandi Regis, ejus cui vitæ merita Sancti appellationem pepererunt. Præterea Judæus quidam Moyſes nomine, eruditionis laude, & multarum linguarum cognitione præſtans, ſub extremam Alphonſi ætatem abſurata patria ſuperſtitione, Chriſtiana ſicra ſuſcepit. Rex ipſe de baptiſmi fonte ſuſcepit: unde Petrus Alphonſus nuncupatus eſt. Judæorum & Maurorum ſectas de ſcripto exagitandas ſuſcepit: mulſitque ex utraque gente ejus opera ad ſanitatem ſunt perducti. Aragonii ſcriptores hujus Judæi converſi laudem, ad Alphonſum Aragonum

nium Regem ablegant: & Ofcæ ad tertium Kalen. Julii anno millesimo centesimo sexto Christianis sacris initium esse ab Stephano Ofcensi Episcopo Rege

Aragonio susceptore affirmant. Nobis in neutram partem pronunciare placuit; quisque ex suo judicio quod verisimilius videbitur, id sequatur.

CAPUT VIII.

Urraca regnum.

QUO tempore Alfonso Castellæ Rex decessit, Urraca filia ad quam jure regnum devolvebatur, virum secuta aberat. Qui non satis fidentem putabat procerum Castellæ voluntatibus, quos ab eo conjugio aversos fuisse non ignorabat: neque se eorum fidei committere, nisi valido suorum præsidio ad omnes casus munitus; præterea varia regni negotia distinebant, ne novam & amplissimam cerneret hereditatem. Cuncta tamen ad novi imperii decorem composita, dilatæ voluptates, dissimulatæ Reginæ libidines: quæ non sine fustigatione majestatis nimium in levitate atque turpitudinem incubuerant; urbibus, arcibus, atque præsiidiis, præfecti ex Aragonia gente dati: ne se Castellani rerum novarum cupiditate commovere possent, scilicet agebatur. Petro tamen Ansurio, cujus cum utraque gente magnæ necessitudines erant, summa reipublicæ gerendæ cura imposita est: ad eum imperii summa redibat, belloque & pace rerum omnium gubernator erat. Ejus auspiciis respublica felicem cursum tenere videbatur. Haud diuturna potentia fuit. Regina impotenti animo fœmina, cum præmissa in Castellam à viro esset, quem parentis loco habere debuit, injuste Ansurum pervertit: ditioneque paterna ejecit (Principum gratia nihil inconstanter lubrica fluxaque: proclivius est, injuriæ quam beneficio vicem exolvere) nulla id justiori de causâ, quam quod in litteris Regem Castellæ Alfonso Aragonium scripsisset; id palam lætatur; initi conjugii Reginam haud obscure prænitente cœperat, frænos injicientis impotenti naturæ: & uti ipse suspicor gravissimi viri increpationes ob male tectas libidines, ferre non poterat. Grave id Re-

Tom. I.

gi visum est, viro clarissimo fraudi esse suam innocentiam, & merita virtutum, pro quibus debebatur præmium. Itaque Ansurio ditionem quæ ablata erat, restituit. Ipse Reginæ iracundiam veritus Urgeliam contendit: quam urbem in ejus procuratore fuisse dictum est. Magnorum motuum hæc initia fuerunt; neque tranquillæ res esse poterant in tanta voluntatum & studiorum colluvione, tanta alienatione Reginæ, licentiaque vitæ. Ex Bætica novum periculum ostentatum. Hali Rex Maurus cognita Alfonsi morte, in nostros fines irrupit, ferox & validus. Azechem arcem, & S. Servandi monasterium in ipsis civium Toletanorum oculis evertit; agris villisque fumantibus ipsam urbem circumfedit, & diebus octo omnibus machinis impugnavit; rem Christianam periculo proximam, situs natura, nova moenia ab Alfonso Rege nuper instituta ad inferiorem urbis partem, Alvari Fanni virtus tutata est, viri ea tempestate cum primis potentis, strenuique: cujus extat sepulcrum in Campo Sicuendensi in parte Celtiberiæ: ubi multorum oppidorum principatum obtinebat. Barbari spe urbis obtinendæ dejecti, Madrito & Talavera in reditu directis, moenibusque nudatis, ingenti præterea præda abacta redierunt in patriam. In alia Hispaniæ parte, bello Aragonius Maurico dissentius, Exeam in Valconibus nobile oppidum cepit, salutis anno anno millesimo centesimo decimo; ad Valterram Abuhazlemus, quem vulgo historiæ Cæsar Augustus Regem vocant, acie superatus. His rebus patratis Alfonso socii exemplo se Hispaniæ Imperatorem dicit, si amplitudinem ditionis consideres, haud temere cum Regum potentissimus evasisset, omnium qui post Hispaniæ cladem extiterant: imprudenter tamen

Iiii i

cum

cum ex alieni juris ditione atque temporario imperio tantos spiritus fumeret. Omnino in Castellam rebus domi compositis delatus, proximo anno, comitate morum atque benignitate, gentis voluntates promereri studeat. Jus ipse dicere populis, viduas, pupillos, egenos à potentiorum vi injuriæ tegere. Optimates pro suis quemque meritis colere atque augere, rempublicam bonis omnibus ornare atque amplificare; unius Regina pervicax animus non flectitur. Billoradum in Beronibus, Valeránica, Soria, Almasanum in Arevacis, quæ oppida bellorum injuria vasta erant, coloniis deductis instaurata Regis cura. Repetita Aragonia Rex, non ignarus insandum sumæ, & prout prima evasissent, fore universâ, aridentem fortunam urgere, majorique conatu bellum in barbaros instaurare cogitabat: cum res in Castella importunissimo sane tempore turbata est. Alfonsus Urracam uxorem à patre tertio propinquitatis jure attingebat; proavus utriusque Sanctius Rex Vasconum cognomento Major; nondum moribus receptum erat ut Pontificum Romanorum venia lege cognationis soluta, conjugia inter cognatos coirent. Itaque pallim consideramus per hæc tempora connubia Principum dirempta esse, cognatione inter conjuges illegitima injustaque. Hanc unam arbitror esse causam cur Alfonsus hic in nullo Castellæ Regum numero ponatur apud veteres scriptores; neque verum est, fixas vetustate opinionones novis placitis convellere: quod quidam faciunt Regem hunc Alfonsi nomine septimum inter Castellæ Reges numerante s: in quam quid juris habere potuit, legitimo hærede ex priori conjugio nato, posteriori matrimonio vitioso, & legibus repugnantibus invalido? Regina ob importunas actiones ad arcem Castellæ in custodiam tradita, re cum suis communicata in castellam evadit; verum à regni proceribus ad virum remissa, carceri denuo mancipatur Calecia proceres, ubi Urracæ filius Alfonsus ex avi testamento rerum potiebatur, inter se inire societates adversus Aragonios conatus: conjugium, quod inauspicato coierat invita nobilita-

te, dissolvendi occasionem nacti. Ex ea re in animis hominum religiones excitatæ, ei obtemperare fas esse negantium qui legitimus Rex non esset. Ad Paschalem Romanum Pontificem missa legatio: causa omnis exposita: ab eoque diploma ablatum: quo causæ cognitionem Didaco Gelmirio Compostellano Præsuli permittebat. Ejus diplomatis fragmentum subjicimus. „PA-
„SCHALIS servus servorum Dei
„venerabili fratri D. Compostellano
„Episcopo, salutem & apostolicam benedictionem. Ad hoc te omnipotens Deus populo suo præesse constituit, ut eorum peccata corrigas, & Domini annuncies voluntatem. Studes igitur secundum datam tibi divinitus facultatem, tantum incestu facinus, quod à Regis filia perpetratum est, debita ultione corrigere: ut vel à tanta presumptione desistat, vel ecclesiæ consortio, & seculari potestate privetur. „ Quid dati iudices, seu potius mali vindices designati constituerint, memoriæ proditum non est. Illud constat, ex eo tempore Alfonsum in Præsules iniquo animo esse, atque adeo sævire cepisse. Burgenfis & Legionensis loco pulsi: Palentinus captus, S. Facundi Præfectorum spoliatus, atque in ejus locum Regis frater Ramirus monachus ipsius nominatione & opera cooptatus. Bernardus Toletanus extra diocesim biennium exulare compulsus, nihil prohibente legationis pontificiæ sacrosancta maiestate. Quo tempore concilium Palentinum, cujus acta extant, & Legionensem habuit cum aliis episcopis & proceribus, ac in primis Gelmirio Compostellanus interfuit; una cura pacis in provinciam revocandæ universos sollicitabat. In Calæcos Aragoniæ & Vasconum arma mota. Monterosum arx iis locis vi expugnata; viris sanctis internuncios Aragoniæ arma ponit. Agebantur omnia raptim atque perturbate, neque quid legibus liceret, considerabat; præsidia tantum undique conquirere videbatur, regno quod occupabat, obtinendo; qui repugnabant bonis eversti dignitatis gradu dejiciebantur. Calæci metu depulso Henricum Portugalæ Comitem in partes trahunt. Alfonsum pue-

puerum Compostelle Regem salutant in templo maximo, & sacro oleo inungunt. Gelmirus Præful totius caremonie Antistes. Petrus Travæ Comes qui Alfonso ætatem regcebat, omnium consiliorum auctor. Alfonso Aragonius eo nuncio percussus repudio facto, Reginam Soria dimittit, in cujus urbis arce custodiæ rursus mancipata erat: imperandi tamen dulcedine illectus, dotalem ditionem non deponit. Id iniquum esse omnibus videbatur. Urbium, & arcium præfecti cum jurisjurandi gratiam non faceret, quod in ejus verba conceperant, quasi soluti religione, passim in Regine potestatem concedebant. Idem facit Petrus Anfurus præficus vir moris. Qui de fide tamen data sollicitus Alfonso Aragonium collum laqueo implicatus adiit, ut jurisjurandi tradendis arcibus sue fidei conceditis violati poenas fumeret, quo se imprudenter implicarat. Commotus primum Rex ejus aspectu, deinde à proceribus admonitus præclare eum in utraque re officio defunctum, animo ad humanitatem revocato, cum multo verborum honore noxam condonavit. Proceres tota provincia in commune pro salute, & libertate patriæ conspirant, quidvis pati potius parati, quam Aragonium imperium. Gometius Candespina Comes, qui olim Regine nuptias ambierat, & modo ætatis flore amplius conciliatus fuerat, quam regia majestas pudorque femineus pati posset: se principem ex omnibus bellum defensurum, illaturumque ultro Aragoniis profitebatur. Petrus Laræ Comes in Regine amoribus rivalis, proximum auctoritatis & potentie locum occupabat. Ducum dissidio, neque pax publica stare, neque bellum ex sententia geri poterat. Alfonso valido suorum exercitu confiato, in Arevaces finitimos irrupit. Occurrunt Castellæ copie; ad Sepulvedam utraque castra posita sunt; utrinque pugne signum propositum. In prima acie Laræ regulus erat, in postrema Gometius Comes: medium agmen alii proceres gubernabant. Rex quadrato agmine in pugnam invadit; in campo cui Spina nomen est, dimicatur. Laræ regulus primum certaminis impetum non tulit, fugaque Burgos ad Reginam advolat de prælii eventu sollicitam,

molli æque & ignavus. Gometius aliquanto melior vim hostium solus sustinet: fusisque atque fugatis copiis in prælio pugnam occumbit; id virtutis extremum testimonium reliquit; nec minori constantia fuit Bolea Gometii signifer, qui equo confosso, & utraque manu amputata vexillum utroque brachio amplexus, inclamansque Bolea nomen, multis acceptis vulneribus occubuit. Henricus Portugalie Comes magis turpitudinis odio, quam quod Alfonso causam probaret, se Aragoniis adjunxerat; magno id momento ad victoriam fuit. Ex rebus initio letis magna confidentia nata. Itaque Durio transmissis, per Palentinis fines Legionem usque Aragonii penetrant; omni belli injuria agri, oppida, pagi vexantur. Calæci proceres reparatis viribus, denovo certaminis aleam subire constituunt; ad Fontem Anguim (loco id nomen est Legionem inter & Asturicam) supremo conatu dimicatum; eadem prælii fortuna fuit, Aragoniis secunda, à Castella averfa. Petrus Travæ Comes in prælio captus, magna vir auctoritate potentiaque: qui Urgelitani Comitis Ermengaudi filiam Majorem nomine conubio junctam haberet. Alfonso puer à Gelmirio Præfule à pugne periculo subductus Orfilonis arcem petit, ubi Regina mater erat. Nulla ea ætate nobilior pugna fuit, Castellæ clade strageque cum primis memorabilis. Tritium, Burgi, Palentia, Legio secundum eam victoriam abs Aragonio Rege in fidem acceptæ; pecuniam in stipendium Aragonius non habebat. Lusitani consilio in templorum thesauros manus injectæ, quos inde movere religio erat. Isidorus alique Divi gravibus inflictiis poenis eam injuriam vindicarunt: odiumque populare vocesque, impium facinus accusantium gravia violatores manere piacula; sic repente belli fortuna mutata. In Carpetanos belli impetus conversus est; mox Asturica obsessa: quoniam ea parte bellum contractis undique copiis Reginam reparare nunciatum erat. Martinus Munio supplementi causa, Aragonios trecentos equites cum ad Regem adduceret, hostium insidiis circumventus, ceteris fugatis cæsisque vivus ipse

captus est. Rex ea calamitate commotus, & majoris periculi metu, copias imminutis numero, atque per præsidia ductis, Carrionem loci munitione confusus se recepit; ab hostibus intra id oppidum aliquandiu est circumfessus: donec Abbatis Clusensis, qui à Pontifice pacis componendæ causâ Legatus venerat, opera, & autoritate induciæ dierum aliquot pactæ; nec multo post obsidio est dissipata. Raptim & temere collecti milites, nullo duce, cujus imperium cuncti respicerent, vagi per agros, non principia noscere, non servare vigilias, neque militarem disciplinam pati poterant: neque diu retineri in castris. Aragonia arma depulso periculo, in Larenis reguli oppida & arces conversâ. Alia parte Reginæ arma movebantur; arx Burgensis diuturna obsidione fugata Reginæ dedicationem fecit, dejecto Aragonio præsidio. Petrus Lara cum Reginæ nuptias ambit, seque pro Rege ferret, morum superbia atque arrogantia, multorum animos alienarat: ac vero publica flagrabat invidia; nomen ejus & Reginæ probrosis carminibus proscindebatur: prorsus ut in Mansiliæ arce captus à Gutерrio Fernando Castrio, custodiæ primum mancipatus, deinde custodia elapsus, longinqua fuga se tegere fuerit compellus, Barcinonemque petere: cum omnes circum finitimos infensos haberet. Ea Petro Laræ regulo fugæ causâ fuit; erat is natus patre Diegho Ordonio, eo qui pro Zamorâ portus adversus Arias fratres singulari certamine dimicavit. Alfonso puer propensa omnium ordinum voluntate, Castellæ Rex renunciatus est; regnum armis erat

recuperandum, tricipiti factione, atque ambitione convulsus. Ex Alfonso pueri inauguratione, non minor matri quam vitrico dolor erat. Cum ejus incrementis suum ipsorum casum implicatum fore, vates minime vani divinabant. Urraca filii iracundiam verita, & inter suorum odia destituta, Legionis se arce tenere constituit: loci munitione confisa, in tanta quamvis alienatione provincialium regiam dignitatem tueri posse; verum arcem obsidente filio, pax tandem ea lege facta est, ut reditus unde vitam sustentaret designatis, regnum ipsa filio cederet: quod populi & procerum eximia voluntate delatum erat. Rationem annorum rebus singulis designare in tanta opinionum varietate promptum non est: ac mirari magis possis in rebus non antiquissimis hallucinari scriptores, quam quid verum sit constituere. Ac ne satis quidem constet, quo anno Urraca decesserit; plerique septimodecimo circiter anno putant à morte patris; pudicitiam sane dum vixit haud satis honeste habuit; in Saldaniæ arce ex partu extinctam ferunt, æternum Hispaniæ dedecus; alii Legionem affirmant, cum thesauros D. Isidori expilasset, quos auferre nefas erat, in ipso templi limine ruptis visceribus, manifesta numinis vindicta expirasse. Illud minori fide nititur: ex Regina & Gomecio Candespina Comite, Ferdinandum quandam natum, cui furto concepto Furtadi cognomen fuit, ejus familiæ conditori, cui idem cognomentum insigne est in Hispania nobilissima atque præpotenti.

C A P U T I X.

Bellum Balearicum.

HUNC cursum commotæ in Castellâ res tenebant, quo tempore Christianorum armis Balearici & Casaraugustani Mauri multarum gentium conspiratione impetebantur. Gibertus Provincie in Gallia, & Aimiliani Comes decesserat, Dulcia filia principatus haredede. Raymundus Arnaldus Barcinonen-

sis Comes, cui Dulcia nupserat, viribus & potentia validus, tantique principatus accessione formidabilis, utriusque gentis viribus Baleares insulas occupare constituit: unde Mauri piraticam exercentes, in finitimam Hispaniæ & Galliæ oram excursions facere, & omnia circum direptionibus vexare consue-

sueverant ; id meditantī classe opus erat valida & numerosa ; novam ipse in suis litoribus curat ædificandam : quo ab initio Catalaunica classes celebrari fama, lateque maris imperium obtinere cœperunt. Genuenses & Pisanos ea tempestate mari potentes præfens adit : & ad Balearici belli societatem invitat, victoriæ præmia proponit, nominis immortalitatem, si eorum virtute barbari dejecti his insulis essent : unde velut ex munissima arce piorum cervicibus imminabant. Pollicentur illi milites & naves : mixtuntque ad tempus constitutum ; his auxiliis ad copias Catalaunorum adjunctis, in insulas trajicitur : bellum grave atque difficile fuit. Mauri enim viribus diffusi, & ad artes conversi, pars arcibus & oppidis, pars montibus se tenere constituunt : neque universæ dimicationis subire aleam, varios & multiplices bellorum casus esse cogitantes : nostros inopia aut morbis, aut diuturnitate temporis frangi posse ; victæ tamen nostrorum constantia omnes difficultates, urbisque præcipua in majori Baleari expugnata est anno millesimo centesimo quintodecimo. Raymundus Barcinonensis Præsul in ea expeditione decessit ; successit Oldegarius qui paulo post defuncto Berengario Tarracoenfī Episcopo, in ejus locum cooptatus est. Urbe capta, reliqua proclivia videbantur : cum barbaros in continenti nuntiatum est, an spe prædæ, an ut Comitem suo periculo commotum ex insulis retraherent, in Barcinonenses fines invectos provinciam omnem formidine, trepidatione, luctuque complere : urbem ipsam obsidere, Is nuncios multiplicem animo Comitīs curam iniecit ; hinc timor amittendi sua, illinc conficiendi novi belli cupiditas in diversum trahebant. Vicit tamen periculi metus, precesque suorum ; & Ligurum fidei Balearibus commissis, ipse in continentem trajicit. Barbari continuo obsidione soluta ad Martorellum victi, fugatique sunt ; agmine magis, quam acie pugnatum ; multi ex eorum numero ceciderunt. Ejus victoriæ lætitia ut minor esset, gemina incommoda fecerunt. Ligures Maurico auro corrupti insulas barbaris reliquere, ut Catalauni scriptores as-

Tom. I.

firmant ; nam in Genuensium historis de hac expeditione mirum silentium est. In Gallia Narbonensis ora Carcaso urbs amissa. Atho dudum ejus urbis imperium occuparat armis, nullo jure ; cum acerbè imperaret, civium conspīratione pulsus est : urbisque principatus Comiti Barcinonensi restitutus, cujus ab antiquo erat : uti paulo ante monstratum est. Atho Guillelmi Comitis Pictaviensis viribus cives ad deditionem compulsi. Rugerius Athonis filius natu maximus intra mœnia acceptus, arma deponere jubet ; cum dicto paruisent in miseros cives sevitum : crudelitatis, inhumanæ superbie edita in dedititios exempla ; plerique ex urbe elapsi Barcinonem confugiunt. Horum precibus Arnaldus Comes sollicitatus, comparato valido exercitu in Galliam irumpit. Annitentibus viris sanctis, quibus ægre erat optimi Principis vires à belli sacri cogitatione abstrahi civili bello excitato, pax ea lege composita : ut quod Guillelmo Pictaviensi promissum erat, mutata fide Atho posterique urbe retenta Barcinonensium stipendiarii essent. Atque is Guillelmus Pictaviensis Comes, nulla honesti cura ex aliena calamitate bellaque ex bellis serendo ditionem augendi occasiones captare videbatur ; nam Raymundo Tolosato Comite ad bellum sacrum in Syriam profecto (ut superius dictum est) ejus ditionem omnem in Gallia armis occuparat, homo immodicus, & judicis hominum nihil reformidans : neque quid de eo fama loqueretur pensi habens. Raymundi filius Bertrandus per hæc tempora ex Syria ubi Tripolim ditione obtinebat, patre in ejus urbis obsidione sagittæ ictu sublato, peractis stipendiis redux in patriam, veteris principatus recuperandi consilia cum finitimis Principibus cepit communicare : ac cæteris desperatis ad Alfonsum Aragonium Regem, cujus virtutum fama celebris erat, & magnæ inter utrumque familiam necessitudines à majoribus initæ, confugere constituit. Quantum nefas ? patrem amisit & florem ætatis in bello sacro, tam procul à patria : multos labores & maxima pericula toleraverat : & ablata tamen patria principatuque, alienæ misericordie præsidium

Kkkk k

dum petere coactus est. Barbastri benigne exceptus Rhurenos, Agathenses, Cadureos, Albigenſes, Narbonenſes, Tolofates, & his finitimas urbes Aragoniſ Regibus ea lege veſtigales eſſe voluit: ſi eorum armis ipſe & poſteri patriam diuionem recepiſſet; quod ſecus ſalutis anno milleſimo centeſimo ſexto-
 decimo initum eſt; neque tamen Bertrandus reſtitutus, magna Piſtavienſium potentia, Aragoniſ armis partim civili bello adverſus Caſtellam, partim pio adverſus Mauros occupatis; aliquot tamen poſt annis Alſonſus Jordanus Bertrandi frater, cum in arce à Piſtavienſi Comi-

te captus teneretur, à civibus Tolofatibus è cuſtodia eduſtus ad imperium urbis eſt Guillelmo Morello deſecto: qui pro Piſtavienſi Comite eam urbem præſidio obtinebat. Ex Alſonſo Raymundus filius, Raymundus nepos, pronepos item Raymundus prognati, ejus urbis principatum tenuere: donec Raymundi poſtremi filia Joanna nomine, cum alia is prole careret, Alſonſo Piſtavienſi Comiti nupſit. Ex eo conjugio cum nulla eſſet proles ſuſcepta, Ludovicus Sanctus Galliæ Rex Alſonſi frater, eo deſuncto Piſtavienſes, & Tolofates ad ſuum imperium adjunxit.

C A P U T X.

Cæſarauguſtani bellum.

ALſonſi Aragoniſ imperio Cæſarauguſtani Mauri finitimi erant: propter urbis nobilitatem & amplitudinem potentes in primis & validi; identidem in vicinos Chriſtianorum agros excuſſiones faciebant: neque ulla prætermittebatur clades, quæ à barbaris hominibus edi poterat. His malis Alſonſus provocatus, quamvis Caſtellæ bello nondum plane conſecto, eam urbem copiis omnibus & viribus expugnare parat. Magnus labor, ingentia pericula proponebantur: quæ inviſi Regis conſtantia facile contemnebat. Tahuſtum ad Iberi ripam lautiffimum municipium Bacallæ opera captum eſt. Borgia ad fines Vaſconum, & Magalona, aliæque eo tractu oppida, & arces. Almogaraves, hoc eſt, veterani milites præcipua dexteritate, & multis bellis adverſus Mauros exerciti, Caſtellare arcem, quam ſupra Cæſarauguſtam loco edito ad Iberi ripam extructam eſſe ſuperius eſt demonſtratum, valido præſidio obtinere juſſi ſunt; comneatum, arma, tela inferre, ut inſeſta circa omnia hoſti facerent: ſi caſus ferret, obſidionem etiam quamvis longi temporis ſuſtinerent. Id Cæſarauguſtani belli initium fuit: ad cuius famam multi ex univerſa ditione, ſed & ex Galliæ finibus viri principes excitati ad arma auxilio, venerunt. Gaſto Bearnenſis, Rotro Perticarum, Centullus Bigeronum Comites. Ex utraque gente validus conſlatus exerci-

tus, Cæſarauguſtam omni ex parte circumſedere coepit ſalutis anno milleſimo centeſimo octavodecimo, menſe Maio; ſuburbium, quod interfluente flumine ab urbe direptum eſt, intra octavum diem expugnatum. Rotro Perticarum Comes ipſo obſidionis tempore cum ſexcentis equitibus ab Rege miſſus Tudelam nobile Vaſconum oppidum, ad Iberi ripas loco munito conſtitutum, improvifo occupat; navatæ operæ merces fuit ejus municipii principatus. Mauri ex Hiſpania, cum in ejus belli eventu totius imperii Maurici diſcrimen verti conſiderarent, magno numero obſeſſis opem ferre convenerunt. Affuit ex Africa Teminus cum valida Maurorum manu; ad Orbæ tamen fluminis ripam, ſupra urbem ad Mariæ arcem, quam Mauri obtinebant caſtris poſitis, cum numero & virtute noſtros ſuperiores eſſe cerneret, in intimam Celtiberiam abiit. Cives rerum inopia, & quod in malis ſupremum eſt, auxilii deſperatione laborabant; noſtri obſidionis diuturnitate ſeſſi, novis operibus urbem expugnare parant; extractæ lignæ turres & propugnacula: agebantur ad mœnia vineæ: dolabris ſubruebantur lapides: cum Cordubenſis reguli (Temini is frater erat) filium ſupremo conatu in urbem penetrare juſſum, appropinquare jamque affore nunciatum eſt. Novo periculo commotus Rex Alſonſus cum cippiarum parte occurrit pugnandi certus:

certus: ne si barbari in urbem penetras-
sent, re ipse infecta discederet; & erat
illi cum hyemis asperitate, non minus
quam cum hoste certamen. Ad Cutan-
dem vicum non procul Daroca signa col-
lata; cæsi fugatique barbari. Dux ipse
captus. Cæsarius Augustani Mauri eventu
ejus prælii cognito; spe omni defensio-
nis abjecta, ad quintumdecimum Kalen.
Januarias, urbem octavo obsidionis men-
se dederunt. Latissimus is dies Chris-
tianis illuxit, non magis præsentis fructu,
quam certissima spe imperii Maurici ex-
tirpandi, firmissimo eo propugnaculo
sublato. Petrus Librana ad spem urbis
potiundæ jam antea Cæsarius Augustanus
Episcopus sacratus, expiandæ urbis cu-
ram suscepit, sacraque gubernandi. Gas-
toni Bearnensi, & Rotroni Perticarum
Principibus præmia suere, singuli in
urbe vici abs Rege perpetuo jure con-
traditi; sic ea tempestate mores erant,
ut plures in una urbe Principes con-
stituere non formidarent. Ad Iberum
trigesimo sexto ab ea urbe lapide, Ju-
lia Celsa nobilis quondam Romanorum
colonia sita fuit: locus nunc vastus, &
tribus inde millibus passuum oppidum
Xelsa; id unum antiquitatis vestigium
conservatur; in ea loca regia castra
promota, cum primum per anni tem-
pus licuit; in vicinos Maurorum agros
irruptiones factæ. Inde in Celtiberos
itum, gentem virtutis bellicæ opinio-
ne, locorum asperitate & regionum
amplitudine cum primis validam armis-
que potentem. Ea provincia alternan-
tibus finibus olim, nunc latior nunc
angustior fuit; proprie tamen ab Occasu
ad Ortum à Salonis fluvii fontibus, qui
ad Medianam Celinam (quibusdam hæc
Ecelesia fuit) scatent, ad Nertobrigam,
quæ nunc Riea est, protendebatur.

Cunum montem ad Septentriones, ad
Austrum Tagi fontes habet prope Al-
barracinum: quæ urbs antiquis Lobe-
betum fuisse creditur. Iis in locis bel-
li fortuna nostris prospera, Mauris ad-
versa fuit. Victoribus omnia prona vi-
debantur esse; itaque brevi is tractus
sub ditionem nostrorum missus: Turia-
so, Alavona, Epila (quæ olim Segon-
tia fuit,) Calataiuba non procul antiqua
Bilbili à Mauris extracta, Aiubi Mauri
opus; in vicino monte, Bombolæ no-
men loco est; id unum antiquæ urbis
vestigium remanet; præterea Hariza,
Darocaque capte; ultra quam urbem ad
Silocæ amnis fontes Regis diligentia lo-
co munito urbs ædificata est, Montis re-
galis nomine: ut pro munimento esset
adversus Valentinorum Maurorum impe-
tus. Carthusiani & Cistercienses mona-
chi recenti memoria vigere cœperant,
præcipua morum & sanctitatis opinione.
Hierosolymis præterea Templarii & Hos-
pitalarii milites, quadam inter se religio-
sâ societate devincti, rei Christianæ pro-
movendæ diligentem operam navabant.
Itaque Bernardi hortatu præcipui Cister-
ciensium conditoris nova urbs Templar-
iis militibus extructo cœnobio abs Rege
contradita. Alii præterea redditus attri-
buti, quinq; spoliolum, quæ in bello
Maurico capta essent: unde sacræ militiæ
sumptus tolerarent, singulæ Aragonii
regni ea parte tutarentur. Guillelmus
Auxitanus Præsul ad id bellum suscipien-
dum, novæque militiæ conatus juvan-
dum, & Aragonii Præsules provincia-
lium animos inflammabant. Hoc initium
Templarii militibus in Hispaniis fuit ea-
rum opum, quæ cum immensum crevis-
sent, deinde malo ipsis fuisse creditæ sunt.
Verum hæc aliquanto post.

CAPUT XI.

Schisma Burdini Lemovicensis.

ROMANAM ecclesiam per id tem-
pus Gelasius eo nomine II. Pascha-
lis paulo ante defuncti successor obtine-
bat, magno vir animo: qui adversus
Henricum Imperatorem eo nomine III.
pro ecclesiæ libertate, & personæ quam

gerebat majestate tuenda; inimicitias à
majoribus susceptas persequi non dubita-
vit; arque ita ut Romam adveniente
Imperatore, cum viribus esset impar,
auctario per Tiberim Cajetam, ubi na-
tus erat, primum evaserit: deinde in

Kkkk k 2

Gal-

Galliam contenderit, conventu Episcoporum Remos urbem indicto. Ejus conatus mors oppressit; annuus pontificatus fuit. Cluniaci in ipso itinere decessit: concessa paulo ante venia militibus Casaraugustam obsidentibus aliiſque, modo in templi fabricam aliquid opis conferrent. Ejus diplomatis, quoniam in primis est nobile, exemplum subjicimus. „GELASIVS Episcopus „ servus servorum Dei, exercitui Christianorum civitatem Casaraugustanam „ obsidenti, & omnibus catholicis fidei cultoribus salutem & Apostolicam „ benedictionem. Litteras devotionis vestrae inspeximus, & petitioni quam „ pro Casaraugustano electo ad sedem „ Apostolicam duxistis, favorem libenter accommodavimus. Eundem ergo „ electum nostris tanquam beati Petri manibus largiente Domino consecratum remittentes ad vos, benedictionem vobis Apostolicæ visitationis impendimus. Æquam omnipotentis Dei misericordiam implorantes: ut „ per sanctorum preces & merita opus suum ad honorem suum & ecclesiæ suæ dilationem vos faciat operari. Et „ quoniam vos ipsos & vestra extremis obſistere periculis decrevistis: si quis vestrum accepta de peccatis suis poenitentia in expeditione hac mortuus fuerit, nos eum cunctorum meritis, & totius catholicæ ecclesiæ precibus à suorum vinculis peccatorum absolvi- „ mus. Caterum qui pro eodem Domini servitio vel laborant, vel laboraverint, & qui præfate urbis ecclesiæ à Saracenis & Moabitibus dirutæ unde reficiatur, & clericis ibi Deo famulantibus unde pascantur aliquid donant, vel donaverint secundum laborum suorum, vel beneficiorum suorum ecclesiæ impensorum quantitatem, & Episcoporum arbitrium, in quorum parochiis degunt, poenitentiarum suarum remissionem & indulgentiam consequantur. Datum Aleſti IIII Idus Decembris. Ego Bernardus Toletanæ sedis Archiepiscopus hanc absolutionem facio & confirmo. Ego Suboschitanus Episcopus hanc absolutionem facio & confirmo. Ego Sanctius Calagurritanus Episcopus hanc ab-

„ solutionem facio & confirmo. Ego „ Guido Lascurrensis Episcopus hanc „ absolutionem facio & confirmo. Ego „ Bosò sanctæ Romanæ ecclesiæ Cardinalis hanc absolutionem facio & confirmo. In Gelasti locum Cardinalium, qui aderant, nominatione Guidonis Burgundio frater Raymundi Burgundionis, Alfonsi Castellæ Regis patruus, præterea Viennensis Archiepiscopus, ipsis Kalendis Februarii, ejus sæculi anno nonodecimo, coopatus est, Calixti secundi nomine; tametsi delatum honorem non ante suscepit, quam cleri Romani suffragium & voluntas accederet. Itaque non ante pridie Idus Octobris sacratus est. In Remensi concilio, cui præfens interfuit, Imperatorem sacrificiis interdixit. Simoniacam labem baptizandis infantibus, sepeliendiſque defunctis suscipi solitam, novis decretis coercuit. Presbyteros, diaconos, hypodiaconos à concubinis arcendos curavit: quas illi passim in ea temporum atrocitate, & rerum omnium perturbatione, uxorem justorum loco & nomine habebant: nondumque in Hispania mos exoleverat: ex quo à Witiza impio Rege inductus erat: neque eradicari penitus potuerat, magna quamvis piorum Pontificum diligentia: præsertim in Calacia, ubi sacerdotum mores maxime in turpitudinem incubuerant. Quod indicant litteræ ad Didacum Gelmirium Compostellanum Episcopum à Paschali Pontifice missæ ante aliquot annos, hoc exemplo. „PASCHALIS Episcopus servus servorum Dei, venerabili Didaco Compostellano Episcopo salutem & Apostolicam benedictionem. Ecclesia quam regendum disponente Domino suscepta, jam diu etiam cum pastorem habere videretur, pastoris solatiis caret. Idcirco strenuati tuæ vigilantissimum est, ut in ea rite omnia juxta normam sedis Apostolicæ disponantur. Cardinales in ecclesia tua presbyteros seu diaconos tales constitue, qui digne valeant commissis sibi ecclesiastici regiminis onera sustinere. Porro quæ presbyterorum interfunt presbyteris, quæ diaconorum diaconibus committantur: ut in aliena stipen-

„ dia

„ dia nullus obrepit. Si qui sane ante
 „ Romanæ legis susceptionem, secun-
 „ dum communem patriæ consuetudi-
 „ nem conjugia contraxerunt, natos
 „ ex eis filios neque à seculari, neque à
 „ dignitate ecclesiastica repellimus. Il-
 „ lud omnino incongruum est, quod
 „ per regionem vestram monachos
 „ cum sanctimonialibus habitare audi-
 „ mus: ad quod refecandum experien-
 „ tia tua immineat: ut & qui in præsen-
 „ tiarum simul sunt, divisim longe habi-
 „ taculis separentur, prout arbitrio & re-
 „ ligiosorum virorum consilio melius
 „ visum fuerit: neque in posterum con-
 „ suetudo hujusmodi præsumatur. Da-
 „ tum Laterani Incarnationis Domini-
 „ cæ anno. M. C. III. nostri pontifica-
 „ tus IIII. „ Imperitoris anathematis
 „ ignominia notandi ea causâ fuit: quod
 „ Gelasio Pontifice Roma ob metum elap-
 „ so, in ejus locum Bracarensem Episco-
 „ pum Burdinum, Romanum Pontificem,
 „ quod nefas erat, creandum curavit, at-
 „ que perfecit, Gregorî VIII. nomine
 „ indito. Sic importuno duorum Pontifi-
 „ cum dissidio, tempore sane minime op-
 „ portuno, ecclesiæ tranquillitatem turba-
 „ vit: cum uterque se legibus, æmulum
 „ vitio creatum ferret. Erat Burdinus Le-
 „ movicis natus, & Bernardum Toleta-
 „ num Præfulem in Hispaniam secutus,
 „ (ut superius dictum est) mox per omnes
 „ sacerdotii gradus, ejus opera ad Conim-
 „ bricensis ecclesiæ Episcopatum erat eve-
 „ ctus; quo tempore ipse Burdini nomen
 „ Mauricii appellatione mutavit: mox

pravitatem non deposuit. Conimbrica
 Bracaram ad ejus ecclesiæ pontificatum
 migravit agente eodem Bernardo; pro
 quibus meritis haud parem gratiam re-
 pendit. Nam corrasis undique pecuniis,
 in quibus majorem spem habebat, quam
 in causâ, Romanam profectus, corruptis-
 que aulicis, Bernardi senectutem rebus
 gerendis inutilem caustatus, in ejus lo-
 cum Paschalis Pontificis venia se substitui
 postulabat. Parum spei erat ab æquissimo
 Pontifice iniquissima postulata extorquen-
 di. Ergo ut erat ingenio callido, ex dissi-
 dio inter Imperatorem & Pontificem cre-
 scendi occasiones captans, ad artes con-
 versus, Imperatoremque adiens ejus vo-
 luntatem devinxisse visus est: prorsus ut
 ejus opera Romanam ecclesiam invaderet
 pseudopontifex factus. Extant Gelasii
 litteræ ad Bernardum Toletanum Præfu-
 lem: quibus Burdini nomen diris à Pa-
 schali Pontifice devotum esse declarat:
 mandatque in ejus locum Bracarensem ec-
 clesiæ Præfulem alium substituendum cu-
 raret. Tandem Burdinus Calixti dili-
 gentia Sutrii captus, tertio anno circum-
 acto ex quo ecclesiæ pacem turbare cœ-
 pit homo impotens & ambitiosus flagi-
 tioque nobilis, per Romanas plateas
 triumphi specie camelo ductus est: at-
 que in extremam Italiam ablegatus in
 cœnobio Cava Trinitatis nomine, in
 quod custodiæ mancipatus est, obiit.
 Id præmium ambitioni fuit; is finis ma-
 gnorum motuum, quorum expectatione
 metuque orbis Christianus suspensus
 fuerat.

CAPUT XII.

Pax inter Aragonios & Castellanos.

PROPINQUI Pontificis inauguratione
 Regi juveni gratissima fuit, Hispani-
 cæ universæ salutaris: cui ut impense
 faveret magnæ necessitudines cogeant
 superiori tempore cum nostra gente
 contractæ: Castellæ magis, cum qua
 miscuerat sanguinem. In ea provincia
 præcipuæ urbes, & munitissimæ arces
 Aragoniis præsidii occupatæ detine-
 bantur nullo meliori jure, quam quod
 Regibus in armis esse solet; plerique
 provinciales consuetudine serviendi, par-

tim ita timidi erant, ut omnem memo-
 riam libertatis & dignitatis abjecisse viderentur: partim Aragoniis beneficiis de-
 vincti, hosti favere præ se ferebant. Rex
 juvenis, ætate major, animi magni-
 tudine nulli priorum Regum cedens, æ-
 quo animo vitrici contumeliam ferre
 non poterat; missæ ultro citroque ea de
 re legationes. Rex Aragonius neque
 aperte negare, neque continuo annue-
 re æquissimis postulatis; diem tantum
 ex die ducere: aliam ex alia moræ causam

sum necesse: & variis artibus privigni conatus ludificari; prorsus ut ad extremum illud deveniretur: feciales arces repetitum missi sunt: nisi acquiesceret, bellum denunciare iussi; nihil pro sano Rex Aragonius facturus esse videbatur, privigni atate despecta, & ex continua rerum gestarum felicitate, humanæ fortis atque inconstantiae immemor. Ad arma concursum; maximi in utraque ditione delectus militares habiti sunt; externa auxilia conquesta; prior Aragonius à rebus omnibus quam adversarii paratior, per Vasconum fines Rivogiae agros armis hostiliter invasit: commodum fore arbitratus, si hostes in suis fedibus opprimeret, cogeretque non de præda modo, sed de ipsis etiam liberis, conjugibus, parentibus & rebus carissimis certare. Magnum malum utrinque parabatur, insignisque nomini Christiano clades, utraque parte vincente, victave. Viris sanctis Præfibusque utriusque provinciae annitentibus concordiae viam, quod toties irritum fuerat, tentare placuit. Id consilium non ratione prudentius, quam eventu felicius fuit. Rex Aragonius ad pacem iis deprecatoribus flexus est: cum dicerent, iusta Castellano petere. Alfonso privignum iusti filii loco futurum; non recte neque pro bono facturos Aragonios si arces retinere amplius. Eatenus aliquam excusationem fuisse, propter imbecilem Regis ætatem: & quoniam Urracæ uxoris jura repetebatur; nunc ætate confirmata, regnoque ad privignum devoluto matre concedente: præterea conjugio dirempto, iniquum videri alienam ditionem armis occupare velle: atque propinquis & necessariis jugum servitutis imponere. Incertos belli exitus esse, martemque communem; sæpe divinum numen à quibus jus stat, eorum innocentiam tueri consuevisse. Convenit tandem, ut tractu terrarum, qui à Bilsorado Calaguerim pertinet, retento, quoniam ad Regum Vasconum jus pertinere non incommodis rationibus, certaque fidei tabulis disputabatur, præterea iis veteris Cantabrie partibus, quibus Guisquæ & Alavæ nomen est, quoniam recenti memoria Alfonso armis occupatæ erant, ex reliquis tota provin-

cia urbibus & arcibus, ac Toletano nominatim Aragonia præfidia deducerentur; patui id Romani Pontificis reverentiae datum magna ex parte arbitror. In quo fœdere faciundo nescias utri Regi palma tribuenda sit: cum modestia & comitate certare viderentur; vitricus liberalitate: privignus patientia, prudentiaque laude: cum regni aviti parte, pacem publicam redimendam sibi fore judicaret; moderati animi exemplum memorabile. Itaque ab iis Regibus maxima concordia, tanquam à duobus conjunctissimis fratribus, respublica domi forisque administrata: & ab ævis ingruentium undique bellorum procellis industrie fortiterque defensa deinceps est. Atque hæc anno à Christo nato millesimo centesimo vigesimo secundo gesta sunt: tamen nonnulli huic numero aliquot annos addunt. Omnino sanctio fœdere Rex uterque ad bellum sacrum propensus, arma in Mauros vertit. Aragonius regiones eas depopulatur, quas Cinga & Sicoris fluminibus continentur. Alcolea oppidum cum ad Mauros rediisset, Christiano imperio est restitutum; in Edetanos & Contestanos Sucrone anne transmissio, penetratum. Alcaracium nobile iis in locis oppidum oppugnatur; expugnari non potuit; ulterius in Baticam intamam arma prolata; oppida & urbes, ne vastarentur agri, passim dedicationem fecere, annuum vestigal pactæ; ad Arinzolum oppidum cum Cordubensi Rege & decem aliis Mauro- rum regulis acie dimicatum anno millesimo centesimo vigesimo tertio; victoria penes nostros stetit. Proximo anno Medina Celina in Celtiberiæ & Carpetaniæ finibus edito colle munita, vi expugnata. Sic Aragoniæ res erant. Contra Castellæ Rex virtutis ostentandæ cupidus otii pertasus, quo diutino regni vires consenescere videbantur, diversa ex parte in Mauro- rum fines incurrit. Cauria urbs, quæ post Alfonso avi obitum à barbaris occupata erat, denuo recepta est; sacrorum & religionis statum Bernardus Toletanus Præf. Rege annuente composuit. Regionem inde universam, quæ Ana & Tago fluminibus continetur, veteris Lusitanie partem, armis hostiliter percurrit; ingentes populationes factæ; hominum & pecorum

corum abactæ prædæ. Mauris spoliis lætum exercitum reduxit in patriam: cum ab his initiis satis se ad tuendam nominis auctoritatem profecisse judicaret: earumque virtutum specimen præbisset, quibus præditus fuit maxime, fidei, liberalitatis, constantiæ, religionis cultu castissimo. Bernardo Clavensi, quem perspecta vitæ probitas caelestium numero inservit, magnique pro religione labores, gentili suo in primis deditus erat: eoque auctore plurima Cisterciensis familiæ monasteria extruenda curavit: ac ferme quæ hoc tempore toto illo Hispaniæ tractu magnificentissima locupletissimaque extant. Humanarum rerum contemptu id genus homines initio parvo contenti, multis eorum studia certatim juvantibus, quod ad numen propitiandum referre multum habebant perclusum, brevi intervallo immensas divitias construxerunt. (Venisse in Hispaniam D. Bernardum sub vitæ finem, ex ejus ad Petrum Cluniacensem litteris perspicitur). Sed & templa reliqua & monasteria, quæ tota ditione extructa erant, magnis beneficiis Rex auxit: ut argumento sunt veteres tabulæ, quæ tota Hispania cum fide servantur in veteribus scriptis, Dominici Calzadii, Emiliani Cocullati, Michaelis Petrofi, Dominici Exiliensis; quæ templa ea tempestate, opinione sanctitatis, & concursu hominum celeberrima erant. A patre Pontifice impetratum, ut Zamora urbs pontificiæ sedis majestate exornaretur. Bernardus Archidiaconus Toleranus, natione Gallus (ut superius est indicatum) ei civitati Præsul est datus. Successit Stephanus: cujus ætate Opilionis indicio, cui species viri humano habitu augustioris visæ erat per quietem, locus designatus est, ubi D. Ildefonsi corpus sepultum erat, ex superiori temporum perturbatione prorsus incognitus; atque eæ voces propter auctoris humilitatem contemptæ quidem tunc sunt; vanas tamen non fuisse Alfonso Regis eo nomine octavi ætate intellectum est: cum Suero ejus urbis Episcopo, templum D. Petri ruinofum & male materiatum, reedificari coactum est; effossis enim fundamentis, marmoreum se-

pulcrum repertum Ildefonsi nomine, unde hucus miræ fragrantia efflabatur. Re explorata, ad ipsam D. Petri aram sacri cineres sepulcro composito concessi. Compostellana ecclesia Metropolitano jure & majestate aucta est eodem Pontifice concedente; atque Emeritenfis ecclesiæ, quæ in ditione Maurorum erat, jura & potestas omnis, quo major esset auctoritas, Compostellam translata. Accessit regis consensus: ut ipsius litteræ indicant. Duodecim Episcopi contributi: Salmantica, Abulæ, Zamoræ, Miobrigæ, Cauriæ, Pacis Augustæ, Lucii, Asturicæ, Orensis, Mindoniæ, Tudæque: quibus consequenti tempore Placencia adjuncta est. Præterea Legati pontificii partes Gelmirio Compostellano datæ sunt, non sine obtestatione Bernardi Tolerani motuque. Vicit tamen Gelmirius; & pro jure acceptæ potestatis concilium Compostella habuit: Episcopis & Abbatibus duarum provinciarum Emeritenfis & Bracarenfis ad conventum invitatis; sic fundamenta ponebantur amplitudinis Compostellanae. Loci id religioni, & Raymundi Burgundi memoriæ, qui in eo templo sepultus erat, tum à Rege filio, tum à Pontifice fratre datum est ipso circiter anno salutis millesimo centesimo vigesimo quarto. Quo anno, mense Decembri Calixtus ipse Romanus Pontifex decessit, Honorio successore, qui fuit eo nomine II. Anno proximo civilia arma in Gallia Narbonensi mota sunt. Alfonso Tolosæ Alfonso Regis confobrinus, uxorque Faidida bello Provincie comitatum tanquam sui juris repetebant. Barcinonensis Comes & Dulcia uxor paternam hæreditatem ab omni injuria tuendam existimabant; ex magno dissidio, pax tandem ea lege facta, ut Argentia & Belicadrum juris controversi oppida, atque ea Provincie pars, quæ Druentia & Ilara fluminibus comprehensa est; Tolosati cederent: cætera oppida & urbes: præterea Avennionis urbis partem multo maximam, quæ ultra Rhodanum sita est, Barcinonenses Comites retinerent, pacta æterna inter se & posteros successione, si alterutri sine liberis decessissent.

CAPUT XIII.

Regni Portugalie initia.

NOVUM in Portugalia (quæ provincia majori ex parte veteribus Lusitania fuit) regnum auspiciato per hæc tempora fundabatur, ditione non amplissimum, tempore postremum, magnitudine rerum gestarum cum primis nobile pellendis olim tota ditione barbaris. Sed & nostra avorumque ætate Lusitani homines incredibili virtute & felicitate omnes orbis terrarum partes obeuntes, Africæ partem subjugarunt: innumerabiles infulus mortalium primi patefecerunt, iidemque occuparunt: Asiam sibi atque Indos stipendiarios fecerunt: veræque religionis lumen in remotissimas nationes & gentes magno pietatis incremento intulerunt; secundum Oceanum occiduum fusa, atque Ana & Minio fluminibus ad Meridiem Septentrionesque comprehensa, longitudine quadringenta milia passuum colligit, multo minori latitudine: & ubi latissime se pandit centum amplius sexaginta millium: ubi arctissime coit octoginta. Divisa est in partes tres Cistaganos, Translaganos, & tractum cum qui Minio Durioque comprehensus est, proventu latissimus: ubi Bracara sita est, citra Tagum Olisipo, ultra Eborâ Metropolitanae urbes. Solum majori ex parte sterile est; incolæ advecto aliunde frumento plurimum utuntur; gens cupidissima laudis, eximieque sortis, ac præ cæteris Hispaniæ in victu culuque frugalis; dedita pietati sapientiæque studiis, & omnis humanitatis atque elegantiae. Hujus provinciae exigua partem, quæ Regum Castellæ armis erepta barbaris erat, Henrico Lotaringio data est (ut est superius demonstratum) Comes nomine diciturque cum Therasia uxore Alfonso Regis eo nomine sexti filia. Ex eo conjugio Alfonso; Elvira, Sanctiæque nati sunt. Henricus pater prole ductus, post Gotifredi Regis Hierosolymitani obitum, præstandæ operæ Balduino defuncti fratri, suoque gentili & propinquo (ut quidam putant) studio inflammatus, in Syriam navigavit, consilio, si

humanas rationes expendas, haud satis probabili cautoque: cum uxorem & filios injuriæ obnoxios relinqueret, & belli sacri tantum in ditione superesset. Sane in Hispaniam reversus, haud magno in Oriente operapretio facto, urbes Bracaram, Conimbricam, Viseum, Lamecum, Portum, quas imperio complectebatur, Episcoporum sedibus postliminio restitutis, amplificari impetravit à Bernardo Toletano Præsule: cui componendi ecclesiastici status, cura à Romanis Pontificibus erat demandata. Verum de Bracaræ restitutione, atque urbibus ei olim subiectis præstiterit ex Calixti II. Romani Pontificis literis cognoscere, earumque partem adscribere.

BRACARENSEM Metropolim insignem quondam fuisse, atque in Hispaniarum regna multis & dignitatis & gloriæ titulis claruisse, tam antiquæ nobilitatis indicia, quam & veterum scripturarum testimonia manifestant. Verum quia consentiens in ea populi peccata corrigere divina dispositioni complacuit, irruentibus Mauris seu Moabitibus, & Metropolis dignitas imminuta, & parrochiarum termini sunt confusi. Sane post longa temporum interstitia, divina rursus miseratione Metropolim restituere, atque parrochias ex parte maxima dignata est ab infidelium tyrannide liberare. Unde Dominus prædecessor noster sanctæ memoriæ Paschalis Papa pristina ei dignitatem redintegrans, sua quæque membra ei per Apostolicæ sedis privilegium cōvinit. Ejus itaque nos vestigiis subsequeutes, charissime frater & coepiscopo Pelagi Bracarensis ecclesiæ, cui Deo auctore præstes, integram ipsam urbem Bracaram cum cauto illo integro, quod Comes Henricus & uxor ejus Therasia eidem ecclesiæ contulerunt, & cum terminis Bracarensis Episcopatus, sicut in descriptione prædicti domini continentur, præsentis privilegii pagina confirmamus: & eidem

„ Bra

„ Bracarenſi metropoli Galitiam provin-
 „ ciam & in ea Episcopaliū cathe-
 „ drarum urbes redintegramus. Item
 „ Asturicam, Lucum, Tudam, Min-
 „ duniū, Auriā, Portugale, Co-
 „ lumbriam: & Episcopalis nominis
 „ nunc oppida, Viſeum, Lamecum,
 „ Egitaniam, Britoniam, cum parro-
 „ chiis ſuis. Hæc Calixtus. Asturice
 in Calæcia ante annos omnino quatuor-
 decim, Henricus defunctus eſt, cum
 inteſtinis Caſtellæ motibus pacandis na-
 vareſt operam. Corpus Bracaræ in hu-
 mili ſacello tumulatum; nondum ſepul-
 crorum apparatus in hanc vix opulentiſ
 regnis tolerabilem inſaniam venerat.
 Theraſia uxor viro defuncto, haud mul-
 to honeſtius, quam ſoror Urraca, pudici-
 tiam habens Ferdinandum Paecium
 Traſtamara Comitem ſibi adjungit, aut
 injuſto, aut humili matrimonio; (ſic
 erant ejus ſeculi mores.) Veremundo
 Ferdinandi fratri, cum quo prius ſupri
 conſuetudinem habuiſſe accuſant ſcripto-
 res Luſitani, ex odio, an ex fide incer-
 tum: ſed Theraſia certe ſiſa nupſit.
 Fernando Mendefio filia altera Sanctia
 nomine. Ferdinandus dotuſi principatu
 auctus, rempublicam ſurſum deorſum
 verſare: ad ſuum arbitrium belli pacique
 conſilia revocare: Alphonſum privignum
 contemnere; quam ille injuriam in mi-
 nori ætate tulit quidem: major autem fac-
 tus cum odio maternæ turpitudinis, in-
 ſuſque virtutibus ſtudia provincialiam
 conciliaſſet, arma adverſus vitricum arripit.
 Ad oppidum Guimaranes, quod
 antiquis Araduca fuiſſe creditur intra
 conſtuentes Avi ut Viſcellæ in planicie
 Sanctivania ſigna collata ſunt; victor Al-
 phonſus. Ferdinandus & Theraſia in poteſ-
 tatem redacti. Fernandus Portugalie ſi-
 nibus prohibitus, neque amplius redire
 juratus, dimiſſus eſt, Theraſia matre
 in cuſtodiam tradita; doloris illa impa-
 tientia Alphonſum Caſtellæ Regem eo no-
 mine ſeptimum, ut propinquæ, miſeræ
 & captivæ matri opem ferat, per litteras

obteſtaur adverſus impios filii conatus.
 Navaræ operæ mercedem, Portugalie
 principatum pollicetur, Alphonſo filio,
 pro eo ac par erat, abdicato. Annuit
 ille ſive ambitione dominandi corruptus,
 ſive matertera calamitatem miſeratus,
 validoque exercitu conſtato in Portuga-
 liæ fines irruit. In planicie Valdevelia,
 quæ Montionem inter & Limia pontem
 jacet, acie dimicatum; victæ Caſtellæ
 copie, atque Legionem rejectæ. Ex
 ea re Luſitani majores ſpiritus gerere,
 quam pro præſenti fortuna: ſequæ poſt
 eam victoriam fui juris factos, & à Re-
 gum Caſtellæ imperio exemptos prædi-
 care. Alphonſus injuriæ impatiens, &
 vindictæ ſtudio incenſus vires reparat:
 & majori quam antea exercitu contraſto
 bellum repetit. Luſitanus viribus im-
 par intra oppidi Guimaranis mœnia ſe
 ſuosque continuit, loci munitione bel-
 lum propulſare cogitans. Caſtellani vin-
 cendi obſtinatione obſeſſis aſſident, non
 prius diſcedere certi, quam oppido cap-
 to. Egas Nunnius, qui minorem Al-
 phonſi Luſitani ætatem reſerat, virtuteſque
 quæ naturâ inerant; ampliores diſci-
 plina ut eſſent effecerat: & tunc pro
 ea gratia & auctoritate quæ valebat unus
 maxime, res communes prudentiâ
 conſilioque gubernabat, ex oppido
 egreſſus, ſuſcitæque Regis convenien-
 di poteſtate, ita ejus animum flexit, ut
 pace factæ iis conditionibus, quas ſer-
 ipſe voluit, obſidio ſoluta fuerit. Fidei
 datæ, cum poſt annos aliquot Alphonſus
 Luſitanus inmemor eſſe videretur (ut
 hiſtorici Luſitani aſſerunt, penes quos
 harum rerum fidem eſſe volumus) To-
 letum Egas abiit ad Regem collum la-
 queo implicitus: ut capitis ſupplicio ſa-
 cramenti religione exolveretur, quod ſe
 invito violatum eſſe excuſabat. Tanti
 viri ſqualore & lacrymis Rex ad miſeri-
 cordiam flexus, factio quidem impunita-
 tem dedit, honorem tamen denegavit
 exemplo: quoniam fraudem & colluſio-
 nem ſuſpicabatur.

C A P U T X I V.

Bella Alphonſi Regis in Mauros.

Hic finis tum quidem belli Luſitani-
 ci fuit: quod quibus hæc diligen-
 Tom. I.

tius investigare curæ eſt, ſalutis anno
 milleſimo centeſimo vigefimo ſexto, in-
 Mmm m cidiffe

cidisse arbitrantur: Quo anno Urraca Regina & Bernardus Toletanus Præful, conjunctis ferme funeribus obiere. Regina in Saldaniæ arce, an Legione ruptis visceribus (uti antea dictum est) certe Nonis Martii, corpusque Legione tumulatum magnifice. Bernardus Toletus decessit mense Aprilis, annis gravis & rebus gestis clarissimus; quatuor & quadraginta annis Toletanam ecclesiam rexerat: & peculiaribus copiis Complutum ceperat ante annos duodecim (annales Hispalenses ante octo annos ponunt) ea tempestate ultra Fenarium annum in colle prærupto positam, imminetremque ripæ. Bernardi Præfulis castra in superiore colle, cui à Cruce hodie nomen est scilicet, munita: unde Mauri omni injuria vexati oppidum deferere compulsi sunt: quod ex eo tempore in Præfulum Toletanorum jure fuit. In Toletano templo, defuncto tumulus hac inscriptione rude crassumque sonante compositus. Primo Bernardus fuit hic Primas venerandus. Raymundus Uxamensis Præful in ejus locum susceptus est, sacerdotum Toletanorum prerogativa & Honorii Romani Pontificis voluntate. Quo Pontifice, Palentiam Episcopi, Abbates, & Proceres, universa diuione evocati convenerunt, ipse etiam Toletanus; cæterum præcipua auctoritas penes Gelmirium Compustellanum erat jure Legati; affuere Rex & Regina; conventus agitari cœperunt jejunii Christiani initio, anno millesimo centesimo vigesimo nono. In quibus præter alia. Ne oblationes aut decimæ excommunicatorum recipiantur sancitum invenio. Neve ecclesiæ licitis dentur præsimonii aut villitionis pretextu. Additum à Rege diploma, quo Calixti Pontificis exemplo parvi sui Emeritæ jura regia, cum primum fuerit à Mauris recepta Compustellam transferre se ait. Deinde Humbertus Cardinalis in Hispaniam Legatus Legione Episcoporum conventum habet. In eo conventu de Regis conjugio est actum, quod vitio corvisse nonnulli disputabant. Duxerat Alfonsus altero à morte matris anno Berengariam Arnaldi Barcinonensis Comitis filiam: nuptisque mense Novembri Saldaniæ celebratis ex ea suscepit Sanctium & Ferdinandum,

Elisabetham, & Sanctiam. Berengariam Regi cognatione devinctam esse, ex utriusque familia stemmate monstrabatur; ea cura Regem suspensum habebat; dicta causa Patrum sententia absolutus est: nulloque cognationis gradu lege prohibito, conjugem attingere pronunciatum. Lite adjudicata regni vires in Mauros conversæ; per Carpetanos in hostium fines incursum. Calatrava, unde Barbari finitimos nostrorum agros identidem depopulari soliti erant, longa & difficili obsidione expugnata, in Toletani Præfulis diuionem Regis dorso contradita est. Templariis ille militibus, quorum esse cœperat virtutis opinio singularis, dedit. Sic plerique auctores affirmant; quidam è cruce signatis præsidium impositum arbitrantur: qui belli sacri exemplo, quod in Syria gerebatur, piorum castra Mauris profigendis in Hispania magno numero sequebantur: nullis stipendiis, veniæ tantum spe à Pontificibus Romanis ad militandum invitati. Alarcus, Caracuel (Antonino Carcuvium) Mestansa, Alcudia, Almodovar Campestre, vicinis locis, in ipsisque Marianis montibus, Pedrocium Mauris ablata; reliqua prona erant, tanta gentem impiam formido incesserat; anni tempus Regis conatus repressit. Exacta hyeme copiæ ex hibernis educæ: atque per Castulonensem saltum (quæ Marianorum montium pars est) in Beticam abs Rege penetratum; omnia circum vastantur, diripiuntur, auferuntur. Aurigis obsessa, nostris Giennium; mœnium munitione, obfessorum virtute & vigilantia, victa nostrorum constantia est: tamen in castris hyemis tempore duratum erat. Albohals filius Halis, Juzepi nepos Almoravidum imperium Africa; atque Hispaniæ ea tempestate obtinebat, minori quam majores potentia, propter intestinos gentis motus, opportunitus exitio. Alfonsi focer Comes Barcinonensis diem obiit, ejus seculi anno trigesimo primo. Raymundo filio majori Barcinonensem principatum legavit, in Gallia Carcasonem, & Rhutenos adjecit: quas urbes ad suam diuionem pertinere putabat. Berengario natu minori Provinciæ & Aimiliani comitatus dati. Cæcilia filia Bernardo Fuxenfi Comiti, Aimerico Narbonensi Viceco-

cecomiti filia altera (cujus nomen non proditur) uxores datur. Aliæ præterea filia Berengario à patre commendatæ, viris principibus in Gallia nupsērunt. Consequens annus nulla re insignis est, præterquam reditu Alfonso Regis & bello Bætico, solutaque obsidione Aurigis, atque Sanctio Regis filio militiæ ho-

nore donato: Ipso D. Marthæ Apostoli festo die, usitata iis temporibus cæremonia, à patre indutus est armis: balteum militare donatum. Id prætextæ postæ indicium erat: atque incitamentum, ut magnò animo paternas virtutes imitatione complexus, nomen suum immortalitati consecraret.

CAPUT XV.

Alfonfus Aragonius Rex in bello occisus.

IS erat rerum status Castellæ & Lusitanæ; in Aragonia uti instituerant, prosperum cursum tenebant; finitima Maurorum oppida & arces nostrorum armis carpebantur; impiæ gentis in præceps ibat imperium. Celtiberia omnis præfidiis occupata: Molina in eo tractu civitas Christianorum vegetigalis, ad deditionem compulsâ. Ad Pompelonem urbem suburbium adjunctum, cui à S. Saturnino nomen est. Franci in eo collocati, civitateque donati: datumque, ut Iaccetanorum legibus viverent, & secundum eas privatim & publice jura darent. Pelagi littora, qua parte Iberus insuit in mare, late obducebant Mauri: inde finitima oppida & agros, incursionibus vexabant; classe opus erat, multæ ergo longæ naves jussu Regis in eam rem Cæsaraugustæ edificatæ: & constabat coercitis olim atque statuminatis Iberi ripis, ad Varium oppidum, quod non procul Lugrunio situm fuit, ducentis sexaginta passuum millibus à mari Vespasianis rerum potentibus Romæ atque in Hispania, fluvium Iberum navium fuisse capacem, magno reipublicæ commodo propter subvectiones, & commercia. Ad confluentis Iberi & Sicoris Mequinentia, quæ Cæsari Octogesi esse creditur, sita est loci natura opereque munita; ea nunc dejecto Maurico præsidio, in Regis potestatem venit. Publicam ex iis rebus letitiam inopinatus casus turbavit, luctuque ingenti mutavit: ut sere inconstans est humana sollicitas: ex rebus prospere gestis, aliis negligentia oritur, aliis temeritas: utrunque magnos homines vertenti sæpe fortuna præbuit. In tumulto terreo Fraga (hujus belli eventu magis, quam alia re nobile) Ilergetum oppidum

positum est, Ptolemæo Gallica Flavia, pars anterior Cingæ annis aquis exesa difficilem aditum præbet: prorsus ut per ardua nitentes multos pauci vel umbonibus possint propellere; à tergo colles eriguntur, leniter quidem declives, culturaque læti: ita tamen oppido conjuncti, ut tormentorum usum impediunt. Rex Mequinentia capta studio elatus, ulteriusque progressus adverso Sicori, in quem Cinga annis evolvitur, in Ilergetum fines irrupit: ubi major belli moles supererat propter locorum munitionem: & quoniam barbari in ea loca magno numero quasi ad præsidium confugerant: unde Ilerdæ, & Fragæ regulis vires creverant: nominique Christiano formidabiles esse cœperant. Castra Regis mense Augusto, anno ejus seculi trigesimo tertio, ad Fragam posita, majori spe & apparatu, quam successu; anni tempus in hyemem vergentis, & ex eo continui imbres compulerunt, copias in hiberna dimittere, iussas ad prima veris signa rursus convenire. Februuario mense obsidio repetita est non minori conatu, neque minoribus copiis. In ea menses Martius & Aprilis consumpti haud magno operæpretio: cum oppidani tempestate provisa à rebus omnibus parati essent, & externi auxilii fiducia belli injurias, obsidionis incommoda patienter ferrent. Abengamia Ilerdæ regulus contractis undique viribus, obsecellis opitulatum venit; ad Fragam, Justæ & Ruffinæ festo die acie dimicatum nostri bello sessi erant, imminuti numero: nam pars ne à tergo circumvenirentur, in castris relicta est. Barbari recentes & feroces ad pugnam procedebant; multi ex Christianorum numero in eo prælio ceciderunt:

Mmm m 2

runt:

runt: neque obsidio tamen dissipata est, barbarorum haud multo minori clade. Rex majoris periculi metu in Castellæ fines profectus, Sorisæ atque vicinis locis novas copias supplementi causâ conscripsit; cum his hostium agros Montionem usque percurrit; sequebatur ipse longo proximus intervallo, cum turma trecentorum equitum; circumfusus numerosus hostium equitatus Regem invadit. Ille periculo cognito, pauca ad suos pro tempore locutus, hortatusque ut nominis Christiani & patriæ virtutis memores, in hostes irruerent, audaciam pro muro fore, metum cum exitio conjunctum, ferro ex iis angustius & virtute evadendum, nullam præterea salutis spem esse. „ Quod si virtuti, inquit, vestræ par pugnae eventus non fuerit, ne inulti moriamini provide; neve capti nominis vestro contumeliam irrogetis, turpissima servitute: potius quam qua decet virtute dimicantes, mortem ultos esse videamini. Mox cepta pugna; nostri pro extrema spe egregie dimicabant. Rex inter primos paludamento & armis fulgentibus insignis, unus præcipue Maurorum telis petebatur, ac tandem oppressus est. Rege cadente, ceteri paræ precepti, pars fuga salutem quaesierunt. Tametsi de obitu Regis non una ferebatur opinio: & vulgus fingendi avidum varios rumores dissipare consuevit: dum alii quæ cupiunt libenter credunt: & de suo alii auditis adjiciunt, quo res lætior efficiatur. Quidam existimant vitæ tædio Hierosolymam petiisse; alii scripserunt, corpus à Mauris redemptum in Montaragonis cœnobio sepultum: atque eam cladem incurrisse, quod in templorum thesauros avidius involasset. Tametsi Rodericus Præsul, & Aragonii scriptores Alfonso Regi religionis, pietatis, & mansuetudinis laudem tribuunt. Vero propius est corpus nupquam inventum in tanto occisorum numero; ea varie opinandi occasio. Ad septimum Idus Septembris, anno millesimo centesimo trigésimo quarto insignis ea clades ad Sarinienam oppidum accepta est; magnus Imperator, animi vigore præstanti, atque eo seculo Christiani nominis decus & gloria, cum hoste novies, & vices signa contulit,

ut vetustus auctor affirmat, plærunque victor; regnavit annis triginta. Reliquit testamentum ante tres annos nuncupatum in ipsâ obsidione Bajonæ urbis, quam in extrema ora Galliæ expugnasse, etiam nostrates scriptores suspicantur. Petrus Lara Comes, ab Alfonso Jordano Tolosate, ex provocacione in singulari certamine, in ea obsidione peremptus est. In eo testamento templis, & monasteriis tota Hispania multa oppida, & arces legata: & cum prole careret, Templarii & Hospitalarii milites, præterea custodes sepulcri Hierosolymitani ex asse omnes, singuli ex triente ordines, regni hæredes scripti: exemplo liberalitatis, quod admirarentur posterii, improbarent æquales; sed tanti erat religionem Christianam bello amplificare: partumque in Syria imperium armis tueri: ut certatim viri, scēminæ, Principes & privati prædia, arces, oppida in sumptus bellicos suppeditarent. In extremo testamento diræ execrationes additæ, si qui evertere conarentur, quæ ipse sanxisset. Proceres Aragonii & Vascones concilio gentis indicto Borgiam frequentes conveniunt ad Vasconum fines. Petrus Atarius dono defuncti Regis eam urbem ditione obtinebat, summa vir nobilitate, regioque sanguinis innexus: ut nonnulli suspicantur, magis quam certo argumento confirmant, rebus gestis suæque virtute clarissimus. In hunc gentis studia inclinabant, videbaturque continuo Rex futurus, ni voluntates magnæ Principum partis fastu & arrogantia alienasset; gloriam & regnum, quæ ultro venissent, festinatior corrupit. Viri sapientes considerabant, qualis futurus esset accepta potestate, qui in privata fortuna intolerabilis esset; præcipuus aliorum incitator Petrus Tifonius, nobili loco, magnoque ingenio vir; hujus auctoritatem cum ceteri sequerentur, re infecta e conventu discessum est. Vascones externi imperii odio & jus semper fuisse cogitantes, ut quæ tyranni eripuissent, ea tyrannis eorumve successoribus interfectis ii, quibus erepta erant, recuperarent, sibi privatim consilium capiunt. Auctore Sanctio Rosâ Pompelonensi Episcopo, Garfias ex veteri Regum suorum sanguine Ramiri filius, nepos Sanctii Regis ejus quem à fratre

fratre Raymundo occisum fuisse dictum est, communi gentis suffragio Pompeione Rex est renunciatus. Econtrario Aragonii Montionem convenientes, Ramirum defuncti Regis fratrem, Regem jubent, quamvis monachum, & ex sancti Facundi Abbate primum Burgensem, deinde Pompelonensem, ac tandem Rotæ & Barbastri Præsulem nominatum. Oscæ regia insignia desumpsit, cum pontificiis insulis regni purpuram & diadema jungens; res omni tempore comparanda miraculo. Quod non magis studio gentis, quam necessitate factum arbitror, ad vitandos intestinos motus: cum ipse se ab obitu fratris Regem ferret; extantque veteres tabulæ, quibus Octobri mense proximo se Regem & sacerdotem nominat, Barbastri datæ. Ab his initiis commota populi studia non ante constiterunt, quam homo grandævus, qui ante quadraginta amplius annos in Tome-riensi cœnobio vestem mutarat, so-

bolis generandæ causâ, uxorem ducere compulsus est. Romani Pontificis venia (sic credimus) ut Rex, conjux, & sacerdos idem esset, impetratum. Agnes Guillelmi Pictavorum & Aquitanie Principis soror connubio juncta. Guillelmus hic post biennium Compostellæ defunctus est: quo se contulerat religionis procurandæ causâ. Alionora filia natu maxima ejus jussu, Ludovico Regi Gallie nupsit, cognomento Juniori; ex hoc conjugio duæ filie nate cum essent, lege propinquitatis conjugium diremptum est, Eugenii tertii Romani Pontificis auctoritate. Rex denuo Isabellam duxit Alfonso Castellæ Regis filiam. Alionora Henrico Duci Andium Normannieque juncta, Pictavorum & Aquitanie ad Angliæ imperium adjunxit; unde bella internecina inter eas gentes nata, funesta Gallie universæ, nomini Christiano exitialis sedæque.

C A P U T X V I

Nova in Hispania inter Christianos Reges Bella.

GARSIE & Ramiri Regum inaugurationem magni motus sunt consecuti; sava orta bellorum tempestas, & respublica quasi turbato mari navis, cum maxime viro & gubernatore opus habebat, tum maxime omni præsidio destituta erat, Garsie Regis imbecillitate, Ramiri senectute. Alfonso Castellæ Rex utrumque imperium ad se hæreditate devolurum prædicabat: juraque successione à Sanctio atavo Rege Vasconum cognomento Majori, haud incongrue repetere videbatur. Nam milites, quos Alfonso testamento hæredes nominarat, passim excludebantur, legibus vetanibus ad regni sùlligium admitti, nisi regia stirpe ortum. Hac à jureconsultis in otio disputabantur; potiora, ut fit, regnandi jura, quæ in viribus & potentia magna pars Principum ponit, penes Alfonso Castellæ Regem stabant; neque deesse poterant utriusque regni procerum studia in tanta voluntatum varietate. Itaque contractis undique copiis, ne occasione deesse videretur, in Rivo-

giam invecsus oppida & arces, quæ ab Alfonso vitrico Bilsorado Calagurrim usque per vim occupata erant, in potestatem redegit: Anagarum, Lugrunium, Arnedum, Vigueram, alique vicinis locis ignobiliora oppida. Inde transgressus in Cantabriam parte ea, cui Alavæ nomen est. Victoriæ circumfedit quidem, virtute tamen civium defensam expugnare non potuit; alia circum oppida subjugata: factumque ut utriusque regni ditionem Iberus amnis diceret. Magna inclinatio animorum facta erat: mulique tum reguli Regis castra sequebantur, tum Episcopi; in his Bernardus Seguntinus, Sanctius Anagari, Bertrandus Uxamæ. Mox in Aragoniam impetus factus, tanta festinatione, ut proximo Decembri mense omnem citra Iberum amnem Aragoniam tractum, armis præsidiiisque occupavit. Aderant Regi externa Principum auxilia: Raymundus Barcinonensis Comes, Ermengaudus Urgelitanus, Alfonso Jordanus Tolosus, Rogerius Fuxensis, Mirus Pal-

lenfis, aliæque magno numero proceres, in ejus se omnes clientela fore professi. Ramirus novi regni statu nondum confirmato, & in tanta consensatione provincialium viribus diffusis, Suprarbem petiit, locorum munitione regum nomen tutari constituens, & meliora tempora expectare, animo ad pacem sedulique faciendum propenso, honestum modo, & tolerabile. Odegarius Tarraconensis Præsul, præcipua vir opinione sanctitatis, sequestrum intermunciumque iis controversiis componendis sese offerebat; magno labore & conatu parum promovebatur: cum magnæ difficultates opponerentur, & neuter parte contentus esset, totum spe & cupiditate complexus. Garfias Vasco Alfonso potestati permittens se suæque, inito sodere in Castellam venit. Alfonso Legionem concilium haberi curat frequentissimum; affluere Garfias Rex Vasconum, Berengaria conjux, sororque Sanctia. In eo conventu omnium qui aderant consensu, imperii nomen Regi decernitur; qui Aragonios, Vascones, Catalaunos, Gallia partem vestigales beneficiariosque haberet, ei Augusti majestatem convenire. Toletanus Præsul coronam capiti imposuit; dextera lavaque Rex Vasco & Arrianus Legionensis Episcopus tenebant; accessit Romani Pontificis consensus, uti nostri scriptores affirmant, Innocentii eo nomine secundi scilicet: cum ea tempestate sacra Christianam gubernaret; quod admirari magis possum, quam credere, tantam injuriam irrogatam Germaniæ; nisi forte ægre iis Imperatoribus facere voluit, novo in Hispania Imperatore creato: cum toties Italiam vexassent, & sacrosanctum Pontificum majestatem contemptui habuissent. Legionem in D. Mariae ea caeremonia peracta primum, anno millesimo centesimo trigésimo quinto, ipso Pentecostis festo die: uti ejus ætatis scriptor ait, & acta ejus convenerunt declarant; deinde Toleti similis caeremonia peracta est, quo die & anno incertum: sed inde varis scriptorum opiniones natæ, quibusdam Toleti, aliis Legionem affirmantibus. Extat Toleti in scriniis urbis diploma ab Alfonso concessum: ubi primam imperii coronam Legionem accepisse se ait, nempe al-

tera Imperatorum Germaniæ emulatione Toleti suscepta. Inde inter Hispaniæ Reges huic uni Imperatoris cognomen vulgo datur: & Toletanae urbis insignia esse ceperunt, Imperatoris imago considentis habitu, aureaque veste, orbis effigiem sinistra, gladium districtum dextra tenentis; eidem Imperatoriae urbis nomen eo ex tempore confirmatum: ut per manus ducta opinione vulgo homines persuasum habent. Extant Joannis eo nomine secundi Castellæ Regis tabulae, quibus Toletum urbem Imperatoriam dicit. Extant D. Bernardi litteræ ad Sanctiam, quam sororem vocat Imperatoris Hispaniæ, præcipua foeminam pietate virginemque: cui frater à primo regni tempore, Reginae nomen & honorem participarat. Extant etiam Petri Cluniacensis ad ipsum Pontificem Romanum Innocentium secundum litteræ, hoc initio. „Imperator Hispanus „magnus Christiani populi Princeps, „devotus majestati vestræ filius. Rogat iis litteris ut Episcopum Salmantinum concedat Compostellam migrare, votis sacerdotum & populi expetitum. Berengarius is erat, in Didaci Gelmirii post quartum annum defuncti locum cooptatus, secundus ejus ecclesiæ Archiepiscopus. Sanctius & Ferdinandus à patre Imperatore Castellæ & Legionis Reges divisa ditione continuo designati, diutique exemplo, quod accusabatur semper, & semper usurpabatur; interea cum virorum sanctorum & procerum studia, pacis componendæ causâ non remitterent: multis ultro citroque concursationibus, convenit tandem, ut Alfonso & Garfias inter se colloquerentur, de re tota deliberaturi. Paradillia oppidum ad Iberi ripam situm Regum colloquio opportunum visum est; dies dictus quintus Kalend. Octobris. Affuit Berengaria Regina; pax ea lege facta: ut Garfias Casaraugustano regno donatus ditionem omnem Alfonso nomine obtineret, Castellæ stipendiarius factus: armaque & vires jungerentur adversus Ramirum Aragonum Regem: quem vitio creatum predicabant. Eo sodere Aragonii & Vascones commissi, gravia inter se damna intulerunt; utriusque ditionis fines belli

belli injuriis vexati. Proceribus & Episcopis utriusque gentis annitentibus ejus controversiæ componendæ studio, optimum fore visum est, ternos ex utraque gente judices dari. Caxalis, Ferricius Ofsensis, & Petrus Atarius ad Vadum longum (id vico nomen est) pro Aragoniis disceptarunt; pro Vasconibus Latro, Guillelmus & Simon Aznarî. Convenit ut utriusque regni ditionem iisdem finibus, quos Sanctius cognomento Major constituerat, deinceps ipsi terminarent. Sarasâsum, Ida, Arago amnes, limites designati quousque cum Arga flumine conjuncti in Iberum influunt. Roncavallis, Biosâlis, aliaque vicina oppida, tametsi ad Aragonios fines pertinebant, Garzia permissum, ut dum ipse viveret imperio retineret. Aragonio modo Regi fidem obligaret; regnum (quod Castellæ paulo ante promiserat) Aragoniis vœtigale obnoxiumque esset. Hujus fœderis confirmandi causâ, ab utroque Rege Pompelonem ventum est; factumque operapretium videbatur: cum rationes optime constitutas casus inopini turbavit. Enecus Ajuarius sive ex vero, sive pacis odio, Ramiro Regi denunciat insidias à Vasconibus ejus saluti parari; cum fides esset facta, Rex mutata veste, concubæ nocte Pompelone urbe egressus est; neque prius constitit, quam ad Leirense monasterium est ventum: unde majori offensâ quam cum venerat discessum est; & utrinque res ad bellum rursus spectare cœperunt omni concordiæ spe sublata. Ramirum ætatis despectu, studia Principum, sed & populi deferere videbantur: usque eo ut vulgo Regem cucullum aliisque probrosis cognominibus nominarent; genus hominum mobile, pervicax, neque beneficio neque metu coerceri poterat. Ergo Periandri Corinthii tyranni, & Tarquinii Romani Regis postremi exemplo repetito, facinus edidisse fertur posteris memorabile, homini sacro fœdum atque crudele. Ofsam ad regni conventus proceres advocat anno ejus seculi trigésimo sexto, quasi de rebus magnis deliberaturus; quindecim proceres, qui maxime infensi videbantur, in vestigio jugulandos curat, ex Lunæ familia quinque, reliquos

ex præcipua regni nobilitate; quorum nomina ut sigillatim prodantur, opus esse non arbitror. Tomeriensis Abbas, cum quo rcm omnem communicarat, consiliû auctor fuit. Per legatos enim roganti, ecquid sibi faciendum putaret in tanta rerum perturbatione, legatis præsentibus in horto summa caulium capita ferro dejecit: nihilque præterea aliud responsi dedit. Quæ verò de Ramiri ignavia supra fidem, supraque veritatem prædicantur: tam rudem eum, & ignarum belli fuisse, ut cum sinistra clypeum, dextra lanceam teneret, equi habenas mordicus regendas putaret, tanquam fabulas vulgi rejicimus. Convenit, inutilem rebus gerendis atque imparem regni oneri fuisse habitum; unde occasio fabulandi. Omnino genita filia, cui Petronillæ nomen fuit, cum neque sibi neque aliis satisfaceret, tædio victus non militaribus solum sed civilibus etiam abscedere muneribus certus Ofsæ, ubi regni conventus agitabat, animi sententiam coram explicavit, in unam curam conciliandi Alfonso Regis incumbendum decernens, de Vasconum injuriis ulciscendis mentio nulla præ pacis studio; & fortassis infidiarum illi crimen, quod erat impositum, competenter eluerat. Raymundus Barcinonensis concordiam ineundæ inter Castellanos & Aragonios præcipuus auctor extitit: cui magnæ cum utroque Principe necessitudines erant: & spes objiciebatur Aragonii regni potiundi Caxali viro primario internuncio. Alavona ad Iberi ripam supra Cæsaraugustam decem & sex millibus passuum situm oppidum, Regum colloquio designatum; dies dicta vigesima quarta Augusti; quo die Alfonso Castellæ Rege concedente Cæsaraugusta Aragonio imperio restituta est, rescisso nimirum eo fœdere, quod cum Garzia Rege Vasconum haud multo ante initum fuisse monstratum est. Calatajuba, Alavona, etiamque citra Iberum oppida Ramiro concedente retenta sunt; iis legibus inter utramque gentem concordia constituta. Cujus confirmandæ causâ Ramiri filia obles data, ut Sanctio Alfonso filio nuberet impetrari non potuit: cum Raymundo Barcinonensi pacta esset: quod Aragoniis rebus commodius fore vi-

debatur, propter ditionis amplissimæ vicinitatem: & quoniam ab Alfonso foronio nihil non impetraturus fore credebatur. Hæc eo celerius administrantur, quod Garfias Vasconum Rex bellum comparare nunciabatur, vir insigni animi magnitudine; qui adversus duorum præpotentum Regum arma, non tantum imperium novum tutatus est, sed etiam ditionis fines proferebat. Margaritam Rotronis Perticarum Comitis filiam uxorem habuit: & cum ea dotis nomine Tudelæ principatum. Itaque se Pompelone, Anagari, Alayæ, Vizcayæ & Guipiscolæ regnare publicis litteris affirmabat. Francorum vires multum contulerunt: cum Ludovicus Galliarum Rex novi Regis & infirmi patrocinium suscipere gloriosum sibi fore putaret; ad Gallurem & Cortes oppida, Castellæ & Vasconum castra collata: acie tamen dimicatum non est, cum utrique totius certaminis aleam subire formidarent; id vero propius quam quod fama tenuit, religioni id datum: cum per eos dies Christi Dei ad vitam reducis memoria anniversariis sacris celebraretur. Augusti die undecimo, eodem salutis anno millesimo centesimo trigesimo septimo, Raymundi Barcinonensis & Petronillæ infantis nuptiis pactis, Ramirus Rex regni curam & administrationem abdicat. Oscæ in D. Petri se abdit tranquillioris vitæ studio, retento tantum regio nomine, atque si quando uti vellet potestate. Qui arces & oppida prædiis toto regno obtinebant, jussu sunt in Barcinonensis verba

novo sacramento jurare; & quoniam in ea rerum perturbatione motuque viri principes pro se quisque, ut sit, Regi seni operam suam carissime venditarant, oppidaque & arces extorserant, prorsus ut regni viribus distractis dilaceratisque, regni majestas ad solum nomen redacta esse videretur: donationes tanquam iniquissimo tempore extortæ, novo decreto rescissæ: eæ præsertim, quæ post Barcinonensem Comitem generum ascitum concessæ erant. Vasconum imperium iisdem finibus describi mandatum: qui Pompelone in superiori fœdere designati erant. Raymundus regni cura suscepta, continuo ad Alfonso abiit. Carrione Vaccæorum oppido initæ paulo ante pacis conditiones ab utroque Principe retractatæ: datumque, ut omnem citra Iberum regionem Aragonii Reges obtinerent, quasi Castellæ stipendiarii. Itaque Octobri mense proximo, Raymundus Casaraugustam. inuestus, inter faustas populi voces patrem patriæ, & pacis ac felicitatis auctorem acclamantium, ejus urbis ac vero totius reipublicæ statum composuit, tranquillitatem fundavit. His rebus perficiendis, Guillelmi Raymundi Cataluniæ Senescali (nomen id potestatis erat & magistratus) pro ea auctoritate & gratia, quæ apud Ramirum Reges valebat maxima, opera præclara exitit; pro eo merito abs Barcinonensi Comite, Moncada municipio donatus est, Moncadarum familiæ nobilissimæ conditor, auctorque princeps.



CAPUT XVII.

Alfonfus Portugaliæ Comes, Rex proclamatur.

EX aliena perturbatione Lusitani augendi ditionem nomenque amplificandi occasionem nacti sunt. Alfonso Portugaliæ Comes non minus belli quam pacis artibus clarus, rempublicam illustrare, atque bonis omnibus augere, exornareque non desisteat. Conimbriæ S. Crucis nomine monasterium edificandum curavit, ipsiusmet olim sepulcro celebre. Leira oppidum, quod ea tempestate Mauris ereptum est, ei monasterio dono datum. Magnarum rerum hæc initia fuerunt; nam ejus seculi anno 1139, trigesimo nono contractis undique ex tota ditione copiis in Maurorum fines populabundus penetravit: Tagoque superato, Ismarem Maurorum Regem, qui ea loca imperio obtinebat, bello perit. In ea expeditione, priusquam ad manus deventum esset, Egas Nunnus Alfonsi nutritius, cujus consiliis eatenus respublica steterat, extinctus est. Portus urbe in Benedictinorum cœnobio, quod vulgo Sotã dicitur & sua ipse impensâ ab imo totum extruxerat, ejus & filiorum sepulcra monstrantur: Therasiæ uxoris in Serefedæ Cisterciensi cœnobio, octo à

Tom. I.

Lameco millibus passuum: quod ipsa etiam ædificandum curavit: utrumque (sic credimus) ex manubiis belli Maurici. Alfonsi conatu nunciato, Ismar quam maximos potest tota provincia delectus habet; quinque alii Maurorum reguli in auxilium evocati. Ea diligentia numerosus exercitus conflatur; utraque castra ad Castrum viride posita; vicina planities, cui Urichi nomen tunc fuit, nunc Regum capita vocatur, ad pugnam delecta. Rigat ea arva Chalybs, ex agro Pacensi corrivatis aquis ignobilis primum: inde sensim auctus in Salaciensem Oceani sinum elabitur navigiorum capax. Hostium multitudine cognita, initio Alfonso incipiti cura anxius erat; hinc magnitudo periculi obversabatur animo: inde ignominia, quam injuri nomini Christiano necesse erat certamine detrectando: contumeliamque ex ea re in victore exercitu remanere gravissimum judicabat. Vicit honesti cura: præsertim cum milites adeo bona spe pleni essent, ut altero ante pugnam die, octavo Kalen. Augusti, qui dies D. Jacobi memoria sacer est, ejus seculi anno trigesimo nono, Alfonsum in castris

Oooo o

castris magna latitiæ significatione Regem
proclamarint. Id incitamentum erat, ne à
turpi fuga collatum honorem auspicaretur.
Biduo elapso acies ad pugnam instructæ;
pauca pro tempore novus Rex locutus.
„ Verba, inquit, milites, fortio-
riorem neminem faciunt. Ducis
oratione excitati animi mox ad inge-
nium redeunt; quantam quisque vir-
tutem habet, talis in discrimine ap-
paret. Quo loco res sint æque me-
cum intelligitis; hostium multitudine
& locorum conditione, ignavis fugæ
locum sublarum; fortibus audacia pro
munimento erit. Quid turpius quam
in pedibus saluti spem eos ponere,
in quorum dextris sint arma? terga
hostibus deridenda præbere: quorum
illi vultum ferre vix poterunt, modo
metus facessat & ignavia? Qui vo-
bis animus sit, hæc alacritas ostendit;
mihi stat sententia, aut morte aut vic-
toria reipublicæ satisfacere: quorum al-
terius omen Deus avertat, alterum ut
contingat in vobis situm est. Adver-
sus toties victam perfidiam impietatem-
que pugnabitis; idem ergo illis & vo-
bis animus erit, qui victis & victori-
bus esse solet; humilis, formidolosus,
& ignavus hostibus: vobis excelsus
& alacer. A me certe non disciplinam
tantum, sed etiam pugnandi exempla
petite. Vos videre, ne regium no-
men ad ludibrium dedisse videamini.
Secundum hæc verba, pugnae signum
proponitur: signaque inferri mandatum;
idem hostes faciunt; pugnatur ab utrif-
que acriter, pro gloria pro salute, pro
imperio. Maurorum tandem multitudo
nostrorum virtute devicta est; magnus
ex iis numerus trucidatus; plerique cap-
ti; quinque regulorum signa in potesta-
tem venerunt. Ex eo Regum Lusitanie
insignia in clypeo cæruleo, quinque alia
scuta minora esse coeperunt; alias alii si-
gnificationes captant: & quinque Christi
Dei vulnera significari contendunt,
stulte scilicet & inaniter. Sanctii eo
nomine secundi Lusitanie Regis ata-
te, ad vetera insignia, castella circum
clypeum adjuncta: non eodem semper
numero, nunc septenario. Hæc fuit
illa pugna, tantopere Lusitanicis histo-
ricis celebrata: in paucis ea ætate me-
morabilis; unde brevi Lusitanie Re-

ges in magnam potentiam creverunt.
Regem ea victoria clarum victoræ tandiu
marris crimen obscurabat: & re cogni-
ta Romanus Pontifex Innocentius II.
qui per hæc tempora ecclesiam guber-
nabat, conatus est eum ab ea mente de-
ducere, cum matre reconciliata gratia.
Missus Conimbricensis Episcopus Ro-
ma cum amplissimis mandatis monere
Regem non destitit, ut filii officio erga
matrem senem defungeretur. Impium
videri non imperium tantum occupasse,
sed etiam libertatem eripuisse. Nullam
tantæ injuriæ inferendam satis honestam
asserri causam posse. Verum cum ad
has voces Alfonsi aures obscurassent,
Episcopus Conimbrica urbe sacrificiis
interdicta, ex Lusitania discessit. Rus-
sus Cardinalis quidam Roma ea de caus-
sa legatus nihilo meliora tulit; prorsus
ut regis minis coactus interdicti senten-
tiam, quo universam ditionem implicari,
retractarit. Manricus Lara ea tempestate
opibus & nobilitate clarissimus erat, be-
neficio Castellæ Regum Molinæ regulus;
hujus filiam Malfidam nomine Alfonsus
Lusitanus toro sibi jungendam curavit.
Nati ex eo conjugio sunt Sanctius, Urrt-
ca, & Theresia illa, quæ Philippo Flan-
driz Comiti nupsit olim; præterea furto
genitus filius alter, Petrus nomine in Al-
fonsi filiis numeratur. Peracta nuptia-
rum celebritate ad arma est recursum.
Scalabis ad Tagi ripam improvise oc-
cupata: cum ante lucem civibus in-
scius in urbem esset penetratum à no-
stris. Ex ejus belli manubus, Cisterciense
Alcobase cœnobium extractum:
quod votum ea Rex præteriens, si urbe
potitus esset, nuncuparat. Albohais
Almoravidum, & Abdelmon, Almoha-
dum (nova ea familia inter Mauros erat)
Reges, de Africa imperio summa con-
tentione decertabant. Id dissidium Mau-
ros, qui in Hispania erant, injuriæ op-
portunos præbebat: & magis stare vide-
bantur nostrorum cessatione, cum civi-
libus bellis aestuarent, quam sua ipsorum
virtute. Tanta otii copia, ut litterarum
studia diligenter colerent, quibus inter
arma locus non est. Cordubæ præser-
tim, urbe magnorum semper ingenio-
rum matre altriceque, viri hac tempesta-
te extiterunt, in omni philosophiæ parte
clari, atque præstantes. Avicena, quem
princi-

principi loco natum, ac Regis filium fuisse nonnulli disputant: negant alii fuisse Hispanum. Averrois clarissimus Aristotelis explanator, Avicennæ amulus: qui in libros Aristotelis de cælo commentaria scribere se ait, anno Arabum quingentesimo trigésimo, Christi nimirum millesimo centesimo trigésimo quinto extremo, is Arabum annus initium habuit: præterea Avenzoarius insignis studii mathematicos astrologique. Hæc Cordubæ. In Lusitania autem, nova expeditione Sintra municipium ad promontorium Ar-

tabrum, non procul ea parte, qua Tagus in Oceanum evolvitur, Alfonsi armis expugnatum est. Locus commotissimus erat propter vicinitatem maris. Itaque ex Gallia, Anglia, Belgioque Regis invitato validæ classis venerunt: prorsus ut externis copiis confirmatus Olisiponem eo tractu urbem amplissimam, Lusitaniæ principem circumferere non dubitaret; nobilissimæ hujus obsidionis exitum priusquam explicamus, ad intermissâ recurrendum est.

CAPUT XVIII.

Almeria à nostris expugnata.

DUM hæc in Lusitania geruntur, Vascones & Aragonii bellis civilibus æstuabant. Alfonsus Imperator belli & pacis in Hispania arbiter habebatur; duorum Regum, qui prior ejus amicitiam occupasset, in victoriam de adversario certo sibi pollicebatur. Itaque certatim ad id ab utraque gente concursum; prior Raymundus Barcinonensis novi regni cura suscepta, multique ex eo difficultatibus implicitus Alfonsi conciliandi, atque in partes alliciendi cupiditate, Carrionem Castellæ municipium se contulit; neque successus deuit: pro jure enim affinitatis, quæ inter utrumque Principem erat, haud ægre impetratum est, ut Cæsaraugusta, Turiaso, Calatajuba, Daroca, aliaque cis Iberum oppida Aragonii juris, quæ Castellanis præsidii tenebantur, Raymundo cederent tanquam Castellæ Regum stipendiario; de Rege Vasconum Garfia, qui frequentibus incurfionibus Aragoniam, Tudela Cæsaraugustam usque infestam reddebat, tum quidem mentio nulla: biennio tamen post, nimirum salutis anno millesimo centesimo quadragésimo, Raymundus iis injuriis provocatus, fretusque Alfonsi amicitia ad eum Carrionem rursus adiit; ubi Aragonios inter & Castellanos adversus Vasconum Regem Garfiam socius factum est: ex quo oppida, quæ Aragonii juris erant, & à Vasconibus obtinebantur, Aragoniis: quæ Castellæ ditioni erant detracta citra Iberum, cum fide, quamprimum communi hosti essent crepta, antiquis dominis reddenda erant.

Navarræ ipsius pars tertia Imperatori tribuebatur: duæ aliæ partes Raymundo stipendiarii nomine pactæ. Dirempto colloquio, quasi signo dato in bellum utrinque itum est. Raymundum aliæ curæ distinebant; primus ergo Alfonsus Imperator Burgos delatus, quam maximos potest tota provincia delectus habet: numerofoque exercitu conflato superatis Aucæ montibus in fines Navarræ irruit; major apparatus terrorque quam belli exitus fuit; missis ultro citroque legationibus, Præsulumque industria, qui utriusque Regis castra sequebantur, pax inter utranque gentem facta est; ad Iberi ripam, Calagurrim inter & Alfarum, ad colloquium ventum; affuit Berengaria Alfonsi uxor. In eo congressu non tantum concordia sancita, sed etiam pactis nuptiis firmata, Sanctum inter Alfonsi majorem natu filium, & Blancam Garfiæ Regis filiam, ob teneram quidem ætatem nuptui immaturam: ceterum ut fidei datæ obfesset, in focii potestatem continuo contraditum; ad nonum Kalend. Novembris socius factum. Mutatæ repente Alfonso voluntatis haud satis idoneam causam reperiēbam; libet tamen suspicari haudquaquam mentis instantia ingenique levitate factum: quid enim ea tempestate Alfonso gravius, quid sanctius? sed cum stultum fore judicaret Aragonios, qui negotiis aliis implicatos præsidii, aut nihil aut parum asserent, alieni periculi fructus integros referre: sibi privatim consilium cepit. Raymundum enim Barcinonensem domi,

Oooo o 2

foris

forisque gravissima curæ à cogitatione belli Navarrici avocabant. Primum Mauri communes hostes bello petendi erant. Itaque ad Cingæ amnis ripas Chalamera & Alcolea oppida barbaris crepta à Ducibus, qui Raymundi nomine limiti præfecti erant; deinde milites Hierosolymitani, qui regni jura ex Alfonſi Aragonii Regis non ita pridem defuncti testamento repetebant, aliqua ratione conciliandi. Veneratque ea de causa Raymundus militiæ D. Joannis Magister; quo agente convenit tandem, ut Casaraugustæ, Calatajuba, Oſcæ, Barbastri, & Darocæ, aliisque oppidis, quæcumque Mauris eriperentur, Hierosolymitani milites ex singulis religionibus, Christianis, Mauris, Judæis singulas familias subjectas haberent: eaque ipsorum auspiciis jussuque militarent; alii præterea reditus, opimæque prædia tota ditione data: unde magno quamvis numero milites vitam militiamque sustentarent. Jaccæ aliisque locis, domiciliis constituendis descriptæ designatæque aræ. Illud in primis est; cautum, ut Raymundo ipso sine prole defuncto, regnum rediret ad milites. Iis conditionibus pacificendis, retractandisque, aliquot anni elapsi: quas Guillelmus Patriarcha Hierosolymitanus caterique milites D. Joannis suo diplomate ratas Hierosolymæ habuerunt, ad quartum Kalend. Septembris salutis anno millesimo centesimo quadagesimo primo; accessit Fulconis Hierosolymitani Regis consensus, ac Hadriani tandem IIII. qui post aliquot annos Romanam ecclesiam regendam suscepit, approbatio. Eo federe Templarii etiam milites comprehensi: quibus quod æquior esset Raymundus, cum recenti memoria Raymundus Berengarius ejus pater eam militiam esset professus, plura attributa sunt. Montio aliaque oppida & arces magno numero donata: decima regionum vectigalium: quinta eorum quæ bello Mauricio quaesita essent: immunitate milites omnes donati: neque nisi eorum consensu, pacem genti cum Mauris fore conceptis verbis promissum juratumque. Hæc Gerundæ pacta conventaque, Guidone Cardinali Pontifici Romani Legato præsentate, disceptantæque, vigesimo septimo Novembris die, anno millesimo centesimo quadagesimo tertio. Excepit no-

vum bellum in Gallia adversus Baucios, familiam ea tempestate opibus & clientelis cum primis copiosam & validam. Raymundus Baucius Stephanie uxoris (quæ Aimilliani Comitis Gilberti filia erat, Dukis soror ejus, ex qua Raymundus & Berengarius nati sunt, ut est superius demonstratum) jura repetens Provincie principatus partem obtinere satagebat: sin minus jure judicioque, certe matre arbitro. Non deerant in provincialibus studia, cum externi Principis Berengarii imperium averſarentur: ac pro insita multitudine levitate, nova semper antiquis meliora fore sperabat. Bellum inchoatum Berengarii ætate, ejus morte adversus filium Raymundum Berengarium nomine amplius exarsit; mas pueri contemptui erat, imperii vires nondum confirmatæ: prorsus, ut Raymundus Barcinonenſis pueri propinqui, rebus cæteris prætermisſis, patrociniū suscipere non dubitaverit. Bellum acre fuit: seque Raymundus quo major esset auctoritas scilicet, Provinciam Marchionem dixit. Adversarii eo redacti, ut Raymundus Baucius paterna ditione ferme omni spoliatus, ultro Barcinonem veniens, Raymundi se suasque fidei voluntatique permisit. Pax inter utranque familiam æquis conditionibus facta: Baucioque restituta quæcumque belli injuria erant ablata; præterea Trencatium municipium ea lege datum, ut Provincie Comitum eo nomine stipendiarius esset. Iis difficultatibus negotiisque Raymundo distento, Garſias Valconum Rex occasionem tempusque nactus est sese amplius confirmandi; ac in primis Alfonso Imperatorem, penes quem rerum summa potestas erat, ut amplius devinceret, Urracam ejus ex impari matre filiam uxorem duxit. Anno millesimo centesimo quadagesimo quarto, octavo Kalend. Julii Legione nuptiæ regio apparatu celebratæ sunt: ludrica militaria commissa: agitati tauri: cæcis, galeis sudibusque munitis porcus occidendus obiectus, magno astantium plausu risuque: cum spe lucri prædæque inter se icu aberrante graviter quidem, sed citra noxam ferirent. Urracæ mater Gontroda fuit in Asturibus nobilissima: cujus ad Ovetum in Veguæ virginum cænobio, quod de suo extruxit, & ubi

vixit

vite reliquum exegit, sepulcrum cum inscriptione monstratur. Ex Garfia Rege & Urraca, Sanctia nata est ea, quæ Gastoni Bearnensi Vicecomiti nupsit primum: atque eo sine prole defuncto Petro Molina Comiti viro alteri Almericum peperit: qui consequenti tempore Narbonæ principatum tenuit. Interea Africa bellis civilibus tumultuabatur; in Hispania inter Mauros quidem gravissimi motus erant, factione triplici. Zephadola Rotæ regulus, quod oppidum ad Bætis ostium situm est, ex veteri Regum Maurorum sanguine, nostris favebat: eoque Duce Hispalim erat à nostris usque penetratum. Azuelis Cordubæ præfectus, Valentis Abengamia dissidebant inter se, meliora ferente Abengamia. Inter pios superiora bella cepisse finem videbantur. Raymundus tantum, & Garfias aliqua ratione conciliandi erant. Alfonsus Imperator, pro ea necessitudine quæ illi cum utroque erat, & ne præclara occasio bello petendi barbaros qui in Bætica late dominabantur efflueret, utrunque Principem in oppidum S. Stephani evocavit: ut mutuo colloquio pax componeretur; anno millesimo centesimo quadagesimo sexto, mense Novembri ad colloquium ventum est; pax quidem perpetua conciliari non potuit: induciæ tantum inter utranque gentem ut fierent imperatum; additumque ut quoniam Alfonsus de bello sacro cogitaret, atque in eam rem lætissimas copias paratas haberet, Garfias terra, Raymundus mari instructa valida classe, ejus conatus juvarent. Primo vere sequentis anni à tribus Regibus arma Bæticæ illata sunt; direpta oppida atque incensa; vastati agri, donec Cordubam ventum est, urbem in planicie ad Bætis ripam lautissimam, opulentissimamque, armis virisque potentem: ad hæc totius ferre Hispaniæ imperio, quam late barbari dominabantur haud multo ante maxime insignem; ager omni fertilitate terræ inter primos in Hispania. Hanc urbem Regis Marroci nomine Abengamia Præfectus obtinebat. Is tanto belli apparatu perterritus, urbem continuo dedit, paratus imperata facere; frumento, pecuniaeque nostros juvare. Templum maximum Raymundus Toleitanus Præsul Regis jussu ex Christiano

Tom. I.

ritu expiavit; urbi præsidium nullum impositum, ne dissipato exercitu vires minuerentur, cum tantum belli superesset; neque enim sine valida manu firmari poterat ob amplitudinem urbis: nec id virium erat, ut firmando præsidio & perficiendo bello satis esset; incustodita est relicta, nulla ex eo utilitate aut gloria. Abengamiae fides nova sacramenti religione obstringere visum est Alcorani contactu, (qua caremonia gravissimum ejus gentis more jusjurandum continetur) rempublicam Alfonsi nomine cum fide gubernaturum. Timor haud diuturni officii magister est. Itaque vix nostri ex ea urbe discescerant, cum Maurus præfectus datam fidem sefellit. Biatiani promota castra, quam in urbem Mauri ex tota provincia vires contraxerant, certi de rerum summa cum nostris dimicare. Res periculo proxima erat, Alfonsi animus de eventu sollicitus. Divi Isidori species per somnium oblata (sic fama est) nutantem confirmavit. Vanam visionem non fuisse rei eventus comprobavit; postero die totis utrinque viribus pugnatum. Mauri cæsi atque fugati; urbs dedita, atque mutato consilio, militari præsidio firmata: ne Cordubensium exemplo rebellare posset, neve à tergo hostile aliquid relinqueretur. Ejus urbis expugnatione Roderici Asagra, qui Stellum oppidum in Vasconibus obtinebat, virtus & diligentia maxime commendatur. Hujus filius Petrus Rodericus Asagra urbem Albarracinum primus imperio obtinuit. Almeria firmissima ea tempestate urbs ad Mediterranei maris litus sita in Bastetanorum & Bastulorum confinibus, antiquis Abdera seu Portus magnus, nostrorum armis petita est; eo copiis omnibus itum. Uno tempore Genueses, Barcinonensesque ita moderati cursum navium jussi, superato Charidemo promontorio classes ad urbem circumegerunt. Terra marique barbari impugnati: atque post aliquot eruptiones levissime prælia, in muro patefactus aditus, turreseque aliquot capte: unde per vim reliqua urbs expugnata est decimo sexto Kalend. Novembris anno millesimo centesimo quadagesimo septimo; viginti Maurorum millia, qui urbe capta in arcem confugerant, pretio vitam redimere compulsi; sic piratis perfrugium sublatum,

Pppp p

latum, unde finitimis longinquisque littoribus imminabant formidabiles Hispaniæ, Galliæ, atque Italiæ. Ea expeditionem maturandi præcipua causa fuit. Præda omnis militi distributa. Genuensibus præmium fuit vas smaragdeum insigni magnitudine: quod illi reliquæ prædæ præferendum tunc quidem iudicarunt, & nunc in thesauris servant. Tameñ alii scribunt in bello sacro Cæsarea expugnata in Syria inventum; & opinio est in eo Christum Deum, postremo cum discipulis cenatum, vulgi scilicet & sine auctore. Clemens Alexandrinus in vili catino cenasse ait. Anni tempus in hyemem præcipitabat; itaque milites reducti in patriam, non fructu victoriæ lætiores, quam ultione de barbaris sumpta. Validam Genuensium classẽ, qui mari ea tempestate late dominabantur, Raymundus Barcinonensis nactus paciscitur, ut in reditu operam adversus barbaros, qui Aragoniæ partem

& Baleares obtinebant, sibi navarent, tertiam eorum, quæ bello quæsitæ essent illis redditurum pactus; præterea in singulis oppidis, quæ capta essent, Genuensibus templum, forumque proprium. Denique negotiatoribus vestigalium immunitatem fore. Hoc præsidio, hisque opibus Dertusa urbs nobilissima expugnata est: quæ quoniam ad ostium Iberi sita est, subvectionibus ex mari, atque commercio commodissima erat; atque hæc sequenti anno gesta sunt. Tertio Ilerda Fragaque erepta Mauris, oppida nobilissima: alterum Julii Cæsaris olim victoria obsidioneque: alterum nuper Alfonsi Aragonii casu Ilerda Urgelitano Comiti quasi beneficiario data est, navaræ in eo bello operæ merces. Guillelmus Perefius Rotæ Præsul, Ilerdæ Episcopus est creatus, contributis Rota atque Barbastro; ipse & successores nonnulli Ilerdæ se, & Rotæ Episcopos vocabant.

C A P U T XIX.

Olisipo in Lusitania capta.

RES Maurica in præcipiti erat, Christianum nomen & gens reflorerebat in Hispania opibus, equis, armis, atque secundo victoriarum cursu; arces, oppida, & urbes passim à nostris carpebantur. Portus est maris media sere Lusitaniæ ora, quem Tagus in Oceanum mittens efficit, Favonio vento obiectus, angusto aditu atque impedito, spatiis latissimus; ad ripam huius portus, à Septentrione, Olisipo urbs totius Lusitaniæ nobilissima latissime fusa est; retro colles assurgunt molli ascensu. Hos urbis ædificia occupant, minori aliquanto latitudine, quam pro longitudinis modo; veterum murorum ambitus haud latissimus; suburbia latiora, nostra præsertim ætate: cum propter Orientis commercium multi mortales eo domicilium transulerunt; vici & plateæ enormes magna ex parte: quod inæqualitate locorum vitium contigit, & incuria ædificandi, præsertim rerum potentibus Mauris. Recentia ædificia viæque multo elegantiores. Cives honesti, mercatores copiosi, victus cultusque vitæ moderatus: ager præcipua bonitate: dextra lavaque pagi, villæ, ædificiaque collucet, regium

splendorem æmulantia. Eam urbem Alfonsus Lusitaniæ Rex, quoniam imperii Maurici arx & propugnaculum erat, expugnare cupiebat. Coranti vires decrant; externæ opes querenda: cum cæteri Hispaniæ Regis alii aliis bellis implicati essent; capto Sintra oppido, uti paulo ante dictum est, loci opportunitate invitatus, è Germania, Anglia, & Gallia Belgica classes magnis propositis præmiis ad belli societatem evocavit; magnum præsidium in mutua Principum & provinciarum benevolentia situm est. Itaque urbs validissima Alfonsi virtute, externisque opibus, eodem prorpsus mense quo Almeria in Bætica, capta est; classes ad portus aditum collocatæ, ne qua ad obfessos ex mari annona invehi posset. Nostrorum castra ad D. Vincentii: externorum eo loco posita, ubi deinde D. Francisci monasterium extructum est; quæ loca nostra ætate urbis amplitudine comprehensa sunt. Multa prælia vario eventu facta; nostri pro imperio, hostes pro salute enixe dimicabant. Urbis moenia multis partibus impugnata; ac tandem Crispini & Crispiniani festo die, cum prope spem impugnatio esset,

acie

acie instructa hanc Alfonso ad suos orationem habuit. „ Haudquaquam ad urbem unam oppugnandam adductos vos esse credite: sed in una urbe universam capietis Lusitaniam; hic pecunia hostium est: quæ nobis maximo usui erit ad bellum. Hic tormenta, arma, armamenta: hæc illis arx, hoc horreum, ærarium, atque rerum omnium receptaculum. Iidem hostes sunt, quos toties superioribus bellis profligastis; eadem virtute, & industria: nisi quod civium multitudo civilibus artibus, quam armis aptior est; ipsa se impedit in pugna. Milites in urbe pauci sunt: iique continuata quinque mensium obsidione, imminuti numero. Audete ergo vincere: supremoque impetu in urbis muros tot prostratos partibus irruite. Per rudera & strages lapidum penetrare: nullus erit, qui vestræ virtuti resistat. His dictis cum omnes una voce pugna signum poscerent, in urbem invaditur. Rex ipse, quod plurimum ad inflammandos milites valuit, testis, spectatorque virtutis cuiusque aderat; insignis pugna atque cruenta fuit; nostri muro succedere, atque in urbem irrumperæ conantur; obsessi omne genus tela jactabant: neque ullum frustra cadebat in tanta frequentia militum. Tandem refracta porta, cui Alfa-

mæ nomen est, in urbem irrumptur. Cædes magna fuit; supplices in servitum capti; præda militibus cessit, opinione major. Templum rite expiatum, Gilbertusque, externus quidem homo, cæterum eruditionis & opinione probitatis laude præstans, Episcopus creatur. Capta est urbs octavo Kalendi Novembris, alii duodecimo dicunt; omnino quo loco Regis castra erant; cœnobium Regis impensa ædificatum est S. Vincentii nomine: quem præcipua pietate colebat: & ut ex nomine victoriæ monumentum posteris esset. Externi milites magno numero, cum Lusitanie copias cultumque adamassent, atque aeris temperiem, hyemem egelidam, æstatem continuis ex mari ventorum flatibus mitem, in provincia domicilia constituere certi, patriamque mutare Lusitania: Alfonso Regis permisso, oppida Almadam, Villam viridem, Arrudam, Zambujam, Castaneram, aliaque condidisse memorantur. Rex victoria usus Alanquerium, Obidos, Eboram, Helbes, Muram, Serpam, Pacem Juliam, aliaque oppida & urbes toto eo tractu incredibili felicitate Mauris eripuit: prorsus ut Alfonso virtuti omnia prona esse viderentur. Verum hæc aliquot deinceps annis gesta sunt: nunc iter ad historię ordinem revocanda narratio est.

CAPUT XX.

Divi Eugenii corpus repertum.

Quo hæc tempore in Hispania gerantur, Eugenius eo nomine tertius Lucii secundi successor, domo Pisanus atque ex Cisterciensi familia, Romanam ecclesiam recte & prudenter gubernabat. Res piorum in Syria nutare videbantur, extincta magna ex parte martia Lotaringiæ sobole; ut enim fata quædam, sic hominum ingenia calo terra que, ac præcipue temporis longinquitate degenerant; circumfusi omni ex parte barbari rem Christianam in magnum discrimen adduxerant. Balduinus eo nomine. III. Fulconis filius, regnum haud magnis viribus potentiaque administrabat, imposito oneri impar propter imbecillitatem atatis. Eugenius Pontifex eo periculo provocatus, ac Christianæ

religionis amore succensus, in Galliam abiens Christianos Principes ad bellum sacrum excitare non desisteat. Conradum Imperatorem, & Ludovicum Galliarum Regem, ut cum lectionissimis copiis in Syriam proficisceretur, permovit; atque in eam rem intentus Remis urbe Galliarum Episcoporum ex toto orbe conventum indixit anno millesimo centesimo quadagesimo octavo. Ad eum conventum Raymundus Toletanus Præsul ex Hispania abiit. Lutetia Parisiorum in ipso itinere posita est. Eo cum pervenisset Dionysiacum templum, quod quarto ab urbe lapide in oppido ejusdem nominis situm est, D. Dionysii cineribus sacrum, & Regum Galliarum sepulcris nobile atque impeditum, invisendi studio abiit. Ibi dum

dum moles templi, & ornatum curiosius contemplatur: & singula diligenter perferatur oculis, atque considerat, forte an monitus animadvertit in sacello quodam hæc verba in marmore incisa. **HIC SITVS EST EVGENIVS MARTYR, PRIMVS ARCHIEPISCOPVS TOLETANVS.** Eam inscriptionem miratus primum, cum Eugeni memoria penitus in Hispania oblitterata esset; neque ullum tante rei præterea monumentum extaret, libros ejus templi, atque schedas veteres diligenter excussit: invenitque consentire omnia; atque ex ea re latina gestiens Remos ad Concilium abiit, solutoque conventu, atque iis rebus pro quibus venerat, ex sententia constitutis in Hispaniam tantæ rei latus nuncius reverit: Regique & procerum; atque adeo universæ gentis animos re nunciata, gaudio quam maximo cumulavit. Ita tunc quidem res habuit. Broniense monasterium in Gallia Belgica agro Namurcensi situm est, D. Petri nomine sacrum; ejus monasterii Benedictini, sodales D. Eugeni corpus pia fraude, an prece Gerardi funditoris Dionysiaci monachis extortum, Broniumque illatum affirmant anno nongentesimo vigesimo, ad quintumdecimum Kalend. Septembris. Nimirum parte concessa, totum abstulisse crediderunt. Consilia Toletum reducendi sacros Eugeni cineres agitari coepit, Re-

gina Berengaria atque Archiepiscopi conjuncta serme funera disturbarunt. Regina enim proximo anno millesimo centesimo quadragesimo nono defuncta est, atque in Compostellano templo, quod præcipua religione vivens coluerat, sepulta. Annum Reginae funere scædum magis insignivit sanguinis imber, quo in Lusitaniæ parte & ditione Maurorum pluit. Tertio anno salutis millesimo centesimo quinquagesimo; Augusti die nonodecimo, Raymundus Præsul longæva ætate, & longinqui itineris laboribus fractus decellit; in Toletano templo maximo sepultus fuisse, magis ex conjectura creditur, quam certo aliquo monumento confirmatur; successit in Archiepiscopatu Joannes magno animo & antiquæ probitatis vir. Sic in Castella res erant. In alia parte Eugenius Pontifex Alfonso Lusitano hoc tempore regium nomen, & auctoritatem rata habuit: & ejus exemplo post aliquot annos, Alexander eo nomine tertius diplomate, quod ab Alberto Cardinali, & S. R. E. Cancellario est promulgatum. Ab utroque Pontifice annum vestigal imperatum: ab Eugenio quidem quatuor auri pondo, ab Alexandro autem libra cum triente; quod tributum an primis temporibus Lusitania solverit in incerto est: nostra & majorum ætate immunis prorsus est habita.

FINIS LIBRI DECIMI.



A01 1475509